

國學基本叢書

春秋左傳詁

洪亮吉編註

商務印書館發行

中華民國二十三年三月初版

(一〇三六五)

國學基
本叢書
春秋左傳詁一冊

每冊定價大洋壹元貳角

外埠酌加運費匯費

編註者 洪 亮 吉

發行人 王 雲 五
上海河南路

印刷者 商 務 印 書 館
上海河南路

發行所 商 務 印 書 館
上海及各埠

* 版 翻 *
* 權 印 *
* 所 必 *
* 有 究 *

春秋左傳詁自序

余少從師受春秋左氏傳。卽覺杜元凱於訓詁地理之學殊疎。及長博覽漢儒說經諸書。而益覺元凱之注。其望文生義。不臻古訓者。十居五六。未嘗不歎漢儒專家之學。至孫炎薛夏章昭唐固之後。法已盡亡。自魏受禪。至晉平吳之歲。不及百年。戎馬倥偬。著書者漸少。輔嗣旣啓空疎之習。子雍復開飾僞之門。而孔門之弟子門人。一線相承。不絕如縷者。至此始斷而不克續矣。然又竊怪元凱雖無師承。然其時精輿地之學者。裴秀京相璠司馬彪之儔。尙布列中外。卽以訓詁論。左氏一經。陳元鄭衆賈逵馬融延篤服虔彭汪許淑潁容諸人之說俱在。倘精心搜探。參酌得中。何至師心自用。若此。豈平吳之後。位望旣顯。心跡較麤。又一時諸儒學淺位下。不復能駁難故耶。自此書盛行。千六百年。雖有樂遜序義。劉炫規過之書。不能敵也。况今日去劉炫等又復千載。其敢明目張膽。起而與之爭乎。然以後人證前人之失。人或不信之。以前人以前之人正前人之失。則庶可釐然服矣。於是冥心搜錄。以他經證此經。以別傳校此傳。寒暑不輟者又十年。分經爲四卷。傳爲十六卷。遵漢藝文志例也。訓詁則以賈許鄭服爲主。以三家固專門。許則親問業於賈者也。掇及通俗文者。服子慎之所注。與李虔所續者。截然。而兩徐堅初學記等所引可證也。地理則以班固應劭京相璠司馬彪等爲主輔。而晉以前輿地圖經可信者亦酌取焉。又舊經多古字古

音半亡於杜氏。而俗字之無從鈎校者。又半出此書。因一一依本經與二傳暨漢唐石經陸氏釋文與先儒之說信而可徵者。逐件校正。疑者闕之。大旨則以前古之人正中古之失。雖旁證曲引。惟求申古人之旨而已。無預焉者也。卷中凡用賈服舊注者曰杜取此。用漢魏諸儒訓詁者曰杜本此。用京相馬彪諸人之說者曰杜同此。以別之。書成。合爲二十卷。藏諸家藝。以教子弟焉。名爲春秋左傳詁者。詁古故字通。欲存春秋左傳之古學耳。時嘉慶十二年。歲在丁卯。立夏日也。

春秋左傳詁目錄

第一册

卷一

經隱公至莊公

卷二

經閔公至文公

卷三

經宣公至襄公一

卷四

經襄公二至哀公

卷五

傳隱公至桓公

卷六

春秋左傳詁 目錄

春秋左傳訪目錄

傳莊公至閔公

第二册

卷七

傳僖公一

卷八

傳僖公二

卷九

傳文公

卷十

傳宣公

第三册

卷十一

傳成公

卷十二

傳壽公一

卷十三

傳壽公二

卷十四

傳壽公三

第四册

卷十五

傳昭公一

卷十六

傳昭公二

卷十七

傳昭公三

第五册

卷十八

春秋左傳訪
目錄

春秋左傳註 目錄

傳昭公四

卷十九

傳定公

卷二十

傳哀公

春秋左傳詁

卷一

春秋經一

隱公

元年春王正月【詁】曷。子夏傳。元始也。

釋文。

賈逵左傳義云。公羊以魯隱公爲受命王。黜周爲二王後。名不

正則言不順。言不順則事不成。今隱公人臣。而虛稱以王。周天子在上。而黜公侯。是非正名而言順也。

如此何以笑。子路率爾。何以爲忠信。何以爲事上。何以爲法。何以爲全身。公羊疏二。服虔云。孔子作春秋。於春

每月書王。以統三王之正。本疏。三月公及邾儀父盟於蔑【詁】賈服以爲儀父。嘉隱公有至孝。謙讓之

義。而與結好。故貴而字之。善其慕賢悅讓。本疏。汲郡古文作魯隱公。及邾莊公盟于姑蔑。公羊經穀梁經

皆作盟于昧。公羊又作邾婁儀父。公羊凡邾字下。皆有婁字。陸氏音義云。漢書鄒陽傳作義父。顏師古曰。義讀

儀。按文七年先蔑。公羊作先昧。史記楚世家及風賈列傳。殺其將唐昧。正義。昧。呂氏春秋作唐蔑。與此

在。同。知古文昧。蔑通也。劉熙釋名。盟。明也。告其事於神明也。詩鄭箋。盟。歃血盟。鄒昭郡國志注。魯國下

臨。南有姑城。杜同此。夏五月。鄭伯克段於鄆【詁】馬融尚書注。克。勝也。漢書地理志。陳留郡。應劭曰。

鄭伯克段于備是也。按趙匡集傳云：鄆當作郟。鄭地在緱氏縣西南。至十一年乃屬周。左氏云：王取鄆，劉蕩邾之田於鄭是也。傳寫誤爲鄆字。今考杜注潁川鄆，陵縣既非。趙匡以爲當作郟，一無確據。又係改字，亦非也。惟應劭之說最足依據。儒縣前漢屬陳留，後漢屬梁國。作隨。陳留郡在春秋時大半屬鄭。且傳上云：至於廩延。杜注：廩延，鄭邑。陳留酸棗縣北有延津。廩延至隨，既屬順道。又渡河至共，亦便明克段之地。爲陳留縣無疑。

秋七月，天王使宰咺來歸惠公仲子之賵。【詁】賵，遠云。畿內稱王，諸夏

稱天王。夷狄稱天子。

穀梁疏：賵，遠春。秋三家經訓詁。

服虔云：咺，天子宰夫。周禮疏。

又云：賵，覆也。天王所以覆被臣子。

本春秋說題詞：賵之爲首覆也。御張揖廣雅釋詁：歸死者曰賵。按服氏訓：當與何休說合。觀休云：賵，猶覆也。

蓋謂覆被亡者耳。

九月，及宋人盟於宿。【詁】司馬彪續漢書：郡國志：東平國無驪，本宿國任姓。杜此

按司馬彪傳：彪撰續漢書，在武帝太始中，而預作經傳集解，則在太康時。預所採地理諸說，多與京相

璠司馬彪同。預雖與二人同時，或其書先出，且學又專門，故採用之也。

冬十有二月，祭伯來。【詁】穆

天子傳作鄆。云：鄆，鄆公邑。按僖二十四年傳：胙祭卽此。韋昭國語注：祭畿內國名，爲王卿士。杜此。

公

子益師卒。【詁】許慎說文解字：大夫死曰禭。从歹，卒聲。按經典皆作卒。蓋古文省。

二年春，公會戎於潛。

夏五月，莒人入向。【詁】世本：莒，已姓。今誤紀。漢書地理志：城陽國莒，故國。沛郡向

故國。春秋曰：莒人入向。姜姓。炎帝後。京相璠云：水經注：按下列向。沛國縣。今并屬臨國。龍亢也。杜同。

故國。春秋曰：莒人入向。姜姓。炎帝後。京相璠云：水經注：按下列向。沛國縣。今并屬臨國。龍亢也。杜同。

京相璠並同。

此。

無駭帥師入極。穀梁駭作倅後同。古今人表無作亡。【詰】賈逵云：極，潁邑也。本穀梁傳云：極，國也。按唐十二分野圖：極國

在冀西南。又高誘淮南子注：展無倅，柳下惠之父也。倅，駭。古字同。穀梁即作倅。秋八月庚辰，公及戎

盟於唐。【詰】郡國志：山陽郡方輿有武唐亭。杜同九月，紀裂繻來逆女。【詰】公羊穀梁並作肥，應綸

按肥紀字近，應綸裂繻音同。冬十月，伯姬歸於紀。紀子帛莒子盟於密。公穀並作紀子伯。【詰】郡國志：北

海國淳子有密鄉。杜同十有二月乙卯，夫人子氏薨。【詰】劉賈許穎云：日月詳者，弔贈備。日月略者

弔有闕例。說文：薨，公侯卒也。白虎通：薨之書奄也。奄，然亡也。釋名：諸侯曰薨，薨，壤之聲也。按小君得從

君例，故亦曰薨。鄭人伐衛。【詰】傳文及詩鄭箋有鐘鼓曰伐。杜本

二年春王二月己巳，日有食之。釋文：食，本或作蝕。【詰】說文：有，不宜有也。春秋傳曰：日月有食之。按有字从月，故

說文云：日月有食之。錢詹事大昕又云：日食者，月食之也。故說文連言日月。三月庚戌，天王崩。【詰】曲

禮：天子死曰崩。說文：崩，山壞也。釋名：天子曰崩，崩壞之形也。崩，礮聲。夏四月辛卯，君氏卒。公穀皆作尹氏。

秋武氏子來求購。八月庚辰，宋公和卒。冬十有二月，齊侯鄭伯盟於石門。【詰】京相璠云：石門，齊

地。今濟北盧縣故城西南六十里有故石門，去水三百步。水經按濟北盧縣春秋時即齊地。故京相璠

云云。杜注分爲二地，殊誤。癸未，葬宋穆公。公穀皆作穆。史記漢書亦同。【詰】按穆，古字通。禮喪服小記序以昭

穆，鄭氏注云：穆，讀爲穆。禮法布德執義曰穆。又中情見貌曰穆。

四年春王二月莒人伐杞取牟婁【詁】地理志陳留郡雍丘故杞國也杜本世本杞似姓疏本戊申衛州

吁弑其君完【詁】賈遠云弑君取國故以國書之疏按此二條亦春秋之始例正義言諸弑

君者莊公以上皆不書氏閔公以下皆書氏足申明賈義夏公及宋公遇於清宋人誤【詁】劉賈以

遇者用冬遇之禮本京相璠云今濟北東阿東北四十里有故清亭即春秋所謂清者也水經郡國志

東阿有清亭杜同宋公陳侯蔡人衛人伐鄭秋鞏帥師會宋公陳侯蔡人衛人伐鄭九月衛人

殺州吁於濮【詁】賈遠云濮陳地史記素隱漢書地理志東郡濮陽應劭曰濮水東入鉅野杜本冬

十有二月衛人立晉

五年春公矢魚於棠【詁】詩毛傳矢陳也賈遠云棠魯地陳魚而觀之史記魯世家毛傳及賈並本爾雅

釋詁文公穀作觀魚史記漢書五行志並作觀魚於棠杜取郡國志山陽郡方輿有武唐亭魯侯觀魚

臺杜同夏四月葬衛桓公秋衛師入鄭公羊鄭作盛後同【詁】郡國志濟北國成本國劉昭注左傳衛師

入鄭即此按前漢濟北國并泰山後漢和帝永元二年復置地理志泰山郡有肥成縣應劭曰肥子國

別無所謂成縣也疑郡國志成上脫一肥字昭遂誤以為春秋時鄭國耳水經注所稱京相璠云東郡

廩丘縣南三十里有成都故城魏王泰括地志鄭城在兗州泗水縣西北五十里山東圖經鄭國城在

汶上縣北三十里春秋時鄭子國若成後漢時作縣則杜注不當云東平剛父縣西南有鄭鄉矣然杜

以爲鄭鄉在剛父縣西南亦微誤。九月考仲子之宮。初獻六羽。【詰】服虔云：宮廟初成祭之名爲考。

將納仲子之圭。故考成以致其五祀之神以聖之。本。邾人鄭人伐宋。【詰】爾雅釋蟲：食苗心螟。

舍人云：食苗心者名螟。言冥冥然難知也。李巡云：食禾心爲螟。言其森冥冥難知也。杜本。按說文：螟，蟲

食穀葉者。與此微不同。冬十有二月辛巳。公子彊卒。宋人伐鄭。圍長葛。【詰】京地名云：長社北有

長葛鄉。水經注：郡國志：潁川郡長社有長葛城。杜同。此。

八年春。鄭人來渝平。【詰】公穀並作輸。按廣雅：輸，更也。輸，澗。古通用。爾雅及虞翻易注：渝，變也。釋文本：此。

桓元年杜注亦同。夏五月辛酉。公會齊侯盟於艾。秋七月。冬宋人取長葛。【詰】賈服以爲長葛

不繫鄭者。刺不能撫有其邑。疏。本。

七年春王三月。叔姬歸於紀。【詰】賈遠云：書之者。刺紀貴叔姬。本。滕侯卒。【詰】世本：滕，姬姓。文王子錯

叔繡之後。本。地理志：沛郡公丘故滕國。周懿王子錯叔繡所封。三十一世爲齊所滅。郡國志：沛國公丘。

本。滕國。杜本。按世本：錯叔繡文王子。左傳亦云：都雍曹滕。文之昭也。古今人表：滕叔繡在中上。注文王

子。獨此志謂出懿王。蓋傳寫誤一字。夏城中丘。齊侯使其弟年來聘。秋。公伐邾。冬。天王使凡

伯來聘。【詰】郡國志：河內郡共有凡亭。劉昭注：凡，伯國。按凡，汎。古字通。杜同。戎伐凡伯於楚丘以歸。

【詰】地理志：山陽郡成武有楚丘亭。杜本。此。

八年春宋公衛侯遇於垂【詁】京相璠云今濟陰句陽縣小城陽東五里有故垂亭者也郡國志濟陰郡

句陽有垂亭杜同三月鄭伯使宛來歸訪庚寅我入訪公穀皆作種下同漢書五行志亦作邠【詁】郡國志泰山郡費

有訪亭杜同夏六月己亥蔡侯考父卒【詁】五經異義稱古春秋左氏說諸侯薨赴於鄰國稱名則

書名稱卒卒者終也取其終身又以尊不出其國辛亥宿男卒秋七月庚午宋公齊侯衛侯盟於

瓦屋八月葬蔡宣公九月辛卯公及莒人盟於浮來公穀皆作包來【詁】郡國志琅邪郡東莞有

邪鄉有公來山或曰古浮來杜同螟冬十有二月無駭卒

九年春天王使南季來聘天王諸本誤作天子今從石經宋本改正三月癸酉大雨震電庚辰大雨雪挾卒公穀皆作俠夏

城郎秋七月冬公會齊侯於防公羊防作郚

十年春王二月公會齊侯鄭伯於中丘夏聲帥師會齊人鄭人伐宋六月壬戌公敗宋師於菅辛未

取郚【詁】郡國志濟陰郡成武有郚城杜同辛巳取防秋宋人衛人入鄭宋人蔡人衛人伐戴鄭伯

伐取之公穀皆作載釋文此亦作伐戴音再【詁】按說文戴字注云戴故國在陳留从邑戈聲杜本地理志云梁國留縣

故戴國應劭曰章帝改曰考城古者留載聲相近故鄭康成詩箋讀似載為熾舊是其音大同故漢於

戴國立留縣漢書五行志引作戴師古曰戴國今外黃縣東南戴城是也讀者多誤為載故隋室置載

州焉冬十月壬午齊人鄭人入郚

十有一年春，滕侯、薛侯來朝。【詰】干寶曰：十盈則更始，以奇從盈數，故言有也。本地理志：魯國薛、夏、車正

奚仲所國。此本世本。薛任姓。

夏公會鄭伯於時來。公穀皆作夏五月。【詰】按來釐音同。河南圖經：釐

城在滎澤縣東。

秋七月壬午，公及齊侯、鄭伯入許。【詰】地理志：潁川郡許故國，姜姓，四岳後，太叔所

封，二十四世爲楚所滅。此本杜本。

冬十有一月壬辰，公薨。

桓公

元年春王正月，公卽位。【詰】古文春秋經公卽位爲公卽立云。古位立同字。周禮按周禮小宗伯之職掌

建國之神位。鄭注故書位作立。鄭司農云：立讀爲位。惠棟云：古鼎銘位皆作立。三月公會鄭伯於垂。

鄭伯以璧假許田。【詰】糜信云：鄭以訪不足當許田，故復加璧。史記集解夏四月丁未，公及鄭伯盟於越。

秋大水。冬十月。

二年春王正月戊申，宋督弑其君與夷。【詰】賈氏以爲督有無君之心，故去氏。本疏及其大夫孔父。【詰】惠

棟云：孔父，孔氏之先也。傳曰：孔父嘉爲司馬，是嘉名。孔父字，古人稱名字，皆先字而後名。棘仲足是也。

鄭有子孔名嘉，說文曰：孔，从乙子，乙請子之候鳥也。乙至而得子，嘉美之也。古人名嘉，字子孔，說文此

訓。蓋指宋鄭兩大夫，故先儒皆謂善孔父而書字。杜注輒爲異說，不可從也。滕子來朝。三月公會

齊侯、陳侯、鄭伯於稷，以成宋亂。【詰】鄭衆服虔皆以成宋亂爲成就宋亂。本疏詩毛傳：成，平也。杜本夏

四月取郟大鼎於宋。戊申納於太廟。秋七月杞侯來朝。公穀皆作杞侯。蔡侯鄭伯會於鄆。賈服以鄆爲國。

晉蔡鄭會於鄆之國都。疏。本地地理志。南陽郡鄆故國。應劭曰。鄆。侯國。九月入杞。公及戎盟於唐。冬。

公至自唐。

三年春正月公會齊侯於贏。【詰】賈逵云。不書王。弑君易。訪田。成宋亂。無王也。元年治桓。二年治魯。十年

正曹伯。十八年終始治桓。疏。本地地理志。泰山郡贏。杜本。夏。齊侯衛侯皆命於蒲。【詰】郡國志。陳留郡長

垣侯國有蒲城。杜同。按徐堅初學記。引左傳文。并註云。蒲。寧殖邑也。或當是賈服舊註。六月公會杞

侯於鄆。公羊。杞。作盛。秋七月壬辰朔。日有食之。既。【詰】詩。鄭箋。既。盡也。杜本。公子翬如齊逆女。【詰】

賈逵云。使翬逆女。兼修艾之盟。例。九月齊侯送姜氏於謹。【詰】郡國志。濟北國蛇丘有下謹亭。杜同

按水經注。引此。卽作下謹。公會齊侯於謹。夫人姜氏至自齊。冬齊侯使其弟年來聘。有年。

【詰】賈逵云。桓惡而有年。豐。異之也。言有非其所宜有。本。穀梁宣十六年傳。五穀皆熟。爲有年。杜取

四年春正月公狩於鄆。【詰】爾雅釋天。冬獵曰狩。杜本。夏天王使宰渠伯糾來聘。【詰】膏肓何休。以爲

左氏宰渠伯糾父在故名。仍叔之子。何以不名。又仍叔之子。以爲父在。稱子。伯糾父在。何以不稱子。鄭

箴之曰。仍叔之子者。譏其幼弱。故略言子不名之。至於伯糾能堪聘事。私觀又不失子道。故名且字也。

杜略。惠棟云。渠。周邑。昭二十六年傳。劉子以王出次於渠。註云。周地。然則伯糾蓋氏於邑者。取此。

五年春正月甲戌己丑陳侯鮑卒夏齊侯鄭伯如紀天王使仍叔之子來聘穀梁作任叔葬陳桓公

城祝丘【詁】地理志東海郡卽丘孟康曰古祝丘邪國志琅邪國卽丘侯國故屬東海春秋曰祝丘

秋蔡人衛人陳人從王伐鄭【詁】服虔云言人者時陳亂無君則三國皆大夫也詩疏大雩【詁】賈逵

云言大別山川之雩蓋以諸侯雩山川魯得雩上帝故稱大本疏服虔註左傳云大雩夏祭天名雩遠也

遠爲百穀求膏雨也續漢書志注又云雩遠也遠爲百穀祈膏雨言大別山川之雩也禮記疏公羊凡雩

【詁】爾雅釋蟲蜚蠊蝻蝻蝻蝻杜本此冬州公如曹【詁】世本州國姜姓曹國姬姓文王子叔振鐸之後也

本疏服虔云春秋前以黜陟之法進爵爲公本疏地理志濟陰郡定陶故曹國周武王弟叔振鐸所封杜本此

六年春正月寔來【詁】惠棟云孔穎達曰凡言寔者已有其事可後實之今也方說所爲不宜爲實故轉

而爲寔訓之爲是也春秋桓六年州公寔來而左傳作實來是由燕趙之間實寔同音故字有異也按

註及孔疏寔當作實石經傳文作寔北宋本同誤也陳樹華云傳解經不容立異且公穀二家皆作寔

來寔訓爲是杜註乃云寔實也猶之隱六年經渝平傳曰更成杜獨訓渝爲變顯與傳違於義爲短又

按禮記大學引尙書秦誓是能容之是不能容是並作寔蓋文異而音義同也孔氏墨守杜說非是儀

禮觀禮註云今文實作寔故變文言寔來淳化本此寔字作實非按詩小星寔命不同毛傳寔是也韓

詩作實命不同夏四月公會紀侯於成穀梁成【詁】陸氏穀梁音義曰左氏作杞侯按三年書公會

杞侯于鄭則此處亦當作杞侯疑傳寫誤也。

秋八月壬午大閱【詁】賈註經曰簡車馬於廟也。公羊疏杜

取廣雅閱數也。蔡人殺陳佗。九月丁卯子同生【詁】墓士奇云穀梁子曰疑故志之按桓公三年

夫人姜氏至自齊十八年公與夫人姜氏遂如齊始與齊侯亂中間文姜未有如齊之事而於六年始

齊子同生明同爲桓公子此聖人筆削之微意莊四年冬公及齊人狩於禚齊有猶嗟之詩爲莊公狩

而作也其詩曰展我甥兮亦嫌文姜之亂而證其爲齊之甥夫子刪詩存之與書子同生一例公羊傳

曰同非吾子齊侯之子也名教大闕聖人於此安得而不慎乎知此則知聖人刪定六經之意矣三傳

惟穀梁得聖人之旨其真子夏之門人與冬紀侯來朝。

七年春二月己亥焚咸丘【詁】公羊傳焚者何樵之也樵之者何以火攻也。杜略按孟子弟子有咸丘蒙

當卽以地爲氏山東圖經咸丘在鉅野縣南夏穀伯綏來朝【詁】地理志南陽郡筑陽故穀伯國。杜本

此劉昭引博物志穀國今穀亭鄧侯吾離來朝。

八年春正月己卯烝天王使冢父來聘夏五月丁丑烝秋伐邾冬十月雨雪祭公來遂逆王

后於紀【詁】章昭國語註祭畿內之國周公之後圖經祭城在鄭州城東北一十五里周公第五子所

封五經異義稱左氏說王者至尊無敵體之義故不親迎使上卿迎之諸侯有故若疾病則使上大夫

迎之上卿臨之按隱元年有祭伯而此云祭公蓋伯係本爵入爲天子三公故又得稱公也。

【詁】古微書引春秋考異郵天火為災此杜本乙亥嘗【詁】服虔云嘗以壬申被災至乙亥而嘗不以災

害為恐本疏冬十有二月丁巳齊侯祿父卒宋人以齊人蔡人衛人陳人伐鄭公羊衛人在蔡人上

十有五年春二月天王使冢父來求車鄭康成儀禮士冠禮註作嘉甫三月乙未天王崩夏四月己巳葬齊僖公

五月鄭伯突出奔蔡鄭世子忽復歸於鄭許叔入於許公會齊侯於艾公羊艾作鄆穀梁作蒿邾人牟人

葛人來朝【詁】地理志泰山郡牟故國應劭曰魯附庸也陳留郡寧陵孟康曰故葛伯國今葛鄉是杜

此秋九月鄭伯突入於櫟冬十有一月公會宋公衛侯陳侯於袤伐鄭公羊宋公上有齊侯袤作侈【詁】按說

文移字註云春秋傳曰公會齊侯於侈蓋袤移本一字文之變耳又據說文則宋公上當有齊侯二字

十有六年春正月公會宋公蔡侯衛侯於曹夏四月公會宋公衛侯陳侯蔡侯伐鄭秋七月公至自

伐鄭冬城向十有一月衛侯朔出奔齊

十有七年春正月丙辰公會齊侯紀侯盟於黃【詁】按地理志東萊郡黃縣春秋時屬齊此盟於黃疑即

是二月丙午公會邾儀父盟於越【詁】說文越動也春秋傳曰盟於越越地名杜本此夏五月丙午

及齊師戰於奚公羊及石經本無夏字奚穀梁作即【詁】買服之義若登臺而不視朔則書時不書月若視朔而不登臺

則書月不書時若雖無事視朔登臺則書時書月禮記正義六月丁丑蔡侯封人卒秋八月蔡季自陳

歸於蔡癸巳葬蔡桓侯【詁】劉賈許曰桓卒而季歸無臣子之辭也蔡侯無子以弟承位羣臣無廢

主社稷不_レ乏祀故傳稱蔡人_レ嘉之非_レ貶所也_レ也_レ疏_レ及宋人衛人伐邾冬十月朔日有食之

十有八年春王正月公會齊侯於濼_レ【註】說文濼齊魯間水也春秋傳曰公會齊侯于濼按宋陸友仁云

濼水自王莽時不能至河四而濼水之所入者清河也杜註失之公與夫人姜氏遂如齊_レ與字_レ夏

四月丙子公薨於齊丁酉公之喪至自齊秋七月冬十有二月己丑葬我君桓公

莊公

元年春王正月三月夫人孫於齊_レ釋文_レ【註】賈逵服虔皆以爲桓公之薨至是年三月期而小祥公憂

思少殺念及于母以其罪重不可以反之故書孫于齊耳其實先在齊本未歸也_レ詩服云蓋桓公之喪

從齊來_レ同按杜注以夫人此時始出奔非是當以賈義爲長爾雅孫遁也廣雅孫去也_レ杜本夏單伯

送王姬_レ公穀送_レ秋築王姬之館於外_レ白虎通引作築王姬_レ觀於外_レ觀館古字通冬十月乙亥陳侯林卒王使榮叔來

錫桓公命_レ【註】爾雅錫賜也_レ杜本王姬歸於齊齊師遷紀邾鄆_レ【註】地理志瑯邪郡餅梧城水

經注作郡城地理風俗記曰朱虛縣東四十里有都亭城故縣也應劭曰臨胸有伯氏駢邑按駢卽餅

也邾餅駢古字同郡國志齊國臨胸有三亭古邾邑_レ杜並說文邾宋衛間地按杜注北海都昌縣西有

營城卽此鄆音同唐於都昌縣鄆城置營亭縣以此

二年春王二月葬陳莊公夏公子慶父帥師伐於餘丘秋七月齊王姬卒冬十有二月夫人姜氏

會齊侯於禚。公羊。禚作都。下四年。公穀並同。【詁】按論衡書虛篇亦引作都。禚部音同。據此則禚當即都國。說文所云

周文王子所封國也。與南部北都本別。劉炫雖杜亦然。乙酉。宋公馮卒。

三年春王正月。溺會齊師伐衛。夏四月。葬宋莊公。五月。葬桓王。秋。紀季以鄆入於齊。【詁】劉賈謂

紀季以鄆奔齊。不言叛不能專鄆也。本疏。賈遠以為紀季不能兄弟同心以守國。乃嘗兄歸。雖書以譏之。

後漢按說文。鄆。東海之邑。杜注云。紀邑。蓋取穀梁傳說。地理志。留川國東安平。孟康曰。紀季以鄆入於

齊。今鄆亭是也。杜本此。冬。公次於滑。公穀滑。皆作耶。【詁】郡國志。陳留郡襄邑有滑亭。杜同此。

四年春王二月。夫人姜氏享齊侯於祝丘。公穀皆作饗。釋文又云本或作會。三月。紀伯姬卒。夏。齊侯陳侯鄭伯遇於

垂。紀侯大去其國。六月乙丑。齊侯葬紀伯姬。秋七月。冬。公及齊人狩於禚。

五年春王正月。夏。夫人姜氏如齊師。秋。郟犁來朝。公羊作倪犁。【詁】世本。郟顏居郟。屬徒郟。宋忠注云。

郟顏別封小子肥於郟。為小郟子。冬。公會齊人宋人陳人蔡人伐衛。

六年春王正月。王人子突救衛。公穀皆作三月。夏六月。衛侯朔入於衛。秋。公至自伐衛。螟。冬。齊人來歸

衛俘。【詁】釋例云。齊人來歸衛寶。公羊穀梁經傳及左氏傳皆同。惟左氏經獨言衛俘考三家經傳有

六。而五皆言寶。此必左氏經之獨誤也。按說文。保。从人。保省聲。古文保不省。然則古字通用寶。或保字

與俘相似。故誤作俘耳。本疏。顏師古曰。經書齊人來歸衛俘。傳言衛寶。公羊穀梁經並為寶。杜預注云。疑

左氏傳經誤。按爾雅云：俘，取也。書序曰：遂伐三豎，俘厥寶玉。然則所取于衛之寶而來獻之。經傳相會，義無乖爽，豈必俘即是人。杜氏之說，爲不通矣。惠棟云：周書順命，陳寶赤刀，說文引作保，李氏鏡銘，明如日月世之保與寶同。

七年春，夫人姜氏會齊侯於防。

夏四月辛卯，夜，恆星不見。

穀梁夜，作昔。

【詁】詩鄭箋：恆，常也。

杜本此。

夜中星隕。

如雨。

公羊：隕，作賈。

【詁】服虔注：如，而也。

本疏見隱七年，杜取此。

按周禮大司樂正義引左傳作星賈而雨。

五行志曰：論如而也。

衛蕪增篇及說日篇兩引春秋，並作夏四月辛卯夜中恆星不見星賈如雨。

夫人姜氏會齊侯於穀。【詁】郡國志：東郡穀城，杜同。按晉移屬濟北國。

八年春王正月，師次於郎，以俟陳人蔡人。【詁】賈逵及說穀梁者，皆云陳蔡欲伐魯，故待之，何休服虔云：

欲共伐郎。杜取。按杜注云：期共伐郎。今考此年夏師及齊師圍郎，郎降于齊師。經文及傳，皆不及陳蔡。

知魯無期陳蔡共伐郎之事，當以賈說爲長。正義申杜，又云：陳蔡與魯境絕路遙，無緣伐魯。按既云境絕路遙，則魯無容約遠國伐近國。若云二國可共約伐郎，則郎與魯接壤，何爲獨不可伐魯乎。正義之

說，可謂進退失據矣。甲午治兵。公羊：作祠兵。夏師及齊師圍郎，郎降於齊師。公羊：郎，並作成。

秋，師還。冬十

有一月癸未，齊無知弑其君諸兒。別本弑作殺。今定从宋本。【詁】賈逵以爲弑君取國，故以國言之。本疏在

九年春，齊人殺無知。公及齊大夫盟於薛。公穀：薛，皆作暨。【詁】郡國志：琅邪國，薛有概亭。杜本：薛概同。

夏，公

伐齊納子糾。

公穀皆作納糾無子字。

【詁】賈逵云：不謂公子次正也。按正義則知賈氏本無子字，與公穀合。管子

作子糾，劉向新序淮南子並同。

齊小白入於齊。【詁】賈服以爲齊大夫來迎子糾，公不亟遣，而盟以

要之，齊人歸迎小白。

本疏

按賈服蓋尋釋經文得之，使齊大夫樂從于盟，并有成約，則公納子糾，不須言

伐，且下言齊小白入于齊，從國逆之文，明齊大夫不樂魯君要盟，因變計逆小白也。若如杜云：二公子

各有黨，迎小白者，又非盟既之人，則小白之入，與者牛不與者牛，又何得泛引國逆而立之曰入例乎。

入自矛盾矣。

秋七月丁酉葬齊襄公。

八月庚申及齊師戰於乾時，我師敗績。【詁】地理志：千乘郡

博昌時水東北至鉅定，入馬車濱幽州寢。京相璠云：今樂安博昌縣南界有時水，四通濟其源上出般

陽，北至高苑，下有死時中無水，爲春秋之乾時也。

水經注。杜同此。

九月，齊人取子糾殺之。【詁】賈逵云：傅子

者怒之。本疏按上經一本無子字，此始有之，故以爲怒。劉炫說與賈同，正義譏賈非是。

冬，浚洙。【詁】京

相服虔並言洙水在魯城北，浚深之，爲齊備也。水經按此則京杜皆用服說。

十年春王正月，公敗齊師於長勺。二月，公侵宋。三月，宋人遷宿。夏六月，齊師宋師次於郎，公敗宋

師於乘丘。【詁】

地理志：濟陰郡乘氏，應劭曰：春秋敗宋師于乘丘，是也。按張華博物志亦云：濟陰乘氏

侯國，古乘丘。杜注以爲泰山郡乘丘，恐非。小顏注地理志亦取杜說。秋九月，荊敗蔡師於莘，以蔡

侯獻舞歸。穀梁舞作武。

冬十月，齊師滅譚，譚子奔莒。【詁】說文：驪國也。齊桓公之所滅。按史記作鄆。徐廣

作讀蓋音同而誤。郡國志：濟南郡東平陵有譚城。杜同此。

十有一年春王正月。夏五月戊寅，公敗宋師於郟。【詰】接卽莊元年郟鄩郟之郟。說文云：宋魯閒地。杜直云魯地，亦誤。秋，宋大水。冬，王姬歸于齊。

十有二年春王二月，紀叔姬歸于鄆。夏四月，秋八月甲午，宋萬弑其君捷及其大夫仇牧。【詰】賈氏

以爲宋萬未賜族。本疏又賈氏云：公羊穀梁曰：接，公羊惠棟曰：捷與接，古字通。易晉卦曰：晝日三接。鄭注

曰：接，勝也。禮內則：接以太牢。注云：接讀爲捷，捷勝也。音義並同。今按正義讀賈云：傳曰：南宮長萬，則爲

已氏南宮，不得爲未賜族。今考春秋時族有不由君賜者，如士會之孿，處秦者爲劉氏，伍員之子在齊

爲王孫氏，外傳知果自別其族爲輔氏，則南宮之族或因所居之地以自稱，非由君賜亦未可知。卽如

襄仲居東門，故曰東門氏，亦非君賜，是其一證。又賈於前年乘丘之役，南宮長萬下，卽注云：南宮氏，萬

名是非不知萬氏南宮，而此云未賜族者，蓋以南宮賈非君所賜氏故耳。正義每申杜駁賈，並無義理，

均所不取。冬十月，宋萬出奔陳。

十有三年春，齊侯宋人陳人蔡人邾人會於北杏。穀梁：齊侯。【詰】賈服說北杏之會，邾時已得王命。本疏

按經書邾人始此，故賈服云然。十六年邾子克卒，杜注云：邾子者，蓋齊桓請王命以爲諸侯，再同盟，亦

用賈服說也。夏六月，齊人滅遂。【詰】世本遂，媯姓，地理志：泰山郡蛇丘隱鄉，故隱國。杜同。京相璠曰：

遂在蛇丘東北十里。水經注。按蛇丘東北無城，以擬之東北，當作西北。杜注承京相之誤也。 秋七月。

冬公會齊侯盟于柯。

十有四年春，齊人陳人曹人伐宋。夏，單伯會伐宋。 秋七月，荆入蔡。 冬，單伯會齊侯宋公衛侯鄭伯

于鄆。史記齊世家。鄆，音甄。【詁】韋昭齊語注引作會于鄆。舊音云：內傳作甄。水經注亦作甄。地理志：濟陰郡有鄆

城。杜同此。按三國魏時，鄆城始移屬東郡。

十有五年春，齊侯宋公陳侯衛侯鄭伯會于鄆。夏，夫人姜氏如齊。 秋，宋人齊人邾人伐鄆。公羊傳：邾，作兒。

【詁】說文云：鄆，齊地。春秋傳曰：齊高厚定鄆田。按鄆後為齊所并，故云齊地。 鄭人侵宋。 冬十月。

十有六年春，王正月。夏，宋人齊人衛人伐鄭。 秋，荆伐鄭。 冬十有二月，會齊侯宋公陳侯衛侯鄭伯

許男滑伯滕子同盟於幽。公穀：許男下皆。【詁】按成公十三年，殄滅我費滑，即此。故杜注言滑國都費

也。 邾子克卒。

十有七年春，齊人執鄭詹。公羊：詹，作瞻。下同。夏，齊人殲于遂。公羊：殲，作戮。【詁】說文：殲，微盡也。春秋傳曰：齊人殲于

遂。杜本地理志：隧，鄭故隧國。春秋曰：齊人殲于隧也。 秋，鄭詹自齊逃來。 冬，多麋。

十有八年春，王三月，日有食之。 夏，公追戎于濟西。【詁】服氏云：桓公為好莊公，獨不能修，而見侵濟西。

魯地。周禮：京相璠曰：濟水自鉅野至濟北。水經注。 秋有蜚。【詁】說文：蜚，短狐也。似鼯，三足。以氣射害。从

蟲或壁。或又從國。按諸本。狐。又作狐。與漢書五行志同。師古注。即射工也。亦呼水弩。尋文義。是當作狐。矢之弧。又按漢舊儀云。蟻。鬼也。魃與域。古字通。釋文。本短狐。又作斷狐。冬十月。

十有九年春王正月。夏四月。秋。公子結媵陳人之婦于鄆。遂及齊侯宋公盟。夫人姜氏如莒。冬。

齊人宋人陳人伐我西鄙。【詰】章昭國語注。鄭邊邑也。杜本此。

二十年春王二月。夫人姜氏如莒。夏。齊大災。秋七月。冬。齊人伐我。伐我。殺梁作。

二十有一年春王正月。夏五月辛酉。鄭伯突卒。秋七月戊戌。夫人姜氏薨。冬十有二月。葬鄭厲公。

二十二年春王正月。肆大眚。【公羊傳】賈逵以文姜爲有罪。故赦而後葬。以說臣子也。魯大赦國中罪。

過。欲令文姜之過。因是得除。以葬文姜。本按賈依文爲訓。文姜薨在去年七月。至十一月。卽當葬。乃遲。

至七月之久。此數月中。國又無大事。明文姜得罪先君。國人所知。非因肆赦。不可蕩滌。故賈云然耳。正義說非。

癸丑。葬我小君文姜。陳人殺其公子御寇。公毅皆作禦。夏五月。秋七月丙申。及齊高。

僖盟于防。冬。公如齊納幣。

二十有三年春。公至自齊。祭叔來聘。夏。公如齊觀社。公至自齊。荆人來聘。公及齊侯遇于穀。

蕭叔朝公。【詰】地理志。沛郡蕭。故蕭叔國。宋別封附庸也。按蕭宋附庸。杜注似以爲魯附庸。非。秋。

丹桓宮楹。【詰】說文。楹。柱也。春秋傳曰。丹桓宮楹。杜本此。冬十有一月。曹伯射姑卒。十有二月甲寅。

公會齊侯盟于扈【詁】郡國志河南尹卷有扈城杜同此

二十有四年春王三月刻桓宮桷【詁】說文桷椽也椽方曰桷又齊魯謂之桷春秋傳曰刻桓宮桷服虔

注曰桷謂之椽椽椽也按國語注唐固云桷椽頭也韋昭謂桷一名椽杜曰椽椽也蓋亦取說文椽方

曰桷之義葬曹莊公夏公如齊逆女秋公至自齊八月丁丑夫人姜氏入戊寅大夫宗婦

覲用幣【詁】賈云宗婦同姓大夫之婦詩疏杜取此大水冬戎侵曹曹羈出奔陳赤歸于曹【詁】

賈遠以爲羈是曹君亦是戎之外孫故戎侵曹逐羈而立赤本公穀以爲赤蓋郭公以赤歸于曹郭公

連爲一句又穀梁言郭公名赤失國而歸于曹同上郭公【詁】按郭國不見於春秋考僖二年晉代虢

公羊傳作郭戰國策亦同又昭元年會于虢穀梁亦作郭周書王會解郭叔掌爲天子棗幣焉孔晁注

郭叔虢叔是虢郭音近義通此郭公即虢公虢爲公爵書注亦合虢公下必繫以事而史闕之否則虢

公林父或於是年卒也又按士蔣使殺羣公子而城聚處之卽在此後一年考之史記晉世家於此年

書羣公子既亡奔虢夫云既亡則亡在此年之前可知又云虢以其故再伐晉不克下二十六年傳秋

又侵是此數年中虢晉正交兵非無事可書又甚明但不敢縣斷故附記於此史記索隱曰虢後改稱

郭非是李善稱高誘戰國策注郭古文虢字也姓羈周文王季弟虢叔受封於虢或曰郭公因以爲氏

公羊傳曰虢謂之郭聲之轉也又其顯證

二十有五年春，陳侯使女叔來聘。夏五月癸丑，衛侯朔卒。六月辛未朔，日有食之。鼓用牲于社。【詰】

春秋大傳曰：天子之國有禘社，東方青，南方赤，西方白，北方黑，上方黃。故將封於東方者取青土，封於南方者取赤土，封於西方者取白土，封於北方者取黑土，各取其方土，裹以白茅，封以爲社。此始受封於天子者也。此之謂主土。主土者，大社以奉之也。胡三省通鑑注。伯姬歸于杞。秋大水，鼓用牲于社于門。冬，公

子友如陳。

二十有六年春，公伐戎。公羊無春字。夏，公至自伐戎。曹殺其大夫。秋，公會宋人、齊人、伐徐。【詰】地理志

臨淮郡徐故國，盈姓。至春秋時，徐子章禹爲楚所滅。冬十有二月癸亥朔，日有食之。

二十有七年春，公會杞伯姬于洮。夏六月，公會齊侯、宋公、陳侯、鄭伯、同盟於幽。秋，公子友如陳葬原

仲。冬，杞伯姬來。莒慶來逆叔姬。杞伯來朝。公會齊侯於城濮。【詰】賈逵云：城濮，衛地。杜取此。

二十有八年春，王三月甲寅，齊人伐衛，衛人及齊人戰，衛人敗績。夏四月丁未，邾子瑄卒。秋，荆伐鄭。

公會齊人、宋人救鄭。冬，築郟。公穀皆作築微。【詰】水經：濟水逕微郟東。注云：卽春秋之郟。京相璠曰：公羊

傳謂之微。在東平壽張西北三十里有故微郟。魯邑也。杜本璠曰：微子國。路史按：水經注引杜注云：有微

子冢。今注無之。惠棟云：公羊釋文云：築微。左氏作樂。樂古文眉。眉與微古今字。特性饋食禮。眉壽萬年。

鄭注：古文眉爲微。大無麥禾。【詰】服虔云：陰陽不和，土氣不養，故禾麥不成也。傳言饑而經不書者。

得齊之糴。救民之急。不至於饑也。疏臧孫辰告糴于齊。【詁】何休公羊傳注。買穀曰糴。服虔云。不言如重穀急辭。以其情急於糴。故不言如齊告糴。乞師則情緩於糴。故云如楚乞師。疏服又云。無庭實也。禮疏。

二十有九年春新延廡。【詁】劉賈云。言新有故木。言作有新木。延廡不書作所用之木。非公命也。疏按據

此則經文缺作字可知。夏鄭人侵許。秋有蜚。冬十有二月紀叔姬卒。城諸及防。【詁】賈逵云。

言及先後之辭。疏地理志。琅邪郡諸。杜本

三十年春王正月。夏次於成。師次于成。秋七月齊人降鄆。【詁】劉賈依二傳。以為鄆。紀之遺邑。按說

文。鄆。紀邑也。與賈說同。杜注。鄆。紀附庸國。今考紀在春秋時甚微。疑不得有附庸。又紀侯去國至此已

二十七年。不得有附庸獨存。杜注。蓋非也。郡國志。東平國無鹽有章城。杜同八月癸亥葬紀叔姬。

九月庚午朔日有食之。鼓用牲於社。冬公及齊侯遇于魯濟。齊人伐山戎。【詁】服虔云。山戎北狄。

蓋今鮮卑也。史記集解

三十有一年春築臺于郎。夏四月薛伯卒。築臺于薛。六月齊侯來獻戎捷。【詁】說文。捷。獵也。軍獲

得也。春秋傳曰。齊人來獻戎捷。秋築臺於秦。【詁】郡國志。東平國范有秦亭。杜同冬不雨。

三十有二年春城小穀。【詁】穀梁云。魯邑。范寧注。小穀。魯地也。賈逵云。不繫齊者世其祿。疏郡國志。東郡

穀城春秋時小穀杜同圖經曲阜西北有小穀城桂腹云水經注所稱小城正在曲阜西北漢以項羽

顯示魯人而葬羽於小穀其地去魯城當不遠夏宋公齊侯遇于梁丘杜同郡國志山陽郡昌邑有

梁丘城杜同秋七月癸巳公子牙卒八月癸亥公薨于路寢冬十月己未子般卒公毅皆作乙未子般史記

作子班師古漢書注般與班同公子慶父如齊狄伐邢杜本地理志趙國襄國故邢

卷二

春秋經二

閔公

元年春王正月齊人救邢夏六月辛酉葬我君莊公秋八月公及齊侯盟於落姑公毅皆作洛姑季子

來歸冬齊仲孫來

二年春王正月齊人遷陽杜地理志東海郡都陽應劭曰春秋齊人遷陽是城陽國陽都應劭曰齊人

遷陽故陽關是案城陽國陽都故城在今沂州府沂水縣西南都陽故城後漢書注云在承縣南則亦

在今嶧縣西南矣二縣相去實不過二百里郡國志琅邪國有陽都云故屬城陽而東海之都陽已省

疑兩縣已并作一地故應劭云然錢大昕考異亦疑都陽侯國係城陽戴王之子當日或即割陽都之

鄉爲侯國。本非兩地也。今考都陽陽都爲一爲二。尙未可知。而爲齊人遷陽之陽則無疑義。杜既不注所在。而正義又云世本無有陽國。不知何姓。按禮記坊記陽侯殺繆侯而竊其夫人。淮南王書汎論訓

繆侯作繆侯。高誘注。繆侯。皋陶之後。偃姓之國。鄭康成注。既云陽繆同姓國。則陽侯亦偃姓可知。正義

云不知何姓。實亦未深攷也。夏五月乙酉。吉禘於莊公。【詁】賈逵云。禘者。遍也。審諦昭穆。遷主避位。

孫居王父之處。宋本禮記疏。按王肅聖證論引賈逵說並同。杜取此。秋八月辛丑。公薨。九月。夫人姜氏孫

于邾。【詁】賈服之說皆以爲文姜殺夫罪重。故去姜氏。哀姜殺子罪輕。故不去姜氏。本公子慶父出

奔莒。冬。齊高子來盟。十有二月。狄入衛。【詁】賈逵云。不與夷狄得志于中國。詩疏。鄭棄其師。

僖公。史記漢書皆作僖。師古曰。釐。釐曰僖。

元年春王正月。齊師宋師曹師。別本誤作曹伯。惟石經作曹師與公穀合。今據改。次于聶北。救邢。【詁】說文。聶。多言也。从品相

連。春秋傳曰。次于聶北。讀與聶同。按今本作聶。因聲近而轉。賈服以爲此言次于聶北救邢。與襄二十

三年叔孫豹救晉。次于雍榆。二事相反。此是君也。進止自由。彼是臣也。先通君命。本郡國志。東郡聊城

有夷儀聚。有聶威。按夷儀聚卽下文邢所遷。聶威卽此聶北也。夏六月。邢遷於夷儀。公羊。作陳儀。齊師宋

師曹師城邢。秋七月戊辰。夫人姜氏薨于夷。齊人以歸。按唐石經作齊人以尸歸。尸字是後人增入。不足據。楚人伐鄭。八

月。公會齊侯宋公鄭伯曹伯邾人於榿。公羊。榿。作打。九月。公敗邾師于偃。公羊。偃。作纒。冬十月壬午。公子友

帥師敗莒師於鄆。公羊。鄆作墮。作麗。殺梁。作麗。獲莒挈。諸本並誤作挈。今改正。傳亦同。十有二月丁巳。夫人氏之喪。至自齊。【詰】賈

遠云。殺子輕。但貶姜。本疏。

二年春王正月。城楚丘。【詰】賈遠云。楚丘。衛地。史記。秦隱。夏五月辛巳。葬我小君哀姜。虞師晉師滅下陽。

公穀皆作夏陽。汲郡古文作下陽。【詰】郡國志。河東郡大陽。有下陽城。杜同。秋九月。齊侯宋公江人黃人盟於貫。公羊。作盟於貫。澤。劉向。新序亦引作貫。澤。【詰】賈遠云。江黃稱人。刺不度德善鄰。恃齊背楚。終爲楚所滅。本地地理志。汝南郡安陽。應劭曰。故江國。今江亭是。杜本。鄆道元云。貫城在蒙縣西北。杜預以爲貫也。云貫貫字相似。冬十

月不雨。楚人侵鄭。

三年春王正月不雨。夏四月不雨。【詰】賈遠取穀梁以爲。既日歷時而言不雨。文不憂雨也。不憂雨者。無志于民也。晉僖有憂民之志。故每時一書。文無憂民之志。是以歷時總書。本疏。徐人取舒。【詰】地理志。

臨淮郡徐故國。盈姓。廬江郡舒故國。杜本。按玉篇引傳文及注。並作郟。說文。郟地名。从邑舍聲。不言所在。知郟舒古字同也。

六月雨。秋齊侯宋公江人黃人會於陽穀。【詰】郡國志。東平國須昌有陽穀城。杜同。冬。公子友如齊。洩盟。公穀。洩皆作蒧。【詰】按洩從說文當作蒧。玉篇蒧與洩同。儀禮鄭注。洩。臨也。杜本。楚人伐鄭。

四年春王正月。公會齊侯宋公陳侯衛侯鄭伯許男曹伯。侵蔡。蔡潰。遂伐楚。次于陘。【詰】賈遠云。民逃其

春秋左傳詁 一 春秋經二

二十五

上為潰也。史記集解。郡國志。汝南郡召陵有陘亭。杜同。夏許男新臣卒。【詁】賈逵云：不言卒于師，善

會主加禮。若卒于國本。楚屈完來盟于師。盟于召陵。【詁】公羊傳曰：屈完者何？楚大夫也。何以不稱

使，尊屈完也。曷為尊屈完？以當桓公也。服虔取以為說本。服又云：來者外楚也。嫌楚無罪，言來以外之。

上地理志：汝南郡召陵。師古曰：召，讀曰邵。按水經注引此，即作邵陵。杜本。齊人執陳轅濤塗。公穀：轅

濤，陳大夫也。齊桓公欲徑陳，陳不果納，執轅濤塗。後漢書袁術傳：袁氏出陳，為舜後。注云：陳大夫轅濤塗，袁氏其後也。袁轅古字同。秋

及江人黃人伐陳。八月，公至自伐楚。葬許穆公。公羊：穆，公羊穆。冬十有二月，公孫茲帥師會齊人、宋人

衛人、鄭人、許人、曹人侵陳。公羊：茲，作慈。下同。

五年春，晉侯殺其世子申生。杞伯姬來朝。其子。歸甯朝。其子猶言其子朝。【詁】按公羊傳曰：其言來朝

子何？內辭也。注云：據徵者不當書朝。連來者，內辭也。是公羊作一句讀。夏，公孫茲如牟。公及齊侯

盟。宋公陳侯衛侯鄭伯許男曹伯會王世子於首止。首，戴下。同。秋八月，諸侯盟於首止。鄭伯逃歸，不

盟。楚人滅弦。弦子奔黃。【詁】地理志：江夏郡。本弦子國。杜本。九月戊申朔，日有食之。冬，晉人

執麋公。

六年春王正月。夏公會齊侯宋公陳侯衛侯曹伯伐鄭。圍新城。【詰】地理志：河南郡密。此本師古曰：卽

春秋僖六年圍新密者也。秋楚人圍許。諸侯遂救許。冬公至自伐鄭。

七年春齊人伐鄭。夏小邾子來朝。鄭殺其大夫申侯。秋七月公會齊侯宋公陳世子款鄭世子華

盟于寧母。穀梁甯作寧。釋文甯母如字。又音無。公羊穀梁亦兩音。按石經作毋當从之。【詰】邢國志：山陽郡方與有泥母亭。或曰古甯母。杜

此。曹伯班卒。公羊作般。公子友如齊。冬葬曹昭公。

八年春王正月公會王人齊侯宋公衛侯許男曹伯陳世子款盟于洮。公羊陳世子款下有鄭世子華四字。非。【詰】按莊十

七年杜注：洮魯地。此注又云曹地。今攷下三十一年傳分曹地自洮以南是洮水在曹魯之界。洮水南

屬曹。洮水北屬魯也。鄭伯乞盟。夏狄伐晉。秋七月禘于大廟。用致夫人。冬十有二月丁未。天王

崩。

九年春王三月丁未。宋公御說卒。公毅皆作禦。夏公會宰周公齊侯宋子衛侯鄭伯許男曹伯於葵丘。【詰】

春秋古地記云：葵丘地名。今鄆西三臺是也。水經案傳云：西爲此會。當以此說爲是。杜注外黃縣東有注。

葵丘則與司馬彪邢國志同。杜于莊八年注又云：葵丘齊地。臨淄縣西有地名葵丘。此則別一葵丘也。

秋七月乙酉。伯姬卒。九月戊辰。諸侯盟於葵丘。甲子。晉侯僖諸卒。公羊作甲戌。誤。【詰】惠士奇

曰：鄭固碑云：道膝僂辭。是僂與詭通也。按陸氏穀梁音義云：左傳作僂。今石經澆化本並作僂。因從之。

冬，晉里克殺其君之子奚齊。公羊作弒，按公羊音義仍作殺音弒。

十年春，王正月，公如齊。狄滅溫，溫子奔衛。晉里克弒其君卓，及其大夫荀息。公羊作卓子。夏，齊侯許男

伐北戎。晉殺其大夫里克。秋七月，冬大雨雪。公羊雪作雹。

十有一年春，晉殺其大夫平鄭父。夏，公及夫人姜氏會齊侯於陽穀。秋八月，大雩。冬，楚人伐黃。

十有二年春，王三月庚午，日有食之。夏，楚人滅黃。秋七月，冬十有二月丁丑，陳侯杵臼卒。公羊杵臼處白。

十有三年春，狄侵衛。夏四月，葬陳宣公。公會齊侯、宋公、陳侯、衛侯、鄭伯、許男、曹伯于鹹。詁：鄆國志，東郡濮陽有鹹城，杜同此。秋九月，大雩。冬，公子友如齊。

十有四年春，諸侯城緣陵。詁：地理志，北海郡營陵，薛瓌曰營陵，春秋時謂之緣陵。夏六月，季姬及鄆

子遇于防，使鄆子來朝。穀梁作緡，下同。釋地理志，東海郡緡，故國，禹後。杜本世本鄆，緡姓。秋八月辛

卯，沙鹿崩。詁：說文，麓，守山林吏也。一曰林屬于山，為麓。春秋傳曰：沙鹿崩，服虔云：沙山名。麓，山足。林

屬于山曰麓。按麓，鹿古字通。漢書元后傳亦作沙麓。劉熙釋名山，山足曰麓。麓，陸也。言水流順陸，燥也。與

穀梁說微異。杜注取公羊說。鄆國志，魏鄆元城，墟故沙鹿。杜同。狄侵鄭。冬，蔡侯肸卒。

十有五年春，王正月，公如齊。楚人伐徐。三月，公會齊侯、宋公、陳侯、衛侯、鄭伯、許男、曹伯盟于杜丘。遂

次于匡。詁：地理志，陳留郡長垣，孟康曰：春秋會于匡，今匡城是。鄆國志，長垣侯國有匡城。杜本公孫

此。

敖帥師及諸侯之大夫救徐。夏五月，日有食之。秋七月，齊師曹師伐厲。【註】地理志：南陽郡隨有

厲鄉，故厲國也。師古曰：厲讀曰賴。此杜本。按厲鄉在今隨州北，今名厲山店。太平寰宇記：厲山在隨縣北

一百里，又引荊州記曰：隨地有厲鄉村，有厲山下有一穴，是神農所生穴也。神農號厲山氏，蓋卽以此

賴爲楚與國，當以在此者爲是。惟司馬彪郡國志于汝南郡襄信侯國下云：有賴亭，故國，今攷後漢襄

信卽前漢鄧縣，屬潁川郡。春秋時爲楚召陵邑，非賴國地。且桓十三年，楚屈瑕伐羅，楚子使賴人追之，

羅又在賴國西北，故就近使追。若汝南之襄信，則去羅益遠，非事實矣。明襄信雖有賴亭，實非賴國。彪

說誤也。惠棟曰：桓十三年傳云：楚子使賴人追之。杜注與此略同。昭四年，經云：楚伐吳，遂滅賴。公羊傳

于此年賴作厲，釋文云：厲如字。又音賴。公羊傳十五年，釋文云：厲，舊音賴，則知厲與賴本一國。古音通，

故或作厲，或作賴也。今按厲賴與郭橈歸夔並同聲字，又古字通。八月，螽。公羊作螻，後同。釋

公至自會。季姬歸于郟。【註】穀梁作緡。己卯，晦，夷伯之廟。【註】說文：靈，劈，歷，震，震物者。春秋傳曰：震夷伯之

廟。冬，宋人伐曹。楚人敗徐於婁林。【註】郡國志：下邳國徐本國有婁亭，或曰古婁林。杜同。十有

一月壬戌，晉侯及秦伯戰于韓，獲晉侯。

十有六年春，王正月戊申朔，隕石于宋五。【註】爾雅：隕，落也。說文：作碩，訓同。云：春秋傳曰：碩石于宋五。杜

此按今本作隕，杜注同。公羊作貫。是月，六鷁退飛過宋都。【註】說文：鷁，鳥也。春秋傳曰：六鷁退飛。按

今本作鷓，說文無鷓字，當作鷓，爲是。穀梁作鷓，劉向傳終軍傳亦作六鷓，史記宋世家作貫星如雨，與兩借下。六鷓退費，史記十二諸侯年表作六鷓退飛過我，都董子春秋繁露王道篇應劭風俗通亦作六鷓，皆傳寫之誤。三月壬申，公子季友卒。夏四月丙申，鄆季姬卒。秋七月甲子，公孫茲卒。公羊作慈。

冬十有二月，公會齊侯、宋公、陳侯、衛侯、鄭伯、許男、邢侯、曹伯于淮。【詁】地理志：臨淮郡有淮浦，淮陰淮陵諸縣，杜本此。

十有七年春，齊人伐英氏。【詁】按古英氏城在今六安州英山縣東北，英山縣即春秋時英氏地也。張守節正義又云：英後改爲蓼，漢書地理志蓼屬六安國。夏滅項。【詁】釋名：項，國名，魯滅之也。二傳以爲齊滅，地理志汝南郡項，故國。杜本此。秋，夫人姜氏會齊侯於卞。【詁】地理志：魯國卞，杜本此。九月，公至自會。冬十有二月乙亥，齊侯小白卒。

十有八年春，王正月，宋公曹伯、衛人邾人伐齊。公羊：宋公下有會字。夏，師救齊。五月戊寅，宋師及齊師戰于廩丘，齊師敗績。狄救齊。秋八月丁亥，葬齊桓公。冬，邢人狄人伐衛。

十有九年春，王三月，宋人執滕子嬰齊。夏六月，宋公曹人、邾人盟于曹南。公羊：作邾人會于邾，曹人。鄆子會盟于邾。公羊：會上有公字。梁亡。

二十年春新作南門【詰】劉賈先儒皆云昔新有故在言作有新在故爲此言以異之本疏夏郟子來朝

【詰】說文郟周文王子所封國五月乙巳西宮災鄭人入滑秋齊人狄人盟于邢冬楚人伐

隨

二十有一年春秋侵衛宋人齊人楚人盟于鹿上【詰】水經注濮水又東北逕鹿城南郡國志曰濟陰

郡乘氏有鹿城鄉春秋僖公二十一年盟于鹿上京杜並謂此亭也按道元蓋誤記今攷杜注云鹿上

宋地汝陰郡有原鹿縣則與乘氏鹿城鄉非一地可知劉昭補注是其證蓋以爲在乘氏鹿城鄉者第

京相璠司馬彪之說耳究當以杜說爲長夏大旱秋宋公楚子陳侯蔡侯鄭伯許男曹伯會于孟

穀公羊孟作霍【詰】按孟零音同古字亦通公羊作霍又以零字近而誤也執宋公以伐宋冬公伐邾

楚人使宜申來獻捷十有二月癸丑公會諸侯盟于薄釋宋公

二十有二年春公伐邾取須句公羊作須胸漢書五行志水經注並同夏宋公衛侯許男滕子伐鄭秋八月丁未及邾

人戰於升陘【詰】玉篇鄆胡經切鄉名在高密左氏傳曰戰于升陘按鄆陘古字通玉篇蓋采舊說釋

文本又作登陘冬十有一月己朔宋公及楚人戰于泓宋師敗績

二十有三年春齊侯伐宋圍緡穀梁緡作閔後同【詰】按史記田齊世家宣王卒子湣王地立湣王戰國策皆作

閔王與此正同郡國志山陽郡東緡春秋時曰緡水經注引十三州志同此夏五月庚寅宋公茲

父卒。公羊作慈父。秋，楚人伐陳。冬，十有一月，杞子卒。

二十有四年春，王正月，夏，狄伐鄭。秋，七月，冬，天王出居於鄭。晉侯夷吾卒。【註】顧炎武云：疑此

錯簡，當在二十三年之冬。左傳曰：九月，晉惠公卒。晉之九月，周之冬也。

二十有五年春，王正月丙午，衛侯燬滅邢。【註】說文：燬，火也。春秋傳：衛侯燬。夏四月癸酉，衛侯燬卒。

宋蕩伯姬來逆婦。【註】釋例稱：賈氏以爲經不書歸者，適世子故也。宋殺其大夫。秋，楚人圍陳，納

頓子于頓。【註】地理志：汝南郡南頓，故頓子國。葬衛文公。冬，十有二月癸亥，公會衛子莒慶盟于

洮。【註】服虔云：明不失子道。

二十有六年春，王正月己未，公會莒子衛寧、速盟于向。公羊：速，齊人侵我西鄙，公追齊師至鄆，弗及，釋

鄆本又作蕩，按公羊穀梁並作蕩。夏，齊人伐我北鄙。衛人伐齊。公子遂如楚乞師。秋，楚人滅夔，以夔子歸。公羊作

夔。【註】地理志：南郡秭歸，歸鄉，故歸國。水經：江水注，樂緯曰：昔歸與叶聲律。宋忠曰：歸即夔，歸鄉，蓋夔

鄉矣。古楚之嬭嗣有熊擊者，以廢疾不立，而居于夔，爲楚附庸。後王命爲夔子，按夔歸夔，音近，字可通

假夔是古文正字。冬，楚人伐宋，圍緡。公以楚師伐齊，取穀。公至自伐齊。

二十有七年春，杞子來朝。夏六月庚寅，齊侯昭卒。穀梁音義：昭，或作昭非。【註】齊世家：孝公卒，孝公弟潘，因衛公

子開方殺孝公，而立潘，是爲昭公。秋八月乙未，葬齊孝公。乙巳，公子遂帥師入杞。冬，楚人陳

侯蔡侯鄭伯許男圍宋。十有二月甲戌公會諸侯盟于宋。

二十有八年春晉侯侵曹晉侯伐衛。公子買戍衛不卒戍刺之。【詰】經言買傳言叢蓋名買字叢。本說

文買市也从网貝孟子曰登豔斷而网市利又叢聚也从羊取聲按取非聲當作从羊聚會市買聚天

下之貨故買以叢爲字周禮司刺掌三刺之法一刺曰訊羣臣再刺曰訊羣吏三刺曰訊萬民鄭元云

刺殺也訊而有罪則殺之訊言也內殺大夫此及成十六年刺公子偃皆書刺者用三刺之法問臣吏

萬民皆言合殺乃始殺之亦不枉濫。楚人救衛。三月丙午晉侯入曹執曹伯畀宋人。夏四月己

巳晉侯齊師宋師秦師及楚人戰于城濮楚師敗績。楚殺其大夫得臣。衛侯出奔楚。五月癸丑

公會晉侯齊侯宋公蔡侯鄭伯衛子莒子盟于踐土。陳侯如會。公朝于王所。六月衛侯鄭自楚

復歸于衛衛元咺出奔晉。陳侯款卒。秋杞伯姬來。公子遂如齊。冬公會晉侯齊侯宋公蔡侯

鄭伯陳子莒子邾人秦人于溫。今本邾子作邾人唐石經岳本並作邾子是公羊作邾婁子天王狩于河陽。釋文狩本又作守公羊亦作狩穀梁作守

同。【詰】穀梁傳曰水北爲陽山南爲陽溫河陽也水經河水注曰服虔買遂曰河陽溫也郭緣生述征

記曰踐土今治坂城是河陽城故縣也在治坂西北蓋晉之溫地今考治坂城其下爲治坂津在今孟

縣西南而踐土在今滎澤縣西北王官城之內故道元辨其非。壬申公朝于王所。晉人執衛侯歸

之于京師。衛元咺自晉復歸于衛。諸侯遂圍許。曹伯襄復歸于曹遂會諸侯圍許。

二十有九年春介葛盧來【詁】地理志琅邪郡黔陬故介國。公至自圍許。夏六月會王人晉人宋人

齊人陳人蔡人秦人盟于翟泉。後漢志注引作狄。公羊本作狄泉。【詁】郡國志河南雒陽周時號成周有狄泉在城中。

注曰蓋本在城外定元年城成周乃繞之。秋大雨雹。冬介葛盧來。

三十年春王正月。夏狄侵齊。秋衛殺其大夫元咺及公子瑕。衛侯鄭歸于衛。晉人秦人圍鄭。介

人侵蕭。冬天王使宰周公來聘。公子遂如京師。遂如晉。

三十有一年春取濟西田。公子遂如晉。夏四月四卜郊不從乃免牲。猶三望【詁】周禮大宰祀五帝。

前期十日帥執事而卜日然則將祭必十日之前豫卜之也。言四卜郊者蓋三月每旬一卜至四月上

旬更一卜乃成爲四卜也。此言四卜郊不從。襄七年三卜郊不從。公羊傳曰曷爲或言三卜。或言四卜。

三卜禮也。四卜非禮也。三卜何以禮求吉之道。三。今左傳以爲禮不卜常祀則一卜亦非。不云四非而

三是。異於公羊說。四時迎氣。冬至夏至郊天等。雖有常時常日。猶須審慎。仍卜日。故表記云。不犯日月。

不違卜筮。注。日月謂冬夏至正月及四時所不違者。日與牲尸也。假令不吉。改卜後日。故箴膏肓云。天

子郊以夏正上旬之日。魯之下三正下旬之日。是雖有常時常日。猶卜日也。本疏及周禮疏杜取此。

秋七月。

冬杞伯姬來求婦。狄圍衛。十有二月。衛遷於帝丘【詁】地理志東郡濮陽衛成公自楚丘徙此。故帝

丘。顛頊墟。杜本此。

三十有二年春王正月。夏四月己丑，鄭伯捷卒。公羊：捷，作捷。捷，古字同。【詰】按古今人作捷，蓋傳寫誤。衛人侵

狄。秋，衛人及狄盟。冬十有二月己卯，晉侯重耳卒。

三十有三年春王二月，秦人入滑。齊侯使國歸父來聘。夏四月辛巳，晉人及姜戎敗秦師於殺。公羊：無師

字殺，梁初刊本亦無師字。癸巳，葬晉文公。狄侵齊。公伐邾，取訾婁。公羊：傳作取，殺，梁作訾樓。秋，公子遂帥師伐邾。

晉人敗狄于箕。【詰】郡國志：太原郡陽邑有箕城。杜：同。冬十月，公如齊。十有二月，公至自齊。乙

巳，公薨于小寢。隕霜不殺草。李梅實。晉人陳人鄭人伐許。

文公

元年春王正月，公即位。二月癸亥，日有食之。公羊：作癸亥朔。天王使叔服來會葬。夏四月丁巳，葬我君僖

公。天王使毛伯來錫公命。晉侯伐衛。叔孫得臣如京師。【詰】世本：桓公生僖叔牙，牙生戴伯茲。

茲生莊叔得臣，得臣生穆叔豹。衛人伐晉。秋，公孫敖會晉侯于戚。冬十月丁未，楚世子商臣弑

其君頽。殺梁頽，作髡，史記楚世家。其君頽，作憚，漢書年表人表同。公孫敖如齊。

二年春王二月甲子，晉侯及秦師戰於彭衙，秦師敗績。丁丑，作僖公主。三月乙巳，及晉處父盟。夏

六月，公孫敖會宋公陳侯鄭伯晉士穀盟于垂隴。殺梁作士穀，公殺垂隴，皆作垂斂。【詰】京相璠曰：垂隴，鄭地，今滎陽

東二十里有故垂隴城。水經：郡國志：滎陽有隴城。杜：同。自十有二月不雨，至于秋七月。八月丁卯，

大事于大廟。躋僖公。冬，晉人、宋人、陳人、鄭人伐秦。公子遂如齊納幣。

三年春王正月，叔孫得臣會晉人、宋人、陳人、鄭人伐沈。沈潰。【詁】郡國志：汝南郡平輿有沈亭，故國

姬姓，杜同。

夏五月，王子虎卒。秦人伐晉。秋，楚人圍江。雨蝨于宋。冬，公如晉。十有二月己

巳，公及晉侯盟。晉陽處父帥師伐楚，以救江。【公穀皆無以字】

四年春，公至自晉。夏，逆婦姜于齊。狄侵齊。秋，楚人滅江。晉侯伐秦。衛侯使甯俞來聘。冬，十

有一月壬寅，夫人風氏薨。【詁】五經異義稱古春秋左氏說：成風妾得立爲夫人，母以子貴，禮也。駁五

經異義，父爲長子三年，衆子期，明無二嫡也。女君卒，繼攝其事耳，不得復立爲夫人。禮記疏。

五年春王正月，王使榮叔歸舍且賄。【釋文：舍亦作捨，說文：瑄，送終口中玉。】賈服云：舍，賄當異人。今一人兼兩使，故書且

以譏之。按鄭康成嚴齊肅云：禮，天子二王後之喪，舍爲先，繼次之。賄次之。子諸侯舍之賄之。小

君亦如之。舍之下，既有先後次第，則每事遣一使可知。卽如正義賈云：春秋之世，風教凌遲，吉凶賀

弔，罕能如禮。王之崩葬，魯多不行，魯之有喪，寧能盡至及備禮云云。此依時勢立言，非制禮本意。公羊

及賈服，並據常禮爲說。又經文著且字，顯有禮文不備之意。正義以此譏賈，非也。三月辛亥，葬我小

君成風。王使召伯來會葬。毅梁作毛伯。夏，公孫敖如晉。秦人入郟。【詁】地理志：南郡若郟國志

作郟。侯國。按舊注亦不言都所在。今攷傳云：郟，郟楚卽秦是。郟國在秦楚之間。地理志：南陽郡若本秦

縣故城在今宜城縣東南去武關不遠。正秦楚兩國界也。玉篇亦云。郡秦楚界小國。秋。楚人滅六。

【詰】地理志。六安國。六故國。皋陶後。偃姓。為楚所滅。此。冬十月甲申。許男業卒。

六年春。葬許僖公。夏。季孫行父如陳。【詰】世本。公子友生齊仲。齊仲生無逸。無逸生行父。接穀梁疏引。

世本又云。季友生仲。無佚。無佚生行父。范寧注。行父。季友生。生。即孫也。與杜注同。今本杜注作季孫友。

子大誤。秋季孫行父如晉。八月乙亥。晉侯驩卒。閏月不告月。猶朝于廟。冬十月。公子遂如晉。葬晉襄公。晉。

殺其大夫陽處父。晉狐射姑出奔狄。閏月不告月。猶朝于廟。冬十月。公子遂如晉。葬晉襄公。晉。

七年春。公伐邾。三月甲戌。取須句。遂城郟。【詰】說文。郟。東海縣。故紀侯之邑也。郡國志。

魯國下有郡。郟城。此。夏四月。宋公王臣卒。宋人殺其大夫。戊子。晉人及秦人戰于令。

狐。晉先蔑奔秦。狄侵我西鄙。秋八月。公會諸侯。晉大夫盟于扈。公孫敖如莒。泄盟。

那國志。河南郡卷有扈城亭。此。鄆道元云。竹書紀年。晉出公十二年。河絕于扈。即此。冬。徐伐莒。

公孫敖如莒。泄盟。

八年春。王正月。夏四月。秋八月戊申。天王崩。冬十月壬午。公子遂會晉趙盾盟于衡雍。乙酉。公。

子遂會洛戎盟于巢。公孫敖如京師。不至而復。丙戌。奔莒。字。石經穀。

宋人殺其大夫司馬。宋司城來奔。字。石經穀。

九年春。毛伯來求金。夫人姜氏如齊。二月。叔孫得臣如京師。辛丑葬襄王。晉人殺其大夫先都。

三月。夫人姜氏至自齊。晉人殺其大夫士穀及箕鄭父。【詁】賈逵云：箕鄭稱及，非首謀。本按：箕鄭上

軍將，士穀下軍將。傳文亦先箕鄭而後士穀，今顧于士穀下言及箕鄭，明非首謀。故書法如此。正義糾

賈，非也。襄二十三年，陳殺其大夫慶虎及慶寅，亦同此例。楚人伐鄭。公子遂會晉人宋人衛人許

人救鄭。夏，狄侵齊。秋八月，曹伯襄卒。九月癸酉，地震。冬，楚子使椒來聘。【詁】秦人來歸

僖公成風之櫜。【詁】公羊傳曰：衣被曰襦。杜本按：釋文曰：說文作襦，云贈終者衣被曰襦，爲衣死人衣。

葬曹共公。

十年春，王三月辛卯，臧孫辰卒。夏，秦伐晉。楚殺其大夫宜申。自正月不雨，至于秋七月。及蘇子

盟于女栗。冬，狄侵宋。楚子蔡侯次于厥貉。【詁】公羊作

十有一年春，楚子伐麇。公羊作麇。【詁】穎容釋例云：麇在當陽縣境。夏，叔彭生會晉卻缺於承匡。【詁】

本說作篋。今【詁】服虔云：叔仲惠伯。史記按：經文叔字下衍一仲字。今從石經及澹化本削去。與公穀

亦合。漢書志及水經注亦作叔彭生。今攷衍仲字，蓋因傳文而誤。京相璠曰：今陳留襄邑西三十里有

故承匡城。水經注：郡國志同。杜同此。秋，曹伯來朝。公子遂如宋。狄侵齊。冬十月甲午，叔孫得臣敗狄于鹹。

【詁】服虔曰：魯地也。史記集解。

十有二年春王正月。邲伯來奔。公羊傳 杞伯來朝。二月庚子。子叔姬卒。夏。楚人圍巢。【詰】地理志。

廬江郡居巢。應劭曰。楚人圍巢。巢國也。杜本 秋。滕子來朝。秦伯使術來聘。公羊。術。作。遂。古。字。 冬。十有二

月戊午。晉人秦人戰於河曲。【詰】服虔云。河曲。晉地。史記 季孫行父帥師城諸及鄆。公羊。鄆。作。運。 【詰】地

理志。琅邪郡諸師古曰。春秋城諸及鄆者。郡國志。琅邪國東莞有鄆亭。杜同

十有三年春王正月。夏五月壬午。陳侯朔卒。邾子貜蔭卒。公穀本皆 自正月不雨。至於秋七月。

大室屋壞。公羊。作。世室。 【詰】賈服等皆以爲太廟之室也。本服虔云。太室。太廟之上屋也。北史 冬。公如晉。

衛侯會公於沓。公羊。無。公字。 狄侵衛。十有二月己丑。公及晉侯盟。公還自晉。公穀皆 鄭伯會公於

棗。公羊。作。斐。 【詰】按郡國志。河南苑陵縣有棗林。劉昭注。左傳宣元年。諸侯會于棗林。杜預曰。縣東有林鄉。

杜春秋地。名作林亭。據此。則棗卽棗林。或苑陵縣更有棗鄉矣。

十有四年春王正月。公至自晉。邾人伐我南鄙。叔彭生帥師伐邾。夏五月乙亥。齊侯潘卒。六月。公

會宋公陳侯衛侯鄭伯許男曹伯晉趙盾。癸酉同盟於新城。【詰】郡國志。梁國穀孰有新城。杜同。道元

云。睢水又遷新城北。卽宋之新城亭也。秋七月。有星孛入於北斗。釋文引嵇。康。字。晉。勃。【詰】何休公羊傳。孛者

何彗星也。杜本 公至自會。晉人納捷菑於邾。弗克納。公羊。作。接。菑。 【詰】按晉人左傳以爲趙盾。公羊以

爲卻缺。穀梁以爲卻克。今攻卻克。乃傳寫之誤。九月甲申。公孫敖卒於齊。齊公子商人弑其君舍。

宋子哀來奔。冬，單伯如齊。齊人執單伯。齊人執子叔姬。【註】服虔云：子殺身執國之故，言子

為在室辭。本疏。

十有五年春，季孫行父如晉。三月，宋司馬華孫來盟。夏，曹伯來朝。齊人歸公孫敖之喪。六月辛

丑朔，日有食之，鼓用牲于社。單伯至自齊。晉卻缺帥師伐蔡，戊申入蔡。秋，齊人侵我西鄙。諸本皆脫

秋字今據宋本增入。季孫行父如晉。冬，十有一月，諸侯盟于扈。十有二月，齊人來歸子叔姬。齊侯侵我

西鄙，遂伐曹，入其郛。

十有六年春，季孫行父會齊侯于陽穀。齊侯弗及盟。石經本脫春字後旁增。夏五月，公四不視朔。六月戊辰，公

子遂及齊侯盟于鄆丘。公羊作箇丘。穀梁作師丘。【註】嘉棟曰：今公羊作鄆丘，鄆本有西音，釋文是毛詩衡門曰：可

以懷遇前發碑作西遇，此其證也。秋八月辛未，夫人姜氏薨。毀泉臺。楚人秦人巴人滅庸。冬，

十有一月，宋人弑其君杵臼。公羊作處白。

十有七年春，晉人衛人陳人鄭人伐宋。夏四月癸亥，葬我小君聲姜。公羊作聖姜。齊侯伐我西鄙。【註】服

虔以為再來伐魯，西鄙書，北鄙不書，諱仍見伐。六月癸未，公及齊侯盟于穀。諸侯會于扈。秋

公至自穀。冬，公子遂如齊。

十有八年春，王二月丁丑，公薨于臺下。秦伯薨卒。夏五月戊戌，齊人弑其君商人。六月癸酉，葬我

君文公。秋。公子遂叔孫得臣如齊。冬十月子卒。夫人姜氏歸于齊。季孫行父如齊。莒弒其君庶其。【詰】劉賈許穎以爲君惡及國朝則稱國以弒君惡及國人則稱人以弒。本疏。

卷三

春秋經三

宣公

元年春王正月公即位。公子遂如齊逆女。三月遂以夫人婦姜至自齊。【詰】服虔曰古者一禮不備。貞

女不從故詩云。雖速我訟亦不女從。宣公既以喪娶夫人從亦非禮。故不稱氏見略賤之也。本疏。夏。季

孫行父如齊。晉放其大夫胥甲父于衛。公會齊侯于平州。公子遂如齊。六月齊人取濟西田。

秋。邾子來朝。別本子誤人今。從宋本改正。楚子鄭人侵陳。遂侵宋。晉趙盾帥師救陳。【詰】服虔云趙盾既救

陳。而楚師侵宋。趙盾欲救宋而楚師解去。本疏。宋公陳侯衛侯曹伯會晉師於棐林。伐鄭。公羊作斐。冬。晉

趙穿帥師侵崇。公羊崇。作柳。晉人宋人伐鄭。

二年春王二月壬子。宋華元帥師及鄭公子歸生帥師戰于大棘。宋師敗績。獲宋華元。【詰】水經注。大棘

後其地爲楚莊所并。故圈稱曰大棘。楚地也。郡國志。陳留郡已吾有大棘鄉。杜同。秦師伐晉。夏。晉

人宋人衛人陳人侵鄭。秋九月乙丑，晉趙盾弑其君夷皋。公羊作夷釋。冬十月乙亥，天王崩。

三年春王正月，郊牛之口傷，改卜牛，牛死乃不郊，猶三望。葬匡王。楚子伐陸渾之戎。公羊作賁渾戎，公穀戎，上皆無

之字。【詁】服虔云：陸渾在洛西南。史記集解。夏，楚人侵鄭。秋，赤狄侵齊。宋師圍曹。冬十月丙戌，鄭伯

蘭卒。葬鄭穆公。

四年春王正月，公及齊侯平莒及郟。莒人不肯，公伐莒，取向。秦伯稻卒。夏六月乙酉，鄭公子歸生弑

其君夷。赤狄侵齊。秋，公如齊。公至自齊。冬，楚子伐鄭。

五年春，公如齊。夏，公至自齊。秋九月，齊高固來逆叔姬。公羊作子叔姬。【詁】按以下經校之，此亦當有子字。

疑傳寫時脫也。叔孫得臣卒。冬，齊高固及子叔姬來。楚人伐鄭。

六年春，晉趙盾衛孫免侵陳。夏四月，秋八月，螽。冬十月。

七年春，衛侯使孫良夫來盟。夏，公會齊伐萊。【詁】地理志：東萊郡黃，按東萊，即古萊子國也。杜本。秋，

公至自伐萊。大旱。冬，公會晉侯宋公衛侯鄭伯曹伯于黑壤。

八年春，公至自會。夏六月，公子遂如齊，至黃乃復。辛巳，有事于大廟，仲遂卒于垂。【詁】地理志：東萊

郡，腫，按腫黃二縣，皆齊地，遂自黃復，故卒于垂也。腫，垂同。壬午，猶繹，萬入去籥。【詁】爾雅：繹，陳也。孫炎

曰：祭之明日，羣釋復祭也。杜本。戊子，夫人嬴氏薨。公穀皆作熊氏。晉師白狄伐秦。楚人滅舒蓼。穀梁作麇。

秋七月甲子日有食之既。冬十月己丑葬我小君敬嬴。公穀皆作頃熊雨不克葬。庚寅日中而克葬。城

平陽【詰】地理志泰山郡東平陽杜本此楚師伐陳。

九年春王正月公如齊。公至自齊。夏仲孫蔑如京師。齊侯伐萊。秋取根牟【詰】郡國志琅邪國

湯都有牟。杜同。八月滕子卒。九月晉侯宋公衛侯鄭伯曹伯會于扈。晉荀林父帥師伐陳。

辛酉晉侯黑臀卒于扈。冬十月癸酉衛侯鄭卒。宋人圍滕。楚子伐鄭。晉卻缺帥師救鄭。陳

殺其大夫泄冶。公穀本及家語大戴禮記史記漢書並作泄買公彥周禮疏亦同今據改按此蓋唐時避諱所改玉篇以洩同泄然玉篇亦唐宋人所增改非原本也下泄繼字皆同此

十年春公如齊。公至自齊。齊人歸我濟西田。夏四月丙辰日有食之。己巳齊侯元卒。齊崔氏

出奔衛。公如齊。五月公至自齊【詰】鄭賈許曰不書奔喪諱過也釋例。癸巳陳夏徵舒弑其君平

國。六月宋師伐滕。公孫歸父如齊。葬齊惠公【詰】服虔云歸父襄仲之子史記集解。晉人宋人衛人

曹人伐鄭。秋天王使王季子來聘。公孫歸父帥師伐邾取繹。公羊作取繹【詰】地理志魯國驪山在

北杜本此大水。季孫行父如齊。冬公孫歸父如齊。齊侯使國佐來聘。饑楚子伐鄭。

十有一年春王正月。夏楚子陳侯鄭伯盟于辰陵【詰】京相璠曰潁川長平有故辰亭道元云此亭在

長平城西北而杜氏言東南譌按杜蓋取京相璠之說至西北東南或傳寫之誤耳又辰陵穀梁作夷陵按史記楚世家頃襄王二十一年秦將白起遂拔我郢燒先王墓夷陵秦隱曰夷陵陵名後為縣屬

南郡夷辰聲相近。京杜以長平縣辰亭當之。不若从穀梁作夷陵爲諦也。或疑較長平道稍回遠。然按夷陵今宜昌府治與當陽荆門緊接。二邑所屬之宛城爲春秋時會盟之地。何獨夷陵卽以爲遠耶。

公孫歸父會齊人伐莒。秋。晉侯會狄于欒函。冬十月。楚人殺陳夏徵舒。丁亥。楚子入陳。納公

孫甯儀行父于陳。【詁】賈逵云：二子不繫之陳。絕于陳也。惡其與君淫。故絕之。善楚有禮也。本疏。又賈氏

依放穀梁云：稱納者。內難之辭。釋例。按左氏之意。賈爲得之。杜說非也。

十有二年春。葬陳靈公。楚子圍鄭。夏六月乙卯。晉荀林父帥師及楚子戰于郟。晉師敗績。【詁】說文。

郟。晉邑也。春秋傳曰：晉楚戰于郟。按公羊傳。獨以爲郟水。今攷水經注。濟水于此。又兼郟。月。春秋宣公

十二年。晉楚之戰。楚軍于郟。卽是水也。音卞。據此。則郟有卞音。可補陸氏之缺。道元又引京相璠曰：郟

在敖北。秋七月。冬十有二月戊寅。楚子滅蕭。【詁】地理志。沛郡蕭。故蕭叔國。宋別封。附庸也。晉

人宋人衛人曹人同盟于清丘。【詁】賈氏許氏曰：盟載詳者。日月備。易者。日月略。釋京相璠曰：今東郡

濮陽縣東南三十里。水經。郡國志。東郡濮陽有清丘。此。杜同。宋師伐陳。衛人救陳。

十有三年春。齊師伐莒。公羊作。夏。楚子伐宋。秋。螽。冬。晉殺其大夫先穀。穀梁作穀。陸氏殺梁

十有四年春。衛殺其大夫孔達。夏五月壬申。曹伯壽卒。晉侯伐鄭。秋九月。楚子圍宋。葬曹文公。

冬。公孫歸父會齊侯于穀。

十有五年春公孫歸父會楚子于宋。夏五月宋人及楚人平。【詰】賈逵云：稱人衆辭善，其與衆同欲。疏本

六月癸卯，晉師滅赤狄潞氏，以潞子嬰兒歸。漢書作路，劉寬碑陰同。秦人伐晉。王札子殺召伯毛伯。秋

螽，仲孫蔑會齊高固于無婁。公羊作半婁。初稅畝。冬，螽生。【詰】釋文云：劉歆曰：螽，蟬子也。董仲舒曰：

螽子，說文：螽，復陶也。劉歆說螽，蟬子。按賈義或同。杜注用李巡說。饑。

十有六年春王正月，晉人滅赤狄甲氏及留吁。夏，成周宣榭火。北宋公羊本作榭，按釋文榭【詰】服虔曰：宣揚威武之處。惠棟曰：周邢敦銘云：王格于宣射。古文榭字作射。劉逵注：吳都賦引國語曰：射不過

講軍實。今本作榭，知射即榭也。說文無榭字，後人妄增。秋，鄭伯姬來歸。冬，大有年。【詰】說文：李穀

孰也。从禾干聲。春秋傳曰：大有年。孔廟碑亦作季。

十有七年春王正月庚子，許男錫我卒。丁未，蔡侯申卒。夏，葬許昭公。葬蔡文公。六月癸卯，日有

食之。己未，公會晉侯、衛侯、曹伯、邾子，同盟于斷道。秋，公至自會。冬十有一月壬午，公弟叔肸卒。

十有八年春，晉侯、衛世子臧伐齊。公伐杞。夏四月，秋七月，邾人戕郕子于郕。穀梁作肸，【詰】賈逵云：使

大夫往殘賊之。本疏杜取此。甲戌，楚子旅卒。穀梁作呂，史記年表世家並作侶。公孫歸父如晉。冬十月壬戌，公薨于

路寢。歸父還自晉，至笙，遂奔齊。公穀皆作權，釋文笙本又作權，又作打。

成公

成公

元年春王正月公即位。二月辛酉葬我君宣公。無冰。三月作丘甲【詁】服虔云司馬法云四邑為

丘有戎馬一匹牛三頭是曰匹馬丘牛四丘為甸甸六十四井出長轂一乘馬四匹牛十二頭甲士三

人步卒七十二人戈楯具備為之乘馬疏又云司馬法九夫為井四井為邑四邑為丘馬一匹牛三頭

四丘為甸出轂一乘甲士三人步卒七十二人馬四匹牛十二頭禮記疏夏臧孫許及晉侯盟于赤

棘秋王師敗績于茅戎公穀皆作賀戎晉敗之五行志云冬十月范寧穀梁注疑冬十月下

二年春齊侯伐我北鄙夏四月丙戌衛孫良夫帥師及齊師戰于新築衛師敗績六月癸酉季孫行

父臧孫許叔孫僑如公孫嬰齊帥師會晉郤克衛孫良夫曹公子首及齊侯戰于鞍齊師敗績公穀皆

子手公羊音義秋七月齊侯使國佐如師己酉及國佐盟于袁婁公穀作八月壬午宋公鮑卒

庚寅衛侯速卒公羊作邈取汶陽田冬楚師鄭師侵衛十有一月公會楚公子嬰齊于蜀丙申公

及楚人秦人宋人陳人衛人鄭人齊人邾人郟人盟于蜀

三年春王正月公會晉侯宋公衛侯曹伯伐鄭【詁】賈服皆云宋公衛侯先君未葬而稱爵讓其不稱子

禮記疏按疏辛亥葬衛穆公公羊作繆二月公至自伐鄭甲子新宮災三日癸乙亥葬宋文公夏

公如晉鄭公子去疾帥師伐許公羊作率公至自晉秋叔孫僑如帥師圍棘大雩晉郤克

衛孫良夫伐廬咎如公羊廬作牆冬十有一月晉侯使荀庚來聘衛侯使孫良夫來聘丙午及

荀庚盟丁未及孫良夫盟。鄭伐許。【詰】賈逵云：鄭小國與大國爭諸侯，仍伐許，不稱將帥，夷狄之制。

無知也。本疏。

四年春，宋公使華元來聘。三月壬申，鄭伯堅卒。【詰】陸氏公羊音義曰：伯堅，何休解曰：左氏作堅字，穀

梁作賢字。今定本作堅字。惠士奇曰：按說文，賢，古文賢字。漢校官碑曰：優殿之寵。今文尙書大誓曰：優

殿，揚歷，是古皆以取爲賢。今按惠說，是釋文作古刃反，誤。又玉篇，堅，又作桓云。古干古兩二切。今考說

文，堅，堅同部，疑桓字。又從堅字傳寫而譌云。古兩切，亦非也。杞伯來朝。夏四月甲寅，滅孫許卒。

公如晉。葬鄭襄公。秋，公至自晉。冬，城鄆。鄭伯伐許。

五年春，王正月，杞叔姬來歸。仲孫蔑如宋。夏，叔孫僑如會晉荀首于穀。【公羊作荀秀】梁山崩。【詰】穀梁

傳：梁山崩，遏河三日不流，按水經注亦同。秋，大水。冬十有一月己酉，天王崩。十有二月己丑，公

會晉侯齊侯宋公衛侯鄭伯曹伯邾子杞伯同盟于蟲牢。【春秋繁露】：【詰】：郡國志：陳留郡封丘有桐牢

亭，或曰古蟲牢。杜同此。

六年春，王正月，公至自會。二月辛巳，立武宮。【詰】：服虔云：蒙之戰，禱武宮以求勝，故立其宮。本疏。取鄆。

【詰】：按玉篇字書並云：鄆，邾婁邑。杜云：魯附庸，恐誤。衛孫良夫帥師侵宋。夏六月，邾子來朝。公

孫嬰齊如晉。壬申，鄭伯賈卒。【史記世家賈作潰，索隱曰：潰音秘，鄭本一作沸，一作弗。】秋，仲孫蔑叔孫僑如帥師侵宋。楚公

子嬰齊帥師伐鄭。冬，季孫行父如晉。晉欒書帥師救鄭。公羊作率師侵鄭。

七年春王正月，麋鼠食郊牛角，改卜牛，麋鼠又食其角，乃免牛。吳伐鄭。夏五月，曹伯來朝。不郊，猶

三望。秋，楚公子嬰齊帥師伐鄭。公會晉侯齊侯宋公衛侯曹伯莒子杞伯救鄭。八月戊辰，

同盟于馬陵。【詁】史記魏世家：太子與齊人戰，敗于馬陵。徐廣曰：在元城。公至自會。吳入州來。

【詁】地理志：沛郡下蔡，故州來國。此杜本。冬，大雩。衛孫林父出奔晉。

八年春，晉侯使韓穿來言汝陽之田歸之于齊。晉欒書帥師侵蔡。公孫嬰齊如莒。宋公使華元來

聘。夏，宋公使公孫壽來納幣。【詁】服虔云：不稱王人，母命不通，故稱使。婦人無外事。儀禮：晉殺其

大夫趙同趙括。秋七月，天子使召伯來賜公命。公穀皆作錫，曲禮孔疏引經作來錫，公命。【詁】賈逵云：諸夏稱天王，畿內

稱王，夷狄曰天子。王使榮叔歸舍且賄，以恩深加禮。妾母，恩同畿內，故稱王。成公八年，乃得賜命，與夷

狄同，故稱天子。本服虔曰：夷狄曰天子。禮記疏。冬，十月癸卯，杞叔姬卒。晉侯使士燮來聘。叔孫僑

如會，晉士燮齊人邾人伐鄭。衛人來媵。

九年春王正月，杞伯來逆叔姬之喪以歸。公會晉侯齊侯宋公衛侯鄭伯曹伯莒子杞伯同盟于蒲。

【詁】郡國志：陳留郡長垣有蒲城。杜同。公至自會。二月，伯姬歸于宋。夏季孫行父如宋，致女。

【詁】服虔云：謂成婚。禮記疏。晉人來媵。秋七月丙子，齊侯無野卒。晉人執鄭伯。晉欒書帥師伐

鄭。冬十有一月，葬齊頃公。楚公子嬰齊帥師伐莒，庚申莒潰。楚人入鄆。秦人白狄伐晉。鄭人圍許。城中城。

十年春，衛侯之弟黑背帥師侵鄭。公羊師作率。夏四月，五卜郊，不從，乃不郊。五月，公會晉侯、齊侯、宋公、衛侯、曹伯伐鄭。齊人來媵。丙午，晉侯獮卒。秋七月，公如晉。冬十月，【詁】按禮記中庸疏，成十年

不書冬十月，此有者，當是後人增入。今按公羊經文，無此三字。

十有一年春，王三月，公至自晉。晉侯使卻鞮來聘，己丑，及卻鞮盟。公羊作卻州下同。【詁】服虔以為卻鞮，卻克

從祖昆弟，按杜注則云從父兄，今考世本，卻豹生冀，芮及義，芮生缺，義生步揚，缺生克，揚生州，州即鞮。此則鞮與克共曾祖，故服云從祖昆弟，杜改云從父，誤矣。夏，季孫行父如晉。秋，叔孫僑如如齊。

冬十月。十有二年春，周公出奔晉。夏，公會晉侯、衛侯于瑣澤。釋文云瑣澤，按石經及諸本並作瑣澤，公羊作沙澤。秋，晉人敗狄于交剛。

冬十月。十有三年春，晉侯使卻錡來乞師。三月，公如京師。夏五月，公自京師，遂會晉侯、齊侯、宋公、衛侯、鄭伯、曹伯、邾人伐秦。【詁】賈氏以晉直秦曲，無辭不得敵，有辭故不書戰。釋文。曹伯廬卒于師。公穀皆作廬，史

記作廬。秋七月，公至自伐秦。冬，葬曹宣公。

十有四年春王正月莒子朱卒。夏，衛孫林父自晉歸于衛。秋，叔孫僑如如齊逆女。鄭公子喜帥師

伐許。九月，僑如以夫人婦姜氏至自齊。冬十月庚寅，衛侯臧卒。秦伯卒。

十有五年春王二月葬衛定公。三月乙巳，仲嬰齊卒。癸丑，公會晉侯衛侯鄭伯曹伯宋世子成齊國

佐邾人同盟于戚。公羊成。作戊。晉侯執曹伯歸于京師。公羊歸下。有之字。公至自會。夏六月，宋公固卒。楚

子伐鄭。秋八月庚辰，葬宋共公。宋華元出奔晉。宋華元自晉歸于宋。宋殺其大夫山。宋魚石

出奔楚。冬十有一月，叔孫僑如會晉士燮齊高無咎宋華元衛孫林父鄭公子鮪邾人會吳于鍾離。

許遷于葉。

十有六年春王正月雨木冰。夏四月辛未，滕子卒。鄭公子喜帥師侵宋。六月丙寅，朔日有食之。

晉侯使欒黶來乞師。甲午晦，晉侯及楚子鄭伯戰于鄆陵。楚子鄭師敗績。【詁】服虔云：鄆陵，鄭之東

南地也。史記地理志：潁川郡潁陵。五行志：晉有潁陵之戰，鄆作潁。杜本按：晉楚戰之鄆陵，與克段之鄆

集解：地理志：潁川郡潁陵。五行志：晉有潁陵之戰，鄆作潁。杜本按：晉楚戰之鄆陵，與克段之鄆本屬兩地。杜注失于彼而得于此。若劉昭注：司馬彪志：合兩地為一，非也。楚殺其大夫公子側。秋

公會晉侯齊侯衛侯宋華元邾人于沙隨。不見公。【詁】酈道元云：汲水又東逕寧陵縣之沙陽亭，故沙

隨國矣。公至自會。公會尹子晉侯齊國佐邾人伐鄭。曹伯歸自京師。九月，晉人執季孫行父，

舍之于荏丘。公羊作招丘。【詁】賈氏以為書執行父，舍于荏丘，晉失其所，不書至者，刺晉聽躓執之，是已無

距也本疏。冬十月乙亥，叔孫僑如出奔齊。五行志作齊如。十有二月乙丑，季孫行父及晉卻鞮盟于廬。公

至自會。乙酉，刺公子偃。

十有七年春，衛北宮括帥師侵鄭。公羊作北宮結。夏，公會尹子單子晉侯齊侯宋公衛侯曹伯邾人伐鄭。六

月乙酉，同盟于柯陵。淮南人聞訓作嘉陵柯嘉音同。秋，公至自會。齊高無咎出奔莒。九月辛丑，用郊。賈逵

以二傳為說，諸書用者不宜用也。本疏。劉賈以為諸書用皆不宜用，反于禮者也。同。按賈義本二傳較杜

注為長。晉侯使荀息來乞師。冬，公會單子晉侯宋公衛侯曹伯齊人邾人伐鄭。十有一月，公至

自伐鄭。壬申，公孫嬰齊卒于狸。服。公羊作狸軫。穀梁作狸軫。【註】杜稱舊說云：壬申十月十五日，狸服，魯地也。本疏。

十有二月丁巳，朔，日有食之。邾子貜且卒。晉殺其大夫卻鞮卻鞮郤至。楚人滅舒庸。

十有八年春，王正月，晉殺其大夫胥童。【註】晉語作胥之味。章昭注胥之味，胥童也。按晉語童皆不可使

謀，是童有味義，故胥童字之味也。庚申，晉弑其君州蒲。齊殺其大夫國佐。公如晉。夏，楚子鄭

伯伐宋，宋魚石復入于彭城。【註】地理志：楚國彭城，杜本此。公至自晉。晉侯使士匄來聘。秋，杞伯

來朝。八月，邾子來朝。築鹿囿。己丑，公薨于路寢。冬，楚人鄭人侵宋。晉侯使士魴來乞師。公羊

作士魴，何休解云：考諸正本，皆作士魴字，若作士彭者，謬矣。【註】按毛詩祝祭于訪，說文作彭，知訪彭古字通也。說文又云：彭或从

方。十有二月，仲孫蔑會晉侯宋公衛侯邾子齊崔杼同盟于盧。丁未，葬我君成公。

襄公

元年春王正月公即位。仲孫蔑會晉欒黶宋華元衛甯殖曹人莒人邾人滕人圍宋彭城。夏晉

韓厥帥師伐鄭。公羊作韓厥。仲孫蔑會齊崔杼曹人杞人次于郟。公羊作合。秋楚公子壬夫帥師侵

宋。古今人表作任夫。顏師古匡。謬正俗以爲當作王夫。誤。九月辛酉天王崩。邾子來朝。冬衛侯使公孫剽來聘。晉侯使

荀營來聘。

二年春王正月葬簡王。鄭師伐宋。夏五月庚寅夫人姜氏薨。六月庚辰鄭伯論卒。【詁】說文論目

大也春秋傳鄭伯論古今人表作論。晉師宋師衛甯殖侵鄭。秋七月仲孫蔑會晉荀營宋華元衛

孫林父曹人邾人于戚。己丑葬我小君齊姜。叔孫豹如宋。冬仲孫蔑會晉荀營齊崔杼宋華元

衛孫林父曹人邾人滕人辭人小邾人于戚遂城虎牢。楚殺其大夫公子申。

三年春楚公子嬰齊帥師伐吳。公如晉。夏四月壬戌公及晉侯盟於長樗。公至自晉。六月公會

單子晉侯宋公衛侯鄭伯莒子邾子齊世子光己未同盟于雞澤。【詁】郡國志魏郡曲梁侯國有雞澤

杜同。陳侯使袁僑如會。戊寅叔孫豹及諸侯之大夫及陳袁僑盟。秋公至自會。冬晉荀營帥

師伐許。

四年春王三月己酉陳侯午卒。夏叔孫豹如晉。秋七月戊子夫人妣氏薨。公羊作弋氏下。定頗作定弋。葬陳成

公。八月辛亥葬我小君定姒。冬公如晉。陳人圍頓。

五年春公至自晉。夏鄭伯使公子發來聘。叔孫豹郟世子巫如晉。仲別本誤孫蔑衛孫林父會吳

于善道。公穀皆作善稻【詰】御覽引南兗州記：盱眙本春秋時善道也。秋大雩。楚殺其大夫公子壬夫。

公會晉侯宋公陳侯衛侯鄭伯曹伯莒子邾子滕子辭伯齊世子光吳人鄆人于戚。公至自會。冬

成陳。楚公子貞帥師伐陳。公會晉侯宋公衛侯鄭伯曹伯齊世子光救陳。十有二月公至自救

陳。公穀曹伯下有莒子邾子滕子薛伯辛未季孫行父卒。

六年春王三月壬午杞伯姑容卒。夏宋華弱來奔。秋葬杞桓公。滕子來朝。莒人滅鄆。冬叔孫

豹如邾。季孫宿如晉。外傳作夙權十有二月齊侯滅萊。

七年春鄭子來朝。夏四月三卜郊不從乃免牲。小邾子來朝。城費。秋季孫宿如衛。八月螽。公羊

蠖。冬十月衛侯使孫林父來聘。壬戌及孫林父盟。楚公子貞帥師圍陳。十有二月公會晉侯宋

公陳侯衛侯曹伯莒子邾子于鄆。【詰】玉篇鄆字注引春秋及杜注云亦作爲餘詳見傳文下。鄭伯

髡頑如會未見諸侯。丙戌卒于鄆。公穀髡頑皆作髡【詰】玉篇鄆地左氏傳曰鄭伯卒于鄆。陳侯逃

歸。

八年春王正月公如晉。夏葬鄭僖公。鄭人侵蔡獲蔡公子燮。穀梁作公子燮陸氏穀梁音義曰燮本又作闕又音燮二十年同左氏作燮

季孫宿會晉侯鄭伯齊人宋人衛人邾人于邢丘。公至自晉。莒人伐我東鄙。秋九月大雩。

冬。楚公子貞帥師伐鄭。晉侯使士匄來聘。

九年春。宋災。公羊作宋火。夏。季孫宿如晉。五月辛酉。夫人姜氏薨。秋八月癸未。葬我小君穆姜。公羊作繆姜。

冬。公會晉侯宋公衛侯曹伯莒子邾子滕子薛伯杞伯小邾子齊世子光伐鄭。十有二月己亥。同盟

于戲。楚子伐鄭。

十年春。公會晉侯宋公衛侯曹伯莒子邾子滕子薛伯杞伯小邾子齊世子光會吳于柤。【詁】水經注。柤

作鄆。按說文。鄆。沛國縣。漢書地理志。作鄆。應劭曰。音嵯。師古曰。此縣本爲鄆。應音是也。中古以來。借鄆

字爲之耳。讀皆爲鄆。今考鄆。春秋時爲楚地。昭四年。吳伐楚。入棘杜。注。鄆縣東北有棘亭是也。哀六年。

經。叔還會吳于柤。亦是此地。蓋是地近吳。故皆就近會之耳。惠士奇云。柤。乃宋地。非楚地。晉楚方爭。而

與諸侯會于其地。必無是理。惠棟又引京相璠曰。柤。宋地。今彭城偏陽縣西北有沮水溝。去偏陽八十

里。司馬彪郡國志云。彭城偏陽縣有沮水。今按京相璠土地名。蓋因下傳偏陽生文。故以沮水當之。究

不若鄆縣爲得其實也。至云晉楚方爭。不當與諸侯會其地。定四年傳。劉文公合諸侯于召陵。謀伐楚

也。謀伐楚國。尙會于其地。則此會更何嫌乎。尤可證者。柤會之前。先會于鍾離。鍾離卽楚地。則惠說又

不待辯矣。又按昭六年傳。鄭伯勞楚公子棄疾于柤。當亦此地。鄭畏楚強。又知當取道于鄭。故出境勞

之耳。杜注云：鄭地。蓋亦約略之詞。惟此年經下注云：楚地。則較京相璠說爲得耳。道元亦云：相水出自楚之祖地。亦一證也。夏五月甲午，遂滅偃陽。【註】地理志：楚國傳：陽故偃陽國。莽曰：輔陽。師古曰：偃。

音福。左傳所謂偃陽，姓者也。按古今人表：有福陽子。注云：姓。師古曰：卽偃陽。釋文：徐仙民曰：甫目。

反。是矣。偃福，傳輔音之轉耳。公至自會。楚公子貞、鄭公孫輒帥師伐宋。晉師伐秦。秋，莒人伐

我東鄙。公會晉侯宋公衛侯曹伯莒子邾子齊世子光、滕子辭、杞伯小邾子伐鄭。冬，盜殺鄭公

子駢。公子發、公孫輒。公穀、駢皆作裴。戍鄭虎牢。楚公子貞帥師救鄭。公至自伐鄭。

十有一年春，王正月，作三軍。夏四月，卜郊，不從，乃不郊。鄭公孫舍之帥師侵宋。公會晉侯宋公

衛侯曹伯齊世子光、莒子邾子滕子辭、杞伯小邾子伐鄭。秋七月己未，同盟于亳城北。公穀皆作

羊疏云：穀梁與此同。左氏經作亳城北。服氏之經亦作京城北。乃與此傳同之也。【註】惠棟云：亳城當从服氏作京城。京城、鄭地在滎陽。隱元

年謂之京城是也。今按此當以字近而誤。公至自伐鄭。楚子鄭伯伐宋。公會晉侯宋公衛侯曹

伯齊世子光、莒子邾子滕子辭、杞伯小邾子伐鄭。會于蕭魚。公至自會。楚人執鄭行人良霄。

冬，秦人伐晉。

十有二年春，王三月，莒人伐我東鄙圍台。季孫宿帥師救台，遂入鄆。穀梁：台作鄆。下同。夏，晉侯使士魴來聘。

秋九月，吳子乘卒。冬，楚公子貞帥師侵宋。公如晉。

十有三年春公至自晉。夏取郟。公羊傳：郟，作詩水經注同。【詁】說文：郟，附庸國，在東平亢父郟亭。春秋傳曰：取郟。杜

此。秋九月庚辰，楚子審卒。【詁】按楚語：莊王使士麇傳太子歲，章昭曰：歲，恭王名。今左傳作審，史記

同，審與歲音之轉也。冬，城防。

十有四年春，王正月，季孫宿、叔老會晉士匄、齊人宋人、衛人鄭公孫蠆、曹人莒人邾人、滕人、郚人、杞人、小

邾人、會吳于向。公羊：蠆，作蠆，下同。二月乙未，朔，日有食之。夏四月，叔孫豹會晉荀偃、齊人宋人、衛人、北宮括

鄭公孫蠆、曹人莒人邾人、滕人、郚人、杞人、小邾人、伐秦。公羊：作北宮結。己未，衛侯出奔齊。公羊：作衛侯，衛侯，衛。【詁】不修

春秋云：孫林父寧殖，出其君仲尼，修之曰：衛侯，衛侯，出奔齊。北宮結二十年，惠棟云：臣逐君，不可以訓，猶召君也。

杜注：謬諸侯失國名，公穀皆有衍字，左傳脫也。今按穀梁本亦無衍字，惠氏誤記。莒人侵我東鄙。

秋，楚公子貞帥師伐吳。冬，季孫宿會晉士匄、宋華閱、衛孫林父、鄭公孫蠆、莒人邾人于戚。

十有五年春，宋公使向戌來聘。二月己亥，及向戌盟于劉。劉，夏逆王后于齊。夏，齊侯伐我北鄙，圍

成。公救成，至遇。季孫宿、叔孫豹帥師城成郟。秋八月丁巳，日有食之。【詁】隋志云：推合丁巳朔，

邾人伐我南鄙。冬十有一月癸亥，晉侯周卒。公羊釋文云：周，一本作雕。

十有六年春，王正月，葬晉悼公。三月，公會晉侯、宋公、衛侯、鄭伯、曹伯、莒子、邾子、郚伯、杞伯、小邾子于洹

梁。陸氏公羊音義云：吳本作洹，案今公羊本亦作洹。陸氏所見或古本也。【詁】郡國志：河內郡，輒有洹梁。杜同。戊寅，大夫盟。【詁】賈服

皆以爲惡大夫專而君失權疏。晉人執莒子邾子以歸。齊侯伐我北鄙。夏公至自會。五月甲

子地震。叔老會鄭伯晉荀偃衛甯殖宋人伐許。秋齊侯伐我北鄙。圍郟公穀皆作成。大雩。冬叔孫

豹如晉。

十有七年春王二月庚午邾子貜卒。公穀經皆作【註】按孟子宋經荀卿子作宋鉞此經作卿亦以音同而轉。

宋人伐陳。夏衛石買帥師伐曹。秋齊侯伐我北鄙。圍桃。公羊作洮【註】按此即昭七年傳季孫與孟

氏之桃。桃近成邑。當在今兗州府寧陽縣左近。高厚帥師伐我北鄙。圍防。公穀皆作齊高厚。疑左氏經脫齊字。九月

大雩。宋華臣出奔陳。冬邾人伐我南鄙。

十有八年春白狄來。夏晉人執衛行人石買。秋齊師伐我北鄙。穀梁作齊侯。冬十月公會晉侯宋公

衛侯鄭伯曹伯莒子邾子滕子辭伯杞伯小邾子同圍齊。曹伯負芻卒于師。楚公子午帥師伐鄭。

十有九年春王正月諸侯盟于祝柯。公羊作祝阿。水經注引左傳亦作祝阿。【註】地理志平原郡祝阿。杜本。晉人執邾子

公至自伐齊。【註】賈逵曰圍齊而致伐以策伐勳也。疏。取邾田自澗水。【註】說文澗水在魯京相

璠曰薛縣澗水首受蕃縣西注山陽湖陸。水經注。季孫宿如晉。葬曹成公。夏衛孫林父帥師伐齊。

秋七月辛卯齊侯環卒。公羊環作環。晉士匄帥師侵齊。至穀。聞齊侯卒乃還。白虎通引匄作還。八月丙辰

仲孫蔑卒。齊殺其大夫高厚。鄭殺其大夫公子嘉。公羊嘉作喜。冬葬齊靈公。城西郟。叔孫豹會

晉士匄于柯。城武城【詁】京相璠曰。今泰山南武城縣。有澹臺子羽冢。縣人也。水經注。杜同此。

二十年春王正月辛亥。仲孫速會莒人盟于向。夏六月庚申。公會晉侯齊侯宋公衛侯鄭伯曹伯莒子

邾子滕子辭伯杞伯小邾子盟于澶淵【詁】張晏曰。繁陽縣有繁淵。春秋襄二十一年。經書盟于澶淵。即

繁淵也。水經注。繁陽在繁水之陽。按繁陽晉屬頓丘郡。秋。公至自會。仲孫速帥師伐

邾。蔡殺其大夫公子燮。穀梁燮。作溼。蔡公子履出奔楚。陳侯之弟黃出奔楚。公穀黃。皆作光。【詁】賈逵以爲

稱名罪其逼。本疏。按杜注。稱弟。明無罪也。正義申杜云。杜以鄭段有罪。去弟以罪段。今此存弟。非是。罪黃

之文。言此以排賈氏也。今考春秋兼罪鄭莊。故段不稱弟。觀傳文如二君之言自明。此傳于陳侯無譏。

不當引此例。又襄三十年。天王殺其弟佖。夫。釋例曰。佖夫稱弟。不聞反謀也。鄭段去弟。身爲謀首也。佖

夫以不聞反謀。尙得稱弟。今賈義雖謂公子黃。不過罪其逼。究非鄭段身爲謀首可比。則稱弟而罪之

義。固兩不相妨。杜注及正義蓋非也。 叔老如齊。冬十月丙辰朔。日有食之。季孫宿如宋。

卷四

春秋經四

襄公

二十有一年春王正月公如晉【註】賈逵云此年仲尼生哀十六年夏四月己丑卒七十二年三十六年本疏

羊於經文後書十有一月庚子孔子生穀梁無十有一月四字 邾庶其以漆閭丘來奔【註】劉賈說

三叛人以地來奔不書叛謂不能專也二十六本疏郡國志山陽郡有漆亭有閭丘亭杜同按水經注漆水

下引從征記曰杜謂顯閭閭丘也今按漆鄉在縣東北漆鄉東北十里見有閭丘鄉顯閭非也應劭十

三州記亦云漆鄉邾邑見泗水下 夏公至自晉殺梁作至自會【註】按公如晉後未嘗有會當以左氏及公

羊爲長 秋晉欒盈出奔楚 九月庚戌朔日有食之 冬十月庚辰朔日有食之 曹伯來朝 公

會晉侯齊侯宋公衛侯鄭伯曹伯莒子邾子于商任

二十有二年春王正月公至自會 夏四月 秋七月辛酉叔老卒 冬公會晉侯齊侯宋公衛侯鄭伯

曹伯莒子邾子辭伯杞伯小邾子于沙隨 公至自會公殺薛伯上皆有滕子二字疑左氏經脫去 楚殺其大夫公子追舒

二十有三年春王二月癸酉朔日有食之 三月己巳杞伯匄卒 夏邾我來奔石經作我來奔宋本亦

非邾也正義引作邾我昭二十年經曹公孫會自鄆出奔宋昭二十七年經邾快來奔正義皆引作

卑是卑界二字音同字近公羊作鼻陸氏音義曰二傳作界我石經穀梁作卑我鼻界亦音同左穀以

鼻爲界或古文齊【註】賈逵以爲庶其之黨同有邳邑叛君之罪本按以界我爲庶其之黨賈必有據劉炫譏

之非是 葬杞孝公 陳殺其大夫慶虎及慶寅 陳侯之弟黃自楚歸于陳 晉欒盈復入于晉入

于曲沃 秋齊侯伐衛遂伐晉 八月叔孫豹帥師救晉次于雍榆公穀皆作雍榆外傳作雍俞水經注引作淇水又東北流逕雍榆城

城字疑衍

己卯仲孫速卒。冬十月乙亥，臧孫紇出奔邾。晉人殺欒盈。齊侯襲莒。

二十有四年春，叔孫豹如晉。公羊釋文云：仲孫偁，本作耦，亦作鞠，同居，謂反。按公羊經及諸刻本，並作耦，刻本多改竄，釋文本字不可不察。夏，楚子伐吳。秋七月甲子朔，日有食之。既，齊崔杼帥師伐莒。大水。八月癸巳朔，日有食

之。公會晉侯宋公衛侯鄭伯曹伯莒子邾子滕子薛伯杞伯小邾子于夷儀。公羊作陳儀，五。冬，楚

子蔡侯陳侯許男伐鄭。公至自會。陳鍼宜咎出奔楚。按昭四年傳作箴，尹宜白，公羊釋文，作成。其靡反，今考公羊石經及諸刻本，並作鍼。

叔孫豹如京師。大饑。

二十有五年春，齊崔杼帥師伐我北鄙。夏五月乙亥，齊崔杼弑其君光。公會晉侯宋公衛侯鄭伯曹

伯莒子邾子滕子薛伯杞伯小邾子于夷儀。六月壬子，鄭公孫舍之帥師入陳。秋八月己巳，諸侯

同盟于重丘。【詁】地理志：平原郡重丘，按郡國志無重丘縣，蓋建武時所省，應劭曰：安德縣北五十里

有重丘鄉，故縣也。水經注：公至自會，衛侯入於夷儀。楚屈建帥師滅舒鳩。冬，鄭公孫夏帥師伐陳。

公羊作公孫蠱。十有二月，吳子遏伐楚，門于巢卒。公穀皆作吳子闕。【詁】地理志：廬江郡居巢，應劭曰：春秋楚人圍

巢，巢國也。

二十有六年春，王二月辛卯，衛甯喜弑其君剽。衛孫林父入于戚以叛。甲午，衛侯衍復歸于衛。陸氏

音義曰：衍，一本作衍。夏，晉侯使荀吳來聘。公會晉人鄭良霄宋人曹人于澶淵。秋，宋公殺其世子痤。殺梁作座。

公孫蠱。

晉人執衛寧喜。八月壬午，許男寧卒于楚。冬，楚子蔡侯陳侯伐鄭。葬許靈公。

二十有七年春，齊侯使慶封來聘。夏，叔孫豹會晉趙武、楚屈建、蔡公孫歸生、衛石惡、陳孔奐、鄭良霄、許

人曹人于宋。公羊作孔瑛。衛殺其大夫寧喜。衛侯之弟鱣出奔晉。穀梁作專。【詰】陸賈新語明誠篇春秋書

衛侯之弟鱣出奔晉，書鱣絕骨肉之親，棄大夫之位，越先人之境，附他人之域，窮涉寒飢，織履而食，不

明之教也，與三傳說並不同。秋七月辛巳，豹及諸侯之大夫盟于宋。【詰】晉有難，左氏云：叔孫嚭如

舍族爲尊夫人。按襄二十七年豹及諸侯之大夫盟，復何所尊而亦舍族春秋之例，一事再見者，亦从

晉文耳。左氏爲短，鄭箴曰：左氏以豹違命，故貶之而去族。成十五年本疏。冬十有二月乙亥朔，日有食之。

二十有八年春，無冰。夏，衛石惡出奔晉。邾子來朝。秋八月，大雩。仲孫羯如晉。冬，齊慶封來奔。

十有一月，公如楚。十有二月甲寅，天王崩。乙未，楚子昭卒。史記作招，論衡同。

二十有九年春，王正月，公在楚。夏五月，公至自楚。庚午，衛侯衍卒。闕弑吳子餘祭。仲孫羯會晉

荀盈、齊高止、宋華定、衛世叔儀、鄭公孫段、曹人莒人滕人、郕人小邾人、城杞。公羊作衛世叔齊又莒人下滕人上公羊有邾婁人

穀梁有邾人疑左氏經脫去。【詰】說文：礪，礪石也。春秋傳曰：鄭公孫礪，字子石。按左傳公孫段，字伯石，印段，字子石。

說文所引疑有誤，且字从段，不从段。晉侯使士鞅來聘。杞子來盟。吳子使札來聘。【詰】賈逵服

虔皆以爲夷末新即位，使來通聘。秋九月，葬衛獻公。齊侯止出奔北燕。冬，仲孫羯如晉。

三十年春王正月。楚子使薳罷來聘。公羊作遠頤。

夏四月。蔡世子般弑其君固。白虎通作世子班。

五月甲午。宋災。

宋伯姬卒。公穀伯姬上皆無宋字。亦不另行按疑因傳文而誤。

天王殺其弟佖夫。公羊作年夫。年佖音同。

王子瑕奔晉。秋七月。叔

弓如宋。葬宋共姬。穀梁下無宋字。【詁】按上既有如宋二字。則下宋字亦疑衍。鄭良霄出奔許。自許入於鄭。

鄭人殺良霄。冬十月。葬蔡景公。晉人齊人宋人衛人鄭人曹人莒人邾人滕人薛人杞人小邾人

會于澶淵。宋災。故。公穀皆同。石經故字。下後人妄增也字。【詁】按此澶淵宋地。與二十年二十六年盟會之地不同。許氏

說文。澶淵水在宋。卽此司馬彪郡國志。沛國杼秋故屬梁。有澶淵聚。劉昭注。顧引襄二十年盟于澶淵

之文以當之。非也。

三十有一年春王正月。夏六月辛巳。公薨于楚宮。秋九月癸巳。子野卒。己亥。仲孫羯卒。冬十月。

滕子來會葬。癸酉。葬我君襄公。十有一月。莒人弑其君密州。

昭公

元年春王正月。公卽位。叔孫豹會晉趙武。楚公子圍。齊國弱。宋向戌。衛齊惡。陳公子招。蔡公孫歸生。鄭

罕虎。許人曹人于虢。公羊國弱作國酌。齊惡作石惡。罕作軒虎。虢作渚。穀梁又作郭。【詁】穎氏曰。臣無竟外之交。故去弟以貶季文。

子招樂憂。故去弟以懲過。鄭段去弟。惟以名通。故謂之貶。今公子圍。公子招。皆書公子。公子者。名號之

美稱。非貶詞也。本疏引釋例。三月。取鄆。【詁】說文。魯有鄆地。京相璠曰。琅邪姑幕縣南四十里有良亭。故

魯鄆邑。郡國志：琅邪東莞有鄆亭。杜同賈逵云：楚以伐莒來討，故諱伐，不諱取。本按劉氏規杜以賈說

爲是。夏，秦伯之弟鍼出奔晉。六月丁巳，邾子華卒。晉荀吳帥師敗狄于大鹵。公穀皆作大原，穀

曰大鹵。【詰】地理志：大原郡晉陽，杜注：大鹵大原晉陽縣也。杜本秋，莒去疾自齊入于莒，莒展與出

奔吳。公穀皆無與字，釋文：一本作莒，展出奔吳。叔弓帥師疆鄆田，葬邾悼公。冬十有一月己酉，楚子麇卒。公穀：麇，皆

世家作員，索隱曰：左傳作麇，按麇與麇古字通。楚公子比出奔晉。公穀：公子，上

二年春，晉侯使韓起來聘。夏，叔弓如晉。秋，鄭殺其大夫公孫黑。冬，公如晉，至河乃復。季孫宿如

晉。

三年春，王正月丁未，滕子原卒。公羊作泉夏，叔弓如滕。五月，葬滕成公。秋，小邾子來朝。八月，大雩。

冬，大雨雹。北燕款出奔齊。

四年春，王正月，大雨雹。公穀：雹，皆作雪。夏，楚子蔡侯、陳侯、鄭伯、許男、徐子、滕子、頓子、胡子、沈子、小邾子、宋世子

佐，淮夷會于申。【詰】地理志：汝陰本胡子國。杜本楚人執徐子。秋七月，楚子蔡侯、陳侯、許

男、頓子、胡子、沈子、淮夷伐吳，執齊慶封，殺之，遂滅賴。公穀：賴，皆作厲。九月，取郟。冬十有二月乙卯，叔孫豹

卒。

五年春，王正月，舍中軍。楚殺其大夫屈申。公如晉。夏，莒牟夷以牟婁及防茲來奔。【詰】郡國志：北

海郡平昌有蘘鄉。秋七月公至自晉。戊辰，叔弓帥師敗莒師于蚡泉。公羊：蚡作瀆，殺梁作賁。【詁】按爾雅：瀆

大出尾下。郭璞注曰：今河東汾縣有水如車輪許瀆，沸湧出，其深無限，名之爲瀆。廣雅：瀆泉，直泉也。直

泉，湧泉也。瀆，瀆也。皆古字通用。沸，聲之轉。秦伯卒。冬，楚子蔡侯、陳侯、許男、頓子、沈子、徐人、越人伐

吳。

六年春王正月，杞伯益姑卒。葬秦景公。夏季，孫宿如晉。葬杞文公。宋華合比出奔衛。秋九月，

大雩。楚薳罷帥師伐吳。冬，叔弓如楚。齊侯伐北燕。

七年春王正月，暨齊平。【詁】賈逵何休亦以爲魯與齊平。許惠卿以爲燕與齊平。服虔云：襄二十四年仲

孫，謁侵齊。二十五年，崔杼伐我，自爾以來，齊魯不相侵伐。且齊是大國，何爲求與魯平。此六年冬，齊侯

伐北燕，將納簡公。齊侯貪賄而與之平，故傳言齊求之也。本疏：按賈用穀梁傳以外及內曰暨，義最諦。又

經下云：叔孫婁如齊，泄盟。明既平之後，故往泄盟也。杜注用許惠卿說曰：燕及齊平，非也。三月，公如

楚。叔孫婁如齊，泄盟。公羊：婁，作舍。【詁】說文：婁，不順也。春秋傳曰：叔孫婁。夏四月甲辰朔，日有食之。

秋八月戊辰，衛侯惡卒。九月，公至自楚。冬十有一月癸未，季孫宿卒。十有二月癸亥，葬衛襄公。

八年春，陳侯之弟招殺陳世子偃師。夏四月辛丑，陳侯溺卒。叔弓如晉。楚人執陳行人于徵師，殺

之。陳公子留出奔鄭。秋，蒐于紅。【詁】劉賈穎曰：蒐于紅，不言大者，言公大失權在三家也。十一年蒐

于比蒲經書大蒐復書大蒐者言大衆盡在三家疏本按劉昭補注紅亭在泰山郡牟高縣西北左傳昭

八年大蒐于紅杜注以爲在沛國蕭縣誤今從劉昭說蓋沛國之紅亭水經注以爲卽地理志之虹縣

王莽改名曰賁師古曰虹亦音賁音義並異此傳釋文云紅日東反則陸亦不以爲沛國之紅也陳

人殺其大夫公子過大雩冬十月壬午楚師滅陳執陳公子招放之于越殺陳孔奐公羊作孔瑗葬

陳哀公詰賈服以鄆哀公之文在殺孔奐之下以爲楚葬哀公疏本按魯往會葬則爲楚葬哀公可知

杜注云嬖人袁克葬之又自亂其例矣

九年春叔弓會楚子于陳許遷于夷夏四月陳災詰公穀皆作陳火公羊傳曰陳已滅矣其言陳

火何存陳也穀梁傳曰國曰災邑曰火火不志此何以志閔陳而存之也賈服取彼爲說言閔陳不與

楚故存陳而書之言陳尙爲國也疏本秋仲孫纘如齊冬築郎囿

十年春王正月夏齊樂施來奔公羊齊作晉誤詰說文樂施字子旗知施者旗也秋七月季孫意如叔弓

仲孫纘帥師伐莒公羊作隱如下同戊子晉侯彪卒九月叔孫婁如晉葬晉平公十有二月甲子詰

賈遠服虔並云無冬刺不登壘觀氣公羊按杜注此條及蒐于紅等皆云史闕文恐非是宋公成卒

公羊成作戊詰按公羊釋文云宋成讀左傳者音城何云向戌與君同名則宜音恤

十有一年春王二月叔弓如宋葬宋平公夏四月丁巳楚子虔誘蔡侯般殺之于申楚公子棄疾帥師

團蔡。五月甲申，夫人歸氏薨。大蒐于比蒲。仲孫纒會邾子盟于禚祥。公羊作禚羊，解曰：穀梁傳作禚祥，字服虔注引者直

作詳，無健字，皆【註】按穀梁作禚祥，釋文曰：禚，子鳩反，解引作禚，當是傳寫有異。秋，季孫意如會晉

韓起、齊國弱、宋華亥、衛北宮佗、鄭罕虎、曹人杞人于厥慙。公羊意如，作隱如，國弱，作國酌，罕虎，作軒虎，

五巾【註】惠棟曰：公羊作屈銀，是慙讀爲銀，徐音是也。說文：慙，从心，欸聲；又犬部，欸，从犬，來聲。讀又若

銀，是古音皆以慙爲銀。九月己亥，葬我小君齊歸。冬十有一月丁酉，楚師滅蔡，執蔡世子有以歸

用之。穀梁有作友。

十有二年春，齊高偃帥師納北燕伯于陽。【註】地理志：中山國唐，杜本正義：經言于陽，傳言于唐，知陽

即唐也。賈氏云：時陽守距難，故稱納。例按說文：唐，古文作陽，从口，曷，故讀陽爲唐，與公穀異，此與齊人

來歸，衛侯皆左氏古字古音之僅存者。三月壬申，鄭伯嘉卒。夏，宋公使華定來聘。公如晉，至河

乃復。五月，葬鄭簡公。楚殺其大夫成熊。公羊作成然，穀梁作成虎，按左氏傳亦作成虎，解見正義。秋七月，冬十月，公子慙

出奔齊。公羊作公子慙。楚子伐徐。晉伐鮮虞。【註】穀梁傳曰：其曰晉，狄之也不正，其與夷狄交伐中國，故

狄稱之也。賈服取以爲說，本疏。

十有三年春，叔弓帥師圍費。夏四月，楚公子比自晉歸于楚，弑其君虔于乾谿。穀梁谿，作溪，楚公子棄疾殺

公子比。公羊殺，作弑。秋，公會劉子晉、侯齊、侯宋、公衛、侯鄭、伯曹、莒子邾子滕子薛、伯杞、伯小邾子于平

丘【詰】地理志陳留郡平丘此杜本八月甲戌同盟于平丘公不與盟晉人執季孫意如以歸公至自會

蔡侯廬歸于蔡陳侯吳歸于陳冬十月葬蔡靈公公如晉至河乃復吳滅州來

十有四年春意如至自晉三月曹伯滕卒夏四月秋葬曹武公八月莒子去疾卒冬莒殺其

公子意恢

十有五年春王正月吳子夷末卒公羊作夷昧二月癸酉有事于武宮籥入叔弓卒去樂卒事夏蔡朝吳

出奔鄭公羊作昭吳無出字六月丁巳朔日有食之秋晉荀吳帥師伐鮮虞冬公如晉

十有六年春齊侯伐徐楚子誘戎蠻子殺之公羊作戎曼子【詰】賈逵云楚子不名以立其子本疏

夏公至自晉秋八月己亥晉侯夷卒九月大雩季孫意如如晉冬十月葬晉昭公

十有七年春小邾子來朝夏六月甲戌朔日有食之秋鄭子來朝【詰】說文鄭東海縣帝少吳之後

八月晉荀吳帥師滅陸渾之戎公羊作賁渾穀梁與左氏同無之字冬有星孛于大辰楚人及吳戰于長岸

十有八年春王三月曹伯須卒夏五月壬午宋衛陳鄭災六月邾人入郟【詰】地理志東海郡開陽

故郟國杜本此秋葬曹平公冬許遷于白羽

十有九年春宋公伐邾夏五月戊辰許世子止弑其君買己卯地震秋齊高發帥師伐莒冬葬

許悼公

二十年春王正月。夏。曹公孫會自鄆出奔宋。穀梁作夢。陸氏穀梁音義曰。【詁】賈逵云。前此以弼叛也。本或作蔑。按此則音同而轉。【詁】賈逵云。前此以弼叛也。

叛便從鄆而出。叛不皆。故不書。本疏。賈又云。所以華亥向寧射姑等。不見有玉帛來聘者。以其時未為卿也。

同。按寰宇記。濟陰乘氏縣。有大饗城。故老言。古曹之鄭邑也。或作大鄉。秋。盜殺衛侯之兄。縶。按公作輒。今考出公名輒。即靈公之孫。與孟縶服尚近。必不同名。當以左傳為是。

冬十月。宋華亥向寧華定出奔陳。公羊作向寧。後同。十有一月辛卯。蔡侯廬卒。廬字从石經。宋本改定。

二十有一年春王三月。葬蔡平公。夏。晉侯使士鞅來聘。宋華亥向寧華定自陳入于宋南里以叛。【詁】賈逵云。書入。華輿兄弟作亂。召而逆之。本疏。又云南里。穀梁曰南鄙。公羊疏。

之。八月乙亥。叔輒卒。冬。蔡侯朱出奔楚。穀梁作蔡侯。東今考蓋因東國而誤。公如晉。至河乃復。

二十有二年春。齊侯伐莒。宋華亥向寧華定自宋南里出奔楚。大蒐于昌閒。公羊作昌姦。夏四月乙丑。

天王崩。六月。叔鞅如京師。葬景王。王室亂。劉子單子以王猛居于皇。【詁】郡國志。河南郡鞏有皇亭。

劉昭注。引左傳作噍。杜同此。秋。劉子單子以王猛入于王城。【詁】地理志。河南郡河南。故郊。鄆也。周成王遷九鼎。周公致太平。是為王城。杜本此。

冬十月。王子猛卒。十有二月癸酉。朔。日有食之。

二十有三年春王正月。叔孫婁如晉。癸丑。叔鞅卒。晉人執我行人叔孫婁。晉人圍郊。夏六月。蔡侯東國卒于楚。秋七月。莒子庚與來奔。戊辰。吳敗頓胡沈蔡陳許之師于雞父。穀梁作雞甫。水經注。泝水从雒縣。

侯東國卒于楚。秋七月。莒子庚與來奔。戊辰。吳敗頓胡沈蔡陳許之師于雞父。穀梁作雞甫。水經注。泝水从雒縣。

侯東國卒于楚。秋七月。莒子庚與來奔。戊辰。吳敗頓胡沈蔡陳許之師于雞父。穀梁作雞甫。水經注。泝水从雒縣。

逯雞備亭【詰】賈逵云：不國國書師，惡其同役不同心。本按賈據桓十三年齊師宋師衛師燕師敗績，又傳

言七國同役而不同心，故本此立論。正義譏之。妾矣。服虔云：不書楚，楚諱敗，不告。同上胡子髡沈子逞滅

獲陳夏留。公羊：逞，作隱。穀梁作益。天王居于狄泉。【詰】京相璠春秋地名，言今大倉西南池，水名翟泉。舊說言

翟泉，本自在洛陽北，襄宏城成周乃繞之。水經：郡國志：河南尹洛陽有翟泉在城中。杜本尹氏立王子

朝。八月乙未地震。冬，公如晉至河，有疾，乃復。公穀：皆作公。有疾，乃復。

二十四年春，王三月丙戌，仲孫纘卒。【詰】賈逵云：仲尼時年三十五矣。史記：索隱：婁隱。婁至自晉。公羊：作叔孫舍至自晉。

夏五月乙未朔，日有食之。秋八月大雩。丁酉，杞伯郁釐卒。公羊：作鬱釐。冬，吳滅巢，葬杞平公。

二十有五年春，叔孫婁如宋。夏，叔詣會晉趙鞅、宋樂大心、衛北宮喜、鄭游吉、曹人邾人滕人、薛人小邾

人於黃父。公穀：皆作叔倪。公羊：樂大心作樂世心。【詰】按公羊疏云：左氏經賈注者作叔詣。有鸚鵡來巢。【詰】說文：古

者鸚鵡，不喻。泲，釋文。鸚，稽康音機。又作鸚。音劬。公羊傳作鸚。音橫。郭璞注：山海經曰：鸚，鸚鵡也。高誘

淮南王書注引作鸚。秋七月，上辛大雩。季辛又雩。九月己亥，公孫於齊。次於陽州。齊侯唁公於野

井。【詰】郡國志：濟南郡祝阿有野井亭。杜同冬十月戊辰，叔孫婁卒。十有一月己亥，宋公佐卒於

曲棘。【詰】郡國志：陳留郡外黃城中有曲棘亭。杜同十有二月，齊侯取郕。

二十有六年春，王正月葬宋元公。三月，公至自齊，居於鄆。【詰】賈逵云：季氏示欲為臣，故以告廟。本疏

夏。公圍成。秋。公會齊侯莒子邾子杞伯盟於鄆。陵。公至自會。居於鄆。九月庚申。楚子居卒。冬十月。天王入於成周。尹氏召伯毛伯。以王子朝奔楚。

二十有七年春。公如齊。公至自齊。居於鄆。夏四月。吳弑其君僚。楚殺其大夫卻宛。穀梁卻作邾。石經同。【詁】按

呂覽慎行篇。邾尹光唐之子。今穀梁本卻亦作邾。徐廣誤會史記楚世家文。遂以卻宛爲伯州犖之子。

非是。辯已見集中。秋。晉士鞅宋樂祁犖衛北宮喜曹人邾人滕人會于扈。冬十月。曹伯午卒。邾

快來奔。公如齊。公至自齊。居于鄆。

二十有八年春王三月。葬曹悼公。公如晉。次於乾侯。【詁】臣瓚漢書注。乾侯在魏郡斥丘縣。元和郡縣

志。斥丘故城在成安縣南三十里。春秋時乾侯邑。夏四月丙戌。鄭伯寧卒。六月葬鄭定公。秋七

月癸巳。滕子寧卒。公羊與上鄭伯寧並作寧。冬葬滕悼公。

二十有九年春。公至自乾侯。居於鄆。齊侯使高張來唁公。公如晉。次于乾侯。夏四月庚子。叔詣卒。

秋七月。冬十月。鄆潰。

三十年春王正月。公在乾侯。夏六月庚辰。晉侯去疾卒。秋八月。葬晉頃公。冬十有二月。吳滅徐。徐

子章羽奔楚。公羊作禹。漢書古今人表地理志並同。今依宋本。【詁】按經作羽。傳作禹。蓋經與傳不必盡合。如定十五年。齊侯

衛侯次于葵。葵傳作蓮。擧哀四年。經公孫霍。傳作公孫盱。可類推也。

三十有一年春王正月公在乾侯。季孫意如會晉荀躒于適歷。公穀皆作荀躒下同。夏四月丁巳，薛伯穀卒。

晉侯使荀躒唁公於乾侯。秋，葬薛獻公。冬，黑肱以濫來奔。公羊作黑弓。【詰】那國志：濫，作驚云：東海郡

昌慮有藍鄉。杜同此。服虔云：公羊，五分之然後受之。邾婁本附庸三十里，而晉五分之，為六里國也。公羊疏。

十有二月辛亥，朔，日有食之。

三十有二年春王正月，公在乾侯，取闕。【詰】賈逵云：昭公得闕，季氏奪之，不用師徒，謂此取闕為季氏取

于公也。本疏按詳上書法，當以賈義為長。夏，吳伐越。秋七月，冬，仲孫何忌會晉韓不信、齊高張、宋

仲幾、衛世叔申、鄭國參、曹人莒人薛人杞人小邾人城成周。穀梁世叔作大叔，公穀莒人下皆有邾人。【詰】

賈逵云：晉有昭公，雖故會而不盟。本疏。十有二月己未，公薨于乾侯。

定公

元年春王三月，晉人執宋仲幾於京師。夏六月癸亥，公之喪至自乾侯。戊辰，公即位。秋七月癸

巳，葬我君昭公。九月，大雩。立場宮。冬十月，隕霜，殺菽。公羊作實，釋文云：菽，本又作叔。

二年春王正月，夏五月壬辰，雉門及兩觀災。周禮鄭康成注引作雉門災及兩觀。秋，楚人伐吳。冬十月，新作雉門，及

兩觀。

三年春王正月，公如晉，至河乃復。【詰】賈逵云：刺綬朝見辭失所，不諱，雖已。本疏。二月辛卯，邾子穿卒。公穀

皆作 夏四月 秋葬邾莊公 冬仲孫何忌及邾子盟於拔公羊作枝

四年春王二月癸巳陳侯吳卒 三月公會劉子晉侯宋公蔡侯衛侯陳子鄭伯許男曹伯莒子按自此以後莒

不見于經水經注沫水下引尸子云莒君好鬼巫而國亡或當在春秋之後 邾子頓子胡子滕子薛伯杞伯小邾子齊國夏于召陵侵楚

夏四月庚辰蔡公孫姓帥師滅沈以沈子嘉歸殺之五月公及諸侯盟于皋鼬公羊作公孫歸姓後同釋文云公孫生本又作

姓音生舉鮑公羊作杞伯成卒于會公羊作六月葬陳惠公 許遷于容城詁地理志南郡華容應劭

曰春秋許遷于容城是按水經注亦同 秋七月公至自會 劉卷卒 葬杞悼公 楚人圍蔡 晉

士鞅衛孔圉帥師伐鮮虞公羊作葬劉文公 冬十有一月庚午蔡侯以吳子及楚人戰於柏舉楚

師敗績公羊作伯莒穀梁作伯舉淮南王書作柏莒古字並通 詁惠棟曰高誘呂覽注柏舉楚鄙邑京相璠曰柏舉漢東地江

夏有柘水或作舉疑卽此也今按舉水出今麻城縣東龜頭山西南流至黃岡縣入江與水經注同于

漢爲西陵縣地唐李吉甫亦云龜頭山卽春秋時柏舉也若江夏之沮水距此較遠疑京說非也楚薺

瓦出奔鄭 庚辰吳入郢公穀鄭皆作楚

五年春王三月辛亥朔日有食之公羊作正月 夏歸粟于蔡 詁賈逵取穀梁爲說云不書所會後也本

於越入吳 詁漢書貨殖傳辟猶戎狄之與于越不相入矣吳都賦包括于越注引春秋曰于越入吳

杜注于越人發語聲按于於字雖同旣爲發語聲則作於爲近於字宜作烏音贖也六月丙申季孫意

如卒。秋七月壬子，叔孫不敢卒。冬，晉士鞅帥師圍鮮虞。

六年春王正月癸亥，鄭遊速帥師滅許，以許男斯歸。公羊作游邀二月，公侵鄭，公至自侵鄭。夏，季孫斯仲

孫何忌如晉。【詰】范寧穀梁傳注曰：仲孫忌而云仲孫何忌，寧所未詳。公羊傳曰：譏二名，按范氏因下

文仲孫忌，兼泥公羊之說，故云然。秋，晉人執宋行人樂祁犂。冬，城中城。季孫斯仲孫忌帥師圍

鄆。【詰】公羊傳曰：此仲孫何忌也。曷爲謂之仲孫忌，譏二名，二名非禮也。公羊疏云：解曰：古本無何字，

有者，誤也。穀梁及賈注皆無何字，又哀十三年經云：晉魏多帥師侵衛，傳云：此晉魏曼多也。曷爲之晉

魏多，譏二名，二名非禮也。以此言之，則此經無何明矣。而賈氏云：公羊曰：仲孫何忌者，蓋誤。今按昭三

十二年定三年六年十二年哀元年二年五年六年經文，凡十二書仲孫何忌。左氏公穀並同何以不去何字

以譏之，杜注云：何忌不晉何，闕文，其說是也。古本此無何字，有則後人所加，故公羊疏云：有者，誤也。但

疏墨守公羊之說，復引哀十三年魏曼多以例之，則非。當春秋時，人臣二名者多矣。聖人褒貶，豈在名

之一字二字，亦斷無一書再書之後，方去一字以示譏也。且哀十三年經，左氏及穀梁皆作晉魏曼多，

公羊譏二名之說，甚鑿。

七年春王正月，夏四月，秋，齊侯鄭伯盟于鹹。齊人執衛行人北宮結，以侵衛。齊侯衛侯盟于沙。公

作沙【詰】郡國志：魏郡元城有沙亭，杜同。大雩。齊國夏帥師伐我西鄙。九月，大雩。【詰】賈逵云：

早也。本疏冬十月。諸本皆脫此三字，今从石經及宋本增入。

八年春王正月公侵齊。公至自侵齊。二月公侵齊。【詰】賈逵云：遷至不月為曹伯卒月。公羊三月公

至自侵齊。曹伯露卒。夏齊國夏帥師伐我西鄙。公會晉師於瓦。【詰】國志：東郡燕有瓦亭。杜

此。公至自瓦。秋七月戊辰陳侯柳卒。晉士鞅帥師侵鄭。遂侵衛。公羊作。葬曹靖公。陸氏公羊

公。九月葬陳懷公。季孫斯仲孫何忌帥師侵衛。冬衛侯鄭伯盟于曲濮。從祀先公。【詰】服虔

云：自躋僖公以來，昭穆皆逆禮記。盜竊寶玉大弓。【詰】劉歆以來說左氏者，皆以為夏后氏之璜，封

父之繁弱，成王所以封魯公也。本疏

九年春王正月。夏四月戊申鄭伯薨卒。得寶玉大弓。六月葬鄭獻公。秋齊侯衛侯次于

五氏。秦伯卒。冬葬秦哀公。

十年春王三月及齊平。夏公會齊侯于夾谷。公至自夾谷。【詰】服虔云：東海祝期縣。史記又云

地二名。水經：郡國志：東海郡祝期春秋時曰祝其夾谷地。杜本。晉趙鞅帥師圍衛。齊人來歸鄆。謹

龜陰田。穀梁田上。【詰】說文：鄆魯下邑。春秋傳曰：齊人來歸鄆。叔孫州仇仲孫何忌帥師圍郕。【詰】

公羊作圍費。公羊疏云：解曰：左氏穀梁此費字，皆為郕。但公羊曰：本作費字，與二家異。賈氏不言公羊

作費者，蓋文不備，或所見異也。秋叔孫州仇仲孫何忌帥師圍郕。宋樂大心出奔曹。公羊作樂世

心後同。公羊

疏云：宋樂世心者，世子亦作泄。宋公子地出奔陳。公羊作公，子池後同。冬，齊侯衛侯鄭游速會於安甫。公羊作會，子處。故賈氏言焉。左氏穀梁作大字。穀梁經甫。叔孫州仇如齊。宋公之弟辰暨仲佗石彊出奔陳。公穀皆作暨，宋仲佗悉欲帥國人去，故舉國言之。

十有一年春，宋公之弟辰及仲佗石彊公子地自陳入于蕭以叛。夏四月，秋，宋樂大心自曹入于蕭。冬，及鄭平，叔還如鄭洺盟。【詰】世本：叔弓生定伯閱，閱生西卷，敬叔叔生成于還，還爲叔弓曾孫。本疏。

按杜注：還叔詣曾孫恐誤。

十有二年春，薛伯定卒。夏，葬薛襄公。叔孫州仇帥師墮郕。【詰】按水經注：汶水下云：今其城無南面。

衛公孟彊帥師伐曹。季孫斯仲孫何忌帥師墮費。秋，大雩。冬，十月癸亥，公會齊侯盟于黃。公羊作侯。十有一月丙寅朔，日有食之。公至自黃。十有二月，公圍成，公至自圍成。

十有三年春，齊侯衛侯次于垂葭。穀梁無衛侯二字，公羊作垂葭。夏，築蛇淵囿。【詰】京相璠曰：今濟北有蛇丘城，城下有水，魯囿也，俗謂之濁須水。水經。大蒐於比蒲。衛公孟彊帥師伐曹。秋，晉趙鞅入于晉陽以叛。

冬，晉荀寅士吉射入於朝歌以叛。晉趙鞅歸于晉。薛弑其君比。

十有四年春，衛公叔戌來奔。衛趙陽出奔宋。公穀皆作趙陽。二月辛巳，楚公子結陳公孫佗人帥師滅頓，以

頓子牂歸。公羊作公子佗人，頓子牂作頓子牂。夏，衛北宮結來奔。五月，於越敗吳于檇李。公羊作醉李，地理志：作檇李，又作就李，會稽郡由拳。

下注柴辟。故就李鄉。吳越戰地。應劭曰。由拳。【詁】說文。構。以木有所構也。从木。構聲。春秋傳曰。越敗吳古之構李也。按樵簡醉就。皆以音同而轉。【詁】說文。構。以木有所構也。从木。構聲。春秋傳曰。越敗吳構李。賈逵云。構李。越地。史記集解。又王存。九域志。引作構里。吳子光卒。公會齊侯衛侯于牽。公羊作堅。釋文云。本又作擊。音牽。公至

自會。秋。齊侯宋公會于洮。天王使石尙來歸賑。【詁】說文。賑。社肉。盛以罍。故謂之賑。天子所以親

遺同姓。春秋傳曰。石尙來歸賑。按五經異義。春秋左氏說同。今春秋公羊穀梁說。生居俎上曰視。今本作賑。杜注取此。鄭康成周禮注引作天王使石尙來歸賑。衛世子蒯聩出奔宋。衛公孟彊出奔鄭。

宋公之弟辰自蕭來奔。大蒐于比蒲。邾子來會公。城莒父及霅。

十有五年春王正月。邾子來朝。驪食郊牛。牛死。改卜牛。二月辛丑。楚子滅胡。以胡子豹歸。夏五

月辛亥。郊。壬申。公薨於高寢。鄭罕達帥師伐宋。公羊作軒。後同。齊侯衛侯次于渠蔭。公羊作蓮。蔭。公羊疏解云。左氏作蓮。擊。按今傳作蓮。擊。與經文異。【詁】賈逵云。欲救宋。蓋恤鄰也。公羊疏。邾子來奔喪。秋七月壬申。媯氏卒。穀梁作媯氏卒。

八月庚辰。朔。日有食之。九月。滕子來會葬。丁巳。葬我君定公。雨。不克葬。戊午。日下昃。乃克葬。辛巳。葬定媯。穀梁作日下穉。冬。城漆。【詁】類容曰。漆。有邾之舊廟。本疏。

哀公

元年春王正月公即位。楚子陳侯隨侯許男圍蔡。驪食郊牛。改卜牛。穀梁。牛下多角字。夏四月辛巳。郊。

秋。齊侯衛侯伐晉。冬。仲孫何忌帥師伐邾。

二年春王二月季孫斯叔孫州仇仲孫何忌帥師伐邾取瀛東田及沂西田【詰】說文瀛水在魯沂水出

東海費東西入泗癸巳叔孫州仇仲孫何忌及邾子盟于句繹【詰】服虔云季孫尊卿敵服先歸使二

子與之盟本又云季孫斯尊卿與仲孫氏伐敵服而使二子盟也公羊夏四月丙子衛侯元卒滕

子來朝晉趙鞅帥師納衛世子蒯聩于戚秋八月甲戌晉趙鞅帥師及鄭罕達帥師戰于鐵鄭師

敗績公羊鐵作粟服引經罕達下無帥師二字見公羊疏冬十月葬衛靈公十有一月蔡遷于州來蔡殺其大夫公子驪

三年春齊國夏衛石曼姑帥師圍戚夏四月甲午地震五月辛卯桓宮僖宮災【詰】服虔云季氏出

桓公又為僖公所立故不毀其廟又云俱在迭毀故不言及本季孫斯叔孫州仇帥師城啟陽【詰】

地理志東海郡開陽杜本此按漢避諱改開陽宋樂髡帥師伐曹秋七月丙子季孫斯卒蔡人放其大夫公

孫獵于吳冬十月癸卯秦伯卒叔孫州仇仲孫何忌帥師圍邾

四年春王二月庚戌盜殺蔡侯申公羊作三月公穀殺皆作弑石經亦作弑按諸刻本皆作殺與釋文合石經失于刊正蔡公孫辰出奔吳葬秦

惠公宋人執小邾子夏蔡殺其大夫公孫姓公孫霍晉人執戎蠻子赤歸於楚城西郛六

月辛丑亳社災公羊作蒲社【詰】賈氏云公羊云蒲社也公羊秋八月甲寅滕子結卒冬十有二月葬

蔡昭公葬滕頃公

五年春城毗公羊作城比釋文曰比本亦作芑亦作庇亦作庇同音毗夏齊侯伐宋晉趙鞅帥師伐衛秋九月癸酉齊侯杵臼卒

公羊作處曰冬叔還如齊。閏月葬齊景公。

六年春城邾瑕。公羊作城邾襄蒙晉趙鞅帥師伐鮮虞。吳伐陳。夏齊國夏及高張來奔。叔還會吳子桓。

秋七月庚寅楚子軫卒。史記作珍齊陽生入於齊。齊陳乞弑其君荼。史記作田乞冬仲孫何忌帥師

伐邾。宋向巢帥師伐曹。

七年春宋皇瑗帥師侵鄭。晉魏曼多帥師侵衛。夏公會吳于郟。穀梁鄭作緡公羊作節史記世家並作緡【詰】地理志東

海郟緡故國此杜本。秋公伐邾八月己酉入邾以邾子益來。宋人圍曹。冬鄭駟宏帥師救曹。

八年春王正月宋公入曹以曹伯陽歸。吳伐我。夏齊人取讎及闡。公羊作讎下同公羊音義曰字林作暉【詰】地理志

泰山郡剛故闡應劭曰春秋取讎及闡今闡亭是也。京相璠曰剛縣西四十里有闡亭。水經注歸邾子

益於邾。秋七月冬十有二月癸亥杞伯過卒。齊人歸讎及闡。

九年春王二月葬杞僖公。宋皇瑗帥師取鄭師於雍丘。【詰】地理志陳留郡雍丘故杞國也。杜本此夏

楚人伐陳。秋宋公伐鄭。冬十月。

十年春王二月邾子益來奔。公會吳伐齊。三月戊戌齊侯陽生卒。夏宋人伐鄭。晉趙鞅帥師侵

齊。五月公至自伐齊。葬齊悼公。衛公孟彊自齊歸于衛。薛伯夷卒。公羊夷作夷與夷音同古字通秋葬薛

惠公。冬楚公子結帥師伐陳。吳救陳。

十有一年春，齊國書帥師伐我。夏，陳轅頗出奔鄭。五月，公會吳伐齊。甲戌，齊國書帥師及吳戰於

艾陵，齊師敗績，獲齊國書。秋七月辛酉，滕子虞母卒。冬十有一月，葬滕隱公。衛世叔齊出奔宋。

十有二年春，用田賦。夏五月甲辰，孟子卒。【註】賈以爲晉孟子，若言吳之長女也。春秋傳文疏公會吳於

橐泉。【註】服虔云：橐泉，地名也。史記地理志九江郡橐泉。杜本。秋，公會衛侯宋皇瑗於郟。公羊作運。【註】

按杜注：廣陵郡海陵，有發縣亭，今考云：廣陵郡海陵亦誤，海陵縣前漢屬臨淮，後漢已廢，至晉大康中

復立屬廣陵，則已名海陽矣。宋向巢帥師伐鄭。冬十有二月，螽。

十有三年春，鄭罕達帥師取宋師於岳。夏，許男成卒。公羊作戊公會晉侯及吳子於黃池。【註】郡國志：陳

留郡平丘，有黃池亭。杜同此楚公子申帥師伐陳，於越入吳。秋，公至自會。晉魏曼多帥師侵衛。

公羊作晉魏多葬許元公。九月，螽。冬十有一月，有星孛於東方。盜殺陳夏區夫。公羊作夏區夫十有二月，

螽。

十有四年春，西狩獲麟。公穀兩家經止此。【註】說文云：麟，仁獸，麟大牝鹿也。說左氏者云：麟生于火，爾遊于土，中

央，軒轅大角之獸，孔子作春秋，春秋者禮也，修火德以致其子，故麟來，而爲孔子瑞也。奉德侯陳欽說：

麟西方毛蟲，金精也，孔子作春秋，有立言，西方兌爲口，故麟來，許慎稱劉向揚雄皆以爲吉凶不並，瑞

災不兼，今麟爲周異，不得復爲漢瑞，知麟應孔子而至，鄭玄以爲修母致子，不如立言之說密也。賈逵

服虔穎容等皆以爲孔子自衛反魯考正禮修春秋約以周禮三年文成致麟麟感而至取龍爲水物故以爲修母致子之應本疏服虔云麟中央土獸子爲信信禮之子修其母致其子視明禮修而麟至思

春信立而虎擾言從人成而神龜在沼聽聰知正則名川出龍貌恭性仁則鳳凰來儀禮記疏小邾射

以句釋來奔【詁】賈逵亦云此下弟子所記服虔云春秋終于獲麟故小邾射不在三叛人中弟子欲明夫子作春秋以顯其師故書小邾射以下至孔子卒本疏杜夏四月齊陳恆執其君寘於舒州

【詁】史記齊世家田常執簡公子徐州索隱曰徐音舒其字從人左氏作舒舒陳氏邑說文作郟郟在薛田敬仲世家同惡士奇曰戰國策齊一篇曰楚威王勝于徐州高誘曰徐州或作舒州是時屬齊棟按徐舒古音通易圖之九四曰來徐徐釋文云子夏易傳作茶茶鄭康成考工記注曰茶古文舒假借字鄭司農云茶讀爲預預字是徐與舒同說文作郟讀若塗易釋文云茶音團然則舒亦有塗音與非

也司馬貞得之今考禮記玉藻篇諸侯茶鄭康成注云茶讀爲舒遲之舒是又一證庚戌叔還卒五月庚申朔日有食之陳宗豎出奔楚宋向魋入於曹以叛莒子狂卒諸本皆誤狂今从石經及宋本釋文改正

六月宋向魋自曹出奔衛宋向巢來奔齊人弑其君壬於舒州秋晉趙鞅帥師伐衛八月辛丑仲孫何忌卒冬陳宗豎自楚復入於陳陳人殺之陳轅買出奔楚有星孛饑

十有五年春王正月成叛夏五月齊高無平出奔北燕鄭伯伐宋秋八月大雩晉趙鞅帥師伐

衛。冬。晉侯伐鄭。及齊平。衛公孟彊出奔齊。

十有六年春王正月己卯衛世子蒯聵自戚入於衛。衛侯輒來奔。二月衛子還成出奔宋。夏四月

己丑孔丘卒。

卷五

傳

惠公元妃孟子【註】謚法愛人好與曰惠。又曰柔質慈民曰惠。史記魯世家：惠公名弗遄，世本作弗皇。陸

德明釋文作不皇。春秋元命包：元首也。詩闕宮：建爾元子。毛傳亦同。傳曰：嘉耦曰妃。爾雅釋詁：孟，長也。

張揖廣雅釋詁：孟，始也。世本：宋子姓。杜本：孟子卒。【註】服虔云：重言孟子者，嫌與惠公俱卒，故重言之。

疏：鄭元禮記注：卒，終也。劉熙釋名：卒，竟也。繼室以聲子。【註】呂覽上德篇：高誘注：繼，續也。王逸楚辭注

同。禮記：三十壯有室。鄭玄注：有室，有妻稱室也。謚法：不生其國曰聲。服虔云：聲子之謚，非禮也。杜佑通

生隱公【註】謚法：隱拂不成曰隱。又不顯尸國曰隱。又見美。堅長曰隱。世本：隱公名息姑。史記：止作息。

宋武公生仲子【註】史記：宋世家：乃命微子開代殷後。國于宋。世本：宋更名睢陽。謚法：剛強直理曰武。

又威強敵德曰武。又克定禍亂曰武。又刑民克服曰武。又夸志多窮曰武。鄭玄禮記注：仲，中也。一切經

音義引韓詩同音位在中也。仲子生而有文在其手【詁】王充論衡雷虛篇紀妖篇並作有文在其掌。自然篇仍作手字。按古掌字本作爪。說文爪从反爪。孟子母仇氏仇即爪之誤也。曰爲魯夫人【詁】史記周本紀封弟周公旦于曲阜曰魯。應劭曰曲阜在魯城中。委曲長七八里。曲禮曰諸侯曰夫人。鄭玄注夫之言扶。釋名諸侯之妃曰夫人。夫扶也。扶助其君也。故仲子歸於我【詁】詩毛傳婦人謂嫁曰歸。鄭玄禮記注歸謂歸夫家也。虞翻易注歸嫁也。杜本此。生桓公而惠公薨【詁】謚法辟土服遠曰桓。又克敬勤民曰桓。又辟土兼國曰桓。是以隱公立而奉之【詁】賈逵云隱立桓爲太子。奉以爲君。本疏稱賈鄭衆以爲隱公攝立爲君。奉桓爲太子。同。按杜注亦本賈義。惟正義以奉以爲君爲賈之妄。不知賈實依經爲訓。使國人知桓有君道而奉之。非隱以君禮奉桓也。周禮鄭注奉猶進也。廣雅奉持也。又云奉獻也是奉皆有尊崇之義。故賈云奉以爲君耳。

隱公元年春王周正月不書即位攝也【詁】說文攝引持也。鄭玄周禮注攝訓爲代。或云攝假也。杜本賈

服之徒以爲四公皆實即位。孔子修經乃有不書。本疏劉賈穎爲傳文生例云恩深不忍則傳言不稱。賈

淺可忍則傳言不書。同。賈氏云不書隱即位所以惡桓之篡。釋三月公及邾儀父盟於蔑。邾子克也。

未王命故不書爵曰儀父貴之也。釋文一本【詁】賈服以爲北杏之會時已得王命。本疏服虔云爵者曠

也。所以曠盡其材也。同。上。公攝位而欲求好於邾。故爲蔑之盟。夏四月費伯帥師城郎【詁】說文郎魯

亭也。杜本此。不書非公命也。初鄭武公娶於申曰武姜。【註】地理志南陽郡宛。故申伯國。杜本買遠云。

凡言初者隔其年。後有禍福將終之乃言初也。本疏。白虎通娶者取也。按釋文水娶多作取。生莊公。【註】

證法。數通克服曰莊。又兵甲亟作曰莊。又勝敵志彊曰莊。及其叔段。【註】買服以共爲讎。證法。敬長事

上曰共。按以共爲讎。買服之義爲長。正義云。見殺出奔無人與之爲讎。今攷魯之穆伯。晉之欒懷子。皆

出奔見殺。得有讎。叔段莊公母弟。雖出奔。得追讎可知。杜云。段出奔共。故云共叔。則慶公出奔共地。亦

當謂之共乎。明當以買服爲長也。莊公寤生。【註】按應劭風俗通。不舉寤生子。俗說兒墮地未可開目

便能視者謂寤生。是寤生始生即開目者。又南涼錄。慕容德傳。德母晝寢而生德。父號曰。此兒易生。如

鄭莊公。則又以易生爲寤生。今考杜注。以莊公因寤寐而生。則與慕容德正同。故注義亦與德父號之

言相似。驚姜氏。故名曰寤生。遂惡之。愛共叔段。欲立之。亟請於武公。公弗許。及莊公即位。爲之請制。【

註】京相璠曰。制。鄭邑。水經地理志。河南郡成皋故虎牢。或曰制。杜本此。按杜注地理。多取京相璠說。公

曰制。巖邑也。釋文巖。本又作巖。【註】爾雅釋山。巖。嶧。巖。山貌也。按成皋四面皆山。故曰巖邑。虢叔死焉。【註】地

理志。河南郡滎陽。應劭曰。故虢國。今虢亭是也。杜本此。按地理志。又云。子男之國。虢會爲大。恃勢與險。鄭

語。史伯亦云。虢叔恃險。此即虢叔恃巖邑之證。佗邑惟命。請京。【註】賈遠云。京。鄭都邑。史記地理志河南郡京。師古曰。卽鄭共叔段所居也。杜取此。使居之。謂之京城。大叔祭仲曰。都城過百雉。國之害也。【註】

賈逵馬融鄭元王肅之徒爲古學者皆云雉長三丈疏本古春秋左氏說云百雉爲長三百丈方五百步禮記左氏說一丈爲板板廣二尺五板爲堵一堵之牆長丈高丈三堵爲雉一雉之牆長三丈高一丈

以度其長者用其長以度其高者用其高也本疏引五經異義按諸說不同杜蓋取賈說先王之制大都不過

參國之一中五之一小九之一【詁】周書作雉解大縣立城方王城三之一小縣立城方王城九之一

不舉中從可知案與祭仲之言適合所謂先王之制也今京不度【詁】說文度法制也杜本非制也君

將不堪公曰姜氏欲之焉辟害對曰姜氏何厭之有不如早爲之所無使滋蔓【詁】服虔云滋益也蔓

延也謂無使其益延長也衆經音義蔓難圖也蔓草【詁】說文蔓葛屬按葛屬皆延蔓故上云滋蔓猶不可

除況君之寵弟乎公曰多行不義必自斃【詁】說文斃頓仆也斃或从死韋昭國語注斃賂也杜本子

姑待之【詁】詩毛傳姑且也杜本既而大叔命西鄙北鄙貳於己【詁】按周語百姓攜貳韋昭注貳二

心也此貳于己義亦當然杜注云兩屬蓋望文生訓非本義公子呂曰國不堪貳君將若之何欲與大

叔臣請事之若弗與則請除之無生民心公曰無庸將自及大叔又收貳以爲己邑至於廩延【詁】說

文廩鄭地今本作延案下傳晉侯伐鄭及鄉唐開成石經本卽作鄉三國魏志袁紹渡延津追擊魏武

卽此道元云河水自酸棗縣又東北通謂之延津杜亦子封曰可矣厚將得衆公曰不義不暱厚將崩

【詁】說文翻黏也春秋傳曰不義不黏按今本作暱暱與黏音同又假借字今考不黏之義正與將崩

相屬。自當以黏結爲長。杜訓親暱失之。又按考工記。凡昵之類不能方。鄭司農云。故書昵或作繼。杜子春云。繼讀爲不義不昵之昵。或爲黏。黏結也。賈公彥引左傳亦作昵。李善文選注引左傳同。吾友陳樹華云。唐元度九經字機。黏字注音。相黏也。見春秋。則知唐時尙有作黏者。大叔完聚。【詰】服虔以聚爲聚禾黍也。本疏。按完聚以服說爲長。杜云。城郭人民失之。繕甲兵。具卒乘。【詰】說文繕補也。廣雅繕治也。三蒼同。高誘呂覽注。步曰卒。衆經音義引三蒼載曰乘。杜本。將襲鄭。【詰】白虎通德論襲者。何謂也。行不假塗。掩人不備也。夫人將啓之。【詰】說文。肩開也。杜本。公聞其期。曰可矣。命子封帥車二百乘以伐京。【詰】司馬法。兵軍一乘。甲士三人。步卒七十二人。杜本。炊家子十人。固守衣裝五人。廩養五人。樵汲五人。輜車七十五人。重車二十五人。故二乘兼一百人爲一隊。京叛大叔段。段入於鄆。公伐諸鄆。五月辛丑。大叔出奔共。【詰】賈逵曰。共。國名。史記地理志。河內郡共。故國。杜本。書曰。鄭伯克段於鄆。段不弟。故不言弟。如二君。故曰克。稱鄭伯。譏失教也。謂之鄭志。不言出奔。難之也。【詰】服虔云。公本欲養成其惡而加誅。使不得生出。此鄭伯之志意也。本疏。杜。遂寘姜氏於城穎。【詰】虞翻易注。寘。置也。釋文同。賈逵云。鄭地。杜。取水經注。潯水南有鄭莊公望母臺。而誓之曰。不及黃泉。【詰】服虔云。天元地黃。泉在地下。故曰黃泉。杜本。此。一曰泉注地中。故曰黃泉也。李善文。無相見也。旣而悔之。穎考叔爲潁谷封人。【詰】賈逵云。潁谷。鄭地。同上。水經。潁水出潁川陽城縣西北少室山。酈道元云。潁水有三源。奇發右水。

出陽乾山之穎谷。春秋穎考叔爲其封人。按廣韻：穎，禾末也。穠也。又姓。左傳有穎考叔。今攷穎考叔以穎谷得名。謂作穎，誤。聞之有獻於公。公賜之食。食舍肉。公問之。對曰：「小人有母，皆嘗小人之食矣。未嘗君之羹，請以遺之。」【詁】爾雅：肉謂之羹。字林：腦肉有汁也。公曰：爾有母遺，繫我獨無。【詁】按僖五年服虔注：繫，發聲也。則此亦當同。杜注云：語助。卽取此義。穎考叔曰：敢問何謂也。公語之故。且告之悔。對曰：君何患焉。若闕地及泉。【詁】詩：蟬蟪掘開。鄭箋：掘地解開。謂其始生也。管子：山樞發篇：北郭有掘闕而得龜者。尹知章注：掘，穿也。求物及穿地至泉曰闕。晉友桂馥云：掘闕，掘闕。卽左氏闕地之義。隧而相見。
【詁】賈逵國語注：闕地通路曰隧。鄭元禮記注：隧，延道也。此。杜本聲類：延墓隧也。文選：後漢書：陳蕃傳不閉延隧。其誰曰不然。公從之。公入而賦。大隧之中，其樂也。融融。【詁】惠棟補注曰：融，古文作彤。張衡思元賦：展洩洩以彤彤。李善注：引左傳：鄭莊公入而賦：大隧之中，其樂也。彤彤，融與彤。古字通。按穀院碑，亦以彤爲融。姜出而賦。大隧之外，其樂也。泄泄。【詁】服虔云：入晉公，出言姜，明俱出入互相見。疏：思元賦舊注：泄泄，彤彤。皆和貌。按泄，諸本皆作洩。因避唐諱。今訂正。下同。遂爲母子如初。君子曰：穎考叔，純孝也。【詁】爾雅：純，大也。詩：毛傳：同。愛其母，施及莊公。詩曰：孝子不匱。【詁】鄭元禮記注：匱，乏也。永錫爾類。【詁】王逸楚辭章句：類，法也。詩云：永錫爾類。其是之謂乎。秋七月，天王使宰咺來歸惠公仲子之賵。緩且子氏未薨，故名。天子七月而葬，同軌畢至。【詁】鄭元服虔：皆以軌爲車轍也。本。說文同。諸侯五

月同盟至。大夫三月同位至。士踰月。外姻至。【詰】說文：姻，壻家也。女之所因。壻，壻家也。按散言之，則並

通。故詩曰：懷嬖姻也。周禮：睦，嬖。鄭注：姻，親於外親也。嬖，姻古字通。杜注：姻，猶親也。本此。贈死不及尸，弔

生不及哀，豫凶事。諸本或作預。從宋本改。【詰】高誘：淮南王書注：章昭國語注：並云：豫，備也。非禮也。八月，紀人

伐夷。【詰】應劭：漢書注：劇縣，故紀侯國。今紀亭是。杜本此。夷不告，故不書。有蜚不爲災，亦不書。【詰】說

文：蜚，臭蟲，負蜚也。杜本此。惠公之季年，敗宋師於黃。【詰】地理志：陳留郡外黃，臣瓚曰：縣有黃溝，故氏

之也。杜亦同。公立而求成焉。九月，及宋人盟於宿。始通也。冬十月庚申，改葬惠公。【詰】賈逵云：改備禮

也。太平御覽。公弗臨。【詰】賈逵云：葬，嗣君之事。公弗臨，言無恩禮。曰改葬，總也。同上。故不書。惠公之薨也，有宋

師。大子少。【詰】服虔以爲宋師，卽黃之師也。是時宋來伐魯，公自與戰。本疏。葬故有闕。【詰】賈逵云：昔是

以禮闕，故御覽是以改葬。衛侯來會葬，不見公，亦不書。【詰】地理志：河內郡朝歌，紂所都。周武王弟康

叔所封，更名衛。杜本此。鄭共叔之亂，公孫滑出奔衛。衛人爲之伐鄭，取廩延。鄭人以王師號師伐衛南

鄙。【詰】地理志：宏農郡陝，故魏國。北魏在大陽，東魏在滎陽，西魏在維。杜本此。請師於邾，邾子使私於公

子豫。豫請往，公弗許，遂行。及邾人，鄭人盟於翼，不書，非公命也。新作南門，不書，亦非公命也。十二

月，祭伯來，非王命也。衆父卒，公不與小斂，故不書。日。【詰】賈逵云：不與大斂，則不書。卒。本疏。

二年春，公會戎於潛，修惠公之好也。戎請盟，公辭。莒子娶於向，向姜不安莒而歸。夏，莒人入向，以姜氏

還。司空無駭入極。費序諸本誤作序字。今從釋文改正。父勝之。戎請盟。秋盟於唐。復修戎好也。九月。紀裂繻來

逆女。卿爲君逆也。冬。紀子帛莒子盟於密。魯故也。鄭人伐衛。討公孫滑之亂也。

三年春王三月壬戌。平王崩。赴以庚戌。故書之。夏。君氏卒。聲子也不赴于諸侯。不反哭于寢。不祔于此。

三字。諸本皆誤於。今從石經宋本訂正。姑。故不曰薨。不稱夫人。故不言葬。不書姓。爲公故。曰君氏。鄭武公莊公爲平王

卿士。【詁】賈逵云。卿士之有事者。六卿也。御覽王貳於虢。鄭伯怨王。王曰無之。故周鄭交質。【詁】韋昭國

語注。質。信也。王子狐。【詁】賈逵云。周平王之子。同上。杜爲質於鄭。鄭公子忽。【詁】賈逵云。鄭莊公太子

忽也。同上。說文。國出氣詞也。从日象氣出形。春秋傳曰。鄭太子忽。按古今人表。仲忽作中。曾揚雄傳。于時

人皆習之。漢樊敏碑。奄習滅形。習乃古忽字。爲質於周。王崩。周人將異虢。公政。【詁】詩毛傳。異。與也。釋

文同。四月。鄭祭足帥師取溫之麥。【詁】賈逵云。溫。周地名。蘇氏邑也。同上。漢書地理志。河內郡。溫。故國。已

姓。蘇忿生所封也。按云。四月。春秋皆舉夏時而言。杜注。非也。秋。又取成周之禾。【詁】地理志。河南郡。洛

陽。是爲成周。此。杜本周鄭交惡。君子曰。信不由中。質無益也。明恕而行。要之以禮。雖無有質。誰能閒之。苟

有明信。詩正義。采。聚。引傳作明德。澗谿沼沚之毛。【詁】爾雅。山夾水澗。山澗無所通谿。說文同。按杜注云。谿。亦澗。誤。

詩毛傳。沼。池也。沚。渚也。廣雅。毛。草也。詩采。繫。傳引此毛。即作草。此。杜本蘋。藻。蘓。藻。之菜。【詁】詩毛傳。蘋。大

萍也。繫。繡蒿也。藻。聚藻也。按杜注。蘓。藻。聚藻也。是訓蘓爲聚。非毛傳意。今攷顏氏家訓。書證篇。引郭注。

三蒼云：蘊，藻之類也。則蘊亦水草，不可空訓作聚。且尋上下文義，澗谿沼沚，筐筥錡釜，皆四者並舉，況

蘊字从草，何得空訓作聚。杜氏之說，疎矣。筐筥錡釜之器。【註】詩毛傳：方曰筐，員曰筥，有足曰錡，無足

曰釜。本此。潢，汙行潦之水。【註】服虔云：畜小水謂之潢，水不流謂之汙。行潦，道路之水，是也。本一云水

不泄謂之汙。文選注：可薦於鬼神，可羞於王公。【註】鄭元周禮注：薦，羞皆進也。未食未飲曰薦，既食既飲

曰羞。疑此傳于鬼神言薦于王公言羞。蓋卽此意。杜羞字注本此。而況君子結二國之信，行之以禮，又

焉用質。風有采繁采蘋，雅有行葦泂酌，昭忠信也。武氏子來求賻，王未葬也。宋穆公疾，召大司馬

孔父而屬殤公焉。【註】謚法：短折不成曰殤。曰先君舍與夷而立寡人，寡人弗敢忘。若以大夫之靈，【

註】薛綜：東京賦注：釁，明也。得保首領以沒。【註】說文：餗，終也。从肉勿聲。故字注云：餗，或从曼。先君若

問與夷，其將何辭以對。請子奉之，以主社稷。寡人雖死，亦無悔焉。對曰：羣臣願奉馮也。公曰：不可。先君

以寡人爲賢，使主社稷。若弃德不讓，是廢先君之舉也。豈曰能賢。光昭先君之令德，可不務乎。吾子其

無廢先君之功。使公子馮出居于鄭。八月庚辰，宋穆公卒，殤公卽位。君子曰：宋宣公。【註】謚法：聖善周

聞曰宣，可謂知人矣。立穆公，其子饗之，命以義。夫商頌曰：殷受命咸宜，百祿是何。石經及諸本作荷，今

其是之謂乎。冬，齊鄭盟於石門，尋盧之盟也。【註】按：哀十二年傳：服虔注：尋之言重也。溫也。義當同

此。地理志：泰山郡盧，郡國志屬濟北國。此。庚戌，鄭伯之車僨于濟。【註】服虔云：僨，仆也。漢書按釋文

取服說。水經。濟水出河東垣縣東王屋山爲沔水。至鞏縣北入于河。衛莊公娶于齊東宮得臣之妹。

【詁】服虔云。得臣。齊世子名。居東宮。詩疏。杜取此。曰莊姜。美而無子。衛人所爲賦。碩人也。又娶於陳。【詁】地

理志。淮陽國。陳故國。舜後。胡公所封。杜本曰厲嬀。【詁】證法。暴慢無親。曰厲。世本。陳嬀姓。生孝伯。早死。

其娣戴嬀。生桓公。【詁】證法。典禮無怨。曰戴。莊姜以爲己子。公子州吁。嬖人之子也。【詁】說文。嬖。傾嬖

愛也。有寵而好兵。公弗禁。【詁】廣雅。禁。止也。莊姜惡之。石碯諫曰。【詁】賈逵云。衛上卿。史記集解按說文無

碯字。當作暗。說文。諧大聲也。諧或从暗。今本碯字當屬暗。傳寫之譌。又熹平石經作踏。廣韻。踏。敬也。按

莊十九年。敗黃師于踏。陵。石暗字。或从此。今定从暗。臣聞愛子。教之以義方。【詁】廣雅。方。義也。何晏論

語注。方。義方也。弗納於邪。驕奢淫佚。【詁】說文。佚。水所蕩。佚也。按此喻人性蕩。佚如水。所自邪也。四者

之來。【詁】服虔云。言此四者。過從邪起。本疏寵祿過也。將立州吁。乃定之矣。若猶未也。階之爲禍。夫寵而

不驕。驕而能降。降而不感。感而能眡者。鮮矣。【詁】鄭玄禮記注。感。恨也。釋文。本此。按感字下已从心。再

加心旁。非是。今諸刊本皆誤作憾。此从石經。宣十一年。二感往矣。成二年。釋感等字。尙皆作感。因據改。

下並同。說文。眡。目有所恨而止也。按爾雅。釋言。眡。重也。釋文。本此。且夫賤妨貴。少陵長。遠間親。新聞舊。

小加大。淫破義。所謂六逆也。君義臣行。父慈子孝。兄愛弟敬。所謂六順也。去順效逆。所以速禍也。君人

者。將禍是務去而速之。無乃不可乎。弗聽。其子厚與州吁游。禁之不可。桓公立。乃老。

四年春衛州吁弑桓公而立。公與宋公爲會，將尋宿之盟。未及期，衛人來告亂。夏，公及宋公遇於清。

宋殤公之卽位也。公子馮出奔鄭。鄭人欲納之。及衛州吁立，將修先君之怨於鄭。【詰】服虔以先君爲

莊公。本疏。一云隱二年鄭人伐衛，先君莊公。詩按州吁弑桓公，必不更爲之修怨。此先君服說指莊公。最

是杜注非也。而求寵於諸侯，以和其民，使告於宋曰：君若伐鄭，以除君害。【詰】服虔云：公子馮將爲君

之害。詩君爲主，敵邑以賦。【詰】服虔云：賦，兵也。以田賦出兵，故謂之賦。同與陳蔡從，則衛國之願也。宋

人許之。於是陳蔡方睦於衛。【詰】地理志：汝南郡上蔡，故蔡國。杜本此。故宋公陳侯蔡人衛人伐鄭。【詰】

服虔云：衛使宋爲主，使大夫將，故敘衛于陳蔡下。上詩序：使公孫文仲將而平陳與宋。按詩序，蓋本毛

傳。孫子仲，謂公孫文仲也。圍其東門五日而還。公問於衆仲曰：衛州吁其成乎？對曰：臣聞以德和民，不

聞以亂以亂，猶治絲而棼之也。【詰】廣雅：粉，粉亂也。棼，古字通。釋文亦云：棼，亂也。夫州吁阻兵而安

忍。【詰】文選注：引此傳文，并杜注云：阻，恃也。今杜注無之，則此三字，或係服注。阻兵無衆，安忍無親。衆

叛親離，難以濟矣。夫兵猶火也，弗戢。【詰】詩鄭箋：戢，斂也。將自焚也。夫州吁弑其君而虐用其民，於是

乎不務令德而欲以亂成，必不免矣。秋，諸侯復伐鄭。宋公使來乞師，公辭之。羽父請以師會之，公弗

許，固請而行。故書曰：鞏帥師，疾之也。諸侯之師敗鄭徒兵，取其禾而還。州吁未能和其民，厚問定君

於石子。石子曰：王覲爲可。曰：何以得覲？曰：陳桓公方有寵於王，陳衛方睦，若朝陳使請，必可得也。厚從

州吁如陳石碚使告於陳曰衛國偏小【詁】王逸楚辭章句稱狹也老夫耄矣【詁】說文年九十曰耄从老从高省玉篇收耄耄二字耄字下注與上同亦作耄五經文字耄字从老省从毛今从釋文及石經作耄後同按經典通作旄周禮再敎曰老旄禮記旄期稱道不亂者孟子反其旄倪是也又作旄漢書武帝紀哀夫老旄孤寡鰥獨平帝紀及旄悼之人師古曰旄古耄字八十曰旄是耄耄耄旄旄本一字古通無能爲也此二人者實弑寡君敢卽圖之陳人執之而請涖于衛【詁】鄭元禮儀注蒞臨也下並同九月衛人使右宰醜涖殺州吁于濮【詁】服虔云右宰醜衛大夫濮陳地史記集解石碚使其宰孺羊肩涖殺石厚于陳君子曰石碚純臣也惡州吁而厚與焉大義滅親其是之謂乎衛人逆公子晉于邢【詁】賈逵云邢周公之允姬姓國上冬十二月宣公卽位書曰衛人立晉衆也

五年春公將如棠觀魚者【詁】釋文本亦作漁者臧僖伯諫曰【詁】世本臧僖伯彊孝公之子孝公

生僖伯彊彊生哀伯遂遂生伯氏瓶瓶生文仲辰本疏及莊二十八年疏凡物不足以講大事其材不足以備器

用則君不舉焉君將納民於軌物者也【詁】廣雅軌道也高誘淮南王書注軌者法度之名故講事以

度軌量謂之軌取材以章物采謂之物不軌不物謂之亂政亂政亟行所以敗也故春蒐釋文云本亦作度音蒐齊

語春以蒐振旅亦作搜李善文選注蒐與搜古字通漢書多作搜【詁】爾雅春獵爲蒐夏獵爲苗秋獵爲獮冬獵爲狩按蒐亦作搜鄭

元禮記注曰春獵爲搜夏苗秋獮【詁】釋文曰獮說文作獮殺也按今說文作獮秋田也从犬廌聲冬

狩皆於農隙以講事也。三年而治兵，入而振旅。【詰】國語：蒐于農隙。章昭注：隙，間也。薛綜：西京賦注：振

整理也。爾雅：族，衆也。杜並本此。歸而飲至，以數軍實。【詰】鄭氏云：軍所以討獲曰實。文選注：昭文章。【詰】服虔

解此亦引司馬職：文明是旌旗所建，用秋辨旗物之法。本疏：明貴賤，辨等列。【詰】小爾雅：列，次也。順，少長。

習威儀也。鳥獸之肉，不登於俎。釋文之肉，一作君，古之制也。若夫山林川澤之實，器用之資，阜隸之事，官司之守。

牙骨角毛羽不登于器，則公不射。公當作君。古之制也。若夫山林川澤之實，器用之資，阜隸之事，官司之守，

非君所及也。公曰：吾將略地焉。【詰】說文：略，經略土地也。遂往陳魚而觀之。僖伯稱疾不從。書曰：公矢

魚于棠，非禮也。且言遠地也。曲沃，莊伯以鄭人邢人伐翼。【詰】地理志：河東郡聞喜，故曲沃。晉武公

自晉陽徙此。趙國襄國，故邢國。又河東郡絳，晉武公自曲沃徙此。郡國志：河東郡絳邑，有翼城。杜並本此。王

使尹氏武氏助之，翼侯奔隨。【詰】章昭國語注：隨，晉邑。杜本按：山西圖經：隨城在今介休縣東。夏葬

衛桓公，衛亂是以緩。四月，鄭人侵衛牧。【詰】按爾雅：郊外謂之牧。非邑名，與下伐宋入其郛同。前年

伐鄭，圍其東門，故鄭亦侵其牧地以報之。又衛地無名牧者，若云朝歌之牧，野則亦不可。僅名為牧，明

杜注非也。以報東門之役，衛人以燕師伐鄭。【詰】地理志：東郡南燕，本南燕國，媾姓黃帝後。杜本鄭祭

足原繁泄駕，以三軍軍其前，使曼伯與子元潛軍軍其後。燕人畏鄭三軍，而不虞制人。【詰】詩：鄭箋：虞，

度也。六月，鄭二公子以制人敗燕師於北制。君子曰：不備不虞，不可以師。曲沃，叛王。秋，王命虢公伐

曲沃而立哀侯于翼。衛之亂也。邾人侵衛。故衛師入邾。九月考仲子之宮將萬焉。【詁】初學記稱

韓詩萬六舞。杜本此。公問羽數於衆仲。對曰：天子用八，諸侯用六，大夫四，士二。【詁】服虔云：天子八八，諸

侯六八，大夫四八，士二八。宋書及通志。服以用六，爲六八四十八，人大夫四，爲四八三十二，士二，爲二八十

六。本疏。按宋傅隆之云：若如杜注，至士祇餘四人，豈復成樂，參詳以服說爲是。夫舞所以節八音而行八

風。【詁】賈逵云：兌爲金，爲闔風也。乾爲石，爲不周風也。坎爲革，爲廣莫風也。艮爲匏，爲融風也。震爲

卦，爲明庶風也。巽爲木，爲清明風也。離爲絲，爲景風也。坤爲土，爲涼風也。本疏四十九。按賈依易緯逆

竹。驗文相配。服虔以爲八卦之風。乾音石，其風不周。坎音革，其風廣莫。艮音匏，其風融。震音竹，其風明

庶。巽音木，其風清明。離音絲，其風景。坤音土，其風涼。兌音金，其風闔。闔本疏故自八以下，公從之。於是初

獻六羽，始用六佾也。宋人取邾田，邾人告於鄭曰：請君釋感於宋。敝邑爲道，鄭人以王師會之。伐宋

入其郛。【詁】章昭國語注：郛，郭也。杜本此。以報東門之役。宋人使來告命，公聞其入郛也，將救之。問於使

者曰：師何及？對曰：未及國。公怒，乃止。辭使者曰：君命寡人同恤社稷之難，今問諸使者曰：師未及國，非

寡人之所敢知也。冬十二月辛巳，臧僖伯卒。公曰：叔父有感於寡人，寡人弗敢忘。葬之，加一等。宋

人伐鄭，圍長葛，以報入郛之役也。

六年春，鄭人來渝平，更成也。【詁】服虔云：公爲鄭所獲，釋而不結平，於是更爲約束以結之。故曰渝平。本疏

六年春，鄭人來渝平，更成也。【詁】服虔云：公爲鄭所獲，釋而不結平，於是更爲約束以結之。故曰渝平。本疏

按經書渝平傳曰更成今服注更爲約束云云是服亦訓渝爲更與張揖同翼九宗五正頃父之子

嘉父逆晉侯于隨納諸鄂【註】世本居篇云唐叔虞居鄂宋忠曰晉地今在大夏晉人謂之鄂侯

夏盟于艾始平于齊也五月庚申鄭伯侵陳大獲往歲鄭伯請成于陳陳侯不許五父諫曰親仁善

鄰國之寶也君其許鄭陳侯曰宋衛實難鄭何能爲遂不許君子曰善不可失惡不可長其陳桓公之

謂乎長惡不悛從自及也【註】章昭國語注悛止也詩鄭箋從隨也杜本雖欲救之其將能乎商書曰

惡之易也如火之燎于原不可鄉邇【註】按莊十五年傳引商書亦有惡之易也四字今盤庚無之其

猶可撲滅周任有言曰爲國家者見惡如農夫之務去草焉芟夷蘊崇之【註】說文發以足踢夷草春

秋傳曰發夷蘊崇之按鄭司農周禮稻人注已作芟夷蘊崇之與說文異詩毛傳除草曰芟廣雅曰夷

滅也蘊積也崇聚也杜本絕其本根勿使能殖【註】章昭國語注殖長也則善者信矣秋宋人取長

葛冬京師來告饑公爲之請糴【註】廣雅糴買也於宋衛齊鄭禮也鄭伯如周始朝桓王也王不

禮焉周桓公言於王曰我周之東遷晉鄭焉依善鄭以勸來者獨懼不蕝【註】說文蕝草多兒按玉鑄

廣韻既已也蕝也古蕝既字通杜注蕝至也亦屬同義況不禮焉鄭不來矣

七年春滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之

禮經夏城中丘書不時也齊侯使夷仲年來聘結艾之盟也秋宋及鄭平七月庚申盟于宿公

伐邾爲宋討也。初，戎朝于周，發幣於公卿。【詁】鄭元禮記注：幣，帛也。凡伯弗賓。【詁】服注云：戎以朝

禮及公卿大夫，發陳其幣。凡伯以諸侯爲王卿士，不修賓主之禮，敬報于戎，是以冬天王使凡伯來聘。

還，戎伐之于楚丘，以歸。儀禮疏冬，王使凡伯來聘，還戎伐之於楚丘，以歸。陳及鄭平，十二月，陳五父如

鄭，泄盟。壬申及鄭伯盟，敵如忘。【詁】服虔云：如，而也。臨敵而忘其盟，載之辭，言不精也。本說文引作敵

而忘，泄伯曰：五父必不免，不賴盟矣。鄭良佐如陳，泄盟，辛巳及陳侯盟，亦知陳之將亂也。鄭公子忽

在王所，故陳侯請妻之。鄭伯許之，乃成昏。【詁】鄭元儀禮昏禮目錄：士娶妻之禮，以昏爲期，故以名焉。

八年春，齊侯將平宋衛，有會期，宋公以幣請於衛，請先相見。衛侯許之，故遇于犬丘。鄭伯請釋泰山之

祀，而祀周公，以泰山之祊，易許田。三月，鄭伯使宛來歸祊。公羊訪皆作邴下同不祀泰山也。夏，虢公忌父始作

卿士于周。四月甲辰，鄭公子忽如陳，逆婦媯，辛亥，以媯氏歸。甲寅，入于鄭。陳鍼子送女，先配而後祖。

【詁】賈逵云：以配爲成夫婦也。禮：齊而未配，三月廟見，然後配。本說鄭衆以配爲同牢食也，先食而後祭

祖，無敬神之心，故曰誣其祖也。同鄭康成以祖爲祓道之祭也，先爲配匹而後祖道，言未去而行配，同上。

賈服之義：大夫以上無間舅姑在否，皆三月見祖廟之後，乃始成昏。故譏鄭公子忽先爲配匹，乃見祖

廟。禮記疏鍼子曰：是不爲夫婦，誣其祖矣，非禮也。何以能育？齊人卒平宋衛于鄭，秋會於溫，盟於瓦屋。

以釋東門之役，禮也。八月丙戌，鄭伯以齊人朝王，禮也。公及莒人盟于浮來，以成紀好也。冬，齊

侯來告成三國。公使衆仲對曰：君釋三國之圖，以鳩其民。【詰】爾雅：鳩，聚也。君之惠也。寡君聞命，敢不承受君之明德。無駭卒，羽父請諡與族。公問族於衆仲，衆仲對曰：天子建德，因生以賜姓。【詰】王充論衡：因其所生，賜之姓也。若夏吞薏苡而生，則姓苡氏；商吞燕子而生，則姓子氏；周履大人跡，則姓姬氏。胙之士。【詰】薛綜東京賦注：胙，報也。此本而命之氏。諸侯以字爲諡。【詰】服虔云：公之母弟，則以長幼爲氏。貴適，統伯仲叔季，是也。庶公子則以配字爲氏。尊公族，展氏、臧氏，是也。此本鄭康成駁許慎五經異義，引此傳文。諸侯以字爲氏，惠棟云：今此以氏作諡者，傳寫誤也。杜考之不詳，乃妄斷其句，而強解之。按據服注及五經駁義，則諡爲氏字之誤甚明。第承譌已久，未敢更定。今不以字字絕句，而以諡字爲句，讀者詳之，因以爲族。官有世功，則有官族。邑亦如之。【詰】服虔止謂異姓，又引宋司城韓魏爲證。公命以字爲展氏。

疏本

九年春王三月癸酉，大雨霖以震。書始也。庚辰，大雨雪，亦如之。書時失也。凡雨自三日以往爲霖。【鄭元禮記注作三日】以上【詰】爾雅：久雨謂之淫，淫雨謂之霖。平地尺爲大雪。夏城郎書不時也。宋公不王，鄭伯爲王左卿士，以王命討之。伐宋，宋以入郟之役怨公，不告命。公怒，絕宋使。秋，鄭人以王命來告伐宋。冬，公會齊侯于防，謀伐宋也。北戎侵鄭，鄭伯禦之，患戎師曰：彼徒我車，懼其侵軼我也。【詰】高誘淮南王書注：自後過前曰軼。公子突曰：使勇而無剛者嘗寇。【詰】鄭元禮記注：嘗，猶試也。此本而速去之。君

爲三覆以待之。戎輕而不整。【詁】鄭元禮記注。整，正列也。貪而無親，勝不相讓，敗不相救。先者見獲，必務進。【詁】服虔云：先者見獲，言必不往相救，各自務進，言其貪利也。本疏：進而遇覆，必速奔，後者不救，則

無繼矣。乃可以逞。【詁】方言：逞，解也。廣雅：呈，解也。呈，與逞通。杜本：從之。戎人之前遇覆者奔，祝聃逐之。

諸本作聘，今从釋文石經訂正。衷，戎師。【詁】韋昭國語注：衷，中也。按謂貫其中也。前後擊之，盡殫。【詁】說文：殫，死也。杜

此。戎師大奔。十一月甲寅，鄭人大敗戎師。

十年春，王正月，公會齊侯、鄭伯于中丘。癸丑，盟于鄧，爲師期。夏五月，羽父先會齊侯、鄭伯伐宋。六月

戊申，公會齊侯、鄭伯于老桃。壬戌，公敗宋師于營。庚午，鄭師入郕。辛未，歸于我。庚辰，鄭師入防。辛巳，歸

于我。君子謂鄭莊公於是乎可謂正矣。以王命討不庭。【詁】爾雅：庭，直也。按謂諸侯之不直者。杜注：殊

屬曲說。韋昭周語注：卽云庭直也。不直，謂不道也。不貪其土，以勞王爵。【詁】爾雅：勞，勩也。杜本：正之體

也。蔡人衛人，邾人不會王命。秋七月庚寅，鄭師入郊，猶在郊。宋人衛人入鄭，蔡人從之伐戴。公穀

載釋文曰：八月壬戌，鄭伯圍戴。癸亥，克之，取三師焉。宋衛旣入鄭，而以伐戴召蔡人，蔡人怒，故不和而

敗。九月戊寅，鄭伯入宋。冬，齊人鄭人入邾，討遠王命也。

十一年春，滕侯、薛侯來朝，爭長。【詁】服虔云：爭長，先登授玉。儀禮疏：薛侯曰：我先封。滕侯曰：我周之卜正也。

薛，庶姓也。我不可以後之。公使羽父請於薛侯曰：君與滕君辱在寡人，周諺有之曰：【詁】鄭元禮記注。

諺俗語也釋文本此山有木工則度之【詰】爾雅木謂之度亦作劇廣雅云劇分也按郭璞引此傳文

卽云山有木工則劇之賓有禮主則擇之周之宗盟【詰】賈逵以宗爲君本服虔以宗盟爲同宗之盟

同孫毓以爲宗伯屬官掌作盟醜之載辭故曰宗盟同異姓爲後寡人若朝于薛不敢與諸任齒【詰】

世本氏姓篇任姓謝韋薛呂舒祝終泉舉過此十國皆任姓高誘呂覽注齒列也杜本君若辱賜寡人

【詰】詩毛傳祝賜也則願以滕君爲請薛侯許之乃長滕侯夏公會鄭伯于邾【詰】水經注引此傳

邾作釐京相璠曰今滎陽縣東四十里有故釐城也杜本按唐石經初刻作于時邾後刊去時字謀伐

許也鄭伯將伐許五月甲辰授兵于大宮公孫闕與穎考叔爭車穎考叔挾轡以走【詰】服虔云考叔

挾車轡籊馬而走本鄭元儀禮注轡轡也杜本子都拔棘以逐之【詰】詩鄭箋棘戟也杜本及大遼【

詰】爾雅九遠謂之遠按杜注道方九軌蓋本考工記然以軌訓遠殊誤下桓十四年傳等並同弗及

子都怒秋七月公會齊侯鄭伯伐許庚辰傅于許【詰】晉灼漢書注傅著也穎考叔取鄭伯之旗螯

弧以先登子都自下射之顛【詰】詩毛傳顛仆也瑕叔盈又以螯弧登周麾而呼曰【詰】詩鄭箋周備

也王逸楚辭章句舉手曰鷹杜本君登矣鄭師畢登壬午遂入許許莊公奔衛齊侯以許讓公公曰君

謂許不共故從君討之許既伏其罪矣雖君有命寡人弗敢與聞乃與鄭人鄭伯使許大夫百里奉許

叔以居許東偏曰天禍許國鬼神實不違于許君而假手于我寡人寡人惟是一二父兄不能共億

【詁】鄭元周禮注，共猶給也。章昭國語注，億，安也。杜本其敢以許自爲功乎？寡人有弟，不能和協。【詁】

爾雅，協和也。而使餬其口於四方。【詁】說文，餬，寄食也。方言，寄食爲餬。廣雅，餬，寄也。其況能久有許乎？

吾子其奉許叔以撫柔此民也。吾將使獲也。佐吾子，若寡人得沒于地，天其以禮悔禍于許，無寧茲許

公復奉其社稷，惟我鄭國之有請謁焉。【詁】爾雅，謁，告也。杜本如舊昏媾。【詁】爾雅，媾，之父曰昏，買，遂

國語注，重昏曰媾。一切經音義，杜本此。其能降以相從也。無滋他族，實偪處此，以與我鄭國爭此土也。吾子孫其

覆亡之不暇，而況能禮祀許乎？【詁】爾雅，禘，祀也。孫炎曰，禘，絜敬之祭。杜注略同。寡人之使吾子處此，不惟

許國之爲，亦聊以固吾圉也。【詁】爾雅，圉，垂也。舍人曰，圉，拒邊垂也。杜本乃使公孫獲處許，西偏曰凡

而器用財賄，無實於許，我死乃亟去之。吾先君新邑於此。【詁】地理志，河南郡新鄭，詩鄭國桓公之子

武公所國，應劭曰，國語云，鄭桓公爲周司徒，王室將亂，寄擊與賄于虢會之間，幽王敗，桓公死之，其子

武公與平王東遷洛邑，遂伐虢會，并其地而邑於此。杜本王室而旣卑矣，周之子孫日失其序，夫許大

岳之允也。【詁】爾雅，允，繼也。舍人曰，允，繼世也。杜本天而旣厭周德矣，吾其能與許爭乎？君子謂鄭莊

公於是乎有禮。禮，經國家定社稷，序民人，利後嗣者也。許無刑。【詁】詩毛傳，刑，法也。杜本而伐之，服而

舍之，度德而處之，量力而行之，相時而動，無累後人，可謂知禮矣。鄭伯使卒出緹。【詁】司馬法，百人

爲卒，說文，緹，牡豕也。廣雅，緹，豕也。行出犬雞，以詛射，穎考叔者。【詁】章昭國語注，行，行列也。鄭玄周禮

注：詛，謂祝之使沮敗也。君子謂鄭莊公失政刑矣。政以治民，刑以正邪。既無德政，又無威刑，是以及邪。邪而詛之，將何益矣。王取鄆，劉【註】地理志：河南郡緄氏，劉突，周大夫劉子邑，郡國志：河南尹緄氏。

有鄆突，杜本。莢【註】吾友邵學士晉涵云：周大夫有莢國，蓋食邑于莢。邗石經作【註】說文：邗，周武王子所封在河內野王，是也。从邑于聲。又讀若區。郡國志：河內郡野王，有邗城，水經注：邗城，故邗國也。之。

田于鄭，而與鄭人蘇忿生之田溫原。【註】地理志：河內郡溫，故國，已姓蘇忿生所封也。杜本：郡國志：河內郡，輒，有原鄉。杜同。

絺【註】說文作郟，地理志：河內郡波孟，康曰：今有絺城，郡國志同。杜本：樊【註】郡國志：河內郡修武，有陽樊，攢茅田，服虔云：樊，仲山之所居，故名陽樊。杜取：按圖經引舊說文云：仲山甫所封之樊，在今南陽，疑在修武者，仲山甫所居在南陽者，則其封國也。隰郟【註】郡國志：河內郡懷，有隰城。杜同。

按：傳二十五年傳作隰城，劉昭引此傳亦作城，攢茅向石經本【註】京相璠曰：或云今河內輒西有城名向上，關駟十三州志曰：輒縣南山西曲，有故向城，即周向國也。水經注：杜盟【註】書禹貢導河又東至于孟津，盟孟古字通，盟，即孟津也。杜本：按唐武德四年于孟津置盟州，以此州【註】地理志：河內郡，州屬道元云：周以賜鄭昭公，按昭當作莊。杜本：隍【註】按元和郡縣志：太行隍在河內縣西北三十里，連山中斷曰隍，述征記曰：太行山首始于河內，自河內北至幽州，凡有八隍，第一曰輒關隍。

第二曰太行隍，第三曰白隍，今攷此上三隍皆在河內左近，疑此傳之隍，即指太行隍等而言，然未敢

以爲是姑附記于此。或以密縣陘山當之。今攻密在河以南。非是。陘【詁】京相璠曰：河內修武縣北有故陘城。實中。水經郡國志：河內郡修武縣有陘城。杜同懷。【詁】地理志：河內郡懷。杜本。君子是以知

桓王之失鄭也。恕而行之。德之則也。禮之經也。己弗能有。而以與人人之不至。不亦宜乎。鄭息有違

言【詁】世本：息國姬姓。說文：鄭，姬姓之國。在淮北。今汝南新鄭。地理志：汝南郡新息。孟康曰：故息國。其

後徙東。故加新焉。杜本。息侯伐鄭。鄭伯與戰于竟。息師大敗而還。君子是以知息之將亡也。不度德。不

量力。不親親。不徵辭。不察有罪。犯五不韙。【詁】倉頡篇釋文及廣雅：韙，是也。杜本。而以伐人。其喪師也。不

亦宜乎。冬十月，鄭伯以號師伐宋。王戌，大敗宋師。以報其入鄭也。宋不告命。故不書。凡諸侯有命告

則書。不然則否。師出臧否亦如之。雖及滅國。滅不告敗。勝不告克。不書于策。羽父請殺桓公。將以求

太宰。公曰：爲其少故也。吾將授之矣。使營菟裘。公羊傳。吾將老焉。【詁】服虔云：菟裘，魯邑也。營菟裘以

作宮室。欲居之以終老也。史記郡國志：泰山郡梁父有菟裘聚。杜同。羽父懼。反譖公子桓公而請弑之。

公之爲公子也。與鄭人戰于狐壤。止焉。鄭人囚諸尹氏。賂尹氏。【詁】詩毛傳：賂，遺也。而禱于其主鍾巫。

【詁】鄭玄周禮注：求福曰禱。賈逵云：鍾巫，祭名也。史記。遂與尹氏歸。而立具主。十一月，公祭鍾巫。齊于

社。圃館于寯氏。【詁】服虔云：館，舍也。寯氏，魯大夫。同上。杜。壬辰，羽父使賊弑公子寯氏。立桓公。而討寯

氏有死者。不書葬。不成喪也。【詁】賈穎云：君弑。不書葬。賊不討也。釋例。

桓公元年春。公卽位。修好于鄭。鄭人請復祀周公。卒易祊田。公許之。三月。鄭伯以璧假許田。爲周公祊故也。夏四月丁未。公及鄭伯盟于越。結祊成也。盟曰。渝盟無享國。秋大水。凡平原出水爲大水。【詰】

爾雅。廣平曰原。杜本此。冬。鄭伯拜盟。宋華父督【詰】。世本華父督。宋戴公之孫。好父說之子。疏。本服虔

云。督戴公之孫。史記集解。見孔父之妻【詰】。鄭元儀禮注。作孔甫云。甫字或作父。又士相見禮注。今文父爲甫。于路。目逆而送之曰美。而豔【詰】。詩毛傳。色美曰豔。杜本此。

二年春。宋督攻孔氏。殺孔父而取其妻。公怒。督懼。遂弑殤公。君子以督爲有無君之心。而後動於惡。故先

書弑其君會于稷。以成宋亂。爲賂故。立華氏也。宋殤公立。十年十一戰。【詰】服虔云。與夷。隱四年卽位。

一戰伐鄭。圍其東門。再戰取其禾。皆在隱四年。三戰取邾田。四戰邾鄭入其郛。五戰伐鄭。圍長葛。皆在

隱五年。六戰鄭伯以王命伐宋。在隱九年。七戰公敗宋師于菅。八戰宋衛入鄭。九戰宋入蔡。人衛人伐

戴十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

載十戰。戊寅鄭伯入宋。皆在隱十年。十一戰鄭伯以虢師大敗宋師。在隱十一年。本疏。又史記宋世家

清廟詩疏杜大路越席【詁】服虔云大路祀天車也越席結括草以為席也史記集解按家語即作越席又云大路

總名也如今駕駟高車也尊卑俱乘之其采色有差續漢書注又云大路木路本疏王肅云不緣也史記杜注

取服說大羹不致淮南王書作大羹不和棗食不鑿【詁】釋文云字林作穀子沃反云糲米一斛舂為八斗玉簫

穀許委切米一斛舂為八斗也鑿子各切左氏傳云棗食不鑿鑿精也一斛舂為九斗也按淮南王書

作棗食不穀高誘注穀細也鑿為穀古字假借昭其儉也袞冕黻珽【詁】鄭司農周禮注袞卷龍衣也

釋名袞卷龍于衣也杜注畫衣本此書孔傳冕冠也正義黻或作黻或作芾音義同白虎通袞黻膝也

廣雅鞞笏也皆杜注所本帶裳幅烏【詁】玉藻革帶博二寸白虎通云男子有鞞帶者示有金革之事

詩毛傳在下曰裳所以配衣也鄭箋幅斜幅如今行膝也釋名覆其下曰烏衡統紘紕【詁】鄭司農周

禮注衡維持冠者字林統冠之垂者詩毛傳紘纒纒之無紘者從下仰屬于冠纒冕上覆也杜本按張衡

東京賦衡作珩李善注引此傳亦同思元賦注云珩與衡音義同也昭其虔也藻率鞞鞞【詁】服虔以

藻為畫藻率為刷巾本疏鄭玄禮記注藻所以藉玉詩毛傳下曰鞞上曰鞞按鞞與鞞音義同杜注鞞鞞

正與毛傳上下相反疑誤又按東京賦作藻鞞李善注同傳遜云按禮經率帶諸侯大夫皆五采士二

采率與鞞同鞞厲游纒【詁】服虔云鞞大帶厲是大帶之垂者禮疏按詩毛傳厲帶之垂者游又云纒

如索帶今乘輿大駕有之本疏按疏云買服等說鞞厲皆與杜同是杜取買服說昭其數也火龍黼黻

【詁】鄭司農考工記注火謂圍形似火也。鄭元云龍水物。畫水者并畫龍。考工記白與黑謂之黼。黑與

青謂之黻。書孔傳。黼若斧形。黻謂兩己相背。杜並本此。昭其文也。五色比象。昭其物也。錫鸞和鈴。【詁】服虔

云鸞在鑾和在銜。史記集解鄭玄周禮注。錫馬面當盧。詩毛傳鈴在旂。杜取服說又本此。昭其聲也。三辰旂旗。【詁】

服虔云三辰日月星也。杜取謂之辰者辰時也日以昭畫。月以昭夜。星則運行于天。民得取其時節。故

謂之辰也。詩疏服氏注云九旂之總名。儀禮注昭其明也。夫德儉而有度。登降有數。文物以紀之。聲明以發

之以臨照。諸本誤作照百官百官於是乎戒懼而不敢易紀律。今滅德立違而實其賂器於大廟。以明

示百官。百官象之。其又何誅焉。國家之敗。由官邪也。官之失德。寵賂章也。郕鼎在廟。章孰甚焉。武王克

商。遷九鼎于洛邑。【詁】服虔云今河南有鼎中觀。釋文云雒音洛。本亦作洛。書孔傳引此作洛。按地理志河南郡有雒陽。師古引魚豢曰漢火行。屛水故去洛水而加佳。如魚氏說則光武以後始改爲雒

邑。今諸刊本並皆作雒。此從孔傳及宋本改正。下並同。義士猶或非之。而況將昭遠亂之賂器於大廟。

其若之何。公不聽。周內史聞之曰。滅孫達。其有後於魯乎。君違不忘諫之以德。秋七月杞侯來朝。不

敬。杞侯歸。乃謀伐之。蔡侯鄭伯會于鄧。始懼楚也。【詁】地理志南郡江陵。故楚鄧都。楚文王自丹陽

徙此。杜本九月入杞。討不敬也。公及戎盟于唐。修舊好也。冬。公至自唐。告于廟也。凡公行。告于

宗廟。反行。飲至。舍爵。【詁】高誘呂覽注。爵。飲爵。策勳焉。禮也。特相會。往來稱地。讓事也。自參以上。則往

稱地來稱會成事也。初晉穆侯之夫人姜氏以條之役生大子，命之曰仇。【詁】高誘呂覽注，晉國名也。首晉，今爲晉字之誤也。此說未詳，然古人或有依據，附此存攷。廣雅，命名也。按說文，名自命也。其弟

以千畝之戰生。【詁】郡國志，太原郡界休有千畝聚。杜同。命之曰成師。漢書志，二命。師服曰。【詁】賈逵

云，晉大夫。史記集解，杜取此。異哉，君之名子也。【詁】按史記，名作命，名與命，古字通。夫名以制義，義以出禮，禮

以體政，政以正民，是以政成而民聽，易則生亂。嘉耦曰妃，怨耦曰仇。古之命也。【詁】按說文，引虞書云，

怨匹曰仇，然則此二語，古書之辭。故杜注亦以爲自古有此言。陳樹華云，禮記緇衣引詩云，君子好仇。鄭氏注云，仇，匹也。詩國風，君子好逑。鄭氏箋云，怨耦曰仇。陸氏音義云，逑，音仇，本又作仇，是仇與逑通。

但此言怨耦，則義自不同。今君命大子曰仇，弟曰成師，始兆亂矣。兄其替乎。【詁】詩毛傳，替，廢也。釋文

本此，惡士奇曰，三體石經作替，按替乃隸省，依說文當作替。今从石經定注，替，惠之二十四年。【詁】石

經，凡經傳文，二十皆作廿字，三十皆作卅，惟四十仍作四十。晉始亂，故封桓叔于曲沃，靖侯。【詁】諡法

柔德安衆曰靖，又恭己鮮言曰靖，又寬樂令終曰靖。之孫欒，賓傅之，師服曰，吾聞國家之立也，本大而

末小，是以能固。故天子建國，諸侯立家，卿置側室，大夫有貳宗，士有隸子弟。【詁】服虔云，士卑自以其

子弟爲僕隸，祿不足以及宗，是其有隸子弟也。儀禮疏，杜取此。庶人工商各有分親，皆有等衰，是以民服事其

上，而下無覬覦。【詁】說文，覦，欲也。服虔，覦，作覦。云，覦，謂舉足而視也。一切經音義，晉友王給事念孫曰，漢書

音義，

武五子傳。廣陵王胥。見上年少無子。有觀欲心。卽觀觀也。今晉旬侯也。而建國本旣弱矣。其能久乎。惠之三十年。晉潘父弑昭侯。而立桓叔。【詰】謚法。容儀華美曰昭。又昭德有勞曰昭。又聖聞周達曰昭。不克。晉人立孝侯。【詰】謚法。五宗安之曰孝。又慈惠愛親曰孝。又秉德不回曰孝。又協時肇厚曰孝。惠之四十五年。曲沃莊伯伐翼。弑孝侯。翼人立其弟鄂侯。鄂侯生哀侯。哀侯侵陘庭之田。【詰】賈逵云。翼南鄙邑名。史記集解。陘庭南鄙。啓曲沃伐翼。

三年春。曲沃武公伐翼。次于陘庭。韓萬御戎。梁宏爲右。【詰】世本。武公莊伯子。韓萬莊伯弟。服虔云。韓

萬。晉大夫。曲沃桓叔之子。莊伯之弟。晉大夫以韓爲氏。詩疏。史記集解。作賈注說同。杜取此。遂翼侯于汾隰。【詰】水經汾

水出太原汾陽縣北。管涔山東南。過晉陽縣。爾雅。下濕曰隰。杜本。驂絙而止。【詰】鄭元儀禮注。驂馬曰

驂。廣雅。絙。縣也。杜本。夜獲之。及纒其叔。會于嬴。成昏于齊也。夏。齊侯衛侯胥命于蒲。不盟也。公

會杞侯于郕。杞求成也。秋。公子翼如齊。逆女。修先君之好。故曰公子。齊侯送姜氏。【詰】釋文本。或作

送姜氏于醴。水經注引傳文。又作齊侯送姜氏于下。醴。非禮也。凡公女嫁于敵國。姊妹則上卿送之。以

禮於先君。公子則下卿送之。於大國。雖公子亦上卿送之。於天子。則諸卿皆行。公不自送。於小國。則上

大夫送之。冬。齊仲年來聘。致夫人也。芮伯萬之母芮姜。惡芮伯之多寵人也。故逐之。出居于魏。

【詰】地理志。在馮翊臨晉芮鄉。故芮國。河東郡。河北詩魏國。世本。芮魏。皆姬姓。本疏。杜本此。

四年春正月公狩于郎。書時禮也。夏周宰渠伯糾來聘。父在故名。秋秦師侵芮敗焉。小之也。冬王

師秦師圍魏。執芮伯以歸。【註】汲郡古文云。取芮伯萬而東之。

五年春正月甲戌己丑。陳侯鮑卒。再赴也。於是陳亂。文公子佗殺大子免而代之。公疾病。【註】鄭元論語

注。病謂疾困也。本按白虎通巡狩篇傳曰。甲戌之日亡。己丑之日死。而得有狂易之病。盡亡而死。由不

絕也。據此則鮑之病。蓋狂易。甲戌日已亡。尙未絕。己丑日始盡死耳。而亂作。國人分散。故再赴。夏齊

侯鄭伯朝于紀。欲以襲之。紀人知之。王奪鄭伯政。鄭伯不朝。秋。王以諸侯伐鄭。鄭伯禦之。王爲中

軍。虢公林父將右軍。蔡人衛人屬焉。周公黑肩將左軍。【註】賈逵云。黑肩。莊王弟。子儀也。史記周本紀集解。陳

人屬焉。鄭子元請爲左拒。以當蔡人。衛人爲右拒。以當陳人。曰。陳亂。民莫有鬪心。若先犯之。必奔。王卒

顧之。必亂。蔡衛不枝。【註】高誘戰國策注。支。猶拒也。支。枝字同。韋昭國語注。枝。拄也。固將先奔。旣而萃

于王卒。可以集事。從之。【註】易象下傳。萃。聚也。詩鄭箋。集。猶成也。杜本。曼伯爲右拒。蔡仲足爲左拒。原

繁高渠彌。史記作高渠迷。以中軍奉公。爲魚麗之陳。先偏後伍。【註】司馬法。車戰二十五乘爲偏。周禮。司馬五

人爲伍。杜本。伍承彌縫。【註】廣雅釋詁。縫。合也。戰于緡葛。命二拒曰。旂動而鼓。【註】賈逵以旂爲發石

一曰飛石。范蠡兵法云。飛石重二十斤。爲機發行二百步。本說文。檣。建大木置石其上。發以機。以礮敵

釋文云。旂。說文作檣。按今刻本說文仍作檣。又按三國志。太祖爲發石車。擊袁紹注。引魏氏春秋曰。以

古有矢石。又傳言旃動而鼓。說曰：旃發石也。于是造發石車。惠棟云：說者即買侍中說也。杜以譚爲旃。蓋本馬融。今按新唐書李密傳：造雲梯三百具，以機發石爲攻城具。號將軍礮，益可證買氏之說。杜注

雖本馬融，然究不若買說之信而有徵也。蔡衛陳皆奔，王卒亂，鄭師合以攻之，王卒大敗。祝聃射王中

肩。史記作祝聃射王中臂。王亦能軍，祝聃請從之。公曰：君子不欲多上人，況敢陵天子乎。今本作凌，非是。從文選注改正。苟自救

也，社稷無隕多矣。夜，鄭伯使祭足勞王，且問左右：仍叔之子弱也。秋，大雩，書不時也。凡祀啓蟄而

郊。【註】服虔注：左傳曰：一說郊祀天，祈農事，雩祭山川而祈雨也。續漢書注：服虔注，魯祭天以孟月，祭宗廟

以仲月。例：龍見而雩。【註】服虔云：龍角亢也。謂四月昏龍星體見，萬物始盛，待雨而大，故雩祭以求雨

也。續漢書注：類氏以爲龍見五月。釋例：始殺而嘗。【註】買服，始殺惟據孟春不通建酉之月。本疏：按杜注亦從買

服，以雩爲遠，閉蟄而烝，過則書。冬，淳于公如曹，度其國危，遂不復。【註】地理志：北海郡淳于，應劭曰：

春秋州公如曹，左氏傳曰：淳于公如曹，臣瓚曰：州，國名也。淳于，公國之所都。杜注同。

六年春，自曹來朝，書曰：實來，不復其國也。楚武王侵隨。【註】買遠云：隨，姬姓。史記集解：世本同。地理志：南陽

郡，隨故國。杜本此。使蘧章求成焉。【註】王符潛夫論：蘧，冒生，蘧章者，王子無鈞也。令尹孫叔敖者，蘧章之

孫也。蘧與蘧同。按見傳二十七年傳注：軍於瑕以待之。隨人使少師董成。【註】爾雅：董，正也。杜本此。鬬伯

比言於楚子曰：吾不得志于漢東也，我則使然。我張吾三軍，而被吾甲兵。【註】詩毛傳：張，大也。杜本此。以

武臨之彼則懼而協以謀我故難間也漢東之國隨爲大隨張必棄小國小國離楚之利也少師侈請

贏師以張之【詁】章昭國語注贏弱也此杜本熊率且比曰季梁水經注引在何益鬪伯比曰以爲後圖

少師得其君王毀軍而納少師少師歸請追楚師隨侯將許之季梁止之曰天方授楚楚之羸其誘我

也君何急焉臣聞小之能敵大也小道大淫所謂道忠於民而信於神也上思利民忠也祝史正辭信

也今民餒而君逞欲餒當作饑祝史矯舉以祭【詁】方音廣雅逞快也何休公羊傳詐稱曰矯此杜本臣不知

其可也公曰吾性慳肥腍【詁】服虔曰牛羊曰肥豕曰腍本魯孔傳牛羊豕曰牲鄭司農周禮注牲純

也杜取服義黍盛豐備【詁】何休公羊傳黍稷曰稌在器曰盛惠士奇曰禹廟殘碑作資盛說文作齏

云稷也从禾齊聲或作粢从次按石經宋本皆作粢鄭注周禮云齏讀爲粢何則不信對曰夫民神之

主也是以聖王先成民今本誤作名詩正義引而後致力於神故奉牲以告曰博碩肥腍【詁】鄭玄儀

禮注博廣也詩毛傳碩大也此杜本謂民力之普存也詩正義引此謂下多其字按謂其畜之碩大蕃滋

也謂其不疾癘蠹也【詁】釋文稱說文蠹作瘰按說文無瘰字瘰字下注云小腫也从疒坐聲一曰族

衆臣鉉等曰今別作癘蠹非是今攷玉篇癘蠹皮膚病左傳曰不疾癘蠹也一作瘰按釋文所引說文

疑屬玉篇之誤又按說文瘰字注既云小腫而陸氏所引說文亦云皮肥是族衆不過皮毛肥腫之病

故玉篇云然杜注以疥瘰當之考說文疥瘰也瘰乾瘻也恐非其義謂其備脂咸有也奉盛以告曰絜

棗豐盛。謂其三時不害。而民和年豐也。奉酒醴以告曰。嘉栗旨酒。【註】爾雅。嘉。善也。何休公羊傳。栗。猶戰栗。謹敬貌。此。杜本。謂其上下皆有嘉德。而無違心也。所謂馨香無譏。慮也。故務其三時。修其五教。親其九族。【註】古尙書說九族者。從高祖至元孫。凡九。按杜注九族。雖用戴歐陽等說。然諸侯絕旁親。況下云。致其禮祀。則非施于他姓。可知。究當以孔鄭說爲是。以致其禮祀。【註】說文。醴。敬也。此。杜本。於是乎民和而神降之福。而文選注引此。故動則有成。今民各有心。而鬼神乏主。君雖獨豐。其何福之有。君姑修政而親兄弟之國。庶免於難。隨侯懼而修政。楚不敢伐。夏會于成。紀來諮謀。齊難也。北戎伐齊。齊侯使乞師于鄭。鄭太子忽帥師救齊。六月。大敗戎師。獲其二帥。大良。少良。甲首三百。以獻於齊。於是諸侯之大夫。戍齊。齊人饋之餼。【註】論語集解引鄭注。牲生曰餼。此。杜本。陳樹華云。說文。氣字下。引春秋傳云。齊人來氣。諸侯鬃字下云。氣。或从既。餼字下云。氣。或从食。餼之爲氣。鬃之爲既。皆古文也。杜子春云。字當爲餼。失之。使魯爲其班。【註】鄭元儀禮注。班。次也。此。杜本。後鄭。鄭忽以其有功也。怒。故有郎之師。公之未昏於齊也。齊侯欲以文姜妻鄭太子忽。太子忽辭。人問其故。太子曰。人各有耦。齊大。非吾耦也。詩云。自求多福。在我而已。大國何爲。君子曰。善自爲謀。及其敗戎師也。齊侯又請妻之。固辭。人問其故。太子曰。無事於齊。吾猶不敢。今以君命奔齊之急。而受室以歸。是以師昏也。民其謂我何。遂辭諸鄭伯。秋。大閱。簡車馬也。九日丁卯。子同生。以天子生之禮舉之。接以。大牢。【註】服虔云。桓公之大。接鄭注禮。【註】服虔云。桓公之大。

子莊公同御覽唐呂才陰陽雜書序以長歷檢之莊公生當乙亥之歲建申之月買注云不稱太子者書

始生禮疏服虔云接者子初生接見于父御覽卜士負之士妻食之公與文姜宗婦命之公問名於申繻

【詁】賈逵云申繻魯大夫史記集解對曰名有五有信有義有象有假有類以名生爲信【詁】論衡作

生名下德命作德名類命作類名以德命爲義【詁】服虔云謂若大王度德命文王曰昌命武王曰發

本疏以類命爲象取於物爲假取於父爲類不以國不以官不以山川【詁】大戴禮及賈誼新書胎教篇

名無取于名山通谷不以隱疾不以畜牲【詁】鄭衆服虔皆以六畜爲馬牛羊豕犬雞本疏不以器幣【

詁】服虔以爲俎豆壘彝犧象之屬皆不可以爲名也本疏周人以諱事神名終將諱之釋文以名【詁】

淮南王書曰祝則名君高誘注周人以諱事神敬之至也故以國則廢名以官則廢職以山川則廢主

以畜牲則廢祀以器幣則廢禮晉以僖侯廢司徒宋以武公廢司空【詁】服虔云武公名司空廢司空

爲司城禮疏杜取此先君獻武廢二山【詁】證法聰明睿知曰獻又知賈有聖曰獻是以大物不可以命公

曰是其生也與吾同物【詁】惠棟云物謂六物歲時日月星辰是也與桓公同日故曰同物古稱六物

唐稱六命命之曰同冬紀侯來朝請王命以求成于齊公告不能

七年春穀伯鄧侯來朝名賤之也【詁】服虔云穀鄧密遷于楚不親仁善鄰以自固卒爲楚所滅無同好

之救桓又有弑賢兄之惡故賤而名之本疏夏盟向求成于鄭既而背之秋鄭人齊人衛人伐盟向

王遷盟向之民于郟【詰】地理志河南郡河南故郟鄏也。玉篇：郟，洛陽北地。杜本冬，曲沃伯誘晉小

子侯殺之。

八年春，滅翼。隨少師有寵，楚鬬伯比曰：可矣，讐有覺【詰】章昭國語注：覺，瑕也。薛綜：東京賦注：覺，隙也。

杜本不可失也。夏，楚子合諸侯于沈鹿，黃隨不會，使蘧章讓黃【詰】地理志：南郡弋陽縣，應劭曰：故黃

國。杜本楚子伐隨，軍于漢淮之間，季梁請下之，弗許而後戰，所以怒我而怠寇也。少師謂隨侯曰：必速

戰，不然將失楚師。隨侯禦之，望楚師，季梁曰：楚人上左，君必左，無與王遇，且攻其右，右無良焉，必敗，偏

敗，衆乃攜矣。少師曰：不當王，非敵也，弗從。戰于速杞，隨師敗績，隨侯逸【詰】韓昭國語注：逸，奔也。鬬丹

獲其戎車，與其戎右少師。秋，隨及楚平，楚子將不許，鬬伯比曰：天去其疾矣，隨未可克也，乃盟而還。

冬，王命虢仲立晉哀侯之弟緡于晉，祭公來，遂逆王后于紀，禮也。

九年春，紀季姜歸于京師，凡諸侯之女行，惟王后書。巴子使韓服告于楚【詰】地理志：巴郡，應劭曰：左

氏，傳巴子使韓服告楚。杜本請與鄧爲好，楚子使道朔將巴客以聘於鄧，鄧南鄙鄧人【詰】說文：鄧，曼

姓之國，鄧，鄧國地也。春秋傳曰：鄧南鄙鄧人攻之。按此卽哀十八年，巴人伐楚圍鄧之鄧。杜注云：楚邑，

蓋楚滅鄧之後，鄧又爲楚邑也。郡國志：南陽郡有鄧聚，晉書地理志：襄陽郡，鄧縣。按縣蓋晉置，後省。圖

經：襄陽縣北有鄧城，攻而奪之，幣殺道朔及巴行人。楚子使蘧章讓于鄧，鄧人弗受。夏，楚使鬬廉帥師

及巴師圍鄧。鄧養甥聃甥帥師救鄧。三逐巴師。不克。鬪廉衡陳其師於巴師之中。【詁】廣雅：衡，橫也。杜本

此以戰而北。【詁】釋文云：稽康北音背。韋昭國語注：軍敗奔走曰北。北，古之背字也。杜本鄧人逐之背

巴師而夾攻之。鄧師大敗。鄧人宵潰。【詁】詩毛傳：宵，夜也。杜本秋，虢仲芮伯梁伯。【詁】地理志：左馮

翊夏陽，故少梁。杜本正義：據僖十七年傳，知梁為嬴姓。荀侯。【詁】說文：郇，周武王子所封。國在晉地，按

應劭北征賦注，引此作郇侯。地理志注亦同。郇，荀古字同。賈伯。【詁】劉昭引博物志：臨汾有賈鄉。賈伯

邑，伐曲沃。冬，曹大子來朝。賓之以上卿禮也。【詁】服虔云：大子，桓公子。莊公射姑。御又云：曹伯有故

使其太子攝而朝。曲禮曰：諸侯之嫡子，攝其君來。誓于天子，則以皮帛繼子。男諸侯之上卿之禮也。上

卿出入三食。三牢，牽二牢，一享，一食，宴之也。同上。杜享曹大子。初獻樂奏而歎。【詁】服虔云：初獻酒如

獻爵。樂奏人上堂也。初獻，爵樂奏。大子歎而哀樂也。同上。杜施父曰。【詁】服虔云：施父，魯大夫。取此。曹大

子其有憂乎。非歎所也。【詁】服虔云：古之為享食，所以觀威儀，省禍福。無喪而感，憂必讎焉。今大子臨

樂而歎，是父將死而兆先見也。杜本

十年春，曹桓公卒。虢仲瓘其大夫詹父子王詹父有辭，以王師伐虢。夏，虢公出奔虞。【詁】地理志：河

東郡大陽吳山，在西北，有吳城。周武王封大伯後于此。是為虞公。為晉所滅。杜本秋，秦人納芮伯萬

于芮。初，虞叔有玉，虞公求旃。【詁】詩毛傳：旃，之也。杜本弗獻，既而悔之，曰：周諺有之。引作周任。李善文選注：匹

夫無罪。懷璧其罪。吾焉用此。其以賈害也。【詰】爾雅。賈。市也。乃獻之。又求其寶劍。叔曰。是無厭也。無厭將及我。遂伐虞公。故虞公出奔共池。【詰】圖經。共池在解州平陸縣西四十里。冬。齊衛鄭來戰于郎。我有辭也。初。北戎病齊。諸侯救之。鄭公子忽有功焉。齊人饋諸侯。使魯次之。魯以周班後鄭。鄭人怒。請師于齊。齊人以衛師助之。故不稱侵伐。先書齊衛王爵也。

十一年春。齊衛鄭宋盟于惡曹。【詰】服虔以爲不書宋。宋後盟本。楚屈瑕。【詰】王逸。楚辭。章句。楚武王

生子瑕。受屈爲客卿。因以爲氏。將盟貳軫。【詰】國名記。貳。匿姓。在隨州南。楚滅之。軫亦匿姓。在楚東南。

亦楚所滅。鄆人軍于蒲騷。【詰】地理志。江夏郡雲杜。應劭曰。左傳若敷取于鄆。今鄆亭是也。鄆。釋文本

亦作涓涓。鄆音義並同。按通典。應城縣有古蒲騷城。今考安陸應城本春秋鄆子之國。鄆人蓋單于己

境也。將與隨絞州蓼。【詰】春秋地圖。浚在漢水之北。說文。鄆。地名。从邑。蓼。釋文云。蓼。或作鄆。鄆。氏詩

箋。亦引作鄆。地理志。南陽郡湖陽。故鄆國。郡國志。南陽郡棘陽。有湖陽邑。杜同。圖經。監利縣東三十里

有州陵城。春秋時州國。伐楚師。莫敖患之。【漢書志】關廉曰。鄆人軍其郊。必不誠。且日虞四邑之至也。

【詰】廣雅。虞望也。按言日望四邑之至也。較杜義爲長。君次于郊鄆。以禦四邑。我以銳師宵加于鄆。鄆

有虞心。而恃其城。莫有鬪志。若敗鄆師。四邑必離。莫敖曰。盍請濟師於王。【詰】鄭元禮記注。畫。何不也。

杜本。對曰。師克在和。不在衆。商周之敵。君之所聞也。成軍以出。又何濟焉。莫敖曰。卜之。對曰。卜以決

疑不疑何卜遂敗鄆師于蒲騷卒盟而還鄭昭公之敗北戎也齊人將妻之昭公辭祭仲曰必取之

君多內寵【詁】服虔云言庶子有寵者多史記集解子無大援將不立三公子皆君也弗從夏鄭莊公卒

初祭封人【詁】郡國志陳留郡長垣古繁城杜仲足有寵於莊公莊公使爲卿爲公娶鄧曼生昭公

故祭仲立之宋雍氏女於鄭莊公曰雍姑生厲公【詁】賈逵云雍氏黃帝之孫媯姓之後爲宋大夫杜

此雍氏宗有寵於宋莊公【詁】服虔云爲宋正卿故曰有寵上按春秋之世宋未嘗以異姓爲正卿不

知服何據故誘祭仲而執之曰不立突將死亦執厲公而求賂焉祭仲與宋人盟以厲公歸而立之

秋九月丁亥昭公奔衛己亥厲公立

十二年夏盟于曲池平杞莒也公欲平宋鄭秋公及宋公盟于句瀆之丘宋成未可知也故又會于虛

冬又會于龜宋公辭平故與鄭伯盟于武父遂帥師而伐宋戰焉宋無信也君子曰苟信不繼盟無益

也詩云君子婁盟諸本作婁今從釋文改正亂是用長無信也楚伐絞軍其南門莫敖屈瑕曰絞小而輕輕則寡

謀請無扞采樵者以誘之【詁】高誘戰國策注捍禦也廣雅樵薪也杜從之絞人獲三十人明日絞

人爭出驅楚役徒于山中楚人坐其北門【詁】廣雅坐止也惠棟云按兵法有立陳坐陳見尉繚子立

陳所以行也坐陳所以止也傳曰襄欂坐甲又云王使甲坐于道又云士皆坐列司馬法云徒以坐固

荀子曰庶士介而坐道及此傳坐其北門皆坐陳也按此則坐字當從廣雅訓爲止杜注坐編守也子

訓詰爲不合矣。而覆諸山下大敗之。爲城下之盟。而還。伐絞之役。楚師分涉於彭。【詰】水經。漢水過筑陽縣。東筇水出自房陵縣。東過其縣。南流注之。按道元云。杜預謂之彭水。今攷楚附庸臨彭水。當卽絞。羅人欲伐之。【詰】地理志。南郡枝江。故羅國。世本羅熊姓。杜本此。使伯嘉謀之。三巡數之。【詰】章昭國語

注。謀候也。鄭氏周禮注。巡偏也。杜本此。

十三年春。楚屈瑕伐羅。鬬伯比送之。還。謂其御曰。莫敖必敗。舉趾高。【詰】按漢書五行志。引傳。趾

作止。高誘呂覽注。止足也。鄭注。士昏禮。古文止作趾。易虞翻注。亦云。趾足也。杜本此。心不固矣。遂見楚子

曰。必濟師。楚子辭焉。入告夫人鄧曼。鄧曼曰。大夫其非衆之謂。其謂君撫小民以信。【詰】說文。撫安也。

廣雅同。訓諸司以德。而威莫敖以刑也。莫敖狃於蒲騷之役。【詰】說文。狃犬性驕也。玉篇。狃狎習也。按

杜訓狃爲怏。本小爾雅。將自用也。必小羅。君若不鎮撫。【詰】廣雅。鎮安也。其不設備乎。夫罔謂君訓衆

而好鎮撫之。【詰】服虔云。夫謂鬬伯比。本疏。襄二。召諸司而勸之以令德。見莫敖而告諸天之不假易

也。不然。夫豈不知楚師之盡行也。楚子使賴人追之。【詰】地理志。南陽郡。隨有屬鄉。故屬國。杜本此。師古

曰。厲讀曰賴。郡國志。汝南郡。褒信有賴亭。故國。按此賴國所在。當以地理志爲是。不及莫敖使徇于師

曰。【詰】說文。徇行示也。从彳。彳聲。司馬法。斬以徇。廣雅。徇巡也。杜注。徇宣令也。義亦本此。玉篇。徇同。鈞

諫者有刑。及鄢。亂次以濟淇水。【詰】釋文。本或作亂次以濟其水。按水經注。引傳作亂次以濟淇水。改

泗水與夷水亂流東出，謂之淇水。淇同。後傳寫誤耳。巡蠻城南城在宜城南三十里。杜預釋例：羅在宜城縣西

山中，後在南郡枝江縣，自楚及羅，須渡此水。杜本因脫淇水二字，故注析不清。釋文：其字又誤，脫水旁。

今从酈注及釋文，增入二字。又按杜注以此傳之酈爲水名，亦誤。攷酈楚縣名，昭十三年，王沿夏將欲

入酈，服虔云：酈，別都也。此傳文酈字亦指楚縣而言，不指酈水。杜注及正義皆誤。遂無次，且不設備，及

羅，羅與盧戎兩軍之。【詁】釋文：盧，或作廬。廬，古字同。按文十六年，楚使盧健庸書牧督微盧彭濮人

皆卽指此。史記作廬，亦通。括地志：金州有古盧國，大敗之，莫敖縊于荒谷。羣師囚于治父。【詁】水經注

沔水下白湖等三湖合爲一水，東通荒谷。東岸有治父城，按皆當在今江陵。又按說文：荒谷字當作廬。

釋文亦云：本或作廬，荒後傳寫誤耳。以聽刑，楚子曰：孤之罪也，皆免之。宋多賁賂於鄭，鄭不堪命，故

以紀魯及齊與宋衛燕戰，不書所戰，後也。【詁】服虔云：不日者，公至而後定戰日，地之與日常同時設

期，公既不及期，安得及期日也。本疏杜亦取此。鄭人來請修好。

十四年春，會于曹，曹人致餼，禮也。夏，鄭子人來尋盟，且修曹之會。秋，八月壬申，御廩災，乙亥，嘗，書不

害也。冬，宋人以諸侯伐鄭，報宋之戰也。焚渠門，入及大達，代東郊，取牛首。【詁】水經注：沙水，又東南

逕牛首亭東。左傳伐東郊，取牛首者也。俗謂之車牛城矣。按道元當本舊說：以大宮之椽歸爲盧門之

椽。【詁】說文：周謂之椽，齊魯謂之椽。

十五年春，天王使冢父來求車，非禮也。諸侯不貢車服，天子不私求財。祭仲專，鄭伯患之，使其堵雍糾

殺之。【詰】賈逵云：雍糾，鄭大夫。

史記爾雅

女子之夫爲婿，將享諸郊，雍姬知之，謂其母曰：父與夫孰親

其母曰：人盡夫也，父一而已，胡可比也。遂告祭仲曰：雍氏舍其室而將享子於郊，吾惑之，以告，祭仲殺

雍糾，尸諸周氏之汪。【詰】服虔：通俗文，亭水曰汪。

一切經音義

按高誘：淮南王書注，作矢，謂周氏之汪，今攷

尸矢皆陳也。義並通。公載以出，曰：謀及婦人，宜其死也。夏，厲公出奔蔡。六月乙亥，昭公入。許叔入

于許，公會齊侯于艾，謀定許也。

秋，鄭伯因櫟人殺檀伯。

史記作單伯

【詰】服虔云：鄭守櫟大夫。水經又

云：櫟，鄭之大都。

同上，又史記集解杜取此

而遂居櫟。冬，會于袤，謀伐鄭，將納厲公也，弗克而還。

十六年春正月，會于曹，謀伐鄭也。夏，伐鄭。秋七月，公至自伐鄭，以飲至之禮也。冬，城向。書時也。初，

衛宣公烝於夷姜，生急子。

史記漢書人表並作倂釋文云：急，詩作倂。

【詰】服虔云：上淫曰烝。詩疏：杜

屬諸右公子，爲之娶於

齊而美，公取之，生壽及翔，屬壽于左公子夷姜縊。【詰】說文：縊，經也。春秋傳曰：夷姜縊，宣姜與公子朔

構急子。【詰】服虔云：構，會其過惡。

詩疏杜取此

公使諸齊，使盜待諸莘，將殺之。【詰】服虔云：莘，衛東地。上京

相璠曰：今平原陽平縣北十里有故莘亭，墜限蹊要，自衛適齊之道也。

水經注

邢國志：陽平侯國，有莘亭。

杜同。壽子告之，使行不可，曰：棄父之命，惡用子矣。【詰】高誘：呂覽注：惡安也。杜本有無父之國，則可也。

及行，飲以酒，壽子載其旌以先，盜殺之。急子至，曰：我之求也，此何罪？請殺我乎？又殺之。二公子故怨惠

公十一月左公子泄諸本作洩今从古舍人表改正右公子職立公子黔牟惠公奔齊

十七年春盟于黃平齊紀且謀衛故也及邾儀父盟于越尋蔑之盟也夏及齊師戰于奚疆事也於

是齊人侵魯疆疆吏來告公曰疆場之事【詰】說文疆界也从畺三其界畫也或从疆土惠棟曰古文

作置易周禮有置地易地楊統碑云置易不爭張公神道碑云置界家靜呂君碑云慎守置易蓋用此

文慎守其一而備其不虞姑盡所備焉事至而戰又何謁焉蔡桓侯卒蔡人召蔡季于陳秋蔡季

自陳歸于蔡蔡人嘉之也伐邾宋志也冬十月朔日有食之不書日官失之也天子有日官諸侯

有日御【詰】服虔云日官日御典歷數者也周禮疏杜取此日官居卿【詰】服虔云是居卿者卿居其官以主

之重歷數也本疏以底日【詰】顧炎武云五經無底字皆是底字惟左傳襄二十九年處而不底昭元年

勿使有壅閉湫底乃章禮反耳今說文本底字下有一畫誤也字當从氏按底與抵古字通廣雅釋詁

抵推也此抵日猶當推日耳杜注平也似未諦禮也日御不失日以授百官于朝初鄭伯將以高渠

彌爲卿昭公惡之固諫不聽昭公立懼其殺己也辛卯弑昭公而立公子齊韓非子君子謂昭公知所

惡矣公子達曰韓非子高伯其爲戮乎復惡已甚矣韓非子復作報【詰】按據韓非子則復當訓報復之復

鄭康成周禮注復猶報也杜注重也失之陳樹華校本同

十八年春公將有行遂與姜氏如齊申繻管子作申俞曰女有家男有室無相瀆也謂之有禮易此必敗公會

齊侯于濼。遂及文姜如齊。齊侯通焉。【詰】服虔云：旁淫曰通。詩疏：公譎之。【詰】韋昭：淡杏注：譎，讖也。此。杜本

以告。夏四月丙子，享公。【詰】服虔云：為公設享讌之禮。史記集解：杜取此。使公子彭生乘公。【詰】蔡邕：獨斷

乘，猶載也。公薨于車。【詰】史記：魯世家：使公子彭生抱魯桓公，因命彭生折其脅，公死于車。按：玉篇：幹

字下引左氏傳云：拉公幹而殺之。云：以手拉折其幹。今攷玉篇，誤以公羊為左氏傳。下旬，即何休注也。

詩毛傳又云：搯殺之。說文：搯，提也。與拉字義亦通。魯人告于齊曰：寡君畏君之威，不敢甯居，來修舊好。

禮成而不反，無所歸咎，惡於諸侯，請以彭生除之。齊人殺彭生。秋，齊侯師于首止。【詰】服虔云：首止

近鄭之地。史記：郡國志：陳留郡，已吾，有首鄉。此。杜同。子廩會之高渠彌相。七月戊戌，齊人殺子廩而轅高

渠彌。【詰】鄭元周禮注：轅，車裂也。此。杜本。祭仲逆鄭子于陳而立之。【詰】服虔云：鄭子昭公弟子儀也。詩

按史記作召公子廩弟公子嬰于陳而立之，是為鄭子。按小司馬云：左傳以鄭子名子儀，此云蓋必有

所見，杜取服說，是行也。祭仲知之，故稱疾不往。人曰：祭仲以知免，仲曰：信也。周公欲弑莊王而立王

子克。【詰】賈逵云：莊王弟子儀也。史記集解：杜取此。辛伯告王。【詰】賈逵云：辛伯，周大夫也。同上。杜

周公黑肩，王子克奔燕。初，子儀有寵於桓王，桓王屬諸周公。辛伯諫曰：並后匹嫡，兩政耦國，亂之本也。

周公弗從，故及。

卷六

傳

莊公元年春。不稱即位。文姜出故也。【詁】魏書引服虔注云。文姜適于兄齊襄。與殺公而不反。父殺母出。

隱痛深諱。期而中練。思慕少殺。念至于母。故經書三月夫人孫于齊。既有念母深諱之文。明無難疾告。

列之理。三月夫人孫于齊。不稱姜氏。絕不為親禮也。【詁】魏書引注云。夫人有與殺桓之罪。絕不為。

親得尊父之義。善莊公思大義。絕有罪。故曰禮也。按說苑亦云。絕文姜之屬。而不為不愛其母。正可與。

服說相發明。杜注似非。秋築王姬之館于外。為外禮也。

二年冬。夫人姜氏會齊侯于禚。書姦也。

三年春。溺會齊師伐衛。疾之也。夏五月。葬桓王。緩也。秋。紀季以鄩入于齊。紀於是乎始判。【詁】說文。

判。分也。杜本。冬。公次于滑。將會鄭伯。謀紀故也。鄭伯辭以難。凡師一宿為舍。再宿為信。過信為次。

【詁】賈逵云。若魯公次乾侯之比。本疏。詩毛傳。一宿曰宿。再宿曰信。

四年春。王正月。楚武王荆尸。【詁】爾雅。尸。陳也。杜本。授師子焉。以伐隨。【詁】注云。子。句子。考工。記疏。方言。楚謂。

戰為子。杜本。將齊。入告夫人鄧曼曰。【詁】服虔云。鄧曼姓。史記。集解。余心蕩。【詁】賈逵云。蕩。播也。同。鄧曼歎。

曰。王祿盡矣。盈而蕩。天之道也。先君其知之矣。故臨武事。將發大命。而蕩王心焉。若師徒無虧。王薨於。

行國之福也。王遂行，卒於楸木之下。【詰】說文：滿松心木。按杜注：止云木名，故采說文補之。或說文本賈氏說也。高誘：淮南王書注：楸，讀姓楸氏之楸。釋文及正義俱云：有曼期二首，疑非。正義又疑楸木爲期楸，亦不見說文之故。余以歲己未遭戍伊犂，道過天山，樹如松者萬株，土人尙呼爲楸，驗之皆松心木，與說文無異。又考竟陵縣武來山，一名楸木山，樂史稱郡國志。左傳：楚武王卒於楸木之下，卽此山。令尹鬬祁莫敖屈重。【詰】按此屈重當係屈瑕之子。除道梁澆。【詰】說文：澆水。在漢南荊州浸也。春秋傳曰：修除梁澆。按今本修涂作除道。然考杜注，則杜時本已與漢異。又按說文：澆，荊州浸。本周禮職方而釋例以爲義陽縣西澆水亦誤。滌，釋文引高貴卿公音側稜反，云水名。字林：壯加反，營軍臨隨。隨人懼，行成，莫敖以王命入盟隨侯。且請爲會於漢汭而還。【詰】鄭元尙書注：汭之言內也。杜本濟漢而後發喪。紀侯不能下齊，以與紀季。夏，紀侯大去其國，違齊難也。【詰】章昭國語注：違，避也。杜本

五年秋，邾犁來來朝，名未王命也。冬，伐衛，納惠公也。

六年春，王人救衛。夏，衛侯入，放公子黔牟于周，放寧跪于秦。【詰】說文：放，逐也。殺左公子泄，右公子職，乃卽位。君子以二公子之立黔牟爲不度矣。夫能固位者，必度其本末，而後立衷焉。不知其本，不謀知本之不枝，弗強。詩云：本枝百世。【詩大雅支】冬，齊人來歸衛寶，文姜請之也。楚文王伐申，過鄧，鄧祁侯曰：【詰】證法：治典不殺曰祁。吾甥也。【詰】爾雅：謂我舅者吾謂之甥。釋名：舅，謂姊妹之子曰甥。杜本止

而享之。騶甥古今人表作駐。聃甥養甥。請殺楚子。鄧侯弗許。三甥曰。亡鄧國者必此人也。若不早圖。後君噬齊。

【詁】按玉篇引左傳作臍。臍俗字。當作齊。釋名。臍。劑也。腸端之所限制也。說文。噬。嚼也。噉。字下注。

云。醫。噬也。杜本此。其及圖之乎。圖之此爲時矣。鄧侯曰。人將不食吾餘。對曰。若不從三臣。抑社稷實不血。

食。而君焉取餘。弗從。還年。楚子伐鄧。十六年。楚復伐鄧。滅之。

七年春。文姜會齊侯于防。齊志也。夏。恆星不見。夜明也。星隕如雨。與雨偕也。【詁】詩毛傳。偕。俱也。杜本此。

秋。無麥苗。不害嘉穀也。

八年春。治兵于廟。禮也。公羊作祠兵。【詁】按周禮大司馬之職。賈公彥正義。引此傳治兵于廟禮也。又引注云。

三年而治兵。與秋同。名兵將出。故曰治兵。今杜注無之。則公彥所引當係服說。夏師及齊師圍郟。郟降。

于齊師。仲慶父請伐齊師。公曰。不可。我實不德。齊師何罪。罪我之由。夏書曰。皋陶邁種德。【詁】孔安國。

尙書傳。邁。行也。說文。邁。遠行也。按書傳及爾雅等。皆訓邁爲行。杜注。邁。勉也。邁字無勉義。恐非。德乃降。

姑務修德。以待時乎。秋。師還。君子是以善魯莊公。齊侯使連稱管至父。戍葵丘。【詁】賈逵云。連稱管。

至父。皆齊大夫。史記京相璠曰。齊西五十里有葵丘。水經注。杜同此。瓜時而往。曰。及瓜而代。【詁】服虔云。瓜時。

七月。及瓜。爲後年瓜時。期戍。公問不至。【詁】說文。問。訊也。按杜注。問。命也。恐非。請代弗許。【詁】尉繚子。

曰。兵戍過一歲。遂亡不候代者。法比亡軍。故謀作亂。僖公之母弟曰夷仲年。生公孫無知。古今人表作公子无如。

有寵於僖公。衣服禮秩如適。【詰】按說文秩字下云積也。詩云積之秩秩。對字下注云爵之次第也。虞

書曰平歸東作。是二字文義俱別。經典从省借秩爲歸耳。襄公紉之。【詰】說文黜。貶下也。廣韻黜亦作

紉。按紉黜古字同。文元年傳黜乃亂也。史記卽作紉。二人因之以作亂。連稱有從妹在公宮。【詰】服虔

云爲妾在宮也。史記無寵使間公。【詰】王肅云候公之間隙。廣雅問視也。杜本曰捷。【詰】詩毛傳捷勝

也。吾以女爲夫人。冬十二月齊侯游于姑婪。【詰】賈逵云姑婪齊地也。史記遂田于貝丘。史記作

京相璠曰博昌縣南近澠水有地名貝丘。在齊城西北四十里。水經注按地理志清河郡貝丘。應劭曰

左氏傳齊襄公田于貝丘。是酈元以應說爲疏。今考貝丘縣故城在今廣平府清河縣界。春秋時屬齊

國。雖較博昌爲遠。然齊侯出田本無定地。景公欲觀轉附朝衛。遵海而南。又豈得以遠疑之乎。應說或

當有據也。見大豕。史記豕從者曰。公子彭生也。公怒曰。彭生敢見射之。【詰】服虔云公見豕從者乃見

彭生。鬼改形爲豕也。史記豕從者曰。豕人立而啼。【詰】服虔云啼呼也。文選公懼隊于車。傷足喪屨。反誅屨

【詰】孔安國論語注誅責也。杜本于徒人費。史記按古今人表有寺人費師古曰卽徒人費也。據

此則費蓋宦者。弗得鞭之見血。走出。遇賊于門。劫而束之。【詰】鄭元禮記注劫劫脅也。費曰我奚御哉。

袒而示之背。【詰】廣雅袒解也。信之費請先入。伏公而出。鬪死于門中。石之紛如。死于階下。遂入殺孟

陽于牀。【詰】說文牀安身之坐也。曰非君也不類。見公之足于戶下。遂弑之。而立無知。初襄公立。無常

鮑叔牙曰君使民慢亂將作矣奉公子小白出奔莒亂作管夷吾召忽奉公子糾來奔初公孫無知虐

于雍廩史記作雍廩【詁】賈逵云葵丘大夫史記齊世家齊君無知游于雍廩雍廩人嘗有怨無知及其往游雍廩人鬪殺無知按梁元帝金樓子亦與史記同古今人表又作雍廩人稟廩古字通水經注

作離稟今考若據史記金樓子則雍廩地名據賈逵注及檢古今人表則雍廩人名今細釋經傳上云

虐于雍廩下經云齊人殺無知傳又云雍廩殺無知則當以人名爲是杜注亦取賈說

九年春雍廩殺無知公及齊大夫盟于蕮齊無君也夏公伐齊納子糾桓公自莒先入秋師及齊

師戰于乾時我師敗績公喪戎路傅乘而歸【詁】按漢書宣帝紀得毋用傅集注傳謂傳舍今考此傳

乘亦謂乘驛傳以歸杜注云乘他車恐誤秦子梁子以公旗辟于下道是以皆止【詁】章昭國語注止

獲也杜本鮑叔帥師來言曰子糾親也請君討之管召讎也請受而甘心焉乃殺子糾于生竇史記作

【詁】賈逵云生竇魯地句竇史記索隱地理志濟陰郡句陽應劭曰左氏傳句瀆之丘也召忽死之【

詁】按論語自經于溝瀆即指召忽襄十九年齊莊公執公子牙于句瀆之丘句竇溝瀆音同據此則

召忽之死蓋自經也後漢書應劭傳載劭議亦云昔召忽死子糾之讎而孔子曰經于溝瀆人莫之知

是也管仲請囚鮑叔受之及堂阜而稅之【詁】賈逵云堂阜魯北境史記按文十五年傳飾棺置諸堂

阜明堂阜爲齊魯交界既至齊境故即釋其縛也歸而以告曰管夷吾治於高傒【詁】賈逵云齊正廟

阜明堂阜爲齊魯交界既至齊境故即釋其縛也歸而以告曰管夷吾治於高傒【詁】賈逵云齊正廟

高敬仲也。同上。祕笈新書齊太公六代孫文公子高孫僕以王父字爲氏使相可也公從之。

十年春齊師伐我公將戰曹劌請見戰國策劌作沫是其鄉人曰肉食者謀之又何間焉劌曰肉食者鄙

未能遠謀乃入見問何以戰公曰衣食所安弗敢專也必以分人對曰小惠未徧民弗從也公曰犧牲

玉帛弗敢加也必以信對曰小信未孚【詰】虞翻易注孚信也按杜隨文生訓故加大字神弗福也公

曰小大之獄雖不能察必以情對曰忠之屬也可以一戰戰則請從公與之乘戰于長勺公將鼓之劌

曰未可齊人三鼓劌曰可矣齊師敗績公將馳之劌曰未可下視其轍【詰】說文轍車迹也登軾而望

之曰可矣遂逐齊師既克公問其故對曰夫戰勇氣也一鼓作氣再而衰三而竭彼竭我盈故克之夫

大國難測也懼有伏焉吾視其轍亂望其旗靡【詰】說文靡披靡也故逐之夏六月齊師宋師次于

郎公子偃曰宋師不整可敗也宋敗齊必還請擊之公弗許自罍門竊出【詰】廣雅竊私也蒙暴比而

先犯之【詰】樂記曰倒載干戈蒙之以虎皮名之曰建甕鄭元以爲兵甲之衣曰甕甕輜也而其字或

作建舉故服虔引以解此本疏杜取此公從之大敗宋師于乘丘齊師乃還蔡哀侯娶于陳息侯亦娶焉

息媯將歸過蔡蔡侯曰吾媯也李善文選注引此止而見之弗賓息侯聞之怒使謂楚文王曰伐我吾求救於蔡而伐

之楚子從之秋九月楚敗蔡師于莘以蔡侯獻舞歸齊侯之出也過譚譚不禮焉及其入也諸侯皆

媯弟也言與已妻相長弟也杜本此傳作是吾媯也【詰】爾雅妻之姊妹同出爲媯釋名妻之姊妹曰媯

賀譚又不至冬齊師滅譚譚無禮也譚子奔莒同盟故也

十一年夏宋爲乘丘之役故侵我公禦之宋師未陳而薄之【詁】高誘淮南王書注薄迫也廣雅同敗諸

鄆凡師敵未陳曰敗某師皆陳曰戰大崩曰敗績得僞曰克【詁】釋文本或作俊按漢書陳湯傳顏師

古注引此作得俊曰克玉篇云僞同俊也覆而敗之曰取某師【詁】服虔云覆隱也設伏而敗之謂攻

其無備出其不意敵人不知敗之易故曰取本京師敗曰王師敗績于某師敗績者非秋宋大水

公使弔焉【詁】賈逵曰問凶曰弔史記集解曰天作淫雨害於衆盛若之何不弔鄭元周禮注引對曰孤實

不敬天降之災又以爲君憂拜命之辱臧文仲曰宋其興乎禹湯罪己其興也悖焉按爾雅釋詁作悖

正義引作其興也悖然韓詩外傳引作其興也勃然呂覽當梁篇引傳作勃焉陳蕃傳同【詁】廣雅悖盛也杜本桀紂罪人其亡也忽焉【詁】廣雅

忽疾也杜本且列國有凶稱孤禮也言懼而名禮其庶乎既而聞之曰公子御說之辭也史記御作禦

【詁】史記宋世家此言乃公子魚教湣公也與左傳異按子魚卽公子目夷至傳八年始見左傳距此

尚三十餘年史記說非也當以左傳爲是臧孫達曰【詁】世本孝公生傳伯彌驅生哀伯達達生伯氏

瓶瓶生文仲辰惠棟曰此傳先載文仲之言不應後錄哀伯之語達當爲辰字之誤也桓二年傳先稱

臧哀伯後云臧孫達與此一例今按哀伯此時當已久卒故文仲世其職明達爲辰字之誤是宜爲君

有恤民之心冬齊侯來逆其姬【詁】按此則王姬後諛爲共與衛共姬同是齊侯之妃有兩共姬矣

衛共姬見傳十七年傳。乘丘之役。公以金僕姑。【詰】玉篇作鑲。鑲云春秋僕姑射南宮長萬。【詰】賈逵

云南宮氏萬名宋卿。史記集解按下年經書宋萬弑其君則萬本宋卿可知。杜注云宋大夫。又云不書獲萬

時未爲卿則杜意以萬歸宋後始爲卿也。無論見獲歸宋爲時甚暫未必以此時爲卿。且下年傳書萬

殺大宰督于東宮之西。督爲宋正卿。經亦不書。則此年不書獲萬亦經文簡略。終當以賈說爲是。公右

獸孫生搏之。宋人請之。宋公斬之。【詰】服虔云。恥而惡之曰斬。本玉篇釋文戲而相媿曰斬。杜同。曰始

吾敬子。今子魯囚也。吾弗敬子矣。病之。

十二年秋。宋萬弑閔公子蒙澤。【詰】蓋法在國遭憂曰愆。又在國逢難曰愆。又禍亂方作曰愆。按史記作

潁。漢書五行志作愆。閔愆潁音義並同。賈逵云蒙澤宋澤名也。史記集解郡國志梁國蒙縣有蒙澤。杜同。十

三州志蒙澤在蒙縣東。水經注遇仇牧于門。批而殺之。【詰】按一切經音義引此傳作挽而殺之。今考說

文。挽反手擊也。今本作批。非是。公羊傳萬臂撥仇牧碎其首何休云。側手曰撥。則義與說文反手擊亦

同。玉篇作挽云。手擊也。字林廣雅皆作批云。批擊也。相沿已久。姑承之。遇大宰督于東宮之西。又殺之。

立子游。羣公子奔蕭。公子御說奔亳。【詰】服虔云蕭亳宋邑也。同地理志沛郡蕭故蕭叔國。杜本山陽

郡薄丘。瓚曰湯所都。郡國志薄屬梁國。按薄古字通。杜預注薄城中有成湯冢。亦本皇覽。南宮牛猛

獲帥師圍亳。冬十月蕭叔大心及戴武宣穆莊之族。以曹師伐之。殺南宮牛于師。殺子游于宋。立桓公。

猛獲奔衛。南宮萬奔陳。以乘車輦其母。【詁】高誘吳覽注。人引車曰輦。杜本此。一日而至。宋人請猛獲于

衛。衛人欲勿與。石祁子曰。不可。天下之惡。一也。惡於宋而保於我。保之何補。得一夫而失一國。與惡而

棄好。非謀也。衛人歸之。亦請南宮萬于陳。以賂陳人。使婦人飲之酒。【詁】服虔云。宋萬多力。勇不可執。

故先使婦人誘而飲之酒。醉而縛之。史記集解。而以犀革裹之。比及宋。手足皆見。宋人皆醢之。【詁】服虔云。

醢。肉醬。同上杜本此。

十三年春。會于北杏。以平宋亂。遂人不至。夏。齊人滅遂而戍之。冬。盟于柯。始及齊平也。宋人背北杏

之會。

十四年春。諸侯伐宋。齊請師于周。夏。單伯會之。取成于宋而還。鄭厲公自櫟侵鄭。及大陵。【詁】京相璠

曰。潁川臨潁縣東北二十五里。有故巨陵亭。古大陵也。水經注。獲傅瑕。史記作甫瑕。傅瑕曰。苟舍我。吾請納君

與之盟而赦之。六月。甲子。傅瑕殺鄭子及其二子。而納厲公。初。內蛇與外蛇鬪於鄭南門中。內蛇死。六

年。而厲公入。【詁】服虔云。蛇。北方水物。水成數六。故六年而厲公入。本疏。公聞之。問於申繻曰。猶有妖乎。

對曰。人之所忌。其氣炎以取之。【詁】釋文石經本並作炎。後人妄改。燄。按漢書五行志。引傳作炎。師古

曰。炎。音弋。贖反。藝文志。亦作炎。師古曰。炎。謂火之光。始燄。燄也。炎。讀與燄同。王符潛夫論。引此。亦作其

氣。炎以取之。今从諸家改定。妖。由人興也。人無覺焉。妖不自作。漢書藝文志。妖並作妖。按大戴禮。易本

命。妖孽數起。漢書文帝紀。除妖言之罪。

師古曰：人弃常則妖興，故有妖。漢書藝文志：此二句在人厲公入，遂殺傅瑕，使謂原繁曰：其伯父原無

繁，傅瑕貳，周有常刑，既伏其罪矣，納我而無二心者，吾皆許之上大夫之事，吾願與伯父圖之。且寡人

出，伯父無裏言，入又不念寡人，寡人憾焉。對曰：先君桓公命我先人典司宗祏。【詰】說文：祏，宗廟主也。

周禮有郊宗石室。【杜本】社稷有主，而外其心，其何貳如之？苟主社稷，國內之民其誰不爲臣？臣無二心，

天之制也。子儀在位十四年矣，而謀召君者，庸非貳乎？莊公之子，猶有八人，若皆以官爵行賂勸貳，而

可以濟事，君其若之何？臣聞命矣，乃縊而死。蔡哀侯爲莘故，讒息媯。【詰】按釋文稱說文作讒，今說

文本闕，廣雅云：讒，譽也。周書皇門解云：是陽是繩，繩，繩也。古字同。呂覽周公且作詩以讒文王之德。孔鮒

曰：讒之譽之也。表記曰：君子不以口譽人。鄭注：譽，讒也。【杜本】以語楚子，楚子如息，以食入享，遂滅息，以

息媯歸，生堵敖及成王焉。【詰】史記作杜敖。按史記楚世家曰：子熊羆立，是爲杜敖。索隱曰：杜音側壯

反。十二諸侯年表作堵敖。索隱曰：世家作莊敖。劉音壯，此作杜敖。劉氏云：亦作杜。杜堵聲相近，又與世

家乖，未識誰是。古今人表又作杜敖。師古曰：卽堵敖。今考索隱云云，則楚世家杜敖當作莊敖。莊作杜，

傳寫誤也。未言楚子問之對曰：吾一婦人而事二夫，縱弗能死，其又奚言？楚子以蔡侯滅息，遂伐蔡。秋

七月，楚入蔡。君子曰：商書所謂惡之易也。如火之燎于原，不可鄉邇，其猶可撲滅者，其如蔡哀侯乎。

冬會于鄆，宋服故也。

十五年春復會焉。齊始霸也。秋諸侯爲宋伐邾。邾人間之而侵宋。

十六年夏諸侯伐鄭。宋故也。

釋文本或作爲宋故。

鄭伯自櫟入。緩告于楚。秋楚伐鄭。及櫟。爲不禮故也。鄭伯治與

於雍糾之亂者。九月殺公子闕。則強鉏。

古今人表。強作彊。

【詁】釋文隱十一年。鄭有公孫闕。距此三十五年。不

容復有公子闕。若非闕字誤。則子當爲孫。公父定叔出奔衛。三年而復之。曰不可使共叔無後於鄭。使

以十月入。曰良月也。就盈數焉。【詁】服虔云。定叔之祖共叔段。有伐君之罪。宜世不長。而云不可使共

叔無後於鄭。言其刑之偏頗。鄭厲公以逆篡適。同惡相恤。故黨於共叔。欲令其後不絕。傳所以惡厲公

也。本疏君子謂強鉏不能衛其足。冬同盟于幽。鄭成也。王使虢公命曲沃伯。以一軍爲晉侯。初晉

武公伐夷。執夷詭諸。蔣國請而免之。旣而弗報。故子國作亂。謂晉人曰。與我伐夷。而取其地。遂以晉師

伐夷。殺夷詭諸。周公忌父出奔。虢惠王立而復之。

十七年春。齊人執鄭詹。鄭不朝也。夏。遂因氏。領氏。工婁氏。須遂氏。饗齊。戊醉而殺之。齊人殲焉。

十八年春。虢公晉侯朝王。王饗醴。命之宥。皆賜玉五穀。【詁】釋文引俞頡篇。穀作珪。雙玉爲穀。故字从兩

玉。按說文。穀字下云。珪。或从穀。馬三匹。非禮也。王命諸侯。名位不同。禮亦異數。隋書經籍志引作節文異數。不以禮

假人。虢公晉侯鄭伯。使原莊公逆王后于陳。陳嬀歸于京師。實惠后。夏公追戎于濟西。不言其來

諱之也。秋有莖。爲災也。【詁】服虔云。短狐。南方盛暑所生。其狀如鼈。古無今有。含沙射人。入皮肌中。

其瘡如疥，徧身淺淺，或或故爲災。周禮疏。

初，楚武王克權，使鬬縉尹之，以叛圍而殺之，遷權于郢處。

【詰】按史記管蔡世家曰：封季載于丹索，隱曰：丹或作郟，國語曰：丹季鄭姬，賈逵云：文王子聃季之國也。莊十八年，楚武王克權，遷于郢處，郟與郢皆音奴甘反，使閻敖尹之，及文王卽位，與巴人伐申，而驚

其師，巴人叛楚而伐郢處，取之，遂門于楚，閻敖游涌而逸。【詰】水經：江水又東南，當華容縣，南浦水入焉。杜本春秋所謂閻敖游涌而逸者也。道元注。楚子殺之，其族爲亂，冬，巴人因之以伐楚。

十九年春，楚子禦之大敗于津。水經注引作大敗于津鄉。【詰】應劭曰：南郡江陵縣有津鄉。杜本此。郡國志同。杜本還

鬻拳弗納。古今人表作鬻拳。【詰】鄭玄箴膏肓曰：鬻拳，楚同姓，遂伐黃。【詰】郡國志：汝南郡弋陽侯國有黃亭，故黃國，蘇姓。杜同此。

敗黃師于踏陵，還及湫，有疾，夏六月庚申卒。鬻拳葬諸夕室，亦自殺也，而葬於經皇。

【詰】按宣十四年，準、履及於望皇，經與望通，正義云：望皇當是寢門闕，此經皇或是冢前闕也。初，鬻拳強諫楚子，楚子弗從，臨之以兵，懼而從之。鬻拳曰：吾懼君以兵，罪莫大焉，遂自刎也。楚人以爲大闕，謂

之大伯，使其後掌之。君子曰：鬻拳可謂愛君矣，諫以自納於刑，刑猶不忘納君於善。初，王姚嬖于莊王，生子頹。釋文及別本作頹，誤。按石經及宋本並作頹，舊本外傳亦作頹，並與說文合。今改正。下同。子頹有寵，爲國爲之師，及惠王卽位，取蔣國

之圃以爲囿。【詰】說文：種菜曰圃，圃有垣也。按哀十五年，服虔注：圃，園也。又鄭注：周禮圃，今之苑。杜取

此。邊伯之宮近於王宮，王取之，王奮子禽祝跪與詹父田，而收膳夫之秩。【詰】鄭元周禮注：秩，祿廩也。

春秋左傳詰一傳

杜本故薦國邊伯石速外傳速作邁按說文邁籀文速漢書宣帝紀注師古曰邁古速字詹父子禽視跪作亂因蘇氏 秋五大夫奉

子頹以伐王不克出奔溫蘇子奉子頹以奔衛衛師燕師伐周冬立子頹

二十年春鄭伯和王室不克執燕仲父詁服虔云南燕伯爵杜取夏鄭伯遂以王歸王處于櫟詁服

虔云櫟鄭大都史記集解秋王及鄭伯入于鄆遂入成周取其寶器而還冬王子頹享五大夫樂及徧舞

子頹歌舞不倦樂禍也夫司寇行戮君爲之不舉而況敢樂禍乎姦王之位禍孰大焉臨禍忘憂憂必

及之盍納王乎號公曰寡人之願也

二十一年春皆命于弭夏同伐王城鄭伯將王自圍門入號叔自北門入殺王子頹及五大夫鄭伯享王

于闕西辟詁服虔云西辟西徧也當爲兩觀之內道之西也本穎容云闕者上有所失下得書之于

闕水經廣雅象魏闕也杜本樂備王與之武公之略自虎牢以東詁地理志河南郡成皋故虎牢磬

天子傳七萃之士生捕虎即獻天子天子畜之東號號曰虎牢原伯曰鄭伯效尤其亦將有咎五月鄭

厲公卒王巡號守釋文本號公爲王宮于珪王與之酒泉鄭伯之享王也王以后之鞶鑑予之號公請

器王予之爵詁史記鄭世家云惠王不賜厲公爵祿索隱曰此言爵祿與左氏說異鄭伯由是始惡

于王詁服虔云鞶鑑王后婦人之物非所以賜有功爵飲酒器玉爵也一升曰爵爵人之所貴也言

鄭伯以其父得賜不如虢公爲是始惡于王積而成怨疏本冬王歸自虢

二十二年春陳人殺其大子御寇公毅釋文御皆作禦陳公子完與顓孫奔齊顓孫自齊來奔齊侯使敬仲爲卿辭

曰驛旅之臣【詰】賈遠云驛寄旅客也史記集解杜取此幸若獲宥【詰】何休公羊傳宥赦也杜本及於寬政

赦其不閑於教訓而免於罪戾風俗通杜取此弛於負儻【詰】鄭元周禮注弛釋下之按杜注弛去離也義轉

風曲說文儻何也从人詹聲按漢書貨殖傳禦千儻師古曰儻人儻之也一儻兩墨漢碑凡頁儻字皆

作儻諸刊本並作攢非是今據改君之惠也所獲多矣敢辱高位以速官謗請以死告詩云翹翹車乘

【詰】服虔云翹翹遠貌詩疏杜取此招我以弓豈不欲往畏我友朋使爲工正【詰】賈遠云掌百工史記集解杜取

此漢大尉陳球碑云公子完適齊爲桓公公正按古公工通惠士奇亦同飲桓公酒樂公曰以火繼之

辭曰臣卜其晝【詰】服虔云臣將享君必卜之示戒慎也本疏按詩邁疏引此又云示敬慎也未卜其夜不敢君子曰

酒以成禮不繼以淫風俗通杜取此義也以君成禮弗納於淫仁也初懿氏卜妻敬仲【詰】曲禮龜曰卜杜本

按傳上云臣卜其晝杜舍前而注後亦誤其妻占之曰吉是謂鳳皇于飛和鳴鏘鏘有媯之後【詰】顓

容釋例云舜居西域本曰媯洎御覽將育于姜五世其昌並于正卿【詰】服虔云言完後五世與卿並列

史記八世之後莫之與京【詰】賈遠云京大也同上杜取此按與下文物莫能兩大同陳厲公蔡出也【詰】

集解姊妹之子曰出杜本故蔡人殺五父而立之生敬仲其少也周史有以周易見陳侯者陳侯使筮

之【詰】曲禮著曰筮杜本。遇觀【三三】【詰】王充曰：卜曰逢，筮曰遇，之否【三三】【詰】賈逵云：坤下巽上，觀坤

下乾上否同。又云：觀爻在六四，變而之否漢上易。正義云：服說亦同。杜取曰：是謂觀國之光，利用賓于

王。此其代陳有國乎？不在此，其在異國。周禮疏引此。非此其身，在其子孫，光遠而自他有耀者也。石經

並作巽，坤土也。巽風也。乾天也。風為天於土，上山也。有山之材，而照之以天光，於是乎居土上，故曰：觀

國之光，利用賓于王。劉用照以此上。庭實旅百【詰】章昭云：庭實，庭中之實，百舉成數也。爾雅：旅，陳也。

杜本：奉之以玉帛，天地之美具焉。故曰：利用賓于王，猶有觀焉。故曰：其在後乎？風行而著於土【詰】服

虔云：巽在坤上，故為著土也。一曰：巽為風，復為木，風吹木實落去，更生他土而長育，是為在異國。本故

曰：其在異國乎？若在異國，必姜姓也。姜，大嶽之後也。【詰】周語云：堯命禹治水，共之從孫四嶽佐之。賈

逵注：共，共工也。從孫，同姓末嗣之孫。四岳，官名。太岳也。主四岳之祭焉。本山嶽則配天，物莫能兩大。陳

衰，此其昌乎？及陳之初亡也，陳桓子始大於齊，其後亡也，成子得政。

二十三年夏，公如齊觀社，非禮也。曹劌諫曰：不可。夫禮所以整民也，故會以訓上下之則，制財用之節，朝

以正班爵之義，帥長幼之序，征伐以討其不然。諸侯有王【詰】按：賈公彥周禮疏引此傳文，并引注云：

有王，朝于王，疑是服注。王有巡守，以大習之【詰】管子幼官篇曰：千里之外，二千里之內，諸侯三年而

朝，習命，二千里之外，三千里之內，諸侯五年而會，至習命，惠棟曰：此所云大習者，蓋習會朝之教命也。

非是君不舉矣。君舉必書，書而不法，後嗣何觀。晉桓莊之族，偏獻公患之。士蔿曰：「賈逵云：晉大夫，史記集解。杜取此。去富子，則羣公子可謀也已。」【註】按尋釋上下文義，疑富子爲羣公子之一，非強族，卽係

多知術，能爲羣公子謀畫者，謂而去之，則羣公子失謀主矣。杜以富強解之，恐誤。公曰：爾試其事。士蔿

與羣公子謀，譖富子而去之。秋，丹桓宮之楹。

二十四年春，刻其桷，皆非禮也。御孫諫曰：「古今人長作禦，釋文云：本亦作御。外傳作匠師，章昭曰：臣聞

之儉，德之共也。侈，惡之大也。先君有共德，而君納諸大惡，無乃不可乎。秋，哀姜至，公使宗婦覲用幣。

非禮也。御孫曰：「男贄，大者玉帛，小者禽鳥，以章物也。女贄，不過榛栗棗脩。」【註】說文：棗，果實，如小栗。春

秋傳曰：女贄，不過棗栗。廣雅：棗，貞也。按榛，說文木也。一曰：蕞也。廣誘淮南王書注：穀木曰榛。此女贄之

業當以說文廣雅爲是。先儒以爲栗，取其戰栗也。棗，取其早起也。修，取其自修也。惟榛無說。惠棟云：正

義以爲榛，聲近虺，失之。外傳魯語曰：夫婦贄，不過棗栗，以告虔也。不及榛，修明榛不訓虔。唐元度九經

字樣，引傳作業，以榛爲業，經典相承，諫變以告虔也。【註】詩毛傳：虔，敬也。杜本今男女同贄，是無別也。

男女之別，國之大節也。而由夫人亂之，無乃不可乎。晉士蔿又與羣公子謀，使殺游氏之二子。士蔿

告晉侯曰：「可矣。不過二年，君必無患。」

二十五年春，陳女叔來聘，始結陳好也。嘉之，故不名。夏六月辛未朔，日有食之，鼓用牲于社，非常也。唯

正月之朔，隱未作。【詁】鄭元周禮注，隱陰姦也。杜略本此。日有食之，於是乎用幣于社，伐鼓于朝。秋，大水。

鼓用牲于社于門，亦非常也。凡天災有幣無牲，非日月之眚不鼓。【詁】章昭國語注，貧猶災也。杜本此。

晉士蒍使羣公子盡殺游氏之族，乃城聚。【詁】賈逵云，聚，晉邑。史記集解，杜取此。而處之冬，晉侯圍聚，盡殺羣

公子。

二十六年春，晉士蒍為大司空，夏，士蒍城絳。【詁】地理志，河東郡絳，晉武公自曲沃徙此。杜本此。以深其宮。

秋，虢人侵晉，冬，虢人又侵晉。

二十七年春，公會杞伯姬于洮，非事也。天子非展義不巡守，諸侯非民事不舉，卿非君命不越竟。夏，同

盟于幽，陳鄭服也。秋，公子友如陳葬原仲，非禮也。原仲，季友之舊也。冬，杞伯姬來歸寧也。凡諸侯

之女歸寧曰來，出曰來歸。夫人歸寧曰如某，出曰歸于某。晉侯將伐虢，士蒍曰：不可。虢公驕，若驟得

勝於我，必弃其民，無衆而後伐之。欲禦我，誰與？夫禮樂慈愛，戰所蓄也。夫民讓事樂和，愛親哀喪，而後

可用也。虢弗畜也，亟戰將饑。王使召伯廖賜齊侯命，且請伐衛，以其立子積也。

二十八年春，齊侯伐衛，戰，敗衛師，數之以王命，取賂而還。晉獻公娶于賈，無子，烝於齊姜，生秦穆夫人。

及大子申生，又娶二女子于戎，大戎狐姬生重耳，小戎子生夷吾。【詁】晉語，狐氏出自唐叔狐伯行之子。

實生重耳。按史記，又云：夷晉母重耳母女弟，又云：秦穆夫人為太子申生同母女弟，皆與此傳顯違，並

不足據他做此。晉伐驪戎。驪戎男女以驪姬淮南王書作驪姬。呂歸生奚齊。【詰】地理志。京兆尹新豐

驪山在南。故驪戎國。杜本按莊子齊物論。麗之姬艾封人之子也。麗艾聲相近。其娣生卓子。【詰】史記

晉世家曰。驪姬女弟生悼子。索隱曰。左傳作卓子。徐廣曰。一作倬。按倬悼字形相近。傳寫誤耳。驪姬嬖

欲立其子。賂外嬖梁五。與東關嬖五。使言於公曰。曲沃君之宗也。蒲與二屈。【詰】地理志。河東郡有蒲

子北屈二縣。杜本按韋昭漢書注。又云。蒲今蒲坂。按有南北二屈。故云二。水經注稱汲郡古文云。韋章

救鄭。次于南屈。應劭曰。有南故稱北。是二屈之證。杜注二當爲北誤。君之疆也。不可以無主。宗邑無主。

則民不威。疆場無主。則啓戎心。戎之生心。民慢其政。國之患也。若使大子主曲沃。而重耳夷吾主蒲。與

屈。則可以威民而懼戎。且旌君伐。【詰】按史記晉世家。集解引賈逵云。旌表也。則賈注此傳當亦同。廣

雅亦云。旌表也。杜云。旌章也。蓋用韋昭國語注下伐功亦同。使俱曰。狄之廣莫。於晉爲都。晉之啓土。不

亦宜乎。晉侯說之。夏使大子居曲沃。重耳居蒲城。夷吾居屈。羣公子皆鄙。唯二姬之子在絳。二五卒與

驪姬譖羣公子。而立奚齊。晉人謂之二五耦。【詰】考工記。耦廣五寸。二耦爲耦。杜本楚令尹子元欲

讒文夫人。【詰】伏曼容易注。蠱惑亂也。杜注及釋文本此。爲館于其宮側。而振萬焉。【詰】鄭元禮記注。振動也。

何休公羊傳。萬者何。千舞也。杜本夫人聞之。泣曰。先君以是舞也。習戎備也。今令尹不尋諸仇讐。【詰】

小爾雅。尋用也。杜本而于未亡人之側。不亦異乎。御人以告子元。子元曰。婦人不忘襲讐。我反忘之。秋。

子元以車六百乘伐鄭。入于桔柣之門。【詁】玉鶯闔鄭城門。左傳作桔柣。子元鬪御疆鬪梧耿之。不
比爲旆。【詁】爾雅。緇廣充幅。長尋曰旆。繼旆曰旆。此。杜本。鬪班王孫游王孫喜殿衆車入自純門。及達市。
縣門不發。楚言而出。子元曰。鄭有人焉。諸侯救鄭。楚師夜遁。鄭人將奔桐丘。【詁】京相璠曰。桐丘。鄭地
也。今圖無。而城見存。西南去許昌故城可三十五里。俗名之曰隄。其城南卽長堤。固洧水之北防也。西
南桐丘。其城邪長而不方。蓋憑丘之稱。卽城之名矣。水經。按杜注許昌縣東北有桐丘城。與道元說略
同。謀告曰。【詁】鄭元周禮注。謀。間也。此。杜本。楚幕有烏。【詁】廣雅。幕。帳也。此。杜本。乃止。冬。饑。臧孫辰告糴

于齊。禮也。築郟。非都也。凡邑有宗廟先君之主曰都。詩疏。引此作邑。有。無曰邑。邑曰築。都曰城。

二十九年春。新作延廡。書不時也。凡馬日中而出。日中而入。夏。鄭人侵許。凡師有鐘鼓曰伐。無曰侵。輕

曰襲。秋有蜚。爲災也。凡物不爲災。不書。冬十二月。城諸及防。書時也。凡土功。龍見而畢務。【詁】章

昭國語注。辰角大辰蒼龍之角。角者。星名也。見者。朝見東方。寒露節也。此。杜本。戒事也。火見而致用。水昏

正而栽。【詁】蔡邕。月令章句。引傳曰。水昏正而栽。築。蕙棟曰水。卽營室也。昏正者。昏中也。栽。築者。栽木

而始築也。日至而畢。樊皮叛王。

三十年春。王命虢公討樊皮。夏四月丙辰。虢公入樊。執樊仲皮歸于京師。【詁】郡國志。河內郡。修武。有陽

樊。服虔云。樊仲山之所居。故名陽樊。按漢鄆縣地。亦有古樊城。樂史引郭仲產學虞等記云。樊。本仲山

甫之國。卽今襄陽縣樊城也。與南甝相去亦近。楚公子元歸自伐鄭。而處王宮。鬬射師諫。則執而梏

之。【詰】服虔云。射師。若敖之子鬬班也。疏。鄭玄周禮注。在手曰梏。在足曰桎。此本秋。申公鬬班殺子元。

鬬穀於菟。漢書敘傳。作穀於釋。釋文云。鬬穀。漢書作穀。按據陸氏所引。則舊爲令尹。自毀其家。【詰】廣

雅。毀。虧也。按杜注。訓發義亦同。俗本譌作減。非。以紓楚國之難。【詰】詩毛傳。紓。緩也。此本冬。遇于魯

濟。謀山戎也。以其病燕故也。【詰】地理志。廣陽國。薊。故燕國。此本

三十一年夏六月。齊侯來獻戎捷。非禮也。凡諸侯有四夷之功。則獻于王。王以警于夷。中國則否。諸侯

不相遺俘。

三十二年春。城小穀。爲管仲也。齊侯爲楚伐鄭之故。請會于諸侯。宋公請先見于齊侯。夏。遇于梁丘。

秋七月。有神降于莘。惠王問諸內史。過曰。是何故也。對曰。國之將興。明神降之。監其德也。將亡。神又降

之。觀其惡也。故有得神以興。亦有以亡。虞夏商周皆有之。【詰】服虔云。虞舜祖考。格。鳳皇來儀。百獸

率舞。疏。本王曰。若之何。對曰。以其物享焉。【詰】馬融易傳。享。祭也。此本其至之日。亦其物也。王從之。內史

過往。聞甝請命。反曰。甝必亡矣。虐而聽於神。神居莘。六月。甝公使祝應宗區史歸享焉。神賜之土田。史

歸曰。甝其亡乎。吾聞之國。將興聽於民。將亡聽於神。神聰明正直而壹者也。依人而行。甝多涼德。【詰】

說文。甝。字下云。爾雅。涼。薄也。从无。京聲。廣雅同。曹憲注曰。涼。良音。世人作涼。薄之涼。水傍著京。訓薄容

古字假借，今仍之。杜本其何土之能得。初，公築臺臨黨氏。【詁】賈逵云：黨氏，魯大夫，任姓。史記集解

見孟任。史記作【詁】賈逵云：黨氏女。同上杜史記索隱云：孟長任字也，非姓。從之。【詁】服虔云：從之。言

欲與通也。本闕。【詁】說文：闕，閉門也。春秋傳曰：闕門而與之言，而以夫人言許之，割臂盟公。【詁】服虔

云：割其臂以與公盟。史記生子般焉。零，講于梁氏女公子觀之。【詁】鄭元禮記注：零，祭天也。杜本按史

記曰：班長，悅梁氏女往觀，圍人犖，自牆外與梁氏女戲，班怒，鞭犖。左傳女公子句疑有脫文。杜注云：女

公子，子般妹，亦屬臆解。史記所載，似近情理。且女公子之稱，別無所見也。圍人犖。公羊傳：僕自牆外與

之戲。【詁】服虔云：圍人，掌養馬者。犖，其名也。史記子般怒，使鞭之。公曰：不如殺之，是不可鞭。犖有力焉。

能投蓋于稷門。【詁】服虔云：能投千金之重，過門之上也。水經按：杜注以爲走而自投，接其屋之構，反

覆門上，殊屬臆說。劉炫規之是也。又按水經注：稷門亦曰零門，門南隔水有零壇，壇高三丈。梁氏居蓋

近此門，故於此講肆也。公疾，問後於叔牙。對曰：慶父材，問於季友。對曰：臣以死奉般。公曰：鄉者牙曰慶

父材，成季使以君命命儗叔待于鍼巫氏，使鍼季酖之。【詁】服虔云：鳩鳥，一名運日鳥。史記曰：飲此則

有後於魯國，不然，死且無後。飲之歸及遼泉而卒，立叔孫氏。八月癸亥，公薨于路寢。子般即位，次于

黨氏。冬十月己未，共仲使圍人犖賊子般于黨氏。【詁】孔安國尚書傳：賊，殺也。高誘呂覽注同。成季

奔陳。【詁】服虔云：季友內知慶父之情，力不能討，故避其難出奔。同。立閔公。閔公記作潛，漢【詁】服虔

奔陳。【詁】服虔云：季友內知慶父之情，力不能討，故避其難出奔。同。立閔公。閔公記作潛，漢【詁】服虔

閔公於是年九歲。閔二年本疏。

閔公元年春。不書即位。亂故也。

狄人伐邢。管敬仲言於齊侯曰。戎狄豺狼。不可厭也。諸夏親暱。【詰】爾

雅暱近也。杜本此。

不可弃也。宴安酖毒。不可懷也。詩云。豈不懷歸。畏此簡書。簡書同惡相恤之謂也。【詰】

邢以從簡書。齊人救邢。夏六月。葬莊公。亂故。是以緩。秋八月。公及齊侯盟于落姑。請復季友也。齊

侯許之。使召諸陳。公次于郎。以待之。季子來歸。嘉之也。冬。齊仲孫湫來省難。書曰。仲孫亦嘉之也。仲

孫歸曰。不去慶父。魯難未已。公曰。若之何而去之。對曰。難不已。將自斃。【詰】爾雅斃。賂也。杜本君其待

之。公曰。魯可取乎。對曰。不可。猶秉周禮。周禮所以本也。臣聞之。國將亡。本必先顛。而後枝葉從之。魯不

弃周禮。未可動也。君其務寧魯難。而親之。親有禮。因重固。【詰】服虔云。重不可動。因其不可動。而堅固

之。本說文。因。就也。从口大。按惠棟稱說文。植有禮。因重。因。就也。从口大。能大者。衆圍就之。今考此係

徐錯說。惠氏以爲說文誤也。凡說文稱傳文。皆云春秋傳。無云左傳者。其誤無疑。杜注。能重能固。則當

就成之。義亦略同。間攜貳。覆昏亂。霸王之器也。晉侯作二軍。公將上軍。大子申生將下軍。趙夙御戎。

【詰】晉語。趙衰。先君之戎御。趙夙之弟也。史記趙世家。夙生共孟。孟生趙衰。杜注。本晉語。按世本。公明生孟

及趙夙。夙生成季衰。史記以衰爲夙孫。既誤。晉語又以爲夙弟。益非。當以世本爲正。惠棟曰。晉語無經

既至此。必傳寫之誤。畢萬爲右。【詰】世本。畢萬生芒。季芒。季生武仲州。按州。卽魏。此。以滅狄。滅霍

滅魏【詁】服虔云：三國皆姬姓，魏在晉之蒲坂河東也。史記地理志：河東郡，皮氏耿鄉，故耿國，疑霍大山在東。此本還為大子城曲沃，賜趙夙耿，賜畢萬魏，以為大夫。士蔣曰：大子不得立矣，分之都城【詁】

服虔云：邑有先君之主曰都。史記集解：謂將下軍。同。杜先為之極【詁】服虔云：晉

其祿位極盡於此。同。又焉得立不如逃之，無使罪至為吳大伯。不亦可乎【詁】王肅云：大伯知天命在

王季，奔吳不反。同。猶有令名與其及也【詁】王肅云：雖去猶可有令名，何與其坐而及禍也。同。廣雅：與

如也。襄二十六年傳亦同。且諺曰：心苟無瑕，何恤乎無家。天若祚大子【詁】按左傳凡祚字皆當作祚

此及僖二十八年宣三年昭十一年卅年凡六處皆作祚。石經亦同。以古字尙可通，故不追改。其無晉

乎卜偃曰：畢萬之後必大【詁】賈逵云：卜偃晉掌卜大夫郭偃。同。杜萬盈數也。魏大名市。【詁】服虔

云：數起一至萬為滿，魏喻魏，魏高大也。同。上以是始賞天啓之矣。【詁】服虔云：以魏賞畢萬，是為天開其

福。上。天子曰兆民，諸侯曰萬民，今名之大，以從盈數，其必有衆。初畢萬筮仕於晉【詁】服虔以為畢萬

在周，筮仕于晉。本疏：遇屯三三之比。三三【詁】賈逵云：震下坎上屯，坤下坎上比，屯初九變之比。史記辛

廖占之曰吉【詁】賈逵云：辛廖晉大夫。同。杜取此。屯固比入吉孰大焉。其必蕃昌，震為土，車從馬，足居之。

兄長之母覆之，衆歸之，六體不易，合而能固，安而能殺，公侯之卦也。公侯之子孫必復其始【詁】馬融

云：畢毛文王庶子。史記魏世家：魏之先畢公高之後也。杜取此。按史記云：畢公高與周同姓，而左傳富辰

云：畢毛文王庶子。史記魏世家：魏之先畢公高之後也。杜取此。按史記云：畢公高與周同姓，而左傳富辰

說文王之子十六國有華原豐郇小司馬亦言畢公是文王之子與史記說不同。

二年春虢公敗犬戎于渭汭。【註】水經注引作渭隊。服虔云隊渭汭也。據此則服本作隊。水經注又曰杜

本作汭。按鄭元尙書注汭隈曲中也。王肅云汭入也。杜蓋本鄭說。舟之僑曰無德而祿殃也。殃將至矣。

遂奔晉。夏吉禘于莊公。速也。初公傅奪卜齋田。公不禁。【註】賈逵云卜齋魯大夫。史記集解秋八月辛

丑共仲使卜齋賊公子武闞。【註】賈逵云宮中之門謂之闞。上同。按賈注用爾雅釋宮文。釋宮又云其小

者謂之闞。今按杜注于門上增一小字是合二句爲一。于詁訓之道爲不通矣。成季以僖公適邾。共仲

奔莒。乃入立之。以賂求共仲于莒。莒人歸之。及密使公子魚請不許。哭而往。共仲曰奚斯之聲也。乃縊

閔公。哀姜之娣叔姜之子也。故齊人立之。共仲通於哀姜。哀姜欲立之。閔公之死也。哀姜與知之。故孫

于邾。齊人取而殺之于夷。以其尸歸。僖公請而葬之。成季之將生也。桓公使卜楚丘之父卜之。曰男

也。其名曰友。在公之右。間于兩社。【註】賈逵云兩社周社亳社也。兩社之間朝廷執政之臣所在。同上。杜取

此。爲公室輔。季氏亡。則魯不昌。【註】服虔云謂季友出奔魯弒二君。本疏。又筮之遇大有三三之乾。三三

曰同。復於父。敬如君所。及生有文在其手。曰友。遂以命之。冬十二月狄人伐衛。衛懿公好鶴。鶴有乘

軒者。【註】服虔云車有藩曰軒。本疏。說文軒曲輪藩車也。將戰國人受甲者皆曰使鶴。鶴實有祿位。余焉

能戰。公與石祁子玦與寧莊子矢使守。曰以此贊國。【註】鄭司農周禮注贊助也。杜本此。擇利而爲之。與

夫人繡衣。曰聽於二子。渠孔御戎。子伯爲右。黃夷前驅。孔嬰齊殿。及狄人戰于癸澤。【詁】書禹貢。癸澤既豬。師古曰。癸。沈水。洙出所爲。卽今滎澤是也。京相璠曰。癸澤在滎陽縣西南。按竹書紀年。作洞澤。洞當作洞。洞。癸音同。衛師敗績。遂滅衛。【詁】詩載馳序云。衛懿公爲狄人所滅。滅者懿公死也。君死于位曰滅。衛侯不去其旗。是以甚敗。狄人囚史華。龍滑與禮孔。以逐衛人。二人曰。我大史也。實掌其祭。不先國不可得也。乃先之。至則告守曰。不可待也。夜與國人出。狄入衛。遂從之。又敗諸河。初。惠公之卽位也。少齊人使昭伯烝於宣姜。不可強之。【詁】服虔云。昭伯衛宣公之長庶。伋之兄。宣姜宣公夫人。惠公之母。疏。生齊子戴公。文公。宋桓夫人。許穆夫人。文公爲衛之多患也。先適齊。及敗。宋桓公逆諸河。宵濟。衛之遺民。男女七百有三十人。益之以共滕之民爲五千人。立戴公以廬于曹。【詁】詩序及鄭箋。曹並作漕。釋文云。音同。按漕作曹。古文省。說文。廬寄也。詩毛傳亦同。釋文。寄止曰廬。按管子中匡篇。於人攻衛。衛人出旅于曹。則廬字從本訓爲得。韋昭注外傳亦同。許穆夫人賦載馳。齊侯使公子無虧帥車三百乘。甲十三千人。以戍曹。歸公乘馬。祭服五稱。牛羊豕雞狗皆三百。與門材。歸夫人魚軒。【詁】服虔云。魚。獸名。詩。重錦三十兩。【詁】服虔云。重。牢也。本。鄭人惡高克。使帥師次于河上。久而弗召。師潰而歸。高克奔陳。鄭人爲之賦。清人。晉侯使大子申生伐東山。落氏。【詁】賈逵云。東山。赤狄別種。史記。服虔云。亦狄之都也。水經。劉昭郡國志注。引上黨記。東山在壺關城東南。晉申生所伐。今名平泉。里克諫曰。

高誘呂覽注。【詰】賈逵云。里克晉卿里季也。史記集解。大子奉冢祀社稷之粢盛。以朝夕視君膳者也。【詰】引作李古。

服虔云。府膳飲食。同上。杜取此。故曰冢子。君行則守。有守則從。【詰】服虔云。有代大子守則從之。同上。從曰撫

軍。【詰】服虔云。助君撫循軍士。同上。守曰監國。古之制也。夫帥師。專行謀。誓軍旅。君與國政之所圖也。

【詰】賈逵云。國政。正卿也。同上。杜取此。非大子之事也。師在制命而已。稟命則不威。專命則不孝。故君之嗣

適。不可以帥師。君失其官。帥師不威。將焉用之。且臣聞泉落氏將戰。君其舍之。【詰】服虔云。舍之。置申

生弗使將兵也。御。公曰。寡人有子。未知其誰立焉。不對而退。【詰】服虔云。里克不對。同上。見大子。大子曰。

吾其廢乎。對曰。告之以臨民。教之以軍旅。【詰】賈逵云。將下軍。同上。杜取此。不共是懼。何故廢乎。且子懼不

孝。無懼弗得立。【詰】服虔云。不得立已。同上。修已而不責人。則免於難。大子帥師。公衣之偏衣。外傳作衣

衣。【詰】服虔云。偏衣。偏袷之衣。異色。駁不純。袷在中。左右各異。故曰偏衣。同上。高誘呂覽注。偏半也。杜取此。

佩之金玦。【詰】服虔云。金玦以金爲玦也。同上。狐突御戎。先友爲右。梁餘子養御罕夷。先丹木爲右。羊舌

大夫爲尉。先友曰。衣身之偏。握兵之要在此行也。子其勉之。偏躬無慝。兵要遠災。親以無災。又何患焉。

狐突歎曰。時事之徵也。衣身之章也。佩衷之旗也。【詰】韋昭國語注。衷。中也。杜本。故敬其事。則命以始。

服其身。則衣之純。用其衷。則佩之度。今命以時卒。闕其事也。衣之危服。【詰】鄭司農考工記注。危。雜也。

杜本。遠其躬也。佩以金玦。弃其衷也。服以遠之。時以闕之。危涼。【詰】說文。危。白黑雜毛牛。危。厲牛也。春

秋傳曰。蠶。棘。曰。牛之糲色者。不中爲犧牲。衣之不純者。不得爲大子。若以羆爲棘。義無所取。古文者少。或借涼爲棘。冬殺。金寒。玦雖。胡可恃也。雖欲勉之。狄可盡乎。梁餘子養曰。帥師者。受命於廟。受賑於社。【詁】韋昭國語注。賑。宜社之肉。盛以鬻器。杜本有常服矣。不獲而虜。命可知也。死而不孝。不如逃

之。罕夷曰。虜奇無常。金玦不復。【詁】應劭曰。復。反也。荀卿子曰。絕人以玦。雖復何爲。君有心矣。先丹木

曰。列傳作僕是服也。狂夫阻之。【詁】服虔云。阻。止也。方相之士。蒙元衣朱裳。主索室中殿。號之爲狂

夫。止此服。言君與大子以狂夫所止之服衣之。本疏。韋昭云。狂夫。方相氏之士也。阻。古阻字。杜注。殊非。曰。

盡敵而反。敵可盡乎。雖盡敵。猶有內讒。不如違之。【詁】詩毛傳。違。去也。杜本狐突欲行。羊舌大夫曰。不

可。違命不孝。弃事不忠。雖知其寒。惡不可取。子其死之。大子將戰。狐突諫曰。不可。昔辛伯諗周桓公

【詁】說文。諗。深諫也。春秋傳曰。幸伯諷周桓公。按桓十八年傳本曰。辛伯諫曰。則諗。訓說文爲長。杜注。

諗。告也。雖本詩鄭箋。究當以說文爲是。云。內寵並后。外寵二政。嬖子配適。大都耦國。亂之本也。周公弗

從。故及於難。今亂本成矣。立可必乎。孝而安民。子其圖之。與其危身以速罪也。【詁】服虔云。速。召也。疾

也。言大子不去。自必危疾召罪。狐突知其難本既成。而大子拘于一節。不達至孝之義。與皋落雖戰勝

而歸。猶不能免乎難。而使父有悖惑殺子之罪。故傳備載衆賢之言。以述大子所以死也。經在僖公五

年。晉侯殺其大子申生。御覽成風聞成季之繇。【詁】服虔云。繇。抽也。抽出吉凶也。易釋按說文。卜詞本

作擿。繇字作繇。徐鉉等曰：今俗从缶，遂借作擿。論猶游猷陶悠等字，只此繇字，別無分別。漢書文帝紀注：師古曰：繇音文。救反。本作繇。繇，書也。今考釋文石經並作繇。姑仍之。詩鄭箋：繇，卦兆之辭也。此杜本乃事之而屬僖公焉。故成季立之。僖之元年，齊桓公遷邢于夷儀。【註】水經注引應劭曰：邢侯自襄國徙此。當齊桓公時，衛人伐邢，邢遷于夷儀，其地屬晉。號曰邢丘。臣瓚注漢書曰：春秋狄人伐邢，邢遷夷儀，不至此也。今襄國西有夷儀，去襄國百餘里。二年，封衛于楚丘，邢遷如歸。衛國忘亡。衛文公【註】服虔云：戴公卒在於此年。詩疏：大布之衣，大帛之冠。【註】鄭玄禮記注：大白冠，太古之布冠也。春秋傳曰：適文公大布之衣，大白之冠。正義引傳亦作大白。務材訓農，通商惠工，敬教勸學，授方任能。元年，革車三十乘。季年，乃三百乘。

春秋左傳詁

卷七

傳

僖公元年春。不稱即位。公出故也。公出復入。不書諱之也。諱國惡禮也。諸侯救邢。邢人潰。出奔師。師遂逐狄人。具邢器用而遷之。師無私焉。夏。邢遷于夷儀。諸侯城之。救患也。凡侯伯救患分災討罪禮也。秋。楚人伐鄭。鄭即齊故也。盟于犖。謀救鄭也。九月。公敗邾師于偃。虛丘之戍將歸者也。【詁】服虔

云。虛丘。魯邑。魯有亂。邾使兵戍虛丘。魯與邾無怨。因兵將還。襲而敗之。所以惡僖公也。冬。莒人來求

賂。公子友敗諸鄆。獲莒子之弟掣。非卿也。嘉獲之也。公賜季友汶陽之田。及費。【詁】賈逵云。汶陽。鄆魯

二邑。史記。按此則賈逵左傳本作鄆。與史記同。案隱曰。鄆。今作費。音祕。水經汶水出泰山萊蕪縣西南

入濟。此本。夫人氏之喪。至自齊。君子以齊人之殺哀姜也。爲己甚矣。女子從人者也。

二年春。諸侯城楚丘。而封衛焉。不書所會。後也。晉荀息。【詁】王符潛夫論作郇息。按此則息蓋晉大夫

食采於郇。因以爲氏。說文。郇。周武王子所封國。在晉地。郇。荀古字通。水經注汾水下。古水又西逕荀城

東。古荀國也。汲郡古文晉武公滅荀。以賜大夫原氏。【竹書紀年】。又竹書紀年。莊伯以曲沃叛伐翼。公子

萬救翼荀叔軫追之。此荀叔軫豈息之宗耶。請以屈產之乘。【詁】服氏謂產為產生也。公羊與垂棘之

璧。假道於虞以伐虢。公羊虢作郭。【詁】賈逵云。虞在晉南。虢在虞南。史記公曰。是吾寶也。對曰。若得道

於虞。猶外府也。公曰。宮之奇存焉。對曰。宮之奇之為人也。儒而不能強諫。宋本及穀梁【詁】廣雅。儒弱

也。杜本且少長於君。君暱之。雖諫將不聽。乃使荀息假道於虞。曰。冀為不道。入自顛輪。水經注【詁】

郡國志。河東郡皮氏有冀亭。大陽有顛輪坂。杜同【詁】說文。鄭晉邑。春秋傳曰。伐鄭三門。服虔云。鄭晉別都。郡國志又云。謂冀伐晉也。水經河水又東過

砥柱間。道元注。亦謂之三門矣。冀之既病。則亦惟君故。【詁】服虔謂虞助晉也。將欲假道。稱前恩以誘

之。上。今虢為不道。保於逆旅。【詁】荀子作御旅。按御與逆同。尚書逆字皆作御。御。迎也。迎。即逆也。以侵

敵邑之南鄙。敢請假道。以請罪于虢。虞公許之。且請先伐虢。宮之奇諫不聽。遂起師。夏。晉里克荀息帥

師會虞師伐虢。滅下陽。【詁】服虔云。下陽。虢邑。在大陽東北三十里。史記集解水經。注。同。惟無北字。

秋。盟于貫。服江黃也。齊寺人貂始漏師于多魚。及管子呂覽劉向說【詁】虢公敗戎于桑田。晉卜

偃曰。虢必亡矣。亡下陽不懼。而又有功。是天奪之鑿而益其疾也。必易晉而不撫其民矣。不可以五稔。

【詁】章昭國語注。稔。熟也。杜本冬。楚人伐鄭。鬬章囚鄭聃伯。三年春。不雨。夏六月。雨。自十月不雨。至于五月。不日旱。不為災也。秋。會于陽穀。謀伐楚也。齊侯為陽

穀之會來尋盟冬公子友如齊澠盟 楚人伐鄭鄭伯欲成孔叔不可曰齊方勤我棄德不祥【詰】爾

雅祥善也杜本齊侯與蔡姬乘舟于囿【詰】王逸楚辭注囿苑也杜本蕩公【詰】賈逵云蕩搖也史

集解杜取此公懼變色禁之不可公怒歸之未之絕也諸本並誤作未絕也今從石經及宋本改正蔡人嫁之

四年春齊侯以諸侯之師侵蔡蔡潰遂伐楚楚子使與師言曰史記齊世家作楚君處北海寡人處南海

惟是風馬牛不相及也【詰】賈逵云風放也牝牡相誘曰風疏書服虔同本按廣雅釋名並同買服又呂

覽乃合彙牛騰馬游牝於牧高誘注彙牛父牛也騰馬父馬皆將羣游從牝於牧之野風合也不虞君

之涉吾地也何故管仲對曰昔召康公命我先君大公【詰】服虔云召公奭史記京相璠曰召亭在周

城南十五里水經注杜取此曰五侯九伯【詰】賈逵云五等諸侯九州之伯周禮疏服虔云五公侯伯子男九

伯九州之長大公爲王官之長掌司馬職以九伐之法征討邦國故得征之疏女實征之以夾輔周室

賜我先君履東至于海西至于河【詰】服虔云是皆大公始受封土疆界所至也史記南至于穆陵

【詰】春秋大事表穆陵關在青州臨朐縣東南一百五里北至於無棣【詰】水經注清河又東北無棣

溝出焉淇水下又引京相璠曰舊說無棣在遼西孤竹縣通典鹽山春秋之無棣邑也酈道元云管仲

以賞楚無棣在北方之爲近爾貢包茅不入高誘呂覽注引傳包茅作包菲顏師古漢書注亦同【詰】韓非子外儲說曰是時楚

之菁茅不貢於天子三年矣賈逵云包茅菁茅包匭之也以供祭祀史記王祭不共釋文云本亦作供

按共供無以縮酒【詁】說文曹禮祭束茅加於禩圭而灌鬯酒是爲曹象神飲之也春秋傳曰爾貢包

茅不入王祭不供無以曹酒按今本作縮周禮鄭興注曹讀爲縮寡人是徵昭王南征而不復【詁】服

虔云周昭王南巡狩涉漢未濟船解而溺昭王王室諱之不以赴諸侯不知故桓公以爲辭責問楚也

史記按高誘呂覽注引此傳作沒而不復蓋一本有沒字唐石經於而字上亦旁增一沒字又正義引

舊說音云漢濱之人以膠膠船故得水而壞昭王溺焉不知本出何書寡人是問對曰貢之不入寡君

之罪也敢不共給呂覽注作昭王之不復君其問諸水濱【詁】宋忠云丹陽南郡枝江縣也枝江去漢

其路甚遙昭王時漢非楚境故不受罪也本疏杜取此說文顛水匡人所資附顛蹙不前而止从頁从涉廣

雅云濱匡也顛類比也徐鉉曰今俗作水濱非是按詩大雅池之竭矣不云自顛毛傳顛匡也鄭箋云

顛當作濱殊誤今濱又別作濱或省作浜要皆顛之或字也師進次于陘夏楚子使屈完如師師退次

于召陵齊侯陳諸侯之師與屈完乘而觀之齊侯曰豈不穀是爲先君之好是繼與不穀同好如何對

曰君惠徼福於敝邑之社稷【詁】說文徼循也徼幸也按玉篇徼字始要求遮二訓今尋傳義則說文

循幸二義並通古字徼徼同釋文作徼非也杜注宣十二年傳作要福義亦同玉篇辱收寡君寡君之

願也齊侯曰以此衆戰誰能禦之以此攻城何城不克對曰君若以德綏諸侯誰敢不服君若以力楚

國方城以爲城漢水以爲池釋文本或作漢以爲池衍水字【詁】服虔云方城山在漢南史記又云方城山也漢水名

集解

皆楚之隘塞耳。詩地理志隴西郡氐道禹貢養水所出東至武都爲漢水經河水出武都沮縣至江夏

沙羨縣入江水經注汝水又東得醴水醴水又屈而東南流逕葉縣故城北春秋昭公十五年許遷於葉是也。楚盛周衰控霸南土欲爭強中國多築列城於北方以逼華夏故號此城爲萬城或作万字。本

方譌唐勒奏土論曰我是楚也世霸南土自越以至葉垂境萬里故號曰萬城也。按此則方城當作萬城或作万以字近又譌作方矣。臧琳經義雜記亦云萬城與內傳大城之說合。杜方城取服說漢水本水經地理志雖衆無

所用之。屈完及諸侯盟。陳轅濤塗謂鄭申侯曰師出於陳鄭之間國必甚病若出於東方觀兵於東

夷循海而歸其可也。申侯曰善。濤塗以告齊侯許之。當以齊侯絕句申侯見曰老師矣若出於東方而遇敵權

不可用也。若出於陳鄭之間共其資糧。屨詁方言屨屨屨也。廣雅屨屨也。釋名齊人謂草履曰

屨。杜本其可也。齊侯說與之虎牢執轅濤塗。秋伐陳討不忠也。許穆公卒于師葬之以侯禮也。凡

諸侯薨于朝會加一等死王事加二等。詁賈逵云謂朝天子以命用師。御於是而有以袞斂。詁賈逵

云袞斂上公九命服袞也。同冬叔孫戴伯帥師會諸侯之師侵陳陳成歸轅濤塗。初晉獻公欲以

驪姬爲夫人卜之不吉筮之吉。公曰從筮。卜人曰筮短龜長不如從長。詁馬融云筮史短龜史長。周

疏且其繇曰專之渝攘公之掄。詁說文渝變也。攘除也。虞翻易注王遼楚辭章句並同。杜本一薰一

蕪。詁廣雅薰草蕪草也。王遼楚辭章句蕪香草也。杜本按漢書龔勝傳薰以香自燒是矣。禮記內則

半夜鳴則厲。鄭玄注：厲，惡臭也。春秋傳曰：一薰一蕕，厲蠶古通。十年尚猶有臭，必不可。弗聽，立之。生奚齊。其娣生卓子。及將立奚齊，既與中大夫成謀，姬謂大子曰：君夢齊姜，必速祭之。大子祭于曲沃。【詁】

服虔云：齊姜廟所在。史記集解歸胙于公。穀梁作致福於君。【詁】章昭國語注：胙，祭肉也。按胙止可訓肉。杜

注云：胙，祭之酒肉。則於訓詁不通矣。下八年賜齊侯胙，即云祭肉。與章注同。公田，姬寘諸宮。六日，公至

毒而獻之。【詁】晉語：驪姬受胙，寘酖於酒，寘葷於肉。賈逵云：葷，烏頭也。公祭之地，地墳。穀梁填作賈，與

犬犬斃。【詁】說文：斃，頓仆也。春秋傳曰：與犬犬斃。从犬，敝聲。或作斃。按五經文字注云：斃字見春秋傳。

又作斃。足知唐本又多作斃字也。與小臣小臣亦斃。姬泣曰：賊由大子。大子奔新城。公殺其傅杜原款。

或謂大子子辭，君必辯焉。大子曰：君非姬氏，居不安，食不飽。我辭，姬必有罪。君老矣，吾又不樂。曰：子其

行乎。大子曰：君實不察其罪，被此名也。以出人，誰納我。十二月戊申，縊于新城。【詁】呂覽上德篇：大子

遂以劍死。章昭國語注：新城，曲沃也。新爲大子城。姬遂譖二公子曰：皆知之。重耳奔蒲。【詁】鄆道元云：

蒲川水出石樓山，南逕蒲城東，即重耳所奔之處。羊求水出羊求川，西逕北風縣故城南城，即夷吾所

奔邑。夷吾奔屈。

五年春王正月辛亥朔，日南至，公既視朔，遂登觀臺以望。【詁】左說：天子饗臺，在太廟之中。雍之饗，沼謂

之辟雍。諸侯有觀臺，亦在廟中，皆以望嘉祥也。五經服氏云：人君入太廟視朔，告朔，天子曰：靈臺，諸侯

異議。

曰觀蚤。在明堂之中。禮疏及通典。而書禮也。凡分至啓閉。必書雲物。爲備故也。【詰】服虔云。分爲春秋分。至

爲冬夏至。啓立春夏也。陽氣用事爲啓。閉立秋冬也。陰氣用事爲閉。雲五雲也。風氣日月星辰也。分至

啓閉。天地之大節。陰陽之分也。故遂登觀。望氣以審妖祥。變亂之氣。先見於八節。審其雲物之形。言

其所致務爲之備也。御覽鄭衆云。以二至二分觀雲色。青爲蟲。白爲喪。赤爲兵荒。黑爲水。黃爲豐。水疏。晉

侯使以殺大子申生之故來告。初。晉侯使士蔿爲二公子築蒲與屈。不慎。寘薪焉。夷吾訴之。公使讓之。

士蔿稽首而對曰。臣聞之。無喪而戚。憂必讐焉。無戎而城。讐必保焉。寇讐之保。又何慎焉。守官廢命。不

敬。固讐之保。不忠。失忠與敬。何以事君。詩云。懷德惟寧。宗子惟城。君其修德而固宗子。何城如之。三年

將尋師焉。焉用慎。退而賦曰。狐裘蒙茸。一國三公。吾誰適從。【詰】服虔云。蒙茸以音亂貌。三公言君與

二公子將敵。故不知所從。史記集解。及難。公使寺人披伐蒲。【詰】史記晉世家曰。獻公使宣者。覆鞮趨殺重

耳。韋昭國語注曰。伯楚。寺人勃之字也。索隱曰。卽左傳之勃鞞。亦曰寺人披。按披勃同音。履鞮念讀卽

爲披。重耳曰。君父之命不校。諸本或作校。今定作校。乃狗曰。校者吾讐也。踰垣而走。披斬其袪。【詰】服虔云。袪。袂

也。同。按說文袪。袂也。袪尺二寸。春秋傳曰。披斬其袪。杜取服說。遂出奔翟。【詰】酈道元云。晉公子重耳出

亡及柏谷。卜適齊楚。狐偃曰。不如之翟。水經注。夏公孫茲如牟。娶焉。釋文。娶本又作取。會于首止。會王太子

鄭。【詰】服虔云。惠王以惠后故。將廢大子鄭而立王子帶。故齊桓帥諸侯會王太子以定其位。御覽謀寧

周也。陳轅宣仲怨鄭申侯之反已於召陵。故勸之城其賜邑。曰美城之大名也。子孫不忘。吾助子請。乃爲之請於諸侯而城之美。遂譖諸鄭伯。曰美城其賜邑將以叛也。申侯由是得罪。秋諸侯盟。王使周公召鄭伯。曰吾撫女以從楚。輔之以晉。可以少安。鄭伯喜於王命而懼其不朝於齊也。故逃歸不盟。孔叔止之。曰國君不可以輕。輕則失親。失親患必至。病而乞盟。所喪多矣。君必悔之。弗聽。逃其師而歸。楚鬬穀於莧滅弦。弦子奔黃。於是江黃道柏。諸本作栢。今从善。本定作栢。【詁】地理志。汝南郡陽安。應劭曰。故道國。又西平。應劭曰。故柏子國也。杜本此。按杜本陽安。今作安陽。蓋傳寫誤。汝南郡別有安陽縣。應劭曰。故

江國也。方睦於齊。皆弦姻也。弦子恃之而不事楚。又不設備。故亡。晉侯復假道於虞以伐虢。宮之奇諫曰。虢虞之表也。虢亡虞必從之。晉不可啓。寇不可翫。【詁】虞雅說習也。杜本此。一之謂甚。其可再乎。諺

所謂輔車相依。諸本謂誤。爲今改正。【詁】服虔云。輔上頰車也。與牙相依。詩疏。按玉篇引說文。頰頰也。左氏傳曰。輔

車相依。亦作輔。今考說文。輔字下。引春秋傳曰。輔車相依。徐鍇本有此。八。從車。甫聲。人頰車也。輔字云。字徐鉉本無。

頰也。从面。甫聲。不引春秋傳。是許君所見左氏本作輔字無疑。玉篇引說文作輔。當別有所本。要之古

輔輔本通。故傳寫亦不一。服虔注。頰當作頰。說文。頰。頰也。是服義與許君同。唇亡齒寒者。其虞虢之謂

也。公曰。晉吾宗也。豈害我哉。對曰。大伯虞仲。大王之昭也。大伯不從。史記作大。伯亡去。是以不嗣。虢仲虢叔

【詁】賈逵云。虢仲封東虢。制是也。虢叔封西虢。虢公是也。馬融曰。虢叔同母弟。虢仲異母弟。虢仲封下

關。魏叔封上陽。本疏按魏有三。晉太康地記扶風郡雍四魏地也。平王東遷魏叔自此之上陽爲南魏矣。

又下陽亦名北魏。水經注。下陽地理志所謂北魏也。王季之穆也。爲文王卿士。勳在王室。藏於盟府。豈

魏是滅。何愛於虞。且虞能親於桓莊乎。其愛之也。【註】服虔其作甚。注云。愛之甚。當爲愛桓莊之族。其

也。本疏按服所據當係古文。必非妄改。正義譏之。非是。桓莊之族何罪。而以爲戮。不惟偏乎。親以寵偏。猶

尙害之。況以國乎。公曰。吾享祀豐絜。神必據我。【註】詩毛傳。據。依也。按玉篇等亦同。蓋言神所據依。故

杜訓安爲近。對曰。鬼神非人實親。惟德是依。故周書曰。皇天無親。惟德是輔。又曰。黍稷非馨。

惟馨聲。【註】說文。馨。芳也。春秋傳曰。黍稷馨香。按杜本馨香之遠聞。亦用說文。又曰。民不易物。惟德

物。【註】服虔云。繫發聲也。言黍稷性玉不易。無德薦之。則不見馨。有德則言馨。詩疏如是則非德。民不和

神不享矣。神所馮依。將在德矣。若晉取虞。而明德以薦馨香。神其吐之乎。弗聽。許晉使宮之奇以其

行。【註】鄭玄禮記注。行。去也。杜本曰。虞不臘矣。【註】獨斷。臘。歲終大祭。維吏民宴飲。非迎氣。故但送不

迎。應劭風俗通云。案禮夏曰嘉平。殷曰清祀。周曰大疇。漢改曰臘。御覽引舊注云。臘。祭名也。日月會於

龍尾。百物備合。因于是祭羣神也。今按合之禮記。月令。孟冬臘門閭。及先祖五祀是臘。祭三代有之。坊

宮之奇亦云。然宋儒朱子云。秦時始有臘祭。余一言以斷之。曰。史記秦本紀。惠王十二年初臘。始皇二

十一年改臘曰嘉平。如謂臘始於秦。則秦改臘爲嘉平。亦云嘉平始於秦可乎。又不待辨而明矣。在此

行也。晉不更舉矣。八月甲午。晉侯圍上陽。【詁】地理志：宏農郡陝。故虢國。杜本：酈道元云：昔周召分伯。

以陝城爲東西之別。東城卽虢之上陽也。問於卜。偃曰：吾其濟乎。對曰：克之。公曰：何時。對曰：童謠云：丙

之晨。漢書律歷志：作丙子之晨。龍尾伏辰。均服振振。【詁】賈服等皆爲均。均同也。周禮：服虔又云：均服，黑服也。文選：疏：服虔又云：均服，黑服也。

惠棟云：古戎服尙黑。戰國策：願令補黑衣之數。注云：黑衣，戎服。漢書五行志：引傳作均。劉達吳都賦：儀

禮士冠禮曰：兄弟畢袷元。鄭注：袷，同也。古文袷爲均。司馬彪輿服志曰：郊祀之服，皆以均。淮南子曰：

尸祝袷袷。高誘曰：袷，純服。袷，墨齊衣也。均，袷。猶袷元。上下皆元。故謂之黑服。謂均服爲黑服失之。均古

文皆作均。杜氏謂戎事上下同服是也。管子大匡篇：四年修兵同甲十萬。同甲者，均服之謂也。今按周

禮司几筵設筵紛純。鄭注云：純，讀爲均服之均。李善閒居賦注：引傳作均。廣雅云：均，戎衣也。左傳：均

服振振。呂覽悔過篇：今均服四建。高誘注：均同也。兵服上下無別。故曰均服。今服虔注尙作均。是漢時

左氏本作均服也。釋文亦云：字書均音均。劉達吳都賦注：引傳亦作均。取均之旂，均之賁。賁，天策：燿燿。

火中成軍。號公其奔。漢書五行志：其九月十月之交乎。丙子旦。多十月朔三字。日在尾。月在策。均火中。必

是時也。冬十二月丙子朔。晉滅虢。虢公醜奔京師。師還館于虞。遂襲虞。滅之。執虞公及其大夫井伯。

【詁】史記晉世家曰：及其大夫井伯百里奚。正義曰：南雍州記云：百里奚字井伯。宛人也。梁劉峻世說

新語注：百里奚字井伯。按古今人表：百里奚列上之下。井伯列中之下。則非一人也。以媵秦穆姬。【詁】

孫炎爾雅注送女曰媵杜本而修虞祀【詰】服虔云虞所祭祀命祀也史記集解且歸其職貢於王故書曰

晉人執虞公罪虞且言易也言上一本無且字

六年春晉侯使賈華伐屈【詰】賈逵云晉右行大夫上同按賈據僖十年傳文爲說夷吾不能守盟而行將

奔狄郤芮曰【詰】聲類郤郤在河內一切經按此則芮食采於郤後因以爲氏也後出同走罪也不如

之梁梁近秦而幸焉乃之梁夏諸侯伐鄭以其逃首止之盟故也圍新密鄭所以不時城也秋楚

子圍許以救鄭諸侯救許乃還冬蔡穆侯將許僖公以見楚子於武城【詰】郡國志南陽郡宛有東

武亭杜同許男面縛【詰】廣雅備傳也漢書賈誼傳備蠅蠶以隱處兮王逸應劭注並云備背也項籍

傳馬童面之張宴曰背之也師古亦云面謂背之不面向也備面古字同按杜注云但見其面可爲臆

說銜璧大夫衰絰士輿櫬【詰】說文觀棺也春秋傳曰士輿櫬杜本下襄二年亦同楚子問諸逢伯對

曰昔武王克殷微子啓如是武王親釋其縛受其璧而祓之【詰】說文祓除惡之祭也杜本焚其櫬禮

而命之使復其所楚子從之

七年春齊人伐鄭孔叔言於鄭伯曰諺有之曰心則不競則風俗則風俗杜本何憚於病

【詰】詩鄭箋憚難也杜本既不能彊又不能弱所以斃也國危矣請下齊以救國公曰吾知其所由來

矣姑少待我對曰朝不及夕何以待君夏鄭殺申侯以說于齊且用陳轅濤塗之譖也初申侯申出

也有寵於楚文王文王將死與之璧使行曰惟我知女女專利而不厭予取予求不女疵瑕也呂覽注疵作玼

【詁】說文疵病也鄭玄禮記注瑕玉之病也陸德明釋文瑕疵過也後之人將求多於女女必不免我

死女必速行無適小國將不女容焉既葬出奔鄭又有寵於厲公子文聞其死也曰古人有言曰知臣

莫若君弗可改也已秋盟于寧母謀鄭故也管仲言於齊侯曰臣聞之招攜以禮【詁】韋昭國語注

攜離也杜本懷遠以德德禮不易無人不懷齊侯修禮於諸侯諸侯官受方物鄭伯使大子華聽命於

會言於齊侯曰泄氏孔氏子人氏三族實違君命君若去之諸本作若君今从石經宋本改正以爲成我以鄭爲內臣

君亦無所不利焉齊侯將許之管仲曰君以禮與信屬諸侯而以姦終之無乃不可乎子父不好之謂

禮守命共時之謂信違此二者姦莫大焉公曰諸侯有討於鄭未捷今苟有釁從之不亦可乎對曰君

若綏之以德加之以訓辭而帥諸侯以討鄭鄭將覆亡之不暇豈敢不懼若總其罪人以臨之鄭有辭

矣何懼且夫合諸侯以崇德也會而列姦何以示後嗣夫諸侯之會其德刑禮義無國不記記姦之位

君盟替矣三禮石經作替今从唐石經定作替字【詁】詩毛傳替廢也杜本作而不記非盛德也君其勿許鄭必受盟夫

子華既爲大子而求介於大國【詁】案隱稱志林介者因也杜本以弱其國亦必不免鄭有叔詹堵叔

師叔三良爲政未可間也齊侯辭焉子華由是得罪於鄭【詁】服虔云鄭伯罪之也御覽冬鄭伯使請

盟于齊閏月惠王崩襄王惡太叔帶之難釋文叔懼不立不發喪而告難于齊

八年春盟于洮。謀王室也。鄭伯乞盟，請服也。襄王定位而後發喪。晉里克帥師，梁由靡御，虢射爲右，以

敗狄于采桑。

史記作采桑。

【詰】服虔云：狄地也。

史記集解

那國志：河東郡北風有采桑津。

杜同

梁由靡曰：狄無恥。

從之。必大克。里克曰：懼之而已。無速衆狄。虢射曰：期年狄必至，示之弱矣。夏，狄伐晉，報采桑之役也。

復期月。秋，禘而致哀姜焉。非禮也。凡夫人不薨于寢，不殯于廟。【詰】服氏云：不薨於寢，寢謂小寢。杜

此。不殯於廟，廟謂殯宮，鬼神所在，謂之廟。禮記：不赴于同，不祔于姑，則弗致也。冬，王人來告喪，難故

也是以緩。宋公疾，大子茲父。【詰】史記作茲甫。罔請曰：目夷長且仁，君其立之。公命子魚，子魚辭曰：能以國讓

仁，孰大焉？臣不及也。且又不順，遂走而退。

九年春，宋桓公卒，未葬而襄公會諸侯。故曰：子凡在喪。王曰：小童公侯曰子夏，會于葵丘，尋盟且修好。

禮也。王使宰孔賜齊侯胙。【詰】周禮：大行人正義引傳文，并引注云：周禮：脈腦之禮，親兄弟之國，不以

賜異姓，尊齊侯客之。若先代之後，按此當是服注。杜亦本此立說。曰：天子有事于文武，使孔賜伯舅胙。

齊侯將下拜。孔曰：且有後命。天子使孔曰：以伯舅，蓋老。【詰】馬融易注：七十曰叟。服虔同。詩疏：杜

賜一級。【詰】鄭玄禮記注：級，等也。杜本。無下拜。對曰：天威不遠，顏咫尺。【詰】方晉云：顏，額爲類也。中夏

謂之額。東齊謂之顙。河潁淮泗之間，謂之顙。賈逵國語注：八尺曰咫。說文：周禮寸尺咫，尋皆以人之體

爲法。中婦人手長八寸謂咫。杜取。小白余敢貪天子之命，無下拜。【詰】爾雅：余身舍人曰余，卑謙之身

也。杜本按岳氏本以白字絕句。今考釋詁文。朕余躬身也。邢昺疏引此傳云。齊侯曰。小白余是當以余此。

字爲句。恐隕越于下。以遣天子羞。敢不下拜。下拜登受。秋。齊侯盟諸侯于葵丘。曰。凡我同盟之人。既

盟之後。言歸于好。宰孔先歸。遇晉侯。曰。可無會也。齊侯不務德。水經注引作不務修德。而勤遠略。故北伐山戎。南

伐楚。西爲此會也。東略之不知。西則否矣。其在亂乎。在水經注作有。【詁】鄭玄儀禮注。在存也。杜本君務靖亂。

無勤於行。晉侯乃還。九月。晉獻公卒。里克卒。外傳作丕。史記晉世家作邲。【詁】賈逵云。晉大夫。集解。欲納文公。

故以三公子之徒作亂。【詁】賈逵云。三公子。申生。重耳。夷吾。同上。杜取此。初。獻公使荀息傅奚齊。公疾。召之。

曰。以是藐諸孤。【詁】方言。眇。小也。眇。藐。古字通。按惠氏譏顧氏炎武。訓藐爲小。爲未當。不知賈本方言。

呂譏字林。又云。藐。小兒笑也。辱在大夫。其若之何。稽首而對曰。臣竭其股肱之力。加之以忠貞。其濟。君

之靈也。不濟。則以死繼之。公曰。何謂忠貞。對曰。公家之利。知無不爲。忠也。送往事居。耦俱無猜。貞也。

【詁】廣雅。耦。二也。猜。疑也。按杜注。訓耦爲兩。亦此意。及里克將殺奚齊。先告荀息。曰。三怨將作。秦晉輔

之子。將何如。荀息曰。將死之。里克曰。無益也。荀叔曰。吾與先君言矣。不可以貳。能欲復言而愛身乎。雖

無益也。將焉辟之。且人之欲善。誰不如我。我欲無貳。而能謂人已乎。冬。十月。里克殺奚齊于次。書曰。殺

其君之子。未葬也。荀息將死之。人曰。不如立卓子而輔之。荀息立公子卓以葬。十一月。里克殺公子卓

于朝。荀息死之。君子曰。詩所謂白圭之玷。尚可磨也。史記。圭作。圭尙作猶。【詁】詩毛傳。玷。缺也。杜本此。按說文。斯

言之玷不可爲也。荀息有焉。齊侯以諸侯之師伐晉。及高梁而還。【詰】服虔云：晉地也。史記郡國志河

東郡楊有高梁亭。此杜同。討晉亂也。令不及魯。故不書。釋文：命本又作命。晉郤芮使夷吾重賂秦以求入。曰：人實

有國。我何愛焉。入而能民。土於何有。從之。齊隲朋【詰】王符潛夫論：隲氏姜姓。帥師會秦師。納晉惠公。

秦伯謂郤芮曰：公子誰恃。對曰：臣聞亡人無黨。有黨必有讐。夷吾弱不好弄。【詰】爾雅：弄玩也。能鬪不

過。長亦不改。不識其他。公謂公孫枝曰。史記：服虔云：秦大夫公孫子桑。史記：夷吾其定乎。對曰：臣

聞之。惟則定國。【詰】爾雅：則法也。杜本：按呂覽權勳篇：赤章曼枝曰：詩曰：惟則定國。則此四字。乃逸詩

也。詩曰：不識不知。順帝之則。文王之謂也。又曰：不僭不賊。鮮不爲則。【詰】廣雅：僭差也。高誘：呂覽注：賊

害也。杜本：此。無好無惡。不忌不克之謂也。今其言多忌克。難哉。公曰：忌則多怨。又焉能克。是吾利也。宋

襄公卽位。以公子目夷爲仁。使爲左師以聽政。於是宋治。故魚氏世爲左師。

十年春。狄滅溫。蘇子無信也。蘇子叛王。卽狄。又不能於狄。狄人伐之。王不救。故滅蘇子。奔衛。夏四月。周

公忌父【詰】賈逵云：周卿士。史記：集解：杜取此。王子黨會齊隲朋立晉侯。晉侯殺里克。以說將殺里克。公使謂

之曰：微子則不及此。雖然。子弑二君。與一大夫。文選注引：傳作二公。【詰】服虔云：奚齊卓子荀息也。同。爲子君者

不亦難乎。【詰】按公羊傳：作不亦病乎。廣雅：病難也。對曰：不有廢也。君何以與。欲加之罪。其無辭乎。臣

聞命矣。伏劍而死。於是平鄭聘于秦。且謝緩賂。故不及。晉侯改葬共大子。外傳：大作世。檀弓：史記：漢書：共並作恭。秋。狐

突適下國【詁】服虔云晉所滅國以爲下邑。一曰曲沃有宗廟故謂之國。在絳下。故曰下國也。上同按說

苑立節驚獻公卒突即辭歸自殺蓋屬虛語。遇大子大子使登僕【詁】論衡死僞篇引作大子超登僕

車而告之曰而告之曰夷吾無禮【詁】賈逵云蒸於獻公夫人賈君故曰無禮。馬融云申生不自明而

死夷吾改葬之章父之過故曰無禮本疏余得請於帝矣【詁】服虔云帝天帝謂罰有罪史記集解將以晉界

秦秦將祀余對曰臣聞之神不歆非類【詁】賈逵國語注歆食也按說文歆神食氣也義亦與賈同杜

注歆饗也本詩毛傳民不祀非族君祀毋乃殄乎【詁】詩毛傳殄絕也杜本且民何罪失刑之祀君其

圖之君曰諾吾將復請七日史記作後十日新城西偏將有巫者而見我焉許之遂不見及期而往告之曰帝

許我罰有罪矣敝於韓史記作弊論衡【詁】賈逵云敝敗也韓晉韓原史記集解平鄭之如秦也言於秦伯

曰呂甥史記作呂省【詁】按呂甥先又嘗食邑於虢竹書紀年晉獻公十有九年伐虢滅下陽命瑕父呂甥

邑於虢水經注云地理志所謂北虢也卻稱冀芮實爲不從若重問以召之臣出晉君君納重耳蔑不

濟矣【詁】詩毛傳蔑無也杜本冬秦伯使冷至報問且召三子卻芮曰幣重而言甘誘我也遂殺平鄭

祁舉及七輿大夫【詁】服虔云下軍之輿帥七人屬申生者襄二十三年下軍與帥七人往前申生將

下軍今七輿大夫爲申生報怨樂盈將下軍故七輿大夫與嬖本疏按劉炫亦爲服言是不取杜說左

行共華右行賈華叔堅驪黻彘虎特宮山祁【詁】按此上七人卽七輿大夫之名皆里平之黨也平豹

奔秦。李斯書言於秦伯曰。晉侯背大主而忌小怨。民弗與也。伐之必出。公曰。失衆焉能殺。違禍誰能出君。

十一年春。晉侯使以平鄭之亂來告。天王使召武公內史過賜晉侯命。受玉幣。【詰】說文。幣不敬也。从

心。隋省。春秋傳曰。受玉幣。或省自。過歸告王曰。晉侯其無後乎。王賜之命。而幣於受瑞。先自棄也已。其何繼之有。禮國之幹也。敬禮之興也。不敬則禮不行。禮不行則上下昏。何以長世。夏。揚拒泉皋。【詰】

郡國志。河南郡雒陽有前亭。按泉前古字通。杜同。伊洛之戎。同伐京師。入王城。焚東門。王子帶召之也。

秦晉伐戎以救周。秋。晉侯平戎于王。黃人不歸楚貢。冬。楚人伐黃。

十二年春。諸侯城衛。楚丘之郛。懼狄難也。【詰】韋昭國語注。郛。郛也。杜本黃人恃諸侯之睦于齊也。不

共楚職。曰。自郢及我九百里。焉能害我。夏。楚滅黃。【詰】史記楚世家作滅英。徐廣曰。年表及他本皆作

英。一本作黃。正義曰。英國在淮南。蓋蓼國也。不知改名時。今按滅蓼在魯文公三年。時爲楚穆王四年。

非此一時事。王以戎難故。討王子帶。秋。王子帶奔齊。冬。齊侯使管夷吾平戎于王。使隰朋平戎于

晉。【詰】韋昭國語注。平和也。服虔云。戎伐周。晉伐戎救周。故和也。史記集解。杜本此。王以上卿之禮饗管仲。管

仲辭曰。臣賤有司也。有天子之二守國高在。若節春秋。【詰】賈逵云。節時也。同上。杜王肅云。春秋聘享

之節也。同上。來承王命。何以禮焉。陪臣敢辭。【詰】服虔云。陪。重也。諸侯之臣於天子。故曰陪臣。同上。王曰。舅

氏【詁】賈逵云，舅氏晉伯舅之使也。

同上。杜取此。

余嘉乃勳，應乃懿德。【詁】惠棟曰：應讀爲膺，言膺受女美

德也。古文皆以應爲膺，謂膺不忘。【詁】爾雅：膺，正也。往踐乃職，無逆朕命。管仲受下卿之禮而還，君子曰：管氏之世祀也宜哉，讓不忘其上。詩云：愷悌君子。【詁】爾雅：愷，樂也。悌，易也。杜本此。神所勞矣。

十三年春，齊侯使仲孫湫聘于周，且言王子帶事畢，不與王言，歸復命曰：未可。王怒未怠，其十年乎，不十

年，王弗召也。夏，會于鹹，淮夷病杞故，且謀王室也。秋，爲戎難，故諸侯戍周。【詁】毛傳：戍，守也。杜本此。

齊仲孫湫致之。冬，晉薦饑。【詁】按文選注，引傳作晉游饑字。書曰：游，仍也。爾雅：穀不熟爲饑，仍饑爲

薦。李巡曰：連歲不熟曰薦。杜注：麥禾皆不熟，蓋亦本此。使乞糴于秦，秦伯謂子桑與諸乎，曰：重施而報。

君將何求，重施而不報，其民必攜，攜而討焉，無衆必敗，謂百里與諸乎。【詁】服虔云：百里奚，秦大夫。史記

集解對曰：天災流行，史記作國家代有救災恤鄰道也。行道有福，平鄭之子豹在秦，請伐晉。秦伯曰：其君

是惡，其民何罪。秦於是乎輸粟于晉。自雍及絳。【詁】服虔云：雍，秦國都。絳，晉國都。同上。杜取此。相繼命之曰

汎舟之役。【詁】按雍近渭絳近河，以舟輸粟，故云汎舟之役也。

十四年春，諸侯城緣陵而遷杞焉，不書其人，有闕也。郟季姬來寧，公怒止之，以郟子之不朝也。夏，遇于

防，而使來朝。秋，八月辛卯，沙鹿崩。晉卜偃曰：期年將有大咎，幾亡國。冬，秦饑，使乞糴于晉。晉人弗

與，慶鄭曰：背施無親，幸災不仁，貪愛不祥，怒鄰不義，四德皆失，何以守國。虢射曰：皮之不存，毛將安傅。

慶鄭曰：棄信背鄰，患孰恤之？無信患作，失援必斃，是則然矣。虢射曰：無損於怨，而厚於寇，不如弗與。慶鄭曰：背施幸災，民所棄也。近猶讐之，況怨敵乎？弗聽。退曰：君其悔是哉。

十五年春，楚人伐徐。徐即諸夏故也。三月，盟于杜丘，尋葵丘之盟。且救徐也。孟穆伯帥師及諸侯之師救

徐，諸侯次于匡。諸本並作匡，蓋相沿避宋諱，今皆改正下同。以待之。夏五月，日有食之，不書朔與日，官失之也。秋，伐厲

以救徐也。晉侯之入也，秦穆姬屬賈君焉。按杜注賈君，晉獻公次妃，既無明文，惟左傳云：獻公

娶於賈，則賈乃正妃。獻公即位二十六年而卒，若係正妃，則惠公即位年齒已高，無由更爲所烝。唐國

說賈君爲申生之妃，情事較合，故申生有夷吾無禮之言，惠棟左傳補注所見亦同。且云：盡納羣公子，

晉侯烝於賈君，又不納羣公子，是以穆姬怨之。晉侯許賂中大夫，旣而皆背之。賂秦伯以河外列城五

東，盡號略南及華山內及解梁城。【詰】郡國志：宏農郡陸渾，西有隄略地，華陰有大華山，河東郡解有

解城，杜同此。旣而不與，晉饑，秦輸之粟，秦饑，晉閉之糴，故秦伯伐晉，卜徒父筮之，吉。涉河，侯車敗。【詰】爾

雅：敗，覆也。詰之，對曰：乃大吉也。三敗必獲晉君，其卦遇蠱。三三曰：千乘三去。【詰】惠棟云：上林賦曰：江

河爲陸注云：遞禽獸爲陸，陸即去，實一字。三去之餘，獲其雄狐。夫狐蠱必其君也。蠱之貞風也，其悔山

也。歲云秋矣，我落其實而取其材，所以克也。實落材亡，不敗何待？三敗及韓，晉侯謂慶鄭曰：寇深矣，若

之何？對曰：君實深之，可若何？公曰：不孫。【詰】服虔云：孫，順也。史記集解：卜右，慶鄭吉，弗使步揚御戎，家僕徒

爲右。

史記揚作陽。

【詁】服虔云：二子晉大夫也。

同上。

乘小駟。鄭入也。慶鄭曰：古者大事必乘其產，生其水土而

知其人心，安其教訓，而服習其道，惟所納之，無不如志。今乘異產，以從戎事，及懼而變，將與人易，亂氣

狡憤。【詁】賈逵國語注：憤，盛也。

一切經音義按賈注此傳亦當作盛滿解。

鄭玄樂記注：賈讀爲憤，怒氣充實。

也。春秋傳血氣狡憤，王粲登樓賦：氣交憤於胸臆。李善注：引杜云：交，戾也。是交狡，賁憤，古字並通。陰血

周作，張脈僨與。【詁】說文：髓，血理之分，裹行體中者，从辰从血。髓或从肉，籀文作𩚑。按此則今本作脈

不誤。釋文：石經並同。張有復古編，以爲俗作脈，非過矣。賁，當作賁，或作瀆。禮記射義：賁軍之將，鄭玄注

賁讀爲賁，穀梁傳十年傳：地賁范甯注：賁，沸起也。又管子勢以待天下之瀆作也。尹知章云：動，亂也。陸

氏附注：以爲賁無動義，譏杜失之。是矣。外彊中乾，進退不可，周旋不能，君必悔之。弗聽。九月，晉侯逆秦

師，使韓簡視師。復曰：師少於我，鬪士倍我。公曰：何故？對曰：出因其資，入用其寵，饑食其粟，三施而無報

是以來也。今又擊之，我怠秦奮，倍猶未也。公曰：一夫不可狃。【詁】爾雅：狃，復也。孫炎注：狃，伏前事復爲

也。按杜注：狃，伏也。卽本此。況國乎？遂使請戰曰：寡人不佞，能合其衆而不能離也。君若不遠，無所逃命。

秦伯使公孫枝對曰：君之未入，寡人懼之，入而未定列，猶吾憂也。苟列定矣，敢不承命。韓簡退曰：吾幸

而得囚，壬戌，戰于韓原，晉戎馬還淳而止。【詁】鄭玄禮記注：還，言便也。廣雅：淳，泥也。杜本公號慶鄭，慶

鄭曰：復諫違卜。【詁】高誘呂覽注：復，戾也。杜本固敗是求，又何逃焉？遂去之。梁由靡御韓簡，史記：由

虢，虢

射爲右【詰】

服虔云。執射惠公。集解

輅秦伯

【詰】

服虔云。輅迎也。同上。杜

將止之

【詰】

韋昭國語注

止獲也。杜本

鄭以救公誤之。遂失秦伯。秦獲晉侯以歸。晉大夫反首拔舍從之。

詩疏

拔

【詰】

周禮夏官

司馬中夏教芟舍。鄭注云。芟。讀如萊沛之沛。芟舍。草止也。軍有草止之法。說文。芟舍也。从广。芟聲。詩曰。

召伯所廢。按此則字當作芟。跋拔。芟古字通。秦伯使辭焉。曰。二三子何其感也。寡人之從君而西也。亦

晉之妖夢是踐。豈敢以至。晉大夫三拜稽首曰。君履后土而戴皇天。

周禮禮記疏。並引作

戴皇天而履后土。

皇天后土。實

聞君之言。羣臣敢在下風。穆姬聞晉侯將至。以大子營弘與女簡璧登臺而履薪焉。使以免服衰絰逆

且告【詰】

按此下傳文。或有上天降災。使我兩君匪以玉帛相見。而以興戎。若晉君朝以入。則婢子夕

以死。夕以入。則朝以死。惟君裁之。釋文曰。自上天降災至此。凡四十七字。檢古文皆無尋杜注亦不得

有。有是後人妄加也。今按釋文四十七字。七當作二。蓋誤并乃舍諸靈臺五字數之耳。此後人校勘之

疏。孔疏亦云。服虔解誼。其文甚煩。傳本若有此文。服虔必應多解。何由四十餘字。不解一言。亦至二十

三年始解婢子。明是本無之也。據此則服杜本尙皆不誤。服杜以後人妄增。今據削去。乃舍諸靈臺。

詩舍神霧云。作邑于豐。起靈臺。易乾鑿度云。伐崇作靈臺。孔穎達疏云。是靈臺在豐邑之都內也。水經

注。豐水又北。逕靈臺。西括地志。雍州長安縣有靈臺。高二丈。周回百二十步。今按杜注云。所以杜絕。令

不得通外內。或卽以此。大夫請以入。公曰。獲晉侯。以厚歸也。旣而喪歸焉。用之。大夫其何有焉。且晉人

感憂以重我。天地以要我。不圖晉憂。重其怒也。我食吾言。背天地也。重怒難任。【詁】韋昭國語注。任。當

也。杜本

此。背天不祥。必歸晉君。公子穀曰。【詁】韋昭國語注。據禮記云。繫。字子顯。盧植曰。古者名字相配。

顯當爲穉。不如殺之。無聚慝焉。子桑曰。歸之而質其大子。必得大成。晉未可滅。而殺其君。祇以成惡。刊

本多誤

作祇。【詁】說文。糲。从糸。是聲。糲。或从氏。詩。毛。傳。祇。適也。玉篇。祇。之。移切。適也。又音岐。漢書。竇。嬰。傳。祇

皆。默。是。明。揚。主。上。之。過。師。古。曰。祇。音。支。其。字。从。祇。今。从。石。經。定。作。祇。字。且。史。佚。有。言。曰。無。始。禍。無。怙。亂。

無重怒。重怒難任。陵人不祥。乃許晉平。晉侯使郤乞告瑕呂飴甥。【詁】按竹書紀年。作瑕父呂甥。今考

呂甥。先食采于瑕。故稱曰瑕父。郡國志。河東郡解。有瑕城。是也。後又食采于呂。故又稱瑕呂。劉昭補注。

引張華博物志。河東郡永安有呂鄉。呂甥邑也。是瑕呂皆所食采地。杜注云。姓瑕呂名飴甥。非矣。下傳

云。陰飴甥。陰亦采邑名。且召之。子金教之言曰。朝國人而以君命賞。且告之曰。孤雖歸。辱社稷矣。其卜

貳圉也。【詁】鄭玄禮記

注。貳作二。【詁】鄭司農周禮注。貳。副也。按杜訓。貳爲代。非。衆皆哭。晉於是乎作爰田。【詁】服虔

孔晁皆云。爰。易也。賞衆以田。易其疆畔。本

按外傳。作轅田。賈逵注。轅。車也。以田出車賦。說文云。爰。引也。

繒文。以爲車轅字。又按趨田。易居也。徐鍇繫傳云。爰。轅皆假借。此乃正字。謂以田相換易也。孟康地理

志注。轅。爰同。今考爰田。當以賈義爲長。杜注。取服虔說。呂甥曰。君亡之不恤。而羣臣是憂。惠之至也。將

若君何。衆曰。何爲而可。對曰。征繕以輔孺子。【詁】韋昭國語注。征。賦也。廣雅。繕。治也。杜本

諸侯聞之。喪

君有君。羣臣輯睦。甲兵益多。好我者勸。惡我者懼。庶有益乎。衆說晉於是乎作州兵。【詰】按作州兵。蓋亦改易兵制。或使二千五百家。略增兵額。故上云甲兵益多。非僅修繕兵甲而已。杜注似非。初晉獻公筮嫁伯姬於秦。遇歸妹^{三三}之睽^{三三}。史蘇占之曰。不吉。其繇曰。士刳羊。亦無益也。【詰】說文。羊血也。春秋傳曰。士刳羊。亦無益也。廣雅同。杜本。女承筐。亦無貺也。釋文。貺本亦作況。【詰】詩毛傳。貺。賜也。杜本。服虔以離爲戈兵。兌爲羊。震變爲離。是用兵刺羊之象也。三至五有坎象。坎爲血。血在羊上。故刺無血也。震爲竹。竹爲筐。震變爲離。離爲火。火動而上。其施不下。故筐無實也。同。西鄰責言。不可償也。【詰】服虔以爲三至五爲坎。坎爲月。月生西方。故爲西鄰。坎爲水。兌爲澤。澤聚水。故坎責之澤。澤償水。則竭。故責言不可償。同。歸妹之睽。猶無相也。【詰】服虔云。兌爲金。離爲火。金火相遇而相害。故無助也。同。應劭漢書注。相助也。杜本。震之離。亦離之震。爲雷爲火。爲羸敗姬。【詰】服虔云。離爲日。爲火。秦羸姓水位。一至五有坎象。水勝火。故爲羸敗姬。同。車脫其輻。【詰】說文。輻。車軸縛也。馬融易注。輻。車下縛也。杜本。火焚其旗。不利行師。敗于宗丘。【詰】服虔云。五至三有坎爲水象。震爲車。車得水而脫其輻也。震爲龍。龍爲諸侯。旗。離之震。故火焚其旗也。震東方木。兌西方金。木遇金必敗。韓有先君之宗廟。故曰宗丘。同。說文。四邑爲丘。杜本。鄭玄禮記注。丘與區同。歸妹睽孤。寇張之弧。【詰】服虔云。坎爲寇。爲弓。故曰寇張之弧。同。姪其從姑。【詰】爾雅。父之姊妹爲姑。女子謂昆弟之子爲姪。杜本。六年其逋。【詰】廣雅。逋。亡也。杜本。逃。

歸其國而棄其家。明年其死于高梁之虛。【詁】郡國志河東郡楊有高梁亭。杜同。及惠公在秦。曰先君

若從史蘇之占。吾不及此。夫韓簡侍曰龜象也。筮數也。物生而後有象。象而後有滋。滋而後有數。先君

之敗德。反可數乎。釋文以先君之敗德及絕句。【詁】按及可數乎。猶數可及乎。蓋倒字法也。今仍以及字屬下讀。史

蘇是占。勿從何益。詩曰下民之孽。匪降自天。僖吝背憎。職競由人。【詁】詩作噉。按說文噉。聚語也。僖。聚

也。並引詩小雅。噉。噉古字同。震夷伯之廟。罪之也。於是展氏有隱慝焉。冬宋人伐曹。討舊怨也。

楚敗徐于婁林。徐恃救也。十月晉陰飴甥會秦伯。盟于王城。【詁】郡國志左馮翊臨晉有王城。杜本

秦伯曰晉國和乎。對曰不和。小人恥失其君。而悼喪其親。不憚征繕以立圉也。曰必報讐。寧事戎狄。君

子愛其君。而知其罪。不憚征繕以待秦命。曰必報德。有死無二。以此不和。秦伯曰國謂君何。對曰小人

感謂之不免。君子恕以爲必歸。小人曰我毒秦。秦豈歸君。君子曰我知罪矣。秦必歸君。貳而執之。服而

舍之。德莫厚焉。刑莫威焉。服者懷德。貳者畏刑。此一役也。【詁】服虔云一役者謂韓戰之役。同。秦可以

霸。納而不定。廢而不立。以德爲怨。秦不其然。秦伯曰是吾心也。改館晉侯。饋七牢焉。史記作餽。【詁】賈

遠云。諸侯雍餽七牢。牛一羊一豕一。爲一牢也。史記集解。外傳作。蠅析。蠅。謂慶鄭曰。【詁】釋文曰。蠅。本或

作蠅。惠棟云。蜚。壽曰。蠅與蠅通。漢書白蛾羣飛。扶服。蠅伏。陳球後碑。聚蠅蜂動。仲秋下旬。碑。蠅附。皆與

蠅同。今按禮記。蠅子時術之後。漢書。皇甫嵩傳。時人謂之黃巾。亦名爲蠅賊。注。蠅音魚綺反。即蠅字也。

今釋文有五何反。廣韻于歌部。列晉大夫蛾析。似誤。盍行乎。對曰。陷君於敗。敗而不死。又使失刑。非人臣也。臣而不臣。行將焉入。十一月。晉侯歸。丁丑。殺慶鄭。而後入。是歲。晉又饑。秦伯又餽之粟。曰。吾怨其君。而矜其民。且吾聞唐叔之封也。箕子曰。【詰】馬融。王肅。皆以箕子爲紂諂父。史記鄭玄。王肅。皆以爲諂父。服杜以爲紂之庶兄。本疏。按此則杜取服說。其後必大。晉其庸可冀乎。姑樹德焉。以待能者。於是秦始征晉河東。置官司焉。

十六年春。隕石于宋五。隕星也。【詰】按御覽引水經注云。睢陽有隕石水。一名漆溝。左傳曰。隕石于宋五。

隕星也。故老云。此水有時涸竭。五石存焉。故名隕石水。墜處爲津。六鷁退。飛過宋都。風也。【詰】賈逵云。

風起于遠。至宋都高而疾。故鷁逢風卻退。史記集解。周內史叔興聘于宋。宋襄公問焉。曰。是何祥也。吉凶焉

在。漢書五行志。作何在。對曰。今茲魯多大喪。明年齊有亂。君將得諸侯而不終。【詰】賈逵云。石。山岳之物。齊大岳

之尤。而五石隕宋。象齊桓卒。而五公子作亂。宋將得諸侯而治。五公子之亂。鷁退不成之象。後六年霸

業退也。鷁。水鳥。陽中之陰。象君臣之訟。闕也。穀梁疏。退而告人曰。君失問。是陰陽之事。非吉凶所生也。漢

所字上。【詰】服虔云。鷁退。風告君行所致。非吉凶所從生。襄公不問。已有所失。而致此變。但問吉凶焉

有之字。【詰】服虔云。鷁退。風告君行所致。非吉凶所從生。襄公不問。已有所失。而致此變。但問吉凶焉

在。以爲石隕鷁退。吉凶所從而生。故云君失問。吉凶由人。漢書由作繇。【詰】按由字當是古粵字。說文。粵

水生條也。又別有繇云。繇。徑也。假借作由。古字多通。吾不敢逆君故也。夏。齊伐厲。不克。救徐而還。

秋狄侵晉取狐厨受鐸涉汾及昆都【詁】按狐即狐突食邑厨即厨武子食邑鐸即鐸邊寇食邑水經

汾水出太原汾陽縣北至汾陰縣入河杜本因晉敗也王以戎難告于齊齊徵諸侯戍周諸本戍上

從石經刪冬十一月乙卯鄭殺子華十二月會于淮謀郟且東略也城郟役人病有夜登丘而呼曰齊

有亂不果城而還

十七年春齊人為徐伐英氏以報婁林之役也夏晉大子圉為質于秦秦歸河東而妻之惠公之在梁

也梁伯妻之梁嬴孕過期【詁】說文孕懷子也杜本卜招父與其子卜之其子曰將生一男一女招曰

然男為人臣女為人妾故名男曰圉女曰妾【詁】服虔云圉人掌養馬官之賤者不聘曰妾史記說文

春秋云女為妾妾不聘也杜取及子圉西質妾為宦女焉師滅項淮之會公有諸侯之事未歸而取

項齊人以為討而止公秋聲姜以公故會齊侯于卞九月公至書曰至自會猶有諸侯之事焉且諱

之也齊侯之夫人三王姬徐嬴史記作蔡姬皆無子齊侯好內【詁】服虔云內婦官也史記

按漢書顏師古注文選李善注引此傳皆無內字今考此內字蓋因後內寵之內嬖如夫人者六人長

衛姬生武孟少衛姬生惠公鄭姬生孝公葛嬴生昭公密姬生懿公宋華子生公子雍【詁】賈逵云宋

華氏之女子同上杜公與管仲屬孝公於宋襄公以為大子雍巫有寵於衛共姬【詁】賈逵云雍巫雍

人名巫易牙字同上杜接管子有棠巫與此或係一人因寺人貂以薦羞於公亦有寵公許之立武孟

取此

管仲卒。五公子皆求立。冬十月乙亥，齊桓公卒。易牙入。賈誼新書作狄牙。大戴禮記淮南王書並同。稽康琴賦云：狄牙喪味。與寺人貂因內寵以殺羣吏。【註】服虔云：內寵如夫人者六人。羣吏諸大夫也。同。而立公子無虧。史記漢書人表作無詭。孝公

奔宋。十二月乙亥，赴。辛巳夜殯。

十八年春，宋襄公以諸侯伐齊。三月，齊人殺無虧。鄭伯始朝于楚。楚子賜之金，既而悔之，與之盟曰：無

以鑄兵，故以鑄三鐘。齊人將立孝公，不勝。四公子之徒遂與宋人戰。夏五月，宋敗齊師于廩，立孝公

而還。秋八月，葬齊桓公。冬，邢人狄人伐衛，圍菟圃。衛僂以國讓父兄子弟，及朝衆曰：苟能治之，燬

請從焉。【註】賈誼新書：衛侯朝于周，周行人問其名，答曰：衛侯辟疆。周行人還之曰：啓疆辟疆，天子之

號諸侯弗得用，衛侯更其名曰燬，然後受之。衆不可，而後師于訾婁。別本後作從誤。狄師還。梁伯益其國而

不能實也。命曰新里，秦取之。

十九年春，遂城而居之。宋人執滕宣公。夏，宋公使邾文公用鄆子于次睢之社。【註】水經：睢水出梁

郡鄆縣，東流當蕭縣南，入于陂。張華博物志：琅邪臨沂縣東界次睢，有大叢社，民謂之食人社，卽此郡

國志：琅邪沂有叢亭，欲以屬東夷司馬。子魚曰：古者六畜不相爲用，小事不用大牲，而況敢用人乎？祭

祀以爲人也。風俗通引此無祀字。下句引傳作民人神之主也。民神之主也。用人其誰饗之？齊桓公存三亡國，以屬諸侯，義士

猶曰薄德。今一會而虐二國之君，又用諸淫昏之鬼，將以求霸，不亦難乎？得死爲幸。秋，衛人伐邢，以

報菟圃之役。於是衛大旱。卜有事于山川。不吉。寧莊子曰。昔周饑。克殷而年豐。今邢方無道。諸侯無伯。

【詁】爾雅伯長也。此杜本天其或者欲使衛討邢乎。從之。師興而雨。宋人圍曹。討不服也。子魚言於宋

公曰。文王聞崇德亂而伐之。軍三旬而不降。退修教而復伐之。釋文云伐衍字按石經宋本並有今仍之困壘而降。詩曰。刑

于寡妻。【詁】詩毛傳。刑法也。此杜本至于兄弟。以御于家邦。今君德毋乃猶有所闕。而以伐人。若之何。盍

姑內省德乎。無闕而後動。陳穆公請修好於諸侯。以無忘齊桓之德。冬。盟于齊。修齊桓之好也。梁

亡。不書其主。自取之也。初。梁伯好土功。亟城而弗處。民罷而弗堪。則曰。某寇將至。乃溝公宮。【詁】賈逵

云。溝壟也。史記集解杜取此曰。秦將襲我。民懼而潰。秦遂取梁。

二十年春。新作南門。書不時也。凡啓塞從時。【詁】服虔云。闔扇所以開。鍵閉所以塞。月令。仲春修闔扇。孟

冬修鍵閉。從此時也。本疏滑人叛鄭而服於衛。【詁】賈逵云。滑。姬姓之國。史記集解夏。鄭公子士泄堵寇帥

師入滑。秋。齊狄盟于邢。爲邢謀衛難也。於是衛方病邢。隨以漢東諸侯叛楚。冬。楚鬬穀於菟帥師

伐隨。取成而還。君子曰。隨之見伐。不量力也。量力而動。其過鮮矣。善敗由己。而由人乎哉。詩曰。豈不夙

夜。謂行多露。宋襄公欲合諸侯。臧文仲聞之曰。以欲從人。則可以人從。欲鮮濟。

二十一年春。宋人爲鹿上之盟。以求諸侯于楚。楚人許之。公子目夷曰。小國爭盟。禍也。宋其亡乎。幸而後

敗。夏。大旱。公欲焚巫尪。臧文仲曰。非旱備也。修城郭。【詁】服虔云。國家凶荒。則無道之圖。乘而加兵。

故修城郭爲守備也。本疏貶食省用。務穡論衡引勸分。【詁】鄭玄儀禮注收斂曰穡。按杜注穡儉也。疑字

近而誤。此其務也。巫廷何爲。天欲殺之。則如勿生。若能爲旱。焚之滋甚。公從之。是歲也。饑而不害。秋

諸侯會宋公于孟。子魚曰。禍其在此乎。君欲已甚。其何以堪之。於是楚執宋公以伐宋。冬。會于薄。以釋

之。子魚曰。禍猶未也。未足以懲君。任宿須句顯。與。【詁】郡國志。東平國無驪。本宿國任姓。杜同京相

璠曰。須胸一國二名。蓋遷都須昌。胸是其本。杜注在東平須昌縣西北道元云。杜注非也。地理志曰。壽

張西北有胸城者是也。郡國志。泰山郡南武陽有顯。與城。杜同風姓也。釋文。本或作皆風姓。實司大繇。與有濟之

祀。【詁】詩毛傳。司。主也。杜本按繇與吳通。禮記月令。其帝大繇。釋文。繇亦作吳。昭十七年。邾子來朝。寫

少繇。大繇。漢書律歷五行等志。引作少吳。大吳。孔子世家。家語並同。說文作繇。又漢書鄭崇傳。欲報之

德。繇。天罔極。師古曰。繇字與吳同。今从石經及善本。定作繇字。又按水經。濟水與河合流。至乘氏縣。又

分爲二。其一。又東北過壽張縣西界。又北過須昌縣西。是此上四國皆近濟水。必當有濟水之祠。故世

守其祀也。杜注略同。以服事諸夏。邾人滅須句。須句子來奔。因成風也。【詁】賈氏曰。但因成風來。不見公。故

來奔及反。不書于經。釋例成風爲之言於公曰。崇明祀。保小寡。周禮也。【詁】詩毛傳。保安也。杜本蠻夷猶

夏。周禍也。若封須句。是崇睥濟而修祀紓禍也。

二十二年春。伐邾。取須句。反其君焉。禮也。三月。鄭伯如楚。夏。宋公伐鄭。子魚曰。所謂禍在此矣。初。

平王之東遷也。辛有適伊川，見被髮而祭於野者，曰：「不及百年，此其戎乎？其禮先亡矣。」秋，秦晉遷陸渾之戎于伊川。晉大子圉爲質於秦，將逃歸，謂嬴氏曰：「與子歸乎？」對曰：「子晉大子，而辱於秦，子之欲歸，不亦宜乎？」寡君之使婢子【詁】服虔云：曲禮曰：世婦以下自稱婢子，婢子，婦人之卑稱。史記集解：杜取此。侍執巾櫛，以固子也。從子而歸，棄君命也，不敢從，亦不敢言，遂逃歸。富辰言於王曰【詁】服虔云：富辰，周大夫。同上。杜取此。請召大叔。詩曰：「協比其鄰，昏姻孔云。」【詁】詩毛傳：鄰，近也。孔：甚也。云旋也。杜本：吾兄弟之不協，焉能怨諸侯之不睦？王說：王子帶自齊復歸于京師，王召之也。邾人以須句故出師，公卑邾，不設備而禦之。釋文本：亦作御。臧文仲曰：「國無小，不可易也，無備，雖衆不可恃也。」詩曰：「戰戰兢兢，如臨深淵，如履薄冰。」又曰：「敬之敬之，天惟顯思，命不易哉。」【詁】詩鄭箋：顯明也。毛傳：思，辭也。杜本：先王之明德，猶無不難也，無不懼也，況我小國乎？君其無謂邾小，蠶蠻有毒。【詁】說文：蠶，飛蟲，螫人者也。蠶，毒蟲也。通俗文云：蠶，長尾謂之蠶，蠶毒傷人曰螫。按：近人疑通俗文出李虔，不知李虔所作，係糺通俗文，唐藝文志，分晰甚清，辯已見更生齋集中。故此書凡服虔通俗文，悉皆錄入，以補服注之缺。又按：蠶當从說文作蠶。惠棟云：李翊夫人碑，亦作蠶，蠶而況國乎？弗聽。八月丁未，公及邾師戰于升陘，我師敗績，邾人獲公冑，縣諸魚門。【詁】說文：冑，兜鍪首鎧也。杜本：郡國志：梁國睢陽有魚門。劉昭注引此傳。楚人伐宋以救鄭，宋公將戰，大司馬固諫曰【詁】晉語：晉公子重耳過宋，與司馬公孫固相善，章昭注：固，宋莊公之孫。

大司馬固也。此本

天之棄商久矣。君將與之。弗可救也已。弗聽。冬十一月己巳朔。宋公及楚人戰于泓。

宋人既成列。楚人未既濟。司馬曰。彼衆我寡。及其未既濟也。請擊之。公曰。不可。既濟而未成列。又以告。

公曰。未可。既陳而後擊之。宋師敗績。公傷股。門官殲焉。詩毛傳。殲。盡也。此本國人皆咎公。公曰。君

子不重傷。詩說文。傷。創也。鄭玄禮記注。創之淺者曰傷。不禽二毛。古之爲軍也。不以阻隘也。寡人雖

亡國之餘。不鼓不成列。子魚曰。君未知戰。勅敵之人。說文。勅。彊也。春秋傳曰。勅敵之人。廣雅。勅。勅

武也。隘而不列。文選注。引作天贊我也。阻而鼓之。不亦可乎。猶有懼焉。且今之勅者。皆吾敵也。雖及胡

者。詩周書。註法解。彌年壽考曰胡。胡。大也。爾雅。考。壽也。獲則取之。何有於二毛。明恥教戰。求殺敵也。

傷未及死。如何勿重。若愛重傷。則如弗傷。愛其二毛。則如服焉。三軍以利用也。金鼓以聲氣也。利而用

之。阻隘可也。聲盛致志。鼓儻可也。說文。儻。儻互不齊也。蓋謂及其成列不齊鼓之。丙子晨。鄭文

夫人芊氏。姜氏勞楚子于柯澤。楚子使師緝示之俘馘。爾雅。俘。取也。李巡曰。囚敵曰俘。詩毛傳。殺

而獻其耳。曰馘。說文作俘。馘。云軍戰斷耳也。从耳或擊。或从首。字林云。截耳則从耳旁。獻首則作首旁。

杜注云。馘所截耳。明當以耳旁爲是。君子曰。非禮也。婦人送迎不出門。見兄弟不踰闕。爾雅。闕。謂

之闕。孫炎曰。柙門限也。戎事不邇女器。詩毛傳。邇。近也。高誘淮南王書注。器物用也。此本丁丑。楚

子入饗。石經及宋本。並作享。于鄭。九獻。庭實旅百。加籩豆六品。饗畢。夜出。文芊送于軍。取鄭二姬以歸。叔詹曰。史

作贈呂覽楚王其不沒乎。爲禮卒於無別。無別不可謂禮。將何以沒。諸侯是以知其不遂霸也。

二十三年春。齊侯伐宋。圍緡。以討其不與盟于齊也。殺梁緡作【詰】服虔云。魯僖公十九年。諸侯盟于齊。

以無忘桓公之德。宋襄欲行霸道。不與盟。故伐之。史記集解夏五月。宋襄公卒。傷於泓。故也。秋。楚

成得臣帥師伐陳。討其貳於宋也。遂取焦夷。城頓而還。水經注【詰】地理志。沛郡譙郡國志。汝南郡

城父。故屬沛。春秋時曰夷。南頓本頓國。杜本此文以爲之功。使爲令尹。叔伯曰。子若國何。對曰。吾以靖

國也。夫有大功而無貴仕。其人能靖者與。有幾。九月。晉惠公卒。懷公命無從亡人。期期而不至。無赦。

狐突之子毛及偃。從重耳在秦。弗召。冬。懷公執狐突曰。子來則免。對曰。子之能仕。父教之忠。古之制也。

策名委質。【詰】服虔注云。古者必先書其名於策。委死之質於君。然後爲臣。示必死節也。史記按此則

服訓質爲責。責質古字通。晉語。臣委質於君。之鼓。章昭注。質。質也。士質以雉。是章訓質爲質。正義申杜

質。形體也。是杜訓質爲形質之質。合數家之訓。則服義得之矣。貳。乃辟也。【詰】爾雅。辟。舉也。今臣之子

名在重耳。有年數矣。若又召之。教之貳也。父教子貳。何以事君。刑之不濫。君之明也。臣之願也。淫刑以

逞。誰則無罪。臣聞命矣。乃殺之。卜偃稱疾不出。曰。周書有之。乃大明服。己則不明。而殺人以逞。釋文本

之。不亦難乎。民不見德。而惟戮是聞。其何後之有。十一月。杞成公卒。【詰】譙周古史考云。惠公生成

公及桓公。書曰。子杞夷也。不書名。未同盟也。凡諸侯同盟。死則赴以名。禮也。赴以名。則亦書之。不然則

否辟不敏也。【詰】爾雅釋樂商謂之敏釋文敏審也高誘呂覽注養實也按辟不敏蓋辟不實耳。杜同

晉公子重耳之及於難也。晉人伐諸蒲城。蒲城人欲戰。重耳不可。曰。保君父之命。而享其生祿。於是乎得人。有人而校。罪莫大焉。【詰】李奇漢書注。保恃也。包咸論語注。校報也。杜本此。吾其奔也。遂奔狄。從

者狐偃。趙衰。顛頡。魏武子。司空季子。【詰】服虔云。胥臣曰。季也。史記集解。狄人伐廐咎如。【詰】賈逵云。

赤狄之別種。隗姓。同上。杜按玉篇。廐同縹。戰國策。趙皆以荻蒿苦楚廐之。漢書鄒陽傳。牽帷廐之制。李

善文選注。引韓非子曰。董闕子爲上地守。行石邑山中。深澗峭加廐。深百仞。秦邕石經論語。凡宮牆字

从土。从齊。今从唐石經作廐字。獲其二女。叔隗。季隗。納諸公子。公子取季隗。生伯儵。釋文。儵。叔劉。以叔

隗妻趙衰。生盾。將適齊。謂季隗曰。待我二十五年不來。而後嫁。對曰。我二十五年矣。又如是而嫁。則就

木焉。請待子。處狄十二年而行。過衛。衛文公不禮焉。出於五鹿。【詰】賈逵云。衛地。同上。京相璠曰。今衛縣

西北三十里有五鹿城。今屬頓丘縣。水經注。穆天子傳。白鹿一脰。桀逸出走。天子乘溟黃之乘。焉五

子丘之。是曰五鹿。按此則五鹿之名。蓋起於此。乞食于野人。野人與之塊。外傳。作野人舉塊而與之。史

進之。漢書律歷志。作乞食於野人。野人舉由而與之。按說文。由。僕也。从土。从一。公子怒。欲鞭之。子犯。史

作趙。曰。天賜也。稽首受而載之。及齊。齊桓公妻之。有馬二十乘。【詰】服虔云。八十四。史記集解。公子安

之。從者以爲不可。將行。謀于桑下。蠶妾在其上。以告姜氏。姜氏殺之。【詰】服虔云。懼孝公怒。故殺之以

滅口同上杜取此

而謂公子曰。子有四方之志。其聞之者。吾殺之矣。公子曰。無之。姜曰。行也。禮記疏引此。姜下有氏字。下亦

同。懷與安。實敗名。公子不可。姜與子犯謀。醉而遣之。石經醉上有飲之。酒三字。後人所增。醒以戈逐子犯。及曹。曹共公

【詁】高誘呂覽注。共公名襄。昭公之子。聞其駢脅。駢應作駢。駢井脅也。晉文公駢脅。論衡作比脇。按晉語作駢。與說文合。金樓子作駢脇。【詁】廣雅脅幹謂之肋。通俗文掖下謂之脅。欲觀其裸。釋文本一讀。至裸字絕句。【詁】說文廣雅。虜。祖也。應裸字同。浴薄

而觀之。【詁】外傳。諜其將浴。設微薄而觀之。按微薄。卽帷薄也。音義並同。韋昭訓微薄爲蔽。訓薄爲追。義較迂曲。又按釋文引國語云。薄。簾也。當係賈逵注國語。下脫注字耳。高誘淮南王書注云。使袒而捕魚。設薄而觀之。義亦同。杜注本章昭說。亦訓爲追。然究不若簾字解有實據。韓非子十過篇。又作袒。而

觀之。僖負羈之妻曰。韓非子作釐負羈。史記漢書並同。吾觀晉公子之從者。皆足以相國。若以相。夫子【詁】顧炎武云。當以此絕句。按晉語說此事云。其從者皆相國也。以相一人。必得晉國用。彼文相方。其義益明。必反其

國。反其國。必得志於諸侯。得志於諸侯。而誅無禮。曹其首也。子盍蚤自貳焉。乃饋盤飧。寘璧焉。公子受殽反璧。及宋。宋襄公贈之以馬二十乘。及鄭。鄭文公亦不禮焉。叔詹諫曰。臣聞天之所啓。人弗及也。晉

公子有三焉。天其或者將建諸君其禮焉。男女同姓。其生不蕃。【詁】鄭玄周禮注。蕃。蕃息也。杜本此。晉公子姬出也。而至于今。一也。離外之患。而天不靖晉國。殆將啓之。二也。有三士足以上人。而從之。三也。晉

鄭同儕。【詁】一切經音義引舊說。儕。猶輩類也。左傳晉鄭同儕是也。按鄭玄注樂記亦同。杜此注。用鄭

鄭同儕。【詁】一切經音義引舊說。儕。猶輩類也。左傳晉鄭同儕是也。按鄭玄注樂記亦同。杜此注。用鄭

鄭同儕。【詁】一切經音義引舊說。儕。猶輩類也。左傳晉鄭同儕是也。按鄭玄注樂記亦同。杜此注。用鄭

鄭同儕。【詁】一切經音義引舊說。儕。猶輩類也。左傳晉鄭同儕是也。按鄭玄注樂記亦同。杜此注。用鄭

鄭同儕。【詁】一切經音義引舊說。儕。猶輩類也。左傳晉鄭同儕是也。按鄭玄注樂記亦同。杜此注。用鄭

鄭同儕。【詁】一切經音義引舊說。儕。猶輩類也。左傳晉鄭同儕是也。按鄭玄注樂記亦同。杜此注。用鄭

鄭同儕。【詁】一切經音義引舊說。儕。猶輩類也。左傳晉鄭同儕是也。按鄭玄注樂記亦同。杜此注。用鄭

曲禮注其過子弟。罔將禮焉。況天之所啓乎。弗聽。及楚。楚子饗之。曰。公子若反晉國。則何以報不穀。對

曰。子女玉帛。則君有之。羽毛齒革。則君地生焉。其波及晉國者。君之餘也。其何以報君。曰。雖然。何以報

我。呂覽注引作對曰。若以君之靈。得反晉國。晉楚治兵。遇於中原。其辟君三舍。【詰】賈逵云。司馬法。從

邇不過三舍。三舍九十里也。史記集註若不獲命。其左執鞭弭。右屬囊鞬。以與君周旋。呂覽注引【詰】爾雅

弓無緣者謂之弭。韋昭國語注。彘失房。通俗文。弓繫謂之鞬。鄭玄禮記注。屬猶著也。杜本子玉請殺之。

楚子曰。晉公子廣而儉。高誘引作文而有禮。其從者肅而寬。忠而能力。晉侯無親。外內惡之。吾聞姬姓

唐叔之後。其後衰者也。其將由晉公子乎。高誘引公子下【詰】按此衰字當作興字解。如古訓亂為治

同。與下天將興之興字互文。古人往往有此文法。天將興之。誰能廢之。違天必有天咎。乃送諸秦。秦伯

納女五人。懷嬴與焉。奉匭沃盥。既而揮之。【詰】說文盥。澡手也。春秋傳曰。奉匭沃盥。鄭玄儀禮注。匭。沃

盥器也。杜本按晉語韋昭注。揮灑也。何承天亦云。振去為揮。蓋懷嬴不欲。故以手揮灑此水。杜注。灑也。

戰轉迂曲。怒曰。秦晉匹也。何以卑我。【詰】晉語。公子欲辭。司空季子子犯子餘勸取之。乃歸女而納幣

且逆。孔晁曰。歸懷嬴。更以貴妾迎之也。公子懼。降服而囚。【詰】服虔云。申意於楚王。伸於知己。降服於

懷嬴。風於不知己。本他日。公享之。子犯曰。吾不如衰之文也。請使衰從。公子賦河水。【詰】韋昭國語注

云。河當作沔。字相似。誤也。按杜云。逸詩。劉炫規之是矣。公賦六月。趙衰曰。重耳拜賜。公子降拜稽首。

公降一級而辭焉。衰曰：君稱所以佐天子者，命重耳，重耳敢不拜。

卷八

傳

二十四年春，王正月，秦伯納之，不書，不告入也。及河，子犯以璧授公子曰：「臣負羈縻。」【詁】說文：羈，馬絡頭也。从四从聃，聃，馬絆也。鬲或从革，縻，系也。春秋傳：臣負羈縻。應劭漢官儀：亦云。馬曰：駟，服虔云：一云犬

繼曰：繼，古者行則有犬，少儀曰：犬則執繼。按此則繼爲犬繼之證。章昭國語注：從者爲羈，繼之僕，亦云。

犬曰繼，是矣。杜注必改曰：馬羈，非是。從君巡于天下，臣之罪甚多矣。臣猶知之，而況君乎？請由此亡。公

子曰：所不與舅氏同心者。禮記疏引作及國。不與舅氏同心者。有如白水，投其璧于河。濟河，圍令狐，入桑泉，取白衰。【詁】

京相璠曰：春秋土地名。桑泉，白衰，並解東南。水經：郡國志：河東郡解有桑泉城。白城，按杜注云：桑泉

在解縣西。解縣東南有白城。張華博物記曰：白季邑解縣西北。今考解州西北三十里，已至臨晉縣界。

解故城在臨晉東南，則距解州界當不甚遠。白城在州西北，雖不言里數，然尙在故縣東南可知。京杜

曾曰：城在解縣東南之說爲諦。博物記非也。二月甲午，晉師軍于廬柳。秦伯使公子絳如晉師，師退軍

于郇。【詁】說文：郇，周武王子所封國，在晉地。从邑旬聲。讀若泓。按索隱云：周文王子，又云：郇音荀，又音

環，疑有誤。服虔云：郟國在解縣東。郟，瑕氏之墟也。水經注：按蒲州圖經，郟城在猗氏縣西南。漢解縣之

東。杜注云：在西北，非也。辛丑，狐偃及秦晉之大夫，盟于郟。壬寅，公子入于晉師。丙午，入于曲沃。丁未，朝

于武宮。【詰】賈逵云：文公之祖武公廟。史記集解：杜取此。戊申，使殺懷公于高梁。不書，亦不告也。呂卻畏，偪將

焚宮，宮而弑晉侯。寺人披，寺本又請見公使讓之，且辭焉。曰：蒲城之役，君命一宿，女即至。其後，余從狄

君以田渭濱。韓非子作：惠寶。女爲惠公來求殺余，命女三宿，女中宿至。雖有君命，何其速也。夫祛猶在，女其行

乎？對曰：臣謂君之入也，其知之矣。若猶未也，又將及難。君命無二，古之制也。除君之惡，惟力是視。蒲人

狄人，余何有焉？今君即位，其無蒲狄乎？齊桓公置射鉤，而使管仲相。君若易之，何辱命焉？行者甚衆，釋文

作一本。豈惟刑臣公見之，以難告。三月，晉侯潛會秦伯于王城。【詰】郡國志：左馮翊臨晉有王城。杜同按

今本杜注脫去。惟史記索隱引左傳有之。己丑晦，公宮火。瑕甥、郤芮不獲公。【詰】按：呂甥蓋食采于瑕。

故又稱瑕甥。郡國志：河東郡解有瑕城。乃如河上。秦伯誘而殺之。晉侯逆夫人嬴氏以歸。【詰】服虔云：

嬴，公女。史記集解：秦伯送衛於晉三千人。【詰】高誘淮南王書注：衛猶護助也。韓非子云：穆公以疇騎三千。

輔公子重耳入之于晉，即指此事。實紀綱之僕，初，晉侯之豎頭須守臧者也。【詰】顏師古禮樂志注：古

書懷藏之事。本皆作臧。徐鉉曰：漢書通用臧字。从草，後人所加。今諸刊本並作藏。此依釋文石經改正。

下並同。其出也，竊臧以逃。【詰】韓詩外傳：晉文公亡過曹，里須免從，因盜重耳資而亡。按杜注：頭須一

曰里免須。卽本此。盡用以求納之。及入求見。公辭焉。以沐。謂僕人曰。沐則心覆。心覆則圖反。宜吾不得

見也。居者爲社稷之守。行者爲羈縻之僕。其亦可也。何必罪居者。國君而讎匹夫。懼者甚衆矣。釋文甚本或作

其。僕人以告。公遽見之。狄人歸季隗于晉。而請其二子。文公妻趙衰。生原。同屏括。摟嬰。趙姬請逆。盾與

其母。子餘辭。姬曰。得寵而忘舊。何以使人。必逆之。罔請許之。來以盾爲才。罔請于公。以爲嫡子。而使其

三子下之。以叔隗爲內子。而已下之。晉侯賞從亡者。介之推大戴禮作介山之推不言祿。祿亦弗及。推曰。獻公

之子九人。惟君在矣。惠懷無親。外內棄之。天未絕晉。必將有主。主晉祀者。非君而誰。天實置之。史記置作開

而二三子以爲己力。不亦誣乎。竊人之財。猶謂之盜。況貪天之功。以爲己力乎。下義史記作冒其罪。上賞其

姦。上下相蒙。詁服虔云蒙欺也。史記集解難與處矣。其母曰。盍亦求之。以死誰對。對曰。尤而效之。罪

又甚焉。且出怨言。不食其食。史記作祿。其母曰。亦使知之。若何。對曰。言身之文也。身將隱。焉用文之。史記下

字。是求顯也。其母曰。能如是乎。與女偕隱。詁詩毛傳。偕俱也。杜本遂隱而死。晉侯求之不獲。以縣上

爲之田。詁賈逵云。縣上晉地。同。郡國志。太原郡界休有縣。上聚。杜同。曰。以志吾過。且旌善人。詁賈

逵云。旌表也。同上。杜鄭之入滑也。滑人聽命。師還。又卽衛。鄭公子士泄堵俞彌帥師伐滑。詁按岳

本以公子士絕句。二十年注。公子士。鄭文公子。泄堵。衞鄭大夫。此注云。堵俞彌。鄭大夫者。泄。姓見前。不須更舉也。从岳本爲是。王使伯服游孫伯如鄭請滑。詁賈逵云。二子。周大夫。同上。杜按史記。鄭世家

作伯彌。案隱云。彌音服。今考後漢書皇甫嵩傳。董卓謂嵩曰。義真彌未乎。注云。彌音服。說文曰。彌牛乘

馬。鄭伯怨惠王之入而不與厲公爵也。【詁】服虔云。惠王以后之鞏。繼與鄭厲公而獨與虢公玉爵。同上。

又怨襄王之與衛滑也。【詁】賈逵云。滑。小國。近鄭。世世服而更違叛。鄭師伐之。聽命後自愆于王。王以

與衛。故不聽王命而執二子。有釋文。一本二字上。王怒。將以狄伐鄭。富辰諫曰。不可。臣聞之。大上以德

撫民。其次親親以相及也。【詁】鄭元禮記注以太上為帝皇之世。其次謂三王以來。按此亦當同。昔周

公用二叔之不咸。【詁】鄭衆賈逵皆以二叔為管叔蔡叔。傷其不和睦。而流言作亂。故封建親戚。鄭元

詩箋亦然。本疏。賈逵云。二叔管蔡。詩疏。詩毛傳。傷也。鄭箋。咸。同也。按二叔。馬融以為夏殷叔世。杜注。蓋用

馬說。今考晉書秦秀傳。周公弔二季之陵遲。秀與杜預同時。蓋亦主馬說。然究以鄭賈義為長。故封建

親戚。【詁】小爾雅。廣。詁。咸。近也。以蕃屏周。管蔡。鄭霍。王符論。引作成。魯衛毛聃。邽雍。【詁】京相璠曰。今河內山

陽西有故雍城。水經。郡國志。山陽邑有雍城。杜同。曹滕。畢原。鄭邠。【詁】說文。邠。周文王所都。在京兆杜

陵西南。邠。周武王子所封國。在晉地。地理志。邠。作柁。按周武王子。武字。蓋文字之誤。文之昭也。邠。【詁】

京相璠曰。今野王西北三十里。有故邠城。邠。是也。水經。郡國志。河內郡。野王有邠城。杜同。晉應韓。

【詁】郡國志。河東郡。河北有韓城。潁川郡。父城有應鄉。杜同。武之穆也。凡蔣邢茅胙祭。【詁】郡國志。汝

南郡。期思有蔣鄉。故蔣國。高平侯國。有茅鄉城。東郡。燕有胙城。故胙國。王符論。作芣。京相璠曰。今高

平縣西三十里有故茅鄉者也。

杜並本此

周公之允也。召穆公思周德之不類。【詁】服虔云。穆公召康公十

六世孫。然康公與成王同時。穆公與厲王並世。而世數不同者。生子有早晚。壽命有短長故也。詩又云。疏

召穆公王卿士。

上同爾雅類善也。杜本此。

故糾合宗族于成周。而作詩。【詁】韋昭國語注。糾。收也。杜本此。曰常

棣之華。鄂不韡韡。凡今之人。莫如兄弟。其四章曰。兄弟鬩于牆。外禦其侮。【詁】詩毛傳。鬩。很也。按杜注

云。訟爭兒。乃隨文生訓。究當從毛傳本訓爲是。如是則兄弟雖有小忿。不廢懿親。【詁】爾雅。懿。美也。杜本

此。今天子不忍小忿。以棄鄭親。其若之何。庸勸親親。暱近尊賢。德之大者也。【詁】詩毛傳。庸。用也。孫炎

爾雅注。暱。親近也。杜本此。卽聾從昧。與頑用鬪。姦之大者也。弃德崇姦。禍之大者也。【詁】廣雅。崇。聚也。杜本

此。鄭有平惠之勳。又有厲宣之親。【詁】服虔云。母弟。詩疏。杜取此。棄嬖寵。而用三良。於諸姬爲近。四德具矣。

耳不聽五聲之和。爲聾。目不別五色之章。爲昧。心不則德義之經。爲頑。口不道忠信之言。爲鬪。狄皆則

之。四姦具矣。周之有懿德也。猶曰莫如兄弟。故封建之。其懷柔天下也。猶懼有外侮。扞禦侮者。莫如親

親。故以親屏周。召穆公亦云。今周德既衰。於是乎又渝周召。以從諸姦。無乃不可乎。民未忘禍。王又興

之。其若文武何。王弗聽。使積叔桃子釋文本。或作姚。出狄師。夏狄伐鄭。取櫟。王德狄人。將以其女爲后。富辰

諫曰。不可。臣聞之曰。報者倦矣。施者未厭。狄固貪。憚。文選注。作饕。【詁】釋文。引方言。殺人取財曰憚。說文云

內之北謂貪爲憚。又曰。饕。貪也。从女林聲。杜林說卜者。黨相詐驗爲饕。讀若潭。王又啓之。女德無極。婦

怨無終。狄必爲患。王又弗聽。初，甘昭公有寵于惠后。〔詰〕洛陽記：河南縣西南二十五里，有水出焉，北

流入洛山，上有甘城，卽甘公采邑。史記正義：水經注：甘水出宏農宜陽縣鹿驪山東北，至河南縣南，北入洛。

京相璠曰：甘水，西山上夷汙而平，有故甘城，在河南城西二十五里。又云：河南縣西有甘水，北入洛。本

此。惠后將立之，未及而卒。昭公奔齊。王復之，又通于隗氏。王替隗氏，積叔桃子曰：我實使狄，狄其怨我。

遂奉太叔，以狄師攻王。王御士將禦之，王曰：先后其謂我何？寧使諸侯圖之。王遂出。及坎飲。〔詰〕京相

璠曰：鞏東地名坎飲，在泃水東，服虔以爲鞏東邑名也。水經：郡國志作坎瑒，注引左傳同。按水經注，稱

晉書地道記：晉太康地志云：坎瑒聚在鞏西。按杜注云：在縣東，蓋承京服之舊。實則聚在縣西南也。國

人納之。秋，頽叔桃子奉大叔以狄師伐周，大敗周師，獲周公忌父、原伯毛、伯富辰。王出適鄭，處于汜。

〔詰〕郡國志：潁川郡襄城有汜城。杜同此。按史記高祖本紀：度兵汜水。正義云：汜音祀，在成皋故城東，今

土人尚呼爲汜。祀，水與此自別。太叔以隗氏居于溫。鄭子華之弟子臧出奔宋，好聚鷓冠。〔詰〕燕棟

曰：臧一作述。知天文者冠之，述或作鷓，顏師古以爲子臧好與術士游，然按下文服之不衷，則不必如

顏說也。鄭伯聞而惡之，使盜誘之。八月，盜殺之于陳宋之間。君子曰：服之不衷，身之災也。詩曰：彼已之

子，不稱其服。子臧之服。釋文：之服，一本作之及。不稱也。夫詩曰：自詒伊感。〔詰〕爾雅：詒，遺也。廣雅：感，憂也。杜本此。其

子臧之謂矣。夏書曰：地平天成，稱也。宋及楚平，宋成公如楚，還入於鄭。鄭伯將享之，問禮於臯武子。

對曰。宋先代之後也。於周爲客。天子有事。膳焉。【詁】五經異義。宗廟之肉。名曰膳。釋文。周禮又作籩字。音義同。按說文。籩。宗廟火熟肉。从肉。从災。番聲。廣雅。籩。肉也。春秋傳曰。天子有事。膳焉。以饋諸侯。同姓。今考異姓。惟二王後得與賜。有喪。拜焉。豐厚可也。鄭伯從之。享宋公有加禮也。冬。王使來告難。曰。不穀不德。得罪于母之寵子。帶。鄙在鄭地。汜。敢告叔父。【詁】按淳化本無弟字。今从刪去。按五年會于首止。傳文。孔氏正義。引此作得罪于母氏。則弟字當爲氏字之誤也。臧文仲對曰。天子蒙塵于外。敢不奔問。官守。王使簡師。父告于晉。使左鄆。父告于秦。天子無出書。曰。天王出居于鄭。辟母弟之難也。天子凶服降名禮。【詁】鄭伯與孔將鉏。石甲。侯宣多。【詁】廣韻。引作甲石父。按甲在石上。此傳寫之誤。何焯以爲古本如是。惠氏校本輒據之。非也。省視官具于汜。而後聽其私政。禮也。【詁】戰國策曰。天子巡守。請候辟舍。納筮。鑿。攝。枉。抱。几。視膳于堂下。天子已食。而退聽朝也。按鄭伯蓋行是禮。衛人將伐邢。禮至。曰。不得其守。國不可得也。我請昆弟仕焉。乃往得仕。

二十五年春。衛人伐邢。二禮從國子巡城。掖以赴外。殺之。【詁】說文。掖。以手持人臂。投地也。按杜無注。故采說文補之。釋文。稱許慎作以手持人臂。曰掖。無投地二字。今本說文有之。今考掖無投地之義。惟此傳掖以赴外。可從此訓。疑說文本因春秋傳此文爲訓也。詩。衡門。正義引傳作持以赴外。謂持其臂而投之城外也。正月丙午。衛侯燬滅邢。同姓也。故名禮。至爲銘曰。余掖殺國子。莫余敢止。秦伯師于河。

上將納王。狐偃言於晉侯曰：「求諸侯莫如勤王。」諸侯信之，且大義也。繼文之業，而信宣於諸侯，今爲可矣。使卜偃卜之，曰：「吉。」遇黃帝戰于阪泉之兆。【註】服虔云：阪泉地名。史記集解公曰：「吾不堪也。」對曰：「周禮未

改，今之王，古之帝也。」公曰：「筮之遇大有三三之賁，三三曰吉，遇公用享于天子之卦，戰克而王饗，

吉孰大焉？且是卦也，天爲澤以當日，天子降心以逆公，不亦可乎？大有去賁而復，亦其所也。」晉侯辭秦

師而下，三月甲辰，次于陽樊。【註】服虔云：陽樊，周地，陽邑名也。樊，仲山之所居，故曰陽樊。上右師圍溫，

左師逆王。夏四月丁巳，王入于王城，取大叔于溫，殺之于隰城。【註】京相璠曰：隰城，在懷縣西南。水

注：郡國志，河內郡懷有隰城。戊午，晉侯朝王，王享醴。釋文及石經製作享命之宥。晉語【註】按宥與右

同。說文及字書，右助也。鄭元周禮注，右讀爲侑，侑勸尸食而拜，是右亦有勸意，杜蓋本此。下二十八年

傳，卽作侑。知右宥侑古字皆通也。請隧，弗許。【註】說文：隧，兩阜之間也。賈逵周語注：闕地通路曰隧。杜

取此曰：「王章也。」【註】周官冢人，以度爲丘隧。鄭元注：隧，葬道也。正義云：天子有隧，道諸侯以下有葬道。隧

道則上有負土，葬道則無負土。按隧則闕地通路，惟天子始克爲之。故云「王章者，葬卽不過築墓道，使

通間隙，何以知之？」鄭注考工記，玉人云：「羨，猶延也。爾雅：延，間也。郭璞注以爲間隙是矣。羨道，亦可容人，

史記：衛世家，共伯入，釐侯羨自殺，可知諸侯有羨道矣。蓋隧道寬，羨道窄。一有負土，一無負土。鄭注訓

隧，羨道爲一，似誤。未有代德而有二王。【註】周書芮良夫曰：「觀天下有土之君，厥德不遠，罔有代德。按

代德二字始見此。亦叔父之所惡也。與之陽樊温原攢茅之田。禮諸刊本。從手旁誤。【詁】郡國志河內郡。軹有原

鄆。修武。故南陽有陽樊攢茅田。晉於是始啓南陽。【詁】馬融曰。晉地。自朝歌以北至中山爲東陽。朝歌

以南至軹爲南陽。水經注。杜本此。陽樊不服。圍之。倉葛呼曰。德以柔中國。刑以威四夷。宜吾不敢服也。此誰非

王之親姻。其俘之也。乃出其民。秋。秦晉伐都。【詁】按都在秦楚界上。與晉地縣隔。且晉文方啓南陽

圍樊圍原。何暇會秦遠伐小國。傳中無一語及晉。可見晉字爲衍文。杜注云。不復言晉。秦爲兵主。此亦

曲爲之解。楚鬪克屈禦寇以申息之師戍商密。秦人過析隈。【詁】郡國志南陽郡丹水有章密。鄉析。故

楚白羽邑。杜本此。說文隈水曲。高誘淮南王書注。隈。曲深處也。杜注略同。入而係輿人。以圍商密。昏而傅焉。宵

坎血加書。僞與子儀子邊盟者。商密人懼曰。秦取析矣。戍人反矣。乃降秦師。秦師囚諸本皆誤作囚。今從石經改正。申

公子儀。息公子邊以歸。楚令尹子玉追秦師。弗及。遂圍陳。納頓子于頓。冬。晉侯圍原。命三日之糧。原

不降。命去之。謀出。【詁】說文。謀。軍中反間也。杜本此。曰。原將降矣。軍吏曰。請待之。公曰。信國之寶也。民之

所庇也。得原失信。何以庇之。所亡滋多。退一舍而原降。邊原伯貫于冀。趙衰爲原大夫。狐溱爲温大夫。

衛人平莒于我。十二月盟于洮。修衛文公之好。且及莒平也。晉侯問原守於寺人勃鞞。【詁】後漢

書。宦者傳曰。其能者則勃鞞管蘇。有功于楚。晉注云。勃鞞。卽寺人拔。一名勃鞞。字伯楚。李善文選注。以

勃鞞爲履鞮。對曰。昔趙衰以壺飧從徑。釋文以從字絕句。蓋從劉炫規過。【詁】高誘淮南王書注。徑。行也。杜本。韓非子

曰箕鄭挈蠶殄而從，餒而弗食，故使處原。

二十六年春王正月公會莒茲不，公甯莊子盟于向，尋洮之盟也。齊師侵我西鄙，討是二盟也。夏齊

孝公伐我北鄙，衛人伐齊，洮之盟故也。公使展喜犒師。【詰】外傳作禽乙，喜以青沐犒服虔云，以師枯

槁，故餽之飲，禽勞苦謂之勞也。水經說文無犒字，惠棟云，謹按禮記，犒非古字，古文作羸，或作犒，張揖

撰廣雅，始从牛旁，高洪氏隸續載漢碑有勞犒之語，爾與犒同。公羊注云，牛酒曰犒，故其字一从牛，一

从酉，漢隸皆然，非古文也。周禮小行人云，若國師役則令犒，禮之注云，故書犒爲羸，鄭司農云，羸當爲

犒，謂犒師也。先鄭不言字誤，明古犒字本作羸，或作犒，與服子慎枯槁之說合。張有復古編云，犒，餉也。

从金高，別作犒，非。五經文字注，勞師借犒字爲之。按說文，鑄，溫器也，以鑄爲犒，勞字無據。使受命于展

禽。【詰】高誘淮南注，柳下惠嘗大夫，展無佞之子，名獲，字禽，家有大柳樹，因號柳下惠。藝文類聚作許

慎。注，後卽駭。古字同。齊侯未入竟，展喜從之曰，寡君聞君親舉玉趾，將辱於敝邑，使下臣犒執事。齊侯曰，魯人

恐乎？對曰，小人恐矣。文選注，作小人則恐。君子則否。齊侯曰，室如懸磬。【詰】服虔云，言宮室皆發撤，榱椽在如縣

磬。孔晁曰，縣磬，但有柄無覆本。按章昭國語注，卽用服義。野無青草，何恃而不恐？對曰，恃先王之命。昔

周公大股肱周室，夾輔成王，成王勞之而賜之盟，曰，世世子孫無相害也。載在盟府，大師職之。【詰】

爾雅，職，主也。杜本按，吾友武進士億云，師當作史，擊之誤也。杜注非。桓公是以糾合諸侯而謀其不協。

彌縫其闕而匡救其災。昭舊職也。及君即位，諸侯之望曰：其率桓之功。【詁】爾雅：率，循也。此本我敝邑用不敢保聚。石經用下曰：豈其嗣世九年而弃命廢職，其若先君何？君必不然，特此以不恐。齊侯乃還。

東門襄仲、臧文仲如楚，乞師。臧孫見子玉而道之伐齊，宋以其不臣也。夔子不祀，祝融與鬻熊潛夫

論作【詁】服虔云：夔，楚熊渠之孫，熊擊之後，夔在巫山之陽，旃歸鄉。史記集解：楚人讓之。對曰：我先王熊擊

有疾，鬼神弗赦，而自竄于夔。吾是以失楚。又何祀焉。【詁】譙周古史考：熊渠卒，子熊翔立，卒，長子擊有

疾，少子熊延立。史記按：熊延即楚之先也。故夔子以為失楚。秋，楚成得臣鬪宜申帥師滅夔，以夔子歸。

宋以其善於晉侯也，叛楚即晉。冬，楚令尹子玉司馬子西帥師伐宋，圍緡。公以楚師伐齊，取穀。凡師

能左右之曰以。【詁】正義以之於言所涉甚多，劉賈許續既不守例為斷，又不能盡通諸以，惟雜取晉

人執季孫以歸。劉子單子以王猛居于臯，尹氏毛伯以王子朝奔楚。隨示以義數事而已。又云：諸稱以

皆小以大下以上，非其宜也。本疏：寘桓公子雍於穀，易牙奉之以為魯，援楚申公叔侯戍之。桓公之子七

人為七大夫於楚。

二十七年春，杞桓公來朝，用夷禮。故曰：子公卑杞，杞不共也。夏，齊孝公卒，有齊怨，不廢喪紀，禮也。秋，

入杞責禮也。釋文責禮，本或作責無禮，非。按：淳化本已下，皆作責無禮，今從釋文。石經刪定。楚子將圍宋，使子文治兵於睢，終朝而畢，不戮

一人。子玉復治兵於蔞，終日而畢，鞭七人，貫三人耳。【詁】按：說文：耳，字云：軍法以矢貫耳也。从耳，从矢。

司馬法曰：小罪眚，中罪則大罪，則正義所解非是。國老皆賀子文，子文飲之酒，薦賈尚幼。【註】按高誘淮南王書注云：孫叔敖楚大夫，遠賈伯盈子，今考下傳作伯贏，遠賈，盈贏古字通，廣雅幼少也。杜本又此。

按賈蓋食邑于蔣，故以爲氏，傳上云治兵于蔣，杜注蔣楚地是也。後至不賀子文問之，對曰：不知所賀。

子之傳政於子玉，曰：以靖國也。靖諸內而敗諸外，所獲幾何？子玉之敗，子之舉也。舉以敗國，將何賀焉。

子玉剛而無禮，不可以治民。過三百乘，其不能以入矣。苟入而賀，何後之有？冬，楚子及諸侯圍宋。

公孫固如晉告急，先軫曰：報施救患，取威定霸，於是乎在矣。狐偃曰：楚始得曹而新婚於衛，若伐曹衛，

楚必救之，則齊宋免矣。於是乎蒐于被廬，作三軍。【註】王肅云：始復成國之禮，半周軍也。史記集解：謀

元帥趙衰曰：郤穀可。臣亟聞其言矣。說禮樂而敦詩書，詩書義之府也。禮樂德之則也。德義利之本也。

夏書曰：賦納以言，明試以功，車服以庸。君其試之。【註】古本作數納，以言明庶以功，數作賦，庶作試。師

授不同古字，改易耳。杜本馬融尚書注：庸，功也。疏乃使郤穀將中軍，卻縠佐之，使狐偃將上軍，讓於狐

毛而佐之，命趙衰爲卿，讓於欒枝，先軫使欒枝將下軍，先軫佐之。【註】賈逵云：欒枝，欒賈之孫，章昭國

語注：欒共子之子。同上。杜荀林父御戎。【註】世本晉大夫逝邀生桓伯林父，魏驪爲右。【註】按說文有

擊字，無擊字，張有復古編云：俗作擊，非五經文字。反云作擊訛，非矣。晉侯始入而教其民，二年欲用之。

子犯曰：民未知義，未安其居。於是乎出定襄王，入務利民，民懷生矣。將用之。子犯曰：民未知信，未宣其

用於是乎伐原以示之信。民易資者，不求豐焉。明徵其辭，公曰：可矣乎？子犯曰：民未知禮，未生其共，於是乎大蒐以示之禮。作執秩以正其官。民聽不惑，而後用之。出穀戍，釋宋圍，一戰而霸。文之教也。

二十八年春，晉侯將伐曹，假道於衛。衛人弗許，還自南河濟。【詁】服虔云：南河，濟南之東南流河也。史記集解

水經注：河水又逕東燕縣故城，河水于是有棘津之名，又謂之石濟，故南津也。春秋僖公二十八年還

自南河濟，即此。侵曹，伐衛。正月戊申，取五鹿。二月，晉郤穀卒，原軫將中軍，胥臣佐下軍。【詁】服虔云：胥

臣，白季也。同上。杜取此。上德也。晉侯齊侯盟于斂孟。衛侯請盟，晉人弗許。衛侯欲與楚，國人不欲，故出其君，

以說于晉。衛侯出居于襄牛。【詁】服虔云：襄牛，衛地也。同上。杜取此。公子買戍衛，楚人救衛，不克。公懼於晉，

殺子叢以說焉。【詁】按：上言公子買，下言子叢，則子叢自係買之字。正義以為或字相近而譌，非也。說

文說說釋也。謂楚人曰：石經宋本並無。不卒戍也。晉侯圍曹，門焉多死。曹人尸諸城上，晉侯患之。聽

輿人之謀曰：稱舍於墓。正義謀字。或作誦。【詁】鄭玄周禮注：輿，衆也。杜本此。師遷焉。曹人兇懼。【詁】說文：兇，擾恐

也。春秋傳曰：曹人兇懼。按：荀子天論篇：君子不爲小人匈匈也。輟行，楊倞注曰：匈匈，喧譁之聲。爲其所

得者，棺而出之。因其兇也而攻之。三月丙午，入曹，數之，以其不用億負羈，而乘軒者三百人也。且曰：獻

狀。【詁】按：外傳云：文公誅觀狀，獻狀，觀狀也。令無入億負羈之宮，而免其族，報施也。魏嬖顛頡怒曰：勞

之不圖，報於何有？藝億負羈氏。【詁】說文：燕，燒也。春秋傳曰：燕億負羈，魏嬖傷於匈。【詁】說文：匈，脅也。

从勺凶聲。又作胃。復古編云。俗作胸。胃非。按唐石經昭二十七年傳。鉞交于胃。初刻正作匈字。今據改。公欲殺之。而愛其材。使問。且視之病。將殺之。魏鱸東甸見使者曰。以君之靈。不有寧也。【詰】惠棟云。劉炫規過以傷爲寧。不有寧。謂不有損傷。古人多反語。如甘爲苦。治爲亂。皆是。以傷爲寧。亦有理。距躍三百。曲踊三百。【詰】廣雅。躍踊皆跳也。按杜注。百猶勵也。無此義訓。今考百迫古字通。廣雅。迫急也。蓋皆言其急遽無序耳。又應劭風俗通。涉始於足。足率長十寸。十寸則尺。躍三尺。法天地人。再躍則涉。三百或當作三尺。古人跳躍之法如此耳。乃舍之。殺顛頤以徇于師。【詰】商子賞刑篇。晉文公將欲明刑。顛頤後至。請其罪。君曰。用事焉。吏遂斷顛頤之脊。以殉晉國之士。稽焉皆懼曰。顛頤之有寵也。斷以殉。况於我乎。立舟之僑。以爲戎右。宋人使門尹般如晉師告急。外傳般公曰。宋人告急。舍之則絕。告楚不許。我欲戰矣。齊秦未可。若之何。先軫曰。使宋舍我。而賂齊秦。藉之告楚。我執曹君。而分曹衛之田。以賜宋人。楚愛曹衛。必不許也。喜路怒頑。能無戰乎。公說。執曹伯。分曹衛之田。以畀宋人。楚子入居于申。使申叔去穀。使子玉去宋。曰。無從晉師。晉侯在外。十九年矣。【詰】按史記晉世家。重耳出亡。時年四十三。凡十九歲而得入。年六十二。而杜注則本晉語。言晉侯生十七年而亡。十九年而反。凡三十六年。至此四十矣。今考夷吾爲重耳之弟。夷吾之子圉。以僖十七年出質于秦。秦卽妻之。至小亦當年十五六。自僖十七年至二十八年。又及十二年。則懷公此時若在。亦當年近三十。安得重耳爲其伯父。年止四十也。

明重耳之年。當以晉世家爲實。晉語及杜。並非也。况昭十三年。叔向言文公生十七年。有士五人。是文公生十七年。卽能得士。非卽以是年出亡也。杜又確指戰城濮之年。謂文公年正四十。可云鑿而妄。而果得晉國險阻艱難。備嘗之矣。民之情僞。盡知之矣。天假之年。【詁】按云。天假之年。益可知。文公此時年齒。必非壯盛。而除其害。天之所置。其可廢乎。軍志曰。允當則歸。又曰。知難而退。又曰。有德不可敵。此三志者。晉之謂矣。子玉使伯棼請戰。曰。非敢必有功也。願以間執讒慝之口。【詁】服虔云。子玉非敢求有大功。但欲執駑賈讒慝之口。謂子玉過三百乘不能入。上同。按釋文引韓詩。執服也。此問執義亦同。杜性非也。王怒少與之師。惟西廣東宮與若敖之六卒實從之。子玉使宛春告於晉師曰。唐石經初刻。師本【詁】賈逵云。楚大夫同。上請復衛侯而封曹。臣亦釋宋之圍。子犯曰。子玉無禮哉。君取一。臣取二。不可失矣。先軫曰。子與之。定人之謂禮。楚一言而定三國。我一言而亡之。我則無禮。何以戰乎。不許楚言。是弃宋也。救而弃之。謂諸侯何。楚有三施。我有三怨。怨讎已多。將何以戰。不如私許復曹衛以攜之。【詁】韋昭國語注。攜。離也。杜本此。執宛春以怒楚。旣戰而後圖之。公說。乃拘宛春於衛。且私許復曹衛。曹衛告絕於楚。子玉怒。從晉師。晉師退。軍吏曰。以君辟臣辱也。且楚師老矣。何故退。子犯曰。師直爲壯。曲爲老。豈在久乎。微楚之惠不及此。退三舍辟之。所以報也。背惠食言。【詁】孫炎爾雅注。食言之僞也。書疏。下年等並同。以亢其讎。【詁】廣雅。亢當也。杜本此。我曲楚直。其衆素飽。不可謂老。我退而楚還。我將何求。若其不

還君退臣犯。曲在彼矣。退三舍。楚衆欲止。子玉不可。夏四月戊辰。晉侯宋公齊國歸父崔夭秦小子憇。次于城濮。楚師背鄴而舍。晉侯患之。聽輿人之誦曰。原田每每。【註】說文。每。草盛上出也。徐鉉等按左傳原田每每。今別作每。非。廣雅。腓。肥也。腓。通作每。按每亦當謂田之肥美。杜注似采說文。而以爲

喻晉軍之美。盛則失之。舍其舊而新是謀。公疑焉。子犯曰。戰也。戰而捷。必得諸侯。若其不捷。表裏山河。

必無害也。公曰。若楚惠何。欒貞子曰。漢陽諸姬。楚實盡之。思小惠而忘大恥。不如戰也。晉侯夢與楚子

搏。楚子伏己而鹽其腦。【註】服虔云。如俗語相罵云。嗟汝腦。本疏。杜說文。頭髓也。从匕。匕相匕箸也。

考工記。工人燧子割。割同移。匕字在右耳。俗作膾。非。論衡下。靈篇云。晉文公與楚子戰。夢與成王搏。成

王在上而鹽其腦。占曰。凶。咎犯曰。吉。君得天。楚伏其罪。鹽君之腦者。柔之也。按或以伏字絕句者。非。是

以懼。子犯曰。吉。我得天。楚伏其罪。吾且柔之矣。子玉使鬬勃請戰。曰。請與君之士戲。君馮軾而觀之。得

臣與寓目焉。【註】鄭玄禮記注。寓。寄也。杜本。晉侯使欒枝對曰。寡君聞命矣。楚君之惠。未之敢忘。是以

在此。爲大夫退。其敢當君乎。既不獲命矣。敢煩大夫。謂二三子。戒爾車乘。敬爾君事。詰朝將見。晉車七

百乘。鞞鞞鞅鞅。【註】說文。鞞。著掖鞞也。鞞。引軸也。鞅。頸粗也。廣雅。馬鞅。謂之鞅。說文。絆。馬繫也。釋文。絆。

一云繫也。毛傳。繫。絆也。鞞。絆字同。按陸德明引說文云。鞞。軸也。鞅。頸皮也。皆與今本說文小異。惠棟云。

鞞。古文以爲鞞。故傳作鞞。从古文省。晉侯登有莘之虛。以觀師。曰。少長有禮。其可用也。遂伐其木以益

其兵已已。晉師陳于莘北。胥臣以下軍之佐當陳。蔡子玉以若敖之六卒將中軍。曰：「今日必無晉矣。」西將左子將右，胥臣蒙馬以虎皮，先犯陳蔡。陳蔡奔，楚右師潰。狐毛設二旆而退之，欒枝使輿曳柴而僞遁。楚師馳之，原軫卻縠以中軍公族橫擊之。狐毛狐偃以上軍夾攻子西，楚左師潰。楚師敗績，子玉收其卒而止，故不敗。晉師三日館穀，及癸酉而還。甲午，至于衡雍。外傳作衡羅，水經注同。【詁】郡國志河南郡卷有垣雍城道元云：「史記所記韓獻秦垣雍是也。」杜本作王宮于踐土。【詁】服虔云：「既敗楚師，襄王自往臨踐土，賜命晉侯，晉侯聞而爲之作宮。」史記集解鄉役之三月。【詁】說文：「鄉，不久也。」春秋傳曰：「鄉役之三月。」按今鄉作鄉，杜注猶屬也。義並通。釋文云：「鄉亦作鄉。」鄭伯如楚，致其師，爲楚師既敗而懼，使子人九行成于晉，晉欒枝入盟。鄭伯五月丙午，晉侯及鄭伯盟于衡雍。丁未，獻楚俘于王，駟介百乘，徒兵千。鄭伯傅王用平禮也。【詁】服虔云：「駟介，駟馬被甲也。」徒兵，步卒也。同廣雅：「傅，相也。」杜取己酉，王享醴，命晉侯宥。王命尹氏及王子虎。【詁】賈逵云：「周大夫。」同內史叔與父。鄭衆周禮內史注引春秋傳作內史與父。策命晉侯爲侯伯。【詁】鄭司農云：「策謂以簡策書王命。」同賜之大輅之服，彤弓一，彤矢百，旅弓矢千。【詁】賈逵云：「大輅，金輅形，彤弓赤，旅弓黑也。」諸侯賜弓矢，然後征伐。同服虔云：「矢千則弓十。」詩章昭國語注及袁紹傳注引左傳並作旅弓十，旅矢千。按石經旅弓，弓字下旁增十字，旅字當是別本有之。後人據以增入。然考服注云：「則是本無十旅二字矣。」今仍從舊本，不敢據增。桓鬯一卣，虎賁三百人。【詁】賈逵云：「桓」

黑黍，鬯酒也。所以降神。鬯，器名。諸侯賜圭瓊，然後爲鬯。天子卒曰虎賁。史記曰：王謂叔父敬服王命。

以綏四國，糾迷王慝。【詰】孔安國書傳：迷，遠也。杜本衛鞅碑云：糾別王慝。蘇棟曰：按魯攻狄，彼東南，鄭

箋云：狄當爲剔，剔，治也。迷與狄同。古文作過，又與剔通。故或訓爲遠，或訓爲治。此傳當從古文作過。訓

爲治。晉侯三辭從命，曰：重耳敢再拜稽首，奉揚天子之丕顯休命。【詰】賈逵云：稽首首至地也。同孔安國

書傳：丕，大也。休，美也。杜取受策以出，出入三覲。衛侯聞楚師敗懼，出奔楚，遂適陳，使元咺奉叔武以

受盟。癸亥，王子虎盟諸侯于王庭。【詰】服虔云：王庭，踐土也。同上杜要言曰：皆獎王室，無相害也。有淪

此盟，明神殛之。【詰】韋昭國語注：獎，成也。虞翻易注：淪，變也。爾雅：殛，誅也。杜本俾隊其師，無克祚國。

【詰】詩毛傳：俾，使也。高誘淮南王書注：隊，隕也。爾雅：克，能也。杜本及而玄孫，諸刊本而誤無有老幼。君

子謂是盟也信，謂晉於是役也，能以德攻。初，楚子玉自爲瓊弁玉纓。【詰】釋文：弁本又作玠。說文：瓊

美玉也。春秋傳曰：瓊弁玉纓。按說文：瓊，美玉也。瓊，赤玉也。毛傳云：瓊，玉之美者。則瓊亦玉之總名。故左

傳亦轉作瓊。張衡集引作瓊弁玉纓。與說文同。薛綜曰：弁，馬冠也。又髦以瓊玉作之。纓，馬鞅，以玉飾之。服

虔云：謂馬飾。禮記未之服也。先戰，夢河神謂己曰：畀余。余賜女孟諸之麋。【詰】地理志：梁國睢陽，孟諸

澤在東北青州。按禹貢作孟豬。正義曰：左傳爾雅作孟諸。周禮作望諸。聲轉字異。正是一地也。詩毛

傳：水草交謂之麋。杜本弗致也。大心與子西使榮黃諫，弗聽。榮季曰：死而利國，猶或爲之。況瓊玉乎？是

糞土也。而可以濟師。將何愛焉。弗聽。出告二子曰：「非神敗令尹，令尹其不勤民，實自敗也。」既敗，王使謂之曰：「大夫若入，其若申息之老何？」子西孫伯曰：「得臣將死，二臣止之，曰：『君其將以爲戮。』及連穀而死，晉侯聞之，而後喜可知也。」曰：「莫余毒也已。」爲呂臣實爲令尹，奉已而已，不在民矣。或訴元咺於衛侯，曰：

【詁】姓冀，其先食采於元，因氏焉。今元城是也。立叔武矣，其子角從公，公使殺之，咺不廢命，奉夷叔以入守。【詁】諡法，克殺乘政曰夷，又安心好靜曰夷。六月，晉人復衛侯，甯武子與衛人盟于宛濮。水經注，作莞濮。

【詁】京相璠曰：衛地也。水經地理志，陳留郡封丘濮渠水首受涉東北至都關入羊里水，道元云：濮渠

側有漆城，或亦謂之宛濮亭。曰：天禍衛國，君臣不協，以及此憂也。今天誘其衷。【詁】韋昭國語注：衷，中

也。杜本此。使皆降心以相從也。不有居者，誰守社稷。不有行者，誰扞牧圉。【詁】高誘淮南王書注：牧，圉，養

馬者。杜本此。不協之故，用昭乞盟于爾大神，以誘天衷。自今日以往，既盟之後，行者無保其力，居者無懼

其罪，有渝此盟，以相及也。明神先君是糾，是殛，國人聞此盟也，而後不貳。衛侯先期入，甯子先，長牂守

門，以爲使也。與之乘而入，公子歆，犬華，仲前驅，叔武將沐，聞君至。諸刊本：君，誤。作公，今改正。喜，捉髮走出。【詁】說文

捉，搯也。一曰：握也。廣雅：捉，持也。前驅，射而殺之。公知其無罪也，枕之股而哭之。獸犬走出，公使殺之。元

咺出奔晉。城濮之戰，晉中軍風于澤，亡大旆之左旗。【詁】爾雅：繼旆曰旆。周禮：通帛爲旆。杜本：祁，瞞

奸命，司馬殺之，以徇于諸侯，使茅茷代之。師還，壬午，濟河，舟之僑先歸。士會攝右，秋七月丙申，振旅，愷

以入于晉【詁】按釋文曰旅凱劉遠吳都賦注引此正作旅凱今石經及諸刊本並作愷蓋一本作愷也周禮王師大獻則令奏凱樂鄭注引傳振旅愷以入于晉正義愷樂獻功之樂者則晉之振旅愷是也夏官愷樂獻于社鄭司農引春秋傳曰振旅愷以入于晉是作愷相承已久今仍之獻俘受馘飲至大賞徵會討貳殺舟之僑以徇于國民於是大服君子謂文公其能刑矣三罪而民服詩云惠此中國以綏四方不失賞刑之謂也冬會於溫討不服也衛侯與元咺訟甯武子爲輔鍼莊子爲坐【詁】接廣韻箴字注引風俗通曰有衛大夫箴莊子今考宣四年箴尹克黃定四年鍼尹因是箴鍼古字通文選季善注箴古針字士榮爲大夫鄭元周禮注引作大理【詁】鄭衆云士謂主斷刑之官周禮注衛侯不勝殺士榮則鍼莊子謂甯俞忠而免之執衛侯歸之于京師寘諸深室【詁】惠棟曰荀卿子云公侯失禮則幽故寘諸深室甯子職納棗饋焉【詁】爾雅棗棗也說文方言饋糜也杜本按棗祇可置食物杜增一字曰衣糞恐非元咺歸于衛立公子瑕是會也晉侯召王以諸侯見且使王狩仲尼曰以臣召君不可以訓故書曰天王狩于河陽言非其地也且明德也壬申公朝于王所丁丑諸侯圖許晉侯有疾曹伯之豎侯獮貨筮史使曰以曹爲解齊桓公爲會而封異姓今君爲會而滅同姓曹叔振鐸文之昭也先君唐叔武之穆也且合諸侯而滅兄弟非禮也與衛偕命而不與偕復非信也同罪異罰非刑也禮以行義信以守禮刑以正邪若此三者君將若之何公說復曹伯遂會諸侯于許晉侯作三行以禦狄

【詁】服虔云。辟天子六軍。故謂之三行。史記集解荀林父將中行。屠擊將右行。先蔑將左行。【詁】史記作先蔑將右行。按獻公時已有左右行。至此復立中行。

二十九年春。介葛盧來朝。舍于昌衍之上。【詁】史記孔子生魯昌平鄉陬邑。索隱云。昌平鄉號。此。杜本公在

會。饋之芻米。禮也。夏公會王子虎。晉狐偃。宋公孫固。齊國歸。父陳轅濤。塗秦小子憖。盟于翟泉。尋踐

土之盟。且謀伐鄭也。卿不書。罪之也。在禮。卿不會。公侯。會伯子男可也。秋。大雨雹。為災也。冬。介葛

盧來。以未見公。故復來朝。禮之。加燕好。介葛盧聞牛鳴。曰。是生三犧。皆用之矣。張滿列子注引傳云。是生三犧。皆用矣。其音云。問之而信。【詁】賈逵云。言八律之音。聽鳥獸之鳴。則知其嗜欲。生死可知。伯

益明是術。故堯舜使掌朕虞。周失其道。又官在四夷。周禮疏。

三十年春。晉人侵鄭。以觀其可攻與否。狄閒晉之有鄭虞也。夏。狄侵齊。晉侯使醫衍。酈衛侯。甯俞。貨醫。

使薄其醜。不死。公為之請。納玉于王。與晉侯。皆十鼓。【詁】爾雅雙玉曰珩。說文。二玉相合為一珩。珩或

从璽。杜本。王許之。秋。乃釋衛侯。衛侯使賂周。欽治。厘曰。【詁】說文欽。讀若車輪。古今字。詁曰。廬。古勤

字也。俗本誤作廬。苟能納我。吾使爾為卿。周治殺元咺。及子適子儀。公入祀先君。周治既服。將命。周欽

先入。及門。遇疾而死。治廬辭卿。九月甲午。晉侯秦伯圍鄭。以其無禮於晉。且貳於楚也。晉軍函陵。

【詁】按函陵在今河南新鄭縣北十三里。與東汜水甚近。歲壬子及丙辰。余出使兩過其地。狹長如土

【詁】按函陵在今河南新鄭縣北十三里。與東汜水甚近。歲壬子及丙辰。余出使兩過其地。狹長如土

齊且旋轉風曲。若行書函中。與閭鄉函谷關無異。益信古人命名之諱也。秦軍汜南。【詰】水經注所謂東汜者也。佚之狐言於鄭伯曰。國危矣。若使燭之武見秦君。【詰】水經注。泚水下七里。泚水又南。歷燭城。四。即鄭大夫燭之武之邑也。按此以邑名爲氏。然春秋時氏燭者實不止一人。齊景公時有燭。雖見說苑。吳有燭。庸晉有燭。過見子華子。師必退。公從之。辭曰。臣之壯也。猶不如人。今老矣。無能爲也。已。公曰。吾不能早用子。今急而求子。是寡人之過也。然鄭亡。子亦有不利焉。許之。夜縋而出。【詰】廣雅。縋。索也。餘見襄十九年傳。見秦伯曰。秦晉圍鄭。鄭既知亡矣。若亡鄭而有益於君。敢以煩執事。越國以鄙遠。君知其難也。焉用亡鄭以陪鄰。【詰】諸刊本誤。倍。今从石經宋本改正。【詰】廣雅。陪。益也。杜本按新序引傳亦作陪。鄰之厚君之薄也。若舍鄭以爲東道主。【詰】東道。史記作東道。交行李之往來。【詰】賈逵云。理吏也。小行人也。杜本按今本作李。古字同。杜此注及襄八年昭十三年注並取賈說。其其乏困。君亦無所害。且君嘗爲晉君賜矣。許君焦瑕。【詰】京相璠曰。今河東解縣西南五里有故瑕城。按焦城在今陝州南。瑕城在今閩鄉縣西。酈道元云。陝城中有小城。故焦國也。武王以封神農之後于此。朝濟而夕設版焉。君之所知也。夫晉何厭之有。既東封鄭。又欲肆其西封。【詰】廣雅。肆。伸也。申與伸同。杜本不闕秦焉。取之。石經作不闕秦。焉取之。後人旁增將字。孔疏。摘傳文作不闕秦。焉取之。正義并引沈文何云。不闕秦。于不字上旁增若字。焉字上家更何處取之。則古文無此二字。可知今从石經孔疏及宋本刪定。闕秦以利晉。惟君圖之。秦伯說與鄭人盟。使杞子逢孫楊孫戍之。乃還。子犯請擊之。公曰。不可。微夫人之力不及此。因人之力而敝之。

不仁。失其所與。不知。以亂易整。不武。吾其遠也。亦去之。初。鄭公子蘭出奔晉。【詁】服虔云。公子蘭歸。

文公賤妾燕姑之子穆公。鄭逐羣公子。故奔晉也。御覽從於晉侯伐鄭。請無與圍鄭。【詁】服虔云。晉善爾。

不忘本國故也。同上許之。使待命于東。【詁】服虔云。待命于鄭東也。同上鄭石甲侯官多逆。以爲大子。以

求成于晉。晉人許之。冬。王使周公闕來聘。饗有昌歠。【詁】服虔云。昌歠。昌本之薄。周禮韓非子難篇。

文王嗜昌蒲菹。杜本按說文。歠字注云。歠。歠也。从欠。臈聲。玉篇。歠子合才六二切。鳴歠也。亦作齶。又俎

敢切。菹。蒲菹也。蓋本作歠。傳寫譌作歠耳。故釋文亦作在。感反。正義云。昌蒲草。無此別名。殊未深考。今

承寫已久。姑仍之。白黑形。鹽辭曰。國君文足昭也。武可畏也。則有備物之饗。以象其德。薦五味。羞嘉穀。

鹽虎形。【詁】服虔云。剋形。同上鄭司農云。築鹽以爲虎形。周禮以獻其功。吾何以堪之。東門襄仲將聘

于周。遂初聘于晉。【詁】賈服。謂先聘晉。後聘周。本疏

三十一年春。取濟西田。分曹地也。使臧文仲往宿於重館。【詁】韋昭國語注。重。管地。館。候館也。重館人告

曰。晉新待諸侯。必親其共。不速行。將無及也。從之。分曹地。自洮以南。東傳于濟。盡曹地也。【詁】水經注。

今鄆城西南五十里。有姚城。或謂之洮也。按春秋莊十八年。公追戎于濟西。服氏注云。濟西。曹地。京相

璠云。濟水自鉅野至濟北。是魯與曹。當以濟爲界。此云東傳于濟。是也。襄仲如晉。拜曹田也。夏四月。

四。卜郊不從。乃免牲。非禮也。猶三望。亦非禮也。禮不卜常祀。而卜其牲日。牛卜日。曰牲。牲成而卜郊。上

怠慢也。望郊之細也。不郊亦無望可也。秋晉蒐于清原。作五軍以禦狄。趙衰爲卿。冬狄圍衛。衛遷于帝丘。卜曰。三百年衛成公夢康叔曰。相奪予享。【詰】馬融易注。享。祭也。杜本。公命祀相。甯武子不可。鬼神非其族類。不歆其祀。【詰】詩毛傳。歆。饗也。此。杜本。杞郕何事。相之不享於此久矣。非衛之罪也。不可以間成王周公之命祀。請改祀命。鄭泄駕惡公子瑕。鄭伯亦惡之。故公子瑕出奔楚。三十二年春。楚鬬章請平于晉。晉陽處父報之。晉楚始通。夏狄有亂。衛人侵狄。狄請平焉。秋。衛人及狄盟。冬。晉文公卒。庚辰。將殯于曲沃。【詰】說文。殯。死在棺。將遷葬。柩實遇之。从宀。从寶。寶亦聲。出絳。柩有聲如牛。【詰】廣雅。柩。棺也。卜偃使大夫拜曰。君命大事。將有西師過軼我擊之。【詰】高誘淮南王書注。自後過前曰軼。必大捷焉。杞子自鄭使告于秦。曰。【詰】高士傳作杞子。蓋字近而誤。按史記鄭世家。實鄭者。乃鄭司城裨賀。與此傳異。鄭人使我掌其北門之管。【詰】鄭玄禮記注。管。鍵也。按杜注云。鑰也。義亦同。若潛師以來。國可得也。穆公訪諸蹇叔。蹇叔曰。【詰】史記秦本紀曰。穆公問蹇叔百里奚。史記列傳。蹇叔語。皆作二老。曰。公穀皆作百里子。蹇叔子。勞師以襲遠。非所聞也。師勞力竭。遠主備之。無乃不可乎。師之所爲。鄭必知之。勤而無所。必有悖心。且行千里。其誰不知。公辭焉。召孟明。西乞白乙。【詰】呂覽先識篇云。蹇叔有子曰申與視。高誘注。申白乙丙也。視孟明視也。史記曰。使百里偃子孟明視。蹇叔子西乞術白乙丙將。南史亦云。孟明百里奚子。下傳亦卽明云。百里孟明視。使出師於東門之

外。蹇叔哭之曰。孟子【詁】按呂覽以孟明視爲蹇叔子。今蹇叔哭孟子之後。始云其子與師哭而送之。且稱爲孟子。明視非蹇叔子可知。史記以蹇叔子爲西乞白乙。正義非之。今考三帥同出。蹇叔先哭。孟子不及二人。次乃云蹇叔之子與師哭而送之。則西乞白乙。或卽爲蹇叔子。以其爲子。故哭有次第。又改而稱爾。文法甚明。至變文言蹇叔之子。乃行文互見之法。正義譏之。非也。釋文孟子。本或作孟兮。吾見師之出而不見其入也。公使謂之曰。爾何知。中壽三體石經作考【詁】按正義言上壽中壽下壽。年歲亦非。考李善文選注。引養生經。黃帝曰。中壽百年。又莊子盜跖篇。中壽八十。呂覽安死篇。中壽不過六十。淮南原道訓。凡人中壽七十歲。此云中壽亦當在八十以下。六十以上也。爾墓之木拱矣。【詁】爾雅。兩手持爲拱。此杜本。蹇叔之子與師哭而送之。曰。晉人禦師必於殺。【詁】郡國志。宏農郡。颺池有二嶂。新安澗水出。按高誘淮南王書注。及廣韻引傳。並作鄒。後漢書。龐參傳。作嶂。釋文。殺本又作嶂。殺有二陵焉。其南陵。夏后臯之墓也。【詁】史記夏本紀。孔甲崩。子帝臯立。竹書紀年。作帝吳。沈約注。吳一作臯。其北陵。文王之所辟風雨也。【詁】爾雅。大阜曰陵。此杜本。按呂覽先嚴篇。作南岸北岸。義亦同。詩所云。高岸爲谷。深谷爲陵也。必死是間。余收爾骨焉。秦師遂東。

三十三年春。秦師過周北門。左右免胄而下。超乘者三百乘。王孫滿尚幼。觀之。言於王曰。秦師輕而無禮。

【詁】服虔云。無禮。謂過天子門。不棄甲東兵。而但免胄。本必敗。輕則寡謀。無禮則脫。按鄭元喪服小記。注引傳。脫作說。說

脫古【詰】韋昭國語注。脫，簡脫也。入險而脫，又不能謀，能無敗乎？及滑，鄭商人弦高將市於周。【詰】呂

覽作鄭賈人弦高奚施，將西市于周，適使奚施歸告淮南王書，奚施作蹇他，遇之以乘韋，先牛十二犢

師。【詰】按古無犢字，張揖廣雅始有之，蓋從此傳生義。曰：寡君聞吾子將步師出於敝邑，敢犒從者，不

腆，敝邑爲從者之淹。【詰】方言，腆，厚也。爾雅，淹，久也。杜本居則具一日之積，行則備一夕之衛，且使遽

告于鄭。【詰】爾雅，遽，傳也。杜本鄭穆公使視客館，則束載厲兵秣馬矣。【詰】說文，秣，食馬穀也。按今本

秣，誤作秣，使皇武子辭焉，曰：吾子淹久於敝邑，惟是脯資餼牽竭矣。【詰】韋昭國語注，資，糶也。按杜注，

資，糧也。義亦同。服虔云：腥曰餼。儀禮又云：死曰餼。禮記鄭司農云：率，牲可率而行者。周禮爲吾子之將

行也。鄭之有原圃，猶秦之有具圃也。呂覽淮南水經注，初學記並。【詰】穆天子傳，祭父自圃，鄭來謁天

子。地理志，河南郡中牟，圃田澤。在西豫州穀水經注，濟水又東，逕原武縣，故城南。春秋之原圃也。淮南

鹽形訓，秦之楊紆，高誘注，楊紆在馮翊池。陽一名具圃。按爾雅，十穀，秦有陽陟。郭璞注，又云：在扶風，汧

縣西。今考地理志，扶風郡汧吳山在西。古文以爲汧山。雍州山北有蒲谷鄉。弦中谷，以地形按之，是周

之魚護，卽秦之楊紆，前後異名耳。池陽縣漢屬馮翊，晉初屬扶風。故郭注與高誘異也。淮南墜形訓，蔽

止有九，無周之魚護，明魚護卽楊紆也。周禮，雍州澤藪曰弦蒲，亦卽此楊陟。陽蒲紆，瓠音並同。吾子取

其麋鹿，以閒敝邑。若何？杞子奔齊，逢孫揚孫奔宋。孟明曰：鄭有備矣，不可冀也。攻之不克，圍之不繼，吾

其還也。滅滑而還。齊國莊子來聘。自郊勞至于贈賄。禮成而加之以敏。臧文仲言於公曰。國子爲政。齊猶有禮。君其朝焉。臣聞之。服於有禮。社稷之衛也。晉原軫曰。【詁】按先軫倖二十八年傳。及此傳。皆別云原軫。當係食采于原。故云。杜預釋例云。河內沁水縣西北有原城。是矣。至先且居則稱霍伯。當亦以采地名。郡國志。河東永安縣。有霍大山。水經注。山側有霍城。是也。然韋昭國語注。又云。先且居。先軫之子。蒲城伯也。後受霍爲霍伯。則先且居前。又食采蒲城。蒲城卽重耳所居。在漢河東郡蒲子縣。大率晉大夫皆以采地爲氏。除趙韓魏之外。如呂卻荀欒胥魏狐輔弼范邢邢屏樓楊鄔賈杜陽。曰隨苗。溫冀知閻瑕疇銅鞮郟等。並是。秦違蹇叔而以貪勤民。天奉我也。【詁】高誘淮南王書注。奉。助也。杜亦奉不可失。敵不可縱。縱敵患生。違天不祥。必伐秦師。欒枝曰。未報秦施。而伐其師。其爲死君乎。先軫曰。秦不哀吾喪。而伐吾同姓。秦則無禮。何施之爲。吾聞之。一日縱敵。數世之患也。謀及子孫。可謂死君乎。遂發命。遽興姜戎。子墨衰絰。【詁】賈逵云。墨。變凶。史記集解。梁宏御戎。萊駒爲右。夏四月辛巳。敗秦師于殽。獲百里孟明視。西乞術。【史記作穉】白乙丙以歸。遂墨以葬文公。【詁】服虔云。非禮也。同。晉於是始墨。文嬴請三帥。曰。彼實構吾二君。【石經改。寡君若得而食之不厭。君何辱討焉。使歸就戮于秦。以逞寡君之志。若何。公許之。先軫朝。問秦囚。公曰。夫人請之。吾舍之矣。先軫怒曰。武夫力而拘諸原。婦人暫而免諸國。墮軍實而長寇讎。】【詁】廣雅。暫。卒也。爾雅。墮。毀也。杜本亡無日矣。不顧而唾。【詁】說文。唾。口液也。公使

陽處父追之。及諸河。則在舟中矣。釋左騶。以公命贈孟明。孟明稽首曰。君之惠。不以纍臣。釁鼓。【詰】賈

遠曰。殺而以血塗鼓。謂之釁鼓。詩賡雅。纍。拘也。使歸。就戮于秦。寡君之以爲戮。死且不朽。若從君惠而

免之。三年將拜君賜。秦伯素服郊次。鄉師而哭曰。孤違蹇叔。以辱二三子。孤之罪也。不替孟明。文選注。引作不

廢。孤之過也。大夫何罪。且吾不以一眚掩大德。【詰】馬融書傳。賈。過也。杜本狄侵齊。因晉喪也。公

伐邾。取訾婁。以報升陘之役。邾人不設備。秋。襄仲復伐邾。狄伐晉。及箕。八月。戊子。晉侯敗狄于箕。

【詰】京相璠。土地名。箕城。在陽邑南水北。卽陽邑縣故城也。水經注。卻缺獲白狄子。先軫曰。匹夫逞志於

君。而無討。敢不自討乎。免胄入狄師。死焉。狄人歸其元。面如生。初。臼季使過冀。【詰】京相璠曰。今河東

皮氏縣有冀亭。古之冀國所都也。同。見冀缺。糲其妻。餽之。【詰】馬融易注。糲。鉏也。易釋文。餽。餉也。孫

炎爾雅注。餽。野之餽也。韋昭國語注。同。杜皆本此。敬相待如賓。與之歸。言諸文公曰。敬德之聚也。能敬必有

德。德以治民。君請用之。臣聞之。出門如賓。承事如祭。仁之則也。公曰。其父有罪。可乎。對曰。舜之罪也。殛

鯀。其舉也。與禹。管敬仲。桓之賊也。實相以濟。康誥曰。父不慈。子不祗。【詰】說文。祗。敬也。杜本兄不友。弟

不共。不相及也。【詰】惠棟曰。昭廿年傳。在康誥曰。父子兄弟。罪不相及。孔氏謂非康誥之全文。引其意

而言之。棟謂此康誥之闕文也。法言曰。酒誥之篇。俄空焉。伏生引酒誥曰。王曰。封惟曰。若圭璧。今酒誥

無此文。故漢藝文志云。酒誥脫簡一梓材。今王惟曰以下。文義不屬。蓋康誥三篇皆有脫誤。孔以爲引

其意而言之非也。詩曰：采葑采菲，無以下體。君取節焉可也。文公以爲下軍大夫反自箕，襄公以三命命先且居將中軍，以再命命先茅之縣賞胥臣，曰：舉卻缺子之功也。以一命命卻缺爲卿，復與之冀，亦未有軍行。冬，公如齊朝，且弔有狄師也。反，薨于小寢，卽安也。晉陳鄭伐許，討其貳於楚也。楚令尹子上侵陳蔡，陳蔡成，遂伐鄭，將納公子瑕，門于桔柣之門，瑕覆于周氏之汪。【詁】通俗文：寧水曰汪。一經音外僕髡屯禽之以獻。【詁】崔憬易注曰：禽，古擒字，擒猶獲也。文夫人斂而葬之鄆城之下。【詁】服虔云：鄆城，故鄆國之墟。詩疏：杜取此。晉陽處父侵蔡，楚子上救之，與晉師夾泝而軍。【詁】水經注：汝水又

東南，逕定陵縣，故城北。水右則澧水，左入焉。按地理志：南陽郡魯陽堯山澧水所出，東北至定陵入汝。

此。杜本師古曰：澧音時，又音維。澧，泝同音，即泝水也。陽子患之，使謂子上曰：吾聞之，文不犯順，武不違敵。

子若欲戰，則吾退舍。子濟而陳，遲速惟命，不然紓我。【詁】詩毛傳：紓，緩也。杜本老師費財亦無益也。乃

駕以待。子上欲涉，大孫伯曰：不可。晉人無信，半涉而薄我，悔敗何及。不如紓之。乃退舍。陽子宣言曰：【詁】爾雅：宣，徧也。高誘注：戰國策亦同。楚師遁矣，遂歸。楚師亦歸。大子商臣謂子上曰：受晉賂而辟之，

楚之恥也。罪莫大焉。王殺子上。葬僖公，緩作主。【詁】按劉敞云：杜讀緩以上爲句，非也。僖公以十二月薨，明年四月葬。凡五月不得云緩，今从劉氏讀。又釋下釋例所引賈氏說，則緩字亦當連下讀。爲是

非禮也。【詁】賈氏以爲僖公始不順祀，生則致哀，終則小寢，以慢典常，故其子文公緣事生邪志，作

非禮也。【詁】賈氏以爲僖公始不順祀，生則致哀，終則小寢，以慢典常，故其子文公緣事生邪志，作

非禮也。【詁】賈氏以爲僖公始不順祀，生則致哀，終則小寢，以慢典常，故其子文公緣事生邪志，作

非禮也。【詁】賈氏以爲僖公始不順祀，生則致哀，終則小寢，以慢典常，故其子文公緣事生邪志，作

非禮也。【詁】賈氏以爲僖公始不順祀，生則致哀，終則小寢，以慢典常，故其子文公緣事生邪志，作

主。陸。遇。子。是。文。公。復。有。夫。人。歸。嗣。子。羅。皆。傳。故。上。係。此。文。于。僖。公。篇。凡。君。薨。卒。哭。而。祔。祔。而。作。主。特。祀。於。主。烝。嘗。禘。於。廟。【註】服虔云。特祀於主。謂在庭。烝嘗禘於廟者。三年喪畢。遭烝嘗。則行祭。皆於廟焉。
儀禮禮記疏

卷九

傳

文公元年春。王使內史叔服來會葬。公孫敖聞其能相人也。見其二子焉。叔服曰。穀也。食子。難也。收子。穀

也。豐下必有後於魯國。於是閏三月。非禮也。先王之正時也。履端於始。舉正於中。歸餘於終。史記歷書餘作

邪注云。邪音餘。履端於始。序則不愆。舉正於中。民則不惑。歸餘於終。事則不悖。漢書志引作諱。夏四月丁巳。葬僖公。

王使毛伯衛來賜公命。从石經宋本。改錫作賜。【註】按顧炎武以石經爲非。誤。經傳文往往不盡同。如五年。經

王使榮叔歸含。且贈。傳作來含。是也。又公羊傳云。錫者何。賜也。左氏作賜。正以釋經。今據改。叔孫得臣

如周拜。晉文公之季年。諸侯朝晉。衛成公不朝。使孔達侵鄭。伐絳。訾及匡。【註】酈道元云。扶溝縣。匡

亭。在匡城鄉。春秋孔達侵鄭。伐絳。訾及匡。卽此邑也。晉襄公既祥。使告于諸侯。而伐衛。及南陽。先且居

曰。效尤禍也。請君朝王。臣從師。晉侯朝王于溫。先且居胥。臣伐衛。五月辛酉朔。晉師圍戚。六月戊戌。取

之獲孫昭子。衛人使告于陳。陳共公曰：「更伐之，我辭之。」衛孔達帥師伐晉。君子以爲古。古者越國而謀。秋，晉侯疆戚田，故公孫敖會之。初，楚子將以商臣爲大子，訪諸令尹子子上。子上曰：「君之齒未也。」

【詁】鄭玄禮記注：齒，年也。杜本此。

而又多愛黜，乃亂也。楚國之舉。【詁】賈逵云：舉，立也。史記集解杜取此。恆，在少

者。且是人也，遽目而豺聲，忍人也。【詁】釋文：黜，本又作蜂。服虔云：言忍爲不義。同上杜取此。不可立也。弗聽

既，又欲立王子職，而黜大子商臣。【詁】賈逵云：職，商臣庶弟。同上杜取此。商臣聞之而未察，告其師潘崇曰：

「若之何而察之？」潘崇曰：「享江革而勿敬也。」按史記作饗王之寵姬而弗敬也。案隱云：姬當作妹。從之。江革怒曰：「呼役夫！宜君王之

欲殺女而立職也。」【詁】按韓非子作廢女而立職。傳上云：黜商臣似作廢字爲允。唐劉知幾史通言語

篇亦引作廢女。況既作殺字，則潘崇下可無能事諸乎一語。告潘崇曰：「信矣。」潘崇曰：「能事諸乎？」【詁】服

虔云：若立職子能事之。同上杜取此。不能行乎？曰：不能行大事乎？【詁】服虔云：謂試君。同上杜取此。按高誘戰

國策注云：大事，兵事。傳所云國之大事，在祀與戎也。惠氏說亦同。曰：能冬十月，以宮甲圍成王。【詁】韓

非子內儲篇：于是乃起宿營之甲而攻成王。王請食熊蹯而死。【詁】說文：熊蹯似豕，山居冬蟄，爾雅釋

獸，其足蹯。鄭玄周禮注：蹯，掌也。孟子熊掌我所欲也。按服虔注：熊蹯見宣公二年傳下。弗聽。丁未，王縱

列之尹。穆伯如齊，始聘焉。禮也。凡君卽位，卿出並聘，踐修舊好。【詁】鄭玄禮記注：踐，猶履也。杜本此。要

列之尹，穆伯如齊始聘焉。禮也。凡君卽位，卿出並聘，踐修舊好。【詁】鄭玄禮記注：踐，猶履也。杜本此。要

結外援文選注引作大探好事鄰國以衛社稷忠信卑讓之道也忠德之正也信德之固也卑讓德之基也

殺之役晉人既歸秦帥秦大夫及左右皆言於秦伯曰是敗也孟明之罪也必殺之秦伯曰是孤之罪也周芮良夫之詩曰大風有隧詩毛傳隧道也釋文同貪人敗類聽言則對誦言如醉匪用其良

覆俾我悖是貪故也孤之謂矣孤實貪以禍夫子夫子何罪復使爲政

二年春秦孟明視帥師伐晉以報殺之役二月晉侯禦之先且居將中軍趙衰佐之王官無地御戎狐鞠

居爲右甲子及秦師戰于彭衙秦師敗績晉人謂秦拜賜之師戰於殺也晉梁宏御戎萊駒爲右戰之

明日晉襄公縛秦囚使萊駒以戈斬之囚呼萊駒失戈狼曠取戈以斬囚禽之以從公乘遂以爲右箕

之役先軫黜之而立續簡伯狼曠怒其友曰盍死之曠曰吾未獲死所其友曰吾與女爲難曠曰周志

有之詩鄭司農云志謂記也周禮注勇則害上不登於明堂詩按二語今見汲冢周書大匡解云勇

如害上則不登于明堂五經異誼布政之堂故稱明堂明堂盛貌也南齊書穎容云告朔行政謂之明堂

藝文類聚引又云明堂太廟凡有八名其體一也舊唐書引又云凡有七名文苑英華左氏舊說及賈逵盧

五經釋例植蔡邕服虔等皆以祖廟與明堂爲一本服虔云明堂祖廟通典杜死而不義非勇也共用之爲勇吾

以勇求右無勇而黜亦其所也謂上不我知黜而宜乃知我矣子姑待之及彭衙既陳以其屬馳秦師

死焉晉師從之大敗秦師君子謂狼曠於是乎君子詩曰君子如怒亂庶遄汙詩毛

傳沮止也。杜本此。又曰王赫斯怒，爰整其旅，怒不作亂，而以從師，可謂君子矣。秦伯猶用孟明，孟明增

修國政，重施於民。趙成子言於諸大夫曰：秦師又至，將必辟之，懼而增德，不可當也。詩曰：毋念爾祖，聿

修厥德，孟明念之矣，念德不怠，其可敵乎？丁丑，作僖公主，書不時也。晉人以公不朝來討，公如晉。

夏四月己巳，晉人使陽處父盟公，以恥之。書曰：及晉處父盟，以厭之也。【詁】鄭元儀禮注：厭，伏也。按杜

注：厭，猶損也。今考漢書集注：辛慶忌傳：厭，抑也。與杜注相近。然究不若鄭義爲長。適晉不書諱之也。

公未至。六月，穆伯會諸侯及晉司空士穀，盟于垂隴。晉討衛故也。書士穀，堪其事也。陳侯爲衛請成于

晉，執孔達以說。秋八月丁卯，大事于大廟，躋僖公，逆祀也。【詁】惠棟曰：古文左氏說云：大廟，周公之

廟，饗有禮義者也。祀國之大事也。惡其亂國之大。事于太廟，故云。躋，登也。登僖公主于閔公上。

逆祀也。於是夏父弗忌爲宗伯。鄭司農周禮注引作宗人。【詁】禮記云：夏父弗蕤，按鄭詩大叔于田云：叔善射忌，又

良御忌。鄭箋云：忌，讀如彼己之子之己。曹詩：候人彼己之子之己，作其惠棟云：其可讀爲記，則忌亦可

讀作其。古蕤字，期字皆省作其。與蕤同音。今按家語亦作蕤。古今人表作不忌。尊僖公，且明見曰：吾見

新鬼大，故鬼小。【詁】服虔注云：閔公死時年九歲。疏本先大後小，順也。躋，聖賢明也。明順禮也。君子以爲

失禮，禮無不順。祀國之大事也。而逆之，可謂禮乎？子雖齊聖，不先父食久矣。故禹不先鯀，湯不先契，文

武不先不窳。【詁】服虔云：周家祖后稷以配天，明不可先也。故言不先不窳。禹湯異代之王，故言不先

蘇契也。本疏宋祖帝乙鄭祖厲王猶上祖也是以魯頌曰春秋匪解享祀不忒【詰】廣雅忒差也。此杜本

皇后帝皇祖后稷君子曰禮謂其后稷親而先帝也詩曰問我諸姑遂及伯姊君子曰禮謂其姊親而

先姑也仲尼曰臧文仲其不仁者三不知者三下展禽廢六關【詰】家語云置六關王肅曰六關關名

魯本無此關文仲置之以稅行者故云不仁惠棟曰廢與置古字通公羊傳云去其有聲者廢其無聲

者鄭志答張逸曰廢置也以廢爲置猶以亂爲治徂爲存故爲今曩爲龜苦爲快臭爲香藏爲去郭璞

詰訓義有反覆旁通美惡不嫌同名也杜氏云六關所以禁絕末遊而廢之杜此說昧于義矣小爾雅

亦以廢爲置杜集解頗用孔鱸之說獨不及此何也今考莊子徐無鬼篇于是調瑟廢一於堂廢一於

室是古多訓廢爲置妾織蒲三不仁也作虛器家語作縱逆祀祀爰居三不知也冬晉先且居宋公

子成陳轅選鄭公子歸生伐秦取汪及彭衙而還以報彭衙之役卿不書爲穆公故尊秦也謂之崇德

襄仲如齊納幣禮也凡君卽位好舅甥修婚姻娶元妃以奉粢盛孝也孝禮之始也

三年春莊叔會諸侯之師伐沈以其服於楚也沈潰凡民逃其上曰潰在上曰逃【詰】賈穎以爲舉國曰

潰一邑曰叛本疏按賈義本公羊傳國曰潰邑曰叛文正義糾之非也衛侯如陳拜晉成也夏四月乙

亥王叔文公卒來赴弔如同盟禮也秦伯伐晉濟河焚舟取王官及郊史記秦本紀作及郟正義曰郟音郊本傳作郊晉人

不出按上年傳趙成子曰將必辟之故今用其言不出師遂自茅津濟【詰】史記秦本紀穆公元年自將伐茅津劉伯莊曰戎號

也。郡國志：河東郡大陽有華津。此杜國封殺尸而還。水經注引【詁】賈逵云：封識之。同遂霸西戎。用孟明

也。君子是以知秦穆公之爲君也。石經無公字舉人之周也。【詁】服虔曰：周備也。上同按一切經音義稱賈逵

國語注亦云：周備也。杜取此與人之壹也。孟明之臣也。其不解也。能懼思也。子桑之忠也。其知人也。能舉

善也。詩曰：于以采蘋。于沼于沚。于以用之。公侯之事。秦穆有焉。夙夜匪解。以事一人。孟明有焉。詒厥孫

謀。以燕翼子。【詁】爾雅：詒，遺也。詩：毛傳：燕，安也。章昭國語注：翼，成也。杜本此子桑有焉。秋雨蝨于宋。隊

而死也。楚師圍江。晉先僕伐楚以救江。冬，晉以江故告于周。王叔桓公晉陽處父伐楚以救江。門

于方城。遇息公子朱而還。晉人懼其無禮於公也。請改盟。公如晉。及晉侯盟。晉侯饗公。賦菁菁者莪。

莊叔以公降拜曰：小國受命於大國。敢不慎儀。君貺之以大禮。何樂如之。抑小國之樂。大國之惠也。晉

侯降辭。登成拜。公賦嘉樂。

四年春，晉人歸孔達于衛，以爲衛之良也。故免之。夏，衛侯如晉拜。曹伯如晉會正。逆婦姜于齊。卿

不行，非禮也。君子是以知出姜之不允於魯也。【詁】爾雅：允，信也。杜本此曰：貴聘而賤逆之。君而卑之。立

而廢之。棄信而壞其主。在國必亂。在家必亡。不允宜哉。詩曰：畏天之威。于時保之。敬主之謂也。秋，晉

侯伐秦，圍祁新城。【詁】說文：祁，鄭邑。服虔云：秦所築城也。杜取此以報王官之役。楚人滅江。秦伯爲之

降服。出次不舉。過數。大夫諫。公曰：同盟滅。雖不能救。敢不矜乎。吾自懼也。君子曰：詩云【詁】正義：徧檢

諸本君子曰下皆無詩云則傳文本自略也按石經及諸刻本皆有此二字今姑仍之惟彼二國其政不獲惟此四國爰究爰度其秦穆之謂也衛甯武子來聘公與之宴爲賦淇露及彤弓不辭又不答

賦使行人私焉對曰臣以爲肄業及之也【詰】說文習也篆文作肄按詩子甯不嗣音毛傳嗣習也

古者教以詩樂誦之歌之絃之舞之嗣與肄聲近義同韓詩嗣作詒周禮肆儀爲位鄭注云肄習也故

春肆爲肆儀爲義杜子春說肆爲肆義爲儀若今時肆司徒府是也賈逵國語注亦同鄭賈義昔諸侯

朝正于王王宴樂之於是乎賦淇露則天子當陽諸侯用命也諸侯敵王所愾而獻其功【詰】說文鏗

怒戰也春秋傳曰諸侯敵王所鏗按今本作愾非說文愾太息也杜注愾恨怒也當从說文轉訓王於

是乎賜之彤弓一彤矢百旅弓矢千石經弓下旁增十旅二字御覽同今从宋本刪以覺報宴【詰】蒸棟云覺讀爲較何邵公

云古者諸侯有較德也今陪臣來繼舊好君辱賜之其敢干大禮以自取戾【詰】詩毛傳賜也戾陣

也薛綜西京賦注干犯也杜本冬成風蕩

五年春王使榮叔來含且贈召昭公來會葬禮也初都叛楚即秦又貳于楚夏秦人入都六人叛楚

即東夷秋楚成大心仲歸帥師滅六冬楚公子變滅蓼諸刊本脫公字今增入【詰】地理志六安國蓼故國臯

陶後爲楚所滅杜本臧文仲開六與蓼滅曰臯陶庭堅漢書作咎孫叔數碑作靈堅不祀忽諸【詰】服虔云諸辭詩

德之不建水經注民之無援哀哉晉陽處父聘于衛反過甯甯嬴從之【詰】賈逵孔晁皆以甯嬴爲

孽逆旅之大夫。

本疏杜章昭國語注甯晉邑今河內修武是也此杜本取此。

及溫而還其妻問之嬴曰以剛商

書曰沈漸剛克。

按漸尙書作潛史記及劉寬碑並作漸谷永傳曰意豈將軍忘湛漸之義師古曰湛讓曰沈漸讓曰潛。

高明柔克夫子壹之其不沒乎天

爲剛德猶不干時況在人乎且華而不實怨之所聚也犯而聚怨不可以定身余懼不獲其利而離其

難是以去之。

晉趙成子欒貞子霍伯

【詁】賈逵曰欒貞子欒枝也霍伯先且居也

史記集解

曰季皆卒

【詁】按白季晉臣也白亦以采地名郡國志河東郡解有白城劉昭注引博物志曰白季邑在縣西北

六年春晉蒐于夷舍二軍使狐射姑將中軍趙盾佐之【詁】服虔云使射姑代先且居趙盾代趙衰也

鄭將上軍林父佐也先蔑將下軍先都佐也改蒐于董趙盾將中軍射姑奔狄先克代佐中軍

父至自溫改蒐于董【詁】水經注引作蒐于董澤郡國志河東郡臨汾有董亭杜同按郡國志董澤在

聞喜是與董亭自屬兩地劉昭注兩處皆引此傳離本杜臆二說然非也今考董澤當以涑水所經者

爲是杜注反舍此而從彼失之易中軍陽子成季之屬也【詁】按處父蓋嘗爲趙衰屬大夫說苑師曠

對晉平公曰陽處父欲臣文公因咎犯三年不達因趙衰三日而達是處父由趙衰方得進用杜注作

趙盾蓋傳寫之誤成季趙衰謚成八年傳韓厥言于晉侯曰成季之勳宣孟之忠而無後爲善者其懼

矣杜注即云趙衰故知此注傳寫失也故黨於趙氏且謂趙盾能曰使能國之利也是以上之宣子於

是乎始爲國政【詁】謚法聖善周聞曰宣制事典正法罪辟獄刑

諸刊本誤作利獄

董逋逃由質要【詁】鄭元

周禮注典常也。孔安國書傳董督也。詩毛傳由用也。杜本治舊滂。釋文本本秩禮續常職出滯淹既成。

以授太傅陽子與太師賈佗。【詁】按賈佗與賈季是屬兩人章昭國語注賈佗即賈季恐非使行諸晉

國以爲常法。臧文仲以陳衛之陸也。欲求好于陳夏季文子聘于陳且娶焉。秦伯任好卒以子車

氏之三子。【詁】服虔云子車秦大夫氏也。詩疏杜按詩黃鳥云子車奄息正義曰左傳作子輿與車字

異義同。今傳仍作車當是轉寫之譌。孔氏所據乃古本也。史記秦本紀亦作子輿氏。奄息仲行鍼虎爲

殉皆秦之良也。國人哀之爲之賦黃鳥。【詁】服虔云殺人以葬環其左右曰殉。同君子曰秦穆之不

爲盟主也宜哉。【詁】史記蒙恬列傳秦穆公殺三良而死。踵百里奚而非其罪也。故立號曰繆。王充論

衡儒家之徒董無心墨家之徒纏子。相見請道纏子稱墨家右鬼神是引秦穆公有明德上帝賜之九

年。董子難以堯舜不賜年。桀紂不夭死。近而秦穆晉文言之。夫穆者誤亂之名。文者德惠之表。又云晉

文之謚美於繆。公云云。按此則穆當讀曰繆。所謂名與實爽曰繆也。死而棄民先王違世猶詒之法。而

況奪之善人乎。詩曰人之云亡邦國殄瘁。無善人之謂。若之何奪之古之王者。知命之不长。是以並建

聖哲樹之風聲。【詁】廣雅風聲也。文選引分之采物著之語言。【詁】廣雅話善也。杜本爲之律度。【詁】服

虔曰。堯氏爲鐘。各自計律。倍而半之。黃鐘之管長九寸。則黃鐘之鐘長二尺二寸半。餘鐘亦各自計律。

倍而中之。度量衡。其本俱出于律。本疏陳之藝極。六經正誤引。【詁】文類漢書注。所射準的爲藝。詩毛傳。

極中也。杜本引之表儀。【詁】廣雅引道也。杜本予之法制告之訓典教之防利委之常秩。【詁】又選注

引著頤篇委任也。杜本道之禮則。諸刊本禮上有以字是後人妄加今據石經刪使毋失其土宜衆隸賴之而後卽命。【詁】詩

毛傳卽就也。杜本聖王同之今縱無法以遺後嗣而又收其良以死難以在上矣。君子是以知秦之不

復東征也。秋季文子將聘于晉使求遭喪之禮以行。其人曰將焉用之。文子曰備豫不虞古之善教

也。求而無之實難過求何害。八月乙亥晉襄公卒靈公少。【詁】謚法不動成名曰靈。又好祭鬼怪曰

靈。又亂而不損曰靈。晉人以難故。【詁】服虔云晉國數有患難。史記欲立長君趙孟曰立公子雍好善

而長先君愛之且近於秦秦舊好也。置善則固事長則順立愛則孝結舊則安爲難故故欲立長君有

此四德者難必抒矣。【詁】服虔作紆紆緩也。本說文同案杜注抒除也是隨文生訓賈季曰不如立公

子樂辰羸嬖於二君。【詁】服虔云辰羸懷羸也。二君懷公文公。史記立其子民必安之。趙孟曰辰羸賤

班在九人。【詁】服虔云班次也。同上其子何震之有。【詁】服虔云震威也。同上杜且爲二嬖淫也爲先君

子不能求大而出在小國辟也。母淫子辟無威陳小而遠無援將何安焉。杜祁。【詁】按雍杜祁子。史記

以爲秦出。誤。以君故讓偪姑而上之以狄故讓季隗而已次之。故班在四先君是以愛其子而仕諸秦

爲亞卿焉。【詁】鄭元儀禮注亞次也。杜本秦大而近足以爲援母義子愛足以威民立之不亦可乎。使

先蔑士會如秦。【詁】世本范氏晉大夫驪叔之子士蔣之後。蔣生成伯。映映生武子會。會生文子雙。雙

生宜叔句。句生獻子執。執生吉射。惠棟云。范氏本陶唐氏之後。襄二十四年傳。范宣子曰。昔句之祖。在夏爲御龍氏。注云。謂劉累也。又云。在周爲唐杜氏。汲郡古文云。成王八年。王師滅唐。遷其民于杜。杜伯之子。隰叔遠。難奔于晉。生子與。卽士鷺也。士鷺生士穀。士鷺。執生會。食采于范。是爲范武子。宣子曰。晉主夏盟。爲范氏。焦竑曰。士穀。士會。士皆當作土。傳譌讀爲杜。杜姓。杜伯之後。土卽古杜字。棟按古土字。皆作土。見牧史記曰。有邦有土。今呂刑作土。周頌曰。保有厥土。正義作土。呂覽任地云。后稷曰。子能使晉土靖。而剛浴土乎。高誘曰。土當作土。周牧教亦以土爲土。焦氏以爲傳譌。非也。土本古杜字。鄭康成周禮注云。世本云。相土作乘馬。荀卿子曰。杜作乘馬。楊倞按世本。相土作乘馬。毛詩自土祖漆。齊詩作自杜。又云。徹彼桑土。韓詩作桑杜。毛詩左氏傳。皆出孔壁中。故多古文。今按晉語晉祏曰。隰叔子遼。周難于晉。生子與。爲理。韋昭曰。理。士官也。班固亦云。晉主夏盟。爲范氏。范氏爲晉士師。是范氏。又似以官爲氏。存考。逆公子雍。賈季亦使召公子樂于陳。趙孟使殺諸郟。郟。【詰】按劉昭郡國志注。垣縣下引此傳文。賈季逆公子樂于陳。趙孟殺諸郟。據此。則今左傳本脫郟字。襄二十三年傳。成郟。郟。劉昭垣縣下注。復引博物志云。縣東九十里。有郟。郟之阨。皆通言郟。郟。則係晉之一邑。可知傳既脫郟字。而杜注遂泛言郟。晉地。可云近而不察矣。今據補。賈季怨陽子之易其班也。而知其無援於晉也。九月。賈季使續鞠居。【詰】姓纂。晉大夫狐鞠居。食采于續。又姓續氏。殺陽處父。書曰。晉殺其大夫。侵官也。冬十月。

襄仲如晉葬襄公。十一月丙寅，晉殺續簡伯，賈季奔狄。宣子使史駢送其柩。【註】說文：幣，金幣，所藏

字書：幣，从子，經傳，妻幣亦从巾。杜注：幣，妻子也。蓋本章昭國語注：夷之蒐，賈季戮史駢，史駢之人，欲盡

殺賈氏以報焉。史駢曰：不可。吾聞前志有之曰：敵惠敵怨。【註】爾雅：敵當也。史記：衛世家注引服虔同。

不在後嗣，忠之道也。夫子禮於賈季，我以其寵報私怨，無乃不可乎？介人之寵。【註】案隱稱志：林、介，因

也。杜本：非勇也，損怨益仇，非知也，以私害公，非忠也。釋此三者，何以事夫子，盡具其幣與其器用財賄。

親帥扞之，送致諸竟。閏月不告朔，非禮也。閏以正時，時以作事。【註】隋書：經籍志引：事以厚生，生民之道。

鄭元周禮注引：於是在乎在矣，不告閏朔，棄時政也，何以爲民。

七年春，公伐邾，間晉難也。三月甲戌，取須句。寘文公子焉，非禮也。夏四月，宋成公卒，於是公子成爲

右師，公孫友爲左師，樂豫爲司徒，公子蕩爲司城，華御事爲司寇，昭公將去羣公子，樂豫

曰：不可。公族，公室之枝葉也，若去之，則本根無所庇廕矣。葛藟猶能庇其本根，故君子以爲比。況國君

乎？此諺所謂庇焉而縱尋斧焉者也。【註】高誘：淮南王書注：縱，放也。杜本：必不可君其圖之，親之以德。

皆股肱也，誰敢攜貳？若之何去之不聽？穆襄之族，率國人以攻公，殺公孫固，公孫鄭于宮，六卿和公

室，樂豫舍司馬，以讓公子卬。昭公卽位而葬，書曰：宋人殺其大夫，不稱名，衆也。且言非其罪也。秦康

公送公子雍于晉。【註】服虔云：康公，秦穆公之子，魯晉出也。御：曰文公之入也，無衛，故有呂卻之難。

【詰】服虔云。呂甥卻芮欲焚公宮也。同上。乃多與之徒衛。【詰】服虔云。衛從兵也。同上。穆嬴。【詰】服虔云。襄

公夫人。同上。杜。日抱太子以啼于朝。曰先君何罪。其嗣亦何罪。舍嫡嗣不立。而外求君。將焉實此。【詰】

服虔云。實置也。同上。太子。史記集解御覽出朝。則抱以適趙氏。頓首於宣子曰。先君奉此子也。而屬諸子曰。此

子也才。吾受子之賜。【詰】服虔云。如子善爲教誨此子。使之有賢才。知人君之道也。則吾受之賜。賜猶

惠。同上。不才。吾惟子之怨。【詰】服虔云。才而受賜。美其教也。不才怨子。怨其教不至也。同上。王肅云。怨其教

導不至。集解今君雖終言猶在耳。【詰】服虔云。君沒未久。其言聲氣尙在耳。御覽而棄之若何。宣子與諸大

夫皆患穆嬴。且畏偃。【詰】服虔云。言諸大夫患穆嬴。以君顧命之言。貴己也。畏偃。迫無置太子。一云。畏

他公子相偃迫也。同上。乃背先蔑而立靈公。以禦秦師。箕鄭居守。趙盾將中軍。先克佐之。荀林父佐上軍。

先蔑將下軍。先都佐之。步招禦戎。戎津爲右。及董陰。宣子曰。我若受秦。秦則實也。不受寇也。既不受矣。

而復緩師。秦將生心。先人有奪人之心。軍之謀善也。逐寇如追逃。軍之善政也。訓卒厲兵。秣馬蓐食。

【詰】按漢書韓信傳。亭長妻晨炊蓐食。張晏注云。未起而蓐中食。杜注取此。晉友王給事念孫廣雅

疏證又云。蓐。厚也。蓐食者。厚食也。不得云。蓐中食。今知不然者。此傳下云。潛師夜起。則夜食可知。成

十六年。蓐食申禱。其時楚軍亦曰雞鳴而起。襄二十六年。秣馬蓐食下。亦有楚軍宵潰之文。是張晏云

蓐中食。而杜從之。不爲無據。且蓐字當从木訓。既文。蓐。陳草復生也。人所藉薦。取其豐厚。亦如草

之復生。故名爲驂耳。潛師夜起。戊子。敗秦師于令狐。至于刳首。【詁】水經注引關駟云。令狐卽猗氏。刳首在四三十里。顧炎武云。後漢衛敬侯碑陰。文城惟解梁地。卽刳首。山對靈足。谷當猗口。刳字作刳。玉篇。刳。口瓜切。秦地在河東。對刳首。乙丑。先蔑奔秦。士會從之。先蔑之使也。荀林父止之曰。夫人大子猶在。而外求君。此必不行。子以疾辭。若何。不然。將及。攝卿以往。可也。何必子。同官爲寮。【釋文本】又作僚。吾嘗同寮。敢不盡心乎。弗聽。爲賦板之三章。又弗聽。及亡。荀伯盡送其帑。及其器用財賄於秦。曰。爲同寮故也。士會在秦三年。不見士伯。其人曰。能亡人於國。不能見於此。焉用之。士季曰。吾與之同罪。非義之也。將何見焉。及歸。遂不見。狄侵我西鄙。公使告于晉。趙宣子使因賈季問。酆舒且讓之。酆舒問於賈季曰。趙衰趙盾孰賢。對曰。趙衰。冬日之日也。趙盾。夏日之日也。秋八月。齊侯宋公衛侯陳侯鄭伯許男曹伯會晉趙盾盟于扈。晉侯立故也。公後至。故不書所會。凡會諸侯。不書所會。後也。後至不書其國。辟不敏也。穆伯娶于莒。曰。戴已。生文伯。其娣聲已。生惠叔。戴已卒。又聘于莒。莒人以聲已辭。則爲襄仲聘焉。冬。徐伐莒。莒人來請盟。穆伯如莒。涖盟。且爲仲逆。及鄆陵。登城見之美。自爲娶之。仲請攻之。公將許之。叔仲惠伯諫。【詁】世本。桓公生傳。叔牙。叔牙生武仲。休。休生惠伯。彭。彭生皮。爲叔仲氏。曰。臣聞之。兵作於內。爲亂。於外。爲寇。寇猶及人。亂自及也。今臣作亂。而君不禁。以啓寇讎。若之何。公止之。惠伯成之。使仲舍之。公孫敖反之。復爲兄弟如初。從之。晉郤缺言于趙宣子曰。日衛不睦。故取其地。今已睦矣。可

以歸之叛而不討。何以示威。服而不柔。何以示懷。非威非懷。何以示德。無德。何以主盟。以爲正卿。以主諸侯。而不務德。將若之何。夏書曰。戒之用休。董之用威。勸之以九歌。勿使壞。尙書作俾勿壞九功之德。皆可歌也。謂之九歌。六府三事。謂之九功。水火金木土穀。謂之六府。正德利用厚生。【註】賈逵云。正德。人德。利用地德。厚生。天德。易疏。謂之三事。義而行之。謂之德禮。無禮不樂。所由叛也。若吾子之德。莫可歌也。其誰來之。盍使睦者歌吾子乎。宣子說之。

八年春。晉侯使解揚。【註】服虔云。解揚。晉大夫。史記集解。歸匡戚之田于衛。且復致公堵池之封。自申至於虎

牢之境。【註】服虔以爲致之于鄭。本疏。案杜注。既言申鄭地。則服說云致之于鄭。方得事實。寧有以鄭地

轉致于衛者乎。劉炫以服說規杜。得之。夏。秦人伐晉。取武城。以報令狐之役。秋。襄王崩。晉人以

扈之盟來討。冬。襄仲會晉趙孟。盟於衡雍。報扈之盟也。遂會伊洛之戎。書曰。公子遂。珍之也。【註】薛

棟。東京賦注。珍。貴也。杜本此。穆伯如周弔喪。不至。以幣奔莒。從已氏焉。宋襄夫人。襄王之姊也。昭公

不禮焉。夫人因戴氏之族。以殺襄公之孫孔叔。公孫鍾離及大司馬公子卬。皆昭公之黨也。司馬握節

以死。故書以官。司城蕩意諸來奔。效節於府人而出。【註】高誘。淮南王書注。效。致也。杜本此。公以其官逆

之。皆復之。亦書以官。皆貴之也。夷之蒐。晉侯將登箕鄭父先都。而使士穀梁益耳。【註】東觀漢記。其

先與秦同祖。出于伯益。別封于梁。將中軍。先克曰。狐趙之勳。不可廢也。從之。先克奪蒯得田于董陰。故

箕鄭父先都士穀梁益耳崩得作亂。

九年春王正月己酉使賊殺先克乙丑晉人殺先都梁益耳。毛伯衞來求金非禮也不書王命未葬也。

二月莊叔如周葬襄王。三月甲戌晉人殺箕鄭父士穀崩得。范山言於楚子曰晉君少不在諸侯北方可圖也。楚子師于狼淵以伐鄭。囚公子堅公子廆及樂耳鄭及楚平。公子遂會晉趙盾宋華耦衛孔達許大夫救鄭不及楚師。卿不書緩也以懲不恪。夏楚侵陳克壺丘。詁水經注汝水又東南逕壺丘城北故陳地春秋左傳文公九年楚侵陳克壺丘是也以其服於晉也。秋楚公子朱自東夷伐陳陳人敗之獲公子蔑陳懼乃及楚平。冬楚子越椒來聘執幣傲叔仲惠伯曰是必滅若敖氏之宗傲其先君神勿福也。秦人來歸僖公成風之櫜禮也諸侯相弔賀也雖不當事苟有禮焉書也以無忘舊好。

十年春晉人伐秦取少梁。詁地理志左馮翊夏陽故少梁。杜本夏秦伯伐晉取北徵。詁地理志左

馮翊徵師古曰左傳所云取北徵謂此案史記晉世家作秦亦取晉之轂。初楚范巫喬似謂成王與

子玉子西曰三君皆將強死城濮之役王思之故使止子玉曰毋死不及止子西子西縊而懸絕王使

適至遂止之使爲商公。詁地理志宏農郡商。杜本沿漢沂江將入郢王在渚宮。詁爾雅小洲曰渚

杜本按鄭元禮記注渚作隋渚古字同說文如渚者階丘下見之懼而辭曰臣免於死又有讒言謂

臣將逃。臣歸死於司敗也。王使爲工尹。又與子家謀弑穆王。穆王聞之。五月。殺鬬宜申及仲歸。秋。七

月。及蘇子盟于女栗。頃王立故也。【詰】豎法敏以敬慎曰頃。陳侯鄭伯會楚子于息。冬。遂及蔡侯。次

于厥貉。將以伐宋。宋華御事曰。楚欲弱我也。先爲之弱乎。何必使誘我。我實不能。民何罪。乃逆楚子。勞

且聽命。遂道以田孟諸。【詰】地理志。梁國睢陽禹貢盟諸澤在東。此。宋公爲右孟。鄭伯爲左孟。期思

公復遂爲右司馬。【詰】地理志。汝南郡期思。此。子朱及文之無畏爲左司馬。命夙駕載燧。又作燧。

【詰】鄭元禮記注。金燧可取火于日。此。宋公違命。無畏扶其僕以徇。【詰】廣雅。扶。擊也。或謂子舟曰。

國君不可戮也。子舟曰。當官而行。何彊之有。詩曰。剛亦不吐。柔亦不茹。毋縱詭隨。以謹罔極。【詰】詩。鄭

箋。謹。猶慎也。罔。無也。此。是亦非辟彊也。敢。愛死以亂官乎。厥貉之會。麋子逃歸。公羊。麋。【詰】案。字

亦作麋。麋。麋字近音同。惠士奇引盛宏之荊州記云。當陽本楚之舊。麋在當陽境也。

十一年春。楚子伐麋。成大心敗麋師于防渚。潘崇復伐麋。至于錫穴。諸刊本並誤作錫。今从。【詰】案。防。即

漢中郡之房陵。房。防本一字。防渚。蓋房陵縣之渚也。錫。即漢中郡之錫。郡國志。錫有錫春秋時曰錫穴。

是也。應劭漢書注。錫音陽。陸德明云。或作錫。星歷反。非。關。關。十三州志。防陵。即春秋防渚也。夏。叔仲

惠伯會晉卻缺于承匡。謀諸侯之從於楚者。秋。曹文公來朝。卽位而來見也。襄仲聘于宋。且言司

城蕩意諸而復之。【詰】服虔云。反不書者。施而不德。衛懿隆亦同服義。本。因賀楚師之不害也。鄭。瞞

侵齊【詁】說文鄭北方長狄國也。在夏爲防風氏。在殷爲汪芒氏。春秋傳曰鄭瞞侵齊。齊此則鄭爲國

號瞞或其君之稱。如魯稱蒙之類。服杜注並云鄭瞞狄國名。疑非也。遂伐我【詁】服虔云伐我不書諱

之。本疏公卜使叔孫得臣追之。吉。侯叔夏御。莊叔綏房甥爲右。富父終甥【詁】服虔云魯大夫也。史記集解駟

乘。冬十月甲午。敗狄于鹹。獲長狄僑如。釋文富父終甥春其喉【詁】服虔云春猶衝。同上杜案說文

無僑字。史記作春。鄭元禮記注待其從容云從。讀如富父春戈之春。合以服注。是古本皆作春。今从改

正。以戈殺之。埋其首於子駒之門【詁】賈逵云子駒魯郭門名。同上杜王符潛夫論魯之公族有子駒

氏。以命宣伯【詁】服虔云宣伯叔孫得臣子僑如也。得臣獲僑如。以名其子。使後世識其功。同上杜初

宋武公之世。鄭瞞伐宋【詁】服虔云武公周平王時。春秋前二十五年。鄭瞞長狄國名。同上司徒皇父帥

師禦之。彫班諸刊本作班。非。今改正。御皇父充石。公子穀甥爲右。司寇牛父駟乘。以敗狄于長丘【詁】張華博物

志云。陳留封丘有狄溝。春秋之長丘也。獲長狄緣斯【詁】賈逵云僑如之祖。同上杜取此。服虔云不言所埋。

埋其身。首同處于戰地。可知。本疏皇父之二子死焉【詁】賈逵云皇父與穀甥牛父三子皆死。鄭衆以爲

穀甥牛父二人死耳。皇父不死。馬融以爲皇父之二子。從父在軍。爲狄所殺。名不見者。方道二子死。故

得勝之。如今皆死。誰殺緣斯。服虔云殺緣斯者未必三子之手。士卒獲之耳。下言宋公以門賞彫班。班

爲皇父御而有賞。三子不見賞。疑皆死。賈君爲近之。本疏案彫班獨見賞。或殺緣斯者。卽彫班也。故以門

爲郚門。所以旌其功。亦可備一說。又服杜皆取賈義。宋公於是。以門賞郚班。使食其征。謂之郚門。晉之滅潞也。獲僑如之弟焚如。史記潞作路。焚如作焚如。齊襄公之二年。【詰】案史記魯世家引此傳文。作齊惠公之二年。又齊世家惠公二年。長狄來。王子成父攻殺之。十二諸侯表亦于齊惠公二年。書王子城父敗長翟。三處。史文並同。考齊惠公二年。卽魯宣公二年。在晉滅潞之前。僅十三年耳。以惠公爲襄公。蓋傳寫之譌。杜因有既長且壽之說。失之不考也。鄭瞞伐齊。齊王子成父。【詰】賈逵云。齊大夫。史記集解。獲其弟榮如。埋其首於周首之北門。【詰】京相璠曰。今濟北所治盧子城。故齊周首邑也。水經注。衛人獲其季弟簡如。【詰】服虔云。獲與僑如同時。同。鄭瞞由是遂亡。鄭大子朱儒自安於夫鍾。國人弗徇。【詰】服虔云。自安。猶處也。夫鍾。邑名。徇。服虔作循。曰循。順也。御覽。杜取此。

十二年春。邾伯卒。邾人立君。【詰】服虔云。立君。改立君不用大子也。同。上。大子以夫鍾與邾邾來奔。【詰】服虔云。邾邾。亦邑名也。一曰邾邾。邾之家。寶圭。大子及身而自安於夫鍾。國人以爲不順。故邾伯卒而更立君。大子以其國寶來奔也。同。惠士奇云。然則邾不當从邑。公以諸侯逆之。非禮也。故書曰邾伯來奔。不書地。尊諸侯也。杞桓公來朝。始朝公也。且請絕叔姬而無絕昏。公許之。【詰】顧炎武云。曠叔佐曰左氏事蹟。倒錯者甚多。此文當在成四年。杞伯來歸叔姬故也。之下。誤書于此。二月。叔姬卒。不言杞絕也。齊叔姬。言非女也。楚令尹大孫伯卒。成嘉爲令尹。羣舒叛楚。【詰】世本。偃姓。舒庸舒蓼舒鳩舒龍舒

鮑舒襲郡國志廬江郡有舒及龍舒侯國

此杜本

夏子孔執舒子平及宗子遂圍巢。秋，滕昭公來朝，亦

始朝公也。秦伯使西乞術來聘，且言將伐晉。襄仲辭玉曰：君不忘先君之好，照臨魯國，鎮撫其社稷，

重之以大器，寡君敢辭玉。對曰：不腆敝器，不足辭也。主人三辭，賓答曰：寡君願徼福于周公魯公，以事

君，不腆先君之敝器，使下臣致諸執事，以爲瑞節，要結好命，所以藉寡君之命，結二國之好，是以敢致

之。襄仲曰：不有君子，其能國乎？國無陋矣，厚賄之。秦爲令狐之役，故冬，秦伯伐晉，取羈馬。【詁】服虔

云：晉地也。

史記集解

圖經羈馬城在今郟陽縣東。晉人禦之。趙盾將中軍，荀林父佐之。郤缺將上軍，史

駢佐之。欒盾將下軍，胥甲佐之。范無恤御戎，以從秦師于河曲。史駢曰：秦不能久，請深壘固軍以待之。

從之。秦人欲戰，秦伯謂士會曰：若何而戰？對曰：趙氏新出其屬，曰史駢，必實爲此謀，將以老我師也。趙

有側室曰穿，晉君之壻也，有寵而弱，不在軍事，好勇而狂，且惡史駢之佐上軍也。若使輕者肆焉，其可

【詁】服虔云：肆，突，言使輕銳之兵往驅突晉軍。

周禮

疏：惠棟曰：詩云：是伐是肆。鄭箋云：肆，犯突也。杜謂肆

爲暫往而退，此釋輕，非釋肆也。秦伯以璧祈戰于河，十二月戊午，秦軍掩晉上軍，趙穿追之，不及，反怒

曰：裒糧坐甲。【詁】荀卿子曰：庶士介而坐道，卽坐甲也。固敵是求，敵至不擊，將何俟焉？軍吏曰：將有待

也，穿曰：我不知謀，將獨出，乃以其屬出。宣子曰：秦獲穿也，獲一卿矣。秦以勝歸，我何以報？乃皆出戰，交

綏。【詁】舊說緩卻也。

本

疏：秦行人夜戒晉師曰：兩君之士皆未愨也。【詁】說文：愨，問也。謹，敬也。一曰說也。

一曰且也。春秋傳曰：兩君之士皆未慙。案今本問諷間，且諷甘。从玉篇廣韻校改。哀十六年，吳天不愆。杜注：慙，且也。正用說文。此注慙，缺也。未知何據。余案此慙，當與問同義。故說苑載此事云：三軍之士皆未息。息，問義並通。又釋文云：慙，爾雅願也。強也。且也。韓詩曰：慙，闇也。昭二十八年傳：慙使晉君聞勝與。慙之死也，以爲快。此慙字，亦當訓且。杜注：慙，發語之聲，非。惠氏補注：訓作願，亦失語意。又案方言：廣雅。訓慙爲傷。與此傳義亦通。明日請相見也。與駢曰：使者目動而言肆。【詰】服虔通俗文云：目動曰瞬。一切經音說文：旬，目搖也。懼我也。將遁矣。薄諸河。【詰】高誘淮南王書注：薄，迫也。杜本必敗之。胥甲趙穿當軍門呼曰：死傷未收而棄之，不惠也。不待期而薄人於險，無勇也。乃止。秦師夜遁，復侵晉，入瑕。【詰】郡國志：河東郡解有瑕城。劉昭注：秦侵晉及瑕，卽此。案此陝州西南之瑕。昭注以爲解縣之瑕，非也。因爲秦所侵。故明年春，卽使詹嘉處瑕，以守桃林之塞耳。桃林及瑕，皆屬漢宏農縣城。城諸及鄆，書時也。十三年春，晉侯使詹嘉處瑕，以守桃林之塞。【詰】郡國志：宏農郡宏農有桃丘聚。故桃林。杜同。晉人患秦之用士會也。夏，六卿相見於諸浮。趙宣子曰：隨會在秦，賈季在狄，難日至矣。若之何。中行桓子曰：請復賈季，能外事，且由舊勳。郤成子曰：賈季亂，且罪大，不如隨會。能賤而有恥，柔而不犯。【詰】服虔云：謂能處賤，且又知恥，言不可汗辱。本疏：其知足使也，且無罪，乃使魏壽餘僞以魏叛者。史記秦本紀：作魏壽餘。音【詰】服虔云：晉之魏邑大夫。史記：以誘士會，執其帑於晉。【詰】案趙岐孟子注：帑，妻子也。韋昭國語

注：妻子曰帑，則此執其帑，當亦兼妻子而言。杜注止云壽餘子，恐鑿。觀下傳士會云：「妻子爲戮，而秦伯即答云：『所不歸爾帑。』是帑兼妻子之一體。使夜逸，請自歸于秦。」秦伯許之。履士會之足於朝。秦伯師于河西，魏人在東。壽餘曰：「請東人之能與夫二三有司言者，吾與之先。」使士會、士會辭曰：「晉人虎狼也，若背其言，臣死。妻子爲戮，無益於君，不可悔也。」秦伯曰：「若背其言，所不歸爾帑者，有如河，乃行。」繞朝贈之以策。【詁】服虔云：「繞朝以策書贈士會。」本白氏六帖引舊注云：以有策而不用也。曰：子無謂秦無人，吾

謀適不用也。【詁】韓非說難曰：「繞朝之言當矣，其爲聖人于晉，而爲戮于秦也。元何荝注云：後秦竟以

言戮之，案非之說，必非無據，或卽出秦史也。既濟，魏人譟而還，秦人歸其帑，其處者爲劉氏。【詁】後漢

書賈逵傳：「逵上疏云：『五經皆無圖讖，證明劉氏爲堯後者，而左氏獨有明文。』案范蔚宗後漢書賈逵傳

贊：「言逵能附會文致，最差貴顯。」後儒因并疑傳文此語爲賈氏所增益。今考左傳襄二十四年，昭二十

九年，士匄之語，叔孫蔡墨之對獻子，其言范氏爲陶唐氏之後，劉累之裔，固已甚明，不必藉此語爲之

佐證也。則疑賈氏增益傳文者，蓋習而不察耳。慈棟曰：「處者爲留，謂留于秦者，遂以爲氏。漢人因改留

爲劉，以合卯金刀之說。此語或尙得事實，然惠氏每喜引唐書宰相世系表等以證經，竊所不取。」郝

文公卜遷于繹。【詁】地理志：晉國驪嶧山在北。應劭曰：「郝文公卜遷于繹者也。」案繹，繹字同京，相繹曰：

「山在鄆縣北，繹邑之所依，爲名也。」水經注：杜本此。史曰：利於民而不利於君。郝子曰：苟利於民，孤之利也。天

利於民而不利於君，郝子曰：苟利於民，孤之利也。天

生民而樹之君。以利之也。民既利矣。孤必與焉。左右曰。命可長也。君何弗爲。邾子曰。命在養民。死之短長時也。民苟利矣。遷也。吉莫如之。遂遷于繹。五月。邾文公卒。君子曰。知命。秋七月。大室之屋壞。書不共也。冬。公如晉朝。且尋盟。衛侯會公于沓。請平于晉。公還。鄭伯會公于棗。亦請平于晉。公皆成之。鄭伯與公宴于棗。子家賦鴻雁。季文子曰。寡君未免於此。文子賦四月。子家賦載馳之四章。【註】服虔云。載馳五章。屬鄆風。許穆夫人閔衛滅載公失國。欲馳驅而唁之。故作以自痛。國小力不能救。在禮婦人父母既沒。不得寧兄弟。於是許人不嘉。故賦二章以喻思不遠也。許人尤之。遂賦三章。以卒章非許人不聽。遂賦四章。言我遂往。無我有尤也。詩疏。文子賦采薇之四章。鄭伯拜公答拜。

十四年春。頃王崩。周公閱與王孫蘇爭政。故不赴。凡崩薨。不赴則不書。禍福不告亦不書。懲不敬也。邾

文公之卒也。公使弔焉。不敬。邾人來討。伐我南鄙。故惠伯伐邾。子叔姬妃齊昭公。生舍。叔姬無寵。舍

無威。公子商人驟施于國。【註】宣三年。服虔注。驟。數也。杜水此。而多聚士。盡其家貸於公。有司以繼之。夏

五月。昭公卒。舍即位。邾文公元妃齊姜生定公。二妃晉姬生捷菑。文公卒。邾人立定公。捷菑奔晉。

六月。同盟于新城。從於楚者服。且謀邾也。秋七月乙卯夜。齊商人弑舍而讓元。元曰。爾求之久矣。我

能事爾。爾不可使多蓄憾。釋文。蓄本又作畜。憾本又作。今並从石經釋文訂正。將免我乎。爾爲之。有星孛入于北斗。周內史

叔服曰。不出七年。宋齊晉之君。皆將死亂。晉趙盾以諸侯之師八百乘。納捷菑于邾。邾人辭曰。齊出

獲且長。宣子曰：辭順而弗從，不祥，乃還。周公將與王孫蘇訟于晉，王叛王孫蘇。【詁】王逸楚辭章句

叛，倍也。而使尹氏與聘，啓訟周公于晉，趙宣子平王室而復之。楚莊王立，子孔潘崇將襲羣舒，使公

子燮與子儀守，而伐舒蓼。二子作亂，城郢而使賊殺子孔，不克而還。八月，二子以楚子出，將如商密，廬

戡黎。【詁】郡國志：南郡中廬侯國，襄陽耆舊傳：故廬戎也。杜同及叔麋誘之，遂殺鬬克及公子燮。初，鬬

克囚于秦，秦有殺之敗，而使歸，求成而不得志。公子燮求令尹而不得，故二子作亂。穆伯之從已

氏也，魯人立文伯。穆伯生二子於莒，而求復文伯以爲請。襄仲使無朝聽命，復而不出。三年而盡室以

復適莒。文伯疾而請曰：穀之子弱，請立難也。許之。文伯卒，立惠叔。穆伯請重賂以求復，惠叔以爲請，許

之。將來九月，卒於齊，告喪，請葬弗許。宋高哀爲蕭封人，以爲卿，不義。宋公而出，遂來奔。書曰：宋子哀

來奔，貴之也。齊人定懿公使來告難，故書以九月。齊公子元不順懿公之爲政也，終不曰公，曰夫已

氏。【詁】晉友孔檢討廣森云：桓公如夫人者六人，懿公母氏位次在第六，故以甲乙之數名之。襄仲

使告于王，請以王寵求昭姬于齊，曰：殺其子，焉用其母，請受而罪之。冬，單伯如齊，請子叔姬，齊人執之，

又執子叔姬。

十五年春，季文子如晉，爲單伯與子叔姬故也。三月，宋華耦來盟，其官皆從之。書曰：宋司馬華孫，貴之

也。【詁】服虔曰：華耦爲卿，侈而不度，以君命修好結盟，舉其官屬從之，空官廢職，晉人不知其非，反舉

貴之。其意以爲貴者，魯人貴之，非君子貴之也。本疏公與之宴，辭曰：君之先臣督，得罪于宋，邊公名在諸

侯之策，臣承其祀，其敢辱君，請承命於亞旅。魯人以爲敏。夏，曹伯來朝，禮也。諸侯五年再相朝，以修

王命，古之制也。齊人或爲孟氏謀，曰：魯爾親也，飾棺寘諸堂，魯必取之，從之，卜人以告，惠叔猶毀

以爲請，立於朝以待命，許之，取而殯之。齊人送之，書曰：齊人歸公孫敖之喪，爲孟氏，且國故也。葬視共

仲，聲已不視，帷堂而哭。襄仲欲弗哭，惠伯曰：喪親之終也，雖不能始，善終可也。史佚有言曰：【詰】服虔

云：史佚，周成王太史。禮記疏兄弟致美，救乏，賀善，弔災，祭敬，喪哀，情雖不同，毋絕其愛親之道也。子無失

道，何怨於人。襄仲說帥兄弟以哭之，他年其二子來，孟獻子愛之，聞於國，或譖之曰：將殺子，獻子以告

季文子，二子曰：夫子以愛我聞，我以將殺子聞，不亦遠於禮乎。遠禮不如死，一人門于句瀾。釋文：瀾又作暉

【詰】服虔云：魯國中小寇，非異國攻伐，故不書也。本疏一人門于戾丘，皆死。六月辛丑朔，日有食之，鼓

用牲于社，非禮也。日有食之，天子不舉，伐鼓于社，諸侯用幣于社，伐鼓于朝，以昭事神，訓民事君，示有

等威，古之道也。齊人許單伯請而赦之，使來致命，書曰：單伯至自齊，貴之也。新城之盟，蔡人不與，

晉卻缺以上軍下軍伐蔡，曰：君弱，不可以怠。【詰】高誘呂覽注：怠，懈也。杜本此戊申，入蔡，以城下之盟而

還。凡勝國曰滅之，獲大城焉曰入之。秋，齊人侵我西鄙，故季文子告于晉。冬十一月，晉侯宋公衛侯蔡侯陳侯鄭伯許男曹伯盟於扈，尋新城之盟，且謀伐齊也。齊人賂晉侯，故不克而還，於是齊難

是以公不會。書曰：諸侯盟于扈，無能爲故也。凡諸侯會，公不與不書，諱君惡也。與而不書，後也。齊人來歸子叔姬，王故也。齊侯侵我西鄙，謂諸侯不能也。遂伐曹，入其郛，討其來朝也。季文子曰：齊侯其不免乎？己則無禮，而討于有禮者，曰：女何故行禮？禮以順天，天之道也。己則反天，而又以討人，難以免矣。詩曰：胡不相畏，不畏于天。君子之不虐幼賤，畏于天也。在周頌曰：畏天之威，于時保之，不畏于天，將何能保？以亂取國，奉禮以守，猶懼不終，多行無禮，弗能在矣。

十六年春，王正月，及齊平。公有疾，使季文子會齊侯于陽穀，請盟。齊侯不肯，曰：請俟君間。夏五月，公四不視朔，疾也。公使襄仲納賂于齊侯，故盟于郟丘。有蛇自泉宮出，入于國，如先君之數。秋八月辛未，聲姜薨，毀泉臺。楚大饑，戎伐其西南，至于阜山，師于大林。【詁】伍瑞休江陵記曰：城西北六十里有林城，春秋至于阜山，師于大林，卽此城也。御覽鄖陽圖經：阜山在房縣南一百五十里，左傳戎伐其西南，至于阜山是也。又伐其東南，至于陽丘，以侵警枝。庸人【詁】說文：鄖，南夷郡國志：漢中郡上庸，本庸國。

杜同。帥羣蠻以叛楚，麇人帥百濮。【詁】通鑑注引穎容釋例曰：麇，當陽也。劉伯莊史記地名曰：濮在楚西南。周書王會篇曰：伊尹爲四方獻令，正南曰百濮，爾雅：南至于濮鉛，聚于選，將伐楚。於是申息之北門不啓，楚人謀徙于阪高。【詁】案蜀志：張飛傳：曹公追先主一日一夜，及于當陽之長阪，今長阪在當陽南，北去江陵城百五十里，地形高險，或卽楚人所欲遷也。荊州記亦云：當陽縣東有櫟林，長阪，爲賈

曰不可。我能往，寇亦能往。不如伐庸。夫麋與百濮，謂我饑不能師，故伐我也。若我出師，必懼而歸。百濮離居，將各走其邑。誰暇謀人？乃出師，旬有五百。百濮乃罷，自廬以往。【詰】案此廬，當卽南郡中廬，振廩同食。次于句瀝，使廬戡黎，侵庸及庸方城。【詰】圖經：竹山縣古庸國，方城山在縣東南三十里。庸人逐之，囚子揚，窮三宿而逸。曰：庸師衆，羣蠻聚焉，不如復大師。且起王卒，合而後進。師叔曰：不可。姑又與之。遇以驕之，彼驕我怒，而後可克。先君蚡冒。【詰】史記楚世家：蚡冒十七年卒，蚡冒弟熊通弑蚡冒子而立。是謂楚武王。索隱曰：古本蚡作蚡，音憤，冒音亡，北反。或亡報反。古今人表作益，王符潛夫論亦作益。案杜注與史記異，所以服陘隰也。又與之遇，七遇皆北。【詰】孔安國書傳：軍走曰北。杜本：惟裨僚魚人實逐之。【詰】鄒國志：巴郡魚復，古庸國。劉昭注：文十六年，魚人逐楚師，是也。案庸國庸字當作魚水。經注：江水下魚復，故魚國也。杜同。庸人曰：楚不足與戰矣，遂不設備。楚子乘驛會師于臨品，分爲二隊。【詰】服虔云：隊，部也。杜取。子越自石谿，子貝自仞以伐庸。秦人巴人從楚師，羣蠻從楚子盟，遂滅庸。宋公子鮑。【詰】史記昭公弟鮑革，徐廣曰：一本無革字。禮於國人，宋饑，竭其粟而貸之。【詰】說文：鮑，也。年自七十以上，無不饋詒也。時加羞珍異，無日不數于六卿之門。國之材人，無不事也。親自桓以下，無不恤也。公子鮑美而豔，襄夫人欲通之而不可。【詰】服虔云：襄夫人周襄王之姊，王姬也，不可。鮑不肯也。史記集解：乃助之施。諸本乃字誤作夫人，今改正。昭公無道，國人奉公子鮑以因夫人，於是華元爲右師，公孫友爲

左師華耦爲司馬。鱗臚爲司徒。蕩意諸爲司城。公子朝爲司寇。初司城蕩卒。公孫壽辭司城。請使意諸爲之。旣而告人曰。君無道。吾官近懼及焉。棄官則族無所庇。子身之貳也。姑紆死焉。雖亡子。猶不亡族。

【詁】詩毛傳。姑且也。紆緩也。杜本此。

旣夫人將使公田孟諸而殺之。公知之。盡以寶行。蕩意諸曰。盍適諸

侯。公曰。不能其大夫。至于君祖母以及國人。諸侯誰納我。且旣爲人君。而又爲人臣。不如死。盡以其寶

賜左右而便行。【詁】廣雅。行去也。杜本此。

夫人使謂司城去公。對曰。臣之而逃其難。若後君何。冬十一月

甲寅。宋昭公將田孟諸。未至。夫人王姬使帥甸禮記疏引此攻而殺之。蕩意諸死之。書曰。宋人弑其君

杵臼。君無道也。文公即位。使母弟須爲司城。華耦卒。而使蕩虺爲司馬。

十七年春。晉荀林父衛孔達陳公孫寧鄭石楚伐宋。討曰。何故弑君。猶立文公而還。卿不書。失其所也。

夏四月癸亥。葬聲姜。有齊難。是以緩。齊侯伐我北鄙。襄仲請盟。六月。盟于穀。晉侯蒐于黃父。遂復

合諸侯于扈。平宋也。公不與會。齊難故也。書曰。諸侯無功也。於是晉侯不見鄭伯。以爲貳於楚也。鄭子

家使執訊而與之書。以告趙宣子曰。寡君即位三年。召蔡侯而與之事。君九月。蔡侯入于敝邑。以行。敝

邑以侯宣多之難。寡君是以不得與蔡侯偕。十一月。克滅侯宣多。【詁】揚雄。太元經。滅日也。杜本此。而

隨蔡侯以朝于執事。十二年六月。歸生佐寡君之嫡夷。以請陳侯于楚。而朝諸君。十四年七月。寡君又

朝。以苟陳車。【詁】賈逵云。苟敎也。本疏。賈服皆云。苟敎也。本。章昭國語注。箴。猶敎也。案晉以後。諸本皆

朝。以苟陳車。【詁】賈逵云。苟敎也。本疏。賈服皆云。苟敎也。本。章昭國語注。箴。猶敎也。案晉以後。諸本皆

作藏。編檢字書。並無藏字。方言廣雅。藏字。今考字當爲荷。通作藏。形相近而誤也。說文荷。自急數也。正

用賈義。方言荷。備也。補字從荷。亦是一體。今據改。又服杜皆取賈義。十五年五月。陳侯自敝邑往朝于

君。往年正月。燭之武往朝夷也。八月。寡君又往朝。以陳蔡之密邇於楚。而不敢貳焉。則敝邑之故也。雖

敝邑之事君。何以免。在位之中。一朝于襄。而再見于君。夷與孤之二三臣。相及於絳。雖我小國。則蔑

以過之矣。今大國曰。爾未逞吾志。敝邑有亡。無以加焉。古人有言曰。畏首畏尾。身其餘幾。【註】高誘淮

南王書注。長始長終。中身不長。凡有幾何。言常畏也。杜本此。又曰。鹿死不擇音。【註】服虔云。鹿得美草。呦

呦相呼。不暇復擇善音。急之至也。案莊子人間世。獸死不擇音。郭象注。譬之野獸。獸之窮地。意急情迫。

則和聲不至。劉逵吳都賦注。凡閒暇則有好音。逼急不擇音。凡獸皆然。非惟鹿也。皆主音聲而言。杜注

以音作蔭。義轉迂曲。而無所承。劉炫規之最得正義非也。小國之事大國也。德則其人也。不德則其鹿

也。鋌而走險。【註】說文。鋌。銅鐵扑也。鋌。拔也。案此似當从手。廷。高誘呂覽注。猶動也。蓋云動而走險耳。

杜注非義訓。急何能擇。命之罔極。亦知亡矣。將悉敝賦。以待于儵。惟執事命之。文公二年六月壬申。朝

于齊。四年二月壬戌。爲齊侵蔡。亦獲成於楚。居大國之間。而從於彊令。豈其罪也。大國若弗圖。無所逃

命。晉鞏朔行成於鄭。趙穿公堵池爲質焉。秋。周甘默敗戎于邲。垂。【註】案說文無邲字。廣韻邲。沈字。

古文國名。亦姓。本自周文王第十子聃季。食采于沈。卽汝南平輿沈亭是也。服虔云。邲。垂在高都南。水

注案服說最諦郡國志亦云新城縣有高都城今亭在城南七里京相璠亦引舊說言沈垂在高都南而又以爲上黨有高都縣此回違之至宜其爲道元所嗤矣乘其飲酒也冬十月鄭大子夷石楚爲質于晉襄仲如齊拜穀之盟復曰臣聞齊人將食魯之麥以臣觀之將不能齊君之語偷臧文仲有言曰民主偷必死

十八年春齊侯戒師期而有疾醫曰不及秋將死公聞之卜曰尙無及期惠伯令龜卜楚丘占之曰齊侯不及期非疾也君亦不聞令龜有咎二月丁丑公薨齊懿公之爲公子也與邴歆之父爭田弗勝

【詁】案史記齊世家曰與邴戎之父獵爭獲不勝則田乃田獵或以爲田邑誤漢書古今人表作邴歆水經注亦作邴戎廣韻丙字注引風俗通云齊有大夫邴歆及卽位乃掘而別之說文掘而使歆僕

【詁】賈逵云僕御也史記集解杜本此納閭職之妻史記作庸職說苑引作庸職而使職驂乘夏五月公遊于申池二人浴于池歆以扑扶職【詁】鄭玄儀禮注扑擊也廣雅撲擊也杜本職怒歆曰人奪女妻而不怒一扶女庸

何傷職曰與別其父而弗能病者何如乃謀弑懿公納諸竹中歸舍爵而行齊人立公子元六月葬文公秋襄仲莊叔如齊惠公立故且拜葬也文公二妃敬嬴生宣公敬嬴嬖而私事襄仲【詁】服

虔云襄仲公子遂史記集解宣公長而屬諸襄仲襄仲欲立之叔仲不可【詁】服虔云叔仲惠伯同上仲見于齊侯而請之齊侯新立而欲親魯許之冬十月仲殺惡及視而立宣公書曰子卒諱之也仲以君命

召惠伯。其宰公冉務人止之曰：「入必死。」叔仲曰：「死君命可也。」公冉務人曰：「若君命可死，非君命何聽？」弗聽。乃入殺而埋之。馬矢之中，公冉務人奉其帑以奔蔡。既而復叔仲氏。夫人姜氏歸于齊。大歸也。將行哭而過市，曰：「天乎！仲爲不道，殺適立庶，市人皆哭。」魯人謂之哀姜。莒紀公生大子僕，又生季佗。草昭

國語注引李它

愛季佗而黜僕，且多行無禮於國。僕因國人以弑紀公，以其寶玉來奔，納諸宣公。公命與之

邑。曰：「今日必授。」季文子使司寇出諸竟，曰：「今日必達。」公問其故。季文子使大史克魯語作里克對曰：「先大夫

臧文仲教行父事君之禮，行父奉以周旋，弗敢失隊。曰：「見有禮於其君者，事之。如孝子之養父母也。見

無禮於其君者，誅之。」如鷹鷂之逐鳥雀也。先君周公制周禮曰：「則以觀德。」爾雅：則法也。杜本德以

處事，事以度功。杜本【詁】鄭玄禮記注：度量也。功以食民，作誓命曰：「杜本【詁】鄭元禮記注：約信曰誓。杜本

毀則爲賊，掩賊爲臧。杜本【詁】章昭國語注：掩，匿也。竊賄爲盜，盜器爲姦，主臧之名，賴姦之用，爲大凶

德，有常無赦。在九刑不忘。杜本【詁】賈逵云：正刑一，加之以八議。周禮疏：服虔云：正刑一，議刑八。本行父還觀

莒僕，莫可則也。孝敬忠信爲吉德，盜賊姦爲凶德。夫莒僕則其孝敬，則弑君父矣。則其忠信，則竊寶

玉矣。其人則盜賊也。其器則姦兆也。杜本【詁】爾雅：兆，城也。保而利之，則主臧也。以訓則昏，民無則焉。

不度於善。杜本【詁】詩毛傳：度，居也。而皆在於凶德，是以去之。昔高陽氏有才子八人。杜本【詁】服虔云：八

人，禹垂之鬲也。本疏：案史記索隱引賈逵，亦以左傳高陽才子八人，謂其後代子孫而稱爲子案，此則杜

取賈義。蒼舒。隕斃。索隱作隕。王符擣斃。王符作擣。演古【詁】說文斃。長槍也。春秋傳有擣斃。大臨。虜

降。王符作庭堅。仲容。叔達。齊聖。培淵。【詁】馬融尙書注。齊中也。詩毛傳。淵深也。杜本明允篤誠。【詁】爾

雅。允。信也。詩毛傳。篤厚也。杜本天下之民。謂之八愷。【詁】賈逵云。愷。和也。史記集解。杜取此。高辛氏有才子八

人。伯翳。古今人表。仲堪。叔獻。季仲。伯虎。伯虎。仲熊。王符作仲熊。叔豹。季狸。忠肅共懿。【詁】詩毛傳。肅

敬也。懿。美也。杜本宣慈惠和。【詁】爾雅。宣。徧也。杜本天下之民。謂之八元。【詁】賈逵云。元。善也。同上。杜

此十六族也。世濟其美。不隕其名。以至於堯。堯不能舉。舜臣堯。舉八愷。使主后土。【詁】王肅云。君治九

土之宜。同上。以揆百事。【詁】詩毛傳。揆。度也。杜本莫不時序。地平天成。【詁】詩毛傳。成。平也。杜本舉八元。

使布五教于四方。父義。母慈。兄友。弟共。子孝。內平外成。昔帝鴻氏有不才子。【詁】賈逵云。帝鴻。黃帝也。

不才子。其苗裔驩兜也。掩義隱賊。好行凶德。醜類惡物。【詁】詩毛傳。醜。惡也。杜本頑嚚不友。是與比周。

【詁】廣雅。比。近也。章昭國語注。周。密也。杜本天下之民。謂之渾敦。史記作渾沌。莊子作侏侏。【詁】服虔用山海經以

爲驩兜。人面馬喙。渾敦亦爲獸名。本。杜本又服虔通俗文。大而無形曰侏侏。音義。一切經少皞氏有不才子。【詁】

服虔云。金天氏帝號。同上。杜毀信廢忠。崇飾惡言。靖譖庸回。【詁】廣雅。崇。聚也。靖。安也。詩毛傳。庸。用也。

四。邪也。杜本服讒蒐慝。【詁】服虔亦以蒐爲隱。陰慝。謂陰隱爲惡也。本。高誘呂覽注。服。行也。孔安國書傳。慝。惡也。杜取服說。餘以誣盛德。【詁】服虔以成德爲成就之德。故爲賢人也。定本成德爲盛德。同。案

成盛古字通。公羊皆以盛爲成。天下之民。謂之窮奇。**【詰】**服虔云。謂共工氏也。其行窮而好奇。史記集解杜取

此顯頊氏有不才子。不可教訓。不知話言。**【詰】**小爾雅。話善也。杜本告之則頑。舍之則歸。傲狼明德。以

亂天常。天下之民。謂之橈杙。**【詰】**賈逵云。橈杙。凶頑無疇匹之貌。謂繇也。同上服虔案神異經云。橈杙狀

似虎。鬚長二尺。人面虎足。豬身。尾長丈八尺。能鬥不退。本說文。橈。斷木也。从木。鬻聲。春秋傳曰。橈杙。案

說文無杙字。當以作橈爲是。此三族也。世濟其凶。增其惡名。以至于堯。堯不能去。繇雲氏有不才子。

【詰】賈逵曰。繇雲氏。姜姓也。炎帝之苗裔。當黃帝時。爲繇雲之官。同上服虔云。夏官爲繇雲氏。杜取說文。

繇。帛赤色也。春秋傳曰。繇雲氏。禮有繇緣。从糸。習聲。貪于飲食。冒于貨賄。**【詰】**案賈子道述篇。厚人自

薄。謂之讓。反讓爲冒。正可作此。冒字訓解。杜注。冒亦貪也。乃隨文生義耳。侵欲崇侈。不可盈厭。聚斂積

實。**【詰】**高誘淮南王書注。實財也。杜本不知紀極。不分孤寡。不恤窮匱。天下之民。以比三凶。謂之饜飧。

【詰】賈服並云。貪財爲饜。貪食爲飧。本疏。杜取此。服虔案神異經。饜飧獸名。身如牛。人面。目在腋下。食人。同上。

說文。飧。食也。春秋傳曰。謂之饜飧。案飧字本从殄省。故亦可作饜。玉篇亦云。饜與飧同。高誘淮南注。帝

鴻氏之裔。子渾敦。少昊氏之裔。子窮奇。繇雲氏之裔。子饜飧。三族之苗裔。故謂之三危。今考孟子舜流

共工于幽州。賈逵云。窮奇。共工也。放驩兜于崇山。賈逵云。渾敦。驩兜也。首亦相近。殛繇于羽山。賈逵云。

橈杙。繇。以此傳及孟子證之。不當如高氏之說矣。然四凶獨缺饜飧。四裔復闕西裔。則窺三危者。當卽

指鬻鬻也。書傳三危四裔之山。水經注三危山在敦煌南。圖經云三危山西極要路是矣。舜臣堯。賓于

四門。流四凶族。渾敦窮奇。檮杌饕餮。投諸四裔。【詁】賈逵云四裔之地。去王城四千里。史記集解詩毛傳按

棄也。方言同。廣雅裔遠也。杜本以禦螭魅。【詁】賈逵云螭山神獸形。或曰如虎而噴虎。或曰魅人面獸

身而四足。服注同並周禮疏案說文作彪云老精物也。與賈注微異。服虔云螭魅人面獸身四足好惑人。山林

異氣所生。以為人害。史記集解案服所引當亦神異經之文。杜取是以堯崩而天下如一。同心戴舜。以為天

子。以其舉十六相。去四凶也。故虞書數舜之功曰慎徽五典。【詁】詩毛傳徽美也。鄭元周禮注典常也。

杜本五典克從。無違教也。曰納于百揆。百揆時序。無廢事也。曰賓于四門。四門穆穆。無凶人也。舜有大

功。二十而為天子。今行父雖未獲一吉人。去一凶矣。於舜之功。二十之一也。庶幾免於戾乎。宋武氏

之族。道昭公子。將奉司城。須以作亂。十二月。宋公殺母弟須。及昭公子。使戴莊桓之族。攻武氏于司馬

人。子伯之館。遂出武穆之族。【詁】賈逵云出逐也。同上使公孫師為司城。公子朝卒。使樂呂為司寇。以靖國

卷十

傳

宣公元年春王正月。公子遂如齊。逆女。尊君命也。三月。遂以夫人婦姜至自齊。尊夫人也。夏季。文子如齊。納賂以請會。晉人討不用命者。放胥甲父於衛。而立胥克。先辛奔齊。會於平州。以定公位。東門襄仲如齊拜成。六月。齊人取濟西之田爲立公故。以賂齊也。宋人之弑昭公也。晉荀林父以諸侯之師伐宋。宋及晉平。宋文公受盟於晉。又會諸侯於扈。將爲魯討齊。皆取賂而還。鄭穆公曰。晉不足與也。遂受盟於楚。陳共公之卒。楚人不禮焉。陳靈公受盟於晉。秋。楚子侵陳。遂侵宋。晉趙盾帥師救陳。宋會於裴林。以伐鄭也。楚薳賈救鄭。遇於北林。【註】服虔云。北林。鄭南地也。京相璠曰。今滎陽苑陵縣。有故陵鄉。在新鄭北。故曰北林也。水經按道元主杜說。以京服說爲疏。囚晉解揚。晉人乃還。晉欲求成於秦。趙穿曰。我侵崇。秦急崇。必救之。吾以求成焉。冬。趙穿侵崇。秦弗與成。晉人伐鄭。以報北林之役。於是晉侯侈。趙宣子爲政。驟諫而不入。故不競於楚。【註】詩毛傳。競。強也。杜本此。

二年春。鄭公子歸生受命於楚。伐宋。釋文。受命于楚。本或作命于楚。今按杜注。不當有受字。似可刪。宋華元樂呂御之。二月壬子。戰於大棘。宋師敗績。囚華元。獲樂呂。及甲車四百六十乘。俘二百五十人。誡百人。諸本百下人。字釋文所無。狂狡輅鄭人。鄭人入於井。【註】服虔云。輅。迎也。見僖十五年。杜杜取此。膏肓狂狡近于古道。箴膏肓狂狡。臨敵拘于小仁。忘在軍之禮。讎之義。合于讎。詩疏。倒戟而出之。獲狂狡。君子曰。失禮違命。宜其爲禽也。戎。昭果毅。以聽之之謂禮。

【註】大戴禮論四代之政。刑云。祭祀昭有神。明燕食昭有慈惠。宗廟之事。昭有義率。禮。朝廷昭有五官。

無廢甲冑之戒。當作昭果殺以聽。惠棟云。據此則戎爲句。昭果殺以聽。古語也。下四句乃左氏益之耳。

杜注殊不的。殺敵爲果。致果爲毅。易之戮也。將戰。華元殺羊食士。其御羊斟不與。及戰。曰。疇昔之羊。子

爲政。今日之事。我爲政。【詁】呂覽。作昨日之事。子爲制。今日之事。我爲制。高誘注。今日之事。御事也。案

正作制。蓋因秦始皇名正而改也。與入鄭師。故敗。君子謂羊斟非人也。以其私憾。【詁】釋文。憾。本又作

感。今定作憾。敗國殄民。於是刑執大焉。詩所謂人之無良者。其羊斟之謂乎。殘民以逞。宋人以兵車百

乘。文馬百駟。【詁】賈逵云。文。理文也。王肅云。畫馬也。史記。說文。駵。馬赤鬣縞身。目若黃金。名曰馮。从馬

从文。文亦聲。春秋傳曰。馮馬百駟。畫馬也。西伯獻紂。以全其身。王與杜。周書。王會曰。犬戎文馬。案丘光

庭曰。文馬。馬之毛色有文采者。蓋取賈義。今考叔重既言駵馬赤鬣縞身。目若黃金。又云畫馬也。則意

亦言馬之文采似畫耳。漢書。王莽傳注。晉灼曰。許慎說文。馮馬縞身金精。周成王時。西戎獻之。晉所引

與今本說文異。以贖華元於鄭。半入。華元逃歸。立於門外。告而入。見叔牂。曰。子之馬然也。對曰。非馬也

其人也。既合而來奔。【詁】服虔載三說。皆以子馬然爲叔牂之言。對曰。以下爲華元之言。賈逵云。叔牂

宋守門大夫。華元既見叔牂。牂謂華元曰。子見獲于鄭者。是由子之馬使然也。華元對曰。非馬自奔也

其人爲之也。謂羊斟驅入鄭也。奔。走也。言宋人贖我之事。既和合。而我卽來奔耳。鄭衆曰。叔牂卽羊斟

也。在先得歸。華元見叔牂。牂卽誣之曰。奔入鄭軍者。子之馬然也。非我也。華元曰。非馬也。其人也。言是

汝暉之耳。叔牂既與華元合語而卽來奔魯。又一說。叔牂宋人。見宋以馬贖華元。謂元以贖得歸。謂元曰。子之得來。當以馬贖。故然。華元曰。非馬也。其人也。言己不由馬贖。自以人事來耳。贖事既合。而我卽來奔。疏本按以叔牂爲羊。對始於鄭衆。而杜用之。又無別據。第三云。羊對與叔牂。當是名字相配。今考羊當是氏。無緣作字。與氏相配。又羊對。旣明言今日之事。我爲政。則不得更以子之馬。然而誣華元。鄭衆之說。非也。對前既有言。則元亦不必反爲飾辭。杜說亦非。賈以叔牂爲宋守門大夫。其義最確。服虔稱或一說。亦云。叔牂宋人。與賈注合也。又既合而來奔。句正義欲申杜。乃不引爾雅釋詁文。合對也。而云合是聚合言語。亦可謂進退失據。又按淮南繆稱訓。羊羹不對。而宋國危。是對又訓對酌之對。其御羊羹不與。謂御不與食。羊羹也。高誘注。亦不以羊對爲人姓名。得之。宋城華元爲植。巡功。【詰】鄭司農云。植爲部曲將吏。本疏及周禮疏。杜本此。城者。謳曰。睥其目。【詰】說文。睥。大目也。从目。旱聲。字林同。幡其腹。棄甲而復于思于思。【詰】賈遠云。白頭貌。本疏。服虔同。詩。惠士奇曰。案毛詩。瓠葉云。有兔斯首。鄭箋云。斯。白也。今俗語。斯白之字作鮮。齊魯之間。聲近斯。正義云。服虔以于思爲白頭貌。字雖異。蓋亦以斯聲近鮮。故爲白頭也。後漢書朱儵傳。賊多髡者。號于氏根。注引杜注爲證。按此則于爲須斯爲白。于斯爲白須也。今案杜注以于斯爲多鬚貌。恐非。當以賈義爲長。棄甲復來。使其驂乘。謂之曰。牛則有皮。犀兕尙多。棄甲則那。【詰】廣雅。奈。那也。案那猶言奈何也。役人曰。從其有皮。丹漆若何。華元曰。去之。夫其口衆。我寡。秦

師伐晉以報崇也。遂圍焦。夏，晉趙盾救焦，遂自陰地及諸侯之師，侵鄭以報大棘之役。楚鬬椒救鄭，曰：「能欲諸侯而惡其難乎？」遂次於鄭，以待晉師。趙盾曰：「彼宗競於楚，殆將斃矣。姑益其疾，乃去之。」晉靈

公不君，厚斂以雕牆。【詁】賈逵云：雕，畫也。史記集解杜取此。從臺上彈人而觀其辟丸也。【詁】高誘呂覽注：從

高臺上引彈，觀其走而辟丸，以爲樂也。宰夫脯熊蹯不孰。諸本孰作熟。從宋本改正。【詁】說文：脯，鬪也。方言：廣雅：脯

熟也。正義引字書曰：過熟曰脯。案杜無注，故采衆說補之。服虔云：躡熊掌，其肉難熟。史記說文：獸足謂

之番，从采田象其掌，殺之，實諸春。【詁】說文：春，蒲器，可以盛糧，使婦人載以過朝。趙盾士季見其手，釋

其首。一本作問其故而患之。將諫，士季曰：「諫而不入，則莫之繼也。會請先，不入，則子繼之。三進及溜，而後視

之。」【詁】說文：霑，屋水漏也。釋文：霑，當今之棟下直室之中。古者霑下之處也。案溜與霑同。曰：吾知所過

矣。將改之，稽首而對曰：「人誰無過，過而能改，善莫大焉。」詩曰：「靡不有初，鮮克有終。」夫如是，則能補過者

鮮矣。君能有終，則社稷之固也。豈惟羣臣賴之？又曰：「衰職有闕，惟仲山甫補之。能補過也。君能補過，衰

不廢矣。猶不改，宣子驟諫。」賈逵云：驟，疾也。案經音義引國語注：公患之，使鉏麇賊之。呂覽作沮麇。古今人表

案鉏之彌，急。讓卽作鉏麇。【詁】賈逵云：鉏麇，晉力士。史記集解杜取此。晨往寢門闕矣。盛服將朝，尚早，坐而假寐。【詁】詩：鄭

箋：不脫冠衣而寐，曰假寐。杜本麇退，歎而言曰：「不忘恭敬，民之主也。」【詁】高誘呂覽注：大夫稱主，因曰

民之主。賊民之主，不忠。棄君之命，不信。有一於此，不如死也。觸槐而死。【詁】呂覽：觸，庭槐而死。外傳曰：

觸庭之槐而死。章昭注：庭外朝之庭也。周禮王之外朝三槐，三公位焉，則諸侯之朝三槐，三卿位焉。案

惠氏云：寃退而觸靈公之庭槐，明歸死于君，其說得之。杜注以為趙盾庭樹非也。秋九月，晉侯飲趙盾

酒，伏甲將攻之。其右提彌明知之。公羊傳作祁彌明，史記作示。趨登曰：臣侍君宴，過三爵，非禮也。遂跌

以下。【詰】服虔本扶作跣。注云：趙盾徒跣而下走。本疏釋案：禮見君解纓，衰二十五年，褚師聲子讓而

登席，衛侯怒，此其證也。公嗾夫獒焉。【詰】說文：嗾，使犬聲。春秋傳曰：公嗾夫獒。獒，犬知人心，可使者。釋

文：嗾，服本作嘍，尙書傳：獒，大犬也。爾雅：狗四尺為獒。服虔云：嗾，嘍也。夫語辭，獒，犬名。公乃嗾夫獒，使之

嘍，盾也。本疏案：服讀嗾為嘍，非改字。明搏而殺之。盾曰：棄人用犬，雖猛何為。鬪且出，提彌明死之初。宣子

田於首山。【詰】地理志：河東郡蒲反雷首山在南。杜本馬融曰：在蒲坂華山之北，河曲之中。劉昭補注：酈道

元云：昔趙盾田首山，食祁彌明翳桑之下。卽此。水經注：舍於翳桑，見靈輒餓，問其病，曰：不食三日矣。食之

舍其半，問之，曰：宣三年矣。【詰】服虔云：宣，宣學仕也。史記又禮疏引服注云：宣，學也。杜取此。未知母之存

否，今近焉，請以遺之，使盡之，而為之箪食與肉，寘諸橐以與之。既而與為公介，倒載以禦公，徒而免之。

問何故，對曰：翳桑之餓人也，問其名，居不告而退。【詰】服虔云：不望報也。史記集解：杜取此。遂自亡也。乙丑，趙

穿攻靈公於桃園。【詰】虞翻曰：園，名也。同上。宣子未出山而復。大史書曰：趙盾弑其君，以示於朝。【詰】石

經及宋本，視皆作示。惠棟曰：毛詩鹿鳴曰：視民不忒。鄭箋曰：視，古示字。士昏禮曰：視諸矜。繫注云：視乃

正字。今文作示。俗誤行之。郭忠恕曰：鄭君此說，大與說文石經相乖。郭氏不識古文，其說非也。今案鄭

康成曲禮：幼子常視無誑。注曰：視，今之示字。漢書趙充國傳：非所以視蠻夷也。師古曰：視，讀曰示。又云：

漢書多以視爲示。古通用字。且說文列作部首，則非俗字可知。郭說固非。惠氏之說，亦祇見其一也。宣

子曰：不然。對曰：子爲正卿，亡不越竟，反不討賊，非子而誰？宣子曰：烏乎？我之懷矣。自貽伊感。【詁】王肅

曰：此邶風雄雉之詩。惠棟云：今詩感作阻。惟小明作感，而上句又異。王子雍或見三家之詩，據以爲衛

詩。三家惟齊詩亡于魏代。其我之謂矣。孔子曰：董狐古之良史也。書法不隱。趙宣子古之良大夫也。爲

法受惡。【詁】服虔云：聞義則服。史記集解：惜也。越竟，乃免。宣子使趙穿逆公子黑臀於周而立之。【詁】說文

肩髀也。从尸，下，丁，居，口，肩，或從肉，或從骨，殿聲。今作臂，蓋又臂之省文也。壬申，朝於武宮。初，麗姬之亂，

詛無畜羣公子。【詁】服虔云：麗姬與獻公及諸大夫，詛無畜羣公子，欲令其二子專國。本疏：自是晉無公

族，及成公卽位，乃宦卿之適。諸本適下有子字。按釋文曰：之適，昭十八年正義引作宦卿之適，以爲公

引左傳作嫡。釋文：適本又作嫡。【詁】鄭康成禮記注：宦，仕也。杜本而爲之田，以爲公族。【詁】服虔云：公

當屬元應所據。本適嫡古字同。【詁】鄭康成禮記注：宦，仕也。杜本而爲之田，以爲公族。【詁】服虔云：公

族大夫。史記集解：又宦其餘子，亦爲餘子。其庶子爲公行。晉於是，有公族餘子公行。趙盾請以括爲公族。曰

君姬氏之愛子也。微君姬氏，則臣狄人也。公許之。冬，趙盾爲旄車之族。【詁】服虔云：旄車，戎車之倖。鄭詩

箋及疏引此。傳旄並作旄。使屏季以其故族爲公族大夫。

三年春不郊而望。皆非禮也。望，郊之屬也。不郊，亦無望可也。晉侯伐鄭及鄆。【詁】案補刻石經及淳化

本，鄆作延。顧氏以石經爲非。今考鄆，卽鄭廩延地。隱元年傳，卽作延。顧說非也。鄭及晉平，士會入盟。

楚子伐陸渾之戎，遂至於洛。【詁】地理志：宏農郡上洛，禹貢洛水出冢嶺山南，北至鞏入河。此，杜本。觀兵

於周疆。【詁】服虔云：陸渾戎在洛西南。觀兵，陳兵示周也。史記：定王使王孫滿勞楚子。【詁】賈逵云：王

孫滿，周大夫也。史記集解：服虔云：以郊勞禮迎之也。上，楚子問鼎之大小輕重焉。對曰：在德不在鼎。昔

夏之方有德也。【詁】晉友孫兵備，星衍曰：夏之方有德，謂啓之世。杜注云：禹，非也。啓鑄鼎，事見墨子明

鬼篇。云：九鼎既成，遷于三國。是此鼎無疑。後人誤傳爲禹鑄。今山海經：海內大荒等篇，卽後人錄夏鼎

之文也。遠方圖物，貢金九牧。【詁】服虔云：使九州之牧貢。同此。杜鑄鼎象物。【詁】賈逵云：象所圖物鑄

之于鼎。同上。杜取此。百物而爲之備，使民知神姦。故民入川澤山林。劉逵引傳：作使禁禦不若。【詁】惠棟云：

張衡東京賦云：禁禦不若，以知神姦。螭魅魍魎，莫能逢旃。爾雅釋詁云：若，善也。郭璞注左傳云：禁禦不

若，今左傳作不逢。不若，案下傳云：莫能逢之。杜氏曰：逢，遇也。旣云不逢，又云莫逢，文旣重出，且杜氏不

應舍上句注下句。此晉以後傳寫之譌。今從張衡郭璞本訂正。螭魅罔兩。【詁】說文：作螭魅，螭，螭也。鄭康

成周禮注：作螭，螭，魍魎云。百物之神曰魑。通俗文山澤怪謂之螭魅。木石怪謂之魍魎。莫能逢之。張衡

賦作逢旃。毛萇詩傳曰：旃，之也。用能協於上下，以承天休。桀有昏德，鼎遷於商。載祀六百。【詁】賈逵云：載，辭也。祀，年也。

商曰史記集解。商紂暴虐。鼎遷於周。德之休明。雖小重也。其姦回昏亂。雖大輕也。天祚明德。有所底止。

【詁】爾雅。底。致也。成王定鼎於郊。鄆。【詁】說文。鄆。河南縣。直城門官。陌地也。春秋傳曰。成王定鼎于郊。

鄆。京相璠曰。郊。山名。鄆地邑也。水經注。卜世三十。卜年七百。天所命也。周德雖衰。天命未改。鼎之輕重。未

可問也。夏。楚人侵鄭。鄭即晉故也。宋文公即位三年。殺母弟須及昭公子。武氏之謀也。使戴桓之

族攻武氏於司馬子伯之館。盡逐武穆之族。武穆之族以曹師伐宋。秋。宋師圍曹。報武氏之亂也。冬。

鄭穆公卒。初。鄭文公有賤妾曰燕姑。【詁】賈逵云。姑。南燕姓。史記集解。夢天使與己蘭。【詁】賈逵云。蘭。

香草也。同上。杜。曰。余爲伯儵。【詁】說文作百儵。云。黃帝之後。姑姓。案儵即儵。但移偏傍。居上耳。惠氏譏

釋文誤字。非也。余而祖也。【詁】賈逵云。伯儵。南燕祖。同上。杜。以是爲而子。【詁】王肅云。以是蘭也。爲汝

子之名。同上。杜。取此。以蘭有國。香人服媚之如是。既而文公見之。與之蘭而御之。辭曰。妾不才。幸而有子。將

不信。敢徵蘭乎。公曰。諾。生穆公。名之曰蘭。文公報鄭子之妃。【詁】服虔云。鄭子文公之叔父子儀也。報。

復也。淫親族之妻曰報。漢律。淫季父之妻曰報。詩疏。杜。取此。曰。陳媯。生子華。子臧。子臧得罪而出。誘子華而

殺之。南里。使盜殺子臧於陳宋之間。又娶於江。生公子士。朝於楚。楚人醜之。及葉而死。【詁】地理志。南

陽。鄆。葉。楚葉公邑也。杜本。又娶於蘇。生子瑕。【詁】史記。瑕作濇。徐廣曰。一作瑕。案隱曰。音既。左傳作暇。

子俞彌。俞彌早卒。泄駕惡瑕。文公亦惡之。故不立也。公逐羣公子。公子蘭奔晉。從晉文公伐鄭。石癸曰。

吾聞姬媾耦。其子孫必蕃。媾。吉人也。【詁】丘光庭曰。石癸所言。是論信字之義。字當从人。从吉。後代改之。从女。安得吉人之語乎。后稷之元妃也。今公子蘭。媾甥也。天或啓之。必將爲君。其後必蕃。先納之。可。以亢龍。【詁】廣雅。亢。極也。杜本此。與孔將鉏侯。宣多納之。盟於大宮。而立之。以與晉平。穆公有疾。曰。蘭死。吾其死乎。吾所以生也。刈蘭而卒。【詁】章昭國語注。芟草曰刈。又云。刈。鎌也。

四年春。公及齊侯。平莒及郟。莒人不肯。公伐莒。取向。非禮也。平國以禮不以亂。伐而不治。亂也。以亂平亂。

何治之有。無治何以行禮。楚人獻鼃於鄭靈公。【詁】說文。鼃。大鼈也。公子宋與子家將見。子公之食。

指動。【詁】服虔云。第二指。史記集解。杜取此。俗所謂噓鹽指也。本疏。以示子家。曰。他日我如此。必嘗異味。及入宰。

夫將解鼃。相視而笑。公問之。子家以告。及食。大夫鼃。召子公而勿與也。子公怒。染指於鼎。嘗之。而出。公。

怒。欲殺子公。子公與子家謀。先子家曰。畜老猶懼殺之。而況君乎。反譖子家。子家懼而從之。夏。弑靈公。

書曰。鄭公子歸生弑其君夷。權不足也。君子曰。仁而不武。無能達也。凡弑君。稱君。君無道也。稱臣。臣之。

罪也。【詁】案劉賈許穎說。已見前文。公十六年。鄭人立子良。辭曰。以賢則去疾不足。以順則公子堅長。

【詁】釋雅。順。敘也。乃立襄公。襄公將去穆氏。而舍子良。子良不可。曰。穆氏宜存。則固願也。若將亡之。則。

亦皆亡。去疾何爲。乃舍之。皆爲大夫。初。楚司馬子良生子越椒。子文曰。必殺之。是子也。熊虎之狀。而。

豺狼之聲。弗殺。必滅若敖氏矣。諺曰。狼子野心。是乃狼也。其可畜乎。子良不可。子文以爲大憾。及將死。

聚其族曰椒也。知政乃速行矣。無及於難。且泣曰：鬼猶求食，若敖氏之鬼，不其餒而及令尹子文卒。鬬般爲令尹，子越爲司馬，蔣賈爲工，正譖子揚而殺之。子越爲令尹，己爲司馬，子越又惡之，乃以若敖氏之族圍伯嬴。【詁】鄭元禮記注：圍所以禁守繫者。若令別獄也。於轅陽而殺之，遂處烝野。將攻王，王以三王之子爲質焉，弗受。師於漳澨。秋七月戊戌，楚子與若敖氏戰於臯澨，伯棼射王，汰鞠。【詁】說文：泰，滑也。从升从水，大聲。臣鉉等曰：本音他達切。今左傳作汰舟，非是。說文又有太字，云古文泰。說文大字解云：天大地大人亦大，故大象人形。據此，則汰从水，大聲，爲古泰字之省文。音義亦通。徐說似非。別本又作汰，誤。及鼓跗著於丁寧，又射汰，鞠以貫笠。【詁】服虔云：笠，鞞之蓋如笠，所以蔽鞞。上以禦矢也。一曰：車鞞上鐵也。或曰：兵車旁機輪謂之笠。鞞，本按著當从竹。師懼退，王使巡師曰：【詁】廣雅：徇，巡也。案：巡師，卽徇師也。字詁云：徇，今巡字。爾雅：吾先君文王克息，獲三矢焉。伯棼竊其二，盡於是矣。鼓而進之，遂滅若敖氏。初，若敖娶於邳。【詁】釋文：邳，本又作鄆。說文：鄆，漢南之國。漢中有鄆關。地理志：江夏郡雲杜，應劭曰：左傳若敖娶於邳，今邳亭是也。生鬬伯比。若敖卒，從其母畜於邳。【詁】詩毛傳：畜，養也。杜本此。淫於邳子之女，生子文焉。【詁】王逸：天問章句：子文之母，鄆公之女。旋穿閭社，通于丘陵，以淫而生子文。邳夫人使棄諸夢中。班固：序傳作魯中，周禮：荆州其澤藪曰雲薈。虎乳之。邳子田，見之懼而歸，夫人以告，遂使收之。楚人謂乳藪謂虎於菟，故命之曰鬬藪於菟。【詁】說文云：楚人謂虎爲烏菟。今案：菟字，係徐鉉新附，蘇

氏補注以爲說文誤也。又惠氏引唐石經。楚人謂乳爲穀。謂虎爲於菟。疑今本脫一爲字。不知此亦朱梁補刻石經。非唐石經也。又案王逸章句。楚人謂乳爲鬪穀。今考鬪乃伯比之姓。章句鬪字。恐後人妄增。以其女妻伯比。實爲令尹子文。其孫箴尹克黃。【詰】高誘呂覽注。楚有箴尹之官。諫臣也。使於齊。還及宋。聞亂。其人曰。不可以入矣。箴尹曰。棄君之命。獨誰受之。君天也。天可逃乎。遂歸復命。而自拘於司敗。王思子文之治楚國也。曰。子文無後。何以勸善。使復其所。改命曰生。冬。楚子伐鄭。鄭未服也。五年春。公如齊。高固使齊侯止公。請叔姬焉。夏。公至自齊。書過也。秋九月。齊高固來逆女。自爲也。故書曰逆叔姬。卿自逆也。冬。來反馬也。楚子伐鄭。陳及楚平。晉荀林父救鄭伐陳。

六年春。晉衛侵陳。陳卽楚故也。夏。定王使子服求后於齊。秋。赤狄伐晉。圍懷及邢丘。【詰】地理志。懷

平。阜。皆河內郡屬縣。應劭曰。邢侯自襄國徙平阜。當齊桓時。衛人伐邢。邢遷于夷儀。其地屬晉。名曰邢

丘。杜本此。晉侯欲伐之。中行桓子曰。使疾其民。以盈其貫。【詰】惠棟云。劉光伯據梅賾泰誓。商罪貫盈。以

爲紂之爲惡。如物在繩索之貫。不得爲習其說是也。而所引之書。非也。案韓非子曰。有與悍者鄰。欲賣

宅而避之。人曰。是其貫將滿也。或曰。子姑待之。答曰。吾恐其以我滿貫也。遂去之。此說與劉合。可以規

杜過矣。將可瘞也。【詰】爾雅。瘞。死也。說文同。周書曰。瘞戎殷。此類之謂也。冬。召桓公逆王后於齊。

楚人伐鄭。取成而還。鄭公子曼滿與王子伯廖語。欲爲卿。伯廖告人曰。無德而貪。其在周易豐三三三

之離三三弗過之矣。問一歲。鄭人殺之。

七年春。衛孫桓子來盟。始通。且謀會晉也。夏。公會齊侯。伐莒。不與謀也。凡師出。與謀曰及。不與謀曰會。

【詁】劉賈許穎皆以經諸及字爲義。疏本

赤狄侵晉。取向陰之禾。鄭及晉平。公子宋之謀也。故相鄭

伯以會冬。盟於黑壤。王叔桓公臨之。不謀不睦。晉侯之立也。公不朝焉。又不使大夫聘。晉人止公於

會。盟於黃父。公不與盟。以賂免。故黑壤之盟不書諱之也。

八年春。白狄及晉平。夏。會晉伐秦。晉人獲秦謀。【詁】史記晉世家。伐秦。虜秦將赤素。隱曰。赤曰斥。謂斥墜

之人也。按宣八年左傳。晉伐秦。獲謀殺諸絳市。諫卽此斥也。晉成公六年。爲晉宣八年。故知然也。殺諸

絳市。六日而蘇。有事於大廟。襄仲卒而釋。非禮也。楚爲衆舒叛。故伐舒蓼。滅之。楚子疆之。及滑汭。

盟。吳越而還。【詁】地理志。會稽郡。吳故國。山陰。越王句踐本國。此。杜本。晉胥克有蠱疾。郤缺爲政。秋。廢

胥克。使趙朔佐下軍。冬。葬敬嬴。旱無麻。始用葛。弗雨。不克葬。禮也。禮卜葬先遠日。辟不懷也。【詁】爾

雅。懷。思也。杜本。城平陽。書時也。陳及晉平。楚師伐陳。取成而還。

九年春。王使來徵聘。【詁】鄭玄周禮注。徵。召也。杜本。夏。孟獻子聘於周。王以爲有禮。厚賄之。秋。取根牟。

言易也。滕昭公卒。會於扈。討不睦也。陳侯不會。晉荀林父以諸侯之師伐陳。晉侯卒於扈。乃還。

冬。宋人圍滕。因其喪也。陳靈公與孔寧儀行父。【詁】鄭玄禮記注。引作孔。通於夏姬。皆衷其相服。【詁】說

文。衷裏褻衣。春秋傳曰。皆衷其粗服。粗日日所常衣。字林同。又曰。婦人近身內衣也。杜本以戲於朝。泄

冶諫曰。公卿宣淫。民無效焉。詩毛傳宣示也。杜本且聞不令。君其納之。公曰。吾能改矣。公告二子。

二子請殺之。公弗禁。遂殺泄治。孔子曰。詩云。民之多辟。詩高誘呂覽注。辟。邪也。杜本無自立辟。其泄

冶之謂乎。楚子爲厲之役。故伐鄭。晉卻缺救鄭。鄭伯敗楚師於柳。楚國人皆喜。惟子良憂曰。是國之

災也。吾死無日矣。

十年春。公如齊。齊侯以我服故。歸濟西之田。夏。齊惠公卒。崔杼有寵於惠公。高國畏其偏也。公卒而逐

之。奔衛。書曰。崔氏非其罪也。正義何休膏肓以爲公羊譏世卿。而難左氏。蘇氏釋曰。崔氏祖父名

不見經傳。則知非世卿云云。惠棟按唐書宰相世系表。崔氏出自姜姓。齊丁公伋子。季子讓國。叔乙

食采于崔。遂爲崔氏。濟南東朝陽西北有崔氏城。是也。季氏生穆伯。穆伯生沃。沃生野。八世孫天生。野

爲齊正卿云云。僖二十八年傳。有齊崔天。蘇寬謂崔子祖父名不見經傳。非也。且告以族不以名。凡諸

侯之大夫。違此。杜本告於諸侯曰。某氏之守臣某。失守宗廟。敢告。所有玉帛之使

者。則告。不然。則否。公如齊奔喪。陳靈公與孔寧儀行父飲酒於夏氏。公謂行父曰。徵舒似女。對曰。

亦似君。徵舒病之。公出自其廐射而殺之。二子奔楚。滕人恃晉而不事宋。六月。宋師伐滕。鄭及楚

平。諸侯之師伐鄭。取成而還。秋。劉康公來報聘。師伐邾。取繹。季文子初聘於齊。冬。子家如齊。

伐邾故也。國武子來報聘。楚子伐鄭。晉士會救鄭。逐楚師於潁北。【詁】地理志潁川郡陽城陽乾山潁水所出東至下蔡入淮此諸侯之師戍鄭。鄭子家卒。鄭人討幽公之亂。斲子家之棺而逐其族。改葬幽公。諡之曰靈。

十一年春。楚子伐鄭。及櫟。子良曰。晉楚不務德而兵爭。與其來者可也。晉楚無信。我焉得有信。乃從楚。夏。

楚盟於辰陵。陳鄭服也。楚左尹子重侵宋。王待諸鄆。【詁】案說文鄆鄭地。今考隱元年至于廩延。杜

注。鄭邑。陳留酸棗縣北有延津。此注復云楚地。至後二年。楚子師次于鄆。注又云鄭北地。前後不同。如

此。自當以說文爲定也。令尹蔣艾獵城沂。【詁】服虔云。艾獵。蔣賈之子孫叔敖也。杜取案世本。蔣艾獵

爲叔敖之兄。今云艾獵卽叔敖。未知何據。襄十五年傳。蔣子馮爲大司馬。世本云。子馮艾獵之子。而杜

亦云叔敖從子也。明艾獵非卽叔敖。杜注一依世本。一又取服注。可云前後失據。使封人慮事。【詁】舊

注。封人司徒之屬官。周禮疏以授司徒。量功命日。分財用。平板榦。【詁】爾雅。板榦。楨也。舍人云。榦。正也。築

榦所立兩木也。杜本稱畚築。【詁】韋昭國語注。畚。土籠也。杜略程土物。議遠邇。略基址。【詁】廣雅。略。行

也。杜本具餼糧。【詁】鄭元周禮注。餼。乾食也。杜本度有司。事三旬而成。不愆於素。【詁】廣雅。儻。經也。素。儻

同。鄭元儀禮注。刑法定爲素。晉郤成子求成於衆狄。衆狄疾赤狄之役。遂服於晉。秋。會於欒函。衆狄

服也。是行也。諸大夫欲召狄。郤成子曰。吾聞之。非德莫如勤。非勤何以求人。能勤有繼。其從之也。詩曰。

文王既勤止。文王猶勤。况寡德乎。冬。楚子爲陳夏氏亂。故伐陳。謂陳人無動。將討於少西氏。遂入陳。

殺夏徵舒。轅諸栗門。【詰】說文。轅。車裂人也。春秋傳曰。轅諸栗門。杜本。因縣陳。陳侯在晉。申叔時。【詰】

賈逵云。楚大夫。史記集解。使於齊。反復命而退。王使讓之曰。夏徵舒爲不道。弑其君。寡人以諸侯討而戮之。

諸侯縣公皆慶寡人。女獨不慶寡人。何故。對曰。猶可辭乎。王曰。可哉。曰。夏徵舒弑其君。其罪大矣。討而

戮之。君之義也。抑人亦有言曰。【詰】鄭元禮記注。抑辭也。杜本。牽牛以蹊人之田。【詰】史記陳世家。楚

世家。蹊並作徑。說文。徑。待也。後或作蹊。杜注。蹊。徑也。蓋本史記。而奪之牛。牽牛以蹊者。信有罪矣。而奪

之牛。罰已重矣。諸侯之從也。曰。討有罪也。今縣陳。貪其富也。以討召諸侯。而以貪歸之。無乃不可乎。王

曰。善哉。吾未之聞也。反之可乎。對曰。可哉。吾儕小人。【詰】說文。儕。等輩也。春秋傳曰。吾儕小人。所謂取

諸其懷而與之也。乃復封陳。鄉取一人焉。以歸。謂之夏州。【詰】服虔云。言取封夏徵舒之州。周禮。鄭司

農云。二千五百家。爲州。同。案史記蘇秦列傳。說楚威王曰。東有夏州。海陽當卽此。裴駟集解。引車允撰

桓溫集云。夏口城上數里。有洲名夏州。晉書劉毅傳。夏口二州之中。地居形要。故書曰。楚子入陳。納公

孫寧儀行父於陳。書有禮也。厲之役。鄭伯逃歸。自是楚未得志焉。鄭既受盟於辰陵。又徵事於晉。

十二年春。楚子圍鄭。旬有七日。鄭人卜行成。不吉。卜臨於大宮。【詰】賈逵云。臨哭也。御覽。杜取此。且巷出車。吉。

【詰】賈逵云。陳子街巷。示雖困不降。必欲戰也。同。案下言師退。鄭人修城。則復欲戰之說。賈說良是。杜

注恐非國人大臨守陴者皆哭【詁】賈逵云陴城也上釋名城上垣曰墀塊杜本按俾倪埤塊字並同

楚子退師鄭人修城進復園之三月克之入自皇門【詁】賈逵云皇門鄭城門史記至於遠路【詁】爾

雅九達謂之達說文作煇云九達道似龜背故謂之煇逵或作煇本疏杜鄭伯肉袒牽羊史記牽【詁】

賈逵云服爲臣隸也同上杜以逆曰孤不天【詁】賈逵云不爲天所祐同上杜不能事君使君懷怒以

及敝邑孤之罪也敢不惟命是聽其俘諸江南以實海濱亦惟命其翦以賜諸侯【詁】詩鄭箋翦割截

也使臣妾之亦惟命若惠顧前好徼福於厲宣桓武不泯其社稷【詁】詩毛傳泯滅也杜本使改事君

夷於九縣君之惠也孤之願也非所敢望也敢布腹心君實圖之左右曰不可許也得國無赦王曰其

君能下人必能信用其民矣庸可幾乎退三十里而許之平潘尙入盟【詁】賈逵云楚大夫師叔子也

史記集解子良出質【詁】賈逵云鄭大夫同上夏六月晉師救鄭荀林父將中軍先穀佐之【詁】服虔云

食采於羸本地理志河東郡有羸縣卽周厲王所奔地章昭國語注羸晉地也案傳文稱羸子而注稱

羸季劉伯莊以此規杜實亦不然晉語稱士魴爲羸恭子亦稱羸季卽其明證矣士會將上軍卻克佐

之趙朔將下軍欒書佐之趙括趙嬰齊爲中軍大夫鞏朔韓穿爲上軍大夫荀首趙同爲下軍大夫韓

厥爲司馬【詁】世本桓叔生子萬萬生求伯求伯生子與子與生獻子厥本服虔云韓厥萬元孫章昭

國語注同杜取案史記韓世家韓之先事晉得封韓原曰韓武子據史記所言武子蓋韓萬也後三世

有轉厥。與此傳正義所引世本世次相同。則厥爲萬曾孫。不得云元孫也。時兒子貽孫方輯世本。檢出小司馬所引世本一條云。萬生賅伯。賅伯生定伯簡。簡生與。與生獻子厥。云惟此所引與世族譜世次同。則知史記及孔疏所引世本皆脫一代。當以服氏所據之本爲是。知必當有賅伯定伯兩世者。僖十五年韓簡視師下。杜注云。簡。晉大夫韓萬之孫。章昭國語注亦同。章杜皆當用服氏。服注雖無可考。然亦必據世本可知。蘇子由古史考。又以子與爲簡之曾孫。則大謬矣。及河。聞鄭既及楚平。桓子欲還。曰。無及於鄭。而勦民焉。用之。【詁】說文。勦。勞也。春秋傳曰。安用勦民。此杜本。楚歸而動。不後。隨武子曰。善。會聞用師。觀釁而動。【詁】服虔云。釁。問也。德刑政事典禮不易。不可敵也。不爲是征。楚君討鄭。【諸本君誤石經及宋本改正。】怒其貳而哀其卑。叛而伐之。服而舍之。【文選注。引作救之。】德刑成矣。伐叛刑也。柔服德也。二者立矣。昔歲入陳。今茲入鄭。民不罷勞。君無怨讟。【詁】說文。讟。痛怨也。春秋傳曰。民無怨讟。方言。廣雅。讟。痛也。案今本作君無怨讟。昭元年傳。又作民無讟。杜注。此云謗也。昭元年注。又云誹也。政有經矣。荆尸而舉。【詁】爾雅。尸。陳也。杜本。商農工賈。不敗其業。而卒乘輯睦。【詁】司馬法。兵車一乘。有甲士三人。步卒七十二人。高誘呂覽注。及三倉。步曰卒。車曰乘。此杜本。事不奸矣。蔣敖爲宰。擇楚國之令典。軍行右轅。左追蔚。前茅慮無。【詁】爾雅。茅。明也。杜本。中權後勁。百官象物而動。軍政不戒而備。能用典矣。其君之舉也。內姓選於親。外姓選於舊。舉不失德。賞不失勞。老有加惠。旅有施舍。君子小人。物有服章。貴有常尊。

賤有等威禮不逆矣。德立刑行。政成事時。典從禮順。若之何敵之。見可而進。知難而退。軍之善政也。兼弱攻昧。武之善經也。【詁】周書武稱解并小奪亂。□強攻弱而亂不正。武之善經也。廣雅。昧。冥也。蒼頡

篇小爾雅並同。子姑整軍。【詁】詩毛傳。姑且也。杜本此。而經武乎。猶有弱而昧者。何必楚仲虺有言曰。取

亂侮亡兼弱也。洵曰。【詁】案詩正義。酌左傳作洵。古今字耳。於鑠王師。遵養時晦。耆昧也。【詁】爾雅。鑠

美也。鄭元禮記注。耆至也。杜本此。武曰無競惟烈。【詁】爾雅。烈。業也。杜本此。撫弱者昧。以務烈所可也。蕘子

曰。不可晉所以霸。師武臣力也。今失諸侯。不可謂力。有敵而不從。不可謂武。由我失霸。不如死。且成師

以出。聞敵彊而退。非夫也。命爲軍帥。而卒以非夫。惟羣子能我弗爲也。以中軍佐濟。知莊子曰。此師殆

哉。周易有之。在師。【三三】之臨。【三三】。【詁】服虔云。坎爲水。坤爲衆。又互體震。震爲雷。雷鼓類。又爲長子。長

子帥衆鳴鼓巡水而行。行師之象也。臨。兌爲澤。坤爲地。居地而俯視于澤。臨下之義。故名爲臨。疏本曰。師

出以律。否臧凶。執事順成爲臧。逆爲否。衆散爲弱。《雍》爲澤。【詁】說文。《否》。害也。春秋傳曰。川。醜爲澤。凶

案今本作壘。非。今據釋文改。有律以如己也。故曰律。故曰律句。否臧。且律竭也。盈而以竭。天且不整。

所以凶也。不行之謂臨。有帥而不從。臨孰甚焉。此之謂矣。果遇必敗。蕘子尸之。【詁】爾雅。尸。主也。服虔

云。主此禍也。杜取此。又引易師卦六五。長子帥師。弟子與尸。凶。長子帥師。以中行也。弟子與尸。使不當也。

佐之子元帥。弟子也。而專以師濟。使不當也。軍必破敗而與尸。本疏。雖免而歸。必有大咎。韓獻子謂桓子

曰。彘子以偏師陷。子罪大矣。文選注引作罪孰大焉。子爲元帥。師不用命。誰之罪也。失屬亡師。爲罪已重。不如進

也。事之不捷。惡有所分。與其專罪。六人同之。不猶愈乎。師遂濟。楚子北師。次於郟。沈尹將中軍。【詰】案

呂覽當染篇曰。荆莊王染于孫叔敖。沈尹烝。高誘注二大夫說苑。沈尹名聞天下。以爲令尹。而讓孫叔

敖。案此則沈尹孫叔敖爲二人。不得如杜說。又杜注沈或作寢。寢縣也。案郡國志汝南郡固始侯國。故

寢也。杜同子重將左。子反將右。將飲馬於河而歸。聞晉師既濟。王欲還。嬖人伍參欲戰。古今人表令尹

孫叔敖勿欲。曰。昔歲入陳。今茲入鄭。不無事矣。戰而不捷。參之肉其足食乎。參曰。若事之捷。孫叔敖爲無

謀矣。不捷。參之肉將在晉軍。可得食乎。令尹南轅反旆。伍參言於王曰。晉之從政者新。未能行令。其佐

先穀剛愎不仁。【詰】廣雅。愎。狠也。杜本未肯用命。其三帥者。專行不獲。聽而無上。衆誰適從。此行也。晉

師必敗。且君而逃臣。若社稷何。王病之。告令尹。改乘轅而北之。次於管。以待之。【詰】郡國志。河南郡。中

牟有管城。杜同晉師在敖郟之間。【詰】詩小雅。搏獸于敖。案今敖山在滎澤縣西北。圖經滎陽有礪礪

晉書劉裕留向彌守礪礪。卽此。案礪礪卽敖郟也。釋文。郟。山名。郡國志又云。滎陽有敖亭。劉昭注。晉師

在敖郟之間。秦立爲敖倉。鄭皇戍使如晉師曰。鄭之從楚。社稷之故也。未有貳心。楚師驟勝而驕。其師

老矣。而不設備。子擊之。鄭師爲承。【詰】詩毛傳。承。繼也。杜本楚師必敗。彘子曰。敗楚服鄭。於此在矣。必

許之。欒武子曰。楚自克庸以來。其君無日不討國人而訓之。【詰】馬融論語注。討。治也。杜本於民生之

不易【詁】詩鄭箋子曰也

杜本

禍至之無日。戒懼之不可以怠。在軍無日不討軍實而申儆之。於勝之

不可保。紂之百克而卒無後。訓之以若敖蚡冒。筭路蓋縷【詁】

服虔云言其縷破蓋藍然本

方言引作

縷。說文。縷謂之縷。縷無緣也。以啓山林

方言

箴之曰。民生在勤。勤則不匱。不可謂驕。先大夫子犯

有言曰。師直爲壯。曲爲老。我則不德。而徼怨於楚。我曲楚直。不可謂老。其君之戎。分爲二廣。廣有一卒。

卒偏之兩【詁】服虔云。左右廣各十五乘。百人爲卒。晉廣有一卒爲承也。五十人爲偏。二十五人曰兩。

廣既有一卒爲承。承有偏偏有兩。故曰卒偏之兩

周禮

案杜注。據司馬法。與周制不合。當从服說。右廣

初駕。數及日中。左則受之。以至於昏。內官序當其夜

釋文一本

以待不虞。不可謂無備。子良鄭之良也。

師叔楚之崇也。師叔入盟。子良在楚。楚鄭親矣。來勸我戰。我克則來。不克遂往。以我卜也。鄭不可從。趙

括趙同曰。率師以來。惟敵是求。克敵得屬。又何俟。必從蕪子。知季曰。原屏咎之徒也。趙莊子曰。欒伯善

哉。實其言。必長晉國。楚少宰如晉師曰。寡君少遭閔凶。不能文。聞二先君之出入此行也。將鄭是訓定。

豈敢求罪於晉。二三子無淹久。隨季對曰。昔平王命我先君文侯曰。與鄭夾輔周室。毋廢王命。今鄭不

率。寡君使羣臣問諸鄭。豈敢辱候人。敢拜君命之辱。蕪子以爲諂。使趙括從而更之曰。行人失辭。寡君

使羣臣遷大國之迹於鄭。曰。無辟敵。羣臣無所逃命。楚子又使求成於晉。晉人許之。盟有日矣。楚許伯

御樂伯。攝叔爲右。以致晉師。許伯曰。吾聞致師者。御靡旌。靡壘而還【詁】廣雅。靡近也。淮南王書。物類

之相摩近而異門戶者。此杜本案鄭康成云。靡猶迫也。義亦同。樂伯曰。吾聞致師者。左射以菽。【詰】服虔云。凡兵車之法。射者在左。御者在中。戈盾在右。鄭玄儀禮注。蒲菽。牡蒲莖也。案此則蒲莖之可爲矢者。下傳云。董澤之蒲是也。杜注。菽。矢之善者。蓋望文生訓。代御執轡。御下兩馬。掉鞅而還。【詰】正義。兩師也。掉。正也。皆無明訓。服虔亦云。是相傳爲然也。葛棟曰。鄭康成周禮環人注。引作柄馬。釋文引徐仙民云。或作柄。案此則兩本柄字。故服虔訓爲飾。古文書故作兩。邵寶以爲掉兩馬之鞅。非也。攝叔曰。吾聞致師者。右入壘。折馘。執俘而還。皆行其所聞而復。鄭玄周禮注。引此。傳復下有之字。晉人逐之。左右角之。樂伯左射馬而右射人。角不能進。矢一而已。麋與於前。射麋麗龜。【詰】服虔云。龜背之隆高當心者。杜取廣雅麗著也。此杜本。晉鮑癸當其後。使攝叔奉麋獻焉。曰。以歲之非時。獻禽之未至。敢膳諸從者。鮑癸止之。曰。其左善射。其右有辭。君子也。旣免。晉魏錡求公族未得。【詰】世本錡攀孫本。服虔以爲擊子。同上。杜取此。而怒。欲敗晉師。請致師。弗許。請使許之。遂往。請戰而還。楚潘黨逐之。及榮澤。見六麋。射一麋。以顧獻。曰。子有軍事。獸人無乃不給於鮮。【詰】孔安國書傳。鳥獸新殺曰鮮。此杜本。敢獻於從者。叔黨命去之。趙旃求卿未得。且怒於失楚之致師者。請挑戰。【詰】說文。挑。撓也。一曰。撓爭也。廣雅。挑。撓也。史記集解。引薛瓌曰。挑戰。撓。敵求戰也。挑。撓。撓。字並通。弗許。請召盟。許之。與魏錡皆命而往。卻獻子曰。二感往矣。弗備必敗。麋子曰。鄭人勸戰。弗敢從也。楚人求成。弗能好也。師無成命。多備何爲。士季曰。備之善。若二子怒楚。

楚人乘我【詁】賈逵國語注乘陵也案杜注似非喪師無日矣不如備之楚之無惡除備而盟何損於好若以惡來有備不敗且雖諸侯相見軍衛不徹警也歲子不可士季使鞏朔韓穿帥七覆於敖前故上軍不敗趙嬰齊使其徒先具舟於河故敗而先濟潘黨既逐魏錡趙旃夜至於楚軍席於軍門之外使其徒入之楚子爲乘廣三十乘分爲左右右廣雞鳴而駕日中而說左則受之日入而說許偃御右廣養由基爲右淮南王書作養由其高誘注曰由其楚王之臣養姓班固東都賦作游基李善注游與由同彭名御左廣屈蕩爲右乙卯王乘左廣以逐趙旃趙旃棄車而走林屈蕩搏之得其甲裳晉人懼二子之怒楚師也使輓車逆之【詁】服虔曰輓車屯守之車潘黨望其塵【詁】孫子曰歷高而銳者車來也使聘而告曰晉師至矣楚人亦懼王之入晉軍也遂出陳孫叔曰進之寧我薄人無人薄我詩曰元戎十乘以先啓行先人也軍志曰先人有奪人之心薄之也遂疾進師車馳卒奔乘晉軍桓子不知所爲鼓於軍中日先濟者有賞中軍下軍爭舟舟中之指可弔也【詁】說文在手曰弔从勺米徐鉉等曰今俗作掬非是今據改正杜本此晉師右移上軍未動工尹齊將右拒卒以逐下軍楚子使唐狡與蔡鳩居告唐惠侯【詁】地理志南陽郡春陵上唐鄉故唐國杜本此曰不穀不德而貪以遇大敵不穀之罪也然楚不克君之差也敢藉君靈【詁】漢書服虔注藉借也杜取此以濟楚師使潘黨率游闕四十乘鄭玄周禮注引傳此【詁】惠棟云游闕游車闕車也外傳曰戎車待游車之裂周禮車僕有闕車之倅從唐侯以爲左拒以從上軍駒伯曰【詁】惠棟曰

郤錡字駒，伯克之子也。大夫門子得從父于軍，鄆陵之戰，范匄從文子于軍，此其證。今案此亦不必遽引，卽此傳知罄知莊子之子，從其父在軍爲楚所獲，又逢大夫與其二子乘，皆是顯證。杜氏以爲郤克疏矣。待諸乎。隨季曰：楚師方壯，若萃於我，吾師必盡。不如收而去之，分謗生民，不亦可乎。殿其卒而退，不敗。王見右廣將從之，乘屈蕩戶之曰。諸本戶字並譌作戶，今從漢書注文選注及各宋本訂正。【詰】小爾雅：扈止也。案戶扈通用。杜本此。君以此始，亦必以終。文選注引此亦以此終。自是楚之乘廣先左，晉人或以廣隊不能進，楚人甚之。【詰】說文：與舉也。春秋或以廣墜，楚人昇之。黃顯說：廣車陷，楚人爲舉之。案此則買本或作與，與今本異。傳遜謂楚人將毒害之，而晉人乃脫局拔旆投衡而出，非也。詳見定四年傳。又小爾雅：甚，教也。杜本此。脫局，謂楚人將毒害之，而晉人乃脫局拔旆投衡而出，非也。詳見定四年傳。又小爾雅：甚，教也。杜本此。脫局，【詰】服虔云：局，橫木。有橫木投于輪間。一曰局，車前橫木。杜本此。少進馬還，又甚之。拔旆投衡，乃出。顧曰：吾不如大國之數奔也。趙旃以其良馬二濟其兄與叔父，以他馬反，遇敵不能去，棄車而走林。逢大夫與其二子乘，謂其二子無顧。顧曰：趙倭在後。【詰】說文：倭，老也。倭或作倭。惠棟：倭與叟同。見漢書無極山碑。怒之使下，指木曰：尸女於是。授趙旃綏，以免。明日以表尸之，皆重獲在木下。楚熊負羈囚知罃，知莊子以其族反之。【詰】世本：晉大夫逆放，生桓伯。林父及莊子首，劉昭引博物志：河東解縣有知邑，括地志：故智城在蒲州虞鄉縣西北四十里。尉武子御，下軍之士多從之。【詰】案：尉當屬武子采邑。傳十六年：傳秋，侵晉，取孤府。杜注：平陽臨汾縣西北有孤谷亭，則尉又別一地可知。彼注云：孤府受歸，昆郤晉。

三邑亦以意定之。或不止三也。每射抽矢葦。【詁】廣雅。抽。拔也。既夕禮云。御以蒲葦。鄭注云。古文葦作
騶。賈公彥云。據左氏傳。蒲非直。得策馬亦爲矢。韋。漢書禮錯傳曰。材伯騶發矢道同的。如淳曰。騶。矢也。
左氏傳作葦。案葦騶音同。納諸厨子之房。厨子怒曰。非子之求。而蒲之愛。董澤之蒲。【詁】郡國志。河東
郡。聞喜有董池。陂。古董澤。杜同。可勝既乎。【詁】案。既。既古字同。詩毛傳。既。取也。廣雅同。知季曰。不以人
子。吾子其可得乎。吾不可以苟射故也。射連尹襄老。獲之。遂載其尸。射公子穀臣。囚之。以二者還。及昏
楚師軍於郟。晉之餘師不能軍。宵濟。亦終夜有聲。丙辰。楚重至於郟。遂次於衡雍。潘黨曰。君盍築武軍
而收晉尸。以爲京觀。臣聞克敵。必示子孫。以無忘武功。楚子曰。非爾所知也。夫文止戈爲武。武王克商。
作頌曰。載戢干戈。載櫜弓矢。【詁】詩毛傳。戢。聚也。櫜。韜也。杜本。我求懿德。肆於時夏。【詁】書孔傳。肆。遂
也。爾雅。夏。大也。杜本。允王保之。又作武。其卒章曰。耆定爾功。其三曰。鋪時釋思。【詁】廣雅。鋪。布也。
詩毛傳。時。是也。釋。陳也。思。辭也。杜本。我徂惟求定。其六曰。綏萬邦。夔豐年。【詁】爾雅。綏。安也。杜本。說文。
無屢字。當从毛詩作婁。漢書皆以婁爲屢。毛詩亦有作屢者。俗所增。今據說文。漢書訂正。案杜注云。此
三六之數。與今詩頌篇次不同。梁履繩云。此蓋未經孔子刪定。似爲得之。夫武。禁暴戢兵。保大定功。安
民和衆。豐財者也。故使子孫無忘其章。今我使二國暴骨暴矣。觀兵以威諸侯。兵不戢矣。暴而不戢。安
能保大。猶有晉在。焉得定功。所遠民欲猶多。民何安焉。無德而強爭諸侯。何以和衆。利人之幾。【詁】爾

雅。幾危也。杜本此。而安人之亂。以爲己榮。何以豐財。武有七德。我無一焉。何以示子孫。其爲先君宮告成

事而已。武非吾功也。古者明王伐不敬。取其鯨鯢而封之。【詰】說文：鯨，海大魚也。春秋傳曰：取其鯨鯢。

鯢。或从京。許慎淮南王書注曰：鯨，魚之王也。衆經音義：廣雅：鯢，鯢也。以爲大戮。於是乎有京觀。以懲淫慝。今

罪無所。而民皆盡忠。以死君命。又何以爲京觀乎。【詰】案：可與何通。說文：誰何之何。本單作可。其从人

者。則爲儻何之何。詩：何蓑何笠。爾雅：何鼓。謂之牽牛是也。此傳可字。當謂作何。諸本竟改作何。又誤。今

訂正。祀於河。作先君宮。告成事而還。是役也。鄭石制實入楚師。【詰】服虔云：入楚師使楚師來入鄭也。

本疏：將以分鄭而立公子魚臣。辛未。鄭殺僕叔及子服。君子曰：史佚所謂毋怙亂者。謂是類也。詩曰：亂離

瘼矣。爰其適歸。家語：爰，作奚。【詰】爾雅：離，憂也。瘼，病也。爰，於也。杜本此。歸於怙亂者也。夫。鄭伯許男如楚。

秋。晉師歸。桓子請死。晉侯欲許之。士貞子諫曰：史記晉世家。不可。城濮之役。晉師三日穀。文公猶有憂

色。左右曰：有喜而憂。如有憂而喜乎。公曰：得臣猶在。憂未歇也。困獸猶鬪。況國相乎。及楚殺子玉。公喜

而後可知也。曰：莫余毒也已。是晉再克而楚再敗也。楚是以再世不競。今天或者大警晉也。而又殺林

父。以重楚勝。其無乃久不競乎。林父之事君也。進思盡忠。退思補過。【詰】案：孝經有此二言。當屬古語。

社稷之衛也。若之何殺之。夫其敗也。如日月之食焉。何損於明。晉侯使其復位。冬。楚子伐蕭。宋華椒

以蔡人救蕭。蕭人囚熊相宜僚及公子丙。王曰：弗殺。吾退。蕭人殺之。王怒。遂圍蕭。蕭潰。【詰】顧炎武云：

下有明日蕭潰之文。此處疑衍。若此，可蕭潰下便不得云遂傳于蕭也。案顧說是。江義殊屬曲說。申公

巫臣曰：師人多寒。王巡三軍，拊而勉之。三軍之士，皆如挾纊。【詁】說文：纊，絮也。春秋傳曰：皆如挾纊。或

从光作統。水經注引作皆同。挾纊，杜注：纊，綿也。本三倉。遂傳於蕭，遠無社與司馬卯言。號申叔展。叔展

曰：有麥麴乎？曰：無。有山鞠窮乎？曰：無。【詁】正義曰：麥麴，鞠窮，所以禦溼。賈逵有此言。此，杜取

魚腹疾奈何。【詁】宋本作奈，从目。曰：目於智井而拯之。【詁】字林云：智井，無水也。釋文：方言：出休爲拊，休與溺拊

與拯古字並通。此，杜本。若爲茅經，哭井則已。明日蕭潰，申叔視其井，則茅經存焉。號而出之。晉原穀宋

華椒衛孔達曹人同盟於清丘。曰：恤病討貳，於是卿不書，不實其言也。宋爲盟，故伐陳。衛人救之。孔達

曰：先君有約言焉。若大國討我，則死之。

十三年春，齊師伐莒。莒恃晉而不事齊，故也。夏，楚子伐宋，以其救蕭也。君子曰：清丘之盟，惟宋可以免

焉。秋，赤狄伐晉及清，先穀召之也。冬，晉人討邲之敗，與清之師歸，罪於先穀而殺之，盡滅其族。君

子曰：惡之來也，已則取之，其先穀之謂乎。清丘之盟，晉以衛之救陳也。討焉，使人弗去。曰：罪無所歸，

將加而師。孔達曰：苟利社稷，請以我說。罪我之由，我則爲政，而亢大國之討。【詁】鄭元周禮注：亢，御也。

此，杜本。將以誰任，我則死之。

十四年春，孔達縊而死。衛人以說於晉而免，遂告於諸侯。曰：寡君有不令之臣，達構我敝邑於大國。【詁】諸本

構，誤。

作構从石。既伏其罪矣，敢告衛人，以爲成勞，復室其子，使復其位。【詰】世本莊叔逢生得闕叔穀，穀生經改正。成叔烝，烝生頃叔羅，羅生昭叔起，起生文叔圍。夏，晉侯伐鄭，爲郟故也。告於諸侯，蒐焉而還。中行桓子之謀也，曰：示之以整，使謀而來。鄭人懼，使子張代子良於楚。鄭伯如楚，謀晉故也。鄭以子良爲有禮，故召之。楚子使申舟聘於齊，曰：無假道於宋，亦使公子馮聘於晉，不假道於鄭。申舟以孟諸之役惡宋，曰：鄭昭宋，【詰】馬融尙書注：昭，明也。此本說文，猨，無聞也。說苑上無聞，則謂之猨。案杜注，猨，闕也。非義訓。晉使不害我，則必死。王曰：殺女，我伐之，見犀而行。及宋，宋人止之。華元曰：過我而不假道，鄙我也。鄙我亡也，殺其使者，必伐我。伐我，亦亡也。亡一也，乃殺之。楚子聞之，投袂而起。【詰】呂覽行論：「莊王方削袂，吾友孔檢討廣森云：削，裁也。投袂，投其所削之袂也。較杜爲長。」履及於室皇。【詰】高誘：呂覽注引此傳作經皇，與莊十九年經皇同。吾友桂進士覆云：及者，道而及之也。楚子未納履，未帶劍，未乘車，急遽而走。左右奉履，道及于室皇，奉劍，道及于寢門，御者駕車，而道及于蒲胥之市。此猶宋武帝往西州，幸徐羨之宅，便步出西掖門，羽儀絡繹，追隨已出西關矣。案室皇至蒲胥之市，皆由近至遠，則室皇在寢門左近可知。爾雅釋言：室，塞也。釋詁：墮，虛也。皇，墮同。是室皇，蓋卽今之甬道。上實中虛，今乾清宮陛下甬道亦然。莊十九年，鬻拳自殺，葬于經皇同。蓋經皇之在墓上，卽墜道羨道也。正義云：經皇當是寢門闕，言寢門近之，言闕非也。劍及於寢門之外，車及於蒲胥之市。呂覽作蒲蔬之，市，胥蔬古字通。秋九月，楚

子圍宋。冬，公孫歸父會齊侯於穀。見晏桓子與之言魯樂。桓子告高宣子曰：「子家其亡乎？懷於魯矣。懷必貪，貪必謀人，謀人人亦謀己。」一國謀之，何以不亡？孟獻子言於公曰：「臣聞小國之免於大國也，聘而獻物，於是有庭實旅百，朝而獻功，於是有容貌采章嘉淑，而有加貨，謀其不免也，誅而薦賄。」爾雅：薦，進也。杜本此。則無及也。今楚在宋，君其圖之，公說。

十五年春，公孫歸父會楚子於宋。宋人使樂嬰齊告急於晉，晉侯欲救之。伯宗曰：「不可。」賈逵云：晉

大夫。史記集解：世本晉孫伯起生伯宗，因氏焉。元和姓纂：古人有言曰：雖鞭之長不及馬腹，天方授楚，未可杜取此。

與爭，雖晉之強，能違天乎？諺曰：「高下在心。」失名注：高下，猶風伸也。御覽案左傳補注作服虔。川澤納汗，山藪臧

疾，瑾瑜匿瑕。漢書引作匿惡。國君含垢，漢書作垢，釋文本或作誑音同。「詰」失名注：含，忍也。垢，恥也。同上。杜淮南王書老子曰：取此。

能受國之垢，是為社稷王。天之道也。君其待之，乃止。使解揚如宋，使無降楚。曰：「晉師悉起，將至矣。」詰

服虔云：解揚，晉大夫。史記集解：史記鄭世家曰：乃求壯士，得霍人解揚，字子虎，誑楚令宋無降，說苑載此事。

與史記略同。案惠氏補注：舍史記而反引說苑，疏矣。揚，晉世家又作楊。鄭人囚而獻諸楚，楚子厚賂之。

使反其言，不許。三而許之，登諸樓車。詰服虔云：樓車，所以窺望敵軍。兵法所謂雲梯者。同上。使呼宋人

而告之，遂致其君命。楚子將殺之，使與之言曰：「爾既許不穀而反之，何故？非我無信，女則棄之，速即爾

刑。對曰：「臣聞之，君能制命為義，臣能承命為信，信載義而行之，為利，謀不失利，以衛社稷，民之主也。義

無二信。信無二命。君之賂臣。不知命也。受命以出。有死無貲。史記作隕【詰】服虔云。賈隊也。杜本又可賂乎。

臣之許君。以成命也。死而成命。臣之祿也。寡君有信臣。下臣獲考。死又何求。楚子舍之以歸。夏五月。

楚師將去宋。申犀稽首於王之馬前曰。毋畏知死而不敢廢王命。王棄言焉。王不能答。申叔時僕曰。築

室反耕者。宋必聽命。從之。宋人懼。使華元夜入楚師。登子反之牀。【詰】兵法。因其鄉人而用之。必先知

其守將左右謁者門者舍人之姓名。因而利道之。案杜注三十一字。皆見孫子用間篇。曹公孫子注曰。

因敵鄉人。知敵表裏虛實之情。故舊而用之。可使伺候守有官職者。謁告也。上告事者也。門者守門者

也。舍人守舍之人也。又先知爲親舊。有急卽呼之。則不呵止。亦因以之知敵情。起之曰。寡君使元以病

告曰。敝邑易子而食。析骸以爨。釋文。骸又作骨。公羊傳作骸。何休注云。骸骨也。爨。公羊作炊。【詰】廣雅

爨。炊也。杜本雖然。城下之盟。有以國斃。不能從也。去我三十里。惟命是聽。子反懼。與之盟。【詰】服虔曰。

與華元私盟。許爲退師。若孟任割臂。與莊公盟。本而告王。退三十里。宋及楚平。華元爲質。盟曰。我無爾

詐。爾無我虞。【詰】高誘淮南王書注。虞。欺也。廣雅同。潞子嬰兒之夫人。晉景公之姊也。酆舒。古今人

注。並作豐舒。爲政而殺之。王符引此。殺作虐。又傷潞子之目。晉侯將伐之。諸大夫皆曰。不可。酆舒有三傷才。【詰】趙

岐孟子注。俊美才出衆者也。俊。儁同。不如待後之人。伯宗曰。必伐之。狄有五罪。雋才雖多。何補焉。不祀

一也。蒼酒。二也。棄仲章。而奪黎氏地。【詰】服虔云。黎侯之國。本地理志。上黨郡壺關。應劭曰。黎侯國也。

此杜本三也。虐我伯姬。【詁】惠棟曰。上云殺之。此云虐者。案尙書呂刑。惟作五虐之刑。墨子引作五殺之

刑。論語不教而殺謂之虐。又十八年。民自內虐其君。曰弑。皆以虐爲殺也。四也。傷其君目。五也。怙其雋

才。【詁】爾雅。怙。恃也。定四年。無怙宮。而不以茂德。滋益罪也。後之人。或者將敬奉德義。以事神人。而

申固其命。若之何待之。不討有罪。曰將待後。後有辭。而討焉。毋乃不可乎。夫恃才與衆亡之道也。商紂

由之。故滅。天反時爲災。地反物爲妖。民反德爲亂。亂則妖災生。【詁】說文。祿字注云。地反物爲祿也。从

示。芙聲。故文反正爲乏。【詁】說文。春秋傳曰。反正爲乏。案說文無義。惟服虔云。言人反正者。乏絕之道

也。蓋亦以意釋之。盡在狄矣。晉侯從之。六月癸卯。晉荀林父敗赤狄於曲梁。【詁】劉昭郡國志注引上

黨記曰。潞濁漳也。縣城臨潞。晉荀林父伐曲梁。在城四十里。今名石梁。案杜注。曲梁。今廣平府曲梁縣

也。今考赤狄潞子國。卽在潞縣。晉欲伐赤狄。必不反東。走五六百里。至廣平之曲梁。況又隔太行一山。

杜注。可云全不計道里矣。辛亥。滅潞。鄆舒奔衛。衛人歸諸晉。晉人殺之。王孫蘇與召氏毛氏爭政。使

王子捷殺召戴公及毛伯衛。卒立召襄。秋七月。秦桓公伐晉。次於輔氏。壬午。晉侯治兵於稷。【詁】郡

國志。河東郡聞喜邑。有稷山亭。此杜本酈道元云。汾水又逕稷山。山上有稷祠。山下稷津。晉侯治兵于稷。

是也。以略狄土。【詁】廣雅。略。取也。此杜本立黎侯而還。及洛。魏顆敗秦師於輔氏。獲杜回。論衡重杜回二

左傳。秦之力人也。初。魏武子有嬖妾。無子。武子疾。命顆曰。必嫁是。論衡引作必嫁是。疾病則曰。必以爲

殉論衡作必及卒。顯嫁之。曰：疾病則亂，吾從其治也。及輔氏之役，顯見老人結草以亢杜回。【詰】廣雅

亢，遮也。鄭元儀禮注：抗，禦也。案杜注：蓋本鄭義。然詳此傳文義，當從廣雅訓爲是。杜回躓而顛。【詰】說

文，躓，踏也。詩毛傳：顛，仆也。故獲之夜夢之曰：余而所嫁婦人之父也。論衡而引作是。文選注引作乃。爾用而先人之治

命。諸本脫而字。今從石經本增入。余是以報。晉侯賞桓子狄臣千室，亦賞士伯以瓜衍之縣。曰：吾獲狄土，子之功也。

微子，吾喪伯氏矣。羊吾職，說是賞也。曰：周書所謂庸庸、祇祇者，謂此物也。夫士伯庸中行伯，君信之，亦

庸士伯，此之謂明德矣。文王所以造周，不是過也。故詩曰：陳錫載周。【詰】詩大雅作哉周。毛傳訓哉爲

載。正義曰：哉與載古字通。周語亦作載。周能施也。率是道也。其何不濟。晉侯使趙同獻狄俘於周，不

敬。釋文一本作而傲。劉康公曰：不及十年，原叔必有大咎。天奪之魄矣。初稅畝，非禮也。穀出不過藉，以豐財

也。冬，螽生，饑，幸之也。

十六年春，晉士會帥師滅赤狄甲氏及留吁、鐸辰。三月，獻狄俘。晉侯請於王，戊申，以黻冕命士會將中軍。

且爲太傅。於是晉國之盜逃奔於秦。羊舌職曰：吾聞之禹稱善人。【詰】玉篇引作禹稱善人。傳與稱同。

爾雅：爾，舉也。社本此。不善人遠，此之謂也。夫詩曰：戰戰兢兢。釋文本兢，又作矜。如臨深淵，如履薄冰。善人在上也。

善人在上，則國無幸民。諺曰：民之多幸，國之不幸也。是無善人之謂也。夏，成周宣榭火。人火之也。凡

火，人火曰火，天火曰災。【詰】說文裁字注曰：天火裁，从火，戔聲。或从災，籀文也。秋，郟伯姬來歸。出也。

爲毛召之難故。王室復亂。王孫蘇奔晉。晉人復之。冬。晉侯使士會平王室。定王享之。原襄公相禮。殺

烝。【詁】書馬融注烝升也。杜本此。武子私問其故。王聞之。召武子曰。季氏而勿聞乎。王享有體薦。宴有折

俎。公當享。卿當宴。王室之禮也。武子歸而講求典禮。以修晉國之法。

十七年春。晉侯使郤克徵會於齊。齊頃公帷婦人使觀之。郤子登。婦人笑於房。獻子怒。出而誓曰。所不此

報。無能涉河。獻子先歸。使欒京廬待命於齊。曰。不得齊事。無復命矣。郤子至。請伐齊。晉侯弗許。請以其

私屬。又弗許。齊侯使高固晏弱蔡朝南郭偃會。及斂孟。高固逃歸。夏。會於斷道。討貳也。盟於卷楚。辭齊

人。晉人執晏弱於野王。執蔡朝於原。執南郭偃於溫。苗賁皇。外傳作苗勞皇。說苑蘧伯云。蠶黃生。楚走之。晉治七十二縣。疑卽苗賁皇。使

見晏桓子。歸言於晉侯曰。夫晏子何罪。昔者諸侯事吾先君。皆如不逮。舉言羣臣不信。諸侯皆有貳志。齊君恐不得禮。故不出。而使四子來。左右或沮之。【詁】詩毛傳沮止也。杜本此。曰。君不出。必執吾使。故高

子及斂孟而逃。夫三子者曰。若絕君好。寧歸死焉。爲是犯難而來。吾若善逆彼。以懷來者。吾又執之。以

信齊沮。吾不既過矣乎。過而不改。而又久之。以成其悔。何利之有焉。使反者得辭。而害來者。以懼諸侯。

將焉用之。晉人緩之。逸。秋。八月。晉師還。【詁】案此年晉未嘗出師。而言晉師還者。惠氏補注云。豈斷

道討貳之師與。似有關文。范武子將老。召文子曰。變乎。吾聞之。喜怒以類者鮮。易者實多。詩曰。君子

如怒。亂庶遄沮。君子如祉。【詁】爾雅。遄速也。祉。福也。杜本此。亂庶遄已。君子之喜怒。以已亂也。弗已也。必

益之郤子其或者欲已亂於齊乎。高麗宋本作欲已于亂乎。不然，余懼其益之也。余將老，使郤子逞其志，庶有豸乎。唐石經本作豸，後改作鳩。按羣經音辯云：鳩辭也。音豸。春秋傳庶有鳩乎。今文作豸。【詰】案解厲字林等皆作解豸，豸解音同，故杜以解訓豸也。

爾從二、三子，惟敬乃請老。郤獻子爲政，冬，公弟叔肸卒，公母弟也。凡大子之母弟，公在曰公子，不在

曰弟。凡稱弟皆母弟也。【詰】先儒說母弟善惡褒貶，既多相錯涉，又云稱弟皆爲公子，不爲大夫者，得

以君爲名，類氏又云：臣無竟外之交，故去弟以貶。季友子招樂憂，故去弟以懲。過鄭段去弟，惟以名通，故謂之貶。本疏。

十八年春，晉侯衛世子臧伐齊，至於陽穀，齊侯會晉侯盟於繪，以公子彊爲質於晉。晉師還，蔡朝南郭偃

逃歸。夏，公使如楚，乞師，欲以伐齊。秋，邾人戕郕子於郕。凡自內虐其君曰弑，自外曰戕。石經增正義曰：春秋諸自內虐其君者，通以弑爲文也。季善魏都賦注引此作凡自內害其君曰殺，自外曰戕。周禮大司馬之職，賈公彥正義引左傳作凡自內虐其君曰弑，又云自內虐其君曰殺者，晉人殺其君，蒲

是也。更楚莊王卒，楚師不出，旣而用晉師，楚於是乎有蜀之役。公孫歸父以襄仲之立公也，有寵

【詰】服虔云：襄仲之子。史記集解杜取此。欲去三桓，以張公室。【詰】服虔云：三桓魯桓公之族，仲孫叔孫季孫

同，與公謀而聘於晉，欲以晉人去之。冬，公薨，季文子言於朝曰：使我殺適立庶，以失大援者，仲也。夫

【詰】服虔云：援，助也。仲殺適立庶，國政無常，鄰國非之，是失大援助也。同上。臧宣叔怒曰：當其時，不能治

也。後之人何罪？子欲去之，許請去之，遂逐東門氏。子家遷及笙，壇帷復命於介。旣復命，袒括髮。【詰】惠

棟曰：士喪禮曰：主人髻髮袒。鄭注云：古文髻爲括。是括爲古文髻也。卽位哭，三踊而出，遂奔齊。書曰歸父，還自晉，善之也。

春秋左傳詁

卷十一

傳

成公元年春。晉侯使瑕嘉平戎于王。周禮典瑞注引作瑕嘉。惠棟曰：蓋古文止作瑕。讀爲遐也。今本亦作瑕。惟陸氏周禮釋文猶存古字。單襄公如晉拜成。

劉康公徼戎。將遂伐之。叔服曰：背盟而欺大國，此必敗。背盟不祥，欺大國不義。神人弗助，將何以勝？不聽。遂伐茅戎。三月癸未，敗績于徐吾氏。爲齊難，故作丘甲。聞齊將出楚師，夏盟于赤棘。秋，王人來告敗。冬，臧宣叔令修賦繕完，具守備。曰：齊楚結好，我新與晉盟，晉楚爭盟，齊師必至。雖晉人伐齊，

楚必救之，是齊楚同我也。知難而有備，乃可以逞。【詁】方言，逞解也。杜本此。

二年春，齊侯伐我北鄙。圍龍。史記魯晉世家並作隆。案隱曰：劉氏云：隆，卽龍也。魯國有隆山，鄆縣生及別本。作侑字，侑當作鄆。文十二年，李孫行父帥師城諸及鄆，鄆卽侑也。字變耳。

【詁】地理志云：在東莞縣東。按字書無侑字，疑誤。鄆國志泰山鄆博，有龍鄉城。杜同此。頃公之嬖人盧蒲

就魁門焉。水經注引作盧蒲就。龍人囚之。齊侯曰：勿殺，吾與而盟。無入而封，弗聽。殺而膊諸城上。【詁】說文：膊，薄

膊之屋上。按方言：廣雅：膊，曝也。說文：膊之屋上，亦有曝義。鄭玄周禮注：膊，曝也。蓋隨文爲訓。杜本鄭

說：齊侯親鼓士陵城，三日取龍，遂南侵。及巢丘。【詁】賈逵云：殺盧蒲就魁，不與齊盟，以亡其邑，故諱不

書耳。本疏按賈義蓋因內諱不書之例推之。正義譏賈乃引楚子滅蕭嬰齊入莒以例失其旨矣。當以賈

義爲長也。衛侯使孫良夫石稷寧相向禽將侵齊。與齊師遇。石子欲還。孫子曰：「不可以師伐人。遇其師而還。將謂君何？若知不能，則如無出。今既遇矣，不如戰也。」夏有石成子曰：「師敗矣，子不少須，衆懼盡。子喪師，徒何以復命？皆不對。」又曰：「子國卿也，隕子辱矣。」【詁】說文：「挾，有所失也。」春秋傳曰：「挾子辱矣。」廣雅：「挾，失也。」按今本作隕，說文：「隕，從高下也。」易曰：「有隕自天。」高誘訓隕曰：「隕，音同。」按隕二字古通。惠氏補注。

以挾爲古字，隕爲今字，似誤。子以衆退，我此乃止，且告車來甚衆。齊師乃止。次于鞠居。新築人仲叔于

奚。古今人表作中。救孫桓子。桓子是以免。旣，衛人賞之以邑。辭，請曲縣。【詁】周禮小胥：「王宮縣。」諸侯軒縣。卿大

夫判縣。士特縣。鄭衆云：「宮縣四面，軒縣去其一面，判縣又去一面，特縣又去一面。」王肅云：「禮：天子宮縣

四面，諸侯軒縣，軒縣闕一面，故謂之曲縣也。」舊注云：「諸侯軒縣闕南方，形如車輿。」周禮疏：「杜取此。」繁纒。【詁】鄭

玄周禮注：「樊讀如擊帶之擊，謂今馬大帶也。」纒，今馬鞅也。樊，繁古字同。杜本此。以朝許之。仲尼聞之曰：「惜

也，不如多與之邑。惟器與名，不可以假人。君之所司也。」高誘呂覽注：「引此司作慎。」名以出信，信以守器。器以臧禮。禮

以行義。義以生利，利以平民。政之大節也。若以假人，與入政也。政亡，則國家從之。弗可止也。已孫桓子

還於新築，不入。遂如晉，乞師。臧宣叔亦如晉，乞師。皆主郤獻子。晉侯許之七百乘。郤子曰：「此城濮之賦

也。有先君之明，與先大夫之肅，故捷克於先大夫。無能爲役，請八百乘。」【詁】賈逵云：「六萬人。」史記集解：「杜取此。」

許之。卻克將中軍。士燮佐上軍。諸本佐字誤將今改正。欒書將下軍。韓厥爲司馬。以救魯衛。臧宣叔逆晉師。且道

之。季文子帥師會之。及衛地。韓獻子將斬人。卻獻子馳將救之。至則既斬之矣。卻子使速以徇。【詰】說

文。徇行示也。司馬法。斬以徇。按集韻云。或作徇。穆是徇。乃徇本字也。告其僕曰。吾以分謗也。師從齊師

于辛。六月壬申。師至于靡笄之下。【詰】賈逵云。靡笄。山名。同上。杜齊侯使請戰。曰。子以君師辱於敝邑。

不腆敝賦。詰朝請見。對曰。晉與魯衛兄弟也。來告曰。大國朝夕釋感於敝邑之地。寡君不忍。使羣臣請

於大國。無令輿師淹於君地。【詰】鄭玄周禮注。輿衆也。爾雅。淹。久也。杜本能進不能退。君無所辱命。齊

侯曰。大夫之許。寡人之願也。若其不許。亦將見也。齊高固入晉師。桀石以投人。【詰】說文。桀。礫也。廣雅。

桀。擲也。按桀。揭擲。並舉也。杜注本廣雅。禽之。而乘其車。繫桑本焉。以徇齊壘。曰。欲勇者。賈余餘勇。癸酉。

師陳于鞏。【詰】服虔云。鞏。齊地名也。史記集解。按史記作戰于靡下。徐廣曰。靡當作歷。蓋戰于歷下耳。

據此則案在歷下可知。邴夏御齊侯。逢丑父爲右。【詰】賈逵云。齊大夫。同上。晉解張御卻克。鄭丘緩爲右。

齊侯曰。余姑翦滅此而朝食。諸本衍後字。今从宋本刪。【詰】方言。廣雅。煎。盡也。煎。翦聲。近義同。薛綜西京賦注。亦云。

翦。盡也。杜本不介馬而馳之。卻克傷於矢。流血及屨。未絕鼓音。曰。余病矣。張侯曰。自始合而矢貫余手

及肘。余折以御。左輪朱殷。【詰】廣雅。朱。赤也。王逸楚辭章句。朱。赤色也。豈敢言病。吾子忍之。緩曰。自始

合。苟有險。余必下推車。子豈識之。然子病矣。張侯曰。師之耳目。在吾旗鼓。【詰】荀卿子曰。將死鼓。御死

進退從之。此車一人殿之。【詁】詩毛傳：殿，鎮也。此本可以集事。若之何，其以病敗君之大事也。擐甲

【詁】國語：服兵擐甲。賈逵云：擐，衣甲也。衆經說文：擐，貫也。春秋傳曰：擐甲執兵。此本執兵固即死也。【

詁】詩鄭箋：即，就也。杜本病未及死，吾子勉之。左并轡右援枹。【詁】說文：援，引也。枹，擊鼓杖也。而鼓馬

逸不能止，師從之。齊師敗績，逐之。三周華不注。【詁】韋昭國語注：華，齊地。不注，山名。按合下華泉觀之

華泉，蓋華地之泉。杜注以華不注三字合爲山名，非也。伏琛齊地記：不讀如附。附注與成十六年韃章

之附注義同。韓厥夢子輿謂己曰：且辟左右。石經及淳化本作且，餘刻本誤作且。按韓厥夢當以夜故

正。故中御而從齊侯。邴夏曰：射其御者，君子也。公曰：謂之君子而射之，非禮也。射其左，越于車下。射其

右，斃于車中。綦毋張喪車，從韓厥曰：請寓乘。【詁】方言：寓，寄也。此本從左右皆肘之，使立於後。韓厥俛

定其右。【詁】案問注：俛，仰謂屈伸也。逢丑父與公易位，將及華泉。【詁】京相璠曰：華泉，華不注山下泉

水也。水經注：繆絰於木而止。丑父寢於轡中。【詁】說文：竹木之車曰棧。字林曰：臥車也。按轡當爲棧。杜注

轡，士車。蓋取周禮巾車士乘棧車之義，非本訓也。詩有棧之車，傳曰：棧車，役車也。亦與說文義通。蛇出

於其下，以肱擊之，傷而匿之，故不能推車。而及韓厥執熟馬前，再拜稽首。【詁】說文：馬絆也。春秋傳

曰：韓厥執熟馬前。一本無讀若輒，或从系執聲。穀梁傳曰：輒者，何也。曰：兩足不能相過，齊謂之蒸。楚謂

之既，衛謂之繫。一作奉觴加璧以進。【詁】服虔引司馬法：其有殞命以行禮如會所用禮也。若殞命，則

左結旆司馬授飲。右持苞壺。左承飲以進。疏本曰：寡君使羣臣爲魯衛請曰：無令師陷入君地。下臣不

幸。屬當戎行。無所逃隱。【詰】韋昭國語注：屬，適也。杜本且懼奔辟而忝兩君。臣辱戎士。敢告不敏。攝官

承乏。丑父使公下如華泉取飲。鄭周父御佐車。宛荏爲右。載齊侯以免。韓厥獻丑父。卻獻子將戮之。呼

曰：自今無有代其君任患者。有一於此。將爲戮乎。卻子曰：人不難以死免其君。我戮之不祥。赦之以勸

事君者。乃免之。【詰】按春秋繁露竹林篇又云：獲齊頃公。斬逢丑父。蓋公羊家言如此。齊侯免。求丑父

三入三出。每出齊師以帥退。入于狄卒。狄卒皆抽戈楯冒之。以入于衛師。衛師免之。遂自徐闞入。齊侯

見保者曰：勉之。齊師敗矣。辟女子。【詰】按辟讀作闞。孟子行辟人。趙岐注：辟，除人。使卑辟尊也。惠棟云：

下云乃奔則辟。讀當爲趨。與五年伯宗辟重同。杜注訓爲避。非。女子曰：君免乎。曰：免矣。曰：銳司徒免乎。

曰：免矣。曰：苟君與吾父免矣。可若何。乃奔。齊侯以爲有禮。旣而問之。辟司徒之妻也。子之石笄。晉師從

齊師。入自丘輿。擊馬陘。【詰】賈逵云：馬陘，齊地也。史記集解史記作馬陵。徐廣曰：一作陘。于欽齊乘馬

陵。一作馬陘。按虞喜志林：馬陵在濮州鄆城縣東北六十里。今考華泉徐闞並在齊州。與馬陵爲近。當

是此矣。齊侯使賓媚人賂以紀甌玉磬與地。【詰】說文：甌，甌也。一曰穿也。鄭衆注考工記云：甌，無底甌。

按杜注甌玉甌非是。正義申杜更非。且竹書紀年明言紀公之甌。則非玉可知。不可則聽客之所爲。賓

媚人致賂。晉人不可曰：必以蕭同叔子爲質。【詰】賈逵曰：蕭附庸子姓。史記集解公穀皆作蕭同緄子。穀梁

傳曰以蕭同姪子之母爲質晉世家作蕭桐姪子帝王世紀周封子姪之別爲附庸也按今徐州蕭縣

古蕭叔之國千寶曰蕭同叔子惠公之妾頃公之母而使齊之封內盡東其畝【詁】服虔云欲令齊隴

畝東行同上杜取此對曰蕭同叔子非他寡君之母也若以匹敵則亦晉君之母也吾子布大命於諸侯而

曰必質其母以爲信其若王命何且是以不孝令也詩曰孝子不匱永錫爾類若以不孝令於諸侯其

無乃非德類也乎先王疆理天下鄭玄周禮注引此先王作吾子蓋涉下文而誤物土之宜而布其利故詩曰我疆我理南東

其畝今吾子疆理諸侯而曰盡東其畝而已惟吾子戎車是利無顧土宜其無乃非先王之命也乎反

先王則不義何以爲盟主其晉實有闕【詁】韋昭國語注闕缺也四王之王也樹德【詁】方言及高誘

淮南王書注樹立也杜本此而濟同欲焉五伯之霸也【詁】服虔云五伯謂夏伯昆吾商伯大彭豸章周

伯齊桓晉文也詩疏杜取此勤而撫之以役王命【詁】高誘呂覽注役事也杜本此今吾子求合諸侯以逞無

疆之欲詩曰布政優優【詁】詩作敷政昭二十年同鄭玄儀禮注云今文布作敷爾雅優優和也杜本此

百祿是遄【詁】詩毛傳遄聚也杜本此子實不優而棄百祿諸侯何害焉不然寡君之命使臣則有辭矣

曰子以君師辱於敝邑不腆敝賦以犒從者長君之震【詁】易序卦傳震動也師徒撓敗【詁】按漢書

高帝紀與酈食其謀撓楚權服虔云撓弱也服虔注此傳當亦同杜訓曲似回違吾子惠徼齊國之福

不泯其社稷使繼舊好惟是先君之敝器土地不敢愛子又不許請收合餘燼【詁】說文燹火餘也一

曰薪也。从火聿聲。按杜注增一木字，卽與訓詁之義乖。夔今刊本並作燧。玉篇燧同燹。經典相仍作燧。

今不改。背城借一，敵邑之幸，亦云從也。況其不幸，敢不唯命是聽。魯衛諫曰：齊疾我矣，其死亡者皆親。

暱也。子若不許，讎我必甚。唯子則又何求？子得其國寶，我亦得地，而紓於難，其榮多矣。齊晉亦唯天所

授，豈必晉？晉人許之，對曰：羣臣帥賦輿，以爲魯衛請。若苟有以藉口。【詁】服虔云：今河南俗語，治生求

利，少有所得，皆云可用藉手矣。疏本按杜訓薦，反回還，而復於寡君。【詁】鄭玄禮記注：復白也。杜本此。君之

惠也，敢不唯命是聽。禽鄭自師逆公。秋七月，晉師及齊國，佐盟于爰婁，使齊人歸我汶陽之田。公會晉

師于上鄆，賜三帥先路三命之服。司馬司空。【詁】高誘云：軍司馬，軍司空也。輿帥候正亞旅，皆受一命

之服。師諸本帥誤作師今校正八月，宋文公卒，始厚葬，用蜃炭釋文作蠶益車馬，始用殉，重器備，椁有四阿，棺有翰檜。

【詁】馬融尙書注：植在前，榦在兩旁。按杜注：翰旁飾。蓋本此。君子謂華元樂舉於是乎不臣。【詁】王符

潛夫論曰：華元樂呂厚葬文公。春秋以爲不臣。按本作樂呂，當以字近而譌。魏志文帝紀：又作樂呂。又

攷宣二年傳，樂呂爲鄭所獲，不應尙存。或其時宋贖華元，樂呂亦同歸也。據此則宣二年囚華元，獲樂

呂囚獲義皆互通。杜注似分囚爲生獲，獲爲死得，誤矣。臣治煩去惑者也。文選注引作治煩而去惑。是以伏死而爭。

今二子者，君生則縱其惑，死又益其侈，是棄君於惡也。何臣之爲。九月，衛穆公卒，晉二子自役弔焉，

哭於大門之外。衛人逆之，婦人哭於門內，送亦如之。遂常以葬。楚之討陳夏氏也，莊王欲納夏姬，申

公巫臣曰不可。君召諸侯以討罰也。今納夏姬貪其色也。貪色爲淫。淫爲大罰。周書曰。明德慎罰。文王所以造周也。明德務崇之之謂也。慎罰務去之之謂也。若與諸侯以取大罰。非慎之也。君其圖之。王乃止。子反欲取之。巫臣曰。是不祥人也。是天子蠻殺御叔。【詁】章昭國語注云。公子夏陳宣公之子。御叔之父也。爲御叔娶鄭穆公少妃姚子之女夏姬也。弑靈侯。戮夏南。出孔儀。喪陳國。何不祥如是。人生實難。其有不獲死乎。天下多美婦人。何必是子反乃止。王以子連尹襄老。【詁】按連。楚地名。襄老當爲此地之尹。故以官稱之也。楚語有雲。連徒洲。漢書地理志。長沙國連道縣。唐時爲連州。襄老死於郟。不獲其尸。其子黑要烝焉。巫臣使道焉。曰。歸吾聘女。又使自鄭召之。曰。尸可得也。必來逆之。姬以告王。王問諸屈巫。對曰。其信。知罃之父。成公之嬖也。而中行伯之季弟也。新佐中軍。而善鄭皇戍。甚愛此子。其必因鄭而歸。王子與襄老之尸以求之。鄭人懼於郟之役。而欲求媚於晉。其必許之。王遣夏姬歸。將行。謂送者曰。不得尸吾不反矣。巫呈聘諸鄭。鄭伯許之。及共王卽位。將爲陽橋之役。使屈巫聘于齊。且告師期。巫臣盡室以行。申叔跪從。其父將適郟。遇之。曰。異哉。夫子有三軍之懼。而又有桑中之喜。宜將竊妻以逃者也。及鄭使介反幣。而以夏姬行。將奔齊。齊師新敗。曰。吾不處不勝之國。遂奔晉。而因郤至。【詁】世本。郤豹生冀。冀生缺。缺生克。又云。豹生義。義生步揚。步揚生蒲城。鵠居。鵠居生至。以臣於晉。晉人使爲邢大夫。【詁】賈逵云。邢。晉邑。史記集解。子反請以重幣錮之。王曰。止。【詁】高誘呂覽注。止。禁止也。杜取此。

其自爲謀也則過矣。其爲吾先君謀也則忠。忠社稷之固也。所蓋多矣。【註】小爾雅：蓋，覆也。此。且彼

若能利國家，雖重幣，晉將可乎？若無益於晉，晉將棄之，何勞錮焉？晉師歸，范文子後入，武子曰：「無爲

吾望爾也乎？」對曰：「師有功，國人喜以逆之，先入必屬耳目焉。是代帥受名也，故不敢。武子曰：「吾知免矣。」

釋文一本 無知字。 卻伯見公曰：「子之力也夫。」對曰：「君之訓也。二三子之力也。臣何力之有焉？」范叔見勞之如卻

伯，對曰：「庚所命也，克之制也，變何力之有焉？」欒伯見公亦如之，對曰：「變之詔也，士用命也，書何力之有

焉。宣公使求好于楚，莊王卒，宣公薨，不克作好，公卽位，受盟于晉，會晉伐齊，衛人不行使于楚，而亦

受盟于晉，從於伐齊，故楚令尹子重爲陽橋之役，以救齊，將起師，子重曰：「君弱，羣臣不如先大夫，師衆

而後可。」詩曰：「濟濟多士，文王以寧。」夫文王猶用衆，況吾儕乎？且先君莊王屬之曰：「無德以及遠方，莫如

惠恤其民而善用之。」乃大戶已責，逮饑，救乏赦罪，悉師，王卒盡行，彭名御戎，蔡景公爲左，許靈公爲右，

二君弱，皆強冠之。冬，楚師侵衛，遂侵我師于蜀，使臧孫往辭曰：「楚遠而久，罔將退矣，無功而受名，臣不

敢。楚侵及陽橋，孟孫請往賂之，以執斲執鍼織紝。【註】服虔云：織紝，治緝帛者。詩說文：紝，或从任作紝。

釋文作衽 皆百人。公衡爲質，以請盟。楚人許平十一月，公及楚公子嬰齊、蔡侯許男秦右大夫說、宋華

元、陳公孫寧、衛孫良夫、鄭公子去疾及齊國之大夫盟于蜀，卿不書，匱盟也。【註】詩毛傳：匱，乏也。高誘

淮南王書注同此。 於是乎畏晉而竊與楚盟，故曰匱盟。蔡侯許男不書，乘楚車也，謂之失位。君子曰：

位其不可不慎也乎。蔡許之君一失其位，不得列於諸侯。況其下乎？詩曰：不解于位，民之攸旣。諸本作

改正【詁】詩毛傳攸，所也。暨息也。杜本其是之謂矣。楚師及宋，公衡逃歸，臧宣叔曰：衡父不忍數年之

不寔【詁】說文寔，安也。以棄魯國，國將若之何？誰居【詁】惠棟曰：檀弓云何居，我未之前聞也。注云居

讀爲姬姓之姬，齊魯之間語助也。列子黃帝篇云：關尹謂列子曰：姬魚語女，張滿曰：姬音居，魚當作晉

是居姬互訓，蓋古音同也。後之人必有任是夫國棄矣，是行也。晉辟楚，畏其衆也。君子曰：衆之不可以

已也。大夫爲政，猶以衆克。況明君而善用其衆乎？大誓所謂商兆民離周十人同者衆也。晉侯使鞏

朔獻齊捷于周，王弗見，使單襄公辭焉，曰：蠻夷戎狄不式王命【詁】爾雅式用也。杜本淫涵毀常，王命

伐之，則有獻捷。王親受而勞之，所以懲不敬，勸有功也。兄弟甥舅，侵敗王略【詁】說文略，經略土地也。

昭七年傳云：天子經略，定四年，吾子欲復文武之略，並同。按杜注云：法度失之，王命伐之，告事而已。不

獻其功，所以敬親暱，禁淫慝也。今叔父克【詁】爾雅克能也。杜本遂有功于齊，而不使命卿鎮撫王室，

所使來撫余一人，而鞏伯實來，未有職司於王室，又奸先王之禮。余雖欲於鞏伯，其敢廢舊典以忝叔

父，夫齊甥舅之國也，而大師之後也，寧不亦淫從其欲，以怒叔父，抑豈不可諫誨？士莊伯不能對，王使

委於三吏。鄭玄禮記注引作王命委之三吏禮之如侯伯克敵，使大夫告慶之禮，降於卿禮一等。王以鞏伯寔，而私賂

之，使相告之曰：非禮也，勿籍【詁】說文籍，簿書也。杜本

三年春。諸侯伐鄭。次于伯牛。討邲之役也。遂東侵鄭。鄭公子偃帥師禦之。使東鄙覆諸鄢。敗諸丘輿。皇戍如楚獻捷。夏。公如晉。拜汶陽之田。許恃楚而不事鄭。鄭子良伐許。晉人歸楚公子穀臣與連尹襄老之尸于楚。以求知罃。於是荀首佐中軍矣。故楚人許之。王送知罃曰。子其怨我乎。對曰。二國治戎。臣不才。不勝其任。以爲俘馘。【詰】說文。俘。軍所獲也。春秋傳曰。以爲俘馘。鹹。軍戰斷耳也。執事不以罃鼓。使歸。卽戮君之惠也。臣實不才。又誰敢怨。王曰。然則德我乎。對曰。二國圖其社稷。而求紓其民。【詰】鄭詩。毛傳。紓。緩也。杜本。各懲其忿。以相宥也。【詰】章昭國語注。宥。赦也。杜本。兩釋纍囚。以成其好。【詰】鄭玄禮記注。纍。猶繫也。杜本。二國有好。臣不與其誰敢德。王曰。子歸何以報我。對曰。臣不任受怨。君亦不任受德。無怨無德。不知所報。王曰。雖然。必告不穀。對曰。以君之靈。纍臣得歸。骨於晉。寡君之以爲戮。死且不朽。若從君之惠而免之。以賜君之外臣。首其請於寡君。而以戮於宗。亦死且不朽。若不獲命。而使嗣宗職。【詰】按宗職。父職也。荀首之父。未嘗爲卿。故罃止言嗣宗職。杜注言嗣祖宗之位職。疑誤。次及於事。而帥偏師。以修封疆。雖遇執事。其弗敢違。其竭力致死。無有二心。以盡臣禮。所以報也。王曰。晉未可與爭。重爲之禮而歸之。秋。叔孫僑如圍棘。取汶陽之田。棘不服。故圍之。晉郤克衛孫良夫伐廡谷如。討赤狄之餘焉。廡谷如潰。上失民也。冬十一月。晉侯使荀庚來聘。且尋盟。衛侯使孫良夫來聘。且尋盟。公問諸臧宣叔曰。中行伯之於晉也。其位在三。孫子之於衛也。位爲上卿。將誰先。對曰。次

國之上卿當大國之中。中當其下。下當其上。大夫。小國之上卿當大國之下卿。中當其上。大夫。下當其下。大夫。上下如是。古之制也。衛在晉。後漢書注引不得爲次國。晉爲盟主。其將先之。丙午。盟晉。丁未。盟衛。禮也。十二月甲戌。晉作六軍。賈逵云。初作六軍。僖王也。史記集解。韓厥趙括鞏朔韓穿荀驪。杜本此。

【詁】索隱。離騷。文子。按。惠氏以爲出世本。趙旃皆爲卿。賞鞏之功也。齊侯朝于晉。將授玉。史記

齊世家曰。頃公十一年。晉初置六卿。頃公朝晉。欲尊王。晉景公。景公不敢當。晉世家云。景公十二年。齊頃公如晉。欲上尊景公爲王。景公讓不敢。王劬按。張衡曰。禮。諸侯朝天子執玉。旣授而反之。若諸侯自相朝。則不授玉。齊頃公戰敗朝晉而授玉。是欲爭晉侯爲王。太史公探其旨而首之。惠棟按。古玉字皆作王。左氏傳多古字。古言。故玉从王。今按春秋時諸侯相朝。亦皆授玉。成六年。鄭伯如晉拜成。授玉于東楹之東。定十五年。邾隱公來朝。子貢觀焉。邾子執玉高。其容仰。公受玉卑。其容俯。皆諸侯相朝授玉之證。平子之駁。未可信也。至太史公尊王之語。本不足憑。正義駁之。是矣。郤克趨進曰。此行也。君爲御人之笑辱也。各本御誤作婦。今从石經改。寡君未之敢任。晉侯享齊侯。齊侯視韓厥。韓厥曰。君知厥也乎。齊侯曰。服改矣。韓厥登。舉爵曰。臣之不敢愛死。爲兩君之在此堂也。荀罃之在楚也。鄭賈人有將。實諸楮中以出。旣謀之。未行。而楚人歸之。賈人如晉。荀罃善視之。如實出己。賈人曰。吾無其功。敢有其實乎。吾小人不可以厚誣君子。遂適齊。

四年春。宋華元來聘。通嗣君也。杞伯來朝。歸叔姬故也。夏。公如晉。晉侯見公不敬。季文子曰。晉侯必不免。詩曰。敬之敬之。天惟顯思。命不易哉。夫晉侯之命。在諸侯矣。可不敬乎。秋。公至自晉。欲成于楚。而叛晉。季文子曰。不可。晉雖無道。未可叛也。國大臣睦。而邇於我。諸侯聽焉。未可以貳。史佚之志有之。曰。非我族類。其心必異。楚雖大。非吾族也。其肯字我乎。【詰】詩毛傳。字愛也。杜本此。公乃止。冬十一月。鄭公孫申帥師。疆許田。許人敗諸展陂。鄭伯伐許。取鉏。任洽。敦之田。晉欒書將中軍。荀首佐之。士燮佐上軍。以救許。伐鄭。取汜。祭。楚子反救鄭。鄭伯與許男訟焉。皇戌攝鄭伯之辭。子反不能決也。曰。君若辱在寡君。寡君與其二三臣。共聽兩君之所欲。成其可知也。不然。側不足以知二國之成。晉趙嬰通于趙莊姬。

五年春。原屏放諸齊。嬰曰。我在。故欒氏不作。我亡。吾二昆其憂哉。且人各有能。有不能。舍我何害。弗聽。嬰夢。天使謂己。祭余。余福女。使問諸士貞伯。貞伯曰。不識也。既而告其人曰。神福仁而禍淫。淫而無罰。福也。祭其得亡乎。祭之。之明日而亡。孟獻子如宋。報華元也。夏。晉荀首如齊。逆女。故宣伯饋諸穀。【詰】說文。野饋曰饋。杜本此。梁山崩。晉侯以傳召伯宗。伯宗辟重曰。辟傳。重人曰。待我。不如捷之速也。問其所。曰。絳人也。問絳事焉。曰。梁山崩。將召伯宗謀之。問將若之何。曰。山有朽壤。國語作朽壤。政失所爲。而稱朽壤。音遜也。今按壤壤二字相近。故譌說文釋崩字。亦云山壤。而崩。可若何。國主山川也。宋藥本國語傳注。並作朽壤。宏治本同。嘉靖本轉而爲壤坊。本因之。恐誤。

故山崩川竭。君爲之不舉降服。乘緡。【詁】說文緡繪無文也。按周禮巾車。卿乘夏緡。此車蓋以繪爲車帷。取其無文。鄭玄注。夏緡亦五采畫無緣耳。疑非。杜注。蓋取說文。然改緡爲車。亦失本訓。徹樂出次。視幣。辭以禮焉。其如此而已。雖伯宗若之何。伯宗請見之。不可。遂以告而從之。許靈公。【詁】許史記

鄭世家作鄆。公惡鄆于楚。徐廣曰。鄆音許。按說文。靈炎帝太嶽之後。甬侯所封。在潁川。从邑無聲。讀若許。是許乃後人省文。依字當作鄆字。愬鄭伯于楚。六月。鄭悼公如楚。訟不勝。楚人執皇戌及子國。故鄭

伯歸。使公子偃請成于晉。秋八月。鄭伯及晉趙同盟于垂棘。宋公子圍龜爲質于楚。而歸。華元享之。請鼓譟以出。鼓譟以復入。曰。習攻華氏。宋公殺之。冬。同盟于蟲牢。鄭服也。諸侯謀復會。宋公使向爲

人辭以子靈之難。釋文。一本無之難二字。子靈爲辭。一本無爲辭二字。

十一月己酉。定王崩。

六年春。鄭伯如晉。拜成。子游相。授玉于東楹之東。士貞伯曰。鄭伯其死乎。自棄也已。視流而行。速不安其位。宜不能久。二月。季文子以靈之功立武宮。非禮也。聽於人以救其難。不可以立武。立武由己。非由人也。取鄆言易也。三月。晉伯宗夏陽說衛孫良夫。寧相鄭人伊雒之戎。陸渾蠻氏。【詁】郟國志。河南郡新城有鄆聚。古鄆氏。今名蠻中。此同。

侵宋。以其辭會也。師于鍼。衛人不保。說欲襲衛。曰。雖不可入。多俘而歸。有罪不及死。伯宗曰。不可。衛惟信晉。故師在其郊而不設備。若襲之。是棄信也。雖多衛俘。而晉無信。何以求諸侯。乃止師還。衛人登陴。晉人謀去故絳。諸大夫皆曰。必居郟瑕氏之地。【詁】服虔

云。郇國在解縣東。郇瑕氏之墟也。水經注。說文。郇。周武王子所封。國在晉地。按卽郇瑕氏之地。杜注。郇瑕。

古國名。不知郇瑕卽郇國也。僖二十四年。晉犯與秦晉大夫盟于郇。文十二年。秦使晉及瑕。郇瑕二地

相接。亦可作一地。司馬彪郡國志。解縣有瑕城。杜注。解縣西北有郇城。水經注。引京相璠曰。故瑕城在

解縣西南。是其證也。二地連稱。春秋時多有。如解梁。郇等。皆取便俗耳。水經注。古水。又西逕荀城東。

公滅郇。以賜沃饒而近鹽。服虔云。土田而有澗曰沃鹽。鹽池也。水經注。說文。鹽。河東鹽池。袤三十

一里。廣七里。周百十六里。从鹽省古聲。按衆經音義。天生曰鹵。人生曰鹽。國利君樂不可失也。韓獻子

將新中軍。且爲僕大夫。公揖而入。獻子從。公立於寢庭。謂獻子曰。何如。對曰。不可。郇瑕氏土薄水淺。其

惡易觀。詩毛傳。構。成也。構。遷同。杜本。易觀則民愁。民愁則墊隘。說文。墊。下也。方言。司馬彪。春

秋傳曰。墊隘。隘。陋也。又說文。蹶。寒也。或曰。早霜。讀若春秋傳。墊。阨。隘。古字通。按杜注。墊隘。羸困也。于

訓。詰爲不通。正義更屬曲說。鄭玄尙書注。墊。陷也。陷與下義並同。於是乎有沈溺重隄之疾。按坤

卦引左傳作癘。云與臄同。衆經音義引釋名云。下重曰癘。今釋名無此語。元應不知何本。不如新田。土

厚水深。居之不疾。有汾澮以流其惡。水經。汾水出太原汾陽縣。北至汾陰縣。北注于河。澮水出河

東絳縣東。西至王澤。注于汾。杜本。周書曰。地有五形。不通曰惡。且民從教。十世之利也。夫山澤林鹽。國

之寶也。國饒則民驕佚。近寶公室。乃貧。不可謂樂。公說從之。夏四月丁丑。晉遷于新田。六月。鄭悼公

卒。子叔聲伯如晉，命伐宋。秋，孟獻子、叔孫宣伯侵宋。晉命也。楚子重伐鄭，鄭從晉故也。冬，季文子如晉，賀遷也。晉欒書救鄭，與楚師遇於繞角。楚師還，晉師遂侵蔡。楚公子申、公子成以申息之師救蔡，禦諸桑隧。趙同、趙括欲戰，請於武子。武子將許之，知莊子、范文子、韓獻子諫曰：「不可。吾來救鄭，楚師去我，吾遂至於此，是遷戮也。戮而不可，又怒楚師，戰必不克。雖克不令，成師以出，而敗楚之二縣，何榮之有焉？若不能敗，爲辱已甚，不如還也。」乃遂還。於是軍帥之欲戰者衆，或謂欒武子曰：「聖人與衆同欲，是以濟事。子盍從衆。」【詁】鄭玄禮記注：盍，何不也。杜本此。子爲大政，將酌於民者也。子之佐十一人。【詁】服虔云：是時欒書將中軍，荀首佐之，荀庚將上軍，士燮佐之，卻錡將下軍，趙同佐之，韓厥將新中軍，趙括佐之，鞏朔將新上軍，韓穿佐之，荀黸將新下軍，趙旃佐之。本疏：其不欲戰者三人而已。欲戰者可謂衆矣。商書曰：三人占，從二人，衆故也。武子曰：善鈞。【詁】高誘淮南王書注：鈞，等也。杜本此。從衆，夫善衆之主也。三卿爲主，可謂衆矣。從之，不亦可乎。

七年春，吳伐郟。郟成，季文子曰：「中國不振旅。」【詁】李奇上林賦注：振，整也。爾雅：旅，衆也。杜本此。蠻夷入伐而

莫之或恤，無弔者也。夫詩曰：「不弔昊天，亂靡有定。」其此之謂乎？有上不弔，其誰不受亂？吾亡無日矣。君

子曰：「知懼如是，斯不亡矣。」鄭子良相成公，以如晉見，且拜師。夏，曹宣公來朝。秋，楚子重伐鄭，師于

汜。【詁】祁國志：潁川郡襄城有汜城，有汜城。杜同此。諸侯救鄭，鄭共仲侯羽軍，楚師囚鄖公鍾儀，獻諸晉。八月，

同盟于馬陵。尋蟲牢之盟。且莒服故也。晉人以鍾儀歸。囚諸軍府。楚圍宋之役。師還。子重請取於申呂。以爲賞田。王許之。申公巫臣曰。不可。此申呂所以邑也。是以爲賦。以御北方。若取之。是無申呂也。晉鄭必至于漢。王乃止。子重是以怨巫臣。子反欲取夏姬。巫臣止之。遂取以行。子反亦怨之。及共王卽位。子重子反殺巫臣之族。子闔子蕩及清尹弗忌。及襄老之子黑要。而分其室。子重取子闔之室。使沈尹與王子罷分子蕩之室。子反取黑要與清尹之室。巫臣自晉遺二子書。曰。爾以讒慝貪怙。【詰】王逸楚辭章句。愛財曰貪。愛食曰怙。方言。貪殺也。楚謂之貪。怙殘也。殺而取其財曰怙。事君而多殺不辜。余必使爾罷於奔命以死。巫臣請使於吳。晉侯許之。吳子壽夢說之。乃通吳于晉。以兩之一卒適吳。【詰】司馬法。百人爲卒。二十五人爲兩。車九乘爲小偏。十五乘爲大偏。杜本舍偏兩之一焉。與其射御。教吳乘車。教之戰陳。教之叛楚。寘其子狐庸焉。使爲行人於吳。【詰】服虔云。行人。掌國賓客之禮。籍以待四方之使。寘。大客受小國之幣辭。史記集解。吳始伐楚。伐巢。伐徐。子重奔命。馬陵之會。吳入州來。子重自鄭奔命。子重子反於是乎一歲七奔命。蠻夷屬於楚者。吳盡取之。是以始大通吳於上國。衛定公惡孫林父。冬。孫林父出奔晉。衛侯如晉。晉反戚焉。

八年春。晉侯使韓穿來言。汶陽之田歸之于齊。季文子餽之私焉。【詰】說文。餽。送去食也。按餽字本訓。當依說文。杜注蓋本薛鄭義文。選注引韓詩薛君章句。送行飲酒曰餽。是因詩飲餽于爾。飲字。隨文爲義。

釋文稱毛詩箋云。祖而舍。餼飲酒於其側。曰餼。是因顯父饋之清酒百盞。句隨文爲義。皆非餼字本訓也。杜于訓詁之義。本不精。類此者極多。姑附記于此。曰。大國制義。以爲盟主。是以諸侯懷德畏討。無有

貳心。明刊本作二。誤。今从宋本改正。謂汶陽之田。敵邑之舊也。而用師於齊。使歸諸敵邑。今有二命。曰。歸諸齊。信以行

義。義以成命。小國所望而懷也。信不可知。義無所立。四方諸侯。其誰不解體。詩曰。女也不爽。士貳其行。士也罔極。【詁】詩毛傳。爽。差也。鄭箋。極中也。杜本。二三其德。七年之中。一與一奪。二三孰甚焉。士之二

三。猶喪妃耦。而況霸王。霸王將德是以。而二三之。其何以長有諸侯乎。詩曰。猶之未遠。【詁】詩鄭箋。猶。圖也。杜本。是用大簡。【詁】詩作大諫。按杜訓簡爲諫。古義通。周禮鄭司農注亦同。行父懼晉之不遠。猶

而失諸侯也。是以敢私言之。晉變書侵蔡。遂侵楚。獲申驪。楚師之還也。晉侵沈。【詁】地理志。汝南郡。平輿。應劭曰。故沈子國。杜本。獲沈子揖。初從知范韓也。君子曰。從善如流。宜哉。詩曰。愷悌君子。遐不作

人。【詁】爾雅。遐。遠也。荀爽易注。作用也。杜本。求善也。夫。作人斯有功績矣。是行也。鄭伯將會晉師。門于許東門。大獲焉。聲伯如莒。逆也。杜本。宋華元來聘。聘其姬也。夏。宋公使公孫壽來納幣。禮也。晉趙莊

姬爲趙嬰之亡故。【詁】賈服皆以爲成公之女。杜本。謂之于晉侯。曰。原屏將爲亂。欒郤爲徵。六月。晉討趙同。趙括。武從姬氏畜于公宮。【詁】詩毛傳。畜。養也。杜本。以其田與祁奚。【詁】呂覽去私篇作祁黃

羊。高誘注。祁奚。高梁伯之子。祁黃羊也。又云。黃羊。祁奚字。韓厥言於晉侯。曰。成季之勳。宣孟之忠。而無

後爲善者其懼矣。三代之令王，皆數百年保天之祿。夫豈無辟王，賴前哲以免也。釋文周書曰：「不敢侮。」

繆寡，所以明德也。乃立武而反其田焉。秋，召桓公來賜公命。晉侯使申公巫臣如吳，假道于莒，與

渠丘公立於池上，曰：「城已惡。」莒子曰：「辟陋在夷，其孰以我爲虞？」對曰：「夫狡焉，屬下爲句。」說狡焉當【詰】高誘呂

覽注狡焉也。杜本思啓封疆，以利社稷者，何國蔑有。唯然，故多大國矣。惟或思或縱也。勇夫重閉。【詰】

按釋文閉一音戶，且反。今攷閉字無此音，當是本又作閉，故有此反。傳寫脫誤耳。況國乎。冬，杞叔姬

卒，來歸自杞。故書。晉士燮來聘，言伐鄭也。以其事吳，故公賂之，請緩師。文子不可，曰：「君命無貳，失信

不立，禮無加貨，事無二成。君後諸侯，是寡君不得事君也。燮將復之，季孫懼，使宣伯帥師會伐鄭。衛

人來媵，共姬禮也。凡諸侯嫁女，同姓媵之，異姓則否。【詰】嚴音育，諸侯直云備酒漿，何得有異姓在內。

疏穀梁

九年春，杞桓公來逆叔姬之喪，請之也。杞叔姬卒，爲杞故也。逆叔姬，爲我也。釋文本或爲歸汶陽之田。

故諸侯貳於晉，晉人懼，會于蒲，以尋馬陵之盟。季文子謂范文子曰：「德則不競。」詩毛傳競，疆也。杜

此尋盟何爲。范文子曰：「勤以撫之，寬以待之，堅疆以御之，明神以要之，柔服而伐，貳德之次也。是行也，

將始會吳，吳人不至。二月，伯姬歸于宋。楚人以重賂求鄭，鄭伯會楚公子成于鄧。夏季，文子如

宋，致女，復命，公享之。賦韓奕之五章。穆姜出于房，再拜曰：「大夫勤辱，不忘先君，以及嗣君，施及未亡人。」

先君猶有望也。敢拜大夫之重勤。又賦綠衣之卒章而入。釋文：綠本又作綠。按詩鄭箋：綠當爲揅。故作揅。

轉作綠字之誤也。晉人來媵禮也。秋鄭伯如晉。晉人討其貳於楚也。執諸銅鞮。詁：郡國志：上黨郡。

銅鞮。劉昭注引上黨記曰：晉別宮墟闕。猶有北城。去晉宮二十里。羊舌所邑。杜同。欒書伐鄭。鄭人使伯

錫行成。晉人殺之。非禮也。兵交使在其間可也。楚子重侵陳以救鄭。晉侯觀于軍府。見鍾儀。問之曰：

南冠而縶者誰也。詁：服虔云：楚冠。御覽：杜獨斷引胡廣說曰：南冠蓋楚之冠。秦滅楚以其君冠賜御

史司馬彪。莊子注：繫拘也。杜同。有司對曰：鄭人所獻楚囚也。使稅之。召而弔之。再拜稽首。問其族。對曰：

泠人也。詩疏引作伶。此文選注同。公曰：能樂乎。對曰：先父之職官也。敢有二事。使與之琴。操南音。公曰：君王何如。對

曰：非小人之所以得知也。固問之。對曰：其爲太子也。師保奉之。以朝于嬰齊。而夕于側也。不知其他。公語

范文子。文子曰：楚囚君子也。言稱先職。不肯本也。樂操土風。不忘舊也。稱大子。抑無私也。名其二卿。尊

君也。不肯本。仁也。不忘舊。信也。無私。忠也。尊君。敏也。詁：韋昭國語注：敏達也。杜本。仁以接事。信以守

之。忠以成之。敏以行之。事雖大。必濟。君盍歸之。使合晉楚之成。公從之。重爲之禮。使歸求成。冬十一

月。楚子重自陳伐莒。圍渠丘。渠丘城惡。衆潰。奔莒。戊申。楚入渠丘。莒人囚楚公子平。楚人曰：勿殺。吾歸

而俘。莒人殺之。楚師圍莒。莒城亦惡。庚申。莒潰。楚遂入鄆。莒無備故也。君子曰：特陋而不備。罪之大者

也。備豫不虞。善之大者也。莒恃其陋而不修城郭。浹辰之間。而楚克其三都。無備也。夫詩曰：雖有絲麻。

無棄菅蒯【詰】玉篇蔽苦怪切。草中爲索。左氏傳曰：無棄菅蒯。下劃字注云同上。雖有姬姜無棄蕉萃。
【詰】詩：東門之池，正義引傳作憔悴。淮南說林曰：有榮華者，必有憔悴。蕉萃，猶憔悴也。凡百君子，莫不
代匱言備之不可以已也。秦人白狄伐晉，諸侯貳故也。鄭人圍許，示晉不急君也。是則公孫申謀
之曰：我出師以圍許，爲將改立君者而紓晉使，晉必歸君。城中城，書時也。十二月，楚子使公子辰
如晉，報鍾儀之使，請修好結成。

十年春，晉侯使糴莩如楚【詰】說文：春秋傳曰：晉糴莩，報太子商之使也。衛子叔黑背侵鄭，晉命也。

鄭公子班聞叔申之謀，三月，子如立公子緇。史記索隱曰：緇音須。鄭氏曰：亦作緇音訓。夏四月，鄭人殺緇，立髡。史記鄭

原今索隱云：左傳本作髡原，或因公穀本而誤也。子如奔許，變武子曰：鄭人立君，我執一人焉，何益？不

如伐鄭而歸其君，以求成焉。晉侯有疾，五月，立大子州滿【詰】應劭作舊名諱議云：昔者周穆王名滿，

晉厲公名州滿，又有王孫滿，是名同不諱。正義云：據此則爲州滿，或作州蒲誤耳。本按晉世家作壽曼，

十二諸侯年表同。是州滿聲之轉，其爲滿字爲疑。今據應劭劉知幾改正。釋文亦云：本或作州滿，以爲

君，而會諸侯伐鄭。鄭子罕賂以襄鐘，子然盟于修澤。子駟爲質，辛巳，鄭伯歸。晉侯夢大厲【詰】服虔

又以爲公明之鬼。本按索隱引世本云：公明生共孟及趙夙，夙生成季衰，而宣二年左傳正義引世本

又云：夙爲衰祖。至晉語則云：趙衰趙夙之弟，一人而世次不同，且分作三代，疑世本傳寫有誤。今詳傳

文及服氏所言則公明當屬括之祖與晉語合杜預世族譜次系亦同李頤莊子解曰死而無後曰厲

披髮及地搏膺而踊曰殺余孫不義余得請於帝矣壞大門及寢門而入釋文一本無及字公懼入于室又壞

戶公覺召桑田巫巫言如夢公曰何如曰不食新矣公疾病求醫于秦秦伯使醫緩爲之未至公夢疾

爲二豎子曰彼良醫也懼傷我焉逃之釋文懼傷我絕句焉徐子虔反一讀如字屬上句逃之絕句按焉字屬下句爲允釋文一讀非其一曰居肓之

上膏之下若我何【詁】賈逵云肓膏也心下爲膏本注杜說文肓心上膏下也春秋傳曰病在肓之下

按尋賈義及說文照云居肓之下膏之上今本上下字疑有脫亂釋文引說文作心下膏上誤賈服何

休等亦皆以爲膏雖凝者爲脂釋者爲膏其實凝者亦曰膏故內則云小切狼臙膏則此膏爲連心脂

膏也醫至曰疾不可爲也【詁】高誘淮南王書注爲治也廣雅爲瘡也瘡愈同在肓之上膏之下攻之

不可達之不及藥不至焉不可爲也公曰良醫也厚爲之禮而歸之六月丙午晉侯欲麥使甸人獻麥

饋人爲之召桑田巫示而殺之將食張如廂【詁】玉篇稱左氏傳云將食脹如廁云脹痛也或係舊注

按脹卽張之俗字陷而卒小臣有晨夢負公以登天及日中負晉侯出諸廁遂以爲殉鄭伯討立君

者戊申殺叔申叔禽君子曰忠爲令德非其人猶不可況不令乎秋公如晉晉人止公使送葬於是

糴茭未反冬葬晉景公公送葬諸侯莫在魯人辱之故不書諱之也

十一年春王三月公至自晉晉人以公爲貳於楚故止公請受盟而後使歸郤欒來聘且泄盟聲伯

之母不聘。穆姜曰：吾不以妾爲媼。【詰】賈逵鄭玄皆云：兄弟之妻相謂爲媼。本疏杜生聲伯而出之。嫁

於齊。管于奚。生二子而寡。以歸聲伯。聲伯以其外弟爲大夫。而嫁其外妹於施孝叔。郤犖來聘。求婦於

聲伯。聲伯奪施氏婦以與之。婦人曰：鳥獸猶不失儷。【詰】鄭玄儀禮注及廣雅：儷，偶也。杜本子將若何。

曰：吾不能死亡。婦人遂行。生二子于郤氏。郤氏亡。晉人歸之。施氏逆諸河。沈其二子。婦人怒曰：己

不能庇其伉儷而亡之。【詰】鄭玄禮記注：伉，敵也。杜本又不能字人之孤。【詰】詩毛傳：字，愛也。杜本而

殺之。將何以終。遂誓施氏。夏，季文子如晉報聘。且泄盟也。周公楚惡惠襄之偪也。且與伯與爭政。

不勝。怒而出。及陽樊。王使劉子復之。盟于鄆。而入三日。復出奔晉。秋，宣伯聘于齊。以修前好。晉郤

至與周爭鄆田。【詰】說文：鄆，晉之溫地。春秋傳曰：爭鄆田。杜本王命劉康公單襄公訟諸晉。郤至曰：溫

吾故也。故不敢失。劉子單子曰：昔周克商。使諸侯撫封。【詰】鄭玄禮記注：撫，猶有也。廣雅同。杜本蘇忿

生以溫爲司寇。與檀伯達封于河。蘇氏卽狄。又不能於狄而奔衛。襄王勞文公而賜之溫。狐氏陽氏先

處之。而後及子。若治其故。則王官之邑也。子安得之。晉侯使郤至勿敢爭。宋華元善於令尹子重。又

善於欒武子。聞楚人既許晉羅伐成。而使歸復命矣。冬，華元如楚。遂如晉。合晉楚之成。秦晉爲成。將

會于令狐。晉侯先至焉。秦伯不肯涉河。次于王城。使史顛盟晉侯于河東。晉郤犖盟秦伯於河西。范文

子曰：是盟也何益。齊盟所以質信也。【詰】詩毛傳：質，成也。杜本會所信之始也。始之不從。其何質乎。秦

伯歸而背晉成。

十二年春王使以周公之難來告書曰周公出奔晉凡自周無出周公自出故也宋華元克合晉楚之

成夏五月晉士燮會楚公子罷許偃癸亥盟於宋西門之外曰凡晉楚無相加戎好惡同之同恤舊危

備救凶患若有害楚則晉伐之在晉楚亦如之交費往來【詁】詳綜東京賦注費禮也道路無雍皆作

變今从石經宋本改正謀其不協而討不庭有渝此盟明神殛之【詁】爾雅庭直也殛誅也俾隊其師【詁】詩鄭

箋俾使也韋昭國語注隊失也此杜本無克胙國鄭伯如晉聽成【詁】高誘國策注聽受也此杜本會於瑣

澤成故也狄人聞宋之盟以侵晉而不設備秋晉人敗狄於交剛晉郤至如楚聘且澶盟楚子享

之子反相爲地室而縣焉郤至將登金奏作於下驚而走出子反曰日云莫矣寡君須矣【詁】爾雅須

待也吾子其入也賓曰君不忘先君之好施及下臣賦之以大禮【詁】韋昭國語注況賜也賦當作況

杜本重之以備樂如天之福兩君相見何以代此下臣不敢子反曰如天之福兩君相見無亦惟是一

矢相加遺【詁】詩毛傳遺加也焉用樂寡君須矣吾子其入也賓曰若讓之以一矢禍之大者其何福

之爲世之治也諸侯間於天子之事則相朝也於是乎有享宴之禮享以訓其儉宴以示慈惠其儉以

行禮而慈惠以布政政以禮成民是以息百官承事朝而不夕此公侯之所以扞城其民也【詁】漢書

集注并蔽猶言藩屏也故詩曰赳赳武夫【詁】爾雅赳赳武也此杜本公侯干城及其亂也諸侯貪冒侵

欲不忌，爭尋常以盡其民。【詰】小爾雅四尺謂之仞，倍仞謂之尋，倍尋謂之常。此杜本略其武夫以爲己

腹心股肱爪牙。【詰】方言略強取也，廣雅略取也。此杜本故詩曰：赳赳武夫，公侯腹心。天下有道，則公侯

能爲民干城，而制其腹心。亂則反之。今吾子之言，亂之道也，不可以爲法。然吾子主也，至敢不從，遂入

卒事，歸以語范文子。文子曰：無禮必食言，吾死無日矣。夫冬，楚公子罷如晉聘，且泄盟。十二月，晉侯及

楚公子罷盟于赤棘。

十三年春，晉侯使郤錡來乞師，將事不敬。孟獻子曰：郤氏其亡乎？禮身之幹也，敬身之基也。郤子無基，且

先君之嗣卿也，受命以求師，將社稷是衛，而惰棄君命也，不亡何爲？三月，公如京師，宣伯欲賜，請先

使王以行人之禮禮焉。孟獻子從，王以爲介而重賄之。公及諸侯朝王，遂從劉康公成肅公會。晉侯伐

秦，成子受賑于社。【詰】五經異義左氏說：賑，社祭之肉盛之以盤，宗廟之肉名曰勝。周禮疏：不敬，劉子

曰：吾聞之，民受天地之中以生。【詰】按中與衷通，孔安國尚書傳：衷，善也。所謂命也，是以有動作禮義

威儀之則，以定命也。能者養之以福，不能者敗以取禍，是故君子勤禮，小人盡力，勤禮莫如致敬，盡力

莫如敦篤。敦在養神，篤在守業。國之大事，在祀與戎。祀有執膳，戎有受賑，神之節也。今成子惰棄其

命矣，其不反乎？夏四月戊午，晉侯使呂相絕秦。【詰】賈逵云：晉大夫史記集解曰：昔逮我獻公及穆公相

好，勦力同心。【詰】說文：勦，并力也。从力，勦聲。惠棟曰：戰國策勦力同憂，高誘曰：勦力也。勉力也。其字从

力今諸本作戮。誤。詛楚文又作繆。力蓋古字假借。今按石經釋文宋本並作勳。今據改。又國語補音引
魯康云勳音留。申之以盟誓。重之以昏姻。天禍晉國。文公如齊。惠公如秦。無祿獻公卽世。穆公不忘舊
德。俾我惠公用能奉祀于晉。又不能成大勳。而爲韓之師。亦悔于厥心。用集我文公。【詁】小爾雅。集。成
也。杜本。是穆之成也。文公躬擐甲冑。跋履山川。【詁】詩毛傳。草行曰跋。杜本。踰越險阻。征東之諸侯。虞
夏商周之胤。而朝諸秦。則亦旣報舊德矣。鄭人怒君之疆場。我文公帥諸侯。及秦圍鄭。秦大夫不詢于
我寡君。【詁】爾雅。詢。謀也。杜本。擅及鄭盟。諸侯疾之。將致命于秦。文公恐懼。綏靜諸侯。秦師克還。無害
則是我有大造于西也。【詁】鄭玄易注。造成也。杜本。無祿文公卽世。穆爲不弔。蔑我死君。釋文。死我君
在死。【詁】滋棟曰。按傳三十三年傳。其爲死君乎。可謂死君乎。尋文義當云。蔑我死君。鄭康成易注云。
蔑。輕慢也。今據釋文改正。寡我襄公。【詁】高誘呂覽注。寡。少也。送我殽地。好絕我好。伐我保城。殄滅我
費滑。散離我兄弟。撓亂我同盟。【詁】廣雅。撓。亂也。傾覆我國家。我襄公未忘君之舊勳。而懼社稷之隕。
是以有殺之師。猶願赦罪于穆公。穆公弗聽。而卽楚謀我。【詁】詩衛風。來卽我謀。爾雅。卽。尼也。郭璞注。
尼。近也。天誘其衷。成王隕命。穆公是以不克逞志于我。穆襄卽世。康靈卽位。康公我之自出。又欲闕翦
我公室。傾覆我社稷。帥我螫賊。以來蕩搖我邊疆。我是以有令狐之役。康猶不悛。【詁】方言。悛。懈也。
說文。悛。止也。廣雅。悛。更也。按義訓並通。杜注。本方言。入我河曲。伐我涑川。俘我王官。【詁】鄭國志。河東

郟聞喜邑有涑水杜同翦我羈馬。我是以有河曲之戰。東道之不通。則是康公絕我好也。及君之嗣也。

我君景公引領西望曰。庶撫我乎。君亦不惠稱盟。利吾有狄難。入我河縣。焚我箕郛。芟夷我農功。【詰】

小爾雅。夷。傷也。杜本度。劉我邊垂。別本作陲。今【詰】方言。廣雅並云。度。殺也。爾雅。劉。殺也。杜本我是以

有輔氏之聚。【詰】韋昭國語注。聚。衆也。杜本君亦悔禍之延。【詰】爾雅。延。長也。杜本而欲徼福于先君

獻穆。使伯車來命我景公曰。吾與女同好棄惡。復修舊德。以追念前勳。言誓未就。景公卽世。我寡君是

以有令狐之會。【詰】釋文。寡君。說者亦作寡人。按上文云。我是以有令狐之役。我是以有河曲之戰。我

是以有輔氏之聚。此準上例。則寡君當爲衍字。君又不祥。背棄盟誓。白狄及君同州。君之仇讐。而我昏

姻也。別本我下衍之君來賜命曰。吾與女伐狄。寡君不敢顧昏姻。畏君之威而受命于吏。君有二心於

狄。晉將伐女。狄應且憎。是用告我。楚人惡君之二三其德也。亦來告我曰。秦背令狐之盟。而來求盟

于我。昭告昊天上帝。秦三公楚三王曰。余雖與晉出入。余惟利是視。不穀惡其無成德。是用宣之。以懲

不壹。諸侯備聞此言。斯是用痛心疾首。釋文暱。就寡人。【詰】何休公羊注。疾。痛也。爾雅。暱。親近也。杜本

寡人帥以聽命。惟好是求。君若惠顧諸侯。矜哀寡人。而賜之盟。則寡人之願也。其承寧諸侯以退。豈敢

邀亂。【詰】漢書集注。邀。要求也。君若不施大惠。寡人不佞。【詰】服虔云。佞。才也。不才者。自謙之辭也。疏本

其不能以諸侯退矣。敢盡布之執事。俾執事實圖利之。秦桓公既與晉厲公爲令狐之盟。而又召狄與

楚欲道以伐晉。諸侯是以睦於晉。晉欒書將中軍，荀庚佐之。士燮將上軍，卻錡佐之。韓厥將下軍，荀偃佐之。趙旃將新軍，卻至佐之。卻縠御戎，欒鍼爲右。孟獻子曰：「晉帥乘和，師必有大功。」五月丁亥，晉師以諸侯之師及秦師戰于麻隧。秦師敗績，獲秦成差及不更女父。曹宣公卒于師。【詁】禮記檀弓：曹桓公卒于會，鄭注：魯成公十三年，曹伯廙卒于師，是也。廙，諡。宣，音桓，聲之誤也。師遂濟涇，及侯麗而還。【詁】地理志：安定郡涇陽，開頭山在西，禹貢涇水所出，東南至陽陵入渭。此杜本。迂，晉侯于新楚。釋文：迂，本【詁】爾雅：迂，逆也。此杜本。成肅公卒于瑕。六月丁卯夜，鄭公子班自營求入于大宮，不能，殺子印子羽。

反軍于市，己巳，子駟帥國人盟于大宮，遂從而盡焚之。殺子如子驪、孫叔孫知。曹人使公子負芻守

使公子欣時逆曹伯之喪。【詁】古今人表作曹劄，時師古曰：即曹欣時也。劄，音許其反。劉向新序作喜

時。按詩毛傳：時，善也。欣，時。字子臧，卽此義。秋，負芻殺其太子而自立也。諸侯乃請討之。晉人以其役之

勞，請侯他年冬葬曹宣公。既葬，子臧將亡，國人皆將從之。成公乃懼，告罪，且請焉。乃反而致其邑。

十四年春，衛侯如晉，晉侯強見孫林父焉。【釋文】作彊。定公不可。夏，衛侯既歸，晉侯使卻犢送孫林父而見之。衛

侯欲辭，定姜曰：「不可。是先君宗卿之嗣也。」大國又以爲請，不許將亡。雖惡之，不猶愈於亡乎？君其忍之。

安民而宥宗卿，不亦可乎？衛侯見而復之。衛侯享苦成叔。【詁】王符潛夫論曰：苦城，城名也。在鹽池東

北。後人書之或爲枯。齊人聞其音，則書之曰車，敦煌見其字，呼之曰車城。其在漢陽者，不喜枯苦之字。

則更書之曰古城氏。寧惠子相。苦成叔傲。五行志引作敷。師古曰：敷讀曰傲。則此字古當作敷。今姑仍之。寧子曰：苦成家其亡乎？古之

爲享食也。以觀威儀省禍福也。故詩曰：兕觥其觶，旨酒思柔。【註】說文：觥，兕牛角，可以飲者也。从角黃聲。其狀觶觶，故謂之觶。觶俗从觥。按此則石經字亦未从俗。問有勝釋文處也。又按詩良耜有觶其角。

則觶是角貌。故范寧穀梁成七年傳：展斛角而知傷，亦云斛觶。觶然角兒。杜注云：陳設之貌。失之斛。觶古字通。彼交匪傲，萬福來求。五行志引作匪傲。匪敷。師古曰：傲爲微幸也。今夫子傲，取禍之道也。秋，宣伯如齊，逆女，稱族。

尊君命也。八月，鄭子罕伐許，敗焉。戊戌，鄭伯復伐許。庚子，入其郛。許人平以叔申之封。九月，僑如

以夫人婦姜氏至自齊，舍族。尊夫人也。故君子曰：春秋之稱微而顯，志而晦，婉而成章。【註】衆經音義引字詁識記也。識志字同。杜本詩毛傳：晦，昧也。婉，順也。按杜注言晦亦微也。婉，曲也。並非義訓。盡而不

汙懲惡而勸善，非聖人誰能修之。衛侯有疾，使孔成子寧惠子立敬嬖之子，行以爲大子。冬十月，衛

定公卒。夫人姜氏既哭而息，見大子之不衰也，不內酌飲。歎曰：是夫也，將不惟衛國之敗，其必始於未

亡人烏乎！天禍衛國也。夫吾不獲鱒也，使主社稷。大夫聞之，無不聳懼。孫文子自是不敢舍其重器於

衛。盡諸戚。【註】詩毛傳：寘，置也。杜本此。而甚善晉大夫。

十五年春，會于戚，討曹成公也。執而歸諸京師。書曰：晉侯執曹伯，不及其民也。凡君不道於其民，諸侯討

而執之，則曰某人執某侯，不然則否。諸侯將見子臧於王而立之。子臧辭曰：前志有之曰：聖達節，次守

節下失節【詁】按劉向新序引作下不失節。譏爲君非吾節也。雖不能聖，敢失守乎？遂逃奔宋。夏六

月，宋共公卒。五行志作恭。楚將北師，子囊曰：「新與晉盟而背之，無乃不可乎？」子反曰：「敵利則進，何盟之有？」申

叔時老矣，在申，聞之曰：「子反必不免，信以守禮，禮以庇身，信禮之亡，欲免得乎？」楚子侵鄭，及暴隧，遂侵

衛，及首止。鄭子罕侵楚，取新石。欒武子欲報楚，韓獻子曰：「無庸。」詩毛傳：庸，用也。杜本此。使重其罪，民

將叛之，無民孰戰。秋八月，葬宋共公。於是華元爲右師，魚石爲左師，蕩澤爲司馬，華喜爲司徒，公孫

師爲司城，向爲人爲大司寇，鱗朱爲少司寇，向帶爲太宰，魚府爲少宰，蕩澤弱公室，殺公子肥。華元曰：

「我爲右師，君臣之調，師所司也。今公室卑而不能正，吾罪大矣，不能治官，敢賴寵乎？」乃出奔晉。二華戴

族也，司城莊族也。六官者皆桓族也。魚石將止華元，魚府曰：「右師反必討，是無桓氏也。」魚石曰：「右師苟

獲反，雖許之討，必不敢，且多大功，國人與之，不反，懼桓氏之無祀於宋也。」右師討，猶有戍在，桓氏雖亡，

必偏。魚石自止華元于河上，請討許之，乃反，使華喜公孫帥國人攻蕩氏，殺子山。史記作司馬，唐山按子山蓋卽蕩澤。

澤爲司馬也。唐蕩音同。書曰：「宋殺其大夫山，言背其族也。」魚石向爲人，鱗朱向帶魚府，出舍于睢上。【詁】水經：睢

水出梁郡鄆縣，東流至蕭縣，南入于陂。華元使止之，不可。冬十月，華元自止之，不可。乃反。魚府曰：「今不

從，不得入矣。」右師視速而言疾，有異志焉。若不我納，今將馳矣。登丘而望之，則馳。釋文：馳，字絕句。馳而從之，則

決睢澆。【詁】王逸楚辭章句：澆，水澆也。杜本高誘呂覽注：決澆也。閉門登陴矣。左師二司寇二宰遂出

奔楚【詰】服虔云：魚石卿故書以爲四人，非卿故不齊。本疏華元使向戌爲左師，老佐爲司馬，樂裔爲司

寇，以靖國人。晉三郤【詰】賈逵云：郤錡、郤犇、郤至。史記集解害伯宗，譖而殺之，及欒弗忌、伯州犂、奔楚。夫

論作伯州犂韓獻子曰：郤氏其不免乎？善人天地之紀也，而驟絕之，不亡何待？初，伯宗每朝，其妻必戒之曰：

盜憎主人，民惡其上。【詰】家語載金人銘，有此二語，說苑作盜怨主人，民害其貴，子好直言，必及於難。

十一月，會吳于鍾離，始通吳也。許靈公畏偃于鄭，請遷于楚。辛丑，楚公子申遷許于葉。

十六年春，楚子自武城使公子成以汝陰之田，求成于鄭。鄭叛晉，子駟從楚子盟于武城。夏四月，滕文

公卒。鄭子罕伐宋，宋將鉏樂懼敗諸洧，退舍於夫渠，不做。鄭人覆之，敗諸洧，獲將鉏樂懼。宋恃

勝也。衛侯伐鄭，至于鳴雁。諸本作鷹，今从說文石經改定【詰】郡國志：陳留郡陳留，有鳴雁亭。杜同酈道元云：汲水

又東，逕鳴雁亭南。左傳：衛侯伐鄭，至于鳴雁者也。爲晉故也。晉侯將伐鄭，范文子曰：若逞吾願，【詰】

賈逵國語注：逞，快也。杜取此諸侯皆叛，晉可以逞。若惟鄭叛，晉國之憂，可立俟也。欒武子曰：不可以當吾

世而失諸侯，必伐鄭。乃與師，欒書將中軍，士燮佐之。郤錡將上軍，荀偃佐之。韓厥將下軍，郤至佐新軍。

荀罃居守，郤犇如衛，遂如齊，皆乞師焉。欒黶來乞師。孟獻子曰：有勝矣。戊寅，晉師起。鄭人聞有晉師，使

告于楚。姚句耳與往。楚子救鄭，司馬將中軍，令尹將左，右尹子辛將右，過申。子反入見申叔時，曰：師其

何如？對曰：德刑詳義。【詰】正義曰：詳者詳也。古字同，爾雅：詳，善也。禮信，戰之器也。德以施惠，刑以正邪。

詳以事神。義以建利。禮以順時。信以守物。民生厚而德正。用利而事節。時順而物成。上下和睦。周旋不逆。求無不具。各知其極。故詩曰：立我烝民。【詁】詩毛傳：烝，衆也。此杜本。莫匪爾極。是以神降之福。時無災害。民生敦龐。【詁】詩毛傳：敦，厚也。爾雅：龐，大也。此杜本。和同以聽。莫不盡力以從上命。致死以補其闕。此戰之所由克也。今楚內棄其民。而外絕其好。瀆齊盟。【詁】崔憬易注曰：瀆，古黷字。傳皆以瀆爲黷。按虞翻易注：黷，亂也。而食話言：奸時以動。而疲民以逞。【詁】服虔以外絕其好爲刑不正邪也。食話言爲義。不建利也。疲民以逞爲信不守物也。疏：民不知信。進退罪也。人恤所底。【詁】詩毛傳：底，至也。此杜本。其誰致死。子其勉之。吾不復見子矣。【釋文】一本：姚句耳。先歸。子駟問焉。對曰：其行速。過險而不整。速則失志。不整喪列。志失列喪。將何以戰。楚懼不可用也。五月。晉師濟河。聞楚師將至。范文子欲反。曰：我僞逃楚。可以紓憂。夫合諸侯。非吾所能也。以遺能者。我若羣臣輯睦以事君。多矣。武子曰：不可。六月。晉楚遇於鄢陵。【詁】淮南汜論訓：作楚恭王戰于陰陵。高誘注云：恭王與晉厲戰于陰陵。按陰鄢聲相近。范文子不欲戰。卻至曰：韓之戰。惠公不振旅。箕之役。先軫不反命。邲之師。荀伯不復從。皆晉之恥也。子亦見先君之事矣。今我辟楚。又益恥也。文子曰：吾先君之亟戰也。【詁】爾雅：亟，亦數也。此杜本。有故。秦狄齊楚皆彊。不盡力。子孫將弱。今三彊服矣。敵楚而已。惟聖人能外內無患。自非聖人。外寧必有內憂。盍釋楚以爲外懼乎。甲午晦。楚晨壓晉軍。而陳軍吏患之。范匄趨進。【釋文】匄本：塞井夷竈。【詁】毛傳：夷，平也。賈

逸云夷毀也。梁經音義引國語注陳於軍中而疏行首。【詰】司馬法曰：凡陳行惟疏，淮南王書疏隊而擊之。高勝

注疏分也。晉楚惟天所授，何患焉？文子執戈逐之曰：國之存亡，天也。童子何知焉？樂書曰：楚師輕佻。【

詰】爾雅佻，偷也。固壘而待之，三日必退，退而擊之，必獲勝焉。郤至曰：楚有六間，不可失也。其二卿相

惡，王卒以舊，鄭陳而不整，蠻軍而不陳，陳不違晦，在陳而鬻。晉語作譁【詰】鄭玄周禮注：鬻，譁也。杜本合而

加鬻，各顧其後，莫有鬪心，舊不必良，以犯天忌，我必克之。楚子登巢車。【詰】說文：輶，兵車，高如巢，以望

敵也。春秋傳曰：楚子登輶車。廣雅：巢，高也。按今本作巢。杜注：巢車，車上為輶，今考說文：輶，澤中守草，檣

也。杜合輶檣為一，恐非。以望晉軍。子重使太宰伯州犂王符引作州黎侍于王後。王曰：騁而左右，何也？【詰】王

逸楚辭章句：騁，馳也。杜注：走也。義亦同。曰：召軍吏也。皆聚於中軍矣。曰：合謀也。張幕矣。曰：虔卜於先君

也。【詰】廣雅：虔，敬也。杜本徹幕矣。曰：將發命也。甚鬻且塵上矣。曰：將塞井夷竈而為行也。皆乘矣。左右

執兵而下矣。曰：聽誓也。戰乎？曰：未可知也。乘而左右皆下矣。曰：戰禱也。伯州犂以公卒告王。苗賁皇說苑黃

引作豐。在晉侯之側，亦以王卒告。皆曰：國士在且厚，不可當也。【詰】服虔以此皆曰之文。在州犂賁皇

之下。解曰：州犂賁皇皆言曰：晉楚之士皆在君側，且陳厚不可當，以為州犂言晉強，賁皇言楚強。蘇云

皆曰也。本疏苗賁皇言於晉侯曰：楚之良在其中，軍王族而已，請分良以擊其左右，而三軍萃於王卒。【

詰】詩毛傳萃，集也。杜本必大敗之。公筮之。史曰：吉。其卦遇復。【詰】服虔云：復，反也。陰盛于上，陽

動于下。以喻小人作亂于上。聖人興道于下。萬物復萌。制度復理。故曰復也。同上。曰南國蹙。【詁】詩毛傳。

蹙。促也。鄭箋。蹙蹙。縮小之貌。廣雅。蹙。縮也。射其元。王中厥目。【詁】服虔以爲陽氣觸地。射出爲射之象。

上。國蹙。王傷。不敗何待。公從之。有淖於前。【詁】說文。淖。泥也。衆經音義引倉頡。淖。深泥也。杜本。乃膺左。

右。相違于淖。【詁】章昭國語注。違。辟也。杜本。步毅御晉厲公。欒鍼爲右。彭名御楚共王。潘黨爲右。石首。

御鄭成公。唐苟爲右。欒范以其族夾公行。陷於淖。欒書將載晉侯。鍼曰。書退。國有大任。焉得專之。且侵。

官。冒也。失官。慢也。離局。姦也。有三罪焉。不可犯也。乃掀公以出於淖。【詁】說文。掀。舉出也。春秋傳曰。掀。

公出于淖。廣雅。掀。舉也。杜本。癸巳。潘尪之黨。釋文。一本作潘尪之子。黨。按注云。黨。潘尪之子也。則傳文

字。與養由基。踰甲而射之。【詁】說文。踰。踞也。廣雅。葦。聚也。葦。踰音義同。杜本。鄭玄音。踰才丸切。宋本。羣

按。養蓋所食采地。郡國志。潁川郡。襄有養陰里。水經注。稱京相璠曰。在襄城郟縣西南。養水名也。徹七。

札焉。【詁】廣雅。札。甲也。按。徹七札。言徹七重甲。能陷堅也。太玄經元。掬云。比札爲甲。是其證。以示王曰。

君有二臣如此。何憂於戰。王怒曰。大辱國。詰朝。爾射死藝。呂錡夢射月中之。退入於泥。占之曰。姬姓。日。

也。異姓。月也。必楚王也。射而中之。退入於泥。亦必死矣。及戰。射共王中目。王召養由基與之。兩矢。使射。

呂錡。中項伏弋。【詁】說文。弋。衣。杜本。此。以一矢復命。郤至三遇楚子之卒。見楚子必下。免胄而趨風。楚。

子使工尹襄問之以弓。【詁】穀梁傳云。聘弓。鑲矢。麇信曰。古者以弓矢以聘問。惠棟曰。故左傳云。楚子。

閔郤至以弓曰方事之般也【詰】鄭玄儀禮注殷盛也杜本有韎韐【詰】賈逵云一染曰韎按說文韎

茅蒐染韐也一入曰韎與賈義同鄭箋亦用說文之附注【詰】賈逵服虔並云跗謂足跗注屬也跨而

屬于跗周禮疏鄭玄雜問志云韎韐之不注不讀如跗跗幅也惠棟曰不跗古字通見詩箋以跗注爲

不注者鄭所受春秋異讀也君子也識見不毅而撓【詰】按識與適同外傳作屬訓爲適無乃傷乎郤

至見客免胄承命曰君之外臣至從寡君之戎事以君之靈問蒙甲冑【詰】按杜注問近也今考莊九

年昭廿六年杜注並云問與也則此傳亦宜訓與爲是謂與于甲冑之事耳又高誘淮南注問遠也則

問無近義可知不敢拜命敢告不寧【詰】詩毛傳不寧寧也劉炫以爲楚王云無乃傷乎恐其傷也答

云敢告不寧告其身不傷耳魏擊云不有寧也以傷爲寧此與魏擊相似杜本君命之辱爲事之故敢

肅使者【詰】周禮大祝肅拜鄭司農云肅拜但俯下手今時擡是也杜本三肅使者而退晉韓厥從鄭

伯其御杜溷羅曰速從之其御屢顧不在馬可及也韓厥曰不可以再辱國君乃止郤至從鄭伯【詰

】詩毛傳從逐也杜本其右荜翰胡曰章昭國語注引謀輅之【詰】說文謀軍中反問也余從之乘而

俘以下郤至曰傷國君有刑亦止石首曰衛懿公惟不去其旗是以敗於滎乃內旌於棨中唐荀謂石

首曰子在君側敗者壹大我不如子以君免我請止乃死楚師薄於險【詰】小爾雅薄迫也杜本叔

山冉古今人表作叔山舟一本仍謂養由基曰雖君有命爲國故子必射乃射再發盡殪叔山冉搏人

春秋左傳詰 三傳

三十五

以投中車折軾。晉師乃止。囚楚公子茂。晉語作王子發鉤。欒鍼見子重之旌，請曰：「楚人謂夫旌，子重之麾也。彼

其子重也。日臣之使於楚也，子重問晉國之勇，臣對曰：「好以衆整。」又何如？臣對曰：「好以暇。今兩國治

戒，行人不使，不可謂整。臨事而食言，不可謂暇。請攝飲焉。」鄭玄儀禮注攝持也。杜本此。公許之，使行

人執榼承飲。【詁】說文：榼，酒器也。詩：鄭箋：承，猶奉也。杜本此。造於子重，曰：「寡君乏使，使鍼御持矛。」【詁】廣

雅：御，侍也。杜本此。是以不得犒從者，使某攝飲。子重曰：「夫子嘗與吾言於楚，必是故也。不亦識乎？受而飲

之，免使者而復鼓。」【詁】韋昭國語注：兔，脫也。杜本此。旦而戰，見星未已。子反命軍吏察夷傷。【詁】服虔云

金創爲夷。杜本此。補卒乘繕甲兵。【詁】梁經音義引三蒼：繕，治也。杜本此。展車馬。【詁】周禮：司市賈遷注：展之

晉整也。雞鳴而食，惟命是聽。晉人患之。苗賁皇徇曰：「蒐乘補卒。」【詁】爾雅：蒐，聚也。秣，馬利兵。修陳固列。

【詁】詩：毛傳：剛，堅也。杜本此。蓐食申禱。【詁】爾雅：申，重也。杜本此。明日復戰，乃逸楚囚。【詁】巨瓚：漢書注：逸，

放也。王聞之，召子反謀。穀陽豎獻飲於子反。韓非子：呂覽：淮南王書史記說：子反醉而不能見。王曰：天

敗楚也。夫余不可以待，乃宵遁。晉人楚軍，三日穀。范文子立於戎馬之前，曰：「君幼。」釋文本：或作君幼弱。諸臣不佞。

【詁】小爾雅：佞，才也。杜本此。何以及此？君其戒之。周書曰：「惟命不于常，有德之謂。」楚師還及瑕。【詁】京相

璠曰：楚地。水經注：道元云：瑕，陂水。又東南逕瑕城南。左傳：楚師還及瑕，卽此城也。王使謂子反曰：「先大

夫之覆師，徒者君不在，子無以爲過，不穀之罪也。子反再拜稽首曰：「君賜臣死，死且不朽。臣之卒實奔。」

臣之罪也。子重使謂子反曰：初隕師徒者，而亦聞之矣。盍圖之？對曰：雖微先大夫有之，大夫命側，側敢不義。側亡君師，敢忘其死。王使止之，弗及而卒。【詰】史記：王怒射殺子反，與左氏異。呂覽又云：鬻王斬司馬子反以爲戮，戰之日，齊國佐高無咎至于師，衛侯出于衛，公出于壞隕，宣伯通于穆姜。【詰】服虔云：宣伯叔孫僑如。史記集解：欲去季孟而取其室，將行，穆姜送公而使逐二子，公以晉難告，曰：請反而聽命。姜怒，公子偃，公子鉏趨過，指之曰：女不可是皆君也。公待於壞隕，申宮做備。【詰】說文：敵，戒也。春秋傳曰：敵宮，文選注：敵作警，設守而後行，是以後使孟獻子守于公宮。秋會于沙隨，謀伐鄭也。宣伯使告郤犇曰：魯侯待于壞隕以待勝者，郤犇將新軍，且爲公族大夫，以主東諸侯，取貨于宣伯，而訴公於晉侯。【詰】馬融論語注：黷，譖也。訴，懇同。此。晉侯不見公。曹人請于晉曰：自我先君宣公卽世，國人曰：若之何？憂猶未弭。【詰】詩：毛傳：弭，止也。按杜注：息也。義亦同。而又討我寡君，以亡曹國社稷之鎮，公子是大泯曹也。【詰】李巡爾雅注：泯，沒之盡也。詩：先君無乃有罪乎？若有罪，則君列諸會矣。君惟不遣德刑，以伯諸侯，豈獨遺諸敵邑，敢私布之。七月，公會尹武公及諸侯伐鄭，將行，姜又命公如初。公又申守而行。諸侯之師次于鄭西，我師次于督揚，不敢過鄭。子叔聲伯使叔孫豹請逆于晉師。【詰】服虔以爲叔孫豹先在齊矣。此時從國佐在師，子叔聲伯令人就齊師使豹，豹不忘宗國，聞白國佐，爲魯請逆。本按：豹奔齊後，生二子，魯乃召之，則服義爲長，爲食於鄭郊，師逆以至，聲伯四日不食以待之，食使

者而後食。

釋文一本作聲伯而後食。

諸侯遷于制田。知武子佐下軍。以諸侯之師侵陳。至于鳴鹿。【註】河南圖經鹿邑故城。在今縣西。春秋陳鳴鹿地。太平寰宇記。鹿邑縣有鳴鹿臺在城內。遂侵蔡。未反。諸侯遷于潁上。

戊午。鄭子罕宵軍之。宋齊衛皆失軍。【註】服虔以失軍爲失其軍糧。本疏。

曹人復請于晉。晉侯謂子臧

反。吾歸而君。子臧反。曹伯歸。子臧盡致其邑。與卿而不出。宣伯使告郤欒曰。魯之有季孟。猶晉之有

欒范也。政令於是乎成。今其謀曰。晉政多門。不可從也。寧事齊楚。有亡而已。蔑從晉矣。若欲得志於魯。

請止行父而殺之。我斃蔑也。而事晉。蔑有貳矣。魯不貳。小國必睦。不然。歸必叛矣。九月。晉人執季文子

于荅丘。公還待于郟。【註】京相璠曰。公羊傳作運。今東郡廩丘縣東八十里。有故運壖。即此城也。水經注。杜

同。

使子叔聲伯請季孫于晉。郤欒曰。苟去仲孫蔑而止季孫行父。吾與子國親於公室。對曰。僑如之情。

子必聞之矣。若去蔑與行父。是大棄魯國而罪寡君也。若猶不棄。而惠徼周公之福。使寡君得事晉君。

則夫二人者。魯國社稷之臣也。若朝亡之。魯必夕亡。以魯之密邇。仇讐亡而爲讐。治之何及。郤欒曰。吾

爲子請邑。對曰。嬰齊魯之常隸也。敢介大國以求厚焉。承寡君之命以請。若得所請。吾子之賜多矣。又

何求。范文子謂欒武子曰。季孫於魯。相二君矣。妾不衣帛。馬不食粟。可不謂忠乎。信讒慝而棄忠良。若

諸侯。何子叔嬰齊奉君命無私。謀國家不貳。圖其身不忘其君。若虛其請。是棄善人也。子其圖之。乃許

魯平。赦季孫。冬十月。出叔孫僑如而盟之。【註】按此。晝言諸大夫皆盟。獨出叔孫僑如使不在盟之列。

也。晉友莊進士述祖云。襄二十三年傳盟叔孫氏也。曰。毋或如叔孫僑如。欲廢國常。蕩覆公室。卽其事也。故此云出僑如而盟之。義亦通。僑如奔齊。十二月。季孫及郤犇盟于扈。歸刺公子偃。召叔孫豹于齊而立之。齊聲孟子通僑如。使立於高國之間。僑如曰。不可以再罪。奔衛。唐石經作遂奔衛。今本並脫遂字。亦間於卿。晉侯使郤至獻楚捷于周。與單襄公語。驟稱其伐。【註】章昭國語注。伐功也。杜本此。單子語諸大夫曰。溫季其亡乎。位於七人之下。而求掩其上。怨之所聚。亂之本也。多怨而階亂。何以在位。夏書曰。怨豈在明。不見是圖。將慎其細也。今而明之。其可乎。

十七年春王正月。鄭子駟侵晉虛滑。衛北宮括救晉。侵鄭。至于高氏。【註】郡國志。潁川郡。陽翟有高氏亭。杜同。

夏五月。鄭大子髡。頑侯獮爲質於楚。楚公子成。公子寅。戌鄭公會尹武公。單襄公及諸侯伐鄭。自戲童至于曲洧。【註】水經。洧水出河南密縣西南馬領山下。入于潁。杜本注洧水。又東逕新汲縣故城。

北縣置于許之汲。鄭曲洧城按卽春秋時曲洧。晉范文子反自鄆。陵使其祝宗祈死。曰。君驕侈。文選注引

作君無禮而克敵。是天益其疾也。難將作矣。愛我者。惟祝我。使我速死。無及於難。范氏之福也。六月戊辰。士

燮卒。乙酉。同盟于柯陵。尋戚之盟也。楚子重救鄭。師于首止。諸侯遠。齊慶克通于聲孟子。與婦

人蒙衣乘輦而入于闕。【註】說文闕。巷門也。杜本此。鮑牽見之。以告國武子。武子召慶克而謂之。慶克久

不出。而告夫人曰。國子譎我。【註】章昭國語注。譎。譎責也。杜本此。夫人怒。國子相靈公以會。高鮑處守。及

還將至閉門而索客。孟子訴之曰：高鮑將不納君而立公子角。國子知之。秋七月壬寅，別鮑牽而逐高無咎。無咎奔莒。高弱以盧叛。【詁】地理志：盧屬泰山郡。郡國志：屬濟北國。齊人來召鮑國而立之初，鮑國去鮑氏而來，爲施孝叔臣。施氏卜宰，匡句須吉。【詁】應劭風俗通曰：匡，魯邑，句須爲之宰。其後氏焉。施氏之宰，有百室之邑。與匡句須邑使爲宰，以讓鮑國而致邑焉。施孝叔曰：子實吉，對曰：能與忠良，吉孰大焉。鮑國相施氏忠，故齊人取以爲鮑氏後。仲尼曰：鮑莊子之知不如葵。【詁】淮南王書：聖人之于道，猶葵之與日也。雖不能與終始，其鄉之誠也。葵猶能衛其足。冬，諸侯伐鄭。十月庚午，圍鄭。楚公子申救鄭，師于汝上。十一月，諸侯還。初，聲伯夢涉洹。【詁】水經：洹水出上黨泜氏縣，至內黃縣北東入于白溝。注謂之洹口也。注又引許慎說文：呂忱字林，並云洹水出晉魯之間。按杜注：洹水出汲郡林慮縣東北，至魏郡長樂縣，入清水，與郭璞山海經注同。或與己瓊瑰食之。【詁】說文：瓊，赤玉也。瑰，玫瑰。一曰珠圓好。杜略同。泣而爲瓊瑰，盈其懷，從而歌之。【詁】廣雅：從，就也。杜本此。曰：濟洹之水，贈我以瓊瑰，歸乎歸乎。瓊瑰盈吾懷乎，懼不敢占也。還自鄭，壬申，至于狸脈而占之，曰：余恐死，故不敢占也。【詁】服虔云：聲伯惡瓊瑰贈死之物，故畏而不言也。疏：今衆繁而從，余三年矣。【詁】詩毛傳：繁，多也。杜本此。無傷也。言之之莫而卒。齊侯使崔杼爲大夫，使慶克佐之。帥師圍盧。國佐從諸侯圍鄭，以難請而歸，遂如盧師，殺慶克，以穀叛。齊侯與之盟于徐關而復之。十二月，盧降，使國勝告難于晉，待命于濟。【詁】地理志。

清屬東郡。應劭曰：章帝更名樂平。杜本晉厲公侈，多外嬖，反自鄆陵。釋文：本作自鄆陵。欲盡去羣大夫而立其

左右。胥童。韓非子引作胥僮。晉語作胥之昧。以胥克之廢也。怨卻氏而嬖於厲公。卻錡奪夷陽五。晉語：作夷羊午。田五

亦嬖於厲公。卻犢與長魚矯爭田。晉語：作蝮。執而梏之。與其父母妻子同一轡。既矯亦嬖於厲公。欒書怨卻

至以其不從己而敗楚師也。欲廢之。使楚公子筏告公曰：此戰也。卻至實召寡君。以東師之未至也。與

軍帥之不具也。曰：此必敗。吾因奉孫周以事君。公告欒書。書曰：其有焉。不然。豈其死之不恤。而受敵使

乎。君盍嘗使諸周而察之。【詰】小爾雅：嘗，試也。杜本卻子聘于周。欒書使孫周見之。公使覘之。信。【詰】

既文。覘，窺也。春秋傳曰：公使覘之。信。遂怨卻至。厲公田。與婦人先殺而飲酒。後使大夫殺卻至。奉冢。寺

人孟張奪之。卻至射而殺之。公曰：季子欺余。厲公將作難。胥童曰：必先三郤。族大多怨。去大族不偪。敵

多怨有庸。公曰：然。卻氏聞之。卻錡欲攻公。曰：雖死，君必危。卻至曰：人所以立信知勇也。信不叛君。知不

害民。勇不作亂。失茲三者，其誰與我。死而多怨，將安用之。君實有臣而殺之，其謂君何。我之有罪，吾死

後矣。若殺不辜，將失其民。欲安得乎。待命而已。受君之祿，是以聚黨。有黨而爭命，罪孰大焉。壬午，胥童

夷羊五帥甲八百將攻卻氏。長魚矯請無用衆。公使清沸魍助之。抽戈結衽。【詰】說文：衽，衣袖也。按杜

注：衽，裳際也。本鄭康成禮記注。今改傳云：結衽，則訓當以說文爲是。蒼頡解詁亦云：衽，裳際。或云衣襟

也。而僞訟者三。郤將謀於榭。矯以戈殺駒伯。苦成叔於其位。溫季曰：逃威也。遂趨。矯及諸其車。以戈殺

之皆尸諸朝。胥童以甲劫樂書中行偃於朝。矯曰：不殺二子，憂必及君。公曰：一朝而尸三卿。【詁】韓非子載厲公語曰：吾一朝而夷三卿，予不忍盡也。惠棟曰：周禮浚人大喪共夷樂。鄭氏曰：夷之胥尸也。尸之樂曰夷樂。古夷字作巳，與尸相近，故或从尸，或从夷也。余不忍益也。對曰：人將忍君，臣聞亂在外爲姦，在內爲軌。御姦以德，遇軌以刑，不施而殺，不可謂德。臣偪而不討，不可謂刑。德刑不立，姦軌並至。臣請行，遂出奔狄。公使辭於二子曰：寡人有討於郤氏，郤氏既伏其辜矣。大夫無辱，其復職位，皆再拜稽首曰：君討有罪，而免臣於死，君之惠也。二臣雖死，敢忘君德，乃皆歸。公使胥童爲卿，公遊于匠麗氏。【史記】大戴禮記保傅篇作匠黎，外傳同。明道本麗作鄺，按麗讀如鄺，食其之麗，素隱麗音歷。高陽聚名屬陳留，可補陸音之闕。【詁】賈逵云：匠麗氏，公外嬖大夫在翼者。史記集解：樂書中行偃遂執公焉，召士匄，士匄辭，召韓厥，韓厥辭曰：昔吾畜於趙氏，孟姬之讒，吾能違兵。【詁】詩毛傳：遂去也。杜本此。古人有言曰：殺老牛，莫之敢尸。【詁】爾雅：尸，主也。杜本此。而況君乎？二三子不能事君，焉用厥也。舒庸人以楚師之敗也，道吳人圍巢，伐駕圍釐，遂恃吳而不設備。楚公子囊師襲舒庸，滅之。【諸本彙誤作囊從石經釋文改正】閏月乙卯晦，樂書中行偃殺胥童，民不與郤氏。胥童道君爲亂，故皆書曰：晉殺其大夫。

十八年春王正月庚申，晉樂書中行偃使程滑弒厲公，葬之于翼東門之外，以車一乘。【詁】呂覽驕恣篇：厲公遊于匠麗氏，樂書中行偃劫而幽之。三月而殺之。按自十二月至正月內有閏月，故云三月也。雅

南人問訓同。晉語亦稱厲公三月殺。賈誼書禮容篇。厲公弑于東門。按卽翼東門也。使荀罃士魴逆周

子于京師而立之。生十四年矣。大夫逆于清原。周子曰。孤始願不及此。雖及此。豈非天乎。抑人之求君。

使出命也。立而不從。將安用君。二三子用我今日。否亦今日。共而從君。神之所福也。對曰。羣臣之願也。

敢不惟命是聽。庚午盟而入館于伯子同氏。【詰】服虔云。館舍也。隱十一年辛巳朝于武宮。【詰】服虔

本作辛未。晉語亦作辛巳。孔晁曰。以辛未盟國入。辛巳朝祖廟。取其新也。本逐不臣者七人。周子有兄

而無慧。不能辨菽麥。【詰】詩鄭箋。菽大豆也。故不可立。齊爲慶氏之難。故甲申晦。齊侯使士華免以

戈殺國佐于內宮。朝師逃于夫人之宮。書曰。齊殺其大夫國佐。棄命專殺。以穀叛故也。使清人殺國

勝。國弱來奔。王湫奔萊。慶封爲大夫。慶佐爲司寇。既齊侯反國弱。使嗣國氏禮也。二月乙酉朔。晉悼

公卽位于朝。始命百官。施舍已責。逮鰥寡。振廢滯。匡乏困。救災患。禁淫慝。薄賦斂。宥罪戾。【詰】詩毛傳。

宥。寬也。杜本節器用。【詰】賈子道術。費弗過。謂之節。時用民。欲無犯時。使魏相士魴。【詰】按外傳云。

魏恭子蓋亦以采地爲氏。魏頡趙武爲卿。荀家荀會。欒欒韓無忌爲公族大夫。使訓卿之子弟共儉孝

弟。使士渥濁爲大傅。使修范武子之法。右行辛爲司空。使修士蔣之法。弁糾御戎。【詰】晉語作欒糾。章

昭曰。晉大夫弁糾也。校正屬焉。使訓諸御知義。荀賓爲右。司士屬焉。【詰】服虔以爲司士主右之官。謂

司右也。本使訓勇力之士。時使卿無共御。立軍尉以攝之。祁奚爲中軍尉。羊舌職佐之。史記晉世家作祁奚。犬戴禮記

作祁奚。呂覽作祈奚。餘。蠶棟云羊舌職。說苑作羊殖。殖爲舌職合聲。魏絳爲司馬。張老爲候奄。鐸遏寇爲上軍尉。籍偃爲之司馬。【詰】章昭國語注。籍偃。晉大夫籍季之子。籍游也。按杜注。偃。籍談父。與韋注蓋皆取世本。世本見昭十五年。正義知偃。卽籍游者。孔子弟子。首偃。字子游。是也。使訓卒乘。親以聽命。程鄭爲乘馬御。六駟屬焉。使訓羣。騶知禮。凡六官之長。皆民譽也。舉不失職。官不易方。爵不踰德。師不陵正。旅不偪師。民無謗言。所以復霸也。公如晉。朝嗣君也。夏六月。鄭伯侵宋。及曹門外。遂會楚子伐宋。取朝郟。楚子辛。鄭皇辰。侵城郕。取幽丘。同伐彭城。納宋魚石。向爲人鱗。朱向帶魚府焉。以三百乘戍之。而還。書曰復入。凡去其國。國逆而立之曰入。復其位曰復歸。諸侯納之曰歸。【詰】賈氏又以爲諸歸。稱所自之國。所自之國有力也。疏。以惡曰復入。釋文本或作以。【詰】賈氏雖夫人姜氏之入。皆以爲例。如此甚多。又依仿穀梁云。稱納者。內難之辭。疏本宋人患之。西鉏吾曰。何也。若楚人與吾同惡。以德於我。吾固事之也。不敢貳矣。大國無厭。鄙我猶感。不然。而收吾憎。使贊其政。以間吾釁。亦吾患也。今將崇諸侯之姦。【詰】廣雅。崇。聚也。按杜注。似回曲。而披其地。【詰】說文。披。散也。廣雅同。按杜注。披。猶分也。義略同。以塞夷庚。【詰】繁欽辨惑云。吳人以江海爲夷庚。陸機辨亡論云。旋皇輿于夷庚。惠棟曰。夷庚。蓋通謂車馬往來之大道。今按夷。平也。庚。道也。古字庚與迓通。薛綜西京賦注。迓。道也。廣雅亦同。詩序。由庚。萬物得由其道也。是皆訓庚爲道矣。此傳云。以塞夷庚。通謂車馬往來之平道。杜注乃云。吳晉往來之要道。則似實有其地。似非也。逞

竊而攜服。毒諸侯而懼吳晉。吾庸多矣。非吾憂也。且事晉何爲。晉必恤之。公至自晉。晉范宣子來聘。且拜朝也。君子謂晉於是乎有禮。秋。杞桓公來朝。勞公。且問晉故。公以晉君語之。杞伯於是驟朝於晉。而請爲昏。七月。宋老佐華喜圍彭城。老佐卒焉。八月。邾宣公來朝。卽位而來見也。築鹿囿。書不時也。己丑。公薨于路寢。言道也。冬十一月。楚子重救彭城。伐宋。宋華元如晉告急。韓獻子爲政。曰。欲求得人。必先勤之。成霸安疆。自宋始矣。晉侯師于台谷。以救宋。遇楚師于靡角之谷。楚師還。晉士魴來乞師。季文子問師數於臧武仲。對曰。伐鄭之役。知伯實來。下軍之佐也。今歲季亦佐下軍。如伐鄭可也。事大國。無失班爵。而加敬焉。禮也。從之。十二月。孟獻子會于廬。杙。謀救宋也。宋人辭諸侯。而請師以圍彭城。孟獻子請於諸侯。而先歸會葬。丁未。葬我君成公。書順也。

卷十二

傳

襄公元年春己亥。圍宋彭城。非宋地。追書也。於是爲宋討魚石。故稱宋。且不登叛人也。【詰】詩毛傳。登。成也。此。杜本。謂之宋志。彭城降晉。晉人以宋五大夫在彭城者歸。實諸瓠丘。【詰】邢國志。河東郡。垣縣。有壘丘亭。此。同。鄆道元云。清水又東南。逕陽壘城東。卽垣縣之壘丘亭。晉遷宋五大夫所居也。齊人不會彭

城晉人以爲討。二月，齊大子光爲質於晉。夏五月，晉韓厥荀偃帥諸侯之師伐鄭，入其郛。【詁】賈逵

云：韓厥荀偃帥諸侯之師，謂帥宋衛滕薛伐鄭，齊魯曹邾次于郟，故諸侯之師不序也。入郛，不書者，

晉人先以鄭罪令于諸侯，故書伐鄭。入郛，既敗鄭，不復告，故不書。本疏：敗其徒兵于洧上。【詁】服虔云：洧

水名。史記水經：洧水出河南密縣西南，地理志：東南至長平入潁。此杜本。於是東諸侯之師次于郟，以待

晉師。晉師自郟以郟之師侵楚，焦夷及陳，晉侯衛侯次于戚，以爲之援。秋，楚子辛救鄭，侵宋，呂留。【詁】

郡國志：呂留二縣屬彭城國。杜同。鄭子然侵宋，取犬丘。【詁】按犬丘當作太丘，傳寫誤移，點在上。爾雅

宋有太丘，漢書郊祀志：周顯王四十一年，宋太丘社亡，是也。九月，邾子來朝，禮也。冬，衛子叔晉知

武子來聘，禮也。凡諸侯即位，小國朝之，大國聘焉。鄭玄周禮注引作大。以繼好結信，謀事補闕。【詁】韋

昭國語注：爾缺也，禮之大者也。

二年春，鄭師侵宋，楚令也。齊侯伐萊，萊人使正輿子。【詁】荀子曰：萊不用子馬而齊井之，楊

倮注：政曰正輿，字子馬。賂夙沙衛以索馬牛。【詁】按杜云：索，束縛好者，今攷索字無束縛之義，惟說文

云：擇，束選也。索，擇同音，容古字通。皆百匹。齊師乃還，君子是以知齊靈公之爲靈也。夏，齊姜薨，初，穆

姜使擇美楨。郭璞爾雅注：【詁】爾雅：樹小而皮粗皴者爲楨，以自爲楨。【詁】說文：楨，楸也。下四年傳：與

頌琴，季文子取以葬。君子曰：非禮也。禮無所逆，婦養姑者也。虧姑以成婦，逆莫大焉。詩曰：其惟哲人，告

之話言順德之行季孫於是爲不哲矣。

釋文本作不爲哲矣。

且姜氏君之妣也。詩曰：爲酒爲醴，烝畀祖妣。【詰】詩

鄭箋：烝，進，昇，與。此。杜本。

以洽百禮，降福孔偕。

周頌作皆。

【詰】詩毛傳：皆，徧也。

杜本。

齊侯使諸姜宗婦來送葬，召

萊子，萊子不會，故晏弱城東陽以偪之。

鄭成公疾，子駟請息肩於晉，公曰：楚君以鄭故，親集矢於其

目，非異人任。

釋文任字絕句。

寡人也，若背之，是棄力與言。

釋文云服本作棄功。

其誰暱我，免寡人惟二。子秋七月庚辰，

鄭伯論卒。於是子罕當國，子駟爲政，子國爲司馬，晉師侵鄭。諸大夫欲從晉，子駟曰：官命未改，會于戚。

水經注引作會于戚。

謀鄭故也。孟獻子曰：請城虎牢以偪鄭。知武子曰：善。郟之會，吾子聞崔子之言，今不來矣。滕

薛小邾之不至，皆齊故也。寡君之憂，不惟鄭，將復於寡君而請於齊，得請而告，吾子之功也。若不得

請，事將在齊。吾子之請，諸侯之福也。豈惟寡君賴之？穆叔聘于宋，通嗣君也。冬，復會于戚。齊崔武

子及滕薛小邾之大夫皆會。知武子之言故也。遂城虎牢。鄭人乃成。楚公子申爲右司馬，多受小國

之賂，以偪子重子辛。楚人殺之。故書曰：楚殺其大夫公子申。

三年春，楚子重伐吳，爲簡之師，克鳩茲。至於衡山。【詰】按：順棟高春秋大事表：蕪湖烏程，相去太遠，今太

平府當塗縣東北六十里有橫山，橫與衡古通用，似爲近之。使鄧廖帥組甲三百，被練三千。【詰】賈逵

云：組甲，以組綴甲，車士服之，被練，帛也。以帛綴甲，步卒服之。凡甲所以爲固者，以盈數也。帛盈數而任

力者半，卑者所服。組盈數而盡任力，尊者所服。馬融曰：組甲，以組爲甲裏，公族所服。被練，以練爲甲裏。

卑者所服。本呂覽有始驚，邪之故法爲甲裳以帛。高誘曰：以帛綴甲，卽被練是也。公息忌謂邪君曰：不

若以組甲，凡甲之所以爲固，以滿竅也。今竅滿矣，而任力者半耳。且組則不然，竅滿則盡任力矣。邪君

以爲然。高誘曰：組甲，以組連甲。按賈氏之說，蓋本於此。杜注以意爲之，非是以侵吳。吳人要而擊之，獲

鄧廖，其能免者，組甲八十，被練三百而已。子重歸，旣飲至三日，吳人伐楚，取駕，駕良邑也。鄧廖亦楚之

良也。君子謂子重於是役也，所獲不如所亡。楚人以是咎子重。子重病之，遂遇心疾而卒。公如晉，始

朝也。夏，盟于長樗。孟獻子相，公稽首。知武子曰：天子在，而君辱稽首，寡君懼矣。孟獻子曰：以敵邑，

在東表，密邇仇讎，寡人將君是望，敢不稽首。晉爲鄭服，故且欲修吳好，將合諸侯，使士匄告于齊曰：

寡君使匄以歲之不易，不虞之不戒，寡君願與一二兄弟相見，以謀不協，請君臨之，使匄乞盟。齊侯欲

勿許，而難爲不協，乃盟于彤外。【詁】京相璠曰：今臨淄惟有蘆水西北入海，卽地理志之如水矣。彤如

擊相似。道元云：時卽彤水也。音而。水經注。祁奚請老，晉侯問嗣焉，稱解狐，其讐也，將立之而卒。又問焉，

對曰：午也可。於是羊舌職死矣。晉侯曰：孰可以代之？對曰：赤也可。於是使祁午爲中軍尉。羊舌赤佐之。

君子謂祁奚於是能舉善矣。稱其讐，不爲諂，立其子，不爲比，舉其偏，不爲黨。商書曰：無偏無黨，王道蕩

蕩，其祁奚之謂矣。解狐得舉，祁午得位，伯華得官，建一官而三物成。【詁】服虔云：所舉三賢，各能成其

職事。本詩毛傳，物事也。杜本此。能舉善也。夫。釋文：一讀夫。惟善故能舉其類。詩云：惟其有之，是以似之。祁

奚之謂矣。解狐得舉，祁午得位，伯華得官，建一官而三物成。【詁】服虔云：所舉三賢，各能成其

奚有焉。六月公會單頃公及諸侯。己未同盟于雞澤。晉侯使荀會逆吳子于淮上。吳子不至。楚子辛

爲令尹。侵欲於小國。陳成公使袁僑如會求成。晉侯使和組父告于諸侯。秋。叔孫豹及諸侯之大夫及

陳袁僑盟。陳請服也。晉侯之弟揚干史記作楊亂行於曲梁。【詰】賈逵云：行陳也。史記集解：魏絳戮其僕

【詰】賈逵云：饑御也。同上。杜按：史記魏世家：魏絳辱揚干。晉侯怒，謂羊舌赤曰：合諸侯以爲榮也。揚

干爲戮，何辱如之？必殺魏絳，無失也。對曰：絳無貳志，事君不辟難。【詰】賈逵云：謂敢斬揚干之僕是不

辟獲死之難。本疏有罪不逃刑，其將來辭，何辱命焉。言終魏絳至，授僕人書，將伏劍。士魴張老止之。公讀

其書曰：日君之使，使臣斯司馬。【詰】爾雅：斯，此也。杜本臣聞師衆以順爲武，軍事有死無犯爲敬。【詰】

晉語：韓獻子爲司馬，趙孟使人以其乘車千行，獻子執而戮之。宣子召而禮之，曰：夫軍事無犯犯而不

隱，義也。章昭注：有死其事，無犯其令，是爲敬命。惠士奇曰：章注頗勝于杜。君合諸侯，臣敢不敬。君師不

武，執事不敬，罪莫大焉。臣懼其死，以及揚干，無所逃罪，不能致訓。至於用鉞。【詰】說文：戈，斧也。从戈，以

聲。司馬法曰：夏執元戎，殷執白威，周左杖黃戎，右乘白旄。又說文：鉞，車鑿擊也。从金，戈聲。詩曰：鑿擊鉞

鉞。按：以鉞爲斧，戎之戎，經典承訛已久，難以改正。臣之罪重，敢有不從，以怒君心，請歸死於司寇。公跣

而出，曰：寡人之言親愛也。吾子之討軍禮也。寡人有弟，弗能教訓，使干大命，寡人之過也。子無重寡人

之過，敢以爲請。晉侯以魏絳爲能以刑佐民矣，反役與之禮食。【詰】章昭國語注：禮食，公食大夫禮。杜注

略使佐新軍【詁】服虔云於是魏頡卒矣使趙武將新軍代頡升魏絳佐新軍代趙武也本疏張老爲中

軍司馬士富爲候奄【詁】晉語曰使范獻子爲候奄章昭注獻子范文子之族昆弟士富也按此則范

氏有兩獻子 楚司馬公子何忌侵陳陳叛故也 許靈公事楚不會于雞澤冬晉知武子帥師伐許

四年春楚師爲陳叛故猶在繁陽【詁】郡國志汝南郡宋公國有繁陽亭杜同韓獻子患之言於朝曰文

王帥殷之叛國以事紂惟知時也今我易之難哉三月陳成公卒楚人將伐陳聞喪乃止陳人不聽命

臧武仲聞之曰陳不服於楚必亡大國行禮焉而不服在大猶有咎而況小乎夏楚彭名侵陳陳無禮

故也 穆叔如晉報知武子之聘也晉侯享之金奏肆夏之三不拜工歌文王之三又不拜歌鹿鳴之

三三拜韓獻子使行人子員問之曰子以君命辱於敝邑先君之禮藉之以樂【詁】鄭玄儀禮注藉猶

薦杜本以辱吾子吾子舍其大而重拜其細敢問何禮也對曰三夏天子所以享元侯也使臣弗敢與

聞文王兩君相見之樂也臣不敢及詩疏引此臣上有使字鹿鳴君所以嘉寡君也敢不拜嘉四牡君所以勞使

臣也敢不重拜 皇皇者華君教使臣曰必諮於周臣聞之訪問於善爲咨咨親爲詢咨禮爲度咨事爲

諏咨難爲謀臣獲五善敢不重拜 秋定如薨不殯于廟無槨不虞匠慶謂季文子曰子爲正卿而小

君之喪不成不終君也君長誰受其咎初季孫爲己樹六檟於蒲圃東門之外【詁】說文檟楸也春秋

傳曰樹六檟于蒲圃按襄二年杜注檟梓之屬今考郭璞爾雅注楸細葉者爲檟又云大而鼓楸小而

傳曰樹六檟于蒲圃按襄二年杜注檟梓之屬今考郭璞爾雅注楸細葉者爲檟又云大而鼓楸小而

敵。則檀訓。較是。匠慶請木。季孫曰。略。【詰】方言。略。強取也。此。杜本匠慶用蒲圃之檀。季孫不御。【詰】

高誘淮南書注。御。止也。此。杜本君子曰。志所謂多行無禮。必自及也。其是之謂乎。冬。公如晉。聽政。晉侯

享公。公請屬郟。【詰】地理志。東海郡。續。故國。禹後。郟國志。續。屬琅邪國。此。杜本晉侯不許。孟獻子曰。以寡

君之密邇於仇讐。而願固事君。無失官命。郟無賦於司馬。爲執事朝夕之命。敵邑。敵邑。偏小。闕而爲罪。

寡君是以願借助焉。晉侯許之。楚人使頓間陳而侵伐之。故陳人圍頓。無終子嘉父使孟樂如晉。

因魏莊子納虎豹之皮。以請和。諸戎。晉侯曰。戎狄無親而貪。不如伐之。魏絳曰。諸侯新服。陳新來和。將

觀於我。我德則睦。否則攜貳。勞師於戎。而楚伐陳。必弗能救。是弃陳也。諸華必叛。戎禽獸也。獲戎失華。

無乃不可乎。夏。訓有之曰。有窮后羿。玉篇。引【詰】說文。竈。夏后氏諸侯。夷羿國也。羿亦古諸侯也。一曰

射師。按窮。應作竈。容古字通。羿非定名。善射者皆謂之羿。說文一云。射師。本疏。羿是善射之號。非人之

名字。是矣。公曰。后羿何如。對曰。昔有夏之方衰也。后羿自鉏遷于窮石。【詰】淮南墜形訓。窮水出自窮

石。高誘注。窮石。山名也。在張掖北塞水也。因夏民以代夏政。恃其射也。【詰】賈逵云。羿之先祖世爲先

王射官。故帝嚳賜羿弓矢。使司射。本疏。及不修民事。風俗通。引作而淫于原獸。棄武羅伯。因古今人表

祀正義。熊髡。苞圍。古今人表。作而用寒泥。古今人表。作【詰】郡國志。北海國。平壽。有寒亭。古寒國。

混封此。杜同寒泥。伯明氏之讒子弟也。王符引作伯明后寒棄之。王符引作夷羿收之。信而使之。

以爲己相。浞行媚于內而施賂于外。懸弄其民而虞羿于田。【詁】接李善羽獵賦注。虞與娛古字通。樹

之詐。以取其國家。外內咸服。羿猶不悛。【詁】方言。悛。改也。杜本此。將歸自田。家衆殺而享之。以食其子。

其子不忍食諸。死于窮門。靡奔有鬲氏。【詁】邠國志平原郡。鬲侯國。夏時有鬲君滅浞立少康。杜同水此。

經注引作逃于鬲氏。按竹書紀年。夏后相八年。寒浞殺羿。二十八年。伯靡出奔鬲。惡氏以爲靡未嘗事

羿。是也。浞因羿室。生澆及豷。【詁】說文。春秋傳曰。生敷及豷。惡棟曰。論語作冪。尙書曰。無若丹朱。做劉

向引作敷。管子曰。若敷之在堯。說文引尙書作冪。云。讀若做。論語冪蕩舟。以上是敷與冪通。今傳作澆

者。敷澆音相近。師讀各異故也。恃其讒。以詐譎。而不德于民。使澆用師。滅斟灌及斟尋氏。【詁】賈逵云。

斟灌斟尋。夏同姓也。夏后相依斟灌而國。故曰滅夏后相也。史記地理志北海郡壽光。應劭曰。古斟灌

禹後。今灌亭是。平壽。應劭曰。古斟尋禹後。今斟城是也。杜本此。師古曰。斟音斟。廣韻斟尋古國名。玉篇作

斟。斟處澆于過。處豷于戈。【詁】邠國志。東萊郡有過鄉。按戈見哀十二年傳。杜同此。靡自有鬲氏。收二國

之燼。【詁】小爾雅。燼。餘也。以滅浞而立少康。少康滅澆于過。后杼滅豷于戈。有窮由是遂亡。失人故也。

昔周辛甲之爲大史也。命百官。官箴王闕於虞人之箴。曰。芒芒禹迹。【詁】高誘淮南王書注。芒芒。廣大

之貌。畫爲九州。經啓九道。民有寢廟。獸有茂草。各有攸處。釋文本或作攸家。德用不擾。在帝夷羿。冒于原獸。忘

其國恤。而思其麇牡。文選注兩引。武不可重。【詁】服虔云。重。猶大也。言武事不可大任。本疏。用不悒于夏

家。文選注引此。用上是有是字。【詰】廣雅。恢。大也。此本。獸臣司原。敢告僕夫。虞箴如是。可不懲乎。於是晉侯好田。故魏絳

及之。公曰。然則莫如和戎乎。對曰。和戎有五利焉。戎狄荐居。晉語作荐處。貴貨易土。【詰】服虔云。荐。草也。晉

狄人逐水草而居。徒無常處。同上。土可賈焉。一也。邊鄙不斂。【詰】章昭國語注。斂。懼也。此本。狎狎其野。穡

人成功。二也。戎狄事晉。四鄰振動。諸侯咸懷。三也。以德綏戎。師徒不勤。甲兵不頓。【詰】高誘淮南王書

注。頓。罷也。四也。鑒于后羿。而用德度。遠至邇安。五也。君其圖之。公說。使魏絳盟諸戎。修民事。田以時。

冬十月。邾人伐鄆。臧紇救鄆。侵邾。敗于狐貍。檀弓作臺貍。鄭注云。臺當爲壹字之誤也。春秋傳作

台與貍。古字逆。【詰】按狐貍。杜注。以爲番縣南之目台亭。今攷目台。卽淮南子之目台山。淄水所出。杜說非也。

國人逆喪者皆髻。【詰】說文。髻。喪結。女子髻衰。弔則不髻。魯臧武仲與齊戰于狐貍。魯人迎喪者始髻。

按魯敗于邾。非齊也。說文徵引經典。亦間有不合。鄭衆以爲臬麻與髻相半結之。本疏。杜馬融以爲風

布爲巾。高四寸。著於額上。鄭玄以爲纒而紒。同上。魯於是乎始髻。國人誦之曰。臧之狐裘。敗我於狐貍。我

君小子。朱儒是使。【詰】章昭國語注。朱儒。短人也。此本。朱儒朱儒。使我敗於邾。

五年春。公至自晉。王使王叔陳生愬戎于晉。晉人執之。士魴如京師。言王叔之貳于戎也。夏。鄭子國

來聘。通嗣君也。穆叔覲鄆。大子於晉。以成屬鄆。書曰。叔孫豹鄆。大子巫如晉。言比諸魯大夫也。吳

子使壽越如晉。辭不會于雞澤之故。且請聽諸侯之好。晉人將爲之合諸侯。使魯衛先會吳。且告會期。

故孟獻子孫文子會吳于善道。秋大雩。旱也。楚人討陳叛故。曰由令尹子辛實侵欲焉。乃殺之。書曰楚殺其大夫公子壬夫。貪也。君子謂楚共王於是不刑。詩曰周道挺挺。【詁】爾雅頌直也。廣雅。挺直也。鄭玄曲禮注云。挺直也。按挺。挺頌。挺。音義並同。杜注蓋本此。我心局局。【詁】按爾雅。斤斤。明察也。斤與局。義亦同。說文。炯。光也。廣雅。局。光也。局。炯字同。杜注略本爾雅。講事不令。集人來定。己則無信。而殺人以逞。不亦難乎。夏書曰成允成功。九月丙午。盟于戚。會吳且命戍陳也。穆叔以屬鄧爲不利。使鄧大子聽命于會。楚子囊爲令尹。范宣子曰。我喪陳矣。楚人討貳而立子囊。必改行。而疾討陳。陳近于楚。民朝夕急。能無往乎。有陳非吾事也。無之而後可。冬。諸侯戍陳。子囊伐陳。十一月甲午。會于楛。以救之。季文子卒。大夫入斂。公在位。宰庀家器。【詁】鄭衆周禮注。庀。具也。杜本爲葬備。無衣帛之妾。無食粟之馬。無藏金玉。無重器備。君子是以知季文子之忠於公室也。相三君矣。而無私積。可不謂忠乎。

六年春。杞桓公卒。始赴以名。同盟故也。宋華弱與樂轡少相狎。長相優。又相謗也。子蕩怒。以弓楛華弱于朝。平公見之。曰。司武而楛於朝。難以勝矣。遂逐之。夏。宋華弱來奔。司城子罕曰。同罪異罰。非刑也。專戮於朝。罪孰大焉。亦逐子蕩。子蕩射子罕之門。曰。幾日而不我從。子罕善之如初。【詁】服虔云。言子罕不阿同族。亦逐樂轡以正國法。忠之至也。及樂轡射其門。長從華弱之罰。復善樂轡如初。是謂茹柔吐

剛，要其志矣。傳故舉之。明春秋之義善惡俱見。本疏 秋，滕成公來朝，始朝公也。莒人滅鄆，鄆特賂也。

冬，穆叔如邾聘，且修平。晉人以鄆故來討，曰：「何故亡鄆？」季武子如晉見，且聽命。十一月，齊侯滅萊，萊特謀也。於鄭子國之來聘也。四月，晏弱城東陽，而遂圍萊。甲寅，墮之。【註】說文：墮，塞也。尙書曰：蘇

墮洪水，古文作墮，或从阜作墮。玉篇：墮，土也。亦作墮。又墮字注同。墮是古字作墮，今據改。按玉篇引杜

注，尙作墮，不容轉从俗。環城傳於墮。【註】說文：墮，城上女垣也。今本作墮。此杜本 及杞桓公卒之月，乙未

王湫帥師及正輿子棠人軍齊師，齊師大敗之。丁未，入萊。萊共公浮柔奔棠。正輿子王湫奔莒。莒人殺

之。四月，陳無宇獻萊宗器于襄宮，晏弱圍棠。十一月丙辰，而滅之。陸氏附注：遷萊于郟。釋文：或作遷。云：衍而字。

【註】說文：鄭齊地。春秋傳曰：齊高厚定郟田。按春秋莊五年，鄭犁來來朝。今說文不舉始見經傳之鄭

疑非也。高厚崔杼定其田。

七年春，鄭子來朝，始朝公也。夏四月，三卜，郊不從，乃免牲。孟獻子曰：「吾乃今而後知有卜筮。」夫郊祀后

稷，以祈農事也。是故啓蟄而郊，郊而後耕。今既耕而卜，郊宜其不從也。南遺爲費宰，叔仲昭伯爲隧

正，欲善季氏，而求媚于南遺，謂遺請城費，吾多與而役，故季氏城費。小邾穆公來朝，亦始朝公也。

秋，季武子如衛，報子叔之聘，且辭緩報，非貳也。冬十月，晉韓獻子告老，公族穆子有廢疾，將立之。辭

曰：「詩曰：豈不夙夜，謂行多露。」又曰：「弗躬弗親，庶民弗信。」無忌不才，讓其可乎？請立起也。與田蘇遊，而曰

曰：「詩曰：豈不夙夜，謂行多露。」又曰：「弗躬弗親，庶民弗信。」無忌不才，讓其可乎？請立起也。與田蘇遊，而曰

好仁詩曰靖共爾位好是正直神之聽之介爾景福【詁】馬融尙書注靖安也詩鄭箋介助也景大也此本按服虔漢書注介大也則注此傳當亦同又詩小明章毛傳介景皆大也則此介字當從毛服注

爲得恤民爲德正直爲正正曲爲直參和爲仁如是則神聽之介福降之立之不亦可乎庚戌使宣子朝遂老晉侯謂韓無忌仁使掌公族大夫衛孫文子來聘且拜武子之言而尋孫桓子之盟公登亦登叔孫穆子相趨進曰諸侯之會寡君未嘗後衛君今吾子不後寡君寡君未知所過吾子其少安孫子無辭亦無倭容穆叔曰孫子必亡爲臣而君過而不倭亡之本也詩曰退食自公委蛇委蛇【詁】詩毛傳委蛇行可從述也按下云謂從者也則委蛇當從毛訓爲是謂從者也衡而委蛇必折【詁】廣雅衡橫也此杜本折曲也楚子囊圍陳會于鄢以救之【詁】說文隨鄭地從自爲聲春秋傳曰將會鄭伯於隨而邑都仍收鄢字云地名从邑爲聲是鄢隨通也九經字樣隨字注音葦鄭地名今經典多作鄢

鄭僖公之爲大子也於成之十六年與子罕適晉不禮焉又與子豐適楚亦不禮焉及其元年朝于晉子豐欲愬諸晉而廢之子罕止之及將會于鄢子駟相又不禮焉侍者諫不聽又諫殺之及鄢子駟使賊夜弑僖公而以瘡疾赴于諸侯【詁】史記鄭世家曰子駟怒使廚人藥殺僖公徐廣曰年表云子駟使賊藥殺僖公簡公生五年奉而立之陳人患楚慶虎慶寅謂楚人曰吾使公子黃往而執之楚人從之二慶使告陳侯于會曰楚人執公子黃矣君若不來羣臣不忍社稷宗廟懼有二鬪陳侯逃歸

八年春。公如晉朝。且聽朝聘之數。鄭羣公子以僖公之死也。謀子駟。子駟先之。夏四月庚辰。辟殺子狐。子熙。子侯。子丁。孫擊。孫惡。出奔衛。【詰】賈遠云：二孫，子狐之子。本疏杜取此。庚寅。鄭子國子耳侵蔡。獲蔡司馬公子燮。鄭人皆喜。惟子產不順。曰：小國無文德而有武功。禍莫大焉。楚人來討。能勿從乎？從之。晉師必至。晉楚伐鄭。自今鄭國不四五年。弗得寧矣。子國怒之。曰：爾何知國有大命而有正卿？童子言焉。將爲戮矣。五月甲辰。會于邢丘。以命朝聘之數。使諸侯之大夫聽命。季孫宿。齊高厚。宋向戌。衛甯殖。邾大夫會之。鄭伯獻捷于會。故親聽命。大夫不書。尊晉侯也。莒人伐我東鄙。以疆郟田。秋九月。大雩。旱也。冬。楚子囊伐鄭。討其侵蔡也。子駟子國子耳欲從楚。子孔子矯子展欲待晉。子駟曰：周詩有之。曰：俟河之清。人壽幾何？兆云詢多。職競作羅。左思魏都賦曰：富人羅義。職競。弗羅。張載引左傳亦作弗羅。謀之多族。【詰】鄭司農周禮注：百家爲族。此杜本。民之多違。事滋無成。民急矣。姑從楚以紓吾民。晉師至。吾又從之。敬共幣帛。以待來者。小國之道也。犧牲玉帛。待於二竟。以待彊者。而庇民焉。寇不爲害。民不罷病。不亦可乎？子展曰：小所以事大。信也。小國無信。兵亂日至。亡無日矣。五會之信。今將背之。雖楚救我。將安用之？親我無成。鄙我是欲。不可從也。不如待晉。晉君方明。四軍無闕。八卿和睦。必不棄鄭。楚師遠遠。糧食將盡。必將速歸。何患焉？舍之聞之。杖莫如信。完守以老楚。杖信以待晉。不亦可乎？子駟曰：詩云：謀夫孔多。是用不集。發言盈庭。誰敢執其咎。如匪行邁謀。【詰】廣雅云：匪彼也。此杜本。是用不得于道。請從楚。駢也。受其咎。乃及

楚平使王子伯駢告于晉曰君命敝邑修而車賦傲而師徒以討亂略蔡人不從敝邑之人不敢寧處悉索敝賦以討于蔡獲司馬燮獻于邢丘今楚來討曰女何故稱兵于蔡焚我郊保馮陵我城郭敝邑之衆夫婦男女不皇啓處諸本作遠今從宋本改正【詁】爾雅注李巡曰啓小跪也杜本以相救也翦焉傾覆無所

控告【詁】薛綜西京賦注翦盡也詩毛傳廣雅並云控引也杜本民死亡者非其父兄卽其子弟夫人

愁痛不知所庇民知窮困而受盟于楚孤也與其二三臣不能禁止不敢不告知武子使行人子員對

之曰君有楚命亦不使一介行李釋文曰一个石經作个淳化本俱作个傳注同餘作介按古个字皆作介今從釋文讀作古賀切而不改字告于寡君而

卽安于楚君之所欲也誰敢違君寡君將帥諸侯以見于城下惟君圖之晉范宣子來聘且拜公之

辱告將用師于鄭公享之宣子賦標有梅【詁】詩毛傳擗落也杜本季武子曰誰敢哉今辟於草木諸本

作譬今從擊經音辨改正寡君在君君之臭味也歡以承命何時之有武子賦角弓賓將出武子賦彤弓宣子曰城

濮之役我先君文公獻功于衡雍受彤弓于襄王以爲子孫臧匄也先君守官之嗣也敢不承命君子

以爲知禮

九年春宋災樂喜爲司城以爲政使伯氏司里火所未至徹小屋塗大屋陳舂揭【詁】說文舂蒲器所以

盛糧也揭載持也惠棟曰唐石經作揭正義其字从手此臆說也漢書引此傳云陳舂舂華音菊與揭

同史記河渠書曰山行則楬章昭云楬木器如今攀牀人舉以行也然則舂與揭音義皆同故孔氏書

正義以爲榻。羣本一字。古篆變易形字體。改易說者不同。未知孰是。今按說文木部無榻字。手部有榻

字。玉篇榻字注云。與食器也。又土聲也。此字或見字林。故玉篇收入木部。正義引說文云云。未爲無據

惠氏斥爲臆說。過矣。具。綆。缶。【詰】說文。綆。汲井綆也。缶。瓦器。本方言。缶。謂之甌甌。備水器。量輕重。畜水

潦。【詰】五行志引作畜。師古曰。畜。讀作蓄。知古本作畜。後乃加升也。今从漢書釋文改正。積土塗。巡丈

城。繕守備。表火道。使華臣具正徒。【詰】漢書引作。令隄正納郊保。奔火所。使華閱討右官。【詰】馬融論語注

討。治也。杜本。官庇其司。向戌討左。亦如之。使樂邁庀刑器。亦如之。使皇郎。亦作員。命校正出馬。【詰】服

虔云。皇郎。皇父充石之後。十世宗卿爲人之子。大司馬椒也。本疏。杜。世本皇父充石。戴公子。倍十一。工

正出車。備甲兵。庀武守。使西鉏吾庀府守。【詰】賈逵云。鉏。吾。太宰。取此。本疏。杜。令司宮巷伯儆宮。【詰】說文

儆。戒也。春秋傳曰。儆宮。孫炎曰。巷。舍間道也。王肅云。今後宮稱永巷。二師命四鄉正敬享。石經初刻作

正。義此三引傳文。皆作命。當作命。字。祝宗用馬于四墉。釋文。墉。本。祀盤庚。釋文。盤。字。于西門之外。晉侯

無疑。諸本作令。誤。今从石經改正。問于士弱曰。吾聞之。宋災。於是乎知有天道。何故。對曰。古之火正。或食於心。或食於味。以出內火。【詰】

鄭司農云。以三月本時昏心星。見於辰上。使民出火。九月本黃昏心星。伏在戌上。使民內火。周禮。漢書

五行志引作以出入火。惠棟曰。周毛伯鄭敦云。毛伯內門立中庭。內讀爲入。立讀爲位。古文春秋公即

位。爲公即立。出入火。爲出內火。皆古文也。尙書。九江內錫大龜。史記。內作入。是古入字。皆作內。徐邈音

內爲納。非也。是故味爲鶉火。心爲大火。陶唐氏之火正闕伯居商丘。詁服虔云。商丘地名。詩祀大火。

而火紀時焉。相土因之。詁服虔云。相土。契之孫。因之者。代闕伯之後。居商丘。湯以爲號。同按本疏亦

引服虔云。相土居商丘。故湯以爲天下號。竹書紀年。帝相九年。相居於斟灌。十五年。商侯相土作乘馬。

遂遷於商丘。太平御覽。百五十五。引世本相徙商丘。本顯頊之墟。又鄭玄周禮校人注。引世本相土作乘馬。

古文士與土通。又通作杜。故荀子解蔽篇云。杜作乘馬也。故商主大火。商人閱其禍敗之覺。五行志

詁說文。閱。具數於門中也。廣雅。閱。數也。杜本必始於火。是以日知其有天道也。五行志引作是。公曰。

可必乎。對曰。在道。國亂無象。不可知也。夏季。武子如晉。報宣子之聘也。穆姜薨于。諸本誤作於。東

宮。始往而筮之。遇艮之八。賈鄭先儒皆以爲連山歸藏二易皆以七八爲占。故云遇艮之八。

本疏。杜服虔云。及在初六九三六四六五上九。惟六二不變。連山歸藏之占。以不變者爲主。周禮史曰。

取此。是謂艮之隨。隨其出也。虞翻注易隨卦曰。隨陰隨陽。謂隨卦三陰皆隨陽。故卦名隨。惠棟曰。

陰隨陽。猶母隨子。故隨其出也。君必速出。姜曰。亡是於周易曰。隨。元亨利貞。无咎。元體之長也。亨嘉之

會也。利義之和也。貞事之幹也。體仁足以長人。嘉德足以合禮。利物足以和義。貞固足以幹事。然故不

可誣也。是以雖隨无咎。今我婦人而與於亂。固在下位。而有不仁。不可謂元。不靖國家。不可謂亨。作而

害身。不可謂利。棄位而狡。服虔讀狡爲放。教之效言。效小人爲淫。本不可謂貞。有四德者。隨而無

咎。我皆無之。豈隨也哉。我則取惡。能無咎乎。必死於此。弗得出矣。秦景公使士雅【詰】說文：春秋傳曰：秦有士雅。乞師於楚。將以伐晉。楚子許之子囊曰：不可。當今吾不能與晉爭。晉君類能而使之。舉不失選。官不易方。其卿讓於善。其大夫不失守。其士競於教。其庶人力於農穡。【詰】說文：穀可收曰穡。詩毛傳：植之曰穡。斂之曰穡。按杜蓋本此。然改稱種曰農。究屬未安。商工阜隸。不知遷業。韓厥老矣。知罃稟焉。以爲政。范匄少於中行。偃而上之。使佐中軍。韓起少於欒黶。而欒黶士魴上之。使依上軍。魏絳多功。以趙武爲賢。而爲之佐。君明臣忠。上讓下競。當是時也。晉不可敵。事之而後可。君其圖之。王曰：吾旣許之矣。雖不及晉。必將出師。秋。楚子師於武城。以爲秦援。秦人侵晉。晉饑。弗能報也。冬十月。諸侯伐鄭。庚午。季武子齊崔杼宋皇鄭從荀罃士魴門于鄆門。釋文本【詰】廣雅：門守也。衛北宮括曹人邾人從荀偃韓起門于師之梁。滕人辭人從欒黶士魴門于北門。杞人邾人從趙武魏絳斬行栗甲戌。師于汜。令於諸侯曰：修器備。盛餼糧。歸老幼。居疾于虎牢。肆眚圍鄭。【詰】服虔以爲放鄭。因本疏：鄭人恐。乃行成。中行獻子曰：遂圍之。以待楚人之救也。而與之戰。不然無成。知武子曰：許之盟而還師。以敵楚人。吾三分四軍。【詰】賈逵以爲三分四軍爲十二部。鄭衆以爲分四軍爲三部。本按杜從鄭說。與諸侯之銳。以逆來者。於我未病。楚不能矣。猶愈於戰。暴骨以逞。不可以爭。大勞未艾。【詰】小爾雅：廣言艾。止也。按杜注：艾息也。義亦同。君子勞心。小人勞力。先王之制也。諸侯皆不欲戰。乃許鄭成。十一月己亥。同盟于

戲鄭服也。將盟，鄭六卿公子駢、公子發、公子嘉、公孫輒、公孫董、公孫舍之及其大夫門子皆從。鄭伯、晉士莊子爲載書。曰：自今日既盟之後，鄭國而不惟晉命是聽，而或有異志者，有如此盟。公子駢趨進曰：天禍鄭國，使介居兩大國之間，大國不加德音，而亂以要之，使其鬼神不獲歆其禋祀，其民人不獲享其土利，夫婦辛苦墊隘，無所底告。自今日既盟之後，鄭國而不惟有禮與彊，可以庇民者是從，而敢有異志者，亦如之。荀偃曰：改載書，公孫舍之曰：昭大神要言焉，若可改也。大國亦可叛也。知武子謂獻子曰：我實不德，而要人以盟，豈禮也哉？非禮何以主盟？姑盟而退，修德息師而來，終必獲鄭，何必今日？我之不德，民將棄我，豈惟鄭？若能休和，遠人將至，何恃於鄭？乃盟而還。晉人不得志於鄭，以諸侯復伐之。十二月癸亥，門其三門。閏月釋文：閏月，依注讀爲門五日。戊寅，濟于陰阪，侵鄭，次于陰口而還。【詁】服虔云：參南

曰陰，口者水口也。水經注：水經注：清水又東逕陰阪，北水有梁焉，俗謂是濟爲參辰口。左傳：襄九年晉伐鄭，濟於陰阪，次于陰口而還，是也。參陰聲相近，蓋傳呼之譌耳。又晉居參之分，實沈之士，鄭處大辰之野，闕伯之地，軍師所次，故濟得其名也。子孔曰：晉師可擊也，師老而勞，且有歸志，必大克之。子展曰：不可。公送晉侯，晉侯以公宴于河上，問公年。季武子對曰：會于沙隨之歲，寡君以生。晉侯曰：十二年矣，是謂一終，一星終也。國君十五而生子，冠而生子。【詁】賈服說：皆以爲人君禮十二而冠。宋書：五經異義：春秋傳說：歲星爲年紀十二而一周於天，天道備故人君子十二可以冠。自夏殷天子皆十二而冠。

野闕伯之地，軍師所次，故濟得其名也。子孔曰：晉師可擊也，師老而勞，且有歸志，必大克之。子展曰：不可。公送晉侯，晉侯以公宴于河上，問公年。季武子對曰：會于沙隨之歲，寡君以生。晉侯曰：十二年矣，是謂一終，一星終也。國君十五而生子，冠而生子。【詁】賈服說：皆以爲人君禮十二而冠。宋書：五經異義：春秋傳說：歲星爲年紀十二而一周於天，天道備故人君子十二可以冠。自夏殷天子皆十二而冠。

通。按說文云。元氣起於子。子人所生也。男左行三十。女右行二十。俱立於巳。爲夫婦。懷妊於巳。巳爲子
十月而生。男起巳至寅。女起巳至申。故男年始寅。女年始申也。今攷高誘淮南王書注云。三十而娶者。
陰陽未分時俱生於子。男從子數左行。三十年立於巳。女從子數右行。二十年亦立於巳。合夫婦。故聖
人因是制禮。男三十而娶。女二十而嫁。其男自己數左行得寅。故人十月而生於寅。男子數從寅起。女
自己數右行。亦十月而生於申。故女數從申起。歲星十二歲而周天。天道十二而備。故國君十二歲而
冠。冠而娶。十五生子。重國嗣也。故不从制。按高注與說文略同。疑此段淮南王書。本係愼所注。或宋以
後本混入誘注也。禮也。君可以冠矣。大夫盍爲冠具。武子對曰。君冠必以裸享之禮行之。以金石之樂
節之。【詰】五經異義公冠記無樂。春秋傳說君冠必以金石之樂節之。謹按人君飯有舉樂。而云冠無
樂。非禮義也。政和五禮新儀以先君之祧處之。【詰】服虔云。曾祖之廟曰祧。宋本禮記疏又云。祧謂曾祖之廟也。春秋
疏。今寡君在行。未可具也。請及兄弟之國。而假備焉。晉侯曰。諾。公還及衛。冠于成公之廟。【詰】服虔云。
成公衛曾祖。故以祧爲曾祖廟。時不冠於衛之始祖。以非己廟故也。假鐘磬焉。禮也。楚子伐鄭。子駟
將及楚平。子孔子驕曰。與大國盟。口血未乾。而背之。可乎。子駟子展曰。吾盟固云。唯彊是從。今楚師至。
晉不我救。則楚彊矣。盟誓之言。豈敢背之。且要盟無質。【詰】服虔云。質。誠也。無忠誠之信。故神弗臨也。
本廣雅。質。主也。此杜本神弗臨也。所臨惟信。信者言之瑞也。善之主也。是故臨之。明神不獨要盟。【詰】詩

毛傳獨深也。此杜本背之可也。乃及楚平。公子罷戎入盟。同盟于中分。楚莊夫人卒。王未能定鄭而歸。

晉侯歸。謀所以息民。魏絳請施舍。輸積聚以貸。自公以下。苟有積者。盡出之。國無滯積。亦無困人。公無

禁利。亦無貪民。所以幣更。詁呂覽二月紀是日也。祀不用犧牲。用圭璧。更皮幣。高勝注。更代也。以圭

璧代犧牲也。按杜注蓋本此。惠棟云。周禮女祝掌以時梗禴禋之事云。此傳更亦當讀爲梗。恐於上下

文義不合。今不取。寶以犧牲。器用不作。車服從給。行之期年。釋文本國乃有節。三駕而楚不能與爭。

十年春。會于柤。會吳子壽夢也。詁服虔云。壽夢發聲。吳蠻夷言多發聲。數語共成一言。壽夢一言也。經

言乘傳言壽夢。欲使學者知之也。本疏三月癸丑。齊高厚相大子光以先會諸侯于鍾離。不敬。士莊子曰。

高子相大子以會諸侯。將社稷是衛。而皆不敬。棄社稷也。其將不免乎。詁服虔云。免脫也。言將不脫

罪禍。不以壽終也。傳舉此者。爲十九年齊殺其大夫高厚。二十五年崔杼弑其君光起本也。御覽杜夏

四月戊午。會于柤。晉荀偃士匄請伐偃陽。而封宋向戌焉。荀偃曰。城小而固。勝之不武。弗勝爲笑。固

請。丙寅。圍之。弗克。孟氏之臣秦董父輦重如役。偃陽人啓門。諸侯之士門焉。縣門發。邠人紇。詁唐石

經及釋文宋本並作邠。邠元引作邠。惠棟云。案字古。或省文作取。說文邠。魯下邑。孔子鄉。从邑取聲。挾

之以出門者。詁服虔云。挾。挾也。謂以木槩挾縣門。使舉令下容人出也。門者下屬爲句。本疏狄虺彌。今

狄虺彌。建大車之輪而蒙之以甲。以爲櫓。詁廣雅。櫓。櫓也。鄭玄禮記注。櫓。大櫓也。杜本左執之。右挾

戟以成一隊。【詰】國語百人爲徹行，行頭爲官師，賈逵云：百人爲一隊也。官師隊大夫也。此取孟獻子

曰：詩所謂有力如虎者也。主人縣布，董父登之，及堞而絕之。隊則又縣之，蘇而復上者三。主人辭焉，乃

退，帶其斷以徇於軍三日。諸侯之師久於偃陽，荀偃士匄請於荀偃曰：水潦將降，懼不能歸，請班師。知

伯怒，役之以几。釋文：机本又作几，今據改。【詰】說文：几，踞几也。出於其間曰：女成二事而後告余，余恐亂命以不女

遠。女旣勤君而興諸侯，牽帥老夫。文選注：引作牽率。以至於此，旣無武守，而又欲易余罪，曰：是實班師，不然克

矣。余羸老也。【詰】說文：羸，瘦也。玉鶻，弱也。病也。瘦也。劣也。高誘淮南王書注：亦曰羸，劣人也。可重任乎。

七日不克，必爾乎取之。五月庚寅，荀偃士匄帥卒攻偃陽，親受矢石。【詰】服虔云：古者以石爲箭簇，引

國語有隼集於陳侯之庭，楛矢貫之，石擊以墮，石爲箭鏃。本按：說文：旛，建大木，置石其上，發以機，以追

敵也。墨子云：備城者積石百枝，重十鈞以上者，成二年傳：齊高固入晉師，築石以投人，是將守戰用石

之機，服矢以矢石爲一泥矣。甲午，滅之。書曰：遂滅偃陽，言自會也。以與向戌，向戌辭曰：君若猶辱鎮撫

宋，而以偃陽光啓寡君，羣臣安矣。其何貺如之。若專賜臣，是臣與諸侯以自封也。其何罪大焉。敢以

死請。乃予宋公。宋公享晉侯於楚丘，請以桑林。【詰】莊子：湯有桑林之舞，司馬彪注：桑林，湯樂也。按宋

魯殷之後，故得用桑林。杜注：殷天子之樂名，蓋亦取諸此。皇甫謐云：殷樂一名桑林。荀偃辭：荀偃士匄

白：諸侯宋魯於是觀禮，魯有禘樂，賓祭用之。宋以桑林享君，不亦可乎。舞師題以旌夏，晉侯懼而退入

于房。去旌。卒享而還。及著雍。疾。卜桑林見。荀偃士匄欲奔。請禱焉。荀偃不可。曰：「我辭禮矣。彼則以之。猶有鬼神於彼加之。」晉侯有間。以偃陽子歸。獻于武宮。謂之夷俘。偃陽妘姓也。【詁】說文：妖，祝融之後。姓也。世本是祝融之孫。陸終第四子求言之後。爲晉所滅。子孫因氏焉。高誘淮南王書注云：天子不滅姓。

古之政也。【杜本】使周內史選其族嗣。納諸霍人。【詁】按霍人。卽地理志太原郡之霍人。史記樊噲傳：攻

霍人。張守節云：卽霍人也。古字通。杜預劉炫以爲卽霍邑。誤。禮也。師歸。孟獻子以秦堇父爲右。生秦不

茲。【釋文】一本作秦。不茲。家語：秦商字不慈。按左傳凡丕字皆作丕。惟此處石經釋文並不誤。事仲尼。六月。楚子囊。鄭子耳伐宋。師于訾母。庚午。圍

宋。門于桐門。晉荀營伐秦。報其侵也。衛侯救宋。師于襄牛。鄭子展曰：必伐衛。不然。是不與楚也。得罪於

晉。又得罪於楚。國將若之何。子駟曰：國病矣。子展曰：得罪於二大國。必亡。病不猶愈於亡乎。諸大夫皆

以爲然。故鄭皇耳帥師侵衛。楚令也。孫文子卜追之。獻兆於定姜。姜氏問繇曰：兆如山陵。有夫出征。而

喪其雄。姜氏曰：征者喪雄。禦寇之利也。大夫圖之。衛人追之。孫劓獲鄭皇耳于犬丘。秋七月。楚子囊

鄭子耳侵我西鄙。【諸本】侵誤。伐。今【詁】服虔云：不書諱。從晉不能服鄭。施復爲楚。鄭所伐。恥而諱之也。

本還。圍蕭。八月丙寅。克之。九月。子耳侵宋北鄙。孟獻子曰：鄭其有災乎。師競已甚。【詁】詩毛傳：競。疆也。

周猶不堪競。况鄭乎。有災。其執政之三十乎。莒人問諸侯之有事也。故伐我東鄙。諸侯伐鄭。齊崔

杼使太子光先至于師。故長於滕。己酉。師于牛首。初。子駟與尉止有爭。將禦諸侯之師。而黜其車。尉

止獲。又與之爭。子駟抑尉止曰：爾車非禮也。唐石經曰：爾車多，非禮也。按注當有多字。遂弗使獻。初，子駟爲田洫，司氏堵氏侯氏子師氏皆喪田焉。故五族聚羣不逞之人，因公子之徒以作亂。於是子駟當國，子國爲司馬，子耳爲司空，子孔爲司徒。冬十月戊辰，尉止、司臣、侯晉堵女、父子師僕帥賊以入，晨攻執政于西宮之朝，殺子駟、子國、子耳。劫鄭伯以如北宮，子孔知之，故不死。書曰：盜言無大夫焉。子西聞盜，不做而出，尸而追盜，盜入于北宮，乃歸授甲。臣妾多逃，器用多喪。子產聞盜，【詰】史記鄭世家曰：子產者，鄭成公之少子也。蓋承世本之誤。章昭國語注：公孫成子子產，睦。鄭穆公孫子國子爲門者，庀羣司，閉府庫，慎閉藏，完守備，成列而後出，兵車十七乘，尸而攻盜於北宮。子驕帥國人助之，殺尉止、子師僕、盜衆盡死。侯晉奔晉，堵女、父司臣、尉駟、司齊奔宋。子孔當國，爲載書，以位序聽政。辟。【詰】服虔云：鄭舊世卿，父死子代。今子孔欲擅改之，使以次，先爲士大夫，乃至卿也。大夫諸司門子弗順，將誅之。子產止之，請爲之焚書。子孔不可，曰：爲書以定國，衆怒而焚之，是衆爲政也。國不亦難乎？子產曰：衆怒難犯，專欲難成，合二難以安國，危之道也。不如焚書以安衆。子得所欲，衆亦得安，不亦可乎？專欲無成，犯衆與禍，子必從之。乃焚書於倉門之外，衆而後定。諸侯之師城虎牢而戍之，晉師城梧及制，士魴魏絳戍之。書曰：戍鄭虎牢，非鄭地也。言將歸焉。鄭及晉平。楚子囊救鄭，十一月，諸侯之師還鄭而南。【詰】釋文：還本又作環。鄭玄儀禮注：古文環作還。哀三年傳：還公宮同。至於陽陵，楚師不退，知武子欲退，曰：今我逃楚，楚必驕，驕

則可與戰矣。欒黶曰：逃楚，晉之恥也。合諸侯以益恥，不如死。我將獨進，師遂進。己亥，與楚師夾潁而軍。子蟻曰：諸侯既有成行，必不戰矣。從之將退，不從亦退。退，楚必圍我，猶將退也。不如從楚，亦以退之。宵涉潁，與楚人盟。欒黶欲伐鄭師，荀偃不可，曰：我實不能禦楚，又不能庇鄭，鄭何罪？不如致怨焉而還。今伐其師，楚必救之，戰而不克，爲諸侯笑，克不可命，不如還也。丁未，諸侯之師還，侵鄭北鄙而歸。楚人亦還。王叔陳生與伯輿爭政，王右伯輿。【詁】說文：右，助也。杜本此。王叔陳生怒而出奔，及河，王復之，殺史狡以說焉，不入。遂處之。晉侯使士匄平王室。王叔與伯輿訟焉。王叔之宰與伯輿之大夫瑕禽，坐獄於王庭，士匄聽之。王叔之宰曰：篋門圭竇之人。【詁】說文：篋，藩落也。春秋傳曰：篋門圭竇，竇穿木戶也。按今本圭作闔，竇作竇，說文：竇，空也。杜注：闔，竇小戶，則杜時本尙作竇可知。又圭字从鄭氏禮記注改正，禮記：儒行正義曰：左傳作竇，謂門旁小戶。文選注：引左傳亦作篋門圭竇，竇字相沿已久。容傳本不同。今姑仍之。惠氏又引鄭氏禮記注曰：篋門，荆竹織門也。圭，竇，竇與竇，同物同音，而皆陵其上，其難爲上矣。瑕禽曰：昔平王東遷，吾七姓從王，牲用備具，王賴之，而賜之駢旄之盟，曰：世世無失職。若篋門圭竇，其能來東底乎？且王何賴焉？今自王叔之相也，政以賄成，而刑放於寵，官之師旅，不勝其富，吾能無篋門圭竇乎？惟大國圖之下而無直，則何謂正矣。范宣子曰：天子所右，寡君亦右之。所左，亦左之。使王叔氏與伯輿合要，王叔氏不能舉其契，王叔奔晉，不書，不告也。單靖公爲卿士，以相王室。【詁】按：靖，靜靖。

古字通證法解。柔德考索曰。靜恭已。辭旨曰。靜寬樂令。終曰靜。

十一年春。季武子將作三軍。告叔孫穆子曰。請爲三軍。各征其軍。穆子曰。政將及子。子必不能。武子固請之。穆子曰。然則盟諸。乃盟諸偃閼。【註】說文。閼。卷門也。李巡爾雅注同。詛諸五父之衢。【註】鄭玄周禮注。盟。詛。主於要誓。正月。作三軍。三分公室而各有其一。二子各毀其乘。季氏使其乘之人。以其役邑入者無征。不入者倍征。孟氏使半爲臣。若子若弟。叔孫氏使盡爲臣。不然不舍。鄭人患晉楚之故。諸大夫曰。不從晉國。幾亡楚弱於晉。晉不吾疾也。晉疾楚將辟之。何爲而使晉師致死於我。楚弗敢敵。而後可固與也。子展曰。與宋爲惡。諸侯必至。吾從之盟。楚師至。吾又從之。則晉怒甚矣。晉能驟來。楚將不能。吾乃固與晉。大夫說之。使疆場之司惡於宋。宋向戌侵鄭。大獲。子展曰。師而伐宋可矣。若我伐宋。諸侯之伐我必疾。吾乃聽命焉。且告於楚。楚師至。吾又與之盟。而重賂晉師。乃免矣。夏。鄭子展侵宋。四月。諸侯伐鄭。己亥。齊大子光宋向戌先至于鄭。門于東門。其冀晉荀罃至于西郊。東侵舊許。衛孫林父侵其北鄙。六月。諸侯會于北林。師于向。【註】郡國志。潁川郡。長社。有向鄉。此同。鄭道元曰。長明溝。東逕向城北。城側有向岡。諸侯伐鄭。師於向者也。右還次于瑣。【註】郡國志。河南郡。宛。有瑣侯亭。此同。圍鄭。觀兵于南門。西濟于濟隧。【註】京相璠曰。鄭地也。鄭道元言。濟水滎澤中北流。至衛雍。西與出河之濟會。出河之濟。卽陰溝之上源也。濟隧。絕焉。故世亦或謂其故道爲十字溝。鄭人懼。乃行成。秋七月。同盟于

亳。范宣子曰：「不慎，必失諸侯。諸侯道敵而無成，能無貳乎？」乃盟，載書曰：「凡我同盟，毋濫年，毋雍利，諸侯禮作。從，毋保姦。」說文廣雅，案，威也。案保字同。杜本。毋留隱，救災患，恤禍亂，同好惡，疑王室，或間茲

命。司慎司盟。【詁】服虔云：「二司，天神。司慎，察不敬者；司盟，察盟者是爲天之司盟也。」禮記疏，杜取此。名山名川

羣神羣祀。先王先公，七姓十二國之祖。【詁】以上實十三國。服虔云：「晉主盟，不自數。」疏，明神殲之，俾失

其民，隊命亡氏，踣其國家。釋文傳本。【詁】廣雅，踣，敗也。杜注。楚子囊乞旅于秦，秦右大夫詹帥師從楚

子，將以伐鄭。鄭伯逆之。丙子，伐宋。九月，諸侯悉師以復伐鄭。鄭人使良霄、大宰石、臯如、楚告將服于晉。

曰：「孤以社稷之故，不能懷君。君若能以玉帛綏晉，不然，則武震以攝威之。孤之願也。」楚人執之。書曰：「行

人言使人也。」諸侯之師，觀兵于鄭東門。鄭人使王子伯駢行成。甲戌，晉趙武入盟。鄭伯，冬十月丁亥，

子展出盟。晉侯，十二月戊寅，會于蕭魚。庚辰，赦鄭囚，皆禮而歸之。納斥候，禁侵掠。晉侯使叔肸告于諸

侯，公使臧孫紇對曰：「凡我同盟，小國有罪，大國致討，苟有以藉手，鮮不赦宥。寡君聞命矣。」鄭人賂晉

侯，以師懼。師觸師獨。【詁】服虔云：「三師，鐘師、鐃師、鑿師，謂懼能鐘，觸能鐃，獨能鑿也。」本。廣車，轉車。【

詁】鄭玄云：「廣車，橫陳之車也；服虔云：「轉車，屯守之車也。」本。說文：「轉，兵車也。」杜本。淳十五乘。【詁】按儀

禮，鄉射禮，二算爲純，淳純古通。故杜注云：「淳，耦也。」甲兵備，凡兵車百乘，歌鐘二肆，及其鍾磬。【詁】五經

要義，鐘磬皆編縣之，二十八而在一簾，謂之堵。鐘一堵，磬一堵，謂之肆。春秋傳曰：「歌鐘二肆，此之謂

也。疏文類聚。杜本此。女樂二八【詰】王逸楚辭章句曰：二八二列大夫有二列之樂。韋昭云：八人爲列。備八音。

也。晉侯以樂之半賜魏絳【詰】服虔春秋左氏膏肓釋云：漢家郡守行大夫禮。鼎俎籩豆工歌縣。漢

書補。箴膏肓云：大夫士無樂。小胥云：大夫判縣。士特縣者。小胥所云。娛身之樂。及治人之樂。則有之也。

故鄉飲酒有工歌之樂是也。說題辭云：無樂者。謂無祭祀之樂。故特性少牢無樂。宋本禮記六。曰：子教寡人

和諸戎狄。以正諸華。八年之中。九合諸侯【詰】服虔云：八年。從四年以來。至十一年也。九合諸侯者。五

年會於戚。一也。其年又會於城棣。救陳。二也。七年會於鄆。三也。八年會於邢丘。四也。九年會於戲。五也。

十年會於租。六也。又戊戌鄭虎牢。七也。十一年同盟於亳城北。八也。又會於蕭魚。九也。本疏及史外傳作

七合。下同。按韋昭注七合。不數城棣及虎牢。二會。如樂之和。無所不諧。請與子樂之。辭曰：夫和戎狄。國

之福也。八年之中。九合諸侯。諸侯無慝。君之靈也。二三子之勞也。臣何力之有焉。抑臣願君安其樂而

思其終也。詩曰：樂旨君子。殿天子之邦。樂旨君子。福祿攸同。便蕃左右。亦是帥從【詰】應劭漢書注。攸

所也。杜本便蕃。詩小雅作平平。正義引服虔云：平平。辯治不絕之貌。夫樂以安德。義以處之。禮以行之。

信以守之。仁以厲之。而後可以殿邦國。同福祿。來遠人。所謂樂也。書曰：居安思危【詰】惠棟曰：周書程

典云：於安思危。於始思終。於邇思備。於遠思近。於老思行。不備無違。嚴戒。今按楚策。虞卿謂春申君曰：

臣聞之。春秋曰：於安思危。虞謂春秋。卽左傳也。虞卿傳左氏春秋於鐸椒。轉授荀卿。然則左傳居安當

作於安也。又按文選陳孔璋檄吳將校部曲曰：於安思危，以遠悔吝。呂氏春秋慎大覽云：故賢王於安思危，蓋盡引書成句。高誘淮南王書注：亦作於安思危，居於聲相近，容古字通，亦不必改。於也，思則有備，有備無患，敢以此規公曰：子之教，敢不承命，抑微子寡人無以待戎，不能濟河，夫賞國之典也，臧在盟府，不可廢也。子其受之。魏絳於是乎始有金石之樂禮也。秦庶長鮑庶長武帥師伐晉，以救鄭，鮑先入晉地，士魴御之。諸本作樂，從釋文宋本改正。少秦師而弗設備，壬午，武濟自輔氏，與鮑交伐晉師，己丑，秦晉戰于櫟，晉師敗績，易秦故也。【詁】括地志：洛川陽翟縣，古櫟邑也。按陽翟屬鄭，即傳所云鄭京櫟，杜注以爲晉地，誤。

十二年春，莒人伐我東鄙，圍台。季武子救台，遂入郟，取其鐘以爲公盤。夏，晉士魴來聘，且拜師。秋，吳子壽夢卒，臨於周廟，禮也。凡諸侯之喪，異姓臨於外，同姓於宗廟，同宗於祖廟，同族於禰廟，是故魯爲諸姬臨於周廟，爲邢凡、蔣茅、胙祭臨於周公之廟。冬，楚子囊秦庶長無地伐宋，師于揚梁。諸本揚誤，楊从石經訂。【詁】郡國志：梁國睢陽有楊梁聚，京相璠曰：宋地，鄆道元云：今睢陽南東三十里有故楊梁，今曰楊亭也。俗名之曰綠城，非。北去梁國八十里。此。杜同。按呂覽行論篇：宋殺文無畏於楊梁之堤，即此。以報晉

之取鄭也。靈王求后于齊，齊侯問對於晏桓子，桓子對曰：先王之禮辭有之，天子求后於諸侯，諸侯對曰：夫婦所生若而人，妾婦之子若而人，無女而有姊妹及姑姊妹，則曰：先守某公之遺女若而人，齊

侯許昏王使陰里結之。公如晉朝。且拜士魴之辱禮也。秦嬴歸于楚楚。司馬子庚聘于秦。爲夫人寧禮也。

十三年春。公至自晉。孟獻子書勞于廟禮也。夏。邾亂。分爲三師救邾。遂取之。凡書取言易也。用大師焉。

曰滅。弗地曰入。荀罃士魴卒。晉侯蒐于緜上。以治兵。使士魴將中軍。辭曰。伯游長。昔臣習於知伯。是以佐之。非能賢也。請從伯游。荀偃將中軍。士魴佐之。使韓起將上軍。辭以趙武。又使欒黶。辭曰。臣不如韓起。韓起願上趙武。君其聽之。使趙武將上軍。韓起佐之。欒黶將下軍。魏絳佐之。新軍無帥。晉侯難其人。使其什吏【詰】周書大聚篇。十夫爲什。以年爲長。卽什吏也。率其卒乘官屬。以從於下軍。禮也。晉國之民。是以大和。諸侯遂睦。君子曰。讓禮之主也。范宣子讓。其下皆讓。欒黶爲汰。汰字从石。經改定。【詰】按楊倞

荀子注。汰。侈也。李賢注。後漢書亦同。汰。汰古字通。弗敢違也。晉國以平。數世賴之。刑善也。夫一人刑善。

百姓休和。可不務乎。書曰。一人有慶。兆民賴之。其寧惟永。其是之謂乎。周之興也。其詩曰。儀刑文王。萬邦作孚。言刑善也。及其衰也。其詩曰。大夫不均。我從事獨賢。言不讓也。世之治也。君子尙能而讓其下。小人農力以事其上。【詰】廣雅。農。勉也。書洪範云。農用八政。管子大匡篇。耕者下力不農。有罪無救。按並與此義同。宋本作展力。石經初刻亦作展。皆後人臆改。不足據。是以上下有禮。而讒慝黜遠。由不爭也。謂之懿德。及其亂也。君子稱其功以加小人。小人伐其技以馮君子。是以上下無禮。亂虐並生。由爭

善也。謂之昏德。國家之敵。恆必由之。楚子疾告大夫曰。不穀不德。【詁】河上公老子注。又云。不穀。喻不能。如車穀爲衆穀所濟。少主社稷。生十年而喪先君。未及習師保之教訓。而應受多福。是以不德而亡師于鄢。以辱社稷。爲大夫憂。其宏多矣。若以大夫之靈。獲保首領。以沒於地。惟是春秋窆窆之事。【詁】說文。窆。葬之厚夕。春秋傳曰。窆。窆從先君於地下。又。窆字下云。窆。窆也。晉語。窆。厚也。杜本。惠棟曰。此。

孔宙碑。作窆夕。說文無窆字。明不从穴也。今按正義云。古字作屯夕。後加穴。以窆爲墓穴。是也。後漢書張奐傳云。幸有前窆。朝殯夕下。更是一證。又說文穴部。窆字。卽在窆字之下。而惠云。無窆字何邪。

所以從先君於禰廟者。請爲靈若厲。大夫擇焉。莫對。及五命乃許。秋。楚共王卒。子囊謀諡。大夫曰。君有命矣。子囊曰。君命以共。若之何。毀之。赫赫楚國。而君臨之。撫有蠻夷。奄征南海。以屬諸夏。而知其過。可不謂共乎。請諡之。共。大夫從之。吳侵楚。養由基奔命。子庚以師繼之。養叔曰。吳乘我喪。謂我不能師也。必易我而不戒。子爲三覆以待我。我請誘之。子庚從之。戰于庸浦。大敗吳師。獲公子黨。君子以吳爲不弔。【詁】賈逵曰。問凶曰弔。史記集解。按杜注。似迂曲。賈義爲長。詩曰。不弔昊天。亂靡有定。冬。城防。書事。

時也。於是將早城。臧武仲請俟畢農事。禮也。鄭良霄大宰石奐。猶在楚。石奐言於子囊曰。先王卜征五年。而歲習其祥。【詁】國語引大誓曰。朕夢協於朕卜。誕於休祥。禮記曰。卜筮不相襲。注云。襲。因也。惠棟曰。誕與習通。周禮大司徒。屬胥各掌其所治之政。襲其不正者。康成曰。故書襲爲習。是習爲古文襲。

左氏从古文，故以習爲歸也。哀十五年傳云：卜不吉。注云：歸，重也。金縢云：乃卜二龜，一習吉，又鄭注士喪禮云：古文禮爲歸，是歸與習通。祥習則行，不習則增。修德而改卜，今楚實不競，行人何罪。止鄭一卿，以除其偏，使睦而疾楚，以固於晉焉。用之釋文本或作何用之，使歸而廢其使，怨其君以疾其大夫而相牽引也，不猶愈乎？【詰】服虔云：愈，猶病愈也。疏本楚人歸之。

十四年春，吳告敗于晉，會于向，爲吳謀楚故也。范宣子數吳之不德也，以退吳人。執莒公子務婁。【詰】徐

邈曰：務，莫侯反。釋文禮說云：務與牟古音同。

氏【詰】周語：堯遭洪水，使禹治之，共之從孫四岳佐之，至賜姓曰姜。賈逵云：共，共工也。從孫，同姓未嗣

之孫，四嶽官名。大嶽也。主四嶽之祭焉。姜炎帝之姓，其後變易，至於四嶽，帝復賜之祖姓，以紹炎帝之

後。疏本昔秦人迫逐乃祖吾離于瓜州。【詰】漢書地理志：敦煌郡，敦煌。杜林以爲古瓜州地，生美瓜，水經

注引杜林云：敦煌，古瓜州也。杜本乃祖吾離被苦蓋。【詰】說文：蓋，苦也。苦蓋也。按爾雅：蓋謂之苦，說文

本此。杜注：蓋苦之別名，亦用爾雅及說文義。蒙荆棘。【詰】方言：蒙，覆也。杜注以來歸我先君，我先君惠

公有不腆之田。【詰】說文：腆，多也。小爾雅：腆，厚也。杜本與女剖分而食之。【詰】說文：剖，判也。廣雅：剖，半

也。杜注略同。今諸侯之事，我寡君不如昔者。蓋言語漏泄。文選注引作漢則職女之由。詰朝之事。【詰】小爾

雅：詰朝，明且也。爾無與焉。與將執女。對曰：昔秦人負恃其衆，貪于土地，逐我諸戎，惠公獨其大德。【詰】

爾雅闡明也。此杜本謂我諸戎是四嶽之裔也。【詁】廣雅裔遠也。王逸楚辭章句賈後也。此杜本毋是翦

弃。【詁】高誘呂覽注翦除詩鄭箋翦割也。下同。賜我南鄙之田。狐狸所居。豺狼所噓。【詁】說文嗥咆

也。廣雅嗥咆也。按嗥嗥古字通。我諸戎除翦其荆棘。驅其狐狸豺狼。以爲先君不侵不叛之臣。至于今

不貳。昔文公與秦伐鄭。秦人竊與鄭盟。而舍戍焉。於是乎有殺之師。晉禦其上。戎亢其下。【詁】廣雅亢

當也。高誘淮南王書注亢當也。亢亢字同。此杜本秦師不復。我諸戎實然。譬如捕鹿。晉人角之。諸戎掎之。

【詁】詩毛傳角而束之曰掎。廣雅曰。掎。掎也。與晉踣之。【詁】說文踣。僵也。春秋傳曰。晉人踣之。此杜本戎

何以不免。自是以來。晉之百役。與我諸戎相繼于時。以從執政。猶殺志也。豈敢離邊。【詁】爾雅邊遠也。

今官之師旅。無乃實有所闕。以攜諸侯。而罪我諸戎。我諸戎飲食衣服。不與華同。贊幣不通。言語不達。

何惡之能爲。不與於會。亦無耆焉。【詁】說文耆。目不明也。从首从旬。旬。目數搖也。按杜注耆。罔也。或以

音同。借作罔字。今攷廣雅小爾雅韋昭國語注。皆云耆。慚也。此傳耆字亦當訓慚。爲是。賦青蠅而退。宣

子辭焉。使卽事於會。成愷悌也。釋文愷作凱於是子叔齊子爲季武子介以會。自是晉人輕魯幣。而益敬其

使。吳子諸樊既除喪。將立季札。季札辭曰。曹宣公之卒也。【詁】服虔云。宣公。曹伯廬也。以魯成公十

三年會諸侯伐秦卒於師。史記集解諸侯與曹人不義。曹君。【詁】服虔云。曹君。公子負芻也。負芻在國。聞宣

公卒。殺大子而自立。故曰不義之也。同上將立子臧。【詁】服虔云。子臧。負芻庶兄。同上子臧去之。遂弗爲也。

以成曹君。君子曰：能守節，君義嗣也。【註】王肅云：義宜也。嫡子嗣國，得禮之宜。同誰敢好君，有國非吾節也。札雖不才，願附於子臧，以無失節，固立之，棄其室而耕，乃舍之。夏諸侯之大夫從晉侯伐秦，以報櫟之役也。晉侯待于竟，使六卿帥諸侯之師以進，及涇，不濟。【註】地理志：安定郡涇陽，開頭山在四涇水所出，東南至陽陵，入渭。此杜本。叔向見叔孫穆子，穆子賦匏有苦葉。【註】服虔云：由膝以上爲厲，詩叔向退而具舟，魯人莒人先濟，鄭子蟠見衛北宮懿子曰：與人而不固，取惡莫甚焉。若社稷，何懿子說二子見諸侯之師而勸之濟，濟涇而次，秦人毒涇，上流師人多死，鄭司馬子蟠帥鄭師以進，師皆從之，至于械林，不獲成焉。【註】服虔云：不得成戰陳之事。疏：荀偃令曰：雞鳴而駕，塞井夷竈，惟余馬首是瞻。欒黶曰：晉國之命，未是有也，余馬首欲東，乃歸，下軍從之。左史謂魏莊子曰：不待中行伯乎？莊子曰：夫子命從帥，欒伯吾帥也，吾將從之。從帥所以待夫子也。伯游曰：吾令實過，悔之何及？多遺秦禽，乃命大還，晉人謂之遷延之役。欒鍼曰：此役也，報櫟之敗也，役又無功，晉之恥也，吾有二位於戎路，敢不恥乎？與士鞅馳秦師，死焉。士鞅反，欒黶謂士曰：余弟不欲往，而子召之，余弟死，而子來，是而子殺余之弟也，弗逐，余亦將殺之。士鞅奔秦，於是齊崔杼、宋華閱、仲江會伐秦，不書，惰也。向之會亦如之，衛北宮括不書於向，書於伐秦，攝也。秦伯問於士鞅曰：晉大夫其誰先亡？文選注引無其字。對曰：其欒氏乎？秦伯曰：以其汰乎？對曰：然。欒黶汰虐已甚，猶可以免，其在盈乎？文選注引作猶可以免其身，職在盈也。秦伯曰：何故？對曰：武子之德在

民如周人之思召公焉。愛其甘棠。況其子乎。纒繫死。盈之善未能及人。武子所施沒矣。而繫之怨實章。

文選注 怨作惡。將於是乎在。秦伯以爲知言。爲之請於晉而復之。衛獻公戒孫文子寧惠子食。皆服而朝。日

旰不召。【詁】服虔云。吁。晏也。同上。杜取此。而射鴻於囿。二子從之。不釋皮冠而與之言。史記作不釋。射服與之言。【詁】服

虔云。從公於囿。同上。杜取此。二子怒。孫文子如戚。【詁】服虔云。孫文子邑也。同上。杜取此。孫蒯入使。公飲之酒。使

大師歌巧言之卒章。大師辭。師曹請爲之。【詁】賈逵云。樂人。史記集解。杜取此。初公有嬖妾。使師曹誨之。琴師

曹鞭之。公怒。鞭師曹三百。故師曹欲歌之。以怒孫子。以報公。公使歌之。遂誦之。蒯懼。告文子。文子曰。君

忌我矣。弗先必死。并帑於戚。而入見蘧伯玉。家語作瓊。淮南王書同。【詁】賈逵云。伯玉衛大夫。同上。高誘呂覽注。伯

玉衛大夫。蘧莊子無咎之子。瓊曰成子。曰。君之暴虐。子所知也。大懼社稷之傾覆。將若之何。對曰。君

制其國。臣敢奸之。雖奸之。庸知愈乎。遂行。從近關出。公使子蟜。子伯子皮與孫子盟于丘宮。孫子皆殺

之。四月己未。子展奔齊。公如郵。使子行于孫子。孫子又殺之。公出奔齊。孫氏追之。敗公徒于阿澤。【詁】

水經注引作柯澤。按莊十三年公會齊侯於柯。杜注此柯今濟北東阿。齊之柯邑。猶祝柯。今爲祝阿。元

和郡縣志。東阿。春秋時齊之柯地是也。杜注同。郵人執之。【詁】服虔云。執道公徒者。公如郵。故郵人爲公

執之。本疏。初尹公佗學射於庚公差。庚公差學射於公孫丁。二子追公。公孫丁御公子魚曰。射爲背師。不

射爲戮。射爲禮乎。釋文。或一讀射而禮乎。射兩駒而還。【詁】說文。駒。輦下曲者。服虔云。駒。車軛也。詩疏。杜又云。車

取此。

鞭兩邊又馬頭者釋文及春秋疏尹公佗曰子爲師我則遠矣乃反之公孫丁授公轡而射之貫臂子鮮從公

及竟公使祝宗告亡且告無罪定姜曰無神何告若有不可誣也有罪若何告無舍大臣而與小臣謀

一罪也先君有冢卿以爲保師而蔑之石經保師磨改作師保誤今从初刻二罪也余以巾櫛事先君而暴妾使余三罪

也告亡而已無告無罪公使厚成叔詁釋文厚本或作邱世本日魯孝公生惠伯革其後爲厚氏魯

語魯文公欲弛邱敬子之宅章昭注邱敬子魯大夫邱惠伯之後元孫敬伯同也昭二十五年傳云季

邱之雞鬪徐廣史記注曰一本作厚惠棟曰呂氏春秋有邱成子與右宰穀同時以傳考之卽厚成叔

也世本作厚內傳作邱禮記又作后左傳或作厚或作邱字異而實同高誘曰邱氏惠伯華之後以字

爲氏因爲邱氏邱成子邱敬子國之子邱青孫也古今人表有厚昭伯師古曰卽邱昭也按世本作惠

記注作鞏高誘又作鞏未詳孰是弔于衛詁賈逵云問凶曰弔下有君不弔同史記集解曰寡君使瘠聞君不撫社稷而

越在他竟引文選注境廣雅越遠也杜本此若之何不弔以同盟之故使瘠敢私於執事曰有君不弔有

臣不敏詁趙岐孟子章句敏達也杜本此君不赦宥臣亦不帥職增淫發泄其若之何衛人使大叔儀

對曰羣臣不佞得罪於寡君寡君不以卽刑而悼弃之以爲君憂君不忘先君之好辱弔羣臣又重恤

之敢拜君命之辱重拜大貺厚孫歸復命語臧武仲曰衛君其必歸乎有大叔儀以守有母弟鱣以出

或撫其內或營其外能無歸乎齊人以邾寄衛侯及其復也以邾糧歸右宰穀從而逃歸衛人將殺之

辭曰。余不說初矣。余狐裘而羔裘。

諸本作猶。從釋文改正。

乃赦之。衛人立公孫剽。【詁】按史記衛世家曰。孫文子

寧惠子共立定公。弟秋爲衛君。是爲廢公。

徐廣云。班氏曰。獻公弟焱。

又云。衛廢公會晉平公。平公執廢公與寧喜。而

復入衛獻公。與左傳異。索隱曰。左傳作剽。古今人表作焱。蓋音相亂。字改易耳。今攷秋字。蓋卽焱字之

誤。高誘呂覽注。又引作票。票剽焱皆音同字也。又按呂覽似順論慎小篇。引此。又作立公子黜。攷黜乃

悼公之名。呂覽誤。孫林父寧殖相之。以聽命於諸侯。衛侯在邾。臧紇如齊唁衛侯。與之言虐。退而告其

人曰。衛侯其不得入矣。其言糞土也。亡而不變。何以復國。

釋文。唁。徐作殯。音唁。

子展子鮮聞之。見臧紇。與之言道。

臧孫說。謂其人曰。衛君必入。夫二子者。或輓之。或推之。欲無入得乎。師歸。自伐秦。晉侯舍新軍。禮也。

成國不過半天子之軍。【詁】高誘呂覽注。成國。千乘之國也。周爲六軍。諸侯之大者。三軍可也。於是知

朔生盈而死。盈生六年而武子卒。歲裘亦幼。皆未可立也。新軍無帥。故舍之。師曠侍於晉侯。【詁】王

逸楚辭章句曰。師曠聖人。字子野。生無目而善聽。晉侯曰。衛人出其君。不亦甚乎。對曰。或者其君實甚。

良君將賞善而刑淫。養民如子。蓋之如天。容之如地。民奉其君。愛之如父母。仰之如日月。

釋文。仰。本亦作仰。

敬

之如神明。畏之如雷霆。其可出乎。夫君神之主。而民之望也。若困民之主。匱神乏祀。【詁】劉向新序及

說苑。皆引作困民之性。乏神之祀。按今刊本主字。疑生字之譌。生性古字同。周禮辨五土之物生。杜子

春讀爲性。是也。乏祀。釋文本或作之祀。百姓絕望。社稷無主。將安用之。弗去何爲。天生民而立之。君使

春讀爲性。是也。乏祀。釋文本或作之祀。百姓絕望。社稷無主。將安用之。弗去何爲。天生民而立之。君使

司牧之勿使失性。有君而爲之貳，使師保之勿使過度。是故天子有公，諸侯有卿，卿置側室，大夫有貳宗，士有朋友。庶人工商阜隸，牧圉皆有親暱，以相輔佐也。善則賞之，過則匡之。【詰】爾雅匡，正也。杜本此。

忠則救之，失則革之。自王以下，各有父兄子弟，以補察其政。史爲書，瞽爲詩，工誦箴諫，大夫規誨，士傳

言。庶人謗，商旅于市，百工獻藝。故夏書曰：逾人以木鐸徇于路，官師相規，工執藝事以諫。正月孟春，於

是乎有之，諫失常也。天之愛民甚矣，豈其使一人肆於民上，文選注引無其字。以從其淫，釋文本或作縱。而弃天地之

性。新序引此性下有乎字。必不然矣。秋，楚子爲庸浦之役，故子囊師于棠，以伐吳。【詰】漢書地理志：臨淮郡堂

邑，郡國志：春秋時曰棠，按卽昭二十年棠君尙之棠。棠，堂古字通。吳不出而還，子囊殿，以吳爲不能而

弗儆。吳人自皋舟之隘，要而擊之。楚人不能相救，吳人敗之。獲楚公子宜穀。王使劉定公賜齊侯命

曰：昔伯舅太公右我先王，股肱周室，師保萬民，世胙大師，以表東海。詩疏引此作佐我先王。王室之不壞，繫伯舅

是賴。【詰】孫毓云：舊本及賈氏皆作壞。本說文壞，敗也。釋文服本作懷，解曰：懷，柔也。繫，蒙也。賴，恃也。王

室之不懷，柔諸侯，恃蒙齊桓之匡正也。本疏。今余命女環，茲率舅氏之典，纂乃祖考，無忝乃舊，敬之哉。無

廢朕命。晉侯問衛故於中行獻子，對曰：不如因而定之。衛有君矣，伐之未可以得志，而勤諸侯。史佚

有言曰：因重而撫之，仲虺有言曰：亡者悔之，亂者取之，推亡固存，國之道也。君其定衛以待時乎。冬，會

于戚，謀定衛也。范宣子假羽毛於齊。【詰】廣雅：析羽爲莖。杜本此。而弗歸，齊人始貳。楚子囊還自伐

吳卒將死。遺言謂子庚必城郢。【詁】呂覽高義篇：子囊伏劍而死。君子謂子囊忠。君薨不忘增其名。將死不忘衛社稷。可不謂忠乎。忠，民之望也。詩曰：行歸于周，萬民所望。忠也。【詁】服虔云：逸詩也。都人士首章有之。詩：鄭玄禮記注曰：此詩毛氏有之。三家則亡。惠棟曰：西漢毛詩不列於學宮，故服氏謂之逸詩。

卷十三

傳襄公二

十五年明刊本作十有五年。今從宋本削有字。春，宋向戌來聘，且尋盟。見孟獻子，尤其室，曰：子有令聞而美其室，非所望也。

對曰：我在晉，吾兄爲之毀之重勞，且不敢問。【詁】方言：問，非也。按杜無注，正義云：問，非也。卽本此。官

師從單靖公逆王后于齊，卿不行，非禮也。楚公子午爲令尹，公子罷戎爲右尹，薳子馮爲大司馬，公

子囊師爲右司馬，公子成爲左司馬，屈到爲莫敖，公子追舒爲箴尹，屈蕩爲連尹。【詁】服虔云：連尹，射

官。言射相連屬也。疏：養由基爲宮廐尹，以靖國人。君子謂楚於是乎能官人。官人，國之急也。能官人則

民無覲心。【詁】說文：覲，欲也。詩云：嗟我懷人，寘彼周行。能官人也。王及公侯伯子男甸采衛大夫各居

其列，所謂周行也。鄭尉氏司氏之亂，其餘盜在宋，鄭人以子西伯有子產之故，納賂于宋，以馬四十

乘與師莒師慧三月淳化本作二月誤公孫黑爲質焉司馬子罕以堵女父尉嗣司齊與之良司臣而逸之託

諸季武子武子寘諸下鄭人醢之三人也師慧過宋朝將私焉其相曰朝也慧曰無人焉相曰朝也何

故無人慧曰必無人焉若猶有人豈其以千乘之相易淫樂之隙必無人焉故也子罕聞之固請而歸

之夏齊侯圍成貳於晉故也於是乎城成郛秋邾人伐我南鄙使告于晉晉將爲會以討邾莒晉

侯有疾乃止冬晉悼公卒【詰】世本晉悼公子舒鮑無終遂不克會鄭公孫夏如晉奔喪子蟜送葬

宋人或得玉獻諸子罕子罕弗受獻玉者曰以示玉人玉人以爲寶也故敢獻之子罕曰我以不貪

爲寶爾以玉爲寶若以與我高誘淮南王書注引作若予皆喪寶也不若人有其寶稽首而告曰小人懷璧不可以

越鄉納此以請死也子罕寘諸其里使玉人爲之攻之【詰】孔安國書傳政治也此杜本富而後使復其

所【詰】服虔云富寶玉得富周禮疏杜取此十二月鄭人奪堵狗之妻而歸諸范氏

十六年春葬晉悼公平公卽位羊舌肸爲傅張君臣爲中軍司馬祁奚韓襄欒盈史記作欒逞年表亦同士鞅爲公

族大夫虞丘書爲乘馬御改服修官烝子曲沃警守而下會于溴梁命歸侵田以我故執邾宣公莒牟

比公且曰通齊楚之使晉侯與諸侯宴于溫使諸大夫舞曰歌詩必類【詰】爾雅類善也呂覽重言篇引高宗之言余惟恐言之不類也荀子儒效篇其言有類齊高厚之詩不類荀偃怒且曰諸侯有異志

矣使諸大夫盟高厚高厚逃歸於是叔孫豹晉荀偃宋向戌衛甯殖鄭公孫董小邾之大夫盟曰同討

不庭【詁】爾雅庭直也。按此與隱十年傳同。許男請遷于晉。諸侯遂遷許。許大夫不可。晉人歸諸侯。鄭子蟠聞將伐許。遂相鄭伯以從諸侯之師。穆叔從公。齊子帥師會晉荀偃。書曰會鄭伯。爲夷故也。夏六月。次于械林。庚寅。伐許。次于函氏。晉荀偃變轡帥師伐楚。以報宋楊梁之役。楚公子格帥師及晉師戰于湛阪。【詁】水經注云京相璠曰昆陽縣北有蒲城。蒲城北有湛阪者是。應劭曰湛水出鱸縣北。魚齒

山西北。東南流。歷魚齒山下。爲湛浦。今水北悉枕翼山阜。于父城東南湛水之北。山有長阪。蓋卽湛水

以名阪。故有湛阪之名。楚師敗績。晉師遂侵方城之外。【詁】戰國策楚不守方城之外。高誘曰方城。楚

塞也。外北也。復伐許而還。秋。齊侯圍郟。孟孺子速傲之。【釋文】速本。【詁】廣雅。遯。速也。齊侯曰。是好勇。

去之以爲之名。速。遂。塞。海陘而還。冬。穆叔如晉聘。且言齊故。晉人曰。以寡君之未禘祀。與民之未息。

不然。不敢忘。穆叔曰。以齊人之朝夕釋感於敝邑之地。是以大請。敝邑之急。朝不及夕。引領西望曰。庶

幾乎比執事之間。恐無及也。見中行獻子。賦圻父。【按詩作祈父。祈圻古字通。】獻子曰。偃知罪矣。敢不從執事。以同恤

社稷。而使魯及此。見范宣子。賦鴻雁之卒章。宣子曰。句在此。敢使魯無鳩乎。【詁】爾雅。鳩。聚也。按杜注

鳩。集也。義亦同。

十七年春。宋莊朝伐陳。獲司徒印。卑宋也。衛孫蒯田于曹隧。飲馬于重丘。毀其瓶。重丘人閉門而詢之。

【詁】說文。詭。謾。詭。恥也。或从句。廣雅。詭。罵也。杜本。曰。親逐而君。爾父爲厲。【詩鄭箋】引作。【詁】詩。毛傳。及

廣雅。厲。惡也。郭象注。莊子。厲之人。夜半生其子。云。厲。惡人也。案杜注。厲。惡鬼。今攷此時。林父尚在。謂之者。不過斥其惡耳。不應卽謂之鬼。杜注非也。襄二十六年傳注亦同。是之不憂。而何以田爲。夏。衛石買孫。蒯伐曹。取重丘。曹人愬于晉。齊人以其未得志于我。故秋。齊侯伐我北鄙。圍桃。高厚圍臧紇于防師。自陽關逆臧孫。【詰】郡國志。泰山郡。鉅平。有陽關。此同。至于旅松。聊叔紇臧疇臧賈帥甲三百宵犯齊師。送之而復。齊師去之。齊人獲臧堅。齊侯使夙沙衛唁之。【詰】服虔云。弔生曰唁。以生見獲。故唁之也。疏。且曰。無死。堅稽首曰。拜命之辱。抑君賜不終。【詰】服虔云。言君義已故來唁之。是惠賜也。謂已無死。不以義望已是不終也。本疏。姑又使其刑臣禮於士。以杙扶其傷。【釋文。傷本一作蕩。首羊。】而死。【詰】說文。扶。挑也。冬。邾人伐我南鄙。爲齊故也。宋華閱卒。華臣弱臯比之室。使賊殺其宰華吳。賊六人以鉞。【詰】說文。鉞。大鉞也。一曰劍如刀裝者。又云。鍛鉞有鐔也。案此則鉞蓋劍屬。杜無注。故采說文補之。殺諸廬門。合左師之後。左師懼曰。老夫無罪。賊曰。臯比私有討於吳。遂幽其妻。【五行志引傳。作就其妻。】曰。界余而大壁。宋公聞之。曰。臣也不唯其宗室是暴。大亂宋國之政。必逐之。【五行志引。作欲逐之。】左師曰。臣也亦卿也。大臣不順國之恥也。不如蓋之。乃舍之。【詰】服虔云。蓋。覆蓋之。言左師無鷹鷂之志。而蓋不義之人。故尤之。本疏。左師爲己短策。苟過華臣之門必騁。【詰】服虔云。策。馬捶也。自爲短策。過華臣之門。助御者擊馬而馳。惡之甚也。同上。十一月甲午。國人逐瘵狗。【詰】說文。斲。在犬也。春秋傳曰。斲犬入華臣氏之門。案今本作瘵。說文。瘵。小

兒癩癩病也。此非其義。當從斲爲是。漢書五行志及字林亦皆作斲。廣雅斲，狂也。與說文同。呂覽晉時
篤。鄭子陽之難。獼狗潰之義亦同。癩狗入於華臣氏。國人從之。華臣懼。遂奔陳。宋皇國父爲大宰。爲
平公築臺。妨於農收。子罕請俟農功之畢。公弗許。築者謳曰。澤門之皙。【詁】惠士奇曰。詩大明緜正義
引云。皋門之皙。陸氏釋文云。本作皋者。誤也。棟案古皋澤字相同。孫叔敖碑云。收九畝之利。婁壽以爲
澤字。但皋爲白下本。皋爲四下幸。本一字。漢碑从四下幸者。誤。服虔漢書注云。皋。澤也。詩鶴鳴於九皋。
王仲任薛夫子皆以爲九折之澤。諸侯本有皋門。何獨宋不然也。今案如惠氏所言。皋門。爲諸侯宮門
外名。似非人臣所居之地。杜注指爲宋東城南門。或非無據。疑卽孟子所云。埵澤之門也。實與我役。邑
中之黔。實慰我心。子罕聞之。親執朴。以行築者。而扶其不勉者。曰。吾儕小人。皆有闔廬。以辟燥溼寒暑。
今君爲一臺而不速成。何以爲役。謳者乃止。或問其故。子罕曰。宋國區區。【詁】廣雅。區區。小也。而有詛
有祝禍之本也。齊晏桓子卒。晏嬰羸衰。斬諸本作縗。據鄭注禮記及後漢書注改正。直經帶杖。菅屨。食鶩。後漢書注作食鴛。居倚
廬。寢苦枕草。其老曰。非大夫之禮也。曰。唯卿爲大夫。

十八年春。白狄始來。

夏。晉人執衛行人石買于長子。執孫蒯于純留。

留字从字書改正。

【詁】地理志。上黨郡。領

長子屯留二縣。

杜本此。

釋文。純。地理志作屯。爲曹故也。

秋。齊侯伐我北鄙。中行獻子將伐齊。夢與厲公

訟。弗勝。公以戈擊之首。隊於前。跪而戴之。【詁】鞞類。跪。踞也。

文選注。

奉之以走。見梗陽之巫臯。他日見諸

道與之言同。巫曰：今茲主必死。若有事于東方，則可以逞。獻子許諾。晉侯伐齊，將濟河。獻子以朱絲係

玉二穀。【註】說文：玉，二玉相合爲珪，或从瓊。杜本此。而禱曰：齊環怙恃其險，負其衆庶，弃好背盟，陵虐神

主。曾臣彪將率諸侯以討焉。其官臣偃實先後之，苟捷有功，無作神羞。官臣偃無敢復濟，惟爾有神。裁

之。沈玉而濟。冬十月，會于魯濟，尋溴梁之言，同伐齊。齊侯御諸平陰，塹防門而守之。廣里。【註】京相璠

曰：平陰，齊地也。在濟北虛縣故城西南十里。水經注：杜同此。惟酈道元云：平陰城南有長城，東至海，西

至濟，河道所由。名防門，去平陰三里。齊侯塹防門，即此也。其水引濟，故灑禽存。今防門北有光里，齊人

晉，廣音與光同。即春秋所謂守之廣里者也。郡國志：濟北虛縣有平陰城，有防門。有光里。案京相璠亦

云：防門北有光里。杜注：殊屬臆說。夙沙衛曰：不能戰，莫如守險，弗聽。諸侯之士門焉。齊人多死。范宣子

告析文子曰：吾知子敢匿情乎？魯人莒人皆請以車千乘，自其鄉入。既許之矣。若入，君必失國。子盍圖

之。子家以告公，公恐，晏嬰聞之曰：君固無勇，而又聞是，弗能久矣。齊侯登巫山。【註】京相璠曰：巫山，在

平陰東北。水經注：杜同此。以望晉師。晉人使司馬斥山澤之險，雖所不至，必旃而疏陳之，使乘車者左，實右，僞

以旃先，輿曳柴而從之。齊侯見之，畏其衆也，乃脫歸。丙寅晦，齊師夜遁。師曠告晉侯曰：鳥鳥之聲，樂齊

師其遁。邢伯告中行伯曰：有班馬之聲，齊師其遁。叔向告晉侯曰：城上有烏，齊師其遁。【註】爾雅：般，還

也。郭璞注：引左傳曰：般馬之聲，案班般還古字通。十一月丁卯朔，入平陰，遂從齊師。夙沙衛連大車以

塞隧而殿。【詁】國語賈注，闕地通路曰隧。廣雅：隧，道也。隊，隧同。殖綽郭最曰：子殿國師，齊之辱也。子姑

先乎，乃代之殿。衛殺馬於隘，以塞道。晉州綽及之，射殖綽中肩，兩矢夾脰。【詁】說文：脰，項也。案杜注：脰

頸也。用鄭玄何休說義略同。曰：止將爲三軍獲，不止將取其衷。顧曰：爲私誓。州綽曰：有如日，乃弛弓而

自後縛之。【釋文】弛，本又作施，音同。其右具丙，亦舍兵而縛郭最，皆衿甲面縛，坐于中軍之鼓下。晉人欲逐歸者，魯

衛請攻險，己卯荀偃士匄以中軍克京茲。【詁】郡國志：濟北國盧縣有景茲山。杜同。乙酉，魏絳樂盈以

下軍克邾。趙武韓起以上軍圍廬，弗克。十二月戊戌，及秦周。【詁】呂覽：懷大篇云：齊逢子帥其餘卒以

軍于秦周。高誘注：秦周，齊城門名也。惠士奇曰：秦周，當是齊地名。杜氏以爲魯大夫失之，伐雍門之萩，

【詁】戰國策：孫子謂田忌曰：使輕車銳騎衝雍門。高誘注：雍門，齊西門名也。說文：萩，蕭也。案爾雅云：蕭

萩，卽此。酈道元引此作萩，今攷玉篇音且留切，蕭也。並引傳文，又七宵切，知舊本又有作萩者。范鞅門

于雍門，其御追喜以戈殺犬于門中。孟莊子斬其楛，以爲公琴。【詁】說文：楛，柎也。夏書：柎，柎也。柎，卽此。

玉篇：柎，木似柎，柎，惡木也。案柎可爲琴，必非惡木。蓋狀似之耳。惠士奇曰：琴，頌琴也。頌與公，古字通。己

亥，焚雍門及西郭南郭，劉難士弱率諸侯之師，焚申池之竹木。壬寅，焚東郭北郭，范鞅門于揚門。州綽

門于東閭，左驂迫還于門中，以枚數圍。【詁】說文：枚，榦也。可爲杖。案杜注：杖，馬搯。蓋隨文爲訓。爾雅：闔

謂之扉，闔，禮記注：用水曰闔。齊侯駕將走郵棠，太子與郭榮扣馬曰：【詁】說文：扣，牽馬也。廣雅：扣，持

也。師速而疾，略也將退矣。君何懼焉？且社稷之主，不可以輕。輕則失衆，君必待之。將犯之，大子抽劍斷鞅，乃止。甲辰，東侵及維南，及沂。釋文：濰本。又作維。【詁】水經：濰水出琅邪箕縣濰山，過都昌縣，東入于海。沂水

出泰山蓋縣艾山，過下邳縣，西南入于泗。杜本。

鄭子孔欲去諸大夫，將叛晉而起楚師以去之，使告

子庚。子庚弗許。楚子聞之，使揚豚尹宜

揚从石經宋本改。

告子庚曰：「國人謂不穀主社稷，而不出師，死不從禮。」

不穀卽位於今五年，師徒不出，人其以不穀爲自逸而忘先君之業矣。大夫圖之，其若之何？子庚歎曰：

「君王其謂午懷安乎？吾以利社稷也。」見使者，稽首而對曰：「諸侯方睦於晉，臣請嘗之。若可，君而繼之，不

可，收師而退，可以無害。君亦無辱。」子庚帥師治兵于汾。【詁】

郡國志：潁川郡襄城縣有汾丘城。

杜同。

於是子蟜伯有子張從鄭伯伐齊，子孔子展子西守。二子知子孔之謀，完守入保。子孔不敢會楚師。楚師

伐鄭，次于魚陵。右師城上棘。【詁】

水經注：潁水。

又逕上棘城西，遂涉潁，次于旃然。【詁】郡國志：河南郡

成臯有旃然水。水經注：汝受旃然水。

杜同。

爲子馮公子格率銳師，侵費滑，膏靡獻于雍梁。【詁】郡國志：

潁川郡陽翟有雍氏城。

杜同。

右回梅山。【詁】郡國志：河南郡密有梅山。

杜同。

侵鄭東北，至于蟲牢而反。

子庚門于純門，信于城下，而還涉于魚齒之下。【詁】

郡國志：襄城有魚齒山。

杜同。

甚雨及之。【詁】愚棟

曰：甚古文澆字，見詛楚文。莊子天下篇云：沐甚雨，節疾風，摧謨本甚作澆，首淫甚雨，猶久雨也。或曰：檀

弓云：兩甚至，甚當讀如字，亦通。今案惠說未諦。檀弓兩甚至，乃二句，至謂門人至也，以三字連讀，疎矣。

楚師多凍。役徒幾盡。晉人聞有楚師。師曠曰：「不害。吾驟歌北風，又歌南風。」【詁】服虔云：北風夾鍾無射，以北、南風，姑洗南呂以南、周禮。又云：卯酉以北律呂爲北風，以南爲南風。本南風不競，多死聲。【詁】服

虔云：南風律氣不至，故死聲多。同上。又云：吹律而言歌風者，出聲曰歌，以律是候氣之管，氣則風也，故言

歌風。禮記疏。楚必無功。董叔曰：「天道多在西北，南師不時，必無功。」叔向曰：「在其君之德也。」

十九年春，諸侯還自沂，上盟于督揚。曰：「大毋侵小。」執邾悼公，以其伐我故。遂次于泗上，疆我田，取邾田自

漵水，歸之于我。【詁】賈服並言邾魯以漵水爲竟，漵水移入邾界，魯隨而有之，刺晉偏而魯貪。本晉侯

先歸，公享晉六卿于蒲圃，賜之三命之服。軍尉司馬司空與尉候奄皆受一命之服。賄荀偃束錦，加璧

乘馬。先吳壽夢之鼎，荀偃瘕疽，生瘍於頭。【詁】說文：瘕，勞病也。疽，癰也。癰，腫也。瘍，頭創也。服虔通俗文，

頭創曰瘍。梁經音義：玉篇：疽，黃病也。多但切。左氏傳曰：荀偃疽，生瘍于頭。疽，惡創也。案惠氏曰：玉篇引

作疽，是誤。以上一字爲下一字矣。今攷玉篇本明云：疽亦作瘕。惠氏讀書可云疎忽。濟河及著雍，病曰

出。大夫先歸者皆反。士匄請見弗內，請後。曰：「鄭甥可。」二月甲寅卒，而視不可含。宣子盥而撫之。論衡：盥

曰：「事吳敢不如事主，猶視。欒懷子曰：『其爲未卒事於齊故也乎？』乃復撫之曰：『主苟終，所不嗣事于齊者，

有如河，乃瞑受含。』宣子出曰：『吾淺之爲丈夫也。』晉欒魴帥師從衛孫文子伐齊。季武子如晉拜師。晉

侯享之。范宣子爲政賦黍苗。季武子與再拜稽首曰：「小國之仰大國也。如百穀之仰膏雨焉。若常膏之，

其天下輯睦。豈惟敵邑。賦六月。釋文輯本又作集文。選注引此即作集睦。季武子以所得於齊之兵，作林鐘而銘魯功焉。

【詰】賈逵周語注云：律爲六律六呂，以均鐘大小清濁也。正義云：此鐘聲應林鐘，故以林鐘爲名。疏本字

林云：銘題勒也。臧武仲謂季孫曰：非禮也。夫銘天子令德，諸侯言時計功。大夫稱伐，今稱伐則下等也。

計功則借人也。言時則妨民多矣。何以爲銘。且夫大伐小，取其所得，以作彝器，銘其功烈，以示子孫，昭

明德而懲無禮也。今將借人之力以救其死，若之何銘之。小國幸於大國，而昭所獲焉，以怒之，亡之道

也。齊侯娶于魯，曰顏懿姬，無子。其姪鬻聲姬。【詰】服虔云：兄子曰姪鬻聲姬所從也。顏慶皆其母姓，聲

懿聲也。傳家從後言之，故舉聲也。御覽杜生光以爲大子，諸子仲子戎子。【詰】服虔云：二子宋女。同上案

史記又作仲姬戎姬，則又似姬姓女矣。傳遜說諸子爲內官，則此仲子戎子疑亦如漢內官之七子八

子也。戎子嬖，仲子生牙，屬諸戎子。【詰】服虔云：公子牙也。戎子，子牙養也。同惠棟云：養謂養母。戎子請

以爲大子，許之。【詰】服虔云：齊侯許之。同上杜仲子曰：不可。廢常不祥。【詰】服虔云：立長爲祥，立而廢

之爲不祥也。同上開諸侯難。【詰】服虔云：間犯爲光已列于諸侯，難成。同上杜光之立也，列於諸侯矣。【

詰】服虔云：謂光數從諸侯征伐會盟。同上及史記今無故而廢之，是專黜諸侯。【詰】服虔云：專獨也。

光比於諸侯，列於盟，不可黜也。御覽杜而以難犯不祥也。【詰】服虔云：以難成之事犯不善。同上君必悔

之，公曰：在我而已。遂東大子光。【詰】賈逵云：徙之東垂也。史記服虔云：東徙之東，勳也。御覽杜使高厚

傅牙以爲大子。夙沙衛爲少傅。齊侯疾。崔杼微逆光。【詁】服虔云：微，隱匿也。上疾病而立之。【詁】服虔

云：疾，困也。而立爲太子。上光殺戎子尸諸朝，非禮也。婦人無刑。【詁】服虔云：婦人從人者也。故不爲制

刑。及犯惡，從男子之刑也。本案劉難服云：犯淫則男子割勢，婦人閉宮，豈得從男子乎？今改割勢閉宮，

皆係宮刑，因人制宜耳。劉難服非是。如婦人從夫，服重有鑿箭筭之類，豈得以不同夫服，遂謂之非？

服乎？雖有刑，不在朝市。夏五月壬辰晦，齊靈公卒。莊公卽位，執公子牙於句瀆之丘。史記作以夙沙衛

易己，衛奔高唐以叛。【詁】京相璠曰：高唐本平原縣也。水經晉士匄侵齊，及穀，聞喪而還禮也。於

四月丁未，鄭公孫蠆卒。赴于晉大夫。范宣子言於晉侯，以其善於伐秦也。六月，晉侯請於王，王追賜之

大路，使以行禮也。【詁】嚴青育云：卿以上所乘車，皆曰大路。詩曰：彼路斯何？君子之車。此大夫之車，稱

路也。王制：卿爲大夫。疏詩秋八月，齊崔杼殺高厚於灑，蓋而兼其室。書曰：齊殺其大夫，從君於昏也。

鄭子孔之爲政也，專國人患之。乃討西宮之難，與純門之師。子孔當罪。案當作去聲讀。【詁】鄭玄云：當謂值其

罪，音丁浪反。以其甲及子革子良氏之甲守甲辰。子展子西率國人伐之，殺子孔而分其室。書曰：鄭殺

其大夫，專也。子然子孔宋子之子也。士子孔圭嬀之子也。圭嬀之班亞宋子而相親也。二子孔亦相親

也。二諸本誤作士，从唐石經宋本改正。僖之四年子然卒。簡之元年士子孔卒。司徒孔實相子革子良之室。二室如一，故

及於難。子革子良出奔楚。子革爲右尹。鄭人使子展當國。子西聽政。立子產爲卿。齊慶封圍高唐，弗

克冬十一月齊侯圍之見衛在城上號之乃下問守備焉以無備告揖之乃登【詰】賈逵云齊侯以衛

告誠揖而禮之欲生之也衛志于戰死故不順齊侯之揖而還登城本疏杜全取此服虔引彭仲博云齊欲誅

衛呼而下與之言因可取之無爲揖之復令登城仲博以爲齊侯號衛衛而下云問守備焉問衛之

守高唐者衛無恩訓故令守者以無備告齊侯善其言故揖之乃命士卒登城服虔謂此說近之案說

文及春秋正義彭注字仲博說先師奇說及舊注聞師將傅食高唐人殖綽工儂會夜緇納師【詰】說

文韜以繩有所縣也春秋傳曰夜緇納師醢衛于軍城西郛懼齊也齊及晉平盟于大隧故穆叔會

范宣子于柯穆叔見叔向賦載馳之四章叔向曰盍敢不承命穆叔歸曰齊猶未也不可以不懼乃城

武城衛石共子卒悼子不衰孔成子曰是謂斲其本【詰】服虔云孔成子衛卿孔蒸鉏史記世本衛

孔莊叔達生得閭叔穀穀生成叔蒸鉏禮記疏必不有其宗

二十年春及莒平孟莊子會莒人盟于向督揚之盟故也夏盟于澶淵齊成故也邾人驟至以諸侯

之事弗能報也秋孟莊子伐邾以報之蔡公子變欲以蔡之晉蔡人殺之公子履其母弟也故出奔

楚陳慶虎慶寅【詰】潘夫論慶氏媿姓畏公子黃之偏愬諸楚曰與蔡司馬同謀楚人以爲討公子

黃出奔楚初蔡文侯欲事晉曰先君與於踐土之盟晉不可弃且兄弟也畏楚不能行而卒楚人使蔡

無常公子變求從先君以利蔡不能而死書曰蔡殺其大夫公子變言不與民同欲也陳侯之弟黃出

奔楚言非其罪也。公子黃將出奔，呼於國曰：慶氏無道，求專陳國，暴蔑其君而去其親，五年不滅，是無天也。齊子初聘於齊，禮也。冬，季武子如宋，報向戌之聘也。褚師段逆之，以受享，賦常棣之七章以卒。宋人重賄之，歸復命，公享之。賦魚麗之卒章，公賦南山有臺，武子去所曰：臣不堪也。衛寧惠子疾，召悼子曰：吾得罪於君，悔而無及也。名藏在諸侯之策。高誘呂覽注引作名載諸侯之策。曰：孫林父寧殖出其君，君入則掩之，若能掩之，則吾子也。若不能，猶有鬼神，吾有餒而已，不來食矣。悼子許諾，惠子遂卒。

二十一年春，公如晉，拜師及取邾田也。邾庶其以漆閭丘來奔。季武子以公姑姊妻之。【詁】案本疏引劉炫規過云：古人謂姑爲姑姊妹，此姑姊是襄公父之姊，今攷成公在位十八年，襄公嗣立又二十一年，若指成公之姊，則年已近五十，安得始嫁。此公姑姊者，蓋襄公之從姑，或再從姑，觀下傳臧孫紇言以姬氏妻之，益明不得如炫說也。漢時以宗室女嫁單于，亦名爲己女，並號公主，卽此類。杜氏以爲蓋寡者二人，亦屬曲說，皆有賜於其從者，於是魯多盜。季孫謂臧武仲曰：子盍詰盜。【詰】鄭玄服虔皆以盍爲何不也。本說文詰問也。武仲曰：不可詰也。紇又不能。季孫曰：我有四封，而詰其盜，何故不可。子爲司寇，將盜是務去，若之何不能。武仲曰：子召外盜而大禮焉，何以止吾盜。子爲正卿，而來外盜，使紇去之，將何以能。庶其竊邑於邾以來，子以姬氏妻之而與之邑，其從者皆有賜焉。若大盜禮焉，以君之姑姊與其大邑，其次阜牧輿馬，其小者衣裳劍帶，是賞盜也。賞而去之，其或難焉。紇也聞之，在上位者，洒

濯其心。壹以待人。軌度其信。可明徵也。而後可以治人。夫上之所爲。民之歸也。上所不爲。而民或爲之。是以加刑罰焉。而莫敢不懲。若上之所爲。而民亦爲之。乃其所也。又可禁乎。夏書曰。念茲在茲。釋茲在茲。名言茲在茲。允出茲在茲。惟帝念功。將謂由己。壹也。信由己。壹而後功可念也。庶其非卿也。【詰】諸儒以爲邾莒無命。卿疏。以地來。雖賤必書。【詰】劉賈又云。春秋之序三命以上。乃書于經。穎氏以爲再

命稱人。

上同。

重地也。

齊侯使慶佐爲大夫。復討公子牙之黨。執公子買于句瀆之丘。公子鉏來奔。叔孫

還奔燕。

夏。楚子庚卒。楚子使蘧子馮爲令尹。訪於申叔豫。叔豫曰。國多寵而王弱。國不可爲也。遂以

疾辭。方暑。闕地下冰而牀焉。重繭衣裘。鮮食而寢。【詰】說文。繭。袍衣也。以絮曰繭。以縷曰袍。春秋傳曰。

盛夏重繭。案爾雅。袍。襦也。郭璞注。引春秋傳曰。重繭衣裘。繭。繭作繭。古文省。楚子使醫視之。復曰。瘠則甚

矣。而血氣未動。乃使子南爲令尹。欒桓子娶於范宣子。生懷子。范鞅以其亡也。怨欒氏。故與欒盈爲

公族大夫。而不相能。桓子卒。欒祁與其老州賈通。幾亡室矣。懷子患之。祁懼其討也。愬諸宣子曰。盈將

爲亂。以范氏爲死桓主而專政矣。曰。吾父逐鞅也。不怒。而以寵報之。又與吾同官而專之。吾父死而益

富。死吾父而專於國。有死而已。吾蔑從之矣。其謀如是。懼害於主。吾不敢不言。范鞅爲之徵。懷子好施

士多歸之。宣子畏其多士也。信之。懷子爲下卿。宣子使城著而遂逐之。秋。欒盈出奔楚。宣子殺箕遺黃

淵。嘉父司空靖。邴豫廣韻引作邴預。董叔。邴師。申書。羊舌虎。叔熊。【詰】賈逵云。十子皆欒盈之黨。知范氏將害

樂氏故先爲之作難。討范氏不克而死。本疏囚伯華。叔向外傳作叔嚮呂覽籍偃。人謂叔向曰。子離於罪。

其爲不知乎。叔向曰。與其死亡若何。詩曰。優哉游哉。聊以卒歲。正義曰。此小雅采芣之篇。案彼詩

曰。優哉游哉。亦是戾矣。與此不同者。蓋師讀有異。知也。樂王鮒見叔向曰。吾爲子請。叔向弗應。出不拜。

其人皆咎叔向。叔向曰。必祁大夫。室老聞之曰。樂王鮒言於君無不行。求救吾子。吾子不許。祁大夫所

不能也。而曰必由之。何也。叔向曰。樂王鮒從君者也。何能行。祁大夫外舉不棄讐。內舉不失親。其獨遺

我乎。詩曰。有覺德行。禮記緇衣詩引作有格德行。鄭注云。格。大也。案覺格音同。四國順之。夫子覺

者也。晉侯問叔向之罪於樂王鮒。對曰。不棄其親。其有焉。於是祁奚老矣。聞之。乘駟而見宣子曰。詩曰。

惠我無疆。子孫保之。書曰。聖有勳勳。釋文勳如字。勳作訓。明徵定保。夫謀而辭過。惠訓不倦者。叔向有焉。社稷之

固也。猶將十世宥之。以勸能者。今壹不免其身。以棄社稷。不亦惑乎。鯀殛而禹興。伊尹放大甲而相之。

卒無怨色。管蔡爲戮。周公右王。王符引作祐王。若之何其以虎也。棄社稷。子爲善。誰敢不勉。多殺何爲。宣子說。

與之乘。以言諸公而免之。不見叔向而歸。叔向亦不告免焉。而朝。初。叔向之母妒叔虎之母美。而不使

論衡言毒篇引此不使下有視寢二字。唐石經亦同。其子皆諫其母。其母曰。深山大澤。實生龍蛇。論衡曰。妖氣生美好。古美

好之人多邪惡。火有光燿。亦有容貌。龍蛇。東方木舍火精。故美色貌屬。膽附于肝。故生勇力。火氣猛。故

多勇木剛強。故多力也。彼美。余懼其生龍蛇。以禍女。女敵族也。論衡引作弊。案當作敵。國多大寵。不仁人間之。不

亦難乎。余何愛焉。使往視寢。生叔虎。美而有勇力。欒懷子嬖之。故羊舌氏之族及於難。欒盈奔楚。過於周。周西鄙剌之。唐石經欒盈下有奔楚二字。今从增入。又一【詰】服虔通俗文。遮取謂之抄掠。案聲類

掠作剌。說文無掠字。當以剌爲正。下同。辭於行人曰。天子陪臣盈得罪於王之守臣。將逃罪。罪重於郊

甸。【詰】案杜注云。范宣子爲王所命。故曰守臣。惠士奇駁之曰。守臣指晉君。書甸同爲上卿。今書陪

臣。甸稱守臣。有是禮乎。范氏孺君命逐盈。故盈以爲得罪於晉君。今案盈自稱其祖。故謙言陪臣。且書

亡已久。此時晉國守官之臣。實係士甸。故以例稱之。僖十二年。管仲于周辭上卿之禮云。有天子之二

守國高在。是大國上卿稱守臣之例。襄十八年傳。荀偃自稱官臣亦同。注官臣。守官之臣也。惠說非是。

無所伏竄。【詰】廣雅。伏竄。藏也。敢布其死。昔陪臣書能輸力於王室。王施惠焉。其子鱣不能保任其父

之勞。【詰】說文廣雅。並云任保也。大君若不弃書之力。亡臣猶有所逃。若弃書之力而思鱣之罪。臣戮

餘也。將歸死於尉氏。不敢還矣。敢布四體。惟大君命焉。王曰。尤而效之。其又甚焉。使司徒禁剌欒氏者。

歸所取焉。使候出諸轅轅。【詰】鄭玄周禮注引作候入。案周禮候人職曰。若有方治則帥而致于朝。及

歸途之于竟。郡國志。河南郡。緱氏。有轅轅關。杜同冬。曹武公來朝。始見也。會于商任。銅欒氏也。齊

侯衛侯不敬。叔向曰。二君者必不免。會朝禮之經也。禮政之輿也。政身之守也。怠禮失政。失政不立。是

以亂也。知起中行喜州。綽刑蒯出奔齊。皆欒氏之黨也。樂王鮒謂范宣子曰。盍反州。綽刑蒯。勇士也。

宣子曰彼欒氏之勇也。余何獲焉。王鮒曰子爲彼欒氏。乃亦子之勇也。齊莊公朝。指殖綽郭最曰。是寡人之雄也。州綽曰。君以爲雄。誰敢不雄。然臣不敏。平陰之役。先二子鳴。莊公爲勇爵。殖綽郭最欲與焉。州綽曰。東閭之役。臣左驂迫。還於門中。識其枚數。釋文。故本又作版。其可以與於此乎。公曰。子爲晉君也。對曰。臣爲隸新。然二子者。譬於禽獸。臣食其肉。而寢處其皮矣。

二十二年春。臧武仲如晉。【詁】服虔云。武仲非卿。故不書。案正義譏服云。前年武仲爲司寇。後年出奔。

書于經。不得云非卿。今攷魯司寇。非卿。史記孔子世家。嘗爲大司寇。不列于卿。蓋魯卽同大國之例。三卿。此時季孫斯。叔孫豹。仲孫遯。並爲卿。故服虔云。然疑後年仲孫速卒後。竈始代爲卿。又不久卽出奔。故得列於經也。雨過御叔。御叔在其邑。將飲酒。曰。焉用聖人。【詁】膏肓說左氏傳者曰。春秋之志。非聖人孰能修之。言夫子聖人。乃能修之。御叔謂臧武仲爲聖人。是非獨孔子。蓋膏肓武仲者。述聖之道。魯人稱之曰聖。今使如晉。過御叔。御叔不說學。見武仲而兩行。傲之曰。焉用聖人。爲左氏傳載之者。非御叔不說學。不謂武仲聖與孔子同。周禮注。案聖有數等。周禮大司徒以鄉三物教萬民。一曰六德。知仁聖義中。和鄭玄云。聖通而先識也。武仲多知。時人以聖稱之。當亦類此。下此則呂覽所載。盜跖自言。盜有五德。妄意室中之威聖也。此聖字。蓋亦以智數多能料事而稱之耳。我將飲酒而已。雨行何以聖爲。穆叔聞之曰。不可使也。而傲使人國之蠹也。令倍其賦。夏晉人徵朝于鄭。鄭人使少正公孫僑對曰。在晉

先君悼公九年。我寡君於是即位。即位八月。而我先大夫子駟從寡君以朝于執事。執事不禮於寡君。寡君懼。因是行也。我二年六月。朝于楚。晉是以有戲之役。楚人猶競。而申禮於敝邑。敝邑欲從執事。而懼爲大尤。曰。晉其謂我不共有禮。是以不敢攜貳於楚。我四年三月。先大夫子矯又從寡君以觀釁於楚。晉於是乎有蕭魚之役。謂我敝邑邇在晉國。嘗諸草木。吾臭味也。而何敢差池。釋文。池。徐本作沱。楚亦不競。寡君盡其土實。重之以宗器。以受齊盟。遂帥羣臣隨於執事。以會歲終。貳於楚者。子侯石孟歸而討之。溴梁之明年。子矯老矣。公孫夏從寡君以朝于君。見于嘗耐。【詰】說文。耐。三重醇酒也。杜亦同。與執鑼焉。

【詰】釋文。燔又作膳。蘇棟曰。僖廿四年傳。及成十三年傳。皆作膳。說文曰。鑼宗廟火熟肉。从炙番聲。春秋傳曰。天子有事。鑼焉。以饋同姓諸侯。此燔字當作鑼。轉寫之誤。今案鑼作燔。由隸省。非誤也。蓋省

火存肉則爲膳。省肉存火則爲燔也。閒二年。聞君將靖東夏。四月。又朝以聽事期。不朝之間。無歲不聘。無役不從。以大國政令之無常。國家罷病。不虞荐至。【詰】爾雅。荐。再也。無日不惕。豈敢亡職。大國若安定之。其朝夕在庭。何辱命焉。若不恤其患。而以爲口實。【詰】服虔云。實。謂譴讓也。本疏。其無乃不堪任命。而翦爲仇讐。敝邑是懼。其敢忘君命。委諸執事。執事實重圖之。秋。欒盈自楚適齊。【詰】史記晉世家曰。晉欒逞有罪。奔齊。田敬仲世家曰。晉之大夫欒逞作亂于晉。來奔齊。索隱曰。逞音盈。晏平仲言於齊侯曰。商任之會。受命於晉。今納欒氏。將安用之。小所以事大。信也。失信不立。君其圖之。弗聽。退告陳文。

子曰。君人執信。臣人執共。忠信篤敬。上下同之。天之道也。君自棄也。弗能久矣。九月。鄭公孫黑。肱有疾。歸邑于公。召室老宗人立段。【詁】說文。春秋傳曰。鄭公孫黑。字子石。案今本作段。然字子石。則當以破字爲是。徐鉉本作礪。云乎加切。今攷玉篇作礪。都亂切。礪石也。則徐本从段誤。而使黜官薄祭。祭以特羊。般以少牢。足以共祀。盡歸其餘邑。曰。吾聞之。生於亂世。貴而能貧。民無求焉。可以後亡。敬共事君。與二三子生在敬戒。不在富也。己巳。伯張卒。君子曰。善戒。詩曰。慎詩作爾侯。度用戒不虞。鄭子張其有焉。冬。會于沙隨。復錮欒氏也。欒盈猶在齊。晏子曰。禍將作矣。齊將伐晉。不可以不懼。楚觀起有寵於令尹子南。未益祿而有馬數十乘。楚人患之。王將討焉。子南之子弃疾爲王御士。王每見之。必泣。弃疾曰。君三泣臣矣。敢問誰之罪也。王曰。令尹之不能。爾所知也。國將討焉。爾其居乎。對曰。父戮子居。君焉用之。泄命重刑。臣亦不爲。王遂殺子南於朝。轅觀起於四竟。子南之臣謂弃疾請徙子尸於朝。曰。君臣有禮。唯二三子。三日。弃疾請尸。【詁】周禮掌戮曰。凡殺人者。肆之三日。王許之。既葬。其徒曰。行乎。曰。吾與殺吾父。行將焉入。曰。然則臣王乎。曰。弃父事讐。吾弗忍也。遂縊而死。復使蘧子馮爲令尹。公子黜爲司馬。屈建爲莫敖。有寵於蘧子者八人。皆無祿而多馬。他日朝。與申叔豫言。弗應而退。從之。入於人中。又從之。遂歸。退朝見之。曰。子三困我於朝。吾懼不敢不見。吾過。子姑告我。何疾我也。對曰。吾不免是懼。何敢告子。曰。何故。對曰。昔觀起有寵於子南。子南得罪。觀起車裂。何故不懼。自御而歸。不能當道。至

謂八人者曰。吾見申叔夫子。所謂生死而肉骨也。知我者。如夫子則可。不然。請止。辭八人者。而後王安之。十二月。鄭游販將如晉。【詰】說文春秋傳曰。鄭游販字子明。案說文販多白眼也。則子明蓋以疾名。如黑眩黑背之類是也。未出竟。遭逆妻者。奪之以館于邑。丁巳。其夫攻子明。殺之。以其妻行。子展廢良而立太叔。曰。國卿君之貳也。民之主也。不可以苟。請舍子明之類。求亡妻者。使復其所。使游氏勿怨。曰。無昭惡也。

二十三年春。杞孝公卒。晉悼夫人喪之。平公不徹樂。非禮也。禮爲鄰國闕。【詰】服虔云。鄰國尙爲之闕樂。

祝錫舅之國乎。禮記疏

陳侯如楚。公子黃愬二慶于楚。楚人召之。使慶樂往。殺之。慶氏以陳叛。夏。屈建

從陳侯圍陳。陳人城。版隊而殺人。諸本作板。今從傳。三十年傳文改。役人相命。各殺其長。遂殺慶虎。慶寅。楚人納公子

黃。君子謂慶氏不義。不可肆也。故書曰。惟命不予常。【詰】服虔云。傳發此言爲不書慶氏。以陳叛爲楚

所圍。稱國以殺。不成。惡人肆其志也。本疏。晉將嫁女于吳。齊侯使析歸父媵之。以藩載欒盈及其士。納

諸曲沃。【詰】賈逵云。欒盈之色。史記集解杜取此。欒盈夜見胥午而告之。對曰。不可。天之所廢。誰能興之。子必

不免。吾非愛死也。知不集也。盈曰。雖然。因子而死。吾無悔矣。我實不天。子無咎焉。許諾。伏之。而觴曲沃

人樂作。午言曰。今也得欒孺子如何。對曰。得主而爲之死。猶不死也。皆歎。有泣者。爵行。又言。皆曰。得主

何貳之有。盈出徧拜之。四月。欒盈帥曲沃之甲。因魏獻子。以晝入絳。初。欒盈佐魏莊子于下軍。獻子私

焉。故因之。趙氏以原屏之難。怨欒氏。韓趙方睦。中行氏以伐秦之役。怨欒氏。而罔與范氏和親。知悼子少而聽於中行氏。程鄭嬖於公。唯魏氏及七輿大夫與之。【詁】服虔云：下軍輿帥七人。疏：樂王鮒侍坐

於范宣子。或告曰：欒氏至矣。宣子懼。桓子曰：奉君以走固宮。必無害也。且欒氏多怨。子爲政。欒氏自外

子在位。其利多矣。既有利權。又執民柄。將何懼焉。欒氏所得。其唯魏氏乎。而可強取也。夫克亂在權。子無解矣。諸本作懈。從釋文。石經改正。公有姻喪。王鮒使宣子墨衰。諸本作縗。亦從釋文。改正。二婦人輦以如公。奉公以如固

宮。范鞅逆魏舒。則成列。既乘。將逆欒氏矣。趨進曰：欒氏帥賊以入。鞅之父與二三子在君所矣。使鞅逆

吾子。鞅請驂乘持帶。遂超乘。右撫劍。左援帶。命驅之出。僕請。鞅曰：之公。宣子逆諸階。執其手。賂之以曲

沃。初。斐豹隸也。著於丹書。【詁】廣韻：斐姓。左傳：晉有斐豹。是斐本又作斐也。欒氏之力臣曰督戎。國人

懼之。斐豹謂宣子曰：苟焚丹書。我殺督戎。宣子喜曰：而殺之。所不請於君。焚丹書者。有如日。乃出豹而

閉之。督戎從之。踰隱而待之。督戎踰入。豹自後擊而殺之。范氏之徒在臺後。欒氏乘公門。宣子謂鞅曰：

矢及君屋。死之。鞅用劍以帥卒。欒氏退。攝車從之。遇欒樂。曰：樂免之。死將認女於天。樂射之不中。又注

則乘槐本而覆。或以戟鉤之。斷肘而死。欒魴也。【詁】服虔云：魴盈之子。案世族譜以魴爲欒氏族。杜本

欒盈奔曲沃。晉人圍之。秋。齊侯伐衛。先驅。穀榮御。王孫揮。召揚爲右。申驅。成秩御。莒恆。申鮮虞之傅

摯爲右。釋文：或作申鮮虞之。子傳：摯定本無之。曹開御戎。晏父戎爲右。貳廣。上之登。御邢公。盧蒲癸爲右。啟。【詁】賈逵以

爲左翼曰啓本疏杜取此下同牢成釋文一本御襄罷師狼遽疏爲右肱【詰】賈逵以爲右翼曰肱上同司馬彪

莊子注從旁開曰肱商子車御侯朝桓跳爲右大殿【詰】服虔引司馬法謀帥篇曰大前驅啓乘車大

晨倅車屬焉大晨大殿也本疏商子游御夏之御寇崔如爲右燭庸之越駟乘自衛將遂伐晉晏平仲曰

君恃勇力以伐盟主若不濟國之福也不德而有功憂必及君崔杼諫曰不可臣聞之小國問大國之

敗而毀焉必受其咎君其圖之弗聽陳文子見崔武子曰將如君何武子曰吾言於君君弗聽也以爲

盟主而利其難羣臣若急君於何有子姑止之文子退告其人曰崔子將死乎謂君甚而又過之不得

其死或以謂四字于上下文義似贅疑是杜注誤入正文過君以義猶自抑也況以惡乎齊侯遂伐晉取朝歌【詰】賈逵云晉邑

集解爲二隊入孟門登大行【詰】賈逵云孟門大行皆晉山隘上地理志河內郡野王大行山在西北

此杜本高誘淮南王書注孟門大行之限也穆天子傳北登孟門九河之隈張武軍於熒庭釋文庭本

【詰】服虔云張設旗鼓也本疏戊郟邵【詰】案郟邵晉之一邑省文則止稱爲邵也詳見文六年下太平

寰宇記後魏獻文帝皇興四年置邵郡于垣縣陽壺舊城大統三年又置邵州皆取邵邑爲名封少水

【詰】京相璠曰少水晉地又云少水今沁水也水經注以報平陰之役乃還趙勝帥東陽之師【詰】服虔

云東陽爲魯邑本疏以追之稷晏釐【詰】釋文云釐徐邈音來惠棟云外傳作萊古字通徐音是也八月

叔孫豹帥師救晉次于雍榆禮也【詰】賈氏以爲善次釋例又云禮者言其先救後次爲得禮也本疏季

武子無適子。公彌長而愛悼子。【詁】世本魯季悼子紇生穆伯。穆伯生文伯。文伯生成伯。成伯生

頃。頃爲公父氏。

姓

翼欲立之。訪於申豐曰。彌與紇。吾皆愛之。欲擇才焉而立之。申豐趨退。歸。盡室將行。他

日又訪焉。對曰。其然。將具敝車而行。乃止。訪於臧紇。臧紇曰。飲我酒。吾爲子立之。季氏飲大夫酒。臧紇

爲客。既獻。臧孫命北面重席。新尊絜之。

釋文云。禮本或作尊。又作樽。

【詁】惠棟曰。曹憲文字指歸云。檢字無此。从缶

从木者。說文曰。曾寸。酒官法度也。今之尊卑。從此得名。故尊亦爲君父之稱。今案左傳。惟昭九年公使

尊。尊字不加偏旁。五經文字亦只收尊字。今从改正。召悼子。降逆之。大夫皆起。及旅。而召公鉏。使與之

齒。季孫失色。季氏以公鉏爲馬正。【詁】賈逵云。馬正。家司馬。

御覽。杜取此。

慍而不出。閔子馬見之。曰。【詁】賈

逵云。魯大夫閔馬父。

同上。杜取此。

子無然。禍福無門。惟人所召。爲人子者。患不孝。不患無所敬。共父命。何常

之有。若能孝敬。富倍季氏可也。姦回不軌。禍倍下民可也。公鉏然之。敬共朝夕。恪居官次。季孫喜。使飲

己酒。而以具往。盡舍旃。故公鉏氏富。又出爲公左宰。孟孫惡臧孫。季孫愛之。孟氏之御。騶豐點好羯也。

曰。從余言。必爲孟孫。再三云。羯從之。孟莊子疾。豐點謂公鉏。苟立羯。請讐臧氏。公鉏謂季孫曰。孺子秩

固其所也。若羯立。則季氏信有力於臧氏矣。弗應。己卯。孟孫卒。公鉏奉羯立于戶側。季孫至。入哭而出。

曰。秩焉在。公鉏曰。羯在此矣。季孫曰。孺子長。公鉏曰。何長之有。惟其才也。且夫子之命也。遂立羯。秩奔

邾。臧孫入哭。甚哀。多涕出。其御曰。孟孫之惡子也。而哀如是。季孫若死。其若之何。臧孫曰。季孫之愛我。

疾疢也。高誘呂覽注引作疹下同。孟孫之惡我藥石也。【詰】服虔云石砭石也。南史王僧孺傳案說文砭以石刺病也。戰國

策曰扁鵲怒而投其石。高誘注石砭所以砭彈人癰腫也。美疢不如惡石。夫石猶生我。【詰】服虔云夫

謂孟孫也。本疏。疢之美其毒滋多。孟孫死吾亡無日矣。孟氏閉門告於季孫曰。臧氏將爲亂不使我葬。季

孫不信。臧孫聞之。戒冬十月孟氏將辟藉除於臧氏。臧孫使正夫助之。除於東門。甲從已而視之。孟氏

又告季孫。季孫怒命攻臧氏。乙亥臧紇斬鹿門之關以出奔邾。初臧宣叔娶于鑄。【詰】樂記曰武王未

及下車封帝堯之後于祝。鄭玄注祝或爲鑄。高誘曰鑄讀作祝。案祝鑄古音通。故或作鑄。或作祝。水經

注曰汶水又西逕蛇丘縣故縣治鑄鄉故城。左傳臧宣叔娶于鑄是也。郡國志濟北郡蛇丘有鑄鄉。杜

注亦同。生賈及爲而死。繼室以其姪穆姜之姨子也。生紇長於公宮。姜氏愛之。故立之。臧賈臧爲出在

鑄。臧武仲自邾使告臧賈。且致大蔡焉。曰。紇不佞。失守宗祧。敢告不弔。紇之罪不及不祀。子以大蔡納

請。其可。賈曰。是家之禍也。非子之過也。賈聞命矣。再拜受龜。使爲以納請。遂自爲也。臧孫如防。使來告

曰。紇非能害也。知不足也。非敢私請。苟守先祀。無廢二勳。敢不辟邑。乃立臧爲臧。紇致防而奔齊。其人

曰。其盟我乎。臧孫曰。無辭。將盟臧氏。季孫召外史掌惡臣而問盟首焉。對曰。盟東門氏也。【詰】服虔云

東門遂。襄仲也。居東門。故稱東門遂。史記集解曰。毋或如東門遂。不聽公命。殺適立庶。盟叔孫氏也。曰。毋或

如叔孫僑如。欲廢國常。蕩覆公室。季孫曰。臧孫之罪。皆不及此。孟椒曰。盍以其犯門斬關。季孫用之。乃

盟滅氏曰。毋或如傳。諸本毋誤無。从上傳及釋文改正。滅孫紇。干國之紀。犯門斬關。滅孫聞之曰。國有人焉。誰居。其孟椒

乎。晉人克欒盈于曲沃。盡殺欒氏之族。黨欒魴出奔宋。書曰。晉人殺欒盈。不言大夫。言自外也。齊

侯還自晉。不入。遂襲莒。門于且于。傷股而退。明日將復戰。期于壽舒。杞殖華還載甲。夜入且于之隧。宿

於莒郊。明日先遇莒子於蒲侯氏。莒子重賂之。使無死。曰。請有盟。華周對曰。古今人表作華州。說苑作華舟。貪貨棄命。

亦君所惡也。昏而受命。日未中而奔之。何以事君。莒子親鼓之。從而伐之。獲杞梁。莒人行成。齊侯歸。遇

杞梁之妻於郊。使弔之。辭曰。殖之有罪。何辱命焉。若免於罪。猶有先人之敝廬在下。【詁】服虔以下從

上讀。言敝廬在下。本疏。妾不得與郊弔。【詁】惠士奇曰。士喪君視殮則郊弔。非士禮也。杜注正義並失之。

齊侯弔諸其室。齊侯將爲滅紇。田臧孫聞之。見齊侯。釋文以齊侯絕句。一讀。以見字絕句。案一讀是。與之言伐晉。對曰。多則

多矣。抑君似鼠。夫鼠晝伏夜動。不穴於寢廟。畏人故也。今君聞晉之亂。而後作焉。寧將事之。非鼠如何。

諸本誤作何。如今改正。乃弗與。田仲尼曰。知之難也。有臧武仲之知。而不容於魯國。抑有由也。作不順而施。不怨

也。【詁】服虔云。不順。謂阿季氏廢長立少也。不怨。謂惡孟氏立庶也。本疏。夏書曰。念茲在茲。順事怨施也。

二十四年春。穆叔如晉。范宣子逆之。問焉。曰。古人有言曰。死而不朽。何謂也。穆叔未對。宣子曰。昔句之祖。

自虞以上爲陶唐氏。【詁】水經注。汾水下。引故漢上谷長史侯相碑云。侯氏出自倉頡之後。臨歷殷周。

晉卿士焉斯其膏也。食采攀陽。今蒲坂北亭。卽是城也。據此則劉累又爲倉頡之後。在夏爲御龍氏。在

商爲豕韋氏。【詰】賈逵云。大彭豕韋爲商伯。其後世失道。殷德復興而滅之。本都國志。東都。白馬。有韋

鄉。杜同。在周爲唐杜氏。【詰】賈逵云。宣王殺杜伯。其子逃而奔晉。又云。子輿士。蓋字。武子士會也。本賈

逵國語注。又云。武王封魯後爲唐杜二國。同上。杜。漢書地理志。京兆尹。杜陵。故杜伯國。杜本。晉主夏盟

爲范氏。其是之謂乎。穆叔曰。以豹所聞。此之謂世祿。非不朽也。魯有先大夫曰臧文仲。旣沒其言立。釋

俗本皆作其言立于世。檢元。其是之謂乎。豹聞之。太上有立德。【詰】服以伏義神農當之。言如此之類。

照以前本。則無于世二字。乃其是之謂乎。【詰】服以禹稷當之。言如此之類。乃是立德。本疏。其次有立功。【詰】服以禹稷當之。言如此之類。乃是立功。同上。杜。其次有立言。【詰】服以

史佚周任臧文仲當之。言如此之類。乃是立言。同上。杜。雖久不廢。此之謂不朽。若夫保姓受氏。以守宗

祿。【詰】說文繫門內祭先祖所以徬徨。或从方。世不絕祀。無國無之。祿之大者。不可謂不朽。范宣

子爲政。諸侯之幣重。鄭人病之。二月。鄭伯如晉。子產寓書於子西。以告宣子。曰。子爲晉國。四鄰諸侯不

聞令德。而聞重幣。僑也惑之。僑聞君子長國家者。非無賄之患。【詰】通俗文。財帛曰賄。衆經案上言諸

侯之幣重。則賄字指財帛爲是。而無令名之難。夫諸侯之賄聚於公室。則諸侯貳。若吾子賴之。則晉國

貳。諸侯貳。則晉國壞。晉國貳。則子之家壞。何沒沒也。將焉用賄。夫令名德之輿也。德國家之基也。有基

無壞。無亦是務乎。有德則樂。樂則能久。詩曰。樂旨君子。諸本皆作只。今邦家之基。有令德也。夫上帝臨

女無貳爾心。有令名也。夫恕思以明德，則令名載而行之。是以遠至邇安。毋寧使人謂子，子實生我。而謂子浚我以生乎？【詰】說文：浚，抒也。倉頡：抒，取出也。詩釋文引案：晉語浚民之膏澤以質之。章昭注：杜本此。

浚，煎也。此浚字亦可訓煎。象有齒以焚其身。【詰】服虔云：焚，讀曰債，債，僱也。爲生齒牙僱仆其身。本疏案

杜訓斃，失之。賄也。宣子說，乃輕幣，是行也。鄭伯朝晉，爲重幣，故且請伐陳也。鄭伯稽首，宣子辭，子西相

曰：以陳國之介恃大國，而凌虐於敝邑，寡君是以請罪焉。釋文：一本作是，以請請罪焉。請並七井反。徐上請字音精。敢不稽首。孟

孝伯侵齊，晉故也。夏，楚子爲舟師以伐吳，不爲軍政，無功而還。齊侯既伐晉而懼，將欲見楚子，楚

子使蘧啓疆如齊聘。【詰】匡謬正俗曰：案賈誼新書云：昔者衛侯朝于周，周行人問其名曰：衛辟疆。周

行人還之曰：啓疆辟疆，天子之號也。諸侯弗得用，楚有蘧啓疆，亦其例也。案古今人表作蘧啓疆，則此

字當从居良反爲允。古本疆疆二字同文。陸氏恐牽混，故輒加音切。後人不知，妄爲區別，遂失古意。如

昭元年，叔弓帥師，疆郟。舊本釋文作疆，居良反。偏旁不加土，此一證也。又漢書文帝紀注：師古曰：辟疆，

晉辟梁強梁者。一曰辟讀曰關，疆讀曰疆，辟疆，晉辟土地也。詩：鶴之疆疆，亦音居良反。且請期，齊社蒐

軍實。【詰】注云：蒐，數軍實，兵甲器械。周禮疏。使客觀之。陳文子曰：齊將有寇，吾聞之，兵不戢，必取其族。

秋，齊侯聞將有晉師，使陳無宇從蘧啓疆如楚辭，且乞師。崔杼帥師送之，遂伐莒，侵介根。【詰】郡國志

東萊郡，黔陬，有介亭。杜同此。會于夷儀，將以伐齊，水不克。冬，楚子伐鄭以救齊，門于東門，次于棘澤，諸

侯還救鄭。晉侯使張骼輔躒致楚師。【詁】說文：躒，動也。春秋傳有輔躒。案今本作躒。釋文：昭五年作輔

躒。云本又作躒同。求御于鄭。鄭人卜宛射犬吉。【詁】水經注：漢水又東南逕宛亭。鄭大夫宛射犬之

故邑也。子太叔戒之曰：大國之人不可與也。對曰：無有衆寡，其上一也。太叔曰：不然。部婁無松柏。【釋文】

又作樓。【詁】說文附婁，小土山也。春秋傳曰：附婁無松柏。案部附古字通。應劭風俗通義：李善魏都賦注

引並作培婁。六書正譌云：俗作培婁非也。服虔云：喻小國無賢才知勇之人，而與大國等也。本疏：二子在

幪。【詁】小爾雅：覆幪謂之幪。杜本坐射犬于外，既食而後食之，使御廣車而行，已皆乘乘車，將及楚師

而後從之乘，皆居轉而鼓琴。【詁】案說文尸部居字注云：躒也。从尸，古者居从尸。躒字注云：俗居从足

今定作居。傅氏遜云：轉字从車，與衣裝何異。此必軫字之譌。顧炎武補正：采取傳說，惠棟云：案文選注

引許慎淮南子注云：軫，轉也。或是古軫字，有作轉耳。方言曰：軫謂之枕。郭璞云：車後橫木。邵學士晉涵

云：軫謂車前後兩端橫木，踞之可以鼓琴。杜以爲衣裝，未詳所出。近不告而馳之，皆取冑於囊而冑入

壘，皆下搏人以投，收禽挾囚，弗待而出，皆超乘，抽弓而射，既免，復居轉而鼓琴。曰：公孫同乘，兄弟也。胡

再不謀，對曰：曩者。【詁】說文：曩，不久也。廣雅：曩，鄰也。與爾雅同。志入而已，今則怯也。皆笑曰：公孫之亟

也。楚子自棘澤還，使蘧啓彊帥師送陳無宇。吳人爲楚舟師之役，故召舒鳩人。舒鳩人叛楚，楚子

師于荒浦，使沈尹壽與師祁犁讓之。舒鳩子敬逆二子而告無之，且請受盟。二子復命，王欲伐之，蘧子

曰不可。彼告不叛，且請受盟。而又伐之，伐無罪也。姑歸息民，以待其卒，卒而不貳，吾又何求？若猶叛我，無辭有庸，乃還。陳人復討慶氏之黨，鍼宜咎出奔楚。齊人城郟。【詁】地理志河南郡河南，故郟。

地水經：穀水出宏農，屈池縣穀陽谷東，過河南縣北，入于洛。潁容春秋條例言西城梁門枯水處，世謂

之死穀，是也。水經注案固穀洛關毀王宮，故城郟，是以詳及穀水。穆叔如周聘，且賀城，王嘉其有禮也，賜

之。大路。晉侯嬖程鄭，使佐下軍。鄭行人公孫揮如晉聘，程鄭問焉，曰：「敢問降階，何由？」子羽不能對，歸以語。然明曰：「是將死矣，不然將亡，貴而知懼，懼而思降，乃得其階。下人而已，又何問焉？」且夫既登而求降階者，知人也，不在程鄭，其有亡釁乎？不然，其有感疾，將死而憂也。

二十五年春，齊崔杼帥師伐我北鄙，以報孝伯之師也。公患之，使告于晉。孟公綽曰：「釋文綽，徐【詁】案漢

成陽令唐扶頌云：「朝有公卓，家有參驚，家文惠云：公卓，即孟公綽也。知古本作卓，論語憲問篇釋文云：

公綽，古文作公卓。」崔子將有大志，不在病我，必速歸，何患焉？其來也不寇，使民不嚴，異於他日。齊師徒

歸。齊棠公之妻。【詁】賈逵云：棠公，齊棠邑大夫。史記集解案襄六年齊人滅棠，故棠遂爲齊邑。東郭

偃之姊也。東郭偃，臣崔武子。棠公死，偃御武子以弔焉，見棠姜而美之，使偃取之。釋文取本，偃曰：「男女

辨姓，今君出自丁，臣出自桓。【詁】姓纂：東郭，齊公族，桓公之後也。不可。武子筮之，遇困三三之大過三三。

三史皆曰：【詁】服虔云：皆二卦。本吉，示陳文子。文子曰：「夫從風，風隕，妻不可取也。」諸本作娶，今且其繇

疏本吉，示陳文子。文子曰：「夫從風，風隕，妻不可取也。」諸本作娶，今且其繇

曰困于石。據于蒺藜。石經作藜。下同。宋本亦作藜。今定从藜字作藜。誤。入于其宮。不見其妻。困于石。往不濟也。據于蒺藜。所

恃傷也。入于其宮。不見其妻。凶。無所歸也。崔子曰。蒺也何害。【詰】說文。蒺。無夫也。釋文。蒺。本又作釐。先

夫當之矣。遂取之。莊公通焉。【詰】服虔云。凡淫曰通。疏。驟如崔氏。以崔子之冠賜人。侍者曰。不可。公曰。

不為崔子。其無冠乎。崔子因是。又以其間伐晉也。曰。晉必將報。欲弑公。以說于晉。而不獲間。公鞭侍人

賈舉。而又近之。乃為崔子間公。【詰】服虔云。伺公間隙。史記集解。夏五月。莒為且于之役。故莒子朝于

齊。甲戌。饗諸北郭。崔子稱疾不視事。乙亥。公問崔子。遂從姜氏。姜入于室。與崔子自側戶出。公拊楹而

歌。【詰】史記作擁柱。服虔云。公以為姜氏不知己在外。故歌以命之也。一曰。公自知見欺。恐不得出。故

歌以自悔。前上。杜取。侍人賈舉止衆從者而入閉門。甲與公登臺而請。弗許。請盟。弗許。請自刃於廟。弗

許。皆曰。君之臣杼疾病。不能聽命。【詰】服虔云。言不能親聽公命。同上。杜。近於公宮。【詰】服虔云。崔杼

之宮近公宮。淫者或詐稱公。同上。杜。陪臣干掇。釋文。服本作掇。子須反。謀也。有淫者。【詰】史記。作陪臣

爭趣。惠棟曰。案左傳。掇字亦有作趣者。史記本作干趣。徐廣。後人改為爭趣。非也。二字古皆。說文。掇。夜

戒有所擊也。从手取聲。服虔云。干。扞也。掇。謀也。言受崔子命。扞掇謀淫之人也。疏。不知二命。公踰牆。又

射之。【詰】韓非子。奸劫篇。公踰于北牆。又云。崔子之徒。以戈斫公而死之。中股反隊。遂弑之。賈舉州

綽。邴師公孫敖。封具鐸父。襄伊倮。堙堙皆死。祝佗父祭於高唐。至復命。不說弁而死於崔氏。申蒯侍漁者。

退謂其宰曰爾以帑免我將死其宰曰免是反子之義也與之皆死崔氏殺驪蔑於平陰晏子立於崔氏之門外【詁】賈逵云聞難而來史記集解杜取此其人曰死乎曰獨吾君也乎哉吾死也曰行乎曰吾罪也

乎哉吾亡也曰歸乎曰君死安歸君民者豈以陵民社稷是主臣君者豈爲其口實社稷是養故君爲社稷死則死之爲社稷亡則亡之【詁】服虔云謂以公義爲社稷死亡也如是者臣亦隨之死亡同上杜注

取上若爲己死而爲己亡非其私暱誰敢任之【詁】服虔云言君以己之私欲取死亡之禍則私近之

臣所當任也同上且人有君而弑之吾焉得死之而焉得亡之將庸何歸門啓而入枕尸股而哭興三踊

而出人謂崔子必殺之崔子曰民之望也舍之得民【詁】服虔云置之所以得人心同上盧蒲癸奔晉王

何奔莒叔孫宣伯之在齊也叔孫還納其女於靈公嬖生景公丁丑崔杼立而相之慶封爲左相盟國

人於大宮曰所不與崔慶者晏子釋文本或者下有有如此盟四字後人妄加也仰天歎曰【詁】案高誘呂覽注晏子下復有

晏子二字嬰所不惟忠於君利社稷者是與有如上帝乃歆辛巳公與大夫及莒子盟太史書曰崔杼

弑其君崔子殺之其弟嗣書而死者二人其弟又書乃舍之南史氏聞太史盡死【詁】新序曰南史氏

是其族也服虔云古文篆書一簡八字禮記疏執簡以往聞既書矣乃還閭丘嬰以帷縛其妻而載之【

詁】世本閭丘產生嬰嬰生歐歐生莖莖生施性施廣雅縛束也案昭二十六年縛一如瓊義同杜氏訓

縛爲卷亦是此義與申鮮虞乘而出鮮虞推而下之曰君昏不能匡危不能救死不能死而知匿其暱

其誰納之行及奔中將舍嬰曰崔慶其追我鮮虞曰一與一誰能懼我【詰】廣雅與如也高誘戰國策

注曰如當也案此蓋言一當一耳遂舍枕轡而寢食馬而食駕而行出奔中石經本有中字覆校刊去

道于奔中哀十四年失謂嬰曰速驅之崔慶之衆不可當也遂來奔崔氏側莊公於北郭【詰】案杜注側

慶懼之今攷側字無此義訓鄭司農考工記注側當爲仄此傳義亦當同蓋謂不以正葬莊公也後漢

書注亦云側謂凡爲不正也丁亥葬諸士孫之里四嬰【詰】說文嬰棺羽飾也天子八諸侯六大夫四

士二下垂釋名齊人謂屬爲嬰案說文用禮器文杜注節取此惠棟曰周禮縫人云衣嬰柳之材注云

故書嬰柳作接攢鄭司農接讀曰嬰攢讀爲柳皆棺飾檀弓云周人櫛置嬰春秋傳曰四鞮不蹕先鄭

引檀弓作嬰引左傳作鞮明古文春秋傳本作鞮杜氏改爲嬰失之矣不蹕下車七乘不以兵甲【詰】

服虔云下車遣車也本疏又云上公饗餼九牢遣車九乘禮記疏晉侯濟自泮會於夷儀伐齊以報朝歌之

役齊人以莊公說使隰鉏請成慶封如師男女以班賂晉侯以宗器樂器自六正五吏三十帥【詰】董

遇曰五吏謂一正有五吏爲三十帥之長本疏俗本三十帥爲三十帥非是三軍之大夫百官之正長師

旅及處守者皆有賂晉侯許之使叔向告於諸侯公使子服惠伯對曰君舍有罪以靖小國君之惠也

寡君聞命矣晉侯使魏舒宛沒逆衛侯將使衛與之夷儀崔子止其祭以求五鹿初陳侯會楚子伐

鄭當陳隧者井堙木刊【詰】說文堙塞也刊剗也案今本作堙誤說文刪字亦訓剗是刊有剗除之義

服虔云埋塞刊削也。詩義亦同。杜取服說家語埋又作醜。鄭人怨之。六月。鄭子展子產帥車七百乘伐

陳宵突陳城。遂人之陳侯扶其大子偃師奔墓。遇司馬桓子曰。載余。曰。將巡城。遇賈豸。載其母妻。下之。

而授公車。公曰。舍而母辭曰。不祥。與其妻扶其母以奔墓。亦免。子展命師無入公宮。與子產親御諸門。

陳侯使司馬桓子賂以宗器。陳侯免擁社。【詁】爾雅。鬯。載也。疏引謝氏曰。鬯字又作擁。案擁社。蓋載社

圭。使其衆男女別而纍。以待於朝。子展執紼而見。再拜稽首。承飲而進獻。子美入數俘而出。祝祊社。【

詁】說文。祊。除惡祭也。服虔以爲祝與司徒等。皆是陳人各致其所主于子產。本疏。案杜注誤。當從服說。

司徒致民。司馬致節。司空致地。乃還。秋七月己巳。同盟於重丘。齊成故也。水經注引作同盟。重丘。伐齊故也。趙文子

爲政。令薄諸侯之幣。而重其禮。穆叔見之。謂穆叔曰。自今以往。兵其少弭矣。【詁】詩毛傳。弭。止也。本

此。齊崔慶新得政。將求善於諸侯。武也。知楚令尹。【詁】服以令尹爲屈建。本疏。杜取此。若敬行其禮。道之以

文辭。以靖諸侯。兵可以弭。楚薳子馮卒。屈建爲令尹。屈蕩爲莫敖。舒鳩人卒。叛楚。諸本楚字皆割屬。下句非是。今改正。

令尹子木伐之。及離城。【詁】案杜注云。離城。舒鳩城。殊無所據。今考鍾離在吳楚之間。漢鍾離縣。春秋

時爲鍾離子國。當即此也。吳人救之。子木遽以右師先。子彊。諸本作疆。今從宋本改正。息桓子捷。子駢。子孟帥左師

以退。吳人居其間。七日。子彊曰。久將墊隘。【詁】案墊隘。與成十六年傳同義。隘。說文亦作阨。故下云隘

乃禽也。杜注云。墊隘。虛水雨。非是。隘乃禽也。不加速戰。請以其私卒誘之。簡師陳以待我。我克則進。奔

則亦視之。乃可以免。不然。必爲吳禽。從之五人以其私卒。先擊吳師。吳師奔。登山以望。見楚師不繼。復逐之。傳諸其軍。簡師會之。吳師大敗。遂圍舒鳩。舒鳩潰。八月。楚滅舒鳩。衛獻公入于夷儀。鄭子產

獻捷于晉。戎服將事。晉人問陳之罪。對曰。昔虞闕父止之。遇案此則闕過同音故或作遇也。爲周陶正。

【詰】王應麟曰。有虞氏上陶舜陶河濱。器不苦窳。故周陶正。猶以虞闕父爲之。以服事我先王。我先王

賴其利器用也。與其神明之後也。庸以元女大姬妃胡公。釋文。妃音配。本亦作配。而封諸陳。以備三恪。

【詰】說文。無。敏也。从心。客聲。春秋傳曰。以陳備三箴。徐鉉等曰。今俗作恪。案魏封孔奭碑。又作恪。則我

周之自出。至于今。是賴桓公之亂。蔡人欲立其出。我先君莊公奉五父而立之。蔡人殺之。我又與蔡人

奉戴厲公。至于莊宣。皆我之自立。諸本于作於。夏氏之亂。成公播蕩。又我之自入。君所知也。今陳忘周

之大德。蔑我大惠。弃我姻親。介恃楚衆。以馮陵我敝邑。諸本作憑。从不可億逞。【詰】字林。逞。盡也。杜同

我是以有往年之告。未獲成命。則有我東門之役。當陳隧者。井堙木刊。敝邑大懼不競。而恥大姬。天誘

其衷。啓敝邑心。陳知其罪。授手于我。【詰】惠棟曰。手。古首字。士喪禮曰。載魚左首。進鬻。注云。古文首爲

手。成二年。曹公子首。公羊作手。是也。今案家語作授首于我。攷儀禮大射儀。後首內弦。擗越。鄭注云。古

文後首爲後手。皆古文首手通之證。用敢獻功。晉人曰。何故侵小。對曰。先王之命。惟罪所在。各致其辟。

且昔天子之地一圻。【詰】說文。垠。地垠也。一曰岸也。垠或从斤。案杜注。隨文爲訓。故云圻方千里。同方

百里。今攷周禮大司馬九近之籍。鄭司農云。近當言畿。蓋古圻字。鄭康成引此傳。圻又作畿。是圻近畿。本一字。故詩祈父尙書酒誥卽作圻父。祈招馬融作圻招。亦是其證。此云天子之地一圻。卽詩頌所云邦畿千里也。列國一同。自是以衰。今大國多數圻矣。若無侵小。何以至焉。晉人曰。何故戎服。對曰。我先君武莊爲平桓卿士。城濮之役。文公布命曰。各復舊職。命我文公戎服輔王。以授楚捷。不敢廢王命。故也。士莊伯不能詰。復於趙文子。文子曰。其辭順。犯順不祥。乃受之。冬十月。子展相鄭伯如晉。拜陳之功。子西復伐陳。陳及鄭平。仲尼曰。志有之。言以足志。文以足言。文選注。引作言足。以志文足以言。不言。誰知其志。言之無文。行而不遠。晉爲伯。鄭入陳。非文辭不爲功。慎辭哉。楚爲掩爲司馬。古今人表作蓮奄子木使庀賦。數甲兵。甲午。爲掩書土田。度山林。賈逵以爲賦稅差品。注曰。山林之地。九夫爲度。九度而當一井也。宋本疏二。鳩藪澤。賈逵云。藪澤之地。九夫爲鳩。八鳩而當一井也。同辨京陵。賈逵云。京陵之地。九夫爲辨。七辨而當一井也。同表淳鹵。賈逵云。淳鹵也。說文。鹵。西鹹池也。同又云。淳鹵之地。九夫爲表。六表而當一井也。本上表淳鹵。賈逵云。疆潦之地。九夫爲數。五數而當一井也。同又以疆爲疆。變境。境之地。鄭衆以爲疆界內有水潦者。孫毓讀爲疆潦。注云。沙磧之田也。同規偃豬。賈逵云。偃豬之地。九夫爲規。四規而當一井也。同鄭注。周禮。稻人云。偃豬。畜流水之陂也。町原防。賈逵云。原防之地。九夫爲町。三町而當一井也。同說文。町。田踐處曰町。防隄也。急就篇。頃町界畝。案杜注。本說文及急

就篇。牧隰皋【註】賈逵云。隰皋之地。九夫爲牧。二牧而當一井。同說文。隰。阪下溼也。井。衍沃【註】賈逵云。衍沃之地。畝百爲夫。九夫爲井。又云。下平曰衍。有澗曰沃。本說文。沃。澗灌也。案五經異義。左氏說賦。法積四十九。除山川坑岸三十六井。定出賦者九井。則千里之畿。地方百萬井。除山川坑岸三十六萬井。定出賦者六十四萬井。長轂萬乘。今攷正義載賈侍中說。無此五十四字。又詩崧高正義引左傳舊說。以衍沃之地。九夫爲井。隰皋之地。九夫爲牧。二牧而當一井。量入修賦。賦車。籍馬。賦車兵。徒兵。諸徒兵或誤徒卒。今從石經宋本改正【註】陳樹華云。顧炎武以爲石經卒誤作兵。此顧氏失攷。其說非也。顧氏日知錄又云。執兵者之稱兵。自秦漢始。三代以上無之。亦誤。今攷隱四年諸侯之師。敗鄭徒兵。僖廿八年徒兵干注云。徒兵。步卒。杜氏係用服虔舊說。襄元年敗鄭徒兵于洧上。昭廿年與徒兵以攻荏蒲之盜。哀十年晉卜于此起兵。皆謂士卒也。烏得云始於秦漢。甲楯之數。旣成。以授子木。禮也。十二月。吳子諸樊伐楚。以報舟師之役。門于巢。巢牛臣曰。吳王勇而輕。若啓之。將親門。我獲射之。必殪。是君也。死疆。其少安。從之。吳子門焉。牛臣隱於短牆以射之。卒。楚子以滅舒鳩賞子木。辭曰。先大夫爲子之功也。以與鷺掩。晉程鄭卒。子產始知然明。問爲政焉。對曰。視民如子。見不仁者誅之。如鷹鷂之逐鳥雀也。子產喜。以語子太叔。且曰。他日吾見蔑之面而已。今吾見其心矣。子太叔問政於子產。子產曰。政如農功。日夜思之。思其始而成其終。朝夕而行之。行無越思。如農之有畔。其過鮮矣。衛獻公自夷儀使與甯喜言。

寧喜許之。太叔文子聞之，曰：「烏乎！詩所謂我躬不說，皇恤我後者，寧子可謂不恤其後矣。將可乎哉？殆必不可。君子之行，思其終也，思其復也。」書曰：「慎始而敬終，終以不困。」【詁】案今周書常訓解作愼微，以始而敬，終乃不困。詩曰：夙夜匪解，以事一人。今寧子視君不如弈棋。【詁】說文：弈，从其言，竦兩手而執之。方言：圍棋謂之弈。杜本此其何以免乎？弈者舉棋不定，不勝其耦，而况置君而弗定乎？必不免矣。九世之卿族，一舉而滅之，可哀也哉。」傳會于夷儀之歲，齊人城郟。其五月，秦晉爲成，晉韓起如秦，蒞盟。秦伯車如晉，蒞盟，成而不結。

卷十四

傳襄公三

二十六年春，秦伯之弟鍼如晉修成。叔向命召行人子員，行人子朱曰：「朱也當御。」【詁】蔡邕獨斷：御者，道也。杜本此三云：叔向不應。子朱怒曰：班爵同，何以黜朱於朝？【詁】孔安國書傳：黜，退也。撫劍從之。【詁】王逸：楚詞：章句：撫，持也。廣雅：同。叔向曰：秦晉不和久矣，今日之事，幸而集。【詁】小爾雅：集，成也。晉國賴之，不集，三軍暴骨。子員道二國之言，無私子常易之，姦以事君者，吾所能御也。【詁】詩：毛傳：御，禦也。拂衣從之。人救之。平公曰：晉其庶乎！吾臣之所爭者，大師曠曰：公室懼卑，臣不心競而力爭，不務德而爭善。

私欲已侈，能無卑乎？衛獻公使子鮮爲復辭，敬嬖強命之，對曰：君無信，臣懼不免。敬嬖曰：雖然，以吾故也。許諾初，獻公使與寧喜言，寧喜曰：必子鮮在，不然必敗。故公使子鮮，子鮮不獲命於敬嬖，以公命與寧喜言曰：苟反政由寧氏，祭則寡人。寧喜告蘧伯玉，伯玉曰：瑗不得聞君之出，敢聞其入，遂行。從近關出，告右宰穀，右宰穀曰：不可。獲罪於兩君，天下誰畜之？悼子曰：吾受命於先人，不可以貳。穀曰：我請使焉而觀之。遂見公于夷儀，反曰：君淹恤在外。【註】爾雅：淹，久也。此杜本。十二年矣，而無憂色，亦無寬言，猶夫人也。若不已，死無日矣。悼子曰：子鮮在，右宰穀曰：子鮮在何益？多而能亡於我，何爲？悼子曰：雖然，弗可以已。孫文子在戚，孫嘉聘於齊，孫襄居守。二月庚寅，寧喜右宰穀伐孫氏，不克。伯國傷，寧子出舍於郊，伯國死，孫氏夜哭。國人召寧子，寧子復攻孫氏，克之。辛卯，殺子叔及太子角。【註】服虔云：殺太子角，不書，舉重者。本疏：按子叔卽寤公也。杜注以爲剽無蹤，謬。書曰：寧喜弑其君，剽言罪之在寧氏也。孫林父以戚如晉，書曰：入于戚，以叛罪孫氏也。臣之祿，君實有之，義則進，否則奉身而退。專祿以周旋，戮也。【註】服虔云：專祿，謂以戚叛也。既叛衛，又不臣于晉，自謂若小國，是爲專祿。同。甲午，衛侯入，書曰：復歸國納之也。大夫逆於竟者，執其手而與之言，道逆者，自車揖之，逆於門者，領之而已。【註】說文：領，低頭也。春秋傳曰：迎于門，領之而已。釋文本作領，按說文：領，面黃也。此領當作頤，爲是。衆經音義釋說文：頤，搖其頤也。杜注取之，然音義所據，未知何本。疑屬服氏通俗文等義，元應誤以爲說文也。廣雅：頤，動也。

張澹注列子曰：頌猶指頭也。皆與杜義同。公至，使讓大叔文子曰：寡人淹恤在外，二三子皆使寡人朝夕聞衛國之言，吾子獨不在寡人。古人有言曰：非所怨勿怨，寡人怨矣。對曰：臣知罪矣，臣不佞，不能負羈縻，以從扞牧圉，臣之罪一也。有出者，有居者，臣不能貳。通外內之言以事君，臣之罪二也。有二罪，敢忘其死，乃行從近，闕出，公使止之。衛人侵戚，東鄙孫氏愬於晉。晉戍茅氏，殖綽伐茅氏，殺晉戍三百人，孫蒯追之，弗敢擊。文子曰：厲之不如，遂從衛師，敗之圉。雍鉏獲殖綽，復愬於晉。鄭伯賞入陳之功。三月甲寅朔，享子展，賜之先路三命之服，先八邑。【詁】服虔云：四井爲邑。史記集解：賜子產次路再命之服，先六邑。子產辭邑曰：自上以下，降殺以兩。諸本降詁陰从定本改正。漢書章元成傳引春秋傳卽作降殺。【詁】廣雅：麻，差也。麻降同。按麻隆字近，故誤禮也。臣之位，在四且子展之功也。臣不敢及賞禮，請辭邑。公固予之，乃受三邑。公孫揮曰：子產其將知政矣，讓不失禮。晉人爲孫氏故，召諸侯，將以討衛也。夏，中行穆子來聘。【詁】淮南王書：中行穆伯手搏虎。高誘注曰：中行穆伯，晉臣也。力能搏生虎也。按淮南所稱高氏，指爲晉臣，當郟荀吳，召公也。楚子秦人侵吳，及零婁，聞吳有備而還，遂侵鄭。五月，至於城麇，鄭皇頡戍之，出與楚師戰，敗，穿封戌囚皇頡。公子圍與之爭之，正於伯州犂。伯州犂曰：請問於囚，乃立囚。伯州犂曰：所爭，君子也，其何不知，上其手曰：夫子爲王子圍，寡君之貴介弟也，下其手曰：此子爲穿封戌，方城外之縣尹也。誰獲子，囚曰：頡遇王子弱焉。【詁】說文：弱，棧也。杜注：弱，取也。義亦同。戌怒，抽戈逐王子圍，弗及。楚人以皇

頡歸。印堇父與皇頡戍城麇。楚人囚之。以獻於秦。鄭人取貨於印氏。以請之。子大叔爲令。正以爲請。子產曰。不獲受楚之功。而取貨於鄭。不可謂國。秦不其然。請本作秦。其不然。今從定本改正。若曰拜君之勤。鄭國微君之惠。楚師其猶在敝邑之城下。其可弗從。遂行。秦人不予。更幣從子產。而後獲之。六月。公會晉趙武。宋

向戌。鄭良霄。曹人于澶淵。以討衛。疆戚田。取衛。西鄙懿氏六十。【詰】服虔云。六十邑。本疏。劉炫以服說爲

是。以與孫氏。趙武不書。尊公也。向戌不書。後也。鄭先宋。不失所也。於是衛侯會之。晉人執寧喜。北宮遺

使女齊。以先歸。衛侯如晉。晉人執而囚之。於士弱氏。秋七月。齊侯鄭伯爲衛侯故。如晉。晉侯兼享之。晉

侯賦嘉樂。【詰】服虔云。晉侯有嘉樂。愚之甚也。同上。國景子相齊侯。賦蓼蕭。子展相鄭伯。賦緇衣。叔向命

曰。晉君宜其明德於諸侯。恤其患而補其闕。正其違而治其煩。所以爲盟主也。今爲臣執君。若之何。叔

向告趙文子。文子以告晉侯。晉侯言衛侯之罪。使叔向告二君。國子賦鸞之柔矣。子展賦將仲子兮。釋文

本亦無兮字。此依詩序。晉侯乃許歸衛侯。叔向曰。鄭七穆。罕氏其後亡者也。子展儉而壹。初。宋芮司徒生女子。

【詰】服虔云。芮司徒宋大夫。御覽。杜取此。赤而毛。【詰】服虔云。其身色赤。而生毛也。同上。棄諸堤下。五行志引

下。其姬之妾。取以入。【詰】服虔云。共姬宋伯姬也。同上。杜取此。名之曰棄。長而美。平公入夕。【詰】服虔云。視

夕也。平公共姬子。同上。杜取此。其姬與之食。公見棄也。而視之尤。【詰】服虔云。尤。過也。意說之視之過久。同上。

姬納諸御【詁】服虔云納之平公之御上。嬖生佐【詁】服虔云嬖棄而生佐。佐立爲宋元公。同。惡而婉。

【詁】說文。婉順也。春秋傳曰。大子瘞婉。按今傳作佐。惡而婉。大子瘞美而狠。此云大子瘞婉。疑誤也。服

虔亦云。婉順也。佐貌。惡心順。同上。杜。大子瘞美而狠。【詁】服虔云。大子貌美而心狠。狠戾不從教。同上。杜。取

此。合左師畏而惡之。【詁】服虔云。合左師向戍也。同上。杜。寺人惠牆伊戾爲大子內師而無寵。釋文。牆

音。【詁】服虔云。寺人宋闞。惠伊皆發聲。實爲牆戾。以公寺人爲大子內師。掌內官。同上。秋。楚客聘於晉。過

宋。【詁】服虔云。楚客道過宋。同上。大子知之。請野享之。公使往。伊戾請從之。公曰。夫不惡女乎。【詁】服虔

云。夫爲大子。伊戾無寵于大子。故曰。夫不惡女。同上。對曰。小人之事君子也。惡之不敢遠。好之不敢近。敬

以待命。敢有貳心乎。縱有其外。莫共其內。【詁】服虔云。言我內師也。當爲內師。共內使。同上。臣請往也。

遣之。至則欲用牲。加書徵之。【詁】服虔云。以書爲之徵驗也。書盟書也。同上。而聘告公曰。大子將爲亂。既

與楚客盟矣。公曰。爲我子。又何求。對曰。欲速。【詁】服虔云。速疾也。欲疾代公得位。故與楚客謀弑其父

也。同上。杜。公使視之。則信有焉。【詁】服虔云。有明徵也。同上。杜。問諸夫人。【詁】服虔云。夫人佐母棄也。

取此。同上。杜。與左師。則皆曰。罔聞之。【詁】服虔云。罔。久也。久聞。大子欲爲亂。同上。公囚大子。大子曰。惟佐也能

免我。召而使請曰。日中不來。吾知死矣。左師聞之。【詁】服虔云。聞。太子與佐期日中。同上。聒而與之語。【

詁】說文。聒。謹語也。服亦云。聒。謹也。欲使失期於佐。同上。杜。按服杜皆用說文。過期。乃縊而死。佐爲大

子【詰】服虔云。經書宋公殺其世子。楚平公用伊戾之譖。聽夫人左師之言。世子無罪而死。故稱宋公

殺罪之也。同上。公徐聞其無罪也。乃亨伊戾。左師見夫人之步馬者。廣韻引作馱馬云。習馬。孫

君夫人氏也。左師曰。誰爲君夫人。余胡弗知。圉人歸以告夫人。【詰】正義云。夫人氏者。氏猶家也。惠棟

云。非也。奔本芮司徒女與宋同姓。故不云某氏始言君夫人氏。後言君之妾奔也。公羊傳曰。宋三世無

大夫。三世內娶也。夫人使饋之錦與馬。先之以玉。曰。君之妾棄。使某獻。左師改命曰。君夫人。而後再拜

稽首受之。鄭伯歸自晉。使子西如晉聘。辭曰。寡君來煩執事。懼不免於戾。使夏謝不敏。君子曰。善事

大國。初。楚伍參與蔡大師子朝友。其子伍舉與聲子相善也。伍舉娶於王子牟。王子牟爲申公而亡。

楚人曰。伍舉實送之。伍舉奔鄭。將遂奔晉。聲子將如晉。遇之於鄭郊。班荆相與食。而言復故。【詰】鄭司

農周禮注。班布也。杜本聲子曰。子行也。吾必復子。及宋向戌將平晉楚。聲子通使於晉。還如楚。令尹子

木與之語。問晉故焉。且曰。晉大夫與楚孰賢。對曰。晉卿不如楚。其大夫則賢。皆卿材也。如杞梓皮革。【

詰】詩毛傳。杞。木名。說文。梓。楸也。杜注自楚往也。雖楚有材。晉實用之。子木曰。夫獨無族姻乎。對曰。雖

有。而用楚材實多。歸生聞之。善爲國者。賞不僭而刑不濫。賞僭則懼及淫人。刑濫則懼及善人。若不幸

而過。寧僭無濫。與其失善。寧其利淫。無善人。則國從之。詩曰。人之云亡。邦國殄瘁。漢書王莽傳。引作殄頽。【詰】詩

毛傳。殄。盡也。瘁。病也。杜本無善人之謂也。故夏書曰。與其殺不辜。寧失不經。懼失善也。商頌有之曰。不

僭不濫。不敢怠皇。命于下國。封建厥福。此湯所以獲天福也。古之治民者。勸賞而畏刑。恤民不倦。賞以春夏。刑以秋冬。是以將賞爲之加膳。加膳則飫賜。【詁】說文。飫。燕食也。此以知其勸賞也。將刑爲之不舉。不舉則徹樂。此以知其畏刑也。夙興夜寐。朝夕臨政。此以知其恤民也。三者禮之大節也。有禮無敗。今楚多淫刑。其大夫逃死於四方而爲之謀主。以害楚國。不可救療。【詁】說文。療。治也。療。或从療。方言。療。治也。此。本。所謂不能也。子儀之亂。析公奔晉。晉人寘諸戎車之殿。以爲謀主。繞角之役。晉將遁矣。析公曰。楚師輕窳。易震蕩也。若多鼓鈞聲。以夜軍之。【詁】賈服並云。均同也。鈞。均同也。此。取。楚師必遁。晉人從之。楚師宵潰。晉遂侵蔡。襲沈。獲其君。敗申息之師於桑隧。獲申麗而還。鄭於是不敢南面。楚失華夏。則析公之爲也。雍子之父。兄譖雍子。君與大夫。【諸本大夫並譌。夫人从宋本改。不善是也。雍子奔晉。晉人與之郟。【詁】說文。郟。晉邢侯邑。以爲謀主。彭城之役。晉楚遇于靡角之谷。【諸本皆誤作晉。遇楚于靡角之谷。今从宋本改正。】晉將郟文。雍子發命於軍曰。歸老幼。反孤疾。二人役。歸一人。簡兵蒐乘。秣馬蓐食。師陳焚次。明日將戰。行歸者而逸。楚囚。楚師宵潰。晉降彭城。而歸諸宋。以魚石歸。楚失東夷。子辛死之。則雍子之爲也。子反與子靈爭夏姬。而雍害其事。子靈奔晉。晉人與之邢。以爲謀主。扞禦北狄。通吳於晉。教吳叛楚。教之乘車射御。驅侵。使其子狐庸爲吳行人焉。吳於是伐巢。取棘。棘入州來。楚罷於奔命。至今爲患。則子靈之爲也。若敖之胤。伯賁之子。賁皇奔晉。晉人與之苗。【詁】水經注。潁水逕苗亭。四亭。故周之苗邑。以爲謀主。鄢陵之役。

楚晨厭諸本作壓今釋文改正晉軍而陳晉將遁矣苗賁皇曰楚師之良在其中軍王族而已若塞井夷竈【詰】

鄭衆云此范匄所言苗賁皇亦言之故聲子引以為喻本疏成陳以當之【詰】變范易行以誘之【詰】賈逵鄭

衆皆讀易為變易之易賈以行為道也樂為將范為佐二人分中軍別將之欲使樂與范易道令范先

誘楚樂以良卒從而擊之鄭謂易行中軍與下軍易卒伍也同又云中軍之卒良故易之國語今按楚

語說此事云雍子謂樂書曰楚師可料也在中軍王族而已若易中下楚必歆之章昭注云中下中軍

之上下也賈此注蓋本國語立說正義譏之非是中行二郤必克二穆吾乃四萃於其王族必大敗之

晉人從之楚師大敗王夷師燬【詰】小爾雅夷傷也燬滅也字林吳楚之間謂火滅為燬子反死之鄭

叛吳與楚失諸侯則苗賁皇之為也外傳作讎子子木曰是皆然矣聲子曰今又有甚於此椒舉娶于

申公子牟外傳作湫舉下椒鳴作湫鳴子牟得戾而亡君大夫謂椒舉女實遣之懼而奔鄭引領南望曰庶幾赦余

亦弗圖也今在晉矣晉人將與之縣以比叔向彼若謀害楚國豈不為患子木懼言諸王益其祿爵而

復之聲子使椒鳴逆之許靈公如楚請伐鄭曰師不興孤不歸矣八月卒于楚楚子曰不伐鄭何以

求諸侯冬十月楚子伐鄭鄭人將禦之子產曰晉楚將平諸侯將和楚王是故昧於一來【詰】劉達吳

都賦注昧冒也杜本此不如使逞而歸乃易成也夫小人之性變於勇【詰】賈鄭先儒皆以豐為動也王

肅云豐為自矜奮以夸人王延壽魯靈光殿賦云佐奮豐以軒鬣是豐為奮動之意也本疏杜奮於禍

【詁】說文：簡，愛濇也。廣雅：簡，貪也。此杜本以足其性而求名焉者，非國家之利也。若何從之？子展說：不御

寇。十二月乙酉，入南里，墮其城，涉於樂氏，門于師之梁，縣門發，獲九人焉。涉于汜而歸。【詁】京相璠曰：

汜，城周襄王居之，故曰襄城也。今置闕于其下。注水經而後葬許靈公。衛人歸衛姬于晉，乃釋衛侯。君

子是以知平公之失政也。晉韓宣子聘於周，王使請事，對曰：晉士起。曲禮疏引傳文作將歸時事於

宰旅，無他事矣。王聞之曰：韓氏其昌阜於晉乎？辭不失舊。齊人城郟之歲，其夏齊烏餘以廩丘奔晉。

【詁】地理志：東郡廩丘縣。杜本襲衛羊角，取之。【詁】京相璠曰：衛邑也。今東平廩丘縣南有羊角城。水經

同此。遂襲我高魚。【詁】京相璠曰：高魚，魯邑也。今廩丘縣東北有故高魚城，俗謂之交魚城。同上杜服

虔云：取魯高魚及反之，皆不齊。蓋諱之。疏本有大雨，自其竇入，介于其庫，以登其城，克而取之。又取邑于

宋，於是范宣子卒。諸侯弗能治也。及趙文子爲政，乃卒治之。文子言於晉侯曰：晉爲盟主，諸侯或相侵

也，則討而使歸其地。今烏餘之邑，皆討類也，而貪之，是無以爲盟主也。請歸之。公曰：諾，孰可使也？對曰：

晉梁帶能無用師，晉侯使往。

二十七年春，晉梁帶使諸喪邑者具車徒以受地，必周。【詁】章昭國語注：周密也。杜本使烏餘具車徒以

受封，烏餘以其衆出，使諸侯僞效烏餘之封者，而遂執之，盡獲之，皆取其邑而歸諸侯。諸侯是以睦於

晉。齊慶封來聘，其車美。孟孫謂叔孫曰：慶季之車不亦美乎？叔孫曰：豹聞之，服美不稱，必以惡終。美

車何爲。叔孫與慶封食不敬，爲賦相鼠，亦不知也。衛寧喜專公患之，公孫免餘請殺之。公曰：「微寧子不及此，吾與之言矣。」事未可知，祇成惡名止也。對曰：「臣殺之，君勿與知，乃與公孫無地。」公孫臣謀使攻寧氏，弗克，皆死。公曰：「臣也無罪，父子死余矣。」夏，免餘復攻寧氏，殺寧喜及右宰穀，尸諸朝。石惡將會宋之盟，受命而出，衣其尸，枕之股而哭之，欲斂以亡，懼不免。且曰：「受命矣，乃行。」子鮮曰：「逐我者，山納我者，死，賞罰無章，何以沮勸？君失其信，而國無刑，不亦難乎？」且縛實使之，遂出奔晉。公使止之，不可。及河，又使止之，止使者而盟於河，託於木門，不鄉衛國而坐。釋文：鄉本亦作嚮。木門大夫勸之仕，不可。曰：「仕而廢其事，罪也。從之，昭吾所以出也。將誰愬乎？吾不可以立於人之朝矣。」終身不仕。公喪之，如稅服終身。【詰】服虔云：「衰麻已除，日月已過，乃聞喪而服，是爲稅服，服之輕者。」同。按稅與稅古字通。公與免餘邑六十，辭曰：「惟卿備百邑。」【詰】杜注：「此一乘之邑，非四井之邑。」惠棟按：熊安生禮記義疏云：「卿備百邑者，鄭志以爲邑方二里，與百乘別。」臣六十矣。下有上祿，亂也。臣弗敢聞，且寧子惟多邑，故死。臣懼死之速及也。公固與之受其半，以爲少帥，公使爲卿，辭曰：「太叔儀不貳，能贊大事，君其命之。」乃使文子爲卿。宋向戌善於趙文子，又善於令尹子木，欲弭諸侯之兵，以爲名。【詰】周禮：「小祝，彌災兵。」杜子春讀弭如彌，兵之彌，鄭玄云：「彌，讀如救安也。」按弭，彌古字通。如晉告趙孟，趙孟謀於諸大夫，韓宣子曰：「兵民之殘也，財用之。」【詰】說文：「蠶，水中蟲。」李巡爾雅注：「同。」高誘戰國策注：「曰蠶，害也。」按杜注：「蓋兼取二義。」小國之大蓄

也將或弭之。雖曰不可，必將許之。弗許，楚將許之以召諸侯。則我失爲盟主矣。晉人許之。如楚，楚亦許之。如齊，齊人難之。陳文子曰：「晉楚許之，我焉得已。且人曰：弭兵而我弗許，則固攜吾民矣。將焉用之？齊人許之，告於秦，秦亦許之，皆告於小國，爲會於宋。五月甲辰，晉趙武至於宋。丙午，鄭良霄至於宋。六月丁未朔，宋人享趙文子，叔向爲介，司馬置折俎禮也。仲尼使舉是禮也，以爲多文辭。」【詁】服虔云：以其多文辭，故特舉而用之。後世謂之孔氏聘辭。以孔氏有其辭，故傳不復載也。疏本戊申，叔孫豹齊慶封陳須無衛石惡至。甲寅，晉荀盈從趙武至。丙辰，邾悼公至。壬戌，楚公子黑肱先至，成言於晉。丁卯，宋向戌如陳。石經本作宋向戌，後刊去宋字，以文義例之，不必有也。自宋本以下，似皆衍一宋字。從子木成言於楚。戊辰，滕成公至。子木謂向戌：「請晉楚之從交相見也。」庚午，向戌復於趙孟。趙孟曰：「晉楚齊秦匹也，晉之不能於齊，猶楚之不能於秦也。楚君若能使秦君辱於敝邑，寡君敢不固請於齊。」壬申，左師復言於子木。子木使駟謁諸王。【詁】爾雅：駟，傳也。謁，告也。杜本王曰：「釋齊秦他國，請相見也。」秋七月戊寅，左師至。是夜也，趙孟及子皙盟，以齊言。庚辰，子木至。自陳，陳孔奐、蔡公、孫歸生至。曹許之大夫皆至，以藩爲章。外傳作蕃。晉楚各處其偏。伯夙謂趙孟曰：「【詁】服虔云：伯夙，晉大夫。其意以爲別有伯夙，非荀盈也。疏本楚氛甚惡。」【詁】說文：氛，祥氣也。王逸：楚辭：章句云：氛，惡氣也。按杜注略同。懼難。趙孟曰：「吾左還入於宋，若我何？辛巳，將盟於宋西門之外。楚人衷甲。伯州犂曰：「合諸侯之師，以爲不信，無乃不可乎？夫諸侯望信於楚，是以來服。若不信，是弃其所以服諸侯。」

也。固請釋甲。子木曰：晉楚無信久矣。事利而已。苟得志焉。焉用有信。大宰退。告人曰：令尹將死矣。不及三年。求逞志而弃信。志將逞乎。志以發言。言以出信。信以立志。參以定之。信亡。何以及三。趙孟患楚衷甲。以告叔向。叔向曰：何害也。匹夫一爲不信。猶不可。單斃其死。【詁】說文：殲，殲盡也。弊，頓仆也。按單當作殲。斃當作弊。容古字通。杜注：單，盡也。斃，踣也。義亦略同。若合諸侯之卿。以爲不信。必不捷矣。食言者不病。非子之患也。夫以信召人。而以僭濟之。必莫之與也。安能害我。且吾因宋以守病。【詁】陸遜云：病字疑當屬下讀。顧炎武以爲然。則夫能致死。與宋致死。雖倍楚可也。宋本致死下有與宋致死四字。今據增入。子何懼焉。又不及是。曰：弭兵以召諸侯。而稱兵以害我。吾庸多矣。非所患也。季武子使謂叔孫以公命曰：視邾滕。旣而齊人請邾。宋人請滕。皆不與盟。叔孫曰：邾滕人之私也。我列國也。何故視之。宋衛吾匹也。乃盟。故不書其族。言違命也。【詁】賈逵云：叔孫義也。魯疾之非也。服虔云：叔孫欲爭魯國。不爲人私。雖以違命見賤。其于尊國之義得之。本疏。晉楚爭先。晉人曰：晉固爲諸侯盟主。未有先晉者也。楚人曰：子言晉楚匹也。若晉常先是。楚弱也。且晉楚狎主諸侯之盟也久矣。豈專在晉。叔向謂趙孟曰：諸侯歸晉之德。只非歸其尸盟也。【詁】廣雅：只辭也。詩：毛傳：尸，主也。杜本此。子務德。無爭先。且諸侯盟。小國固必有尸盟者。楚爲晉細。不亦可乎。乃先楚人書先晉。晉有信也。壬午。宋公兼享晉楚之大夫。趙孟爲客。【詁】服虔云：楚君恆以大夫爲賓者。大夫卑。雖尊之。猶遠君也。楚先歆爲盟主。故尊趙孟爲客。本疏。子木與之言。弗能對。使

叔向待言焉。子木亦不能對也。乙酉，宋公及諸侯之大夫盟於蒙門之外。子木問於趙孟曰：「范武子之德何如？」對曰：「夫子之家事治，言於晉國無隱情，其視史陳信於鬼神，無愧辭。子木歸以語王，王曰：『尙矣哉！能敬神人。』」【詁】說文：敬，食氣也。宜其光輔五君以爲盟主也。王符引作宜。其股肱五君。【詁】服虔云：文公爲戎有。

襄靈爲大夫，成公爲卿，景公爲太傅也。本疏：子木又語王曰：『宜晉之伯也。』有叔向以佐其卿，楚無以當之。

不可與爭。晉荀盈遂如楚涖盟。鄭伯享趙孟于垂隴。子展伯有子西子產子大叔二子石從。趙孟曰：

「七子從君，以寵武也。請皆賦以卒君貺。」文選注：引作請皆賦。詩以卒君貺。武亦以觀七子之志。子展賦「草蟲」。趙孟曰：「善哉！民之主也。抑武也不足以當之。」伯有賦「鶉之賁賁」。按：詩賁，賁作奔奔，音義並通。趙孟曰：「牀第之言不喻闕。」【詁】說文：第，牀簣也。服虔云：簣謂之第。史記集解：杜取此。況在野乎？非使人之所得聞也。子西賦「黍苗」之四章。趙孟曰：「寡君在，武何能焉？」子產賦「隰桑」。趙孟曰：「武請受其卒章。」子大叔賦「野有蔓草」。趙孟曰：

「吾子之惠也。」印段賦「蟋蟀」。趙孟曰：「善哉！保家之主也。吾有望矣。」公孫段賦「桑扈」。趙孟曰：「匪交匪敖。」【詁】

詩作彼交匪敖。梁履繩曰：成十四年傳引此文，又作彼交匪敖，何以互異？蓋古文有以彼作匪字用者。

襄八年傳：如匪行邁謀。杜注云：匪，彼也。與鄭箋異。今按：廣雅亦云：匪，彼也。蓋杜注所本。福將焉往？若保

是言也。欲辭福祿得乎？卒享。文子告叔向曰：『伯有將爲戮矣。』詩以言志，志誣其上，而公怨之，以爲賓榮。

其能久乎？幸而後亡。叔向曰：『然，已侈。』所謂不及五稔者。【詁】廣雅：稔，年也。釋文：穀一熟爲一年。杜本：夫

廣雅：夫

夫

夫

夫

子之謂矣。文子曰：其餘皆數世之主也。子展其後亡者也。在上不忘降。印氏其次也。樂而不荒。樂以安民。不淫以使之。後亡不亦可乎？宋左師請賞曰：請免死之邑。【詰】服虔云：向戌自以止兵，民不戰，剛

自矜其功，故求免死之賞也。本疏。公與之邑六十，以示子罕。子罕曰：凡諸侯小國，晉楚所以兵威之，畏而

後上下慈和，慈和而後能安靖其國家，以事大國，所以存也。無威則驕，驕則亂生，亂生必滅，所以亡也。

天生五材，民並用之，廢一不可，誰能去兵？兵之設久矣，所以威不軌而昭文德也。高誘呂覽注：引

以興亂人以廢，高誘引作聖人以治亂人以亡王。廢與存亡昏明之術，皆兵之由也。而子求去之，不亦

誣乎？以誣道蔽諸侯。【詰】釋文云：蔽，服虔王肅董遇並作弊。服虔云：斃，暗也。一曰：罷也。王肅董遇謂以

誣入之道，掩諸侯也。本疏。惠棟曰：蔽與弊通。昭十四年傳云：叔魚蔽罪邢侯。周禮大司寇職曰：以邦成弊

之鄭衆曰：蔽之斷其獄訟也。是蔽與弊通。罪莫大焉。縱無大討，而又求賞，無厭之甚也。削而投之，左師

辭邑，向氏欲攻司城。左師曰：我將亡，夫子存我，德莫大焉。又可攻乎？君子曰：彼已之子，邦之司直，樂喜

之謂乎？何以恤我，我其收之。【詰】顧炎武云：見周頌。惠棟按頌曰：假以溢我。說文及廣韻引詩曰：饑以

謚我，與何音相近。伏生尚書維刑之謚哉。古文作恤，慎也。故毛傳亦訓溢為慎。今傳作恤，與毛鄭意

合。古溢謚字通。鄭氏訓為盈溢，失之。杜氏訓恤為憂，尤誤。說文云：饑，嘉善也。毛傳訓假為嘉義，亦同。向

戌之謂乎。齊崔杼生成及彊而寡。【詰】爾雅：寡，罕也。說文：寡，少也。按杜注：寡，特也。特亦罕少之義。小

爾雅凡無妻無夫通謂之寡。墨子辭過篇云內無拘女外無寡夫。又云天下之男多寡無妻女多拘無夫。娶東郭姜生明。東郭姜以孤入曰棠无咎。諸本作無今从石經改正釋文本亦作无與東郭偃相崔氏。崔成有疾而廢之。

而立明。成請老子崔。詁鄭道元云瀟水又東北逕著縣故城南。又東北逕崔氏城。即襄二十七年。崔

成請老子崔氏者也。崔子許之。偃與无咎弗子。曰崔宗邑也。必在宗主。成與彊怒將殺之。告慶封曰。夫

子之身亦子所知也。惟无咎與偃是從。父兄莫得進矣。大恐害夫子。敢以告。慶封曰。子姑退。吾圖之。告

盧蒲癸。呂覽作盧蒲癸。詁賈遠云癸齊大夫。慶封之屬。史記集解杜取此。盧蒲癸曰。彼君之讎也。天或者將弃彼矣。

彼實家亂。子何病焉。崔之薄。慶之厚也。他日又告。慶封曰。苟利夫子。必去之。難。吾助女。九月庚辰。崔成

崔疆殺東郭偃棠。无咎於崔氏之朝。崔子怒而出。其衆皆逃。求人使駕。不得。使圉人駕。詁鄭玄儀禮

注。圉養馬者。杜本此。寺人御而出。且曰。崔氏有福。止余猶可。遂見慶封。慶封曰。崔慶一也。是何敢然。請爲

子討之。使盧蒲癸帥甲以攻崔氏。崔氏堞其宮而守之。詁釋名。堞取其重疊之義也。按堞其宮。當亦

此義。杜以爲短垣。轉迂曲。弗克。使國人助之。遂滅崔氏。殺成與彊。而盡俘其家。其妻縊。癸復命於崔子。

且御而歸之。至則無歸矣。乃縊。詁呂覽慎行篇。崔杼歸無歸因而自絞也。崔明夜辟諸大墓。詁按

一說。辟疑當作避。逃之大墓以辟難也。或曰。開先人之冢以藏杼尸。辛巳。崔明來奔。慶封當國。楚蘧

罷如晉。泄盟。晉侯享之。將出。賦既醉。叔向曰。遷氏之有後於楚國也。宜哉。承君命。不忘敏。子蕩將知政。

矣。敏以事君，必能養民，政其焉往。崔氏之亂，申鮮虞來奔，樸貸於野，以喪莊公。冬，楚人召之，遂如楚。爲右尹。【詰】說文：賃庸也。十一月乙亥朔，日有食之。辯在申。律歷志引作：於是辰在申。司歷過也，再失閏矣。

二十八年春，無冰。梓慎曰：今茲宋鄭其饑乎。歲在星紀，而淫於元枵。【詰】說文：春秋傳曰：歲在元枵。元枵，虛也。以有時，蓄陰不堪陽。【詰】服虔云：歲爲陽，元枵爲陰，歲乘陰進至元枵，陰不勝陽，故溫無冰。疏：蛇

乘龍，龍，宋鄭之星也。宋鄭必饑。元枵，虛中也。枵，耗名也。耗字从釋文：石經改正。土虛而民耗，不饑何爲。夏，齊侯

陳侯、蔡侯、北燕伯、杞伯、胡子、沈子、白狄朝于晉。宋之盟故也。齊侯將行，慶封曰：我不與盟，何爲於晉。陳文子曰：先事後賄，禮也。小事大，未獲事焉，從之如志，禮也。雖不與盟，敢叛晉乎。重丘之盟，未可忘也。子

其勸行。衛人討寧氏之黨，故石惡出奔晉。【詰】按此當以故字爲句，衛人立其從子圃，以守石氏之祀，禮也。邾悼公來朝，時事也。秋八月，大雩，旱也。蔡侯歸自晉，入于鄭。鄭伯享之，不敬。子產曰：蔡

侯其不免乎。曰：其過此也。君使子展廷勞於東門之外。【詰】說文：廷，往也。杜本：此。而傲。吾曰：猶將更之。今還，受享而惰，乃其心也。五行志引：君小國，事大國。釋文：古本無小字。正義曰：晉宋古本及王肅注皆如

按石經亦有小字。漢書引傳亦有小字。而惰，傲以爲己心，將得死乎。若不免，必由其子。其爲君也，淫而不父，僑聞之。如是者，恆有子禍。五行志引作：必有子禍。孟孝伯如晉，告將爲宋之盟，故如楚也。蔡侯之如晉也，鄭伯使游吉如楚

及漢，楚人還之，曰：宋之盟，君實親辱。今吾子來，寡君謂吾子姑還。吾將使駟奔問諸晉，而以告子大叔。

曰宋之盟君命將利小國而亦使安定其社稷鎮撫其民人以禮承天之休【詁】爾雅休美也按杜注

望文生義非也此君之憲令【詁】鄭玄禮記注憲法也此杜本

而小國之望也寡君是故使吉奉其皮幣

以歲之不易聘於下執事今執事有命曰女何與政令之有必使而君棄而封守跋涉山川【詁】周禮

大馭登受帶犯輶鄭注引春秋傳曰輶涉山川按此則跋本作輶刻本譌耳鄭玄儀禮聘禮注引春秋

傳亦曰輶涉山川賈疏引傳並同詩毛傳草行曰跋水行曰涉今姑仍之蒙犯霜露以逞君心小國將

君是望敢不惟命是聽無乃非盟載之言以闕君德而執事有不利焉小國是懼不然其何勞之敢憚

子大叔歸復命告子展曰楚子將死矣不修其政德而貪昧於諸侯以逞其願欲久得乎周易有之在

復【䷗】之頤【䷚】曰迷復凶其楚子之謂乎欲復其願而棄其本復歸無所是謂迷復能無凶乎君其

往也送葬而歸以快楚心楚不幾十年【詁】服虔云此行也楚康王卒至昭四年楚靈王合諸侯于申

距今八年故曰不幾十年是謂十年不克征也疏未能恤諸侯也吾乃休吾民矣【詁】說文休息也杜

此裨竈曰今茲周王及楚子皆將死歲弃其次而旅於明年之次【詁】廣雅旅客也杜本以害鳥帑周

楚惡之九月鄭游吉如晉告將朝于楚以從宋之盟子產相鄭伯以如楚舍不爲壇石經作草舍不

舍之文妄增今【詁】服虔本作壇解云除地爲壇王黼本作壇而解云除地坦坦者則讀爲壇也杜本

士奇云壇壇二字俱從土而覃單爲聲似古通用外僕言曰昔先大夫相先君適四國未嘗不爲壇自

是至今亦皆循之。今子草舍無乃不可乎？子產曰：大適小則爲壇，小適大苟舍而已。焉用壇？僑聞之大

適小有五美，宥其罪戾，救其過失，救其蓄患，賞其德刑。【詰】詩毛傳：刑法也。杜本教其不及小國不困。

懷服如歸，是故作壇以昭其功，宣告後人，無怠於德。小適大有五惡，說其罪戾。初學記說：請其不足，行

其政事。初學記行：引作講。其其職貢，從其時命，不然則重其幣帛，以賀其福，而弔其凶，皆小國之禍也。焉用作

壇以昭其禍，所以告子孫，無昭禍焉可也。齊慶封好田而嗜酒，與慶舍政。【詰】服虔云：舍慶封之子

也。生傳其職政與子。史記集解：杜取此。則以其內實遷于盧蒲嬖氏，易內而飲酒，數日國遷朝焉，使諸亡人得

賊者以告而反之，故反盧蒲癸。癸臣子之有寵，妻之慶舍之士，謂盧蒲癸曰：男女辨姓，子不辟宗，何也？

曰：宗不余辟，余獨焉辟之。賦詩斷章，余取所求焉，惡識宗。癸言王何而反之，二人皆嬖，使執寢戈而先

後之。公膳，日雙雞，饜人竊更之以鶩。【詰】說文：鶩，舒鳧也。御者知之，則去其肉，而以其洎饋。【詰】說文

洎，灌盞。子雅子尾怒。【詰】韓非子曰：子夏子尾者，景公之二弟也。夏與雅古字通。高誘：呂覽注云：子雅

也。惠公之孫，公子欒堅之子，龜也。子尾，惠公之孫，公子高斲之子，薑也。按：二子蓋景公從父昆弟，慶封告

盧蒲嬖，盧蒲嬖曰：譬之如禽獸，吾寢處之矣，使析歸，父告晏平仲，平仲曰：嬰之衆不足用也，知無能謀

也，言弗敢出，有盟可也。子家曰：子之言云，又焉用盟，告北郭子車，子車曰：人各有以事君，非佐之所能

也。陳文子謂桓子曰：禍將作矣，吾其何得？對曰：得慶氏之木百車於莊。【詰】爾雅：六達謂之莊。按：昭十

年傳又敗諸莊。哀六年戰于莊。趙岐孟子注莊厭齊街里名。蓋莊厭皆齊之通衢。莊又以六達得名也。

杜注亦本爾雅。文子曰：可慎守也已。盧蒲癸王何卜攻慶氏，示子之兆曰：或卜攻讐，敢獻其兆。子曰：克見血，冬十月慶封田于萊，陳無宇從。丙辰，文子使召之，請曰：無宇之母疾病，請歸。慶季卜之，示之兆曰：死。奉龜而泣，乃使歸。慶嗣聞之曰：禍將作矣。謂子家速歸，禍作必於嘗歸，猶可及也。子家弗聽，亦無悛志。子息曰：亡矣。幸而獲在吳越。陳無宇濟水而戕舟發梁。趙岐孟子注：戕猶殘也。盧蒲姜

謂癸曰：有事而不告我，必不捷矣。癸告之。姜曰：夫子愆，莫之止，將不出。我請止之。癸曰：諾。十一月乙亥，

嘗于大公之廟，慶舍泣事。盧蒲姜告之，且止之。弗聽。曰：誰敢者？遂如公。麻嬰爲尸，慶隼爲上獻。文、夔頭，夔也。從矢圭聲。按此則慶夔，蓋亦以隱疾得名。盧蒲癸王何執寢戈，慶氏以其甲環公

宮。陳氏鮑氏之圍人爲優。章昭國語注：優，俳也。慶氏之馬善驚，士皆釋甲束馬而飲酒，且觀

優。至於魚里。樂高陳鮑之徒。愚棟曰：樂堅高祈以字爲氏，故曰樂高。今按惠氏之說，非也。禮以王

父字爲氏，子雅子尾係樂堅高祈之子，何得卽云樂高？左氏蓋欲文法之簡，故由後言之。按二十九年

於樂高之難，文不然，卽當言子雅子尾陳鮑之徒，則句法太冗。今攷昭三年，晏子稱子雅子尾，止云二

法亦與此同。惠不云樂高是其證矣。至十年傳始云齊惠樂高氏，其時係子旗子良皆樂高之孫，是至二子時始稱

樂氏高氏可知。十年傳，晏子之徒曰助樂高而必曰惠樂高者，又從樂高得氏之始，推所從來，左氏書

乎明。此時始稱爲樂高也。

法簡而且密如此。若子雅子尾即可稱樂高。則惠樂高三字又當移至此年。不待昭十年傳始見矣。惠說既非。杜注亦分析不清。或又問別有證乎。曰。有此云樂高陳鮑。即以陳氏證樂高可矣。左傳史記陳公子完未奔齊之前。即稱爲陳完。完是也。外此。則如僖十六年正義引世本。華督生世子家。家生華孫御事。是至御事始氏華。而桓二年傳文。即云立華氏也。亦先言之。襄廿六年傳。叔向稱罕氏。三十年傳。子皮稱罕。駒豐同生亦然。介慶氏之甲子尾抽柄擊扉三。【詰】說文。柄。椽也。椽方曰柄。扉。戶扇也。杜此。盧蒲癸自後刺子之。王何以戈擊之。解其左肩。猶援廟柄動於薨。【詰】說文。薨。屋棟也。釋名。屋脊曰薨。薨。蒙也。吾友程孝廉瑤田云。凡屋通以瓦蒙之曰薨。故其字从瓦。按杜注本說文。正義引說文。又云。薨。棟梁也。是又名爲梁。不知正義所據何本。疑有誤。以俎壺投殺人而後死。遂殺慶緇麻嬰。公懼。鮑國曰。羣臣爲君故也。陳須無以公歸。稅服而如內宮。慶封歸。遇告亂者。丁亥。伐西門。弗克。還伐北門。克之。入伐內宮。弗克。反陳于嶽。【詰】趙岐孟子注。嶽。里名。杜本此。請戰。弗許。遂來奔。獻車於季武子。美澤可以鑑。展莊叔見之。曰。車甚澤。人必瘞。【詰】釋文。瘞。本又作萃。倉頡篇云。瘞。憂也。文選。按瘞與瘁古字通。宜其亡也。叔孫穆子食慶封。慶封汜祭。【詰】鄭康成讀汜與窆同。邲。鄆反。穆子弗說。諸本皆作不。今从工爲之。誦茅鷗。亦不知。既而齊人來讓。奔吳。吳句餘子之朱方。【詰】服虔以句餘爲餘祭。杜注以爲夷末。按小司馬索隱曰。餘祭以襄二十九年卒。則二十八年賜慶封邑。不得是夷末。明服說有據。杜氏非。

也。郡國志：吳郡丹徒。劉昭云：春秋時朱方。

杜同

聚其族焉而居之，富於其舊。子服惠伯謂叔孫曰：

石經

孫叔求

經勘正。天殆富淫人，慶封又富矣。穆子曰：善人富謂之賞，淫人富謂之殃。按後漢書方術折像傳

曰：不仁而富謂之不幸。注引左傳曰：善人富謂之幸，淫人富謂之殃。天其殃之也。其將聚而殲旃。

詩毛傳：殲，盡也。旃，之也。

杜本

癸巳，天王崩，未來赴，亦未書禮也。

崔氏之亂，喪羣公子，故鉏在魯。

公子鉏，本或作故公鉏者。

叔孫還在燕，賈在句瀆之丘。按廿一年傳有執公子賈于句瀆之丘，公子鉏來奔，叔

孫還奔燕之文，蓋執賈即放于句瀆之丘，故慶氏亡，復召還也。買與賈字體相近，必有一誤。及慶氏亡，

皆召之，具其器用，而反其邑焉。與晏子擲殿，其鄙六十，弗受。子尾曰：富人之所欲也，何獨弗欲？對曰：慶

氏之邑，足欲，故亡。吾邑不足欲也。益之以擲殿，乃足欲。足欲，亡無日矣。在外不得宰吾一邑，不受擲殿。

非惡富也，恐失富也。且夫富如布帛之有幅焉。說文：幅，布帛廣也。為之制度，使無遷也。高誘

淮南注：遷，移也。

杜本

夫民生厚而用利，於是乎正德以幅之，使無黜嫚。說文：黜，貶下也。嫚，侮易也。

謂之幅利，利過則為敗。吾不敢貪多，所謂幅也。與北郭佐邑六十受之，與子雅邑，辭多受少。與子尾邑

受而稍致之。鄭玄禮記注：致，還也。

杜本

公以為忠，故有寵。釋盧蒲癸于北竟。漢書集注釋：放

也。杜本

求崔杼之尸，將戮之，不得。叔孫穆子曰：必得之。武王有亂，十人。孔安國尚書注：亂，治也。

此。石經無臣字。石經論語亦然。又昭廿四年傳引大誓亦無臣字。惠棟云：後人皆據晉時所出古文

大誓以益之。非也。今按宋本亦皆同石經。崔杼其有乎。不十人。不足以葬。既崔氏之臣曰。與我其拱壁。吾獻其柩。於是得之。十二月乙亥朔。齊人遷莊公殯于大寢。以其棺尸崔杼於市。國人猶知之。皆曰。崔子也。爲宋之盟故。公及宋公陳侯。鄭伯許男如楚。公過鄭。鄭伯不在。伯有廷勞於黃崖。釋文。崖。本又作涯。不敬。穆叔曰。伯有無戾於鄭。鄭必有大咎。敬民之主也。而弃之。何以承守。鄭人不討。必受其辜。濟澤之阿。行潦之蘋藻。實諸宗室。季蘭尸之敬也。敬可弃乎。及漢。楚康王卒。公欲反。叔仲昭伯曰。我楚國之爲。豈爲一人行也。子服惠伯曰。君子有遠慮。小人從邇。詩毛傳。邇。近也。邇。暇也。杜本此。飢寒之不恤。誰遑其後。不如姑歸也。叔孫穆子曰。叔仲子專之矣。子服子始學者也。榮成伯曰。遠圖者忠也。公遂行。宋向戌曰。我一人之爲。非爲楚也。飢寒之不恤。誰能恤楚。姑歸而息民。待其立君而爲之備。宋公遂反。楚屈建卒。趙文子喪之如同盟禮也。王人來告喪。問崩日。以甲寅告。故書之。以徵過也。詩鄭玄尚書

注。徵。驗也。杜本此。

二十九年春王正月。公在楚。釋不朝于廟也。楚人使公親禭。說文。禭。衣死人也。春秋傳曰。楚使公親禭。公患之。穆叔曰。祓殯而禭。則布幣也。風俗通引。傳作布帛。乃使巫以桃菊先祓殯。說文。菊。亂也。芳。葦華也。按爾雅。葦。蘭芳。鄭玄注。周禮曰。荆。若帶。詩毛傳。亂。爲崔。崔若謂亂禭也。據此數者。則荆是葦葦之屬無疑。杜注。黍。穰。蓋改字从梨。用說文。梨。黍穰也。廣雅亦同。雖有所據。然究不若从本字之訓爲長。正義

申杜又不能推明所自。但云：今世若帶，或用黍穰，則今世之帶，又有兼用竹者。豈可謂桃莢是竹。屈古人就我乎。正義所說，每游談無根，不足深論。楚人弗禁，既而悔之。二月癸卯，齊人葬莊公于北郭。

夏四月，葬楚康王。公及陳侯、鄭伯許男送葬。至于西門之外，諸侯之大夫皆至于墓。楚郟敖即位。王子圍爲令尹。鄭行人子羽曰：是謂不宜，必代之。昌松柏之下，其草不殖。【詁】說文：殖，脂膏久殖也。按玉篇

殖，長也。生也。種也。義與說文並通。公還及方城，季武子取卞，使公治問。外傳作季治。璽書追而予之。諸本予

改正。【詁】鄭司農周禮注：璽者印也。杜本此。曰：聞守卞者將叛，臣帥徒以討之。水經注：帥作率。既得之矣，敢告

公治，致使而退。及舍而後，聞取卞，公曰：欲之而言叛，祇見疏也。【詁】服虔本作祇見疏，解云：祇，適也。晉

宋杜本皆作多。古人多祇同音。本疏：惠氏棟曰：疏當爲詭字之誤也。呂覽先識篇云：無由接而言見詭。高

誘曰：詭讀爲誣妄之誣。下云：欺其君，何必使余明疏爲誣。欲之而言叛，非誣乎。杜氏好改古文，古義存

者少矣。公謂公冶曰：吾可以入乎。對曰：君實有國，誰敢違君。公與公冶冕服，固辭，強之而後受。公欲無

入，榮成伯賦式微，乃歸。【詁】服虔云：言君用中國之道。詩：微，詩。五月，公至自楚。公治致其邑於季氏，而終

不入焉。曰：欺其君，何必使余。季孫見之，則言季氏如他日，不見則終不言。季氏及疾，聚其臣曰：我死必

無以冕服斂，非德賞也。且無使季氏葬我。葬靈王。鄭上卿有事，子展使印段往。伯有曰：弱不可。子展

曰：與其莫往，弱不猶愈乎。詩曰：王事靡盬，不皇啓處。【詁】詩毛傳：盬，不堅同也。啓，跪也。杜本此。東西南北

此。

誰敢寧處。堅事晉楚。以蕃王室也。王事無曠。何常之有。遂使印段如周。吳人伐越。獲俘焉。以爲闢。使守舟。吳子餘祭觀舟。闢以乃弑之。鄭子展卒。子皮卽位。於是鄭饑而未及麥。民病。子皮以子展之命。饑國人粟。戶一鍾。是以得鄭國之民。故罕氏常掌國政。以爲上卿。宋司城子罕聞之曰。鄰於善。民之望也。宋亦饑。請於平公。公出粟以貸。使大夫皆貸。司城氏貸而不書。爲大夫之無者。貸宋無飢人。叔向聞之曰。鄭之罕。宋之樂。其後亡者也。二者其皆得國乎。民之歸也。施而不德。樂氏加焉。其以宋升降乎。晉平公杞出也。故治杞。六月。知悼子合諸侯之大夫。以城杞。孟孝伯會之。鄭子大叔與伯石往。子大叔見大叔文子。與之語。文子曰。甚乎其城杞也。子大叔曰。若之何哉。晉國不恤周宗之闕。而夏肆是屏。【
詰】玉藻。隸束及帶。鄭玄注曰。隸讀爲肆。餘也。方言。肆。餅餘也。秦晉之間曰肆。鄭玄曰。斬而復生曰肆。
杜本說文。屏。蔽也。按杜注云。屏。城也。城可爲屏蔽。義亦通。其弃諸姬。亦可知也已。諸姬是弃。其誰歸之。
此吉也。聞之。弃同卽異。是爲離德。詩曰。協比其鄰。昏姻孔云。晉不鄰矣。其誰云之。【詰】詩毛傳云。旋也。杜
齊高子容。別本無齊字。今从漢志增。與宋司徒見知伯。女齊相禮。賓出。司馬侯言於知伯曰。二子皆
將不免。子容專。司徒侈。皆亡家之主也。知伯曰。何如。對曰。專則速。及侈將。以其力斃。五行志。專則人實
斃之。將及矣。范獻子來聘。拜城杞也。公享之。展莊叔執幣。射者三耦。公臣不足。取於家臣。家臣展瑕
展王父。諸本玉作玉。今从石經宋本改正。爲一耦。公臣。公巫召伯仲顏莊叔爲一耦。鄆鼓父黨叔爲一耦。晉侯使司

馬女叔侯來治杞田弗盡歸也晉悼夫人慍曰齊也取貨先君若有知也不尙取之【詁】服虔云不尙

尙也尙當取女叔侯殺之本疏公告叔侯叔侯曰虞虢焦【詁】按郡國志宏農郡陳有焦城史記曰武王

封神農之後于焦此云姬姓或國滅後復以姬姓續封也滑霍揚【詁】地理志河東郡楊應劭曰楊侯

國按揚應作楊辯見後韓魏皆姬姓也晉是以大若非侵小將何所取武獻以下兼國多矣【詁】呂覽

曰獻公卽位五年兼國十九按此言武獻以下則當從武公始今攷竹書紀年周桓王十三年武公嘗

曲沃滅荀十六年春滅翼惠王十六年獻公亦滅耿滅魏又左傳十九年滅虢又左傳滅虞誰得治之杞夏

餘也而卽東夷魯周公之後也而睦於晉以杞封魯猶可而何有焉魯之於晉也職貢不乏玩好時至

公卿大夫相繼於朝史不絕書府無虛月如是可矣何必瘠魯以肥杞且先君而有知也毋甯夫人而

焉用老臣【詁】服虔云毋寧寧也寧自取夫人將焉用老臣乎本疏杞文公來盟書曰子賤之也吳公

子札來聘見叔孫穆子說之謂穆子曰子其不得死乎好善而不能擇人吾聞君子務在擇人吾子爲

魯宗卿而任其大政不慎舉何以堪之禍必及子請觀於周樂【詁】服虔云周樂魯所受四代之樂也

史記集解使工爲之歌周南召南曰美哉【詁】先儒以爲季札所言觀其詩辭而知本疏始基之矣【詁】王肅

云言始造玉基也史記集解杜本此猶未也【詁】賈逵云未有雅頌之成功同服注亦同詩然勤而不怨矣爲

之歌邠鄘衛曰美哉淵乎【詁】賈逵云淵深也同上杜憂而不困者也吾聞衛康叔武公之德如是【

【詁】賈逵云：康叔遭管叔蔡叔之難，武公福幽王褒氏之憂，故曰康叔武公之德如是。同上是其衛風乎？

為之歌王。【詁】服虔云：王室當在雅，衰微而列在風，故國人猶尊之稱王，猶春秋之王人也。同上及惠

士奇曰：王者采風畿內，故有王風。周官六詩比賦與風雅頌，安得謂王者無風？後儒以詩亡為雅亡，失

之甚矣。曰：美哉，思而不懼，其周之東乎。【詁】服虔云：平王東遷洛邑。同上為之歌鄭。【詁】賈逵云：鄭風東

鄭是。同上服虔云：鄭東鄭古檜國之地。疏詩曰：美哉，其細已甚，民弗堪也。史記無美【詁】服虔云：其風細弱

已甚，攝乎大國之間，志遠慮持久之風，故曰民不堪將先亡也。同上是其先亡乎？為之歌齊。曰：美哉，泱泱

乎，大風也哉。【詁】服虔云：泱泱，舒緩深遠，有太和之意，其詩風刺，詞約而義微，體疏而不切，故曰大風

同。按毛傳：泱泱，深廣貌。杜注云：宏大，非義訓。表東海者。【詁】服虔云：晉為東海之表式。同上其大公乎，國

未可量也。【詁】服虔云：國之興衰，世數長短，未可量也。同上為之歌豳。【詁】地理志：右扶風栒邑有豳鄉，

詩豳風公劉所都。杜本曰：美哉，蕩乎，樂而不淫。史記作【詁】賈逵云：蕩然無憂，自樂而不荒淫也。史記

其周公之東乎？為之歌秦。曰：此之謂夏聲。【詁】服虔云：秦仲始有車馬禮樂之好，侍御之臣，戎車四牡

田狩之事，其孫襄仲列為秦伯，有兼服蒼蒼之歌，終南之詩，追錄先人車輶四鐵小戎之歌，與諸夏同

風，故曰夏聲。疏夫能夏則大，大之至也。其周之舊乎？為之歌魏。曰：美哉，颯颯乎，大而婉。【詁】賈逵云：其

志大直而有曲，體歸中和。史記按：溫溫，漢書集注浮貌；又作汎，司馬貞引廣雅云：羣浮也。杜注中庸之

聖亦非義訓。險而易行。以德輔此。則明主也。【詁】賈逵云。中庸之德。難成而易行。故曰。以德輔此。則明主也。上。又史記明主作盟主。按古盟字。从冏。賈侍中說。讀與明同。惠士奇曰。險。史記作儉。古文易曰。動乎儉中。又云。儉德辟難。皆讀爲險。險而易行。卽易之易以知儉也。杜注讀爲儉。直是不識字。惠棟云。漢劉修碑云。動乎儉中。今易作險。今按張載魏都賦注。引傳亦作儉。惠說是也。釋文云。依注音儉。亦失之。當讀如字。爲之歌。唐曰。思深哉。其有陶唐氏之遺民乎。史記作遺風。不然。何憂之遠也。史記作何憂之遠也。與傳合。石經何字下。有其非令德之後。誰能若是。爲之歌。陳曰。國無主。其能久乎。地理志。無作亡。自鄩以下。無譏焉。詩疏引作自檜以下。【詁】服虔云。鄩以下及曹風。其國小無所刺譏。上。爲之歌。小雅【詁】服虔云。自鹿鳴至菁菁者莪。道文武修小政。定大亂。致太平。樂且有儀。是爲正小雅。詩疏曰。美哉。思而不貳。怨而不言。【詁】王肅云。非不能言。畏罪告也。史記集解。其周德之衰乎。【詁】高誘淮南注。衰。小也。杜本此。猶有先王之遺民焉。【詁】服虔以爲此。歎變小雅也。其意曹思。上世之明聖。而不貳于當時之王。怨當時之政。而不有背叛之志也。其周德之衰微乎。疑其幽厲之政也。又云。服虔讀爲衰微之衰。本按釋服注。則先王之遺民。當指文武之時。正對上周德之衰。爲幽厲之時而言。杜注太回遠。爲之歌。大雅。【詁】服虔云。陳文王之德。武王之功。自文王以下。至魯。是謂正大雅。曰。廣哉。熙熙乎。【詁】漢書集注。熙熙。和樂貌。杜略同。曲而有直體。其文王之德乎。爲之歌。頌。【詁】服虔云。哀公十一年。孔子自衛反魯。然後樂正。雅頌各得其所。距此六十二歲。當時雅

續未定而云爲之歌小雅大雅頌者傳家據已定錄之同上及周禮疏曰至矣哉【詰】賈逵云言道備至也史記

集直而不倨【詰】高誘呂覽注倨傲也杜本曲而不屈邇而不倨史記邇作近遠而不攜遷而不淫【詰】服

虔云遷徙也文王徙豐武王居鎬同上復而不厭哀而不愁樂而不荒用而不匱廣而不宜施而不費取

而不貪處而不底【詰】說文底山居也一曰下也廣韻底止也下也行而不流五聲和八風平節有度

守有序盛德之所同也見舞象箭南籥者【詰】賈逵云象文王之樂武象也箭舞曲也南籥以籥舞也

同又云箭舞曲名言天下樂箭去無道本疏服虔云象文王之樂舞象也箭舞曲名言天下樂箭去無道

持按說文籥以竿擊人也虞舜樂曰籥韶據此則籥本舞器又爲虞舜舞曲名杜注舞所執亦當此意

惟正義以爲賈杜各以意言俱無所據又云不知籥是何等器則不攷說文故也又正義解籥下云籥

卽簫亦非曰美哉猶有感諸本感作憾並【詰】賈逵云感恨也恨不及己以伐紂而至太平也史記集解見

舞大武者【詰】賈逵云周公所作武王樂同上杜穎容釋例周用六代之禮樂故有雲門咸池大韶大

夏大濩大武也魯受四代之禮樂故不舞雲門咸池示有降殺也御覽曰美哉周之盛也其若此乎見舞

韶濩者史記漢作護作護【詰】賈逵云韶濩殷成湯樂大濩也史記集解曰聖人之宏也蔡邕注典引【詰】賈逵

云宏大也同上而猶有慙德聖人之難也【詰】服虔云慙于始伐而無聖佐故曰聖人之難同上見舞大夏

者【詰】賈逵云夏禹之樂同上杜取此曰美哉勤而不德非禹其誰能修之史記修【詰】服虔云禹勤其身

以治水土也。

同上。

見舞韶箭者。史記作招箭，索隱曰：韶箭二字體變耳。

【詁】服虔云：有虞氏之樂大韶也。

同上。

曰：德至矣哉。大

矣。

【詁】服虔云：至帝王之道極于韶也。盡美盡善也。

同上。

如天之無不幬也。

史記幬作蕭。

【詁】賈逵云：蕭覆也。

同上。社取此。

按史記作蕭，禮記中庸篤無不覆幬。鄭注云：幬亦覆也。或作蕭。後漢書朱穆傳曰：天不崇大則覆幬不廣。注云：幬亦覆。詩周頌正義引作蕭。蕭幬古字通。左傳舊本當作蕭。故賈注如是。如地之無不

載也。雖甚盛德，其蔑以加於此矣。觀止矣。若有他樂，吾不敢請已。史記請作觀。【詁】服虔云：周用六代之樂。堯曰咸池，黃帝曰雲門，魯受四代。下周二等，故不舞其二。季札知之，故曰：有他樂，吾不敢請已。同上。先儒以

爲季札在吳，未嘗經見此樂，爲歌諸詩，其所歎美，皆以詩辭之內求所歎之意。本疏。其出聘也，通嗣君也。故遂聘于齊，說晏平仲，謂之曰：子速納邑與政。【詁】服虔云：入邑與職政于公，不與國家之事。史記無

邑無政，乃免於難。齊國之政將有所歸，未獲所歸，難未歇也。【詁】爾雅：歇，竭也。故晏子因陳桓子以納政與邑，是以免於樂高之難。聘於鄭，見子產，如舊相識，與之縞帶，子產獻紵衣焉。【詁】說文：縞，鮮色也。

縞屬細者爲紵，粗者爲紵。孔安國曰：縞，白繒也。鄭玄禮記注云：白經赤緯曰縞，黑經白緯曰纁。按杜注：吳地縞，縞，鄭地縞，未知何據，或亦以意言之。謂子產曰：鄭之執政侈，難將至矣。政必及子，子爲政，慎

之以禮，不然，鄭國將敗。【詁】服虔云：禮所以經國家利社稷也。史記適衛說：蘧瑗史狗史鱸公子荊公叔發。【詁】按鄭注：檀弓云：文子衛獻公之孫名拔，或作發。孔疏云：按世本：衛獻公生公子當，當生文子

叔發。【詁】按鄭注：檀弓云：文子衛獻公之孫名拔，或作發。孔疏云：按世本：衛獻公生公子當，當生文子

據是獻公孫也。或作發者，以春秋左傳作發故云。今攷此時獻公甫卒，而發已稱公叔，恐與獻公孫名
拔者係兩人。公子朝【詰】按論語有公孫朝，疑卽其人。曰：衛多君子，未有患也。自衛如晉，將宿於戚，聞
鐘聲焉。【詰】史記稱過宿孫林父爲擊磬，案隱諷宿爲戚，服虔云：孫林父鼓鐘作樂也。史記曰：異哉，吾
聞之也，辯而不德。【詰】墨子經上辯爭彼也。杜本必加於戮，夫子獲罪於君，以在此，懼猶不足，而又何
樂。【詰】服虔云：辯者鬪辯也。夫以辯爭，不以德居之，必加於刑戮也。同上賈逵云：夫子孫文子也，獲罪出
獻公以戚叛也。同上夫子之在此也，猶燕之巢于幕上。【詰】王肅云：言至危也。同上君又在殯，而可以樂乎。
【詰】賈逵云：衛君獻公棺在殯，未葬。同上杜遂去之。文子聞之，終身不聽琴瑟。【詰】服虔云：聞義而改
也，琴瑟不聽，况鐘鼓乎。同上杜適晉，說趙文子、韓宣子、魏獻子曰：晉國其萃於三族乎。【詰】服虔云：言
晉國之祚將集于三家。同上杜說叔向將行，謂叔向曰：吾子勉之，君侈而多良，大夫皆富，政將在家，吾
子好直。【詰】服虔云：直不能曲，撓以從衆。同上必思自免於難。秋九月，齊公孫薑公孫竈放其大夫高
止于北燕，乙未，出書曰：出奔，罪高止也。高止好以事自爲功，且專，故難及之。冬，孟孝伯如晉，報范叔
也。爲高氏之難故。高豎以盧叛，十月庚寅，閭丘嬰帥師圍盧。高豎曰：苟使高氏有後，請致邑。齊人立
敬仲之曾孫，鄒董注本作偃。良敬仲也。【詰】世本：敬仲生莊子，莊子生傾子，傾子生宣子，宣子生厚，厚生止。
又云：敬仲生莊子，莊子生傾子，傾子之孫武子偃。按正義據世本，則偃爲敬仲玄孫，而傳云曾孫，必有

一誤。本疏。十一月乙卯。高豎致廬而出奔晉。晉人城縣而寘旃。【詁】郡國志。太原郡界休。有縣上聚。鄭

伯有使公孫黑如楚。辭曰。楚鄭方惡。而使余往。是殺余也。伯有曰。世行也。子皙曰。可則往。難則已。何世

之有。伯有將強使之。子皙怒。將伐伯有。氏大夫和之。十二月己巳。鄭大夫盟於伯有。氏禕。曰。是盟也

其與幾何。【詁】古今人表作卑。滿。師古曰。卑音脾。滿音謔。風俗通曰。卑氏。鄭大夫卑滿之後。漢有卑躬。

爲北地太守。釋文亦作滿。按禕。諶二字。皆說文所收。蓋古字通。惠棟以爲杜改卑爲禕。俗又改滿爲謔。

云古文盡亡。說太過。詩曰。君子屢盟。亂是用長。今是長亂之道也。禍未歇也。必三年而後能紓。然明曰。

政將焉往。禕。諶曰。善之代不善。天命也。其焉辟。子產舉不踰等。則位班也。擇善而舉。則世隆也。天又除

之。奪伯有魄。子西卽世。將焉辟之。天禍鄭久矣。其必使子產息之。乃猶可以戾。【詁】爾雅。戾。止也。詩毛

傳。戾。定也。廣雅同。杜本不然。將亡矣。

三十年春王正月。楚子使薳罷來聘。通嗣君也。穆叔問王子之爲政如何。【釋文】一本作問王子圍之爲

【詁】服虔云。王子。楚令尹王子圍也。王肅曰。王子。楚令尹圍也。【疏】對曰。吾儕小人。食而聽事。猶懼不給

命。而不免於戾。焉與知政。固問焉。不告。穆叔告大夫曰。楚令尹將有大事。子蕩將與焉。助之匿其情矣。

子產相鄭伯如晉。叔向問鄭國之政焉。對曰。吾得見與否。在此歲也。駟良方爭。未知所成。若有所成。

吾得見。乃可知也。叔向曰。不旣和矣乎。對曰。伯有侈而愎。【詁】廣雅。愎。恨也。杜本。子皙好在人上。莫能

相下也。雖其和也，猶相積惡也。惡至無日矣。二月癸未。

諸本二誤作三，今從宋本改正。

晉悼夫人食與人之城杞者。

【詁】高誘呂覽注：與，衆也。

杜本此。

絳縣人或年長矣，無子而往與於食，有與疑年，使之年曰：臣，小人也，不知紀年。臣生之歲，正月甲子朔，四百有四十五甲子矣。

律歷志引作四百四十有五甲子矣。其季於今三之一也。吏走問

諸朝。

釋文一本作使走。

【詁】釋文一曰：走使之人也。服虔王肅本作吏。吏不知歷者，服虔云：吏不知歷數，故

走問于鄉大夫。王肅云：吏不知歷也。

疏本

師曠曰：魯叔仲惠伯會卻成子于承匡之歲也。是歲也，狄伐魯。

叔孫莊叔於是乎敗狄于鹹，獲長狄僑如及虺也。豹也，而皆以名其子。七十三年矣。【詁】熊朋來曰：魯

襄三十年，歲次戊午，二月辛酉朔，初四日甲子，二十三日癸未日，其季于今三之一者，晉甲子數至癸

未日，正得二十日，是三分六十甲子之一也。季者餘數也，積四百四十四甲子，零二十日，算得二萬六

千六百六十日，除五十三日，在本年正月二月戊午，正月大，該三十日，止有二萬六千六百零七日，逆推得

絳縣老人是魯文公十一年乙丑歲三月生，故曰：臣生之歲，正月甲子朔。注謂夏正月，若以周正，則三

月也。本合云七十四年，此時方是二月。若夏正，則十二月，故除本年不算，曰七十三年也。史趙曰：亥有

二首六身。【詁】說文：亥，豨也。十月徵陽起接盛陰，从二，二古文上字。一人男，一人女也。从乙，象囊子咳

咳之形。春秋傳曰：亥有二首六身。豨，士奇曰：史趙以亥字推算其年者，蓋以亥乃絳縣老人之名，卽孟

子之亥唐。韓非子云：晉平公于唐亥云云。或孟子傳寫倒其名氏也。下二如身，是其日數也。律歷志

是作則士

文伯曰。然則二萬六千六百有六句也。趙孟問其縣大夫。則其屬也。召之而謝過焉。曰。武不才。任君之大事。以晉國之多虞。不能由吾子。【詰】詩毛傳。由用也。此杜本。使吾子辱在泥塗久矣。【詰】通俗文。泥塗

謂之壘。湏武之罪也。敢謝不才。遂仕之。使助爲政。辭以老。與之田。使爲君復陶。以爲絳縣師。而廢其輿

尉。【詰】服虔云。與尉軍尉主發衆使民。本疏。於是魯使者在晉。歸以語諸大夫。季武子曰。晉未可媮也。【

詰】說文。媮薄也。廣雅同。此杜本。有趙孟以爲大夫。有伯瑕以爲佐。有史趙師曠而咨度焉。有叔向女齊

以師保其君。以朝多君子。其庸可媮乎。勉事之而後可。夏四月己亥。鄭伯及其大夫盟。君子是以知

鄭難之不已也。蔡景侯爲大子般娶于楚。適焉。大子弑景侯。初。王儋季卒。其子括。【詰】按下文。儋

括則係季食采之邑。故父子皆以儋爲氏也。將見王而歎。單公子愆期。石經。期。爲靈王御士。過諸廷。聞

其歎。而言曰。烏乎。必有此夫。入以告王。且曰。必殺之。不感而願大。視蹀而足。高心在他矣。不殺必爲害。

諸刊本脫爲字。今從石經補入。王曰。童子何知。及靈王崩。儋括欲立王子佞夫。佞夫弗知。戊子。儋括圍蔦。遂成愆。成愆

奔平。時音補入。音止。又音市。或作嘖。五月癸巳。尹言多。劉毅單蔑甘過鞏。成殺佞夫。括瑕廖奔晉。書曰。天王殺其弟

佞夫。罪在王也。成叫于宋大廟。【詰】說文。訓大呼也。春秋傳曰。或訓于宋大廟。此杜本。按石經作叫。誤。

曰。譁譁出出。【詰】說文。譁可惡之辭。一曰。譁然。春秋傳曰。譁譁出出。按今本作譁譁。說文。痛也。杜注。譁

譁然也。蓋本廣雅。古守隄。煇譁並通。釋文。鄭注。周禮引此作譁。譁。鳥鳴于臺社。【詰】服虔云。殷宋之祖

也。故鳴其社。伯姬魯女。欲使魯往。語伯姬也。本疏。如曰。謔謔。甲午。宋大災。【詰】服虔云。經不書大。非。災。火。

及人。伯姬坐而待之耳。同上。宋伯姬卒。待姆也。【詰】說文。姆。女師也。按今本作姆。非。今改正。杜本。君子謂

宋其姬女而不婦。女待人。婦義事也。六月。鄭子產如陳。洩盟。歸復命。告大夫曰。陳亡國也。不可與也。

聚禾粟。繕城郭。恃此二者。而不撫其民。其君弱植。公子侈。大夫卑。大夫敖。釋文。敖本一作傲。【詰】服本作放。

云淫放也。釋文。服虔云。言大夫淫放。疏。政多門。以介於大國。能無亡乎。不過十年矣。秋七月。叔弓如宋。

葬其姬也。鄭伯有嗜酒。爲窟室。而夜飲酒。擊鐘焉。朝至未已。朝者曰。公焉在其人。曰。吾公在。壑谷。石

非。【詰】爾雅。擊。虛也。皆自朝布路而罷。【詰】說文。罷。歸也。既而朝。則又將便子皙如楚。歸而飲酒。

庚子。子皙以駟氏之甲伐而焚之。伯有奔雍梁。醒而後知之。遂奔許。大夫聚謀。子皮曰。仲虺之志云。亂

者取之。亡者侮之。推亡固存。國之利也。罕駟豐同生。伯有汰。諸刊本作汰。今從釋文改正。修。故不免。人謂子產就直

助彊。子產曰。豈爲我徒。國之禍難。誰知所敵。或主彊直。難乃不生。姑成吾所。辛丑。子產斂伯有氏之死

者而殯之。不及謀而遂行。印段從之。子皮止之。衆曰。人不我順。何止焉。子皮曰。夫子禮於死者。況生者

乎。遂自止之。壬寅。子產入。癸卯。子石入。皆受盟于子皙氏。乙巳。鄭伯及其大夫盟于大宮。盟國人于師

之梁之外。伯有聞鄭人之盟已也。怒。聞子皮之甲不與攻已也。喜。曰。子皮與我矣。癸丑。晨自墓門之瀆

入。因馬帥顏介于襄庫。以伐舊北門。駟帶率國人以伐之。皆召子產。子產曰。兄弟而及此。吾從天所與

伯有死於羊肆。子產禚之。枕之股而哭之。斂而殯。諸伯有之臣在市側者。既而葬。諸斗城。【詁】水經注。渠水又東南。逕斗城。西子產殯伯有尸。其臣葬之。于是城也。按今在陳留縣南。子駟氏欲攻子產。子皮怒之。曰。禮國之榦也。殺有禮禍莫大焉。乃止。於是游吉如晉。還聞難不入。復命于介。八月甲子。奔晉。駟帶追之。【石經駟作四誤】及酸棗。【詁】郡國志。陳留郡酸棗縣。杜同。此。與子上盟。用兩珪質于河。使公孫矜。矜作矜。非。入盟大夫己巳。復歸。書曰。鄭人殺良霄。不稱大夫。言自外入也。於子驕之卒也。將葬。公孫揮與裨竈晨會事焉。過伯有氏。其門上生莠。子羽曰。其莠猶在乎。【詁】說文。莠字。注云。草木妄生也。从之在土上。讀若皇徐錯曰。妄生。謂非所宜生。傳曰。門上生莠。从之在土上。土上益高。非所宜也。戶光切。據此則生當作生。說文又云。禾粟下揚生莠。按釋文稱禾粟之莠。生而不成者。謂之莠。於是歲在降婁。降婁中而且裨竈指之曰。猶可以終歲。歲不及此次也已。及其入也。歲在姬訾之日。其明年乃及降婁。僕展從伯有。與之皆死。羽頡出奔晉。爲任大夫。【詁】郡國志。鉅鹿郡任縣。杜同。此。雞澤之會。鄭樂成奔楚。遂適晉。羽頡因之。與之比而事趙文子。言伐鄭之說焉。以宋之盟故。不可。子皮以公孫鉏爲馬師。楚公子圍殺大司馬蔣掩。而取其室。申無宇曰。【古今人表無作亡】王子必不免。善人國之主也。王子相楚國。將善是封殖。而虐之。是禍國也。且司馬令尹之偏。而王之四體也。絕民之主。去身之偏。艾王之體。以禍其國。無不祥大焉。何以得免。爲宋災故。諸侯之大夫會。以謀歸宋財。冬十月。叔孫豹會晉趙武。齊公孫薑。宋向戌。衛北

宮佗鄭罕虎及小邾之大夫會于澶淵。既而無歸于宋，故不書其人。君子曰：信其不可不愼乎。澶淵之會，卿不書，不信也夫。釋文一讀以夫爲下句首諸侯之上卿會而不信，寵名皆弃，不信之不可也。如是，詩曰：文王陟降，在帝左右。信之謂也。又曰：淑慎爾止，無載爾僞。【註】按杜注逸詩正義無說，今攷又曰二字，是承上而言，似皆屬大雅之文。梁履繩曰：廿一年傳，詩曰：僂哉游哉，聊以卒歲。杜云：詩小雅正義曰：此采葢之篇。彼詩云：僂哉游哉，亦是戾矣。與此不同者，蓋師讀有異，是可取以爲證。不信之謂也。書曰：某人某人會于澶淵，宋災故尤之也。不書魯大夫諱之也。鄭子皮授子產政，辭曰：國小而偪，族大寵多，不可爲也。子皮曰：虎帥以聽，誰敢犯子。子善相之，國無小，小能事大，國乃寬。子產爲政，有事伯石，賂與之邑。子大叔曰：國皆其國也，奚獨賂焉。子產曰：無欲實難，皆得其欲，以從其事，而要其成，非我有成，其在人乎。何愛於邑。邑將焉往。子大叔曰：若四國何。子產曰：非相違也，而相從也。四國何尤焉。鄭書有之曰：安定國家，必大焉先。姑先安大，以待其所歸。既伯石懼而歸邑，卒與之。伯有既死，使大史命伯石爲卿。辭大史退，則請命焉。復命之，又辭。如是三，乃受策入拜。子產是以惡其爲人也，使次己位。子產使都鄙有章，上下有服。【註】高誘呂覽注：服，法服也。君子小人各有制，田有封洫。【註】高誘呂覽注：封界，澶溝也。杜此。廬井有伍。【註】廣雅：廬，舍也。杜本。大人之忠儉者，釋文：大人，或作大夫，非。從而與之。泰侈者，因而斃之。豐卷將祭，請田焉。弗許。曰：惟君用鮮。【註】鄭玄儀禮注：鮮，新殺者。杜注云：野獸，非義訓。衆給而已。子張怒退而

徵役子產奔晉。子皮止之，而逐豐卷。豐卷奔晉，子產請其田里。三年而復之，反則田里及其入焉。從政一年，與人誦之曰：「取我衣冠而褚之。」呂覽引作貯之。衆經音義引傳亦同。【詁】說文：褚，卒也。一曰製衣，按周禮：廛人注：褚

廛釋文云：本或作貯，或作積。是貯積古字通。高誘呂覽注：引此卽作貯之。取我田疇而伍之。呂覽作賦之。

殺子產，吾其與之。【詁】賈逵國語注云：一井爲疇，九夫爲一井也。高誘呂覽注：與，猶助也。及三年，又誦

之曰：「我有子弟，子產誨之；我有田疇，子產殖之。」【詁】高誘呂覽注：殖，長也。子產而死。呂覽作若死。誰其嗣之。

【詁】高誘呂覽注：嗣，續也。杜本此。

三十一年春，王正月，穆叔至自會，見孟孝伯，語之曰：「趙孟將死矣。」其語儉。【詁】鄭玄禮記注：儉，苟且也。杜本

此。不似民主，且年未盈五十，而諄諄焉如八九十者，弗能久矣。若趙孟死爲政者，其韓子乎？吾子盍與

季孫言之，可以樹善。君子也。晉君將失政矣，若不樹焉，使早備魯，旣而政在大夫，韓子懦弱，大夫多貪

求，欲無厭，齊楚未足與也。魯其懼哉。孝伯曰：「人生幾何？」釋文本或作民生，无幾何。五行志引傳亦作民生幾何。誰能無儉？漢書引无

朝不及夕，將安用樹？漢書引安作焉。穆叔出而告人曰：「孟孫將死矣。」吾語諸趙孟之儉也，而又甚焉。又與季孫

語，晉故季孫不從。及趙文子卒，晉公室卑，政在侈家，韓宣子爲政，不能圖諸侯，魯不堪晉求，讒慝宏多

是以有平丘之會。齊子尾害閭丘嬰，欲殺之，使帥師以伐陽州。我聞師故，夏五月，子尾殺閭丘嬰，以

說于我師，工偁灑滄，竈孔虺賈寅出奔莒，出羣公子。公作楚宮，穆叔曰：「太誓云：民之所欲，天必從之。」

君欲楚也夫。故作其宮。若不復適楚。必死是宮也。六月辛巳。公薨于楚宮。叔仲帶竊其拱璧。以與御人

納諸其懷。而從取之。由是得罪。立胡女敬歸之子子野。【詰】服虔云。胡歸姓之國也。史記集解杜取此。次于季

氏。秋九月癸巳卒。毀也。已亥。孟孝伯卒。立敬歸之娣齊歸之子。【詰】服虔云。齊。諡也。上同。公子稠。【詰】世

本作稠。徐廣曰。一本作招。音紹。說文引春秋傳曰。有空鴉。按徐廣云。稠本作招。音紹。今考招鴉。稠音皆

同。疑空鴉應作公鴉。又昭二十二年。有定稠字。亦與空鴉相似。吾友段大令若膺又云。昭二十五年。有

季公鳥。或卽是今並存。三說以俟。攷穆叔不欲曰。大子死。有母弟則立之。無則立長。【詰】服虔云。無母

弟則立庶子之長。同。年鈞擇賢。義鈞則卜。諸刊本皆作均。今。古之道也。非適嗣。諸本作嫡。亦。何必娣之

子。且是人也。居喪而不哀。在感而有嘉容。是謂不度。不度之人。鮮不爲患。若果立之。必爲季氏憂。武子

不聽。卒立之。比及葬。三易衰。衰枉如故。衰於是昭公十九年矣。猶有童心。【詰】服虔云。言無成人之志。

而有童子之心。同。君子是以知其不能終也。冬十月。滕成公來會葬。惰而多涕。子服惠伯曰。滕君將

死矣。怠於其位。而哀已甚。兆於死所矣。能無從乎。癸酉。葬襄公。公薨之月。子產相鄭伯。以如晉。晉侯

以我喪故。未之見也。子產使盡壞其館之垣。而納車馬焉。士文伯讓之曰。敝邑以政刑之不修。寇盜充

斥。【詰】廣雅。充。滿也。斥。廣也。按下二句。史記索隱引張揖。無若諸侯之屬。辱在寡君者何。是以令吏人

完容所館。高其閭闔。【詰】說文。閭。門也。闔。卷門也。按杜注。闔。門也。本爾雅。衙。門。謂之闔。厚其牆垣。以無

憂客使。今吾子壞之。雖從者能戒。其若異客何。以敝邑之爲盟主。繕完葺牆。【詰】說文。葺。茨也。按杜注。覆也。義亦通。李涪刊誤云。牆壞葺之而已。何云繕完。此當是繕字。葺牆字誤爲完也。書曰。峻宇雕牆。足。以爲證。段若膺云。完當是院字。院。周垣也。牆。垣蔽也。因其所壞者垣。故文伯之語亦不旁及說文。院爲。寡之重文。以待賓客。若皆毀之。其何以共命。寡君使匄請命。【詰】正義。匄。士文伯名也。晉宋古本及釋。例皆作丐。俗本作匄。此士文伯是范氏之別族。不宜與范宣子同名。今定本作匄。恐非。按元和姓纂七。引世本。晉大夫司功景子其先士丐也。廣韻引世本又云。司功氏士匄弟。作爲晉司功。因官爲氏。今攷。此傳。子產壞館垣。而士文伯獨讓之。則文伯當亦爲晉司功之官。諸侯之館。是其所司。故下傳云。趙文。子使文伯謝不敏。亦其證。至正義云。文伯爲范氏別族。當有所據。俟再攷。對曰。以敝邑褊小。介於大國。誅求無時。是以不敢寧居。悉索敝賦。以來會時事。逢執事之不問。而未得見。又不獲聞命。未知見時。不敢輸幣。亦不敢暴露。【詰】按孟子曰。一日暴之。又曰。秋陽以暴之。說文。暴。晡也。又曬字下注。暴也。蓋二字轉相訓。蓋暴防日色。露防露氣。暴主晝。露主夜。觀下言燥濕可知。其輸之。則君之府實也。非薦陳之。不敢輸也。其暴露之。則恐燥溼之不時。而朽蠹以重敝邑之罪。僑聞文公之爲盟主也。宮室卑庳。【詰】說文。庳。中伏舍。一曰。屋庳。張載魏都賦注。引作埤。李善射雉賦注曰。埤。短也。埤與庳古字通。無觀臺榭。以崇大諸侯之館。館如公寢。庫廡繕修。司空以時平易道路。【詰】詩。毛傳。易治也。杜本。圻人。以時壞館。

宮室【詰】按說文作杆，云所以塗也。杜本杆杆古字通，又埤字亦通作椽，說文椽杆也，廣雅：椽塗也。

與塚同。張載魏都賦注：引傳作鞞，云埤也。杜注本廣雅：諸侯賓至，甸設庭燎，僕人巡宮，車馬有所，賓從

有代，巾車脂轄，隸人牧圉，各瞻其事，百官之屬，各展其物。【詰】鄭司農周禮注：展，具也。公不留賓，而

亦無廢事，憂樂同之事，則巡之，教其不知而恤其不足，賓至加歸，無寧菑患，不畏寇盜，而亦不患燥溼。

今銅鞮之宮數里，而諸侯舍於隸人門，不容車，而不可踰越，盜賊公行，而天厲不戒。【詰】六經正誤云：

天厲不戒，注疏及臨卭本，作天地之天厲者，天之厲氣，猶周官司救所謂天患，今从石經宋本，定作天

厲。哀元年傳云：天有苒癘，注：厲，疾疫也，更是一體。賓見無時，命不可知，若又勿壞，是無所藏幣，以重罪

也。敢請執事，將何所命之。雖君之有魯喪，亦敵邑之憂也。若獲薦幣，修垣而行，君之惠也。敢憚勤勞，文

伯復命。趙文子曰：信，我實不德，而以隸人之垣，以羸諸侯。【詰】賈服王注：皆讀羸爲盈，盈是滿也，故皆

訓爲受。本疏說文：羸有餘買利也。按杜取賈服說，是吾罪也。使士文伯謝不敏焉，晉侯見鄭伯，有加禮，厚

其宴好而歸之，乃築諸侯之館。叔向曰：辭之不可以已也。如是夫。釋文：讀者亦以夫爲下句首。子產有辭，諸侯賴之。

若之何其釋辭也。詩曰：辭之輯矣，民之協矣。詩：協，辭之釋矣。同云：釋又作憚。民之莫矣，其知之矣。鄭

子皮使印段如楚，以適晉告禮也。莒犁比公，後漢書：生去疾及展與，既立展與，又廢之。犁比公，慮國

人患之。十一月，展與因國人以攻莒子，弑之，乃立去疾奔齊，齊出也。展與吳出也。書曰：莒人弑其君，買

朱鉏言罪之在也。吳子使屈狐庸聘于晉，通路也。趙文子問焉曰：延州來季子，其果立乎？【詁】服虔

云：延，延陵也。州來，邑名。季子讓王位，升延陵爲大夫。食邑州來，傳家通言之本。酈道元云：淮水又北，逕

下蔡，故城東，故州來之城也。吳季札始封延陵，後邑州來，故曰延州來矣。巢隕諸樊，闞戣戴吳。【詁】說

文：戣，棺也。他國臣來弑曰戣。按戴吳爲楚巢牛臣射殮，正屬他國臣。天似啓之，何如？對曰：不立。是二王

之命也。非啓季子也。若天所啓，其在今嗣君乎？甚德而度，德不失民，度不失事，民親而事有序，其天所

啓也。有吳國者，必此君之子孫實終之。季子守節者也。雖有國不立。十二月，北宮文子相衛，襄公以

如楚，宋之盟故也。過鄭，印段迂勞于棐林，如聘禮而以勞辭。文子入聘，子羽爲行人。馮簡子與子大叔

逆客，事畢而出，言於衛侯曰：鄭有禮，其數世之福也。其無大國之討乎？詩曰：誰能執熱，逝不以濯。禮之

於政，如熱之有濯也。濯以救熱，何患之有？子產之從政也，擇能而使之。馮簡子能斷大事，子大叔美秀

而文。【詁】按說苑政理篇亦載此事，作子大叔善決而文，公孫揮能知四國之爲，而辨於其大夫之族

姓班位。【詁】說苑政理篇作族姓變立。今說苑本立，上衍一而字。嘉棟曰：變立，卽古文班位字也。古讀變爲辨，辨爲

班，古文位作立。劉歆傳曰：春秋傳多古字古言，乃知向所據者皆古字也。貴賤能否，而又善爲辭令，裨

諫能謀，謀於野則獲，謀於邑則否。鄭國將有諸侯之事，子產乃問四國之爲於子羽，且使多爲辭令，與

裨，謹乘以適野，使謀可否，而告馮簡子，使斷之。事成，乃授子大叔，使行，之以應對賓客，是以鮮有敗事。

北宮文子所謂有禮也。鄭人游于鄉校。以論執政。然明謂子產曰。毀鄉校何如。子產曰。何爲。新序作胡爲。

夫人朝夕退而游焉。以議執政之善否。其所善者。吾則行之。所惡者。吾則改之。是吾師也。若之何。毀之。

我聞忠善。新序作忠信。以損怨。不聞作威以防怨。豈不遽止。然猶防川。大決所犯。傷人必多。吾不克救也。不

如小決使道。此杜本。【詰】韋昭國語注。道。通也。此杜本。不如吾聞而藥之也。然明曰。蔑也。今而後知。吾子之信可

事也。小人實不才。若果行此。其鄭國實賴之。豈惟二三臣。仲尼聞是語也。曰。以是觀之。人謂子產不仁。

吾不信也。此杜本。【詰】服虔載賈逵語云。是歲孟僖子卒。屬其子使事仲尼。仲尼時年三十五。定以孔子爲襄

二十一年生也。此杜本。疏。子皮欲使尹何爲邑。子產曰。少未知可否。子皮曰。愿。此杜本。【詰】說文。愿。謹也。此杜本。吾愛之。

不吾叛也。使夫往而學焉。夫亦愈知治矣。子產曰。不可。人之愛人。求利之也。今吾子愛人。則以政。猶未

能操刀而使割也。其傷實多。子之愛人。傷之而已。其誰敢求愛於子。子於鄭國。棟也。棟折榱崩。此杜本。【詰】廣

雅。榱。椽也。按說文。榱。椽也。轉注字。僑將厭焉。敢不盡言。子有美錦。不使人學製焉。此杜本。【詰】高誘淮南法制

載也。此杜本。大官大邑。身之所庇也。此杜本。【詰】廣雅。庇。寄也。高誘呂覽注。庇。依廡也。下同。而使學者製焉。其爲

美錦。不亦多乎。僑聞學而後入政。未聞以政學者也。若果行此。必有所害。譬如田獵。射御貫。此杜本。【詰】爾雅

貫。習也。此杜本。則能獲禽。若未嘗登車射御。則敗績厭覆。是懼。何暇思獲。子皮曰。善哉。虎不敏。吾聞君子

務知大者遠者。小人務知小者近者。我小人也。衣服附在吾身。我知而慎之。大官大邑。所以庇身也。我

遠而慢之。微子之言，吾不知也。他日我曰：子爲鄭國，我爲吾家，以庇焉，其可也。今而後知不足，自今請

雖吾家，聽子而行。子產曰：人心之不同，如其面焉。玉篇引作猶若面焉，風俗通作人心不同，有其面。吾豈敢謂子面如吾面乎？

抑心所謂危，亦以告也。子皮以爲忠，故委政焉。子產是以能爲鄭國。衛侯在楚，北宮文子見令尹圍

之威儀。五行志引無威字。言於衛侯曰：令尹以君矣。【詁】服虔云：言令尹動作似君儀，故曰以君矣。本按服訓

以爲用，正義稱明年傳文云：二執戈者前矣，是用君儀也。諸本反云俗本作以，誤。惠棟云：古文以字作

目，與似通，故誤作似。將有他志。五行志他作佗。雖獲其志，不能終也。詩曰：靡不有初，鮮克有終。終之實難，令尹

其將不免。公曰：子何以知之？對曰：詩云：敬慎威儀，惟民之則。令尹無威儀，民無則焉。民所不則，以在民

上，不可以終。公曰：善哉！何謂威儀？對曰：有威而可畏，謂之威。【詁】廣雅：畏威也。有儀而可象，謂之儀。君

有君之威儀，其臣畏而愛之；則而象之，故能有其國家，令聞長世。文選注引聞作問。臣有臣之威儀，其下畏而

愛之，故能守其官職，保族宜家，順是以下。皆是以上下能相固也。衛詩曰：威儀棣棣。釋文：棣本又作逮，按孔子

聞居篇作威儀逮逮。不可選也。【詁】孔安國書傳：選，數也。杜本此。言君臣上下父子兄弟內外大小皆有威儀也。周

詩曰：朋友攸攝，攝以威儀。【詁】詩毛傳：言相攝佐者，以威儀也。杜本此。言朋友之道，必相教訓，以威儀也。

周書數文王之德曰：大國畏其力。尙書國作邦。小國懷其德，言畏而愛之也。詩云：不識不知，順帝之則。言則

而象之也。紂囚文王七年，諸侯皆從之囚。紂於是乎懼而歸之，可謂愛之。文王伐崇，再駕而降爲臣，蠻

夷帥服。可謂畏之。文王之功。天下誦而歌舞之。可謂則之。文王之行。至今爲法。可謂象之。有威儀也。故君子在位。可畏。施舍可愛。進退可度。周旋可則。容止可觀。【詰】廣雅。止。禮也。作事可法。德行可象。聲氣可樂。動作有文。言語有章。以臨其下。謂之有威儀也。

春秋左傳詁

卷十五

傳昭公一

昭公元年春。楚公子圍聘于鄭。且娶於公孫段氏。伍舉爲介。【詁】孫叔敖碑作五舉。案唐石經初刻亦作

五。後加人旁。非也。惠棟云。伍尙伍員字同。古今人表。五子胥亦不從人。將入館。鄭人惡之。使行人子羽

與之言。乃館於外。旣聘。將以衆逆。子產患之。使子羽辭曰。以敝邑褊小。【詁】說文。褊。衣小也。不足以容

從者。請墀聽命。【詁】鄭玄禮記注。除地曰墀。杜本。令尹命大宰伯州犂對曰。君辱貶寡大夫圍。謂圍將

使豐氏撫有而室。圍布几筵告於莊共之廟而來。【詁】服虔云。莊。謂楚莊王。圍之祖。共王。圍之父。儀禮

取。若野賜之。是委君貺於草莽也。【詁】廣雅。莽。草也。如淳漢書注。草深曰莽。是寡大夫不得列於諸卿

也。不寧惟是。又使圍蒙其先君。將不得爲寡君老。其蔑以復矣。惟大夫圖之。子羽曰。小國無罪。恃實其

罪。將恃大國之安靖已。而無乃包藏禍心以圖之。文選注。引。小國失恃。而懲諸侯。使莫不感者。距違君

命。而有所雍塞。諸本作壅。今。不行是懼。不然。敝邑館人之屬也。其敢愛豐氏之祧。【詁】鄭玄周禮注。祧

祖廟也。杜本。伍舉知其有備也。請垂囊而入。【詁】詩毛傳。囊。韜也。韜弓謂之囊。許之。正月乙未。入逆。而

出。遂會于虢。尋宋之盟也。祁午謂趙文子曰。宋之盟。楚人得志於晉。今令尹之不信。諸侯之所聞也。子弗戒懼。又如宋。子木之信。稱於諸侯。猶詐晉而駕焉。【詁】小爾雅。駕陵也。杜本此。況不信之尤者乎。楚重

得志於晉。晉之恥也。子相晉國。以爲盟主。於今七年矣。再合諸侯。三合大夫。服齊狄。寧東夏。平秦亂。城

淳子。師徒不頓。國家不罷。民無謗譴。【詁】說文。駘。毀也。謗。怨也。方音。譴。勝也。案杜注。譴。辭也。義亦同。方

音。又賈遠國語注。譴。嫌也。義亦通。諸侯無怨。天無大災。子之力也。有令名矣。而終之以恥。午也是懼。吾

子其不可以不戒。文子曰。武受賜矣。然宋之盟。子木有禍人之心。武有仁人之心。是楚所以駕於晉也。

今武猶是心也。楚又行僭。非所害也。武將信以爲本。循而行之。譬如農夫。是穠是蕘。文選注【詁】說文。

穠。耕禾間也。春秋傳曰。是穠是蕘。案今本作蕘。非。杜注。蕘。苗爲蕘。今攷說文。籽。穠禾本也。杜說未知何

據。雖有饑饉。必有豐年。且吾聞之。能信不爲人下。吾未能也。詩曰。不僭不賊。鮮不爲則。信也。能爲人則

者。不爲人下矣。吾不能是難。楚不爲患。楚令尹圍。請用牲。讀舊書。加于牲上而已。晉人許之。三月甲辰。

盟。楚公子圍設服離衛。【詁】服虔云。設服。設人君之服。二句从二人執戈在前。在國居君離宮。陳衛在

門。疏本王逸楚辭章句。離。列也。杜注。陳也。義亦同。叔孫穆子曰。楚公子美矣。君哉。鄭子皮曰。二執戈者前

矣。蔡子家曰。蒲宮有前。不亦可乎。【詁】服虔云。蒲宮。楚君離宮。言令尹在國已居君之宮。出有前戈。不

亦可乎。上同楚伯州犂曰。此行也。辭而假之寡君。鄭行人揮曰。假不反矣。伯州犂曰。子姑憂子皙之欲背

誕也。子羽曰：當璧猶在，假而不反，子其無憂乎？齊國子曰：吾代二子惑矣。五行志：惑，引作閔。【詰】說文：惑，痛也。

服虔云：惑，憂也。代，伯州犂憂公子圍，代子羽憂子質。同上。陳公子招曰：不憂何成？二子樂矣。衛齊子曰：苟

或知之，雖憂何害？宋合左師曰：大國令，小國共，吾知共而已。晉樂王鮒曰：小曼之卒，章善矣。吾從之。退

會，子羽謂子皮曰：叔孫綏而婉。【詰】說文：婉，順也。宋左師簡而禮。樂王鮒字而敬。【詰】詩：毛傳：字，愛也。

此。杜本：子與子家持之。釋文：持，或作恃。誤。皆保世之主也。齊衛陳大夫，其不免乎？國子代人憂，子招樂憂，齊子雖

憂弗害，夫弗及而憂，與可憂而樂，與憂而弗害，皆取憂之道也。憂必及之，大誓曰：民之所欲，天必從之。

三大夫兆憂，憂能無至乎？五行志：引憂下多矣。字無下憂字。言以知物。【詰】章昭國語注：物類也。其是之謂矣。季武

子伐莒，取鄆，莒人告於會，楚告於晉，曰：尋盟未退，而魯伐莒，瀆齊盟。【詰】說文：嬖，嬖嬖也。案：瀆，嬖古字

通。故杜注云：瀆，慢也。請戮其使，樂桓子相趙文子，欲求貨於叔孫，而爲之請，使請帶焉。弗與。梁其鏗曰：

【詰】孫，恤唐韻。梁，其鏗，魯伯禽子。梁其之後，貨以藩身。【詰】說文：藩，屏也。子何愛焉？叔孫曰：諸侯之會，

衛社稷也。我以貨免，魯必受師，是禍之也。何衛之爲？人之有牆，以蔽惡也。牆之隙壞，誰之咎也？衛而惡

之，吾又甚焉。【詰】韓非子曰：牆之壞也，必通隙。雖怨季孫，魯國何罪？叔出季處，有自來矣。吾又誰怨？然

鮒也。賄，弗與不已。召使者，裂裳帛而與之，曰：帶其褊矣。趙孟聞之，曰：臨患不忘國，忠也。思難不越官，信

也。圖國忘死，貞也。謀主三者，義也。有是四者，又可戮乎？乃請諸楚，曰：魯雖有罪，其執事不辟難，畏威而

敬命矣。子若免之，以勸左右可也。若子之羣吏處不辟汚，【詁】詩毛傳：汚，煩也。杜本出不逃難，其何患

之有？患之所生，汚而不治，難而不守，所由來也。能是二者，又何患焉？不靖其能，其誰從之？魯叔孫豹可

謂能矣。請免之，以靖能者。子會而赦有罪，又賞其賢，諸侯其誰不欣焉？望楚而歸之，視遠如邇，疆場之

邑，一彼一此，何常之有？王伯之令也，引其封疆而樹之官，舉之表旗而著之制，令過則有刑，猶不可壹

於是乎。虞有三苗，夏有觀扈。【詁】地理志：東郡觀，應劭曰：夏有觀扈，世祖更名衛國。又右扶風鄠，故

國，有扈國亭，扈，夏啓所伐。杜本商有姚邳。【詁】說文：姚，殷諸侯，爲亂，疑姓也。春秋傳曰：商有姚邳，邳，奚

仲之後，湯左相仲虺所封國。說文同。呂覽有仇氏，以伊尹爲媵，送女。漢書：殷之釁也，以有姚及有姚，案：莘

姚，仇與同音，蓋卽有莘國。地理志：東海郡下邳縣。杜本周有徐奄。【詁】書序：成王伐淮夷，遂踐奄。淮

夷與奄同時伐之。此徐奄連文，故以爲徐卽淮夷。賈逵亦然，是相傳說也。杜本服虔云：一曰魯公所

伐徐戎也。同上自無令王，諸侯逐進。【詁】漢書集注：逐，競也。杜本狎主齊盟，其又可壹乎？恤大舍小，足以

爲盟主，又焉用之？封疆之削，何國蔑有？主齊盟者，誰能辯焉？吳漢有釁。【詁】孔安國云：庸，濮在江漢之

間。史記集解楚之執事，豈其顧盟？莒之疆事，楚勿與知。諸侯無煩，不亦可乎？莒魯爭鄆，爲日久矣。苟無

大害於其社稷，可無亢也。去煩宥善，莫不競勸。子其圖之，固請諸楚。楚人許之，乃免叔孫。令尹享趙孟

賦，大明之首章。趙孟賦小宛之二章。事畢，趙孟謂叔向曰：令尹自以爲王矣，何如？對曰：王弱，令尹彊，其

可哉。雖可不終。趙孟曰：何故？對曰：彊以克弱而安之，彊不義也。不義而彊，其斃必速。詩曰：赫赫宗周，裒

如字。詩作威。彊不義也。令尹爲王，必求諸侯，晉少懦矣。【詰】說文：懦，鷙弱者也。杜本諸侯將往，若獲諸

侯，其虐滋甚，民弗堪也。將何以終？夫以彊取，不義而克，必以爲道，道以淫虐，弗可久已矣。夏四月，趙

孟叔孫豹、曹大夫入于鄭，鄭伯兼享之。子皮戒趙孟禮終，趙孟賦瓠葉。子皮遂戒穆叔，且告之。穆叔曰：

趙孟欲一獻。【詰】鄭玄禮記注：一獻，士飲酒之禮。子其從之。子皮曰：敢乎？穆叔曰：夫人之所欲也。又何

不敢及享，具五獻之籩豆於幕下。趙孟辭，私於子產曰：武請於冢宰矣。乃用一獻。趙孟爲客，禮終乃宴。

穆叔賦鵲巢。趙孟曰：武不堪也。又賦采芣，曰：小國爲芣，大國省穡而用之，其何實非命。【詰】元劉用熙

曰：實疑適字之誤。子皮賦野有死麕之卒章。釋文：麕，亦作麕。趙孟賦常棣，且曰：吾兄弟比以安，龙也可使無吠。

穆叔子皮及曹大夫興拜，舉兕觥曰：小國賴子，知免於戾矣。飲酒樂。趙孟出曰：吾不復此矣。天王使

劉定公勞趙孟於潁。【詰】地理志：潁川郡陽城，陽乾山，潁水所出，東至下蔡入淮。杜本館於洛汭。【詰】

水經：洛水又東北過鞏縣，又北入於河。案館蓋在洛水入河之處。杜注亦同。說文：汭，水相入也。劉子曰：

美哉禹功，明德遠矣。微禹，吾其魚乎。吾與子弁冕。【詰】說文：冕，冕也。杜本蕞，棟曰：釋文云：弁，端委無冕

字。故杜訓爲冕冠。傳文蓋衍冕字。端委以治民，臨諸侯，禹之力也。【詰】服虔云：禮衣端正無殺，故曰端。

文德之衣尙寢長。故曰委。

疏本

子盍亦遠績禹功。

【詁】爾雅績繼也。說文績緯也。義並通。案杜注勸趙孟

使纂禹功。訓亦本此。正義舍繼緯本訓。別引釋詁文。云績亦功也。失之遠矣。而大庇民乎。對曰。老夫罪

戾是懼。焉能恤遠。吾儕偷食。朝不謀夕。何其長也。劉子歸。以語王曰。諺所謂老將知而耄及之者。【詁】

惠士奇曰。大雅抑詩云。借曰未知。亦聿既耄。蓋當時之語云。亦然。其趙孟之謂乎。爲晉正卿。以主諸侯。

而儕於隸人。朝不謀夕。弃神人矣。神怒民叛。五行志何以能久。趙孟不復年矣。神怒不歆其祀。民叛不

卽其事。祀事不從。又何以年。叔孫歸。會天御季孫以勞之。旦及日中不出。曾天謂曾阜曰。旦及日中。

吾知罪矣。魯以相忍爲國也。忍其外。不忍其內。焉用之。阜曰。數月於外。一旦於是。庸何傷。賈而欲贏。而

惡翼乎。阜謂叔孫曰。可以出矣。叔孫指楹曰。【詁】說文楹柱也。杜本雖惡是其可去乎。乃出見之。鄭

徐吾犯之妹美。【詁】廣韻曰。鄭公子有食采于徐吾之鄉。後以爲氏。惠棟曰。據此則子南子皙爭同姓

以爲室也。公孫楚聘之矣。公孫黑又使強委禽焉。犯懼。告子產。子產曰。是國無政。非子之患也。惟所欲

與。犯請於二子。請使女擇焉。皆許之。子皙盛飾入。布幣而出。子南戎服入。左右射超乘而出。女自房觀

之。曰。子皙信美矣。抑子南夫也。夫夫婦婦。所謂順也。適子南氏。子皙怒。旣而囊甲以見子南。欲殺之。而

取其妻。子南知之。執戈逐之。及衝。擊之以戈。【詁】說文衝。通道也。春秋傳曰。及衝以戈擊之。案今本作

擊之以戈。杜本同。子皙傷而歸。告大夫曰。我好見之。不知其有異志也。故傷。大夫皆謀之。子產曰。直鈞。

幼賤有罪，罪在楚也。乃執子南而數之曰：國之大節有五，女皆奸之，畏君之威，聽其政，尊其貴，事其長，養其親，五者所以爲國也。今君在國，女用兵焉，不畏威也；奸國之紀，不聽政也；子皙上大夫，女嬖大夫，而弗下之，不尊貴也；幼而不忌，不事長也；兵其從兄，不養親也。君曰：余不女忍殺，宥女以遠，勉速行乎？無重而罪。五月庚辰，鄭放游楚於吳，將行子南。子產咨於大叔，大叔曰：吉不能亢身，焉能亢宗？彼國政也，非私難也。子圖鄭國利，則行之。又何疑焉？周公殺管叔而蔡蔡叔。【詰】釋文：上蔡字音素葛反。說文作彘，从殺下米。玉篇：彘，糶彘散也。書作蔡字，惠棟曰：漢宣帝元康三年，詔曰：骨肉之親，彘而不殊，嵇康琴賦曰：新衣翠彘。李善曰：子虛賦：翫翠彘。張揖曰：翠彘，衣聲也。案子虛賦文作翠翠蔡，愚謂漢書文選彘字皆彘之誤。彘本與蔡通，故又作蔡。禹貢曰：二百里蔡。鄭康成注云：蔡之言殺，減殺其賦，減殺者猶未滅也。叔非首謀，慮从末滅之科，故不殺而囚之。如此，則不必改字，而義亦得矣。小爾雅曰：蔡，法也。今案周書作洛篇，管叔經而卒，然則管叔亦非周公殺之，乃自經耳。夫豈不愛王室故也？吉若獲戾，子將行之，何有於諸游？秦后有寵於桓。【詰】案：后子當係秦公子鍼之字，此下杜用韋昭說。又云：鍼字伯車，疑非伯車，當係別一人。如二君於景，其母曰：弗去懼選。【詰】說文：選，遣也。一曰：選擇也。案杜注選數，今攷遺義較杜注爲長。遺，離古字同。癸卯，鍼適晉，其車千乘。書曰：秦伯之弟鍼出奔晉，罪秦伯也。后子享晉侯，造舟于河。【詰】徐堅云：在蒲反。夏陽津，今蒲津浮橋是其處。十里舍車，自雍及絳，歸取酬。

幣終事八反【詁】服虔以爲每于十里置幣車一乘千里百乘以次相授車率皆日行一百六十里謂

从絳向雍去而復還一享之間八度至也本疏司馬侯問焉曰子之車盡于此而已乎對曰此之謂多矣

若能少此吾何以得見女叔齊以告公且曰秦公子必歸臣聞君子能知其過必有令圖令圖天所贊

也后子見趙孟趙孟曰吾子其曷歸對曰鍼懼選於寡君是以在此將待嗣君趙孟曰秦君何如對曰

無道趙孟曰亡乎對曰何爲一世無道國未艾也國於天地有與立焉不數世淫弗能斃也趙孟曰天

乎石經天作天譏對曰有焉趙孟曰其幾何對曰鍼聞之國無道而年穀和孰諸本作熟今从外傳及五行志改天贊之也鮮

不五稔【詁】說文云稔穀熟也春秋傳曰鮮不五稔趙孟視蔭曰【詁】說文蔭草陰也案杜注蔭日景

也義亦通釋文蔭本亦作陰朝夕不相及誰能待五后子出而告人曰趙孟將死矣主民翫歲而惕日

【詁】爾雅惕貪也說文翫習厭也春秋傳曰翫歲而惕日惕息也又忼字下云忼貪也春秋傳曰忼歲

而澌日案杜注解後一說外傳作忼日而澌歲韋昭云忼愉也澌遲也說文忼字下所引或外傳文但

小異耳其與幾何鄭爲游楚亂故六月丁巳鄭伯及其大夫盟于公孫段氏罕虎公孫僑公孫段印

段游吉駟帶私盟于闔門之外初學記引作闔門實薰隧公孫黑強與於盟使大史書其名且曰七子子產弗

討晉中行穆子敗無終及羣狄于大原崇卒也【詁】孔安國書傳崇聚也杜本此將戰魏舒曰彼徒我

車所遇又阨釋文阨作隘【詁】說文阨塞也以什共車必克困諸阨又克請皆卒自我始乃毀車以爲行五

乘爲三伍。荀吳之嬖人，不肯卽卒，斬以徇。【詰】說文：徇，行示也。司馬法：斬以徇。案集韻云：徇，或作徇，徇是徇。乃徇之本字。爲五陳以相離，兩於前，伍於後，專爲右角，參爲左角，偏爲前拒。【詰】服虔引司馬法云：五十乘爲兩，百二十乘爲伍，八十一乘爲專，二十九乘爲參，二十五乘爲偏。彼皆準車數多少以爲別名。此傳去車用卒，而有此名，不以車數爲別也。宋本疏二十六以誘之，狄人笑之，未陳而薄之，大敗之。莒展與立，而奪羣公子秩。公子召去疾于齊。秋，齊公子鉏納去疾，展與奔吳。叔弓帥師疆郟田，因莒亂也。於是莒務婁瞽胡及公子滅明，以大扈與常儀靡奔齊。君子曰：莒展之不立，弃人也。夫人可弃乎？詩曰：無競惟人。諸本作唯，从石經宋本改正。善矣。晉侯有疾，鄭伯使公孫僑如晉聘，且問疾。叔向問焉，曰：寡君之疾病，卜人曰：實沈臺駘。論衡作臺台，水經注同。爲祟。【詰】說文：祟，神禍也。史莫之知，敢問此何神也？子產曰：昔高辛氏有二子，伯曰閼伯，季曰實沈，居於曠林。【詰】賈逵云：曠，大也。史記案杜注：曠，林地闕，蓋不从賈義。今攷李善文選注引作曠，曠足證賈義爲長也。不相能也，日尋干戈，以相征討。后帝不臧。【詰】賈逵云：后，帝堯也。臧，善也。同上。遷閼伯于商丘。【詰】賈逵云：在漳南。同上。主辰。【詰】服虔云：辰，大火。主，祀也。同上。杜取此。商人

是因。【詰】

服虔云：商人契之先，湯之始祖，相土封閼伯之故地，因其故國而代之。同上。故辰爲商星，遷實

沈于大夏。【詰】

服虔云：在汾澮之間。同上。主參。【詰】服虔云：主祀參星。同上。唐人是因，以服事夏商。【詰】賈

逵云：唐人謂陶唐之允劉累事夏，孔甲封於大夏，因實沈之國，子孫服事夏商也。同上。服虔以唐人卽是

劉巢本疏杜其季世曰唐叔虞【詁】服虔以為唐叔虞節下句邑姜所生者也同當武王邑姜方震大

叔【詁】服虔云邑姜武王后齊大公之女史記集解說文娘女身動也案娠震古字通史記漢書列傳

文並作娠應劭曰娠動懷任之意孟康曰娠音身漢書身多作娠古今字也後漢書凡娠字皆作姪杜

注懷胎為震亦假娠字訓夢帝謂己【詁】賈逵云帝天也己武王也同服虔云己武王也本余命而子

曰虞地理志命引作將與之唐屬諸參而蕃育其子孫及生有文在其手曰虞【詁】石經古文虞作𠄎

遂以命之及成王滅唐而封大叔焉【詁】史記封作國惠棟曰尙書序武王既勝殷邦諸侯又康誥序

云以殷餘民邦康叔孔氏云國康叔為衛侯此傳依史記當云邦大叔古字邦封同見書漢諱邦改為

國故云國大叔也下文封諸汾川同案惠說是惟云傳依史記當云邦大叔非故參為晉星由是觀之

則實沈參神也昔金天氏有裔子曰昧史記齊為元冥師生允格臺駘【詁】服虔云金天少昊也元冥

水官也師長也昧為水官之長允格臺駘兄弟也史記集解廣雅裔遠也杜本臺駘能業其官【詁】服

虔云修昧之職同上杜宣汾洮【詁】賈逵云宣猶通也汾洮二水同上杜案洮水酈道元以為即今涑

水司馬彪云洮水出開喜縣故王莽以為洮亭杜預釋地及正義云洮水關不知所在蓋不攷也障大

澤【詁】服虔云障障其水也同上杜以處大原【詁】服虔云大原汾水名同帝用嘉之【詁】服虔云帝

顛頊也同上杜封諸汾川沈姒蓀黃實守其祀【詁】賈逵云四國臺駘之後也同上杜今晉主汾而滅

之矣。史記作主汾川【詰】賈逵云。滅四國。上由是觀之。則臺駘汾神也。史記作汾洸神也。水經注亦同。抑此二者。不及君身。山

川之神。則水旱癘疫之災。於是乎禱。之日月星辰之神。則雪霜風雨之不時。於是乎禱之。【詰】賈逵以

爲禱。用幣。本疏。服虔云。禱爲幣。用幣也。若有水旱。則禱祭山川之神。以祈福也。史記集解。杜惠棟曰。參用賈服說。

鄭康成注周禮。引此傳云。日月星辰之神。則雪霜風雨之不時。於是乎禱之。山川之神。則水旱癘疫之

災。於是乎禱之。賈公彥曰。鄭君所讀春秋。先日月與賈服不同。說文云。禱者。設絲繭爲幣。以禱風雨雪

霜水旱癘疫於日月星辰山川也。是許君所讀春秋。亦與鄭同。史記所載同賈服。若君身。則亦出入飲食哀樂

之事也。山川星辰之神。又何爲焉。僑聞之。君子有四時。朝以聽政。晝以訪問。夕以修令。夜以安身。於是

乎節宣其氣。勿使有所雍閉湫底。【詰】服虔云。湫。著也。底。止也。本疏。以露其體。【詰】方言。露。敗也。廣雅同。

茲心不爽。【詰】小雅。爽。明也。而昏亂百度。今無乃壹之。則生疾矣。僑又聞之。內官不及同姓。其生不殖。

美先盡矣。則相生疾。君子是以惡之。故志曰。買妾不知其姓。則卜之。違此二者。古之所慎也。男女辨姓。

禮之大司也。今君內實有四姬焉。其無乃是也乎。若由是二者。弗可爲也已。四姬有省。猶可。無則必生

疾矣。叔向曰。善哉。胥未之聞也。此皆然矣。叔向出行。人揮送之。叔向問鄭故焉。且問子皙對曰。其與幾

何。無禮而好陵人。怙富而卑其上。【詰】說文。怙。恃也。弗能久矣。晉侯聞子產之言曰。史記作平公及叔

也。博物君子也。重賄之。晉侯求醫於秦。秦伯使醫和視之。外傳和曰。疾不可爲也。是謂近女室。疾如

蠱非鬼非食感以喪志良臣將死天命不祐公曰女不可近乎對曰節之先王之樂藝文志引樂上有作字所以節百事也故有五節遲速本末以相及中聲以降五降之後不容彈矣詁荀卿子曰詩者中聲之所

止也楊倞曰詩謂樂章所以節聲音至乎中而止不使流淫也於是有煩手淫聲詁服虔謂鄭重其

手而音淫過公羊疏許慎五經通義云鄭重之音使人淫過初學悖墮心耳文選注乃忘平和君子弗聽

也物亦如之至於煩乃舍也已無以生疾君子之近琴瑟以儀節也非以悖心也詁說文悖說也天

有六氣降生五味發爲五色徵爲五聲淫生六疾六氣曰陰陽風雨晦明也詁服虔云風東方雨西

方陰中央晦北方明南方惟天地不變惟晦明所屬詩疏分爲四時序爲五節過則爲菑陰淫寒疾陽淫

熱疾風淫末疾詁賈逵以末疾爲首疾謂首眩也本惠棟曰逸周書曰元首曰末易卦初爲本上爲

末故上爲首爲角杜據素問以四支爲四末故謂末疾爲四支然不及賈注之當雨淫腹疾晦淫感疾

明淫心疾女陽物而晦時淫則生內熱感蠱之疾今君不節不時能無及此乎出告趙孟趙孟曰誰當

良臣對曰主是謂矣主相晉國於今八年晉國無亂諸侯無闕可謂良矣和聞之國之大臣榮其寵祿

任其大節有菑禍與而無改焉必受其咎今君至於淫以生疾將不能圖恤社稷禍孰大焉主不能御

諸本作禦釋文改正從吾是以云也趙孟曰何謂蠱對曰淫溺惑亂之所生也於文皿蟲爲蠱詁說文蠱腹中

蟲也春秋傳曰皿蟲爲蠱淫溺之所生也臬桀死之鬼亦爲蠱穀之飛亦爲蠱詁爾雅釋器廔謂之

蠱郭璞曰：米皮籩之揚之，糜粃在前，故云穀之飛。外傳：蠱之愚，穀之飛實生之。在周易，女惑男，風落山，謂之蠱。三三皆同物也。趙孟曰：良醫也，厚其禮而歸之。楚公子圍使公子黑肱伯州犁城蠻櫟，鄭【詰】地理志：蠻屬南陽郡，陽翟，鄭屬潁川郡，譙，周古史考曰：鄭厲公入櫟，卽陽翟。鄭人懼，子產曰：不害，令尹將行大事，而先除二子也，禍不及鄭，何患焉？冬，楚公子圍將聘于鄭，伍舉爲介，未出竟，聞王有疾而還，伍舉遂聘。十一月己酉，公子圍至，入問王疾，縊而弑之。【詰】韓非子：奸劫篇以其冠纓絞王殺之，孫卿子曰：以冠纓絞之，說文：絞，縊也。杜本：遂殺其二子幕及平夏。史記：幕，右尹子干出奔晉，宮廡尹子皙出奔鄭，殺大宰伯州犁于鄭。【詰】章昭國語注：鄭後屬鄭，鄭衰，楚取之，昭元年，葬王於鄭，謂之鄭敖，是也。杜本：葬王于鄭，謂之鄭敖。史記作夾敖，古今人表同。使赴于鄭，伍舉問應爲後之辭焉。【詰】服虔云：問來赴者。史記：對曰：寡大夫圍，伍舉更之曰：共王之子圍，爲長子，干奔晉，從車五乘，叔向使與秦公子同食，皆百人之餼。趙文子曰：秦公子富，叔向曰：底祿以德。【詰】爾雅：底，致也。杜本：德鈞以年，年同以尊，公子以國，不聞以富。且夫以千乘去其國，彊禦已甚。詩曰：不侮鰥寡。【詰】詩大雅：鰥作矜，案定四年引詩，又作矜，古字通也。不畏彊禦，秦楚匹也。使后子與子干齒辭曰：鍼懼選，楚公子不獲，是以皆來，亦惟命。且臣與羈齒，無乃不可乎？史佚有言曰：非羈何忌。【詰】鄭玄禮記注：忌，畏也。楚靈王卽位，遠能爲令尹，遠啓彊爲大宰，鄭游吉如楚葬鄭敖，且聘立君，歸謂子產曰：具行器矣。楚王汰侈而自說其事，必合諸侯。

吾往無日矣。子產曰：不數年未能也。十二月，晉既烝。杜本趙孟適南陽，將會孟

子餘。詁服虔以孟爲趙盾，子餘爲趙衰。本惠棟據趙世家以孟子餘爲共孟及衰，甲辰朔，烝于溫。

【詁】服虔云：甲辰朔，夏十一月朔也。同又云：祭人君用孟月，人臣用仲月。禮記庚戌卒，鄭伯如晉弔及

雍乃復。

二年春，晉侯使韓宣子來聘，且告爲政而來見禮也。觀書於大史氏。詁鄭司農云：史官主齊，周禮見易

象與魯春秋曰：周禮盡在魯矣。詁賈逵云：周禮盡在魯矣。史法最備，故史記與周禮同名。疏吾乃今

知周公之德，與周之所以王也。詁鄭衆賈逵等或以爲卦下之象辭，文王所作，又下之象辭，周公所

作。本鄭衆賈逵虞翻陸績之徒，以易有箕子之明夷，東鄰殺牛，皆以爲易之爻辭，周公所作。疏公享之

季武子，賦縣之卒章，韓子賦角弓，季武子拜曰：敢拜子之彌縫敝邑。詁方言：彌縫也。廣雅：縫，合也。寡

君有望矣。武子賦節之卒章，既享，宴于季氏，有嘉樹焉。宣子譽之。詁服虔云：譽，游也。宣子游其樹下，

夏諺曰：一游一譽，爲諸侯度。本說文：譽，稱也。杜本案服注雖據孟子，究當從本訓爲長。觀下武子云云

可知。惠棟曰：孟子稱夏諺作豫，趙岐章句云：豫，亦游也。春秋傳曰：季氏有嘉樹，宣子豫焉。周易序卦曰：

豫必有隨。鄭康成注引孟子吾君不豫以爲證，則知此傳譽字本作豫。故服虔互引爲證。孫子兵法曰：

人效死而上能用之，雖優游暇譽，令猶行也。外傳作暇豫。李善云：豫與譽古字通。武子曰：宿敢不封殖。

此樹以無忘角弓。遂賦甘棠。宣子曰：起不堪也。無以及召公。宣子遂如齊納幣。見子雅。子雅召子旗。使見宣子。宣子曰：非保家之主也。不臣見子尾。子尾見彊。宣子謂之如子旗。大夫多笑之。惟晏子信之曰：夫子君子也。君子有信。其有以知之矣。自齊聘於衛。衛侯享之。北宮文子賦淇澳。宣子賦木瓜。夏四月。韓須如齊逆女。齊陳無宇送女。致少姜。少姜有寵於晉侯。晉侯謂之少齊。【詰】服虔云：所以寵異。不與齊衆女字等。言齊國如此好女。甚少。案服虔則少。體如字。謂陳無宇非卿。執諸中都。【詰】郡國志：太原郡。中都。劉昭注：昭二年。執陳無宇於中都。卽此。少姜爲之請曰：送從逆班。【詰】方言：班。微列也。杜本畏大國也。猶有所易。是以亂作。叔弓聘于晉。報宣子也。晉侯使郊勞。【詰】服虔云：郊勞。近郊三十里。疏。辭曰：寡君使弓來繼舊好。固曰：女無敢爲賓。徹命於執事。敝邑宏矣。敢辱郊使。請辭。致館。辭曰：寡君命下臣來繼舊好。好合使成。臣之祿也。敢辱大館。叔向曰：子叔子知禮哉。吾聞之曰：忠信禮之器也。卑讓禮之宗也。辭不忘國。忠信也。先國後己。卑讓也。詩曰：敬慎威儀。以近有德。夫子近德矣。秋。鄭公孫黑將作亂。欲去游氏而代其位。傷疾作而不果。駟氏與諸大夫欲殺之。子產在鄙。聞之。懼弗及。乘遽而至。【詰】說文：遽。傳也。案說文與爾雅略同。杜本此。使吏數之曰：伯有之亂。以大國之事。而未爾討也。爾有亂心。無厭國。不女堪。專伐伯有。而罪一也。昆弟爭室。而罪二也。薰隧之盟。女矯君位。而罪三也。有死罪三。何以堪之。不速死。大刑將至。再拜稽首。辭曰：死在朝夕。無助天爲虐。子產曰：人誰不死。凶人不終。命也。

作凶事爲凶人不助天其助凶人乎請以印爲禘師【詁】說文禘卒也方言卒或謂之禘廣雅享父禘卒也案杜注云禘師市官義亦本此蓋屬禘卒之長耳子產曰印也若才君將任之不才將朝夕從女罪之不恤而又何請焉不速死司寇將至七月壬寅縊尸諸周氏之衢加木焉晉少姜卒公如晉及河晉侯使士文伯來辭曰非伉儷也請君無辱公還季孫宿遂致服焉叔向言陳無字於晉侯曰彼何罪君使公族逆之齊使上大夫送之猶曰不共君求以貪國則不共而執其使君刑已頗何以爲盟主且少姜有辭冬十月陳無字歸十一月鄭印段如晉弔

三年春王正月鄭游吉如晉送少姜之葬梁丙與張趯見之梁丙曰甚矣哉子之爲此來也子大叔曰將得已乎昔文襄之霸也其務不煩諸侯令諸侯三歲而聘五歲而朝有事而會不協而盟君薨大夫弔卿共葬事夫人士弔大夫送葬足以昭禮命事謀闕而已無加命矣今嬖寵之喪不敢擇位而數於守適惟懼獲戾豈敢憚煩少齊有寵而死諸本作少姜今从石經釋文改正齊必繼室今茲吾又將來賀不惟此行也張趯曰善哉吾得聞此數也然自今子其無事矣譬如火焉火中寒暑乃退鄭玄周禮注引作火星中而寒暑退詩幽風疏禮記檀弓疏所引【詁】服虔云火大火星也季冬十二月平旦正中在南方大寒退季夏六月黃昏火星中大暑亦同

退是火爲寒暑之候是也詩疏此其極也能無退乎晉將失諸侯諸侯求煩不獲二大夫退子大叔告人曰張趯有知其猶在君子之後乎丁未滕子原卒同盟故書名齊侯使晏嬰請繼室於晉曰寡君

使嬰曰寡人願事君朝夕不倦將奉質幣以無失時則國家多難是以不獲不腆先君之適以備內官焜耀寡人之望【詁】說文焜焜也燿照也服虔云焜明也燿照也言得備妃嬪之列昭明己之意望也

本疏則又無祿早世隕命寡人失望君若不忘先君之好惠顧齊國辱收寡人微福於大公丁公【詁】說

文微循也章昭國語注遡要也此杜本照臨敵邑鎮撫其社稷則猶有先君之適及遺姑姊妹若而人

【詁】王逸楚詞章句遺餘也此杜本君若不棄敵邑而辱使董振擇之【詁】爾雅董正也薛綜西京賦注

振整理也此杜本以備嬪嬙又作嬙寡人之望也韓宣子使叔向對曰寡君之願也寡君不能獨任其社

稷之事未有伉儷在縵經之中又作衰是以未敢請君有辱命惠莫大焉若惠顧敵邑撫有晉國賜

之內主豈惟寡君舉羣臣實受其貺其自唐叔以下實寵嘉之既成昏晏子受禮叔向從之宴相與語

叔向曰齊其何如晏子曰此季世也吾弗知齊其爲陳氏矣公弃其民而歸於陳氏齊舊四量豆區釜

鍾【詁】鄭玄考工記注四升爲豆四豆曰區四區曰鬴鬴十曰鍾廣雅四升曰極四極曰區區四曰釜

釜十曰鍾案釜鬴豆桓音近義同此杜本顧炎武云毛晃云豆當音斗後人誤作俎豆之豆用之考工記

一獻而三酬則一豆矣豆古斗字惠棟云案考工梓人云爵一升觚三升獻以爵而酬以觚一獻而三

酬則一豆矣一獻三升則十升不得爲四升之豆故鄭注云豆當爲斗陶人云豆實二穀先鄭云穀當

爲斛受三斗聘禮記有斛案聘禮記云十斗曰斛安得云穀受三斗故鄭據旂人云豆實三而成穀則

穀受斗二升。明穀不得爲斛，豆不得爲斗也。四升爲豆，各自其四，以登於釜。釜十則鍾。陳氏三量皆登

一焉。鍾乃大矣。以家量貸，而以公量收之。山木如市，弗加於山。魚鹽蜃蛤。【詁】說文：蜃，入海化爲蜃蛤。

蜃屬有三，皆生於海。蛤屬千歲雀所化。秦人謂之牡蠣。海蛤者百歲燕所化也。魁蛤，一名服累。老服累

所化，弗加於海。民參其力，二入於公，而衣食其一。公聚朽蠹，而三老凍餒。【詁】說文：餒，從石，經改正。今【詁】服虔云：

三老者，工、老、商、老農者。【本疏】案杜注：三老謂上壽中壽下壽。蓋本詩魯頌國之諸市，屨賤踊貴，民人痛疾

而或煨休之。【詁】賈逵云：煨，厚也。休，美也。【釋文】及服虔云：煨，休，痛其痛而念之。若今時小兒痛，父母以

口就之曰煨，休代其痛也。【本疏】案杜注：煨，休，痛念之聲。蓋取服虔或云：煨，休，依注讀爲媮胸。毛若虛以爲

溫煦安息之意。讀如本字亦通。今攷考工記：工人鑿於制而休於氣。鄭康成注：休讀爲媮，則毛說是也。

其愛之如父母，而歸之如流水，欲無獲民，將焉辟之。箕伯直柄，虞遂伯戲，其相胡公大姬，已在齊矣。

【詁】服虔云：相隨也。【本疏】案正義云：定本相作祖。沈彤云：胡公爲周始封陳之祖。箕伯與胡公六人傳，只

平數之，則相乃祖字之誤。叔向曰：然雖吾公室，今亦季世也。戎馬不駕，卿無軍行，公乘無人，卒列無長。

庶民罷敝，而宮室滋侈，道殣相望。【詁】說文：殣，道中死人。人所覆也。荀悅曰：道殣謂之殣。韋昭从毛傳

曰：道家爲殣。案杜注云：賊死爲殣，蓋隨文生訓。究不若以上諸說之確也。而女富溢尤。民聞公命如逃，寇讐樂郤，胥原狐續慶伯降在阜隸。政在家門，民無所依。君日不悛，以樂愒憂。【詁】說文：悛，止也。愒，悅

也。案杜注：怡，藏也。蓋改字作輜。然不若本訓爲是。昭元年，子羽曰：子招樂憂，卽是此意。公室之卑，其何日之有。讒鼎之銘。【詰】服虔云：讒鼎，疾讒之鼎。明堂位所云：崇鼎是也。一云：讒，地名。禹鑄九鼎於甘讒之地。故曰讒鼎也。曰昧且丕顯。【詰】說文：昧，爽也。且，明也。一曰：闇也。後世猶意況日不悛，其能久乎。晏子曰：子將若何。叔向曰：晉之公族盡矣。胙聞之，公室將卑。其宗族枝葉先落，則公從之。胙之宗十一族，惟羊舌氏在而已。胙又無子，公室無度，幸而得死，豈其獲祀。初，景公欲更晏子之宅，曰：子之宅近市，湫隘囂塵。【詰】說文：湫，溢下也。春秋傳曰：晏子之宅湫隘，陋也。籀文：隘，陋也。塵，塵也。塵，鹿下揚土也。杜略本此。不可以居，請更諸爽垲者。【詰】韓非子：雞二云：請徙子家豫章之圃。說文：爽，明也。垲，乾燥也。杜本辭曰：君之先臣容焉，臣不足以嗣之。於臣侈矣。且小人近市，朝夕得所求，小人之利也。敢煩里旅，公笑曰：子近市，識貴賤乎。對曰：旣利之，敢不識乎。公曰：何貴何賤。於是景公繁於刑，有鬻踊者。故對曰：踊貴履賤。旣以告於君，故與叔向語而稱之。景公爲是省於刑。君子曰：仁人之言，其利博哉。晏子一言而齊侯省刑。詩曰：君子如祉，亂庶遄已。其是之謂乎。及晏子如晉，公更其宅，反則成矣。旣拜，乃毀之，而爲里室，皆如其舊。則使宅人反之。且諺曰：【詰】沈彤云：此上當脫鄰人辭室一句。下文違卜不祥等語，乃喻使勿辭也。晏子語亦有脫文，或且字爲日字之誤。非宅是卜，惟鄰是卜，二三子先卜鄰矣。違卜不祥，君子不犯非禮，小人不犯不祥，古之制也。吾敢違諸乎。卒復其舊宅，公弗許。因陳桓子以請，乃許之。夏

四月鄭伯如晉。公孫段相甚敬而卑。禮無違者。晉侯嘉焉。授之以策。曰：子豐有勞於晉國。【詁】服虔云：鄭僖公之爲太子。豐與之俱適晉。本

州縣北注。縣故州也。春秋左傳周當作以賜鄭公孫段。六國時韓宣子徙居之。以胙乃舊勳。伯石再拜

稽首受策以出。君子曰：禮其人之急也乎。伯石之汰也。一爲禮於晉。猶荷其祿。況以禮終始乎。詩曰：人

而無禮。胡不遄死。其是之謂乎。初。州縣欒豹之邑也。及欒氏亡。范宣子趙文子韓宣子皆欲之。文子曰：

溫吾縣也。二宣子曰：自郤稱以別三傳矣。晉之別縣不惟州。誰獲治之。文子病之。乃舍之。二子曰：吾不

可以正義而自與也。皆舍之。及文子爲政。趙獲曰：可以取州矣。文子曰：退。二子之言義也。違義禍也。余

不能治余縣。又焉用州。其以徼禍也。君子曰：弗知實難。知而弗從。禍莫大焉。有言州必死。豐氏故主韓

氏。伯石之獲州也。韓宣子爲之請之。爲其復取之之故。五月。叔弓如滕。葬滕成公。子服椒爲介。及郊

遇懿伯之忌。敬子不入。禮記注引作敬叔不入。【詁】禮記檀弓云：滕成公之喪。使子叔敬叔弔。進書。惠伯曰：公事

有公利。無私忌。【詁】韓非子曰：私怨不入公門。一說忌忌日。故云私忌。椒請先入。乃先受館。敬子從之。

晉韓起如齊。逆女。公孫董爲少妾。之有寵也。以其子更公女而嫁公子。人謂宣子子尾欺晉。晉胡受

之。宣子曰：我欲得齊。而遠其寵。寵將來乎。秋七月。鄭罕虎如晉。賀夫人。且告曰：楚人日徵敝邑。以不

朝立王之故。敝邑之往。則畏執事。其謂寡君而固有外心。其不往。則宋之盟云。進退罪也。寡君使虎布

之。宣子使叔向對曰：君若辱有寡君，在楚何害？修宋盟也。君苟思盟，寡君乃知免於戾矣。君若不有寡君，雖朝夕辱於敝邑，寡君猜焉。【詰】廣雅：猜，疑也。杜本此。君實有心，何辱命焉？君其往也。苟有寡君，在楚猶在晉也。張趯使謂大叔曰：自子之歸也，小人糞除先人之敝廬。【詰】說文：糞，掃除也。从土，夨聲。讀若糞。是。夨爲糞本字。禮記：掃席前曰拚。是又夨字。或體：惠棟曰：聘禮：卿館于大夫，游吉，鄉張，繼大夫，吉送。少姜葬館焉。故今云糞除先人敝廬。舍廟中。故云先人。曰：子其將來。今子皮實來。小人失望。大叔曰：吉賤，不獲來，畏大國尊夫人也。且孟曰：而將無事，吉庶幾焉。小邾穆公來朝，季武子欲卑之，穆叔曰：不可。曹滕二邾，實不忘我好，敬以逆之，猶懼其貳。又卑一睦焉。逆羣好也。其如舊而加敬焉。志曰：能敬無災。又曰：敬逆來者，天所福也。季孫從之。八月，大雩，旱也。齊侯田於莒，盧蒲癸見，泣且請曰：余髮如此種種。釋文：種種本亦作董董。余奚能爲公？曰：諾。吾告二子歸而告之。子尾欲復之，子雅不可，曰：彼其髮短而心甚長，其或寢處我矣。九月，子雅放盧蒲癸于北燕。燕簡公多嬖寵，欲去諸大夫而立其寵人。冬，燕大夫比以殺公之外嬖，公懼，奔齊。書曰：北燕伯款出奔齊，罪之也。十月，鄭伯如楚，子產相，楚子享之。賦：吉日既享，子產乃具田備。王以田江南之夢。【詰】韋昭云：雲夢在華容縣。水經：案元和郡縣志云：左傳：鄭夫人女奔子于夢中，無雲字。云：楚子潛，江入雲中，復無夢字。以此推之，則雲夢二澤，本自別矣。而禹貢爾雅，皆云雲夢者，蓋雙舉二澤言之。故後代以來，通名一事。故左傳曰：田于江南之雲夢也。又揚雄

羽獵賦奢雲夢。李善注曰：雲夢，楚薳澤名也。左氏傳曰：楚纘王與鄭伯田于江南之雲夢。據此二條，則是一本有雲字也。齊公孫寵卒，司馬寵見晏子曰：又喪子雅矣。晏子曰：惜也。子旗不免，殆哉。姜族弱矣，而嬖將始昌，二惠競爽，猶可。【詁】廣雅：爽，猛也。案蓋言二惠彊猶可耳，似較杜注為長。又弱一個焉，姜其危哉。

四年春王正月，許男如楚。楚子止之，遂止鄭伯。復田江南，許男與焉。使椒舉古今人表作椒舉如晉，求諸侯。二君

待之。椒舉致命曰：寡君使舉曰：日君有惠，賜盟于宋。曰：晉楚之從，交相見也。以歲之不易。劉向新序易作劉寡

人願結驩於二三君，使舉請問君若苟無四方之虞。【詁】詩毛傳：虞，度也。杜本此則願假寵以請於諸侯。

晉侯欲弗許。司馬侯曰：不可。楚王方侈，天或者欲逞其心。【詁】新序：逞，作盈。案盈逞二字古通。如欒盈

史記作欒逞是也。以厚其毒而降之罰，未可知也。其使能終，亦未可知也。晉楚惟天所相。【詁】詩毛傳

相助也。杜本此不可與爭君，其許之而修德以待其歸，若歸於德，吾猶將事之。況諸侯乎？若適淫虐，楚將

弃之。吾又誰與爭？公曰：晉有三殆。【詁】說文：殆，危也。杜本此其何敵之有？國險而多馬，齊楚多難，有是

三者，何鄉而不濟。新序作密對曰：恃險與馬，而虞鄰國之難。新序無此是三殆也。四嶽。【詁】爾雅：釋山，河南華

河東岱，河北恆，江南衡，李巡曰：華，西嶽華山也。岱，東嶽泰山也。恆，北嶽恒山也。衡，南嶽衡山。杜本此三塗

【詁】服虔云：三塗，太行，轅轅，嶧，函也。謂三塗為三處道也。本一云三塗，太行，轅轅，嶧，函也。水經京

相璣曰：山名也。上同。案杜注在河南陸渾縣南，據昭十七年傳文，闕駟十三州志亦云三塗山在陸渾縣

東南，然尋釋上下文義，當以服義爲長。陽城【詰】地理志：潁川郡，陽城有陽城山。杜本大室【詰】地理

志：潁川郡，番高武帝置以奉大室山，是爲中岳，有大室少室山廟。杜本荆山【詰】地理志：南郡，臨沮，禹

貢，南條荆山在東北。杜本中南【新序作】【詰】地理志：右扶風武功大壺山，古文以爲終南。杜本酈道元

云：終南山，杜預以爲中南，案此是左傳舊本，本作終南，杜氏定爲中南也。九州之險也，是不一姓。文選

作是非，冀之北土，馬之所生【詰】盧毓冀州論曰：冀州北接燕代，後世謂代爲馬郡。初學無興國焉，恃

險與馬，不可以爲固也。從古以然，是以先王務修德音，以亨神人。新序亨作享，古【詰】易子夏傳：亨，通

也。杜本不聞其務險與馬也，鄰國之難，不可虞也。或多難以固其國，啓其疆土，或無難以喪其國，失其

守宇，若何虞難。齊有仲孫之難，而獲桓公。至今賴之，晉有里平之難。新序作里克，非而獲文公，是以爲盟主，衛

邢無難，敵亦喪之。【詰】案新序敵作狄，非邢非喪于狄也。故人之難，不可虞也。恃此三者而不修政，

亡於不暇，又何能濟。新序又君其許之，紂作淫虐，文王惠和，殷是以隕。新序隕周是以興，夫豈爭諸侯

下，有哉字。乃許楚使使叔向對曰：寡君有社稷之事，是以不獲春秋時見。諸侯君實有之，何辱命焉。椒

舉遂請昏。晉侯許之。楚子問於子產曰：晉其許我諸侯乎？對曰：許君少安，不在諸侯，其大夫多求。

莫匡其君，在宋之盟，又曰如一，若不許君，將焉用之。王曰：諸侯其來乎？對曰：必來。從宋之盟，承君之歡。

不畏大國。何故不來。不來者。其魯衛曹邾乎。【詁】案論衡引作魯邾宋衛不來。非。曹畏宋。邾畏魯。魯衛

逼於齊而親於晉。惟是不來。其餘君之所及也。誰敢不至。王曰。然則吾所求者。無不可乎。對曰。求逞於

人不可。與人同欲盡濟。大雨雹。季武子問於申豐曰。雹可御乎。對曰。聖人在上無雹。雖有不爲災。古

者日在北陸而藏冰。【詁】服虔云。陸。道也。北陸言在。謂十二月日在危一度。周禮疏。杜取此。西陸朝覲而出之。

【詁】服虔云。不言在則不在。昴。謂二月日在婁四度。謂春分時奎婁晨見東方而出冰。是公始用之。上。

鄭玄答弟子孫皓問曰。西陸朝覲。謂四月立夏之時。周禮夏班冰是也。案杜注與鄭異。劉炫云。春分奎

星已見。杜以夏三月仍云奎始朝見。非其義矣。鄭服杜三說。鄭爲近之。說文。價。見也。昴。白虎宿星。案觀

當作價。詩疏引鄭康成云。四月昴則見。服虔云。春分之中。奎始晨見東方。蟄蟲出矣。故以是時出之。給

賓客喪祭之用。詩疏。又以爲出之。卽是仲春啓冰。本疏。其藏冰也。深山窮谷。固陰沍寒。釋文。【詁】案說文無

沍沍二字。玉篇有之。云。沍。閉塞也。胡故切。沍。寒也。亦胡故切。今从宋本及諸刻本作沍。又案漢書郊祀

志。秋。涸凍。師古曰。涸。讀如沍。沍。凝也。音下故反。並引左傳文。史記索隱曰。案字林。涸。竭也。下各反。小顏

云。涸。讀與沍同。於是乎取之。其出之也。朝之祿位。【詁】服虔云。祿位。謂大夫以上賓客。食喪有祭祀。詩

賓食。初學記引。喪祭。於是乎用之。其臧之也。黑牡。秬黍。以享司寒。【詁】服虔云。司寒。司陰之人。元冥也。

將臧冰。致寒氣。故祀其神。同上。其出之也。桃弧棘矢。【詁】說文。弧。木弓也。服虔云。桃。所以避凶也。棘。矢者。

棘亦有鍼取其名也。蓋出冰之時，置此弓矢於凌室之戶，所以禳除凶邪，將御至尊，故慎其事爲此禮。

本疏以除其災，其出入也。時食肉之祿，冰皆與焉。大夫命婦，喪浴用冰，祭寒而臧之。初學記引此寒上有司字，獻羔

而啓之，公始用之，火出而畢賦。【詰】服虔云：火出於夏爲三月，於商爲四月，於周爲五月。周禮自命夫

命婦，至於老疾，無不受冰。山人取之，縣人傳之，輿人納之，隸人臧之。夫冰以風壯，而以風出其臧之也。

周其用之也，徧則冬無愆陽。【詰】周書時訓曰：草木不黃落，是爲愆陽。夏無伏陰，春無淒風，秋無苦雨。

【詰】服虔云：害物之雨，民所苦。詩疏：雷不出震。【詰】說文云：震，霹靂，震物者。服虔云：震，驚也。漢書集注：無舊霜

霰，癘疾不降。【詰】說文：癘，惡疾也。民不夭札。【詰】鄭司農周禮注：札，謂疾疫死亡也。越人謂死爲札。杜

此今臧川池之冰，弃而不用，風不越而殺。【詰】高誘：淮南王書注：越，散也。杜本雷不發而震，雹之爲災

誰能禦之。七月之卒章，臧冰之道也。夏諸侯如楚，魯衛曹邾不會，曹邾辭以難，公辭以時祭，衛侯辭

以疾，鄭伯先待于申。六月丙午，楚子合諸侯于申，椒舉言於楚子曰：臣聞諸侯無歸禮以爲歸，今君始

得諸侯，其慎禮矣。霸之濟否，在此會也。夏啓有鈞臺之享。【詰】汲郡古文：夏啓元年，帝卽位於夏邑。大

饗諸侯於鈞臺，歸藏啓策曰：昔夏后氏啓策，享神于大陵而上鈞臺，枚占臯陶曰：不吉。連山易曰：啓筮

享神于大陵之上。酈道元云：卽鈞臺也。郡國志：潁川郡陽翟有鈞臺，惠棟曰：魏大饗碑，夏啓均臺之享，

均古鈞字，享古享字。商湯有景亳之命。【詰】汲郡古文云：帝癸二十八年，昆吾氏伐商，商會諸侯于景

毫遂征韋商師取韋遂征顧鄆道元云所謂景毫爲北毫矣周武有盟津之誓

釋文孟本又作盟孟盟古字通【詁】案

水經注引論衡云與八百諸侯同此盟尙書所謂不謀同辭也故曰盟津亦曰孟津地理志引禹貢作

盟津師古曰盟讀曰孟津在洛陽之北都道所湊故號孟津孟長大也成有岐陽之蒐【詁】汲郡古文

云成王六年大蒐于岐陽晉語云昔成王盟諸侯于岐陽楚爲荆蠻置茅蕝設望表與鮮卑守燎故不

與盟賈逵云岐山之陽

史記集解杜取此

康有豐宮之朝【詁】汲郡古文云康王元年朝于豐宮服虔云豐宮

成王廟所在也

同上

說文鄭周文王所都在京兆杜陵西南穆有塗山之會【詁】汲郡古文穆王二十九

年會諸侯于塗山郡國志九江郡平阿有塗山應劭曰山在當塗左傳穆有塗山之會

杜本此

齊桓有召

陵之師晉文有踐土之盟君其何用宋向戌鄭公孫僑在諸侯之良也君其選焉王曰吾用齊桓【詁】

服虔云召陵之盟齊桓退舍以禮楚靈王今惑其意是以用之

疏本

王使問禮於左師與子產左師曰小

國習之大國用之敢不薦聞獻公合諸侯之禮六子產曰小國共戰敢不薦守獻伯子男會公之禮六

君子謂合左師善守先代子產善相小國王使椒舉侍於後以規過卒事不規王問其故對曰禮吾所

未見者

諸本脫所字今从石經宋本增入

有六焉又何以規宋大子佐後至王田於武城久而弗見椒舉請辭焉【詁】

韓非子十過篇云宋大子後至執而囚之王使往曰屬有宗祧之事於武城寡君將墮幣焉【詁】服虔

云墮輸也言將輸受宋之幣于宗廟案詩小雅正月篇左傳曰寡君將墮幣焉服注云墮輸也是謂輸

爲毀壞之義。子路將墮三都是也。定本墮作墮。敢謝後見。徐子吳出也。以爲貳焉。故執諸申。楚子示諸侯侈。椒舉曰。夫六王二公之事。皆所以示諸侯禮也。諸侯所由用命也。夏桀爲仍之會。有緡叛之。〔註〕韓非子作有戎之會。汲郡古文云。帝癸十一年。會諸侯于仍。有緡氏逃歸。遂滅有緡。賈逵云。仍。緡。國名也。史記集解。商紂爲黎之蒐。東夷叛之。〔註〕史記作紂爲黎山之會。韓非子黎丘之蒐。汲郡古文云。帝辛四年。大蒐于黎。服虔云。黎。東夷國名也。子姓。同上。杜。案說文。舊殷諸侯。國在上黨東北。今考黎正在紂都之東百餘里。服虔云。黎。東夷之國。是也。杜注亦見及此。而又注曰。疑。蓋不考之故。周幽爲大室之盟。戎狄叛之。〔註〕汲郡古文云。幽王十年春。王及諸侯盟于大室。明年申人緡人及犬戎入宗周。弑王。皆所以示諸侯汰也。諸侯所由弃命也。今君以汰。無乃不濟乎。王弗聽。子產見左師曰。吾不患楚矣。汰而懷諫。不過十年。左師曰。然。不十年侈。其惡不遠。遠惡而後弃。善亦如之。德遠而後興。〔註〕案遠惡疑當作惡遠。與德遠句對。秋七月。楚子以諸侯伐吳。宋大子鄭伯先歸。宋華費遂鄭大夫從。使屈申圍朱方。八月甲申。克之。執齊慶封而盡滅其族。將戮慶封。椒舉曰。臣聞無瑕者可以戮人。慶封惟逆命。是以此。其肯從於戮乎。播於諸侯。焉用之。王弗聽。負之斧鉞。以徇於諸侯。使言曰。無或如齊慶封弑其君。弱其孤。以盟其大夫。〔註〕案呂覽載此事云。毋或如齊慶封弑其君。以亡其大夫。高誘注。弱其孤爲殺。崔成崔彊。亡其大夫謂崔杼。彊而死。慶封曰。無或如楚共王之庶子圍弑其君兄之子麋而代之。以盟

諸侯王使速殺之。遂以諸侯滅賴。賴子面縛銜璧。士祖與櫬從之。造於中軍。王問諸椒舉。對曰。成王克許。許僖公如是。王親釋其縛。受其璧。焚其櫬。王從之。遷賴于鄢。楚子欲遷許于賴。使鬬章龜與公子弃疾。城之而還。申無宇曰。楚禍之首將在此矣。召諸侯而來。伐國而克。城竟莫校。王心不違。民其居乎。民之不處。其誰堪之。不堪王命。乃禍亂也。九月。取鄆。言易也。莒亂。著丘公立而不撫鄆。鄆叛而來。故曰取。凡克邑。不用師。徒曰取。鄭子產作丘賦。【詁】服虔以爲子產作丘賦者。賦此一丘之田。使之出

一馬三車。復古法耳。丘賦之法。不行久矣。今子產復修古法。民以爲貪。故謗之。【本疏】國人謗之曰。其父死

於路。已爲蠶尾。【詁】說文。蠶。毒蟲也。以令於國。國將若之何。子寬以告。子產曰。何害。苟利社稷。死生以

之。且吾聞爲善者。不改其度。故能有濟也。民不可逞。度不可改。詩曰。禮義不愆。何恤於人言。【漢書引作

言爾雅疏。愆。作魯從縮文。【詁】荀卿子載是詩曰。長夜漫兮。永思驚兮。大古之不慢兮。禮義之不愆兮。何恤人之言

兮。吾不遷矣。渾罕曰。國氏其先亡乎。君子作法於涼。【詁】說文。愆。薄也。从亢京聲。廣雅云。愆。薄也。曹憲

曰。音良。世人作愆。薄之。諫水旁著京。失之。【杜本】惠棟曰。溥即溥字。郭忠恕汗簡云。古爾雅。涼作愆。其敵

猶貪。作法於貪。敵將若之何。姬在列者。蔡及曹滕。其先亡乎。【詁】服虔云。齊景亡滕。【隱七年疏】偪而無禮。鄭

先衛亡。偪而無法。政不率法。而制於心。民各有心。何上之有。冬。吳伐楚。入棘樸麻。【詁】水經注。汝水

東。涇樸亭北。春秋之棘樸也。今城在新蔡。故城西。北半淪水。杜預以爲在東北。未詳。史記索隱引譙周

云鄆縣東北有棘亭。新蔡縣東北有棘亭。麻卽襄城縣故麻城是也。以報朱方之役。楚沈尹射奔命于

夏汭。後漢書注引沈尹戍誤。葳尹箴並誤。從宋本改。宜谷城鍾離。遠啓疆城巢。然丹城州來。東國水不可以城。彭

生罷賴之師。初穆子去叔孫氏及庚宗。遇婦人使私爲食而宿焉。問其行告之。故哭而送之。適齊娶

於國氏。生孟丙仲壬。【詰】韓非子內儲篇。叔孫有子曰壬。壬兄曰丙。卽孟仲也。夢天壓已弗勝。願而見

人黑而上僂。【詰】說文。僂。魁也。深目而顰。喙。【詰】說文。暇。牡豕也。號之曰牛。助余。乃勝之。且而皆召其

徒。無之。文選注。引作且。且曰志之。及宣伯奔齊。饋之。宣伯曰。魯以先子之故。將存吾宗。必召女。召女何

如。對曰。願之久矣。魯人召之。不告而歸。既立。所宿庚宗之婦人。獻以雉。【詰】集傳云。穆子選。過庚宗婦

人。獻熊。熊何校。穆子問之曰。女有子乎。曰。余子已能捧雉而從我矣。文選注。問其姓。【詰】廣雅。姓。子也。杜

此。對曰。余子長矣。能奉雉而從我矣。召而見之。則所夢也。未問其名。號之曰牛。曰唯。【詰】皇侃禮記義

疏云。唯。謂人應爾是也。皆召其徒。使視之。遂使爲豎。有寵。長使爲政。公孫明知叔孫於齊。歸未逆國。姜

子明取之。故怒其子。長而後使逆之。田於丘。舊田于蒲丘。文選注。引作遂遇疾焉。豎牛欲亂其室。而有之。強與孟

盟。不可。叔孫爲孟鍾。曰爾未際。【詰】爾雅。際。接捷也。小爾雅。際。接也。說文。際。擊會也。杜本爾雅。饗大夫以落

之。【詰】服虔云。饗以暇豚爲落。詩疏。杜既具。使豎告請日。入弗謁。出命之日。及賓至。聞鐘聲。牛曰。孟有

北婦人之客。怒將往。牛止之。賓出使拘而殺諸外。牛又強與仲盟。不可。仲與公御菜。書觀於公。公與之

環使牛入示之。入不示。出命佩之。牛謂叔孫。見仲而何。叔孫曰。何爲。曰。不見。既自見矣。公與之環而佩之矣。【詁】案韓非子載此事云。豎牛謂叔孫何不見。王於君乎。叔孫曰。孺子何足見也。豎牛曰。王固已

數見於君矣。君賜之玉環。已佩之矣。案此則正義所言非是。惠氏補注所見亦同。遂逐之。奔齊。疾急。命

召仲牛許而不召。杜泄見。

諸本作洩。今從釋文改下同。

告之飢渴。授之戈。對曰。求之而至。又何去焉。豎牛曰。夫子疾

病。不欲見人。【詁】秦越人難經五十一難云。病有欲見人者。不欲見人者。欲見人者。病在府也。不欲見

人者。病在藏也。府者。陽也。陽病者。欲得寒之。又欲見人。藏者。陰也。陰病者。欲得溫。又欲閉戶。獨處。惡聞人

聲。使置饋于个而退。牛弗進。則置虛命徹。【詁】傳曰。牛不進。叔孫覆空器而還之。示君已食。文選十二

月癸丑。叔孫不食。乙卯。卒。牛立昭子而相之。公使杜泄葬叔孫。豎牛賂叔仲昭子與南遺。使惡杜泄於

季孫而去之。杜泄將以路葬。且盡卿禮。南遺謂季孫曰。叔孫未乘路。葬焉用之。且冢卿無路。介卿以葬。

不亦左乎。季孫曰。然。使杜泄舍路。不可。曰。夫子受命於朝。而聘於王。王思舊勳。而賜之路。復命而致之。

君君不敢逆王命。而復賜之。使三官書之。吾子爲司徒。實書名。夫子爲司馬。與工正書服。孟孫爲司空。

以書勳。今死而弗以。是弃君命也。書在公府而弗以。是廢三官也。若命服。生弗敢服。死又不以。將焉用

之。乃使以葬。季孫謀去中軍。豎牛曰。夫子固欲去之。

五年春王正月。舍中軍。卑公室也。毀中軍于施氏。成諸臧氏。初作中軍。三分公室而各有其一。季氏盡征

之。叔孫氏臣其子弟。孟氏取其半焉。及其舍之也。四分公室。季氏擇二。二子各一。皆盡征之。而貢于公。以書使杜泄告于殯。曰：子固欲毀中軍。既毀之矣。故告杜泄曰：夫子惟不欲毀也。故盟諸僖闕。詛諸五父之衢。受其書而投之。帥士而哭之。叔仲子謂季孫曰：帶受命於子叔孫。曰：葬鮮者自西門。【詰】列子云：越東有輒木之國。其長子生則鮮而食之。張湛注引此爲證。云：鮮謂鮮少也。季孫命杜泄。杜泄曰：卿喪自朝。【詰】服虔云：卿葬三辭於朝。從朝出正門。卿佐國之棟幹。君之股肱。必過於朝。重之也。本杜注係臆說。當以服氏爲是。魯禮也。吾子爲國政。未改禮而又遷之。羣臣懼死。不敢自也。既葬而行。仲至自齊。季孫欲立之。南遺曰：叔孫氏厚則季氏薄。彼實家亂。子勿與知。不亦可乎。南遺使國人助豎牛。以攻諸大庫之庭。司宮射之中目而死。豎牛取東鄙三十邑。以與南遺。昭子卽位。朝其家衆。曰：豎牛禍叔孫氏。使亂大從。【詰】服虔云：使亂大和順之道。同。案昭子名嫪。說文：嫪。不順也。或亦以殺適立庶。亂大順之道。故取不順以爲名。殺適立庶。又披其邑。家語引【詰】纂文：披猶分也。衆經音義：將以赦罪。罪莫大焉。必速殺之。豎牛懼。奔齊。孟仲之子殺諸塞關之外。投其首於寧風之棘上。仲尼曰：叔孫昭子之不勞。不可能也。周任有言曰：爲政者不賞私勞。不罰私怨。詩曰：有覺德行。四國順之。初。穆子之生也。莊叔以周易筮之。遇明夷。☱☲之謙。☱☲以示卜。楚丘曰：是將行而歸爲子祀。以讒人入。其名曰牛。卒以餒死。明夷日也。日之數十。故有十時。亦當十位。【詰】惠棟曰：古言時皆謂四時。此言十時。爲分一日爲十時。以

當王至臺之十位。杜注用十二時與傳不合。自王以下。其二爲公。其三爲卿。日上其中。食日爲二。旦日爲三。明夷之謙。明而未融。【詁】服虔云。融。高也。詩疏。其當旦乎。故曰爲子祀。日之謙當鳥。故曰明夷于飛。明而未融。故曰垂其翼。象日之動。故曰君子于行。當三在旦。故曰三日不食。離火也。艮山也。離爲火。

【詁】劉用照云。離爲火三字。於上下文不通。疑衍文。火焚山。山敗於人爲言。敗言爲讒。故曰有攸往。

主人有言。言必讒也。純離爲牛。世亂讒勝。勝將適離。故曰其名曰牛。謙不足。飛不翔。垂不峻。翼不廣。故曰其爲子後乎。吾子亞卿也。抑少不終。楚子以屈申爲貳於吳。乃殺之。以屈生爲莫敖。使與令尹子

蕩如晉。逆女過鄭。鄭伯勞子蕩於汜。勞屈生於菟氏。水經注引【詁】酈道元云。野兔水上。承西南兔氏。

亭北野兔。陔春傳云。鄭伯勞屈生於兔氏者也。晉侯送女于邢丘。子產相鄭伯。會晉侯于邢丘。公

如晉。自郊勞至於贈賄。無失禮。晉侯謂女叔齊曰。魯侯不亦善於禮乎。對曰。魯侯焉知禮。公曰。何爲。自

郊勞至於贈賄。禮無違者。何故不知。對曰。是儀也。不可謂禮。禮所以守其國。行其政令。無失其民者也。

今政令在家。不能取也。有子家羈。公羊作子家駒。漢書淮南子並同。【詁】世本。仲遂魯莊公之子。東門襄仲。禮記又云。

遂產子家歸父及昭子子嬰也。史記索隱。案楊棟荀子注。子家羈。公子慶之後。名羈。字駒。今考歸

父爲仲遂之子。則莊公之孫。公子慶係桓公之子。與歸父支派迥別。司馬貞又云。子家羈。字懿伯。案懿

伯乃子家隘。非字也。涼及貞說不足據。當以世本爲正。弗能用也。奸大國之盟。陵虐小國。利人之難。不

知其私。公室四分。民食於他。思莫在公。不圖其終。爲國君。難將及身。不恤其所。禮之本末。將於此乎。在而屑屑焉。【註】方言。屑屑。不安也。廣雅。屑。勞也。習儀以亟言善於禮。不亦遠乎。君子謂叔侯於是乎知

禮。晉韓宣子如楚。送女。叔向爲介。鄭子皮子大叔勞諸索氏。【註】應劭曰。京有索亭。北征記又有索

水。續漢書補注案晉書地道記。京有大索亭。小索亭。索音柵。故水經或作柵。酈道元引作鄭子皮勞叔向於

索水。大叔謂叔向曰。楚王汰侈已甚。子其戒之。叔向曰。汰侈已甚。身之災也。焉能及人。若奉吾幣帛。慎

吾威儀。守之以信。行之以禮。敬始而思終。終無不復。從而失儀。敬而不失威。道之以訓辭。奉之以舊

法。攷之以先王。度之以二國。雖汰侈。若我何。及楚。楚子朝其大夫曰。晉吾仇敵也。苟得志焉。無恤其他。

今其來者。上卿上大夫也。若吾以韓起爲闈。以羊舌肸爲司宮。足以辱晉。吾亦得志矣。可乎。大夫莫對。

蘧啓彊曰。可。苟有其備。何故不可。恥匹夫不可以無備。況恥國乎。是以聖王務行禮。不求恥人。朝聘有

珪。【註】說文。珪。古文圭。刻上爲圭。半圭爲璋。享類有璋。【註】鄭服皆以享爲獻。釋文。諸侯三年大相

聘曰覲。覲視也。鄭氏先儒以爲朝聘之禮。使執圭以授主國之君。乃行享禮。獻國之所有。覲見也。謂行

享禮。以見主國之君也。本疏。小有述職。大有巡功。設几而不倚。【註】說文。几。踞几也。案今本作机。非。賈公

彥儀禮疏引此作几。今據改。爵盈而不飲。宴有好貨。殮有陪鼎。【註】鄭司農云。殮。夕食也。周禮服虔云。

陪。牛羊豕鼎。故云陪鼎。本疏。入有郊勞。出有贈賄。禮之至也。國家之敗。失之道也。則禍亂興。城濮之役。晉

無楚備。以敗於郟。郟之役。楚無晉備。以敗於鄢。自鄢以來。晉不失備。而加之以禮。重之以睦。是以楚弗能報。而求親焉。既獲姻親。又欲恥之。以召寇讐。備之若何。誰其重此。若有其人。恥之可也。若其未有。君亦圖之。晉之事君。臣曰可矣。求諸侯而麇至。文選注引作醫至。求昏而薦女。君親送之。上卿及上大夫致之。猶欲恥之。君其亦有備矣。不然奈何。韓起之下。趙成中行。吳魏舒。范鞅。知盈。羊舌肸之下。祁午。張趯。籍談。廣韻从升。女齊【詁】晉語。叔向見司馬侯之子。撫而泣之。晉書乞伏儼禮載記宗敏云。叔向撫女齊之子是也。案此則女齊蓋先叔向死。梁丙。張幣。輔躒。釋文。躒本作櫟。苗賁。皇。皆諸侯之選也。韓襄爲公族大夫。【詁】世本。晉韓厥生無忌。無忌生襄。襄生魯。魯爲韓言氏。韓須受命而使矣。箕襄。邢帶。【詁】賈逵云。二人韓氏族。疏。叔禽。叔椒。子羽。【詁】賈逵云。皆韓起庶子。同上。杜取此。皆大家也。韓賦。七邑。皆成縣也。羊舌四族。皆彊家也。【詁】服虔云。伯華。叔向。叔魚。季夙。同上。晉人若喪。韓起。楊肸。【詁】案地理志。河東郡楊縣。應劭曰。楊侯國。卽春秋時叔向采邑。以曷爲氏。故曰。楊肸也。劉昭注。郡國志亦云。楊叔向邑。漢名臣。奏載張衡說曰。晉大夫食采于楊。爲楊氏。食我有罪。而楊氏滅。惠棟曰。楊字。从手。不。从木。今考張衡說。見漢書注。亦不言字。當从手。自宋揚南仲。欲引楊雄爲祖。始造異說。以爲子雲之姓。當从手旁。而并春秋時晉國之屬邑。亦改之。不知左傳史記漢書並在。不可誣也。楊修云。吾家子雲。老不曉事云云。兩漢士大夫最重氏族。倘非一姓。則宏農。華族。又豈假成都僻姓。以自引重乎。明楊雄之楊。本當从木。其諸刊本从手者。皆

北宋以後，惑於南仲之說，好奇而改也。蘇氏亦爲其說所奪，欲引以改經，謾矣。五卿八大夫輔韓須楊石，因其十家九縣，長轂九百，其餘四十縣，遺守四千，奮其武怒，以報其大恥，伯華謀之，中行伯魏舒帥之，其蔑不濟矣。君將以親易怨。【詰】案謂以婚姻而易仇怨也。語意極明，或疑作以怨易親，恐誤。實無禮以速寇，而未有其備，使羣臣往遺之禽，以逞君心，何不可之有。【詰】服虔云：何不可有之如是。同上。王曰：不穀之過也。大夫無辱，厚爲韓子禮。王欲敖叔向，以其所不知而不能，亦厚其禮。韓起反，鄭伯勞諸

圍。【詰】陳留風俗傳：舊陳地，苦楚之難，修干戈于竟，以虞其患，故曰圍。案圍縣前漢屬淮陽國，後漢屬

陳留。杜注云：鄭地，亦約略之辭。辭不敢見禮也。鄭罕虎如齊，娶於子尾氏，晏子驟見之，陳桓子問其

故，對曰：能用善人民之主也。夏，莒牟夷以牟婁及防茲來奔，牟夷非卿而書，尊地也。莒人愬于晉，晉侯欲止公，范獻子曰：不可。人朝而執之，誘也。討不以師而誘，以成之，惰也。爲盟主而犯此二者，無乃不可乎？請歸之，間而以師討焉。乃歸公。秋七月，公至自晉。莒人來討，不設備。戊辰，叔弓敗諸蚡泉。莒未陳也。冬十月，楚子以諸侯及東夷伐吳，以報棘櫟麻之役。蘧射以繁揚之師，會于夏汭。越大夫常壽過帥師，會楚子于瑣，聞吳師出，蘧啓彊帥師從之，遽不設備。吳人敗諸鶴岸。【詰】案御覽引左傳注：蘧江舒縣有鶴尾渚，又引十道志云：南陵有鶴洲。楚子以駟至于羅汭，吳子使其弟蹇由古今人表作蹇由，犒師。

【詰】韓非子曰：沮衛驟融，楚人執之，將以鑿鼓。王使問焉，曰：女下來吉乎？對曰：吉。寡君聞君將治兵於

敵邑卜之以守龜曰余亟使人犒師請行以觀王怒之疾徐而爲之備尙克知之龜兆告吉曰克可知也君若驩焉好逆使臣滋敵邑休息而忘其死亡無日矣今君奮焉震電馮怒【詁】說文馮馬行疾也方言廣雅馮怒也案此則馮怒當係疾怒較杜注馮盛之訓爲長虐執使臣將以釁鼓則吳知所備矣敵邑雖羸若早修完其可以息師難易有備可謂吉矣且吳社稷是卜豈爲一人使臣獲釁軍鼓而敵邑知備以禦不虞其爲吉孰大焉國之守龜其何事不卜一臧一否其誰能常之城濮之兆其報在郟今此行也其庸有報志乃弗殺楚師濟於羅汭沈尹赤會楚子次於萊山蘧射帥繁揚之師先入南懷楚師從之及汝清吳不可入楚子遂觀兵於城箕之山是行也吳早設備楚無功而還以蹶山歸楚子懼吳使沈尹射待命于巢蘧啓彊待命于零婁【詁】服虔云零婁楚之東邑【集解】地理志廬江鄆零婁禮也秦后子復歸於秦景公卒故也

卷十六

傳昭公二

六年春王正月杞文公卒弔如同盟禮也大夫如秦葬景公禮也三月鄭人鑄刑書叔向使貽子產書曰始吾有虞於子【詁】廣雅虞望也按與桓十一年同並較杜義爲長今則已矣昔先王議事以制

不爲刑辟。懼民之有爭心也。猶不可禁御。是故閑之以義。刑法志糾之以政。廣雅糾舉也。杜本行

之以禮。守之以信。奉之以仁。制爲祿位。以勸其從。嚴斷刑罰。以威其淫。懼其未也。故誨之以忠。聳之以

行。【詰】漢書刑法志引作懣。晉灼曰：古悚字。按十九年傳云：嗣氏懣。說文引作懣。云懣也。从心雙省聲。

杜本教之以務。使之以和。臨之以敬。泄之以彊。釋文作溢。漢書引作菴。斷之以剛。猶求聖哲之上。明察之官。忠信

之長。慈惠之師。民於是乎可任使也。而不生禍亂。民知有辟。則不忌於上。並有爭心。以徵於書。而徼幸

以成之。弗可爲矣。夏有亂政。而作禹刑。商有亂政。而作湯刑。【詰】汲郡古文曰：祖甲二十四年。重作湯

刑。外傳云：元王勤商十有四世。帝甲亂之。七世而隕。惠棟曰：祖甲賢君。事見尙書。止以改作湯刑。故云

亂之。周有亂政。而作九刑。【詰】周書嘗參解曰：大史筴刑書九篇。以升授大正。案九刑之名。本此。故史

克以爲周公作也。文十八年傳。太史克曰：先君周公制周禮。作誓命曰：毀則爲賊。掩賊爲威。竊賄爲盜。

盜器爲姦。主藏之名。賴姦之用。爲大凶德。有常無舍。在九刑不忘。此蓋卽九刑之書。三辟之興。皆叔世

也。【詰】服虔云：政衰爲叔世。叔世踰於季世。季世不能作辟也。本今吾子相鄭國。作封洫。立謗政。制參

辟。鑄刑書。將以靖民。不亦難乎。詩曰：儀式刑文王之德。日靖四方。毛詩德【詰】服虔曰：儀善。式用。刑法。

靖謀也。言善用法。文王之德。日日謀安四方。本疏又曰：儀刑文王。萬邦作孚。【詰】服虔曰：儀善也。刑。法也。

善用法者。文王也。言文王善用其法。故能爲萬國所信也。上如是。何辟之有。民知爭端矣。將弃禮。而徵

於書錐刀之末。將盡爭之。亂獄滋豐。賄賂並行。終子之世。鄭其敗乎。胥聞之。國將亡。必多制。其此之謂乎。復書曰。若吾子之言。僑不才。不能及子孫。吾以救世也。既不承命。敢忘大惠。士文伯曰。火見。鄭其火乎。周禮疏引作火未出而作火。以鑄刑器。臧爭辟焉。火如象之。不火何爲。五行志如作而。【詁】服虔云。鑄鼎臧

爭辟。故今出火。與五行之火爭明。故爲災。在器故稱臧也。同上夏季孫宿如晉。拜莒田也。晉侯享之。有

加籩。武子退。使人告曰。小國之事大國也。苟免於討。不敢求貺。得貺不過三獻。今豆有加。小臣弗堪。

無乃戾也。韓宣子曰。寡君以爲驩也。【詁】高誘戰國策注曰。驩猶合也。案驪與權同。左傳。權皆作驩。對

曰。寡君猶未敢。況下臣君之隸也。敢聞加貺。固請徹加。而後卒事。晉人以爲知禮。重其好貨。宋寺人

柳有寵。大子佐惡之。華合比曰。我殺之。柳聞之。乃坎用牲埋書。而告公曰。合比將納亡人之族。旣盟于

北郭矣。公使視之。有焉。遂逐華合比。合比奔衛。於是華亥欲代右師。乃與寺人柳比。從爲之。徵曰。聞之

久矣。公使代之。見于左師。左師曰。女夫也。必亡。女喪而宗室於人何有。人亦於女何有。詩曰。宗子維城。

毋俾城壞。毋獨斯畏。女其畏哉。六月丙戌。鄭災。楚公子棄疾如晉。報韓子也。過鄭。鄭罕虎公孫僑

游吉從。鄭伯以勞諸相。辭不敢見。固請見之。見如見王。以其乘馬。鄭玄禮記注引作良八匹。私面。見子皮如上卿。

以馬六匹。見子產以馬四匹。見子大叔以馬二匹。禁芻牧采樵。諸本作採。從釋文石經改正不入田。不樵樹。不采藝。不抽屋。不强匄。誓曰。有犯命者。君子廢。小人降。【詁】服虔云。抽裂也。言不毀裂所舍之屋也。匄。乞也。不

就人強乞也。本疏舍不爲暴主，不願賓往來如是。鄭三卿皆知其將爲王也。【詰】說文：憂也。一曰：擾也。

小爾雅：恩，患也。

杜本此

韓宣子之適楚也，楚人弗逆。公子棄疾及晉竟，晉侯將亦弗逆。叔向曰：楚辟我衷，

若何效辟？詩曰：爾之教矣，民胥效矣。從我而已。焉用效人之辟？書曰：聖作則無寧，以善人爲則，而則人

之辟乎？匹夫爲善，民猶則之。況國君乎？晉侯說，乃逆之。秋九月，大雩，旱也。徐儀楚聘于楚。【詰】說

文：鄆，臨淮徐地。春秋傳曰：徐黜楚案，今本作儀。楚子執之，逃歸，懼其叛也，使蘧泄伐徐。吳人救之，令尹

子蕩帥師伐吳，師于豫章，而次于乾谿。吳人敗其師于房鍾，獲宮廡尹弃疾。子蕩歸罪於蘧泄而殺之。

冬，叔弓如楚聘，且弔敗也。十一月，齊侯如晉，請伐北燕也。士匄相士鞅逆諸河。【詰】釋文：古本，士

匄，或作王正，董遇王肅本同。

本疏

世族譜以王正爲雜人。案正義云：俗本或誤爲士匄，蓋嫌其士鞅同父

名也。古文尙質，恐未必然。今考石經已作士匄，諸本皆同，未敢改定。禮也。晉侯許之。十二月，齊侯遂伐

北燕，將納簡公。晏子曰：不入燕，有君矣。民不貳，吾君賄，左右諂，作大事不以信，未嘗可也。

七年春，王正月，暨齊平。齊求之也。癸巳，齊侯次于號，燕人行成。曰：敵邑知罪，敢不聽命。先君之敵器，請以

謝罪。公孫皙曰：受服而退，俟釁而動，可也。二月戊午，盟于濡上。

水經注引作會於濡水。

【詰】地理志：涿郡故安縣

閭鄉，易水所出，東至范陽入濡，并州浸濡水亦至范陽入涿。說文亦云：濡水入涿。案地理書皆言濡入

涿，而杜注獨言濡入易，與班固正相反。豈酈道元所云互受通稱耶？惟高陽則實無濡水，宜正義亦以

此譏杜也。燕人歸燕姬，賂以瑤瓔玉櫛，聾耳。【詁】說文：聾，玉爵也。杜：本廣雅：聾，爵也。不克而還。楚子

之爲令尹也，爲王旌以田芋尹無宇斷之，曰：「一國兩君，其誰堪之？」及卽位，爲章華之宮。【詁】章昭以爲

章華亦地名也。水經注：納亡人以實之，無宇之闖入焉。無宇執之，有司弗與，曰：「執人於王宮，其罪大矣。」執

而謁諸王，王將飲酒，無宇辭曰：「天子經略，諸侯正封，古之制也。封略之內，何非君土？食土之毛，誰非君

臣。」故詩曰：「普天之下，莫非王土；率土之濱，莫非王臣。」天有十日，人有十等，下所以事上，上所

以共神也。故王臣公，【詁】後漢書：濟南安王傳注引左傳云：「王臣公，下多公臣卿。」句：大臣大夫，士臣阜，阜臣輿。

傳文云：「人有十等。」杜注云：「王至臺以數記之，自不當有公臣卿。」句：公臣大夫，大夫臣士，士臣阜，阜臣輿。

輿，臣隸，隸，臣僚，僚，臣僕，僕，臣臺。玉篇引：【詁】服虔云：「阜，造也。造，成事也。輿，衆也。佐阜舉衆事也。隸，隸屬

於吏也。僚，勞也。共勞事也。僕，僕豎主臧者也。臺，給臺下微名也。本疏：馬有圉，牛有牧。【詁】說文：圉，圉人，掌

馬者。牧，養牛人也。鄭司農云：「養馬爲圉。」周禮：高誘淮南王書注：「主牛曰牧。」杜本：以待百事。今有司曰：女

胡執人於王宮，將焉執之？周文王之法曰：「有亡荒閱，所以得天下也。吾先君文王作僕區之法。【詁】服

虔云：「僕，隱也。區，匿也。爲隱亡人之法也。本疏：曰：盜所隱器，與盜同罪，所以封汝也。【詁】水經：汝水出河南

梁縣，鮑鄉，四天息山，南入于淮。案汝水在楚北境，文王滅息，楚境始及汝，故云「封汝也」。若從有司，是無所執，逃臣也。逃而舍之，是無陪臺也。【詁】馬融論語注：陪，重也。章昭國語注：臣之臣爲陪。王事無乃闕

乎。昔武王數紂之罪，以告諸侯，曰：紂爲天下逋逃主，萃淵藪，故夫致死焉。君王始求諸侯，而則紂，無乃不可乎？若以二文之法取之，盜有所在矣。王曰：取而臣以往，盜有寵，未可得也。遂赦之。楚子成章華之臺，願與諸侯落之。【註】庚蔚之禮記略解曰：落，謂與賓客燕會，以酒食澆落之。大宰蕞啓疆曰：臣能得魯侯，蕞啓疆來召公辭曰：昔先君成公命我先大夫嬰齊曰：吾不忘先君之好，將使衛父照臨楚國，鎮撫其社稷，以輯寧爾民。嬰齊受命于蜀，奉承以來，弗敢失隕，而致諸宗祧曰：我先君共王董遇注，引無曰字。領北望，日月以冀。索隱：冀亦作冀。說曰：冀。傳序相授於今四王矣。嘉惠未至，惟襄公之辱臨我喪，孤與其二三臣，悼心失圖，社稷之不皇，況能懷思君德。今君若步玉趾，辱見寡君，寵靈楚國，以信蜀之役，致君之嘉惠，是寡君既受貺矣。何蜀之敢望？其先君鬼神實嘉賴之，豈惟寡君？君若不來，使臣請問行期，寡君將承質幣而見于蜀，以請先君之貺。公將往，夢襄公祖梓慎曰：君不果行，襄公之適楚也。夢周公祖而行，今襄公實祖，君其不行。子服惠伯曰：行，先君未嘗適楚，故周公祖以道之，襄公適楚矣。而祖以道君，不行何之？三月，公如楚。鄭伯勞于師之梁，孟僖子爲介，不能相儀，及楚，不能答郊勞。夏四月甲辰朔，日有食之。晉侯問於士文伯曰：誰將當日食？對曰：魯衛惡之，衛大魯小，公曰：何故？對曰：去衛地如魯地，於是

有災，魯實受之，其大咎，其衛君乎？魯將上卿，公曰：詩所謂彼日而食，毛詩：彼于何不臧者，何也？漢書引傳無者對曰：不善政之謂也。國無政不用善，則自取譴于日月之災。漢書：譴，作適。故政不可不慎也。務三而已，一

曰擇人二曰因民三曰從時。晉人來治杞田。季孫將以成與之。【詰】說文作邨云。孟氏邑。謝息爲孟孫守。不可曰。人有言曰。雖有挈瓶之知。守不假器禮也。夫子從君。而守臣喪邑。雖吾子亦有猜焉。【詰】方言猜。恨也。廣雅猜疑也。季孫曰。君之在楚。於晉罪也。又不聽晉。魯罪重矣。晉師必至。吾無以待之。不如與之。閒晉而取諸杞。吾與子桃成反。誰敢有之。是得二成也。魯無憂而孟孫益邑。子何病焉。辭以無山。與之萊柞。【詰】案水經注。淄水下。與左傳曰。與之無山及萊柞是也。蓋指無山爲萊蕪之山。或謝息請得無山。季孫僅與之萊柞耳。乃遷於桃。晉人爲杞取成。楚子享公子新臺。使長鬣者相。【詰】說文人部。儻。長壯儻儻也。春秋傳曰。長儻者相之。髟部。鬣。鬣髮儻儻也。凶部。復有鬣字。云。毛鬣也。象髮在凶上。及毛髮儻儻之形也。韋昭國語注。長鬣。美須鬚也。杜本。案字當从本訓。卽如韋杜之說。亦當爲長髮之人。不得云長須也。正義欲申杜。更屬曲解。又惠氏補注。譏杜臆說。亦非。蓋杜又本之韋昭耳。好以大屈。【詰】賈逵云。大屈。寶金。可以爲劍。大屈。金所生地名。服虔云。一曰大屈。弓名。魯連書曰。楚子享諸侯於韋華之臺。與大曲之弓。旣而悔之。遽啓疆見魯侯。魯侯歸之大屈。卽大曲也。本疏。杜取此。旣而悔之。遽啓疆聞之。見公公語之。拜賀。公曰。何賀。對曰。齊與晉越。欲此久矣。寡君無適與也。而傳諸君。君其備禦三鄰。慎守寶矣。敢不賀乎。公懼。乃反之。鄭子產聘于晉。【詰】說苑辨物篇。作公孫成子。案成子產之。也。亦見外傳晉語。晉侯有疾。韓宣子逆客。私焉。曰。寡君寢疾。於今三月矣。並走羣望。有加而無瘳。今

夢黃能入于寢門。諸本作熊。今從釋文改正。【詁】賈逵云：能獸也。本疏：案刊本作熊，相沿已久。今考外傳亦作熊，章昭

注曰：能似熊，其說與說文字林合。論衡無形篇亦作黃能。釋文云：今本作能者，勝也。能讀如字爲允。若

奴來切，則似三足豨矣。宋庠國語補音亦無左傳作熊之語。明左傳舊本作能也。水經注引作其神化

爲黃龍，尤謬。其何厲鬼也。對曰：以君之明，子爲大政，其何厲之有。昔堯殛鯀于羽山。【詁】說文：殛，誅也。

虞書曰：殛鯀於羽山。地理志：東海郡祝其，禹貢羽山在西南。鯀所殛也。杜本此其神化爲黃能，以入於羽淵。

實爲夏郊。三代祀之，晉爲盟主。其或者未之祀也乎。韓子祀夏郊。【詁】說苑晉祀：夏郊董伯爲尸。晉侯

有閒，賜子產莒之二方鼎。【詁】服虔云：鼎，三足則圓，四足爲方。疏：子產爲豐施歸州田于韓宣子，曰：日

君以夫公孫段爲能任其事，而賜之州田。今無祿早世，不獲久享君德。其子弗敢有，不敢以聞於君。私

致諸子。宣子辭。子產曰：古人有言曰：其父析薪，漢魯峻碑析作斫其子弗克負荷。施將懼不能任其先人之祿，

其況能任大國之賜。縱吾子爲政，而後之人若屬有疆場之言。敝邑獲戾，而豐氏受其大討。吾子取

州，是免敝邑於戾，而建置豐氏也。敢以爲請。宣子受之，以告晉侯。晉侯以與宣子。宣子爲初言，病有之。

以易原縣於樂大心。鄭人相驚以伯有，曰：伯有至矣。則皆走，不知所往。鑄刑書之歲二月，或夢伯有

介而行。【詁】詩毛傳：介，甲也。杜本此曰：王子余將殺帶也。明年壬寅，余又將殺段也。及王子駒帶卒，國人

益懼。齊燕平之月壬寅，公孫段卒。國人愈懼。其明月子產立公孫泄及良止以撫之，乃止。子大叔問其

故子產曰。鬼有所歸。乃不爲厲。吾爲之歸也。大叔曰。公孫泄何爲。子產曰。說也。爲身無義而圖說。從政有所反之。以取媚也。不媚不信。不信民不從也。及子產適晉。趙景子問焉。曰。伯有猶能爲鬼乎。子產曰。能。人生始化曰魄。既生魄。陽曰魂。【詁】說文。魄。陰神也。魂。陽神也。用物精多。則魂魄強。是以有精爽。至於神明。匹夫匹婦強死。其魂魄猶能馮依於人。以爲淫厲。況良霄我先君穆公之冑。子良之孫。子耳之子。敝邑之卿。從政三世矣。鄭雖無腆。【詁】小爾雅。腆。厚也。此。社本。抑諺曰。蕞爾國。【詁】說文。撮。兩指撮。案今本。葦當作撮。而三世執其政柄。其用物也宏矣。其取精也多矣。其族又大。所馮厚矣。而彊死。能爲鬼。不亦宜乎。子皮之族。飲酒無度。故馬師氏與子皮氏有惡。齊師還自燕之月。罕朔殺罕魍。罕朔奔晉。韓宣子問其位於子產。子產曰。君之羈臣。苟得容以逃死。何位之敢擇。卿違從大夫之位。罪人以其罪降。古之制也。朔於敝邑。亞大夫也。其官馬師也。獲戾而逃。惟執政所置之。得免其死。爲惠大矣。又敢求位。宣子爲子產之敏也。使從嬖大夫。秋八月。衛襄公卒。晉大夫言於范獻子曰。衛事晉爲睦。晉不禮焉。庇其賊人而取其地。故諸侯貳。詩曰。鷓鴣在原。釋文。鷓鴣。本又作卽令。兄弟急難。又曰。死喪之威。兄弟孔懷。兄弟之不睦。於是乎不弔。況遠人誰敢歸之。今又不禮於衛之嗣。衛必叛我。是絕諸侯也。獻子以告韓宣子。宣子說。使獻子如衛弔。且反戚田。衛齊惡告喪于周。且請命。王使成簡公如衛弔。且追命襄公曰。叔父陟恪。【詁】說文。陟。登也。憲。敬也。此。社本。案詩大雅。文王陟降。或疑此文恪係降字之誤。在我先王之

左右以佐事上帝。余敢忘高圉、亞圉。〔詰〕三傳異同說。高國亞國，周人所報爲不立廟。禮記注云：周人

不毀其廟報祭之。同汲冢古文祖乙十五年，命邠侯高圉，盤庚十九年，命邠侯亞圉。世本：亞圉、雲都、皇

甫。謚曰：雲都。亞圉，字古今人表。高圉，辟方子。雲都，亞圉弟。案此則雲都、亞圉實爲二人。謚注作一人，誤

也。正義又以爲二圉，受追命無文。蓋未見汲冢書，故也。惠棟曰：杜注蓋本汲冢古文外傳云：高圉、大王

能帥稷者也。周人報焉。故服注云云。馬融曰：周人所報而不立廟。杜氏以經傳無報亞圉之文，故異說。

九月，公至自楚。孟僖子病不能相禮。釋文：本或作病不能禮。〔詰〕慈棟曰：今本禮上有相字，下云：苟能禮者從

之，則相字衍。蓋襲上文相儀之誤。當從釋文，乃講學之苟能禮者從之。及其將死也，召其大夫曰：禮人

之幹也，無禮無以立。吾聞將有達者，曰孔丘。〔詰〕賈逵云：仲尼時年三十五。史記集解聖人之後也。〔詰〕服

虔云：聖人謂殷湯也。孔子六代祖孔父嘉，爲宋華督所殺，其子奔魯也。後漢書注而滅於宋，其祖弗父何

〔詰〕服虔云：弗父何，宋湣公世子，厲公之兄。同上。杜取此。以有宋而授厲公。史記世家作始有宋而嗣讓厲公。〔詰〕服虔云：

言湣公之適嗣，當有宋國，而讓與弟厲公也。同上。杜取此。及正考父。〔詰〕服虔云：正考父，弗父何曾孫。史記集解

佐戴武宣。〔詰〕賈逵云：三人皆宋君也。御覽。杜取此。三命茲益共。初學記引作恭。下皆同。〔詰〕賈逵云：三命上卿。杜取

此。故其鼎銘云：一命而僂，再命而傴，三命而俯。〔詰〕賈逵云：俯，恭于僂。傴，恭于僂。同上。杜取此。服虔云：僂，僂

俯皆恭敬之貌。史記集解通俗文：曲脊謂之僂。僂，衆經說文：僂，僂也。僂，僂也。頽，低頭也。廣雅云：僂，僂，曲也。案

莊子達生篇見俯僂者義亦同循牆而走【詁】賈逵云甯不敢安行也同上杜亦莫余敢侮史記作亦

體於是霽於是史記作粥以餬余口家語余【詁】說文饑糜也饑饑也餬寄食也其共也如是臧孫紇有言

曰聖人有明德者若不當世其後必有達人【詁】王肅云謂若弗父何股馮之後而不繼世爲宋君也

史記集解今其將在孔丘乎若我獲沒必屬說與何忌於夫子使事之而學禮焉以定其位故孟懿子與南

宮敬叔師事仲尼仲尼曰能補過者君子也詩曰君子是則是效孟僖子可則效已矣單獻公棄親

用羈冬十月辛酉襄頃之族殺獻公而立成公十一月季武子卒晉侯謂伯瑕曰吾所問日食從矣

可常乎對曰不可六物不同民心不壹事序不類官職不則同始異終胡可常也詩曰或燕燕居息或

憔悴事國【詁】案石經燕燕憔悴下俱旁增以字此後人妄加五行志引此或作宴宴居息燕頓事國

如淳曰頓古悴字其異終也如是公曰何謂六物對曰歲時日月星辰是謂也【詁】服虔云歲星之辰

也左行於地十二歲而一周時四時也日十日也月十二月也星二十八宿也辰十二辰也是謂六物

也詩疏公曰多語寡人辰而莫同何謂辰對曰日月之會是謂辰漢書引故以配日衛襄公夫人姜氏

無子嬖人嬀始【詁】說文嬀始女字也春秋傳曰嬖人嬀始生孟軻【詁】姓纂衛襄公生孟繫繫生丹

爲公孟氏孔成子夢康叔謂己立元余使羈之孫圉與史苟相之史朝亦夢康叔謂己余將命而子苟

與孔烝錡之曾孫圉相元史朝見成子告之夢夢協【詁】說文協衆之同和也晉韓宣子爲政聘于諸

侯之歲。嬖始生子。名之曰元。孟紘之足不良。能行。諸本能作弱。今从宋本改。孔成子以周易筮之曰。元尙享衛國。主

其社稷。遇屯䷂。又曰。余尙立紘。尙克嘉之。遇屯䷂之比䷇。以示史朝。史朝曰。元亨。又何疑焉。成

子曰。非長之謂乎。對曰。康叔名之。可謂長矣。孟非人也。將不列于宗。不可謂長。且其繇曰。利建侯。嗣吉

何建。釋文。何本。或作可。【詰】案可乃古何字。建非嗣也。二卦皆云。子其建之。康叔命之。二卦告之。筮襲於夢。武

王所用也。弗從何爲。弱足者居。侯主社稷。臨祭祀。奉民人。事鬼神。從會朝。又焉得居。各以所利。不亦可

乎。故孔成子立靈公。十二月癸亥。葬衛襄公。

八年春。石言于晉魏榆。【詰】服虔云。魏。晉邑。榆州里名。水經元和郡縣志。太原郡榆次。漢舊縣。春秋時。晉

魏榆地。史記。秦莊襄王二年。使蒙驁攻趙魏榆。案今本史記作蒙驁攻趙榆次。或因注文有榆次而誤

也。晉侯問於師曠曰。石何故言。對曰。石不能言。或馮焉。五行志引作神或馮焉。說苑作有神馮焉。不然。民聽濫也。抑臣又聞

之曰。作事不時。怨譖動于民。荀悅引動作起。則有非言之物而言。今宮室崇侈。民力彫盡。怨譖並作。漢書引作與。莫

保其性。【詰】案漢書引此。正作信。師古曰。信猶保也。一說。信讀曰申。鄭玄士相見禮注云。古文伸作信。

說苑又引作莫安其信。石言。漢書引作石之言。不亦宜乎。於是晉侯方築虎祁之宮。【詰】玉篇。虎祁地名。亦作

虎。酈道元云。汾水西逕虎祁宮北。橫水有故梁。截汾水中。凡有三十柱。柱徑五尺。載與水平。蓋晉平公

之故梁也。論衡。晉平公觴衛靈公於施夷之臺。案施夷。卽虎祁也。聲近而轉耳。叔向曰。子野之言。君子

哉。君子之言信而有徵，故怨遠於其身。小人之言僞而無徵，故怨咎及之。詩曰：哀哉不能言，匪舌是出，唯躬是瘁，智矣能言。【詁】詩毛傳及說文並云：智，可也。巧言如流，俾躬處休。釋文：俾本又作卑。其是之謂乎。是

宮也。成諸侯必叛君，必有咎。夫子知之矣。陳哀公元妃鄭姬生悼大子偃師。【詁】案史記世家分偃

師爲二人，非索隱已引傳正之。二妃生公子留，下妃生公子勝，二妃嬖，留有寵，屬諸司徒招與公子過

史記管蔡世家索隱曰：招或作若，或作遙，並時遙反。哀公有廢疾。廢字从石經宋本改正。三月甲申，公子招公子過殺悼大子偃師而立公

子留。夏四月辛亥，哀公縊于徵師，赴于楚。【詁】姓纂引左傳：于宋大夫于縊之後，陳于徵師，且告有立

君。公子勝愬之于楚，楚人執而殺之。公子留奔鄭，書曰：陳侯之弟招殺陳世子偃師，罪在招也。楚人執

陳行人于徵師，殺之，罪不在行人也。叔弓如晉，賀虢也。游吉相鄭伯以如晉，亦賀虢也。史趙見

子大叔曰：甚哉其相蒙也。【詁】服虔云：蒙，欺也。史記集解：杜本此。可弔也。而又賀之，子大叔曰：若何弔也。其非

唯我賀，將天下實賀。秋，大蒐于紅，自根牟至於商衛。【詁】郡國志：瓊邪，郡陽都，有牟臺。杜同案：宋衛

云商衛，蓋爲定公諱。惠氏補注所見亦同。云昭公事當紀於定公時。革車千乘。七月甲戌，齊子尾卒。

子旗欲治其室，丁丑，殺梁嬰。八月庚戌，逐子成子工子車，皆來奔，而立子良氏之宰。其臣曰：孺子長矣，

而相吾室，欲兼我也。授甲將攻之。陳桓子善於子尾，亦授甲將助之，或告子旗，子旗不信，則數人告，將

往。【詁】服虔云：將往者欲往到陳氏間，助子良攻我也。本疏：又數人告於道，遂如陳氏，桓子將出矣，聞之

而還游服而逆之。請命對曰：「聞彊氏授甲將攻子，子聞諸曰：「弗聞。子盍亦授甲，無字請從。」子旗曰：「子胡然。彼孺子也，吾誨之，猶懼其不濟。吾又寵秩之，其若先人何？」子盍謂之。周書曰：「惠不惠，茂不茂。」尙書作懋。

【詁】爾雅：懋，勉也。茂懋，同。杜本此。康叔所以服宏大也。桓子稽顙曰：「頃靈福子，吾猶有望。」遂和之如初。

陳公子招歸罪於公子過而殺之。九月，楚公子棄疾帥師，孫吳圍陳，宋戴惡會之。冬十一月壬午，

滅陳，與嬖袁克殺馬毀玉以葬。【詁】服虔云：「一曰馬，陳侯所乘馬。玉，陳侯所佩玉。故殺馬毀玉，不欲使

楚得之。」同。楚人將殺之，請寘之。既又請私，私於幄。【詁】高誘：「呂覽注：幄，帳也。」杜本此。加絰於顙而逃。【詁】

說文：「絰，喪首戴也。使穿封戌爲陳公曰：「城麇之役，不諂侍飲酒於王。王曰：「城麇之役，女知寡人之及此，

女其辟寡人乎？」對曰：「若知君之及此，臣必致死禮以息楚國。」宋本無國字。晉侯問于史趙曰：「陳其遂亡乎？」

對曰：「未也。」公曰：「何故？」對曰：「陳顙頊之族也。」一本族作後，非。【詁】服虔云：「陳祖虞舜，舜出顙頊，故爲顙頊之族。」史記取此。歲在鶉火，是以卒滅陳。將如之，今在析木之津，猶將復由。【詁】魏了翁曰：「由義如尙書顙末之

有由藥，今案說文無由字，惟粵字注云：「木生條也。」古文省弓作由，後人因省之，通用爲由，以此晉陳將

興，如已仆之木，復生粵藥也。杜注訓用，失之矣。且陳氏得政于齊，而後陳卒亡。【詁】賈逵云：「物莫能兩

盛。」同上。杜取此。自幕至于瞽瞍，無違命。古今人表作瞽，變律歷志同。【詁】鄭衆云：「幕，舜之先。賈逵云：「幕，舜後。虞思也。」至於

瞽瞍，無聞遼天命以廢絕者。」同上。案裴駢集解用賈說。杜注及小司馬用鄭說。舜重之以明德，寘德於遂，

遂世守之。及胡公不淫。故周賜之姓。使祀虞帝。臣聞盛德必百世祀。虞之世數未也。繼守將在齊。其兆既存矣。【詁】案史趙述虞之世次。皆係順序。審晉禮舜之先也。虞遂胡公舜之後也。文法本明。審爲舜之先。當以先鄭爲據。杜注取之是也。

九年春。叔弓。宋華亥。鄭游吉。衛趙。麇會。楚子于陳。【詁】服虔以爲此會。宋鄭衛之大夫。不書。叔弓後也。本疏。

二月庚申。楚公子棄疾。遷許于夷。實城父。【詁】郡國志。汝南郡城父。故屬沛。春秋時曰夷。取州來淮

北之田以益之。伍舉授許男田。然丹遷城父人于陳。以夷。濮西田益之。【詁】服虔云。濮。水名也。水經京

相璠曰。以夷之濮。西田益也。同上。杜。遷方城外人于許。周甘人與晉閻嘉爭閻田。晉梁丙張趯率陰

戎伐潁。王使詹桓伯辭於晉。曰。我自夏以后稷。魏駘芮岐畢。【詁】顧炎武曰。駘。詩作部。駘在始平武功

縣所治。盤城。今案盤當作釐。地理志。右扶風釐縣是也。班固原注。釐。周后稷所封。師古曰。釐與部同音。

胎部。駘。釐本一字。地理志。右扶風美陽。禹貢岐山在西北。中水鄉。周大王所邑。杜。本。吾西土也。及武王

克商。蒲姑商奄。【詁】服虔云。蒲姑商奄。濱東海者也。蒲姑齊也。商奄魯也。二十年傳曰。蒲姑氏因之。定

四年傳曰。因商奄之民命以伯禽。本。疏。郡國志。樂安國博昌。有蒲姑城。杜。同。吾東土也。巴。漢楚鄧。【詁】說

文。鄧。曼姓之國。今屬南陽。吾南土也。肅慎燕亳。【詁】韋昭國語注。肅慎。東北夷之國。去扶夷千里。杜。本。此。

吾北土也。吾何邇封之。有文武成康之建母弟。以蕃屏周。亦其廢隊是爲。豈如弁髦。而因以

說文作鬣。又作鬣。而因以

敵之【詰】說文弁冕也。髮至眉也。案弁冕二物皆可以覆首。杜注似合爲一。非。先王居櫛杙于四裔。

以御螭魅。故允姓之姦居于瓜州。【詰】地理志。敦煌郡。敦煌。杜林以爲古瓜州也。地生美瓜。此。杜本。伯父

惠公歸自秦。而誘以來。使逼我諸姬。入我郊甸。則戎焉取之。戎有中國。誰之咎也。后稷封殖天下。今戎

制之不亦難乎。伯父圖之。我在伯父。猶衣服之有冠冕。木水之有本原。民人之有謀主也。伯父若裂冠

毀冕。拔本塞原。專棄謀主。雖戎狄其何有余一人。叔向謂宣子曰。文之伯也。豈能改物。翼戴天子。而加

之以共。自文以來。世有衰德。而暴蔑宗周。諸本。蔑作滅。今从。石經及宋本改正。【詰】案襄二十年傳。暴蔑其君。而去其親。

與此同。文章昭周語注曰。蔑猶滅也。以宣示其侈。諸侯之貳。不亦宜乎。且王辭直子其圖之。宣子說。王

有姻喪。【詰】服虔云。婦之父曰姻。王之后喪。父於王亦有服義。故往弔。本。疏。使趙成如周弔。且致閭田與

櫜。反潁俘。王亦使賓滑執甘大夫襄。以說於晉。晉人禮而歸之。夏四月。陳災。鄭裨竈曰。五年。陳將復

封。封五十二年而遂亡。子產問其故。對曰。陳水族也。火水妃也。【詰】服虔云。火。離也。水。坎也。易卦離爲

中女。坎爲中男。故火爲水妃。同。太玄經注引傳作水火妻也。妻古妃字。爾雅。妃。合也。此。杜本。而楚所相也。

今火出而火陳。遂楚而建陳也。妃以五成。故曰五年。歲五及鶉火。而後陳卒亡。楚克有之。天之道也。故

曰五十二年。晉荀盈如齊逆女。還。六月。卒於戲陽。【詰】說文。甯。字注云。墨。釋書義。从弗。魏郡有甯陽。

鄉。讀若鏡。後漢書作甯陽。注引左傳文曰。戲與甯同音。許宜反。郡國志。魏郡內黃。有甯陽聚。此。杜同。殯于

絳未葬。晉侯飲酒樂。饕宰屠蒯趨入。禮記作杜黃。鄭玄周禮注作杜劇。請佐公使尊。許之。而遂酌以飲工。曰：女爲君耳。

將司聰也。辰在子卯。【詁】鄭衆春秋注云：五行子卯自刑。禮記賈逵云：桀以乙卯日死。紂以甲子日亡。

故以爲戒。杜釋文十一。杜取此。謂之疾日。君徹宴樂。學人舍業。爲疾故也。君之卿佐。是謂股肱。股肱或虧。何痛如

之。女弗聞而樂。是不聰也。又飲外嬖嬖叔。【詁】案禮記嬖叔乃李調也。曰：女爲君目。將司明也。服以旌

禮。禮以行事。事有其物。物有其容。今君之容。非其物也。而女不見。是不明也。亦自飲也。曰：味以行氣。氣

以實志。志以定言。言以出令。臣實司味。二御失官。而君弗命。臣之罪也。公說徹酒。初。公欲廢知氏。而立

其外嬖。爲是悛而止。秋八月。使荀躒佐下軍。以說焉。釋文躒本又作櫟。孟僖子如齊。殷聘。【詁】服虔曰：殷。中

也。自襄二十年。叔老聘于齊。至今積二十年。聘齊。故中復盛聘。周禮疏。杜取此。禮也。冬。築郎囿。書時也。季平

子欲其速成也。叔孫昭子曰：詩曰：經始勿亟。庶民子來。焉用速成。其以勦民也。【詁】說文云：勦。勞也。春

秋傳曰：安用勦民。無囿猶可。無民其可乎。

十年春。王正月。有星出于婺女。鄭神竈言於子產曰：七月戊子。晉君將死。今茲歲在顛頊之墟。姜氏任氏

實守其地。居其維首。而有妖星焉。告邑姜也。邑姜晉之妣也。天以七紀。戊子逢公。以登星。斯於是乎出。

吾是以讖之。齊惠嬖高氏。皆着酒。信內多怨。彊於陳鮑氏而惡之。【詁】爾雅云：彊。當也。夏有告陳桓

子曰：子旗子良將攻陳鮑。亦告鮑氏。桓子授甲。而如鮑氏。遭子良醉而騁。遂見文子。則亦授甲矣。使視

二子則皆將飲酒。桓子曰：彼雖不信，聞我授甲，則必逐我。及其飲酒也，先伐諸。

樂高氏。子良曰：先得公，陳鮑焉往？遂伐虎門。晏平仲端委立於虎門之外，四族召之，無所往。其徒曰：助

陳鮑乎？曰：何善焉？助樂高乎？曰：庸愈乎？然則歸乎？曰：君伐焉歸？公召之而後入。公卜使王黑以靈姑鈔

率吉，請斷三尺焉而用之。【詰】服虔云：斷三尺，使至於較。大夫旗至較。疏。五月庚辰，戰于稷。【詰】案

此卽齊之稷下。詳下二十二年。杜注以爲祀后稷之處，殊無所據。樂高敗，又數諸莊，國人追之，又敗諸

鹿門。樂施高彊來奔。陳鮑分其室。晏子謂桓子：必致諸公，讓德之主也。讓之謂懿德。凡有血氣，皆有爭

心，故利不可強，思義爲愈。義利之本也。濫利生孽。諸本作孽，今從說文。【詰】說文：濫，積也。从水，溫聲。春

秋傳曰：濫利生孽。大戴禮記：千乘篇：稱孔子語，作委利生孽。詩：毛傳：孽，妖孽，謂相爲災害也。杜本：姑使

無濫乎，可以滋長。桓子盡致諸公，而請老于莒。桓子召子山，私具幄幕器用，從者之衣屨，而反棘焉。

【詰】郡國志：齊國西安有棘里亭。此。杜同。子商亦如之，而反其邑。子周亦如之，而與之夫。于反子城子公

公孫捷，而皆益其祿。凡公子公孫之無祿者，私分之邑。國之貧約孤寡者，私與之粟。曰：詩云：陳錫載周。

周語引詩：亦作戰。能施也。桓公是以霸。公與桓子莒之旁邑，辭。穆孟姬爲之請高唐。陳氏始大。秋七月，平子

伐莒，取郟。【詰】說文：郟，琅邪莒邑。春秋傳曰：取郟。此。杜本。獻俘，始用人於亳社。臧武仲在齊，聞之，曰：周公

其不饗魯祭乎？周公饗義，魯無義。詩曰：德音孔昭，視民不佻。釋文：視，詩作示。案：佻之謂甚矣，而壹用之。

將誰福哉。戊子，晉平公卒。鄭伯如晉，及河，晉人辭之。游吉遂如晉。九月，叔孫婞齊國弱，宋華定衛北宮喜鄭罕虎許人曹人邾人杞人小邾人如晉葬平公也。鄭子皮將以幣行，子產曰：「喪焉用幣，用幣必百兩，百兩必千人，千人至，將不行，不行必盡用之，幾千人而國不亡，子皮固請以行，既葬，諸侯之大夫欲因見新君，叔孫昭子曰：『非禮也。』弗聽。叔向辭之曰：『大夫之事畢矣，而又命孤，孤斬焉在衰經之中，其以嘉服見，則喪禮未畢，其以喪服見，是重受弔也。』大夫將若之，何皆無辭以見。子皮盡用其幣，歸謂子羽曰：『非知之實難，將在行之。』夫子知之矣。我則不足。書曰：『欲敗度，縱敗禮，我之謂矣。』夫子知度與禮矣。我實縱欲而不能自克也。昭子至自晉，大夫皆見，高彊見而退。昭子語諸大夫曰：『爲人子，不可不慎也哉。昔慶封亡，子尾多受邑而稍致諸君，君以爲忠而甚寵之，將死，疾于公宮，輦而歸，君親推之，其子不能任，是以此忠爲令德。其子弗能任，罪猶及之，難不慎也。喪夫人之力，弃德曠宗。』詩：『毛傳曠，空也。』杜本此。以及其身，不亦害乎。詩曰：『不自我先，不自我後，其是之謂乎。』冬十二月，宋平公卒。初，元公惡寺人柳，又作侍，欲殺之。及喪，柳熾炭于位，將至則去之，比葬，又有寵。

十一年春王二月，叔弓如宋葬平公也。景王問於萇宏曰：『今茲諸侯何實吉，何實凶？』對曰：『蔡凶。此蔡侯般弑其君之歲也。歲在豕韋，弗過此矣。楚將有之，然雍也。』諸本作壘，今歲及大梁，蔡復楚凶，天之道也。楚子在申，召蔡靈侯，靈侯將往。蔡大夫曰：『王貪而無信，惟蔡於感。』此感字釋文石經及諸刻本，今幣重。

而言甘誘我也。不如無往。蔡侯不可。三月丙申，楚子伏甲而饗蔡侯於申，醉而執之。夏四月丁巳，殺之。刑其士七十人。公子弃疾帥師圍蔡。韓宣子問於叔向曰：「楚其克乎？」對曰：「克哉。」蔡侯獲罪於其君，而不能其民，天將假手於楚以斃之，何故不克？然胥聞之，不信以幸，不可再也。楚王奉孫吳以討於陳，曰：「將定而國，陳人聽命，而遂縣之。今又誘蔡而殺其君，以圍其國，雖幸而克，必受其咎，弗能久矣。」桀克有緝，以喪其國；紂克東夷，而隕其身；楚小位下，而亟暴於二王，能無咎乎？天之假助不善，非祚之也。祚當作厚其凶惡而降之罰也。且譬之如天，其有五材而將用之，力盡而敝之，是以無拯，不可沒振。五月，齊歸薨，大蒐于比蒲，非禮也。孟僖子會邾莊公盟于禳祥，修好禮也。泉丘人有女，夢以其帷。釋文一本夢以帷幕孟氏之廟，遂奔僖子，其僚從之。盟于清丘之社，曰：「有子無相棄也。」僖子使助蘧氏之筮。說文蘧从升草貌，釋文引說文亦同。案李善長笛賦注云：籥弄蓋小曲也。說文曰：籥，侔字如此。今說文無籥字，并無此解。疑後人刊落多矣。五經文字升部籥字注云：初又反，侔也。春秋傳从竹，因相沿已久，姑承之。又案列女傳：趙簡子將渡河，用楫者少一人，津女媧攜卷操楫而前，曰：妾願備持楫。簡子籥之，與此亦同意。張衡四京賦：屬車之籥，薛綜注：籥，副也。杜本此反自禳祥，宿于蘧氏。生懿子及南宮敬叔於泉丘人，其僚無子，使字敬叔。楚師在蔡，晉荀吳謂韓宣子曰：「不能救陳，又不能救蔡，物以無親，晉之不能，亦可知也。」已爲盟主，而不恤亡國，將焉用之？秋，會于厥憇，謀救蔡也。鄭子皮將行，子產曰：「行不遠，不能救蔡。」

也。蔡小而順，楚大而不德。天將弃蔡，以雍楚，盈而罰之。蔡必亡矣。且喪君而能守者鮮矣。三年，王其有咎乎。美惡周必復，王惡周矣。晉人使狐父請蔡于楚，弗許。單子會韓宣子于戚，視下晉徐叔向曰：單子其將死乎？朝有著定，會有表，衣有檜。【詁】晉語：署位之表也。署者聲近義同。說文：檜，帶所結也。春秋傳曰：衣有檜。案杜注：檜，領會，疑非。觀傳下：視不過結檜之中，則說文爲是。帶有結，會朝之言，必聞于表著之位，所以昭事序也。視不過結檜之中，所以道容貌也。言以命之，容貌以明之，失則有闕。今單子爲王官伯，而命事于會，視不登帶，言不過步，貌不道容，而言不昭矣。不道不共，不昭不從，無守氣矣。九月，葬齊歸公，不感。晉士之送葬者，歸以語史趙。史趙曰：必爲魯郊侍者，曰何故？曰：歸姓也，不思親，祖不歸也。叔向曰：魯公室其卑乎？君有大喪，國不廢蒐，有三年之喪，而無一日之感，國不恤喪，不忌君也。君無感容，不顧親也。國不忘君，君不顧親，能無卑乎？殆其失國。冬十一月，楚子滅蔡，用隱大子于岡山。【詁】案歐陽忞輿地廣記：荊州松滋縣有九岡山，郢都之望也。申無字曰不祥，五牲不相爲用。況用諸侯乎？王必悔之。十二月，單成公卒。楚子城陳，蔡不羹。釋文：羹，舊音郎。地理志：作更字。【詁】案賈誼新書引作陳。蔡業不羹，使弃疾爲蔡公。王問於申無字曰：【詁】案外傳作范無字，賈誼新書同。弃疾在蔡，何如？對曰：擇子莫如父，擇臣莫如君。【詁】管子大匡云：鮑叔曰：先人有曰：知子莫若父，知臣莫若君。案僖七年傳：子文聞申侯之死也，曰：古人有言曰：知臣莫若君，是皆引昔語之證。知擇二字音亦通。鄭莊公城櫟而

寘子元焉。使昭公不立。【詰】鄭衆云：子元卽檀伯也。厲公殺檀伯居櫟。因櫟之衆，偏弱昭公，使至殺死。

本疏杜齊桓公城穀而寘管仲焉。至于今，賴之臣聞五大不在邊，五細不在廷。【詰】賈逵云：五大謂大

子母弟，貴寵公子公孫累世正卿也。鄭衆云：天子申生居曲沃是也，母弟鄭共叔段居京是也，貴寵公

子若奔疾在蔡是也，貴寵公孫若無知食渠丘是也，累世正卿衛寧殖居蒲，孫氏居戚是也，五細賤妨

貴少陵長遠，閒親新閒舊小加大也。不在廷，不當使居朝廷爲政也。本疏案疏引先鄭說，可證賈義。杜注

似非親不在外，羈不在內，今弃疾在外，鄭丹在內，君其少戒。王曰：國有大城，何如？對曰：鄭京櫟實殺曼

伯。【詰】楚語范無宇曰：叔段以京患嚴公，鄭畿不封，櫟人實使鄭子不得其位。案此則京屬叔段，櫟屬

厲公。惠棟曰：左氏約舊史而爲傳，取其文勢之便，兼舉京櫟而單舉曼伯，此傳之漏義，得櫟并京，旣無

明文，杜注不足據。宋蕭亳實殺子游，齊渠仁實殺無知。【詰】鄭衆以渠丘爲無知之邑。本疏衛蒲戚實出

獻公，若由是觀之，則害於國，未大必折，尾大不掉。【詰】說文：掉，搖也。春秋傳曰：尾大不掉，君所知也。

十二年春，齊高偃納北燕伯款于唐，因其衆也。三月，鄭簡公卒，將爲葬除，及游氏之廟，將毀焉。子大叔

使其除，徒執用以立，而無庸毀。曰：子產過女，而問何故不毀，乃曰：不忍廟也。諾，將毀矣。旣如是，子產乃

使辟之，司墓之室有當道者，毀之，則朝而壙。【詰】說文：壙，喪葬下土也。春秋傳曰：朝而壙。杜本案今本

作壙，考鄭玄周禮車僕注，引此亦作壙，蓋二字本同也。玉篇：壙，補鄭切。下棺也。或作壙，正義云：周禮作

窆禮記作封。此作塋皆聲相近而轉。周禮鄉師注鄭司農云。窆謂葬下棺也。此本弗毀則日中而塋。子大

叔請毀之曰。無若諸侯之賓何。子產曰。諸侯之賓能來會吾喪。豈憚日中無損於賓。而民不害。何故不

爲。遂弗毀。日中而葬。君子謂子產於是乎知禮。禮無毀人以自成也。夏宋華定來聘。通嗣君也。公享

之。石經及諸本無公字。今從宋本增入。爲賦。蓼蕭。弗知。又不答賦。昭子曰。必亡。宴語之不懷。寵光之不宜。詩作龍光。

廣雅。龍。龍也。商頌。何天之龍。鄭箋云。龍當作寵。令德之不知。同福之不受。將何以在。詩爾雅。在終也。

齊侯衛侯鄭伯如晉朝嗣君也。公如晉。至河乃復取鄭之役。莒人愬於晉。晉有平公之喪。未之治

也。故辭公。公子棼遂如晉。晉侯享諸侯。子產相鄭伯。辭于享。請免喪而後聽命。晉人許之。禮也。晉侯以

齊侯宴。中行穆子相。投壺。晉侯先。穆子曰。有酒如淮。有肉如坻。說文。坻。水渚也。案詩毛傳。坻。水中

高地也。爾雅。小洲曰隋。小階曰坻。小坻曰坻。義並與說文同。杜注。坻。山名。非。下言有肉如陵。亦止取陵

阜爲義。不必如正義所云。取山方可以對水也。又坻。非山名。劉炫說是。寡君中此。爲諸侯師中之。齊侯

舉矢曰。有酒如澠。說文。澠。水出營城東。世謂之漢澠水。有肉如陵。寡人中此。與君代興。亦中之。

伯瑕謂穆子曰。子失辭。吾固師諸侯矣。壺何爲焉。其以中儻也。說文。夏小正。倭也者。大也。倭。儻同。齊君

弱吾君。歸弗來矣。穆子曰。吾軍師彊御。卒乘競勸。今猶古也。齊將何事。公孫佖趨進曰。日旰君勤。說文。日旰。君勤。

說文。旰。晚也。春秋傳曰。日旰君勞。可以出矣。以齊侯出。楚子謂成虎若敖之餘也。遂殺之。或譖成虎

于楚子成虎知之而不能行。書曰：楚殺其大夫成虎。懷寵也。六月葬鄭簡公。【詰】惠棟曰：杜注云：經書五月，誤。此杜謬耳。古文左傳當在齊侯衛侯鄭伯如晉之前。鄭伯欲如晉，故速葬而往。杜預欲附會短喪之說，而移其次於後耳。亂左氏者，非預而誰。晉荀吳僞會齊師者，假道于鮮虞。【詰】地理志：中山國新市。應劭曰：故鮮虞子國。今鮮虞亭是。此杜本。遂入昔陽。【詰】案昔陽，蓋鼓國都。當在鉅鹿下曲陽。地理志：鉅鹿郡下曲陽。應劭曰：晉荀吳滅鼓。今鼓聚昔陽亭是也。杜注謂昔陽，肥國都。在樂平沾縣。誤。劉炫亦云：二十二年傳云：昔荀吳使師僞糴者，負甲以息於昔陽之門下。遂襲鼓滅之。則昔陽爲鼓都。斷可知。秋八月壬午，滅肥，以肥子緜皋歸。周原伯綏虐其與臣，使曹逃。【詰】詩毛傳：曹，軍也。此杜本。冬十月壬申，朔，原輿人逐綏，而立公子跪。尋綏奔郊。甘簡公無子，立其弟過。過將去成景之族。成景之族，賂劉獻公，丙申，殺甘悼公，而立成公之孫鮪。丁酉，殺獻大子之傅庚皮之子過，殺瑕辛于市。及宮嬖綽王孫沒，劉州鳩陰忌老陽子。季平子立，而不禮於南蒯。南蒯謂子仲：吾出季氏而歸其室於公子，更其位，我以費爲公。臣子仲許之。南蒯語叔仲穆子，且告之。故季悼子之卒也。叔孫昭子以再命爲卿，及平子伐莒，克之，更受三命。【詰】劉賈云：春秋之序，三命以上，乃書於經。類氏以爲再命稱人。本疏：叔仲子欲構二家，謂平子曰：三命踰父兄，非禮也。平子曰：然，故使昭子。昭子曰：叔孫氏有家禍，殺適立庶，故媾也。及此，若因禍以斃之，則聞命矣。若不廢君命，則固有著矣。昭子朝而命吏曰：媾將與季氏訟，書辭。

無顏季孫懼而歸罪於叔仲子。故叔仲小南蒯公子懋謀季氏，懋告公而遂從公如晉。南蒯懼不克，以費叛如齊。子仲還及衛，聞亂逃介而先及郊，聞費叛遂奔齊。南蒯之將叛也，其鄉人或知之過之而歎，且言曰：「恤恤乎，湫乎攸乎。」【詁】說文：恤，憂也。此杜本案湫攸與懋同音，亦即恤恤之義。深思而淺謀，邇身而遠志，家臣而君圖，有人矣哉。南蒯枚筮之。【詁】方言：廣雅：枚，凡也。案凡與汎同義。杜注：汎卜吉凶，即

此意。哀十六年，枚卜亦同。遇坤^{三三}之比^{三三}。曰：黃裳元吉，以爲大吉也。示子服惠伯曰：「即欲有事，何

如？」惠伯曰：「吾嘗學此矣。忠信之事則可，不然必敗。外彊石經宋本改，內溫忠也。和以率貞信也。故曰：黃

裳元吉，黃中之色也。裳下之飾也。元善之長也。中不忠不得其色，下不共不得其飾。事不善不得其極。

外內倡和爲忠，率事以信爲共，共養三德爲善。諸本作供，今據董本改。【詁】董遇注本爲共養，解云：盡共所以養

成三德也。惠棟云：古供字作共。董學直本是訓爲盡共，恐非。三德謂黃裳元也。杜注亦誤，非此三者弗

當。且夫易不可以占險，將何事也。且可飾乎？中美能黃，上美爲元，下美則裳。參成可筮，猶有闕也。筮雖

吉，未也將適費，飲鄉人酒，鄉人或歌之曰：「我有圃生之杞乎？從我者子乎？去我者鄙乎？倍其鄰者恥乎？

已乎已乎？非吾黨之士乎？」【詁】服虔云：已乎，決絕之辭。疏：平子欲使昭子逐叔仲小南蒯之不敢朝，昭

子命吏謂小待政於朝曰：「吾不爲怨府。」楚子狩于州來。釋文：狩本次于潁尾。【詁】水經：潁水又東南

至慎縣，東南入于淮。道元云：楚子次于潁尾，蓋潁水之會淮也。使蕩侯潘子司馬督。釋文：督本又作蕩，古今人表又作蕩。

【詰】惠棟云：督與竅通。說文云：竅，背縫。莊子養生篇曰：緣督以爲經。亦謂背縫也。方音曰：繞纒謂之襜。

掩。郭氏曰：衣督背也。鬻尹午陵尹喜帥圍徐以懼吳。楚子次于乾谿以爲之援。【詰】陸賈新語：楚靈

王爲乾谿之館，築乾谿之臺，高五百仞，欲登浮雲窺天。雨雪，王皮冠。【釋文】一本作楚子皮冠。秦復陶翠被，豹鳥執

鞭以出，僕析父從。【詰】賈逵云：析父，楚大夫。史記案：楚語作僕夫子督。右尹子革夕，王見之，去冠被，舍

鞭，與之語曰：昔我先王熊繹與呂伋。【諸本作伋，今从石經及宋本。改釋文本亦作伋，尙書亦同。】王孫牟、嬖父、禽父並事康王。【詰】世

本：康叔子康伯，名髡。史記案：宋忠曰：卽王孫牟也。事周康王爲大夫。同。司馬貞曰：牟髡聲相近，故不同耳。

讎。周古史考：無康伯，而云子牟伯立，蓋以父子不宜俱謚，康故因其名曰牟伯也。惠棟云：馬融王肅尙

書傳皆云：康國名，在千里之畿內，既滅管叔，更封爲衛侯，其子始以康爲謚。案：隱之說未盡然。四國皆

有分，我獨無有，今吾使人於周，求鼎以爲分。【詰】服虔云：有功德，受分器。史記案：王其與我乎。史記與作

對曰。【詰】史記作析父，對曰：案：隱曰：據此是右尹子革之辭，史蓋誤也。與君王哉。昔我先王熊繹辟在

荆山，篳路藍縷，以處草莽。【詰】說文：篳，藩也。藍，路，大篳也。史記作篳路藍縷。服虔云：篳路，柴車，素木車

也。縷，言衣破壞，其縷藍縷然。上。跋涉山林，以事天子。【詰】服虔云：草行曰跋，水行曰涉。上。惟是桃弧

棘矢。【詰】服虔云：桃弧棘矢，所以禦其災。言楚地山林無所出也。上。以共禦王事，齊王舅也。【詰】服虔

云：齊侯伋成王之舅。上。晉及魯衛，王母弟也。楚是以無分，而彼皆有。今周與四國服事君王，將惟命是

從豈其愛鼎王曰昔我皇祖伯父昆吾【詁】服虔云陸終氏六子長曰昆吾少曰季連季連楚之祖故

謂昆吾爲伯父也上同舊許是宅【詁】服虔云昆吾曾居許地故曰舊許是宅上同今鄭人貪賴其田而不

我與我若求之其與我乎對曰與君王哉周不愛鼎鄭敢愛田王曰昔諸侯遠我而畏晉今我大城陳

蔡不羹【詁】案楚語止舉陳蔡不羹故曰今吾城三國而此下云四國內外傳文多互異非獨此也章

昭解云潁川定陵有東不羹城襄城有西不羹亭所云不羹亭似不可以爲國杜注蓋誤又杜預春秋

東南有不羹城定陵縣西水經注汝水又東南流逕西不羹城南是必以定陵之不羹亭在東故曰西

北有不羹亭與韋注正別水經注汝水又東南流逕西不羹城南是必以定陵之不羹亭在東故曰西

不羹城以別之又案賈誼新書大都篇云昔楚靈王問范無宇曰我欲大城陳蔡葉與不羹據此或左

傳脫去葉字並葉敷之故言是四國者顧炎武亦以爲左傳或脫去葉字賦皆千乘子與有勞焉諸侯

其畏我乎對曰畏君王哉是四國者專足畏也又加之以楚敢不畏君王哉工尹路請曰工一本無君王

命剝圭以爲械【詁】說文剝也威也戊也戊斧也杜本案今本作鉞非廣雅械柄也鄭注考工記械

猶柄也今本極作秘誤從鄭注定正敢請命王入視之析父謂子革吾子楚國之望也今與王言如響

闕其若之何子革曰摩厲以須【詁】說文摩研也从手麻聲王出岳本萬本秦本並吾刃將斬矣王出

復語左史倚相趨過王曰是良史也子善視之是能讀三墳五典八索九丘【詁】賈逵云三皇之書文

注墳大也書三王之大道又云素王之法又云孔子作春秋素王之文也上同又云三墳三王之書五典

五帝之典，八索，八王之法，九丘。九州亡國之戒。延篇曰：張平子說三墳三禮，禮爲人防。爾雅曰：墳，大防。書曰：誰能典朕三禮。三禮，天地人之禮也。五典，五帝之常道。八索，周禮八議之刑索。空，空設之。九丘，周禮之九刑。丘，空也。亦空設之。馬融云：三墳，三氣。陰陽始生，天地人之氣也。五典，五刑。八索，八卦。九丘，九州之數。本疏：對曰：臣嘗問焉。昔穆王欲肆其心。【詰】案文選注引作周穆王，無昔字。今考似當作昔。周穆王，蓋楚有穆王，子革對楚子言，故加周字，似非引書者以意增改也。周行天下，將皆必有車轍馬跡焉。文選注無必字。祭公謀父作祈招之詩。【詰】賈逵云：祈求也。昭明也。言求明德也。馬融以圻爲王圻千里，王者遊戲，不過圻內。昭明也。言千里之內，足明德。本疏：案賈逵本作祈昭，與家語同。馬融本作圻昭，又案招當作常搖，反招與韶通。孟子徵招角招。史記帝舜紀，禹乃與九招之樂，此其證也。杜注以招爲祈父之名，殊無所據。當以賈義爲長。以止王心，王是以獲沒於祗宮。【詰】案語作文宮，非祗宮。在南鄭，汲郡古文。穆王元年冬十月，築祗宮于南鄭。五十五年，王陟于祗宮。初學記作祈宮。馬融云：圻內游觀之宮也。案此則馬本又作圻字。臣問其詩而不知也。若問遠焉，其焉能知之。王曰：子能乎。對曰：能。其詩曰：祈招之悁悁。【詰】韓詩章句云：悁悁和悅貌。李登聲類云：悁悁和靜貌。式昭德音，思我王度。式如玉，式如金。形民之力。家語作刑民。【詰】案王肅云：刑，形之誤也。惠棟曰：古刑字皆作形。而無醉飽之心。王揖而入，饋不食。寢不寐。數日不能自克，以及於難。仲尼曰：古也有志克己復禮，仁也。信善哉。楚靈王若能如是，豈其辱。

於乾谿。家語作豈期。晉伐鮮虞。因肥之役也。

十三年春。叔弓圍費。弗克。敗焉。平子怒。令見費人。執之以爲囚。俘治區。夫曰：非也。若見費人。寒者衣之。飢

者食之。爲之令主。而共其乏困。費來如歸。南氏亡矣。民將叛之。誰與居邑。若憚之以威。懼之以怒。民疾而叛。爲之聚也。若諸侯皆然。費人無歸。不親南氏。將焉入矣。平子從之。費人叛南氏。楚子之爲令尹

也。殺大司馬。遽掩而取其室。及即位。奪遽居田。遷許而質許圍。蔡洧有寵於王。王之滅蔡也。其父死焉。

王使與於守而行。申之會。越大夫戮焉。【詁】史記作饒。越大夫常壽過。索隱曰：饒。辱也。王肅云：越大夫

常壽過也。本疏。王奪鬪。韋龜中擊。又奪成然邑。而使爲郊尹。蔓成然故事。蔡公。史記作曼。故遽氏之族及遽居

許圍。蔡洧蔓成然。皆王所不禮也。因羣喪職之族。啓越大夫常壽過作亂。圍固城。克息舟城。而居之。

【詁】潘耒云：案傳書克邑。未有書克某邑之城者。固城息舟。皆二字地名。城而居之。則爲一句。言築城

而守之也。觀起史記索隱。觀作官。古今人表師古注曰：之。死也。其子從在蔡。事朝吳。曰：今不封蔡。蔡不

封矣。我請試之。以蔡公之命。召子于子皙。及郊而告之情。強與之盟。入襲蔡。蔡公將食。見之而逃。觀從

使子于食。坎用牲加書。而速行。已徇於蔡。曰：蔡公召二子。將納之。與之盟。而遣之矣。將師而從之。蔡人

聚。將執之。辭曰：失賊成軍。而殺余何益。乃釋之。朝吳曰：二三子若能死亡。則如違之。以待所濟。若求安

定。則如與之。以濟所欲。且違上何適。而可。衆曰：與之。乃奉蔡公。召二子而盟于鄆。依陳。蔡人以國。楚公

子比公子黑肱公子弃疾蔓成然蔡朝吳帥陳蔡不羹許葉之師因四族之徒以入楚及郊陳蔡欲爲名故請爲武軍蔡公知之曰欲速且役病矣請藩而已乃藩爲軍蔡公使須務牟與史狎先入釋文狎本或作

鱣因王僕人殺大子祿及公子罷敵公子比爲王公子黑肱爲令尹次于魚陂註水經注沔水下竟陵國城旁有甘魚陂公子黑肱爲令尹次于魚陂者也公子弃疾爲司馬先除王宮使觀從從師于乾

谿而遂告之且曰先歸復所後者劓師及訾梁而潰王聞羣公子之死也自投于車下曰人之愛其子也亦如余乎侍者曰甚焉小人老而無子知擠于溝壑矣書疏引作擠【註】說文擠排也王曰余殺人

子多矣能無及此乎右尹子革曰請待于郊以聽國人史記服虔云聽國人欲爲誰集解王曰衆怒不可犯也曰若入於大都而乞師於諸侯王曰皆叛矣曰若亡於諸侯以聽大國之圖君也王曰大福不

再祇取辱焉然丹乃歸於楚王恣夏註說文恣綠水而下也从水公聲春秋傳曰王恣夏應劭漢書注沔水自江別至南郡華容爲夏水過郡入江將欲入鄢又釋文入本註服虔云鄢別都也上辛尹無

字之子申亥曰吾父再奸王命史記奸作犯後漢書注引又作干蓋本作干也【註】服虔云斷王旌執人于章華宮同上杜取此王弗誅惠執大焉君不可忍惠不可弃吾其從王乃求王遇諸棘園以歸史記作遇王飢于【註】吳語曰

王獨行屏營彷徨于山林之中三日乃見其涓人疇王呼之曰余不食三日矣疇趨而進王枕其股以寢於地王寢疇枕王以塊而去之王覺而無見也乃匍匐將入于棘園棘園不納乃入辛尹申亥氏焉

孔晁曰：棘，楚邑，闕門也。夏五月癸亥，王縊于芊尹申亥氏。【詁】淮南王書：靈王餓于乾谿，食葬飲水，枕

由而死。申亥以其二女殉而葬之。觀從謂子干。釋文謂子干本【詁】案石經亦無曰字，館後人旁增。今

據刪。不殺弃疾，雖得國猶受禍也。子干曰：余不忍也。子玉曰：人將忍子，吾不忍俟也。乃行。國每夜駭曰：王入矣。乙卯夜，弃疾使周走而呼曰：史記作棄疾使船人走呼。則此傳周當作舟。古

文舟周通。詩小雅：舟人之子。鄭箋云：舟當作周。聲相近故也。卽是一證。王至矣。國人大驚，使蔓成然走

告子干。子皙曰：王至矣。國人殺君司馬，將來矣。君若早自圖也，可以無辱。衆怒如水火焉，不可爲謀。又

有呼而走至者曰：衆至矣。二子皆自殺。丙辰，弃疾卽位，名曰熊居。葬子干于訾。實訾敖。【詁】案訾地名，

蓋卽前訾梁之訾。在楚東境，殺囚衣之王服，而流諸漢，乃取而葬之。以靖國人。使子旗爲令尹。楚師還

自徐。吳人敗諸豫章，獲其五師。史記作率【詁】服虔云：五率，蕩侯潘子司馬督。鄧尹午、陵尹喜。史記集解平王封

陳蔡，復遷邑，致羣賂，施舍寬民，宥罪舉職，召觀從。王曰：惟爾所欲。對曰：臣之先佐開卜，乃使爲卜尹。

【詁】賈逵云：卜尹，卜師大夫官。同上使枝如子躬聘于鄭，且致讐櫟之田。【詁】漢地理志：南陽郡讐，圖經

春秋時，楚讐邑櫟，卽十一年鄭京櫟。案此蓋致讐櫟附近之田，非盡致二邑也。杜注：本鄭邑，楚中取之

亦屬臆說。事畢弗致，鄭人請曰：聞諸道路，將命寡君以讐櫟，敢請命。對曰：臣未聞命。旣復，王問讐櫟，降

服而對曰：臣過失命，未之致也。王執其手曰：子毋勤，姑歸。不殺有事，其告子也。他年，芊尹申亥以王柩

告乃改葬之初。靈王卜曰：余尙得天下不吉。投龜詬天。釋文：詬本又作陶。而呼曰：是區區者而不余畀，余必自

取之。民患王之無厭也，故從亂如歸。初，共王無冢，適有寵子五人，無適立焉。乃大有事于羣望，而祈曰：

請神擇於五人者，使主社稷。乃徧以璧見於羣望，曰：當璧而拜者，神所立也。誰敢違之？既乃與巴姬密

埋璧於大室之庭。【詰】賈逵云：巴姬共王妾。同上。杜取此。使五人齊而長入拜。說文：齊，側皆反。一本又作齊。康王跨之。

【詰】服虔云：兩足各跨璧一邊。同上。靈王肘加焉。子千子皆皆遠之。平王弱，抱而入，再拜皆厭紐。【詰】廣

雅：紐謂之鼻。鄭注周禮曰：紐，小鼻也。高誘淮南王書注：紐，係也。王充論衡曰：後共王死，招爲康王。昭作

至子失之，圍爲靈王及身而弑。子干爲王，十有餘日，子奮不立，又懼誅死，皆絕無後。棄疾立，竟續楚嗣。

如其神符，鬪章龜屬成然焉。且曰：棄禮違命，楚其危哉。子干歸，韓宣子問於叔向曰：子干其濟乎？對曰：

難。宣子曰：同惡相求，如市賈焉，何難？【詰】服虔云：謂國人共惡靈王者，如市賈之人求利也。同上。對曰：無

與同好，誰與同惡？【詰】服虔云：晉無黨於內，當與誰同好惡？同上。取國有五難：有寵而無人，一也；有人而

無主，二也；有主而無謀，三也；有謀而無民，四也；有民而無德，五也。子干在晉十三年矣，晉楚之從，不聞

達者，可謂無人族。盡親叛，可謂無主。無覺而動，【詰】服虔云：晉靈王尙在，而妄動取國，故謂無謀。同上。可

謂無謀。爲羈終世，可謂無民。亡無愛徵，可謂無德。王虐而不忌，楚君子干涉五難以弑舊君，誰能濟之？

有楚國者，其弃疾乎？君陳蔡。文選注：引作君居陳蔡。城外屬焉。史記作方：城外屬焉。【詰】案杜注：城、方城也。可見左傳本無

方字苛慝不作

釋文本亦作荷

【詁】案漢書酈食其傳曰好荷禮師古曰荷與苛同惠棟曰古苛字本作荷禮

弓泰山婦人曰無苛政釋文云苛本亦作荷毛詩序曰哀利政之荷今本作苛漢張表碑亦以荷爲苛

盜賊伏隱私欲不違

【詁】服虔云不以私欲違民心

史記集解杜本此

民無怨心先神命之國民信之半姓有

亂必季實立楚之常也獲神一也有民二也令德三也寵貴四也居常五也有五利以去五難誰能害

之子干之官則右尹也數其貴寵則庶子也以神所命則又遠之其貴亡矣其寵弃矣民無懷焉國無

與焉將何以立宣子曰齊桓晉文不亦是乎【詁】服虔云皆庶子而出奔上同對曰齊桓衛姬之子也有

寵於億有鮑叔牙賓須無

古今人表無作亡

隰朋以爲輔佐有莒衛以爲外主有國高以爲內主【詁】賈逵云

齊桓出奔莒自莒先入衛人助之國子高子皆齊之正卿

同上杜取此

從善如流【詁】服虔云言其疾同上杜取

此下善齊肅不臧賄不從欲施舍不倦求善不厭是以有國不亦宜乎我先君文公狐季姬之子也有

寵於獻好學而不貳生十七年有士五人有先大夫子餘子犯以爲腹心【詁】服虔云子餘趙衰同上有

魏犢賈佗以爲股肱有齊宋秦楚以爲外主【詁】賈逵云齊以女妻之宋贈之馬楚享以九獻秦送納

之同上杜取此

有欒卻狐先以爲內主亡十九年守志彌篤惠懷弃民【詁】服虔云皆棄民不恤同上民從而

與之獻無異親民無異望天方相晉將何以代文此二君者異於子干共有寵子國有與主無施於民

無援於外去晉而不送歸楚而不逆何以冀國晉成臧祁諸侯朝而歸者皆有貳心爲取郟故晉將

以諸侯來討。叔向曰：諸侯不可以不示威，乃並徵會。告于吳、秋，晉侯會吳子于良。【註】地理志：東海郡良成郡國志，下邳國良成，故屬東海。春秋時曰良。杜本此。水道不可，吳子辭，乃還。七月丙寅，治兵于邾南。

甲車四千乘，羊舌肸攝司馬，遂合諸侯于平丘。子產子大叔相鄭伯以會，子產以幄幕九張行。子大叔以四十既而悔之，每舍損焉。及會，亦如之。次于衛地，叔肸求貨於衛，淫芻蕘者。【註】說文：芻，割草也。芻，牲曰芻。草薪曰蕘。衛人使屠伯饋叔向羹，與一簋錦。曰：諸侯事晉，未敢攜貳，況衛在君之字下，而敢有異志，芻蕘者異於他日，敢請之。叔向受羹，反錦曰：晉有羊舌肸者，瀆貨無厭，亦將及矣。爲此役也。子若以君命賜之，其已客從之，未退而禁之。晉人將尋盟，齊人不可，晉侯使叔向告劉獻公曰：抑齊人不盟，若之何？對曰：盟以底信。【註】爾雅：底，致也。杜本此。君苟有信，諸侯不貳，何患焉？告之以文辭，董之以武師，雖齊不許，君庸多矣。天子之老，請帥王賦，元戎十乘，以先啓行，遲速惟君。叔向告于齊曰：諸侯求盟已在此矣。今君弗利，寡君以爲請。對曰：諸侯討貳，則有尋盟。若皆用命，何盟之尋？叔向曰：國家之敗，有事而無業，事則不經，有業而無禮，經則不序，有禮而無威，序則不共，有威而不昭，共則不明，不明棄其百事不終，所由傾覆也。是故明王之制，使諸侯歲聘以志業，閒朝以講禮。【註】賈逵云：朝天子之法。禮記疏。服虔同。崔靈恩以爲朝霸王之法。同上。再朝而會，以示威，再會而盟，以顯昭明。志業於好，講禮於等，示威於衆，昭明於神，自古以來，未之或失也。存亡之道，恆由是興。晉禮主盟，懼有不治，奉承齊轡，而布諸君。

求終事也。君曰：余必廢之。何齊之有？惟君圖之。寡君聞命矣。齊人懼，對曰：小國言之，大國制之，敢不聽從。既聞命矣，敬共以往。遲速惟君。叔向曰：諸侯有間矣，不可以不示衆。八月辛未，治兵，建而不旆。【詁】

說文：旆，總旄之旗也。沛然而垂，案說文本爾雅：壬申，復旆之。諸侯畏之，邾人莒人愬于晉曰：魯朝夕伐

我，幾亡矣。我之不共，魯故之以。晉侯不見公，使叔向來辭曰：諸侯將以甲戌盟，寡君知不得事君矣。請

君無勤。【詁】爾雅：勤，勞也。子服惠伯對曰：君信蠻夷之訴，以絕兄弟之國，弃周公之後，亦惟君。寡君聞

命矣。叔向曰：寡君有甲車四千乘在，雖以無道行之，必不可畏也。況其率道，其何敵之有？牛雖瘠，債於豚

上。【詁】說文：債，償也。其畏不死，南蒯子仲之憂，其庸可弃乎？若奉晉之衆，用諸侯之師，因邾莒杞郟之

怒，以討魯罪，聞其二憂，何求而弗克？魯人懼，聽命。甲戌，同盟于平丘。齊服也。令諸侯日中造于除。癸酉，

退朝。子產命外僕速張於除。子大叔止之，使待明日。及夕，子產聞其未張也，使速往，乃無所張矣。及盟，

子產爭承。禮記疏：引作丞。【詁】鄭衆云：爭，所謂承次貢賦輕重。本疏曰：昔天子班貢，輕重以列，列尊貢重。周之制

也。卑而貢重者，甸服也。鄭伯男也。【詁】鄭衆服虔云：鄭伯爵在男服也。賈逵云：男當作南，謂南面之君

也。鄭志云：男謂子男也。周之舊俗，雖爲侯伯，皆食子男之地。王肅以爲鄭伯爵，而連男言之，猶言曰：公

侯足句辭也。本疏：賈逵云：鄭伯爵在男畿。詩案：杜取王肅說外傳及孔氏家語，皆作南。高誘淮南王書注：

任也。而使從公侯之貢，懼弗給也。敢以爲請，諸侯靖兵，好以爲事，行理之命，無月不至。貢之無藝。【詁】

服虔云：藝，極也。一曰：常也。同上。小國有闕，所以得罪也。諸侯修盟，存小國也。貢獻無極，亡可待也。存亡之

制，將在今矣。自日中以爭，至于昏晉，人許之。既盟，子大叔咎之曰：「諸侯若討，其可瀆乎？」子產曰：「晉政多門，貳偷之不暇，何暇討國不競亦陵？何國之爲公不與盟？晉人執季孫意如以幕蒙之。」【詰】案：杜注：蒙，裹也。蒙無裹覆之義。蓋借冢覆之冢作訓。蒙冢音同。使狄人守之。司鐸射懷錦奉壺飲冰以蒲伏焉。

【詰】說文：匍，手行匍伏地。正義：蒲伏卽匍匐。案與昭二十一年扶伏同。守者御之，乃與之錦而入。晉人以平子歸。子服湫從。」【詰】釋文云：子服湫，又作子服椒。止一人耳。惠棟曰：案湫本與椒同音。說文：湫从

水秋聲。荀卿子引詩曰：鳳皇秋秋，其翼若干。其聲若簫。秋，蕭協韻。明秋亦作椒音。惠伯名椒，獨此作湫者。聲之誤也。晉以來，惟徐仙民識古音，諸儒皆不及。子產歸，未至，聞子皮卒，哭且曰：「吾已無爲爲善矣。」

惟夫子知我，仲尼謂子產於是行也，足以爲國基矣。詩曰：樂只君子，邦家之基。子產君子之求樂者也。且曰：合諸侯，藝貢事，禮也。鮮虞人聞晉師之悉起也，而不警邊，且不修備，晉荀吳自著雍以上軍侵

鮮虞，及中人。【詰】京相璠曰：今中山望都東二十里，有中人城。水經注：張華博物志：唐闕在中人西北。杜同此。

百里，中人在縣西四十里，驅衝競，大獲而歸。楚之滅蔡也，靈王遷許，胡沈道房申於荆焉。【詰】案：地理志：汝南郡平輿，應劭曰：故沈子國。今沈亭是也。女陰，原注：故胡子國。陽安，應劭曰：道國也。今道亭是。

吳房，孟康曰：本房子國。楚靈王遷房于楚南陽，宛。原注：故申伯國。又考荆爲楚舊名，上句言楚，故此句

又法變言荆耳。孟康注：可據也。杜注：荆，荆山。失之。豈靈王時六國並遷于荆山之下乎？平王卽位，既封陳蔡，而皆復之禮也。隱大子之子廬歸于蔡，禮也。悼大子之子吳歸于陳，禮也。冬十月葬蔡靈公，禮也。公如晉，荀吳謂韓宣子曰：諸侯相朝，講舊好也，執其卿而朝其君，有不好焉，不如辭之。乃使士景伯辭公于河。吳滅州來，令尹子旗請伐吳，王弗許曰：吾未撫民人，未事鬼神，未修守備，未定國家，而用民力，敗不可悔。州來在吳，猶在楚也。子姑待之。季孫猶在晉，子服惠伯私於中行穆子曰：魯事晉，何以不如夷之？小國魯兄弟也，土地猶大，所命能具，若爲夷弃之，使事齊楚，其何瘳於晉？親親與大，賞共罰否，所以爲盟主也。子其圖之。諺曰：臣一主二，吾豈無大國？穆子告韓宣子，且曰：楚滅陳，蔡不能救，而爲夷執親將焉用之？乃歸季孫。惠伯曰：寡君未知其罪，合諸侯而執其老，若猶有罪，使命可也。若曰無罪，而惠免之，諸侯不聞，是逃命也。何免之爲？請從君惠於會。宣子患之，謂叔向曰：子能歸季孫乎？對曰：不能。鮒也能，乃使叔魚【詁】案古今人表作叔漁，恐誤。如伯魚名鯉，司馬子魚名魴，可比例也。叔魚見季孫曰：昔鮒也得罪於晉君，自歸於魯君，微武子之賜，不至於今。雖獲歸骨於晉，猶子則肉之，敢不盡情歸子而不歸鮒也。聞諸吏將爲子除館於西河。【詁】案此西河亦如檀弓篇言子夏退老於西河之上，蓋指臨晉夏陽等地在河之西，與晉更遠。杜注云：西使近河，非也。其若之何？且泣。平子懼，先歸，惠伯待禮。

物官相其才之所宜而官之是也。同上使屈罷饋東國之兵於召陵亦如之好於邊疆息民五年而後用

師禮也。秋八月莒著邱公卒郊公不感國人弗順欲立著邱公之弟庚與。諸本皆作與案古與與字通今從石經及淳化本作

與下蒲餘侯惡公子意恢而善於庚與郊公惡公子鐸而善於意恢公子鐸因蒲餘侯而與之謀曰爾

殺意恢我出君而納庚與許之。楚令尹子旗有德於王不知度與養氏比而求無厭。釋文厭本亦作饜王患

之九月甲午楚子殺鬬成然而滅養氏之族使鬬辛居郢以無忘舊勳。冬十二月蒲餘侯茲夫殺莒

公子意恢郊公奔齊公子鐸逆庚與於齊齊隰黨公子鉏送之有賂田。晉邢侯與雍子晉語作爭鄆

田久而無成。詁說文鄆晉邢侯邑士景伯如楚叔魚攝理韓宣子命斷舊獄罪在雍子雍子納其女

於叔魚叔魚蔽罪邢侯。詁家語引作弊罪王肅注云弊斷罪歸邢侯鄭司農周禮大司寇注引作

弊獄邢侯疏同邢侯怒殺叔魚與雍子於朝宣子問其罪於叔向叔向曰三人同罪施生戮死可也雍

子自知其罪而賂以買直鮒也鬻獄。詁周書鄭保曰十敗六曰佞說鬻獄章昭曰鬻賣也邢侯專殺

其罪一也已惡而掠美爲昏貪以敗官爲墨。詁家語引作默王肅注默猶冒苟貪不忌罪下昏墨亦

作默殺人不忌爲賊夏書曰昏墨賊殺臯陶之刑也。家語引作答經請從之乃施邢侯而尸雍子與叔魚於市

詁服虔云施罪於邢侯施猶劾也邢侯亡故劾之本晉語秦人殺冀芮而施之章昭曰陳尸曰施惠

棟云尸陳也謂殺而陳其罪哀廿七年傳曰國人施公孫有山氏是也山海經殺而施之晉語從欒氏

者大戮施莊子曰。襄宏鷹。史記推陳餘。蓋同也。開元五經文字作鷹云。鷹亦非。仲尼曰。叔向古之遺直也。治國制刑。不隱於親。三數叔魚之罪。不爲末滅。【詰】服虔讀滅爲威。下屬爲句。不爲末者。不爲末殺隱蔽之也。威曰義也。言人皆言叔向是義。疏。案家語亦引作不爲末。或曰義。王注云。末薄。或左傳作威。今考左傳本亦作滅。滅威古字通。曰義也。夫可謂直矣。平邱之會。數其賄也。以寬衛國。晉不爲暴。歸魯季孫。稱其詐也。以寬魯國。晉不爲虐。邢侯之獄。言其貪也。以正刑書。晉不爲頗。三言而除三惡。加三利。殺親益榮。猶義也。夫。家語猶作由古字通。

十五年春。將禘于武公。戒百官梓慎曰。禘之日。其有咎乎。吾見赤黑之禋。非祭祥也。喪氣也。【詰】說文。禋。

精氣成祥。春秋傳曰。見赤黑之禋。氣祥氣也。王逸楚辭章句。禋。惡氣貌。章昭曰。氣禋。氣象也。凶曰氣。吉曰祥。服虔云。水黑。火赤。水火相遇云云。疏。本其在澠事乎。二月癸酉。禘。叔弓澠事。簫入而卒。去樂卒事。禮也。

楚費無極。史記楚世家作費無忌。索隱曰。左傳作無極。極。忌聲相近。伍子胥傳及淮南王書亦同。害朝吳之在蔡也。欲去之。乃謂之曰。王唯

信子。故處子於蔡子亦長矣。而在下位。辱必求之。吾助子請。【詰】服虔以辱從下。讀訓之謂欲欲必求之。吾助子請。又謂其上之人曰。王惟信吳。故處諸蔡。二三子莫之如也。而在其上。不亦難乎。弗圖。必及於難。夏。蔡人逐朝吳。朝吳出奔鄭。王怒曰。余惟信吳。故實諸蔡。且微吳。吾不及此。女何故去之。無極對曰。臣豈不欲吳。然而前知其爲人之異也。吳在蔡。蔡必速飛。去吳所以翦其翼也。六月乙丑。王太子

壽卒。秋八月戊寅，王穆后崩。晉荀吳帥師伐鮮虞，圍鼓。

【詁】京相璠曰：白狄之別也。下曲陽有鼓聚，故鼓子國也。鼓人或請以城叛，穆子弗許。左右曰：師徒不勤，而可以獲城，何故不為？穆子曰：吾

聞諸叔向曰：好惡不愆，民知所適，事無不濟。或以吾城叛，吾所甚惡也。人以城來，吾獨何好焉？賞所甚

惡，若所好何？若其弗賞，是失信也。何以庇民？力能則進，否則退。量力而行，吾不可以欲城而邇，茲所喪

滋多。使鼓人殺叛人而繕守備，圍鼓三月。鼓人或請降，使其民見曰：猶有食色，姑修而城。軍吏曰：獲城

而弗取，勤民而頓兵，何以事君？穆子曰：吾以事君也，獲一邑而教民怠，將焉用邑？邑以賈怠，不如完舊。

賈怠無卒，弃舊不祥。鼓人能事其君，我亦能事吾君，率義不爽，好惡不愆。城可獲而民知義，所有死命

水經注引傳而無二心，不亦可乎？鼓人告食竭，力盡而後取之，克鼓而反，不戮一人。以鼓子齋鞮歸。

諸本冬，公如晉，平邱之會故也。十二月，晉荀躒如周葬穆后，籍談爲介，既葬除喪，以文伯

宴，尊以魯壺。王曰：伯氏諸侯皆有以鎮撫王室。

【詁】五行志作墳，案律歷志鎮星皆作墳，墳鎮古字通。晉獨無有何也？文伯揖籍談對曰：諸侯之封也，皆受明器於王室，以鎮撫其社稷，故能薦彝器於王。晉

居深山，戎狄之與鄰，而遠於王室，王靈不及，拜戎不暇，其何以獻器？王曰：叔氏而忘諸乎？

五行志唐叔成王之母弟也，其反無分乎？密須之鼓。

【詁】地理志安定郡陰密詩齊人國，杜取與其大路，文所

以大蒐也。闕鞶之甲。

【詁】說文：鞶，水邊石，从石土聲。春秋傳曰：闕鞶之甲。按今傳作鞶，容古字通。九經

字樓。碧音拱。水邊石也。見春秋。或唐本尙作此碧字。武所以克商也。唐叔受之。以處參虛。匡有戎狄。其後襄之二路。鍼鉞。鉞形弓虎賁。文公受之。以有南陽之田。撫征東夏。非分而何。夫有勳而不廢。有績而載。奉之以土田。撫之以彝器。旌之以車服。明之以文章。子孫不忘。所謂福也。福祚之不登。叔父焉在。且昔而高祖孫伯鸞。司晉之典籍。以爲大政。五行志引作正。故曰籍氏。及辛有之二子董之。【詰】晉語曰。秦伯納公子董。因迎於河。章昭注。因晉大夫辛有之後也。引此傳爲證。晉於是乎有董史。女司典之後也。何故忘之。籍談不能對。賓出。王曰。籍父其無後乎。數典而忘其祖。籍談歸。以告叔向。叔向曰。王其不終乎。吾聞之。所樂必卒焉。今王樂憂。若卒以憂。不可謂終。王一歲而有三年之喪。二焉。【詰】墨子公孟篇云。子墨子謂公孟子曰。喪禮。君與父母妻後子死三年喪服。伯父叔父兄弟期。族人五月。姑姊舅甥皆有數月之喪。後子爲後之子。猶太子也。又非儒篇云。儒者云。親親有術。尊賢有等。言親疏尊卑之異也。其禮曰。喪父母三年。妻後子三年。伯父叔父兄弟庶子其戚族人五月。若以親疏爲歲月之數。則親者多而疏者少矣。是妻後子與父同也。若以尊卑爲歲月數。則是尊其妻子與父母同。而親伯父宗兄而卑子也。逆孰大焉。嘉棟曰。墨子所據喪禮與傳合。與喪服傳異。喪服傳曰。父必三年然後娶。達子之志也。又云。爲妻何以期也。妻至親也。必三年然後娶。不得爲三年喪服也。且天子絕期。安得引以爲證。公孟子即公明儀。於是乎以喪賓燕。又求彝器。樂憂甚矣。且非禮也。彝器之來。嘉功之由。非由喪也。三年之

喪雖貴遂服禮也。王雖弗遂，宴樂以早，亦非禮也。禮王之大經也。一動而失二禮，無大經矣。【詁】服虔云：經，常也。常所當行也。本疏言以考典，典以志經，忘經而多言舉典，將焉用之。五行志焉作安。

十六年春，王正月，公在晉，晉人止公，不書諱之也。齊侯伐徐，楚子聞蠻氏之亂也，與蠻子之無質也。

使然丹誘戎蠻子嘉穀之，遂取蠻氏。既而復立其子焉。禮也。二月丙申，齊師至於蒲隧。徐人行成，徐

子及邾人莒人會齊侯盟于蒲隧。賂以甲父之鼎。【詁】郡國志：下邳郡取慮有蒲姑陵，山陽郡昌邑有

甲父亭。杜同元，和姓，纂甲父古諸侯，以國爲姓。甲父氏，見釋例。杜取叔孫昭子曰：諸侯之無伯，害哉。齊

君之無道也，興師而伐遠方，會之有成而還，莫之亢也。無伯也。夫詩曰：宗周既滅，靡所止戾。正大

夫離居，莫知我肄。其是之謂乎。二月，晉韓起聘于鄭，鄭伯享之。子產戒曰：苟有位於朝，無有

不共恪。孔張後至，立於客間，執政禦之。適客後，又禦之。適縣間，客從而笑之。事畢，富子諫

曰：夫大國之人不可不慎也。幾爲之笑。【詁】服虔云：幾，近也。孔張失位，近爲所笑。而不陵我，我皆有

禮。夫猶鄙我國而無禮，何以求榮。孔張失位，君子之恥也。子產怒曰：發命之不衷，出令之不信，刑之頗

類。【詁】服虔云：讓類爲類。解云：頗，偏也。類，不平也。上同。顧炎武云：類當作類。二十八年解類，戾也。獄之放

紛，會朝之不敬，使命之不聽，取陵於大國，罷民而無功，罪及而弗知，僑之恥也。孔張君之昆孫，子孔之

後也。執政之嗣也，爲嗣大夫，承命以使，周於諸侯，國人所尊，諸侯所知，立於朝而祀於家。【詁】服虔云：

祀其所自出之君於家。以爲大祖。同有祿於國。有賦於軍。喪祭有職。受脤歸脤。其祭在廟。【詰】服虔以爲其祭在廟。謂孔張先祖配廟。食同。已有著位在位數世。世守其業。而忘其所。僑焉得恥之。辟邪之人。釋文作僻。而皆及執政。是先王無刑罰也。子寧以他規我。宣子有環。【詰】說文環璧也。肉好若一。謂之蓋。傳寫誤。其一在鄭商。宣子謁諸鄭伯。【詰】爾雅。謁告也。說文。謁。白也。子產弗與。曰。非官府之守器也。寡君不知。子大叔子羽謂子產曰。韓子亦無幾求。晉國亦未可以貳。晉國韓子不可偷也。若屬有讒人交鬪。其間鬼神而助之。以與其凶怒。悔之何及。吾子何愛於一環。其以取憎於大國也。盍求而與之。子產曰。吾非偷晉。而有二心。將終事之。是以弗與。忠信故也。僑聞君子非無賄之難。立而無令名之患。僑聞爲國非不能事大字小之難。【詰】服虔斷字小之難。以下爲義。解云。字養也。言事大國易。養小國難。同無禮以定其位之患。夫大國之人。令於小國。而皆獲其求。將何以給之。一其一否。爲罪滋大。大國之求。無禮以斥之。何厭之有。諸本作鑿。從釋文改正。吾且爲鄙邑。則失位矣。若韓子奉命以使。而求玉焉。貪淫甚矣。獨非罪乎。出一玉以起二罪。吾又失位。韓子成貪。將焉用之。且吾以玉賈罪。不亦銳乎。【詰】說文。銳。芒也。廣雅。苞。小也。苞。銳字。通。杜本。服虔云。銳。折也。宋本疏。今據。案。銳是鋒芒。不得爲折。韓子賈諸賈人。既成賈矣。釋文。賈本。或作價。商人曰。必告君大夫。韓子請諸子產。曰。日起請夫環。執政弗義。弗敢復也。今賈諸商人。商人曰。必以聞。敢以爲請。子產對曰。昔我先君桓公與商人皆出自周。庸次比耦。【詰】廣雅。次。比。

代也。以艾殺此地。斬之蓬蒿藜藿。而共處之。【詁】說文：蓬，蒿草也。藜，雅藜也。藿，世有盟誓以相信也。曰爾無我叛。我無強賈。毋或匄奪。爾有利市。寶賄。或作貨。我勿與知。恃此質誓。故能相保。以至于今。今吾子以好來辱。而謂敝邑強奪商人。是教敝邑背盟誓也。毋乃不可乎。吾子得玉而失諸侯。必不爲也。若大國令而共無藝。鄭鄙邑也。亦弗爲也。僑若獻玉。不知所成。敢私布之。韓子辭玉曰：起不敏。敢求玉以微二罪。敢辭之。夏四月。鄭六卿餞宣子於郊。宣子曰：二三君子請皆賦。起亦以知鄭志。子齋賦：野有蔓草。【詁】說文：蔓，爲差。跌兒。春秋傳曰：晉有子齋。案今本作蔓。說文：蔓，參差也。義蓋通。宣子曰：孺子善哉。吾有望矣。子產賦：鄭之羔裘。宣子曰：起不堪也。子大叔賦：褰裳。宣子曰：起在此。敢勸子至於他人乎。子大叔拜。宣子曰：善哉。子之言是不有是事。其能終乎。子游賦：風雨。子旗賦：有女同車。子柳賦：擗兮。宣子喜曰：鄭其庶乎。二三君子以君命貺起。賦不出。鄭志皆昵燕好也。二三君子數世之主也。可以無懼矣。宣子皆獻馬焉。而賦我將。子產拜。使五卿皆拜曰：吾子靖亂。敢不拜德。宣子私覲於子產。以玉與馬。曰：子命起舍夫玉。是賜我玉而免吾死也。敢不藉手以拜。公至自晉。子服昭伯語季平子曰：晉之公室。其將遂卑矣。君幼弱。六卿強而奢傲。將因是以習。習實爲常。【詁】周書曰：習實爲常。美惡一也。能無卑乎。平子曰：爾幼惡識國。秋八月。晉昭公卒。九月。大雩。旱也。鄭大旱。使屠擊祝款暨柎有事於桑山。斬其木。不雨。子產曰：有事於山。羈山林也。而斬其木。其罪大矣。奪之官邑。冬十月。季平子如晉葬昭。

公。平子曰：子服回之言猶信。子服氏有子哉。

十七年春，小邾穆公來朝。公與之燕。季平子賦采芣。詩小雅。穆公賦菁菁者莪。昭子曰：不有以國，其能久

乎。夏六月甲戌朔，日有食之。祝史請所用幣。昭子曰：日有食之，天子不舉，伐鼓於社，諸侯用幣於社。

伐鼓於朝，禮也。平子禦之曰：止也。唯正月朔，慝未作，日有食之，於是乎有伐鼓用幣禮也。其餘則否。太

史曰：在此月也。日過分而未至三辰，有災。於是乎百官降物，君不舉，辟移時，樂奏鼓，祝用幣，史用辭。故

夏書曰：辰不集于房。【詰】廣雅：集，安也。杜本此。瞽奏鼓，騫夫馳，庶人走。此月朔之謂也。當夏四月，是謂孟

夏。平子弗從。昭子退曰：夫子將有異志，不君君矣。秋，邾子來朝。公與之宴。昭子問焉曰：少皞氏鳥名

官，何故也。邾子曰：吾祖也。我知之。【詰】周書：鬻參曰：乃命少皞，清司馬鳥師，以正五帝之官。汲郡古文，

或曰：少皞名清，不居帝位。帥鳥師居西方，以鳥紀官。律歷志引帝考德曰：少昊曰清，清者黃帝之子，清

陽也。昔者黃帝氏以雲紀。【詰】服虔云：黃帝受命，得景雲之瑞，故以雲紀事。本疏：故爲雲師而雲名。【詰】

服虔云：黃帝以雲名官。蓋春官爲青雲氏，夏官爲緝雲氏，秋官爲白雲氏，冬官爲黑雲氏，中官爲黃雲

氏。同。炎帝氏以火紀，故爲火師而火名。【詰】服虔云：炎帝以火名官。春官爲大火，夏官爲鶉火，秋官爲

西火，冬官爲北火，中官爲中火。同。共工氏以水紀，故爲水師而水名。【詰】服虔云：共工以水名官。春官

爲東水，夏官爲南水，秋官爲西水，冬官爲北水，中官爲中水。同。大皞氏以龍紀，故爲龍師而龍名。【詰】

服虔云：大皞以龍名官，春官爲青龍氏，夏官爲赤龍氏，秋官爲白龍氏，冬官爲黑龍氏，中官爲黃龍氏。同。我高祖少皞摯之立也。初學記引鳳鳥適至，故紀於鳥。文選注引傳爲鳥師而鳥名，鳳鳥氏歷正也。

元鳥氏司分者也。後漢書注伯趙氏司至者也，青鳥氏司啓者也，丹鳥氏司閉者也，祝鳩氏司徒也，鵙

鳩氏王符引司馬也。引無者字【詁】說文唯王雉也，鳴鳩氏司空也。王符引爽鳩氏司寇也。說文爽，鷓鴣也。

鷓鴣氏司事也。說文鷓鴣，鷓也。五鳩鳩民者也。說文爾雅：鷓，鷓也。五雉爲五工正。說文賈逵云：西

方曰鷓雉，攻木之工也。東方曰鷓雉，搏埴之工也。南方曰翟雉，攻金之工也。北方曰雉，攻皮之工也。

伊雉而南曰翟雉，設五色之工也。本疏服虔云：雉者，夷也。夷，平也。使度量器用平也。同上利器用，正度量，夷

民者也。九扈爲九農正。說文賈逵云：春扈分循，相五土之宜，趣民耕種者也。夏扈竊元，趣民耘苗者也。

秋扈鷓藍，趣民收斂者也。冬扈竊黃，趣民蓋藏者也。棘扈竊丹，爲果驅鳥者也。行扈暗暗，畫爲民驅鳥

者也。宵扈噴噴，夜爲農驅獸者也。桑扈竊脂，爲蠶驅蠶者也。老扈鷓鷃，趣民收麥，令不得晏起者也。又

賈服皆云：鷓鷃亦聲音爲名也。本疏案說文：九扈，農桑候鳥，扈民不姪者也。春扈頰盾，夏扈竊元，秋扈竊

藍，冬扈竊黃，棘扈竊丹，行扈暗暗，宵扈噴噴，桑扈竊脂，老扈鷓鷃也。又案扈字，說文或作鷓鷃，文作屬，古

字並通。說文廣雅：竊，淺也。扈民無淫者也。說文獨斷：扈，止也。杜取自顓頊以來。說文服虔云：自少皞以

上，天子之號以其德，百官之號以其徵，自顓頊以來，天子之號以其地，百官之紀以其事。月令又云：春

正，既又云：春

官爲木正。夏官爲火正。秋官爲金正。冬官爲水正。中官爲土正。高辛氏因之。故傳曰：遂濟窮桑，窮桑，顓頊所居。周禮序又路史五經通義顓頊者顓猶專，頊猶愉。幼小而王，以致太平。常自愉儉，味約自小之意。故兩字爲證。不能紀遠，乃紀於近，爲民師而命以民事，則不能故也。仲尼聞之，見於郟子而學之。

既而告人曰：吾聞之。天子失官，學在四夷。猶信。後漢書注引作其信。石經載此文，作官學在四夷，重一官字。案王肅注云：孔子稱官學在四夷，疾時之廢學也。據此似正文本有官字，轉寫失去。又月令正義引王肅云：鄭中國也。故吳伐郟，季文子歎曰：中國不振旅，蠻夷入伐，吾亡無日矣。孔子稱在四夷，疾時學廢也。

晉侯使屠蒯如周，請有事於洛，與三塗。水經注引作三舍，高誘呂覽注維作洛，今从之。以下並同。高誘云：三塗之山，陸渾之南，故假道於周。長宏謂劉子曰：【詁】淮南王書：長宏，周室之執數者也。天地之氣，日月之行，風雨之變，律歷之數，無所不通。客容猛，非祭也。高誘呂覽注引作祥。其伐戎乎？陸渾氏甚睦於楚，必是故也。君其備之。乃警戎備。高誘注引作乃敵戎。九月丁卯，晉荀吳帥師，涉自棘津。【詁】服虔云：棘津，猶孟津也。水經徐廣曰：棘津在

廣川。同上。使祭史先用牲于洛。陸渾人弗知，師從之。庚午，遂滅陸渾。數之以其貳於楚也。陸渾子奔楚，其衆奔甘鹿。【詁】山海經：鹿蹄之山，甘水出焉。案此在今河南宜陽縣東南，當即甘鹿也。周大獲，宣子夢

文公攜荀吳而授之陸渾，故使穆子帥師，獻俘于文宮。冬，有星孛于大辰，西及漢。【詁】賈逵云：天漢水也。或曰：天河。宋本御覽賈逵解。申須曰：桓公時申繻而謬。彗所以除舊布新也。天事恆象，今除於火，火出

必布焉。諸侯其有火災乎。梓慎曰：往年吾見之，是其徵也。漢書引無之字。火出而見，今茲火出而章，必火入而伏。【詁】服虔注：本火出而章，必火入而伏。重火，別句。孫毓云：賈氏舊文，無重火字。本疏：其居火也久矣。

其與不然乎。【詁】顧炎武云：邵氏曰：其與語詞猶曰其諸。案邵說是與字當改讀平聲。火出於夏爲三月，於商爲四月，於周爲五月。律歷志引傳：去二於子。夏數得天。若火作，其四國當之。六物之占。【詁】石經此下有六物之占四字。旁增：非唐人刻。惠士奇曰：當是臯公武據蜀石經增入。臯曾以唐石經校蜀石經。碑中所增疑皆出臯氏之手。學者詳焉。蓋蜀時服虔左傳尙存也。御覽八百七十五卷所引有此四字。蓋服

賈本如此。今據增入。在宋，衛陳鄭乎。宋大辰之虛也。漢書引以下三句皆無也字。陳大皞之虛也。鄭祝融之虛也。皆

火房也。星孛及漢，漢水祥也。衛顛頊之虛也。故爲帝邱。其星爲大水。水火之牡也。其以丙子若壬午作

乎。水火所以合也。若火入而伏，必以壬午。不過其見之月。漢書引無其字。鄭裨竈言於子產曰：宋衛陳鄭將同

日火。若我用瓊學玉瓚。【詁】說文：瓊，玉也。春秋傳曰：瓊學。鄭必不火。子產弗與。吳伐楚，陽匄爲令尹。卜戰，不吉。司馬子魚曰：我得上流，何故不吉。且楚故司馬令龜，我請改卜。令曰：鮒也。周禮大卜注引作鮒。鮒釋文云：鮒音附。

左傳鮒以其屬死之。楚師繼之，尙大克之。吉戰于長岸。子魚先死。楚師繼之，大敗吳師。獲其乘舟餘皇。

【詁】說文：餘皇，舟名。案今本作餘皇。釋文云：經典通用。使隨人與後至者守之。環而塹之。【詁】說文：塹，

阨也。及泉，盈其隧炭。陳以待命。吳公子光呂覽作王子光。請於其衆曰：喪先王之乘舟，豈惟光之罪。衆亦有焉。

請藉取之以救死。衆許之。使長鬣者三人潛伏於舟側。曰：我呼餘皇則對。師夜從之。三呼皆迭對。楚人從而殺之。楚師亂。吳人大敗之。取餘皇以歸。

十八年春王二月乙卯。周毛得殺毛伯過而代之。萇宏曰：毛得必亡。是昆吾稔之日也。【詰】鄭衆云：春秋

以爲五行。子卯自刑。禮記疏。修故之以而毛得以濟。修於王都。不亡何待。三月曹平公卒。夏五月火

始昏見。丙子風。梓慎曰：是謂融風。【詰】張晏曰：融風立春木風也。火之母也。火所始生也。火之始也。七

日其火作乎。【詰】張晏曰：火以七爲紀。戊寅風甚。壬午大甚。釋文一本。【詰】五行志作大甚者。又更甚

也。案此大字當作太音。宋衛陳鄭皆火。梓慎登大庭氏之庫。高麗本。【詰】舊說皆云：炎帝號神農氏。一

曰大庭氏。本服虔云：大庭氏古亡國之君。在黃帝前。其處高顯。周禮疏。以望之。【詰】服虔云：四國次有火

氣也。本疏。曰：宋衛陳鄭也。數日皆來告火。裨竈曰：不用吾言。鄭又將火。鄭人請用之。子產不可。子大叔曰：

寶以保民也。若有火國幾亡。可以救亡。子何愛焉。子產曰：天道遠。人道邇。非所及也。何以知之。竈焉知

天道。是亦多言矣。豈不或信。遂不與。亦不復火。鄭之未災也。里析告子產曰：將有大祥。民震動。國幾亡。

吾身泯焉。弗良及也。【詰】服虔云：弗良及者。不能及也。同上。國遷其可乎。子產曰：雖可。吾不足以定遷矣。

及火。里析死矣。未葬。子產使與三十人遷其柩。火作。子產辭晉公子公孫于東門。使司寇出新客。禁舊

客。【詰】高誘曰：有新客。案出之爲觀聲也。禁舊客爲驛情也。勿出於宮。使子寬子上巡羣屏攝。【詰】鄭

衆云。攝攝束茅以爲屏蔽祭神之處。草易然。故巡行之。周禮韋昭云。周氏曰。屏者井攝主人之位。昭謂

屏。屏風也。攝形如嬰弱。皆所以分別尊卑。爲祭祀之位。近漢亦然。杜本案周氏謂周仲文。漢儒說春秋

者。至于大宮。使公孫登徙大龜。使祝史徙主。祔於周廟。告于先君。使府人庫人各儆其事。商成公儆司

宮。詁說文。敵。戒也。春秋傳曰。敵宮出。舊宮人。寘諸火所不及。司馬司寇列居火道。行火所熾。詁廣

雅。炳。蒸也。玉。篤。燉。與。炳。同。炎也。又。熱也。城下之人。伍列登城。明日。使野司寇。各保其徵。郊人助祝史除

於國北。禳火于元冥。回祿。詁先儒注左傳者。皆曰。回祿。火神。疏本禱于四鄰。詁鄙。水庸也。書焚室而

寬其征。與之材。三日。哭。國不市。使行人告於諸侯。宋衛皆如是。陳不救火。許不弔災。君子是以知陳許

之先亡也。六月。邠人籍稻。詁說文。邠。姁姓之國。春秋傳曰。邠人籍稻。讀若規。粳之類。杜取服虔云。

籍。耕種於籍田也。疏本邠人襲邠。邠人將閉門。邠人羊羅。攝其首焉。遂入之。盡俘以歸。邠子曰。余無歸矣。

從幣於邠。邠莊公反邠夫人而舍其女。秋。葬曹平公。往者見周原伯魯焉。與之語。不說學。歸以語閔

子馬。閔子馬曰。周其亂乎。夫必多有是說。而後及其大人。大人患失而惑。又曰。可以無學。無學不害。不

害而不學。則苟而可。於是乎下陵上替。能無亂乎。夫學殖也。不學將落。原氏其亡乎。七月。鄭子產爲

火故。大爲社。祓禳於四方。詁說文。祓。除惡祭也。禳。祀除禍殃也。振。除火災禮也。詁廣雅。振。棄也。杜本

此。乃簡兵大蒐。將爲蒐除。子大叔之廟。在道南。其寢在道北。其庭小。過期三日。使除徒陳於道南。廟北

曰子產過女而命速除乃毀於而鄉諸本皆作向今從釋文及宋本改作鄉【詰】案古向字皆作鄉說文向北出關也

氏以向爲俗字亦誤子產朝過而怒之除者南毀子產及衝使從者止之曰毀於北方火之作也子產

授兵登陣文選注引左傳陣作埤子大叔曰晉無乃討乎子產曰吾聞之小國忘守則危鄭衆周禮注引傳則作必賈公彥曰讓字不同

也況有災乎國之不可小有備故也既晉之邊吏讓鄭曰鄭國有災晉君大夫不敢寧居卜筮走望不

愛牲玉鄭之有災寡君之憂也今執事擗然授兵登陣【詰】服虔云惘然猛貌也本疏案方言廣雅並云惘猛也說文惘武貌惘惘字同杜取此將以誰罪邊人恐懼不敢不告子產對曰若吾子之言敝邑之災

君之憂也敝邑失政天降之災又懼讒慝之閒謀之以啓貪人薦爲敝邑不利以重君之憂幸而不亡

猶可說也不幸而亡君雖憂之亦無及也鄭有他竟望走在晉既事晉矣其敢有二心楚左尹王子

勝言於楚子曰許於鄭仇敵也而居楚地以不禮於鄭晉鄭方睦鄭若伐許而晉助之楚喪地矣君盍

遷許許不專於楚鄭方有令政許曰余舊國也鄭曰余俘邑也葉在楚國方城外之蔽也土不可易國

不可小許不可俘讎不可啓君其圖之楚子說冬楚子使王子勝遷許於析水經注引作漸實白羽【詰】地理

志宏農郡析郡國志析故楚白羽邑

十九年春楚工尹赤遷陰于下陰【詰】地理志南陽郡陰師古曰卽春秋左氏傳所云遷陰于下陰者也

今襄州有陰城縣杜本此令尹子瑕城郟叔孫昭子曰楚不在諸侯矣其僅自完也以持其世而已楚

子之在蔡也。鄭陽封人之女奔之。【詰】賈逵云：楚子在蔡，爲蔡公時也。本說文：鄭，楚邑也。春秋傳曰：鄭

陽封人之女奔之。杜取生太子建，及卽位，使伍奢爲之師，費無極爲少師。【詰】服虔云：楚大夫。史記無

寵焉。欲譖諸王，曰：建可室矣。王爲之聘於秦，無極與逆，勸王取之。正月，楚夫人羸氏至自秦。邠夫人

宋向戌之女也。故向寧請師。二月，宋公伐邾，圍蟲。三月，取之。乃盡歸邠俘。夏，許悼公瘞。【詰】服虔云：

悼公，豐公之子，許男賈，瘞，寒疾也。御五月，戊辰，飲大子止之藥，卒。大子奔晉。【詰】服虔云：經書夏五月

戊辰，許世子弑其君，賈止。悼公子囊，大子也。公疾不瘳，止獨進藥，雖嘗而不由醫。同書曰：弑其君。【詰】

服虔云：禮醫不三世不使。君有疾，飲藥，臣先嘗之，親有疾，飲藥，子先嘗之。公疾未瘳，而止進藥，雖嘗而

不由醫，而卒。故國史書弑，皆於諸侯也。同君子曰：盡心力以事君，舍藥物可也。【詰】服虔云：原止之無

惡意，藥物不由醫，無以加壽命有終，故曰：舍藥物可也。舍止也。一曰：此刺無良史，物讀爲勿止，實孝，能

盡心事君，舍藥勿以踣之。同邾人邾人徐人會宋公乙亥，同盟于蟲。楚子爲舟師以伐濮，費無極

言於楚子曰：晉之伯也，邇於諸夏，而楚辟陋，故弗能與爭。若大城城父而實大子焉。【詰】服虔云：城父，

楚北境也。史記案此潁川郡之城父。正楚北境，非沛郡之城父也。下言將以方城之外叛，可證城父相

近。有汾邱，襄十八年傳：楚伐邾，治兵於汾，戰國策：楚北有汾陘之塞是矣。高誘曰：楚北境之邑，今屬沛

國。北方宋鄭魯衛也。南方謂吳越也。今考云：沛國城父，魏、惠氏引此，有意與杜異，亦誤。裴駟集解亦云。

潁川城父縣亦一豎以通北方王收南方是得天下也王說從之故大子建居于城父令尹子瑕聘于

秦拜夫人也秋齊高發帥師伐莒莒子奔紀障使孫書伐之初莒有婦人莒子殺其夫已爲嫠婦釋文

嫠本又作釐【詰】說文嫠無夫也杜略同及老託於紀障紡焉以度而去之【詰】釋文嫠松之注魏志曰古人

謂藏爲去正義引字書去作弃莒莒反謂棄物也今關西仍呼爲弃東人輕言爲音莒顧炎武曰漢書

蘇武傳掘野鼠去少實而食之師古曰去謂藏之也陳遵傳皆藏去以爲祭師古曰去亦藏也魏志華

佗傳去藥以待不祥裴松之案古語以藏爲去水經注引作取其纒而夜繒此略舉傳文大意耳及師

至則投諸外或獻諸子占子占使師夜繒而登登者六十人絕絕【詰】說文繒以繩有所縣也春秋傳

曰夜繒納師師鼓譟城上之人亦譟釋文一本作譟莒共公懼啓西門而出七月丙子齊師入紀是歲

也鄭駟偃卒子游娶於晉大夫生絲弱其父兄立子瑕子產憎其爲人也且以爲不順弗許亦弗止駟

氏聿【詰】說文慢懼也春秋傳曰駟氏慢廣韻作慢案今本作聿音義亦同杜本他日絲以告其舅冬

晉人使以幣如鄭問駟乞之立故駟氏懼駟乞欲逃子產弗遣請龜以下亦弗予大夫謀對子產不待

而對客曰鄭國不天寡君之二三臣札瘥天昏【詰】鄭司農云札爲疾疫死亡也越人謂死爲札周禮

爾雅瘥病也賈逵云大死曰札小疫曰瘥短折曰天未名曰昏本杜注廣雅瘥死也鄭玄尙書注昏沒

也晉語君子失心鮮不天昏與此同釋文云字林札天死也瘥作瘥今文喪我先大夫偃其子幼弱其

一二父兄懼隊宗主私族於謀而立長親。【詁】服虔云：祐主藏於宗廟，故曰宗主。本疏寡君與其二三老

曰。【詁】服虔云：二三老，駟偃家臣。同上抑天實剝亂是，吾何知焉？諺曰：無過亂門。【詁】呂覽作詩曰：無過

亂門，所以遠之也。高誘注逸詩：民有兵亂，猶憚過之，而況敢知天之所亂乎？大夫將問其故，抑寡君實

不敢知，其誰實知之？平邱之會，君尋舊盟曰：無或失職，若寡君之二三臣，其卽世者，晉大夫而專制其

位，是晉之縣鄙也。何國之爲辭客幣而報其使，晉人舍之。楚人城州來，沈尹戌曰。【詁】王符潛夫論

曰：左司馬戌者，莊王曾孫也。葉公諸梁者，戌之第三弟也。高誘呂覽注曰：沈尹戌，莊王之孫。沈諸梁，葉

公子高之父也。案杜注，兼采二說，不知何據。楚人必敗，昔吳滅州來，子旗請伐之，王曰：吾未撫吾民，今

亦如之，而城州來以挑吳。【詁】說文：挑，撓也。一曰：擯也。能無敗乎？侍者曰：王施舍不倦，息民五年，可謂

撫之矣。戌曰：吾聞撫民者，節用於內而樹德於外，民樂其性而無寇讎，今宮室無量，民人日駭，勞罷死

轉，忘寢與食，非撫之也。鄭大水，龍鬪于時門之外，洧淵。【詁】水經：洧水出河南密縣西南，地理志：東

南至長平縣入潁。杜本此國人請爲禱焉，子產弗許，曰：我鬪，龍不我覲也。【詁】說文：擊，傳：覲，見也。覲當作

覲，今經傳文皆通作覲字。姑仍之。龍鬪，我獨何覲焉？禳之，則彼其室也。吾無求於龍，龍亦無求於我，乃

止也。令尹子瑕言蹶由於楚子，曰：彼何罪？諺所謂室於怒而市於色者。【詁】案石經改刻作怒於室而

色於市者，今考戰國策云：語云：怒於室者，色於市，卽是一證。然古人句法，往往參差，今未敢據改，姑仍

之。晉書苻堅傳怒其室而作色於父句。亦叻此。楚之謂矣。舍前之忿可也。乃歸蹶由。

二十年春王二月己丑日南至。【詰】服虔云。梓慎知失閏二月冬至。故獨以二月望氣。疏本梓慎望氣。曰。今

茲未有亂。國幾亡。三年而後弭。蔡有大喪。叔孫昭子曰。然則戴桓也。汰侈無禮已甚。亂所在也。費無

極言於楚子曰。建與伍奢。【詰】廣韻作五奢。案呂覽孟冬紀。伍員作五員。石經初刻。五字皆較他字微

小。疑初刻作五重磨者。將以方城之外叛。自以爲猶宋鄭也。齊晉又交輔之。將以害楚。其事集矣。王信

之。問伍奢。伍奢對曰。君一過多矣。何信於讒。王執伍奢。使城父司馬奮揚殺大子。未至而使遣之。三月

大子建奔宋。王召奮揚。奮揚使城父人執己以至。【詰】服虔云。城父人。城父大夫也。同上。王曰。言出於余

口。入於爾耳。誰告建也。對曰。臣告之。君王命臣曰。事建如事余。臣不佞。不能苟貳。奉初以還。不忍後命。

故遣之。既而悔之。亦無及已。王曰。而敢來。何也。對曰。使而失命。召而不來。是再奸也。逃無所入。王曰。歸

從政。如他日。無極曰。奢之子材。若在吳。必覆楚國。盍以免其父召之。彼仁必來。不然。將爲患。王使召之

曰。來。吾免而父。棠君尙謂其弟員。【詰】風俗通作堂云。堂。楚邑大夫。五尙爲之。其後氏焉。案棠與堂古

字通。見魯峻碑。文君或作尹。曰。爾適吳。我將歸死。吾知不逮。我能死。爾能報。聞免父之命。不可以莫之

奔也。親戚爲戮。不可以莫之報也。奔死免父。孝也。度功而行。仁也。擇任而往。知也。知死不辟。勇也。父不

可棄。名不可廢。爾其勉之。相從爲愈。【詰】服虔云。相從愈於共死。本伍尙歸。奢聞員不來。曰。楚君大夫

其盱食乎。楚人皆殺之。員如吳。言伐楚之利於州于。公子光曰。是宗爲戮。而欲反其讎。不可從也。員曰。

彼將有他志。【註】服虔云。欲取國。史記集解余姑爲之求士。而鄙以待之。乃見轉設諸焉。公羊史記吳越春秋並作專諸子虛

賦作【註】賈逵云。譚諸吳勇士。同上杜而耕於鄙。宋元公無信多私。而惡華向。華定華亥與向寧謀

曰。亡愈於死。先諸華亥僞有疾。以誘羣公子。公子問之。則執之。夏六月丙申。殺公子寅。公子御戎。公子

朱公子固。公孫援。公孫丁。拘向勝。向行於其廩。【註】說文廩。穀所振入。宗廟祭盛倉黃廩。而取之。故謂

之廩。公如華氏。請焉。弗許。遂劫之。癸卯。取大子欒。與母弟辰。公子地。以爲質。公亦取華亥之子。無感。向

寧之子羅。華定之子啓。與華氏盟。以爲質。衛公孟縶狎齊豹。奪之司寇與鄆。【註】說文。鄆。衛地。今濟

陰郵城。有役則反之。無則取之。公孟惡。北宮喜。褚師圃。欲去之。公子朝通于襄夫人。宣姜。懼而欲以作

亂。故齊豹北宮喜。褚師圃。公子朝。作亂。初。齊豹見宗魯於公孟。爲驂乘焉。將作亂。而謂之曰。公孟之不

善。子所知也。勿與乘。吾將殺之。對曰。吾由子事公孟。子假吾名焉。故不吾遠也。雖其不善。吾亦知之。抑

以利故不能去。是吾過也。今聞難而逃。是僭子也。子行事乎。吾將死之。以周事子。而歸死於公孟。其可

也。丙辰。衛侯在平壽。公孟有事於蓋。獲之門外。齊子氏。帷於門外。而伏甲焉。使祝釐。實戈於車薪。以當

門。使一乘從公孟以出。使華齊御公孟。諸本皆華上有使字。今從之。【註】案正義云云。亦別無他本。可據。蓋就理而

論者。今就時勢而論。則非公孟不善。怨者衆矣。華齊陰爲齊豹用。可知。惟一宗魯豹雖有德於彼。尙未

得其心。猶必先告之。令勿致死。迨擊公孟宗死而華免。其爲豹所使顯然。何云必不得有使字耶。宗魯

驂乘。及閔中。【詰】說文閔。善門。杜略齊氏用戈擊公孟宗。魯以背蔽之。斷肱。以中公孟之肩。皆殺之。公

聞亂。乘驅自閔門入。慶比御公。公南。楚驂乘使華寅乘貳車。及公宮。鴻駟。魍魎乘于公。公載寶以出。褚

師子申遇公于馬路之衢。遂從。過齊氏。使華寅肉袒執蓋。以當其闕。齊氏射公。中南楚之背。公遂出。寅

閉郭門。踰而從公。公如死鳥。析朱鉞。宵從。寶出。徒行從公。齊侯使公孫青聘于衛。旣出。聞衛亂。使請所

聘。公曰。猶在竟內。則衛君也。乃將事焉。遂從諸死鳥。請將事。辭曰。亡人不佞。失守社稷。越在草莽。吾子

無所辱君命。賓曰。寡君命下臣於朝。曰。阿公執事。臣不敢貳。主人曰。君若惠顧先君之好。照臨敝邑。石

照作昭。今從宋本改正。鎮撫其社稷。則有宗祧在。乃止。衛侯固請見之。不獲命。以其良馬見。爲未致使故也。衛侯

以爲乘馬。賓將振。【詰】賈服云。謂行夜。周禮疏稱賈遠服慶同。杜子春曰。春秋傳所謂賓將趣者。與趣讀爲造次

之造。謂擊鼓夜戒守也。又云。趣與造聲相近。故曰終夕與燧。賈公彥曰。賈服讀字與子春異。惠棟案子

春受學於劉歆。歆傳左氏春秋。以趣爲振。必有依據。史記亦以趣爲振。賈服後於劉杜。唐人咸所尊尙。故不從

其說。今案說文亦與賈服同。云振夜戒守有所擊。春秋傳曰。賓將振。鄭康成讀莊列切。主人辭曰。亡人

之憂。不可以及吾子。艸莽之中。不足以辱從者。敢辭。賓曰。寡君之下臣。君之牧圉也。若不獲扞外役。是

不有寡君也。臣懼不免於戾。請以除死。親執鐸。【詰】說文鐸。大鈴也。終夕與於燎。釋文無於字云。一本作終夕與於燧。

【詁】古本無於字。杜子春周禮注可據。齊氏之宰渠子。召北宮子。北宮氏之宰不與聞。謀殺渠子。遂伐齊氏。滅之。丁巳晦。公入。與北宮喜盟於彭水之上。秋七月戊午朔。遂盟國人。八月辛亥。公子朝褚師圃子玉宵子高魴出奔晉。閏月戊辰。殺宣姜。衛侯賜北宮喜諡曰貞子。【詁】說文。等地相次比也。衛大夫貞子名笙。從比土聲。案貞子名喜。不名笙。未詳何據。賜析朱鉏諡曰成子。而以齊氏之墓予之。衛侯告寧于齊。且言子石。齊侯將飲酒。徧賜大夫曰。二三子之教也。苑何忌辭曰。【詁】案羣經音辨。作苑云。姓也。於阮切。春秋傳有苑何忌。賈音與陸音異。又苑羊牧之。亦作苑。音于元切。與釋文合。同是一姓。而分兩音。未詳何據。與於青之賞。必及於其罰。在康誥曰。父子兄弟。罪不相及。況在羣臣。臣敢貪君賜。以干先王。琴張聞宗魯死。【詁】賈逵鄭衆皆以爲子張卽顓孫師。服虔云。案七十子傳云。子張少孔子四十餘歲。孔子是時四十。知未有子張。鄭賈之說。不知所出。將往弔之。仲尼曰。齊豹之盜。而孟縶之賊。女何弔焉。君子不食姦。不受亂。不爲利疚於回。不以回待人。不蓋不義。不犯非禮。宋華向之亂。公子城公孫忌樂舍司馬彊向宜向鄭楚建郟甲。【諸本誤作申。今從石經及宋本改正。】出奔鄭。其徒與華氏戰于鬼闔。敗子城。子城適晉。華亥與其妻。必盟而食所質公子者。而後食。公與夫人。每日必適華氏。食公子而後歸。華亥患之。欲歸公子。向寧曰。惟不信。故質其子。若又歸之。死無日矣。公請於華費遂。將攻華氏。對曰。臣不敢愛死。無乃求去憂而滋長乎。臣是以懼。敢不聽命。公曰。子死亡有命。余不忍其詢。【文選注引詁說文。歸釋左傳作詰。】

爾恥也。或從詢廣雅爾恥也。

杜本此定八年亦同。

冬十月公殺華向之質而攻之。戊辰華向奔陳。華登奔吳。向寧

欲殺大子華亥曰。于君而出。又殺其子。其誰納我。且歸之。有庸使少司寇輕以歸。【詰】說文。輕字下引

春秋傳曰。宋司馬輕字爭。案此條可補注家之缺。以司寇爲司馬疑誤。曰子之齒長矣。不能事人。以三

公子爲質。必免。公子既入。華輕將自門行。公遽見之。執其手曰。余知而無罪也。入復而所。齊侯疥。遂

店。【詰】說文。疥。搔也。店。有熱瘡。春秋傳曰。齊侯疥。遂店。案疥。梁元帝云。當作疥。兩日一發瘡。顏氏家訓

引作齊侯疥。遂瘡。又云。今北方猶呼瘡疾爲瘡瘡。正義云。後魏之世。嘗使李繪來聘。梁梁人袁狎與繪

言及春秋。說此字云。疥當爲瘡。瘡是小瘡。店是大瘡。疹患積久。以小致大。非疥也。狎之所言。梁主之說

也。期而不瘳。【詰】說文。瘳。疾愈也。諸侯之賓問疾者多在。梁邱據與裔款言於公曰。吾事鬼神豐於先

君有加矣。今君疾病。爲諸侯憂。是祝史之罪也。諸侯不知。其謂我不敬。君盍誅於祝固。史闕以辭賓。

【詰】服虔云。祝固。齊大祝。史闕。大史也。謂祝史之固陋。醫闕不能盡禮。薦美至於鬼神怒也。本疏。公說。告

晏子。晏子曰。日宋之盟。屈建問范會之德於趙武。趙武曰。夫子之家事治。言於晉國。竭情無私。其祝史

祭祀。陳信不愧。其家事無猜。其祝史不祈。建以語康王。康王曰。神人無怨。宜夫子之光。輔五君。以爲諸

侯主也。公曰。據與款謂寡人能事鬼神。故欲誅於祝史。子稱是語。何故對曰。若有德之君。外內不廢。上

下無怨。【詰】服虔云。上下謂神人無怨。同。動無違事。其祝史薦信。無愧心矣。是以鬼神用饗。國受其福。

祝史與焉。其所以蕃社老壽者，爲信君使也。其言忠信於鬼神，其適遇淫君，外內頗邪。【詁】釋文：頗，曾

何切。案頗當讀上聲，何卽負荷之荷。上下怨疾，動作辟違，從欲厭私，高臺深池，撞鐘舞女。【詁】說文：撞，

乳擣也。斬刈民力，釋文：刈本又作艾。輸掠其聚，以成其違，不恤後人，暴虐淫從，肆行非度，無所還忌，不思謗讟。

不憚鬼神，神怒民痛，無悛於心。其祝史薦信，是言罪也。其蓋失數美，是矯誣也。進退無辭，則虛以求媚。

是以鬼神不饗其國，以禍之。祝史與焉，所以天昏孤疾者，爲暴君使也。其言僭謗於鬼神，公曰：然則若

之何？對曰：不可爲也。山林之木，衡鹿守之。澤之萑蒲，風俗通義引作莞蒲。鄭玄周禮注作茭蒲。舟蛟守之。【詁】說文：薈，禁苑

也。從竹，御聲。春秋傳曰：澤之舟薈。字又作薈。莊述祖云：舟蛟當作舟馭。周禮馭人音義云：馭音魚。本又

作魚，亦作馭同。又音御。馭卽繹文馭。舟馭，掌澤之官。馭無取，疏及音義皆就本字釋之，誤矣。愚案馭與

虞音同。周禮山澤之官，皆名爲虞，是也。藪之薪蒸，虞候守之。海之鹽廩，祈望守之。縣鄙之人，入從其政。

偏介之關。【詁】詩章句：介，界也。文選案杜注：介，隔也。本易兌卦注義亦通。暴征其私，承嗣大夫。強易

其賄，布常無藝，徵斂無度。宮室日更，淫樂不違。內寵之妾，肆奪於市。【詁】詩毛傳：違，去也。薛綜：東京賦

注：肆，放也。杜本此。外寵之臣，僭令於鄙，私欲養求，不給則應。民人苦病，夫婦皆詛，祝有益也。詛亦有損。聊

攝以東。【詁】京相璠曰：聊城縣東北三十里，有故攝城。水經注：郡國志作鑿城。姑尤以西。【詁】案齊乘

姑卽大姑河，尤卽小姑河。姑水起北海，至東海，行三百餘里，繞齊東界，故曰姑尤。以四其爲人也多矣。

雖其善祝，豈能勝億兆人之詛。【詛】風俗通：十萬曰億，十億曰兆。杜本君若欲誅於祝史，修德而後可。

公說，使有司寬政，毀關，去禁，薄斂，已責。釋文：責本又作債。十二月，齊侯田于沛，招虞人以弓，不進。公使執之。

辭曰：昔我先君之田也，旃以招大夫。家語：旃作旌。弓以招士，皮冠以招虞人。臣不見皮冠，故不敢進。乃舍之。

仲尼曰：守道不如守官。君子韙之。【韙】倉頡篇：韙，是也。釋文：小爾雅同。薛綜：東京賦注：韙，善也。杜本齊侯

至自田。釋文：田本又作佃。晏子侍于過臺，子猶馳而造焉。公曰：惟據與我和夫。晏子對曰：據亦同也。焉得為和。

公曰：和與同異乎？對曰：異。和如羹焉，水火醯醢鹽梅，以烹魚肉，燂之以薪。廣雅同。杜本燂之以濟，廣雅同。此。杜本

燂之以濟，廣雅同。此。杜本。宰夫和之，齊之以味，濟其不及，以泄其過。【註】案後漢書：劉梁傳引春秋傳曰：和如羹焉，酸苦以濟其味。注云：左傳：劑作齊，是齊當才細反。爾雅：濟，益也。杜本詩毛傳：泄，去也。君子食

之以平其心。君臣亦然。君所謂可，而有否焉，臣獻其否，以成其可。君所謂否，而有可焉，臣獻其可，以去

其否。是以政平而不下，民無爭心。故詩曰：亦有和羹，既戒既平。饜嘏無言。【註】案詩作饜嘏無言，禮記

中庸作奏假。今左傳作饜嘏。饜與假通。鄭氏少牢饋食禮注曰：古文嘏為格。時靡有爭，先王之濟五味

和五聲也。以平其心，成其政也。聲亦如味。一氣。【註】服虔云：歌，氣也。疏本二體三類四物五聲六律七音

【註】賈逵注周語云：周有七音，謂七律，謂七器音也。本疏服注云：七律謂七器，言黃鐘為宮，林鐘為徵，大

族為商，南呂為羽，姑洗為角，應鐘為變宮，蕤賓為變徵，外傳曰：武王克商，歲在鶉火，月在天駟，日在析

木辰在斗柄星在天鼈。鶉火及天駟七列也。南北之揆七月也。鳧氏爲鐘以律計自倍半。一縣十九鐘。鐘七律十二縣。二百二十八鐘爲八十四律。此一歲之間數。周禮疏。魏八風詁賈逵云。兌爲金。爲

閭闔風也。乾爲石。爲不周風也。坎爲革。爲廣莫風也。艮爲匏。爲融風也。震爲竹。爲明庶風也。巽爲木。爲

清明風也。離爲絲。爲景風也。坤爲土。爲涼風也。上九歌以相成也。清濁小大短長疾徐哀樂剛柔遲速

高下出入周流以相濟也。君子聽之以平其心。心平德和。故詩曰。德音不瑕。今據不然。君所謂可。據亦

曰可。君所謂否。據亦曰否。若以水濟水。誰能食之。若琴瑟之專壹。詁案史記秦始皇本紀。搏心揖志。

索隱曰。搏古專字。左傳曰。如琴瑟。搏益釋文。董遇本專作搏。音同。惠棟曰。管子內業篇。史記樂書皆以

搏爲專壹。鄭氏樂記注引作一。誰能聽之。同之不可也。如是飲酒樂。公曰。古而無死。其樂若何。水經注

而不死。何晏子對曰。古而無死。則古之樂也。君何得焉。昔爽鳩氏居此地。季荊因之。地理志。荊作鬻。

樂如之。水經注。有逢伯陵因之。地理志。伯作柏。蒲姑氏因之。史記周本紀。遷其君蒲姑。漢書五行志。地理志。詩

引作前。此蒲字當讀作薄。詁地理志。環邪郡。姑幕應劭曰。左氏傳。薄姑氏因之。案姑幕卽薄姑反語。括地志。薄姑故

城在青州博昌縣東北六十里。薄姑氏殷諸侯。封于此。周滅之也。而後太公因之。詁水經注引作始

爽鳩氏居之。達約陸居之。太公居之。古若無死。諸本若誤者。今從爽鳩氏之樂。釋文之樂。一非君所願

也。水經注引作非君之樂。鄭子產有疾。謂子大叔曰。我死。子必爲政。惟有德者能以寬服民。其次莫如猛。夫火

烈民望而畏之。故鮮死焉。水懦弱。家語引作水濡弱。民狎而翫之。則多死焉。【詰】說文：狎，犬可習也。案狎宜訓

習爲是。杜以輕訓狎。蓋本廣雅。故寬難疾數月而卒。大叔爲政。不忍猛而寬。鄭國多盜。取人於荏苒之

澤。【詰】唐石經初刻作藎蒲。後改荏苒。苒，惠棟案。韓非子內儲說引此事作藎。詩小弁：藎藎漣漣。韓詩

外傳作藎。古字通也。今考水經注引作藎。蒲文選注同。韓非子載此事。鄭少年相率爲盜。處于藎澤。游

吉。率車騎與戰。與左氏徒兵異。大叔悔之曰：吾早從夫子。不及此。與徒兵以攻藎苒之盜。盡殺之。盜少

止。仲尼曰：善哉。政寬則民慢。慢則糾之以猛。家語引作糾。【詰】鄭玄周禮注：糾，猶割也。察也。猛則民殘。殘

則施之以寬。寬以濟猛。猛以濟寬。政是以和。【詰】家語：此句之上多寬猛相濟句。詩曰：民亦勞止。汔可

小康。【詰】說文：汔，水潤也。或曰：汔，下從水，氣聲。詩曰：汔可小康。案詩大雅毛傳：訓汔爲危。鄭箋：訓爲幾。

正義云：孫炎曰：汔，近也。郭璞曰：謂相摩近。反覆相訓。是汔得訓爲幾也。昭二十年傳引此。杜注：汔，期也。

然則期字雖別。皆是近義。言其近當如此。爾雅：康，安也。詩毛傳：綏，安也。鄭箋：康，綏皆安也。杜本此中

國以綏四方。施之以寬也。毋從詭隨。詩毋從。作無縱。以謹無良。式遏寇虐。慘不畏明。【詰】案詩本皆作僭。說文

僭，通也。從心，僭聲。又慘字。注云：毒也。從心，參聲。蓋古字通。糾之以猛也。柔遠能邇。以定我王。平之以和

也。又曰：不競不綏。不剛不柔。布政優優。百祿是遹。和之至也。及子產卒。仲尼聞之。出涕曰：古之遺愛也。

【詰】賈逵云：愛，惠也。史記集解。

二十一年春。天王將鑄無射。五行志引。冷州鳩曰。釋文。本。或作伶。王其以心疾死乎。夫樂天子之職也。夫音樂之

輿也。而鐘音之器也。天子省風以作樂。詁。應劭曰。風。土地風俗也。有中和之風以作樂。然後可易惡。

風。易惡俗也。器以鍾之。輿以行之。小者不窳。詁。高誘呂覽注云。窳。不滿密也。大者不擻。詁。案說文。

手部。徐鉉新附有擻字。云橫大也。从手。攴聲。玉篇。擻。胡化切。窳也。廣韻作擻。云寬也。大也。五經文字本

收擻字。云月化反。見春秋傳。則此字不宜从木旁。則和於物。物和則嘉成。故和聲入於耳而臧於心。

億則樂。詁。說文。億。安也。杜本。窳。則不成。釋文云。咸本或作感。漢書同。詁。惠棟曰。咸本古文感。故下

云。心是以感。从咸爲是也。擻。則不容。心是以咸。咸實生疾。今鐘擻矣。王心弗堪。詁。漢書。擻作錢。孟康

云。古堪字。尙書。西伯戡黎。說文引作錢。郭璞爾雅注。又作堪黎。釋文。案古字堪。錢通。其能久乎。三

月葬。蔡平公。蔡大子朱失位。位在卑。大夫送葬者歸。見昭子。昭子問蔡故。以告。昭子歎曰。蔡其亡乎。若

不亡。是君也。必不終。詩曰。不解于位。民之攸暨。今蔡侯始卽位。而適卑。身將從之。夏。晉士鞅來聘。叔

孫爲政。季孫欲惡諸晉。使有司以齊鮑國歸費之禮爲士鞅。士鞅怒曰。鮑國之位下。其國小。而使鞅從

其牢禮。是卑敵邑也。將復諸寡君。魯人恐。加四牢焉。爲十一牢。宋華費遂生華。華多僚。華登。鞅爲

少司馬。多僚爲御士。與鞅相惡。乃譖諸公曰。鞅將納亡人。亟言之。詁。服虔云。亟。疾言之。欲使信。本公

曰。司馬以吾故亡其良子。死亡有命。吾不可以再亡之。對曰。君若愛司馬。則如亡。死如可逃。何遠之有。

公懼使侍人召司馬之侍人宜僚飲之酒而使告司馬。司馬歎曰：必多僚也。吾有讒子而弗能殺。吾又不死，抑君有命。可若何？乃與公謀逐華廙，將使田孟諸而遣之。公飲之酒，厚酬之，賜及從者。司馬亦如之。張匄尤之，曰：必有故。【詰】小爾雅云：尤，怪也。杜本此使子皮承宜僚以劍而訊之，宜僚盡以告。張匄欲殺多僚，子皮曰：司馬老矣，登之謂甚。吾又重之，不如亡也。五月丙申，子皮將見司馬而行，則遇多僚御司馬而朝。張匄不勝其怒，遂與子皮曰：任鄆，翮殺多僚，劫司馬以叛，而召亡人壬寅，華向入，樂大心、豐愆、華、輕、禦諸橫。【詰】水經注：睢水又南，逕橫城北，世謂之光城，蓋光橫聲相近。華氏居盧門，以南里叛。六月庚午，宋城舊鄆。釋文：鄆本或作墉。及桑林之門而守之。秋七月壬午朔，日有食之。公問於梓慎曰：是何物也？禍福何爲？對曰：二至二分，日有食之，不爲災。日月之行也，分同道也，至相過也。其他月則爲災，陽不克也，故常爲水。於是叔輒哭，日食，昭子曰：子叔將死，非所哭也。八月，叔輒卒。冬十月，華登以吳師救華氏，齊烏枝鳴戌，宋廚人濮曰：軍志有之，先人有奪人之心，後人有待其衰。【詰】服虔云：戰氣未定，故也。周禮疏：又云：待敵之衰乃攻，同上。盍及其勞，且未定也。伐諸，若入而固，則華氏衆矣，悔無及也。從之。丙寅，齊師、宋師敗吳師于鴻口，獲其二帥。公子苦雒偃州員。諸本誤：雒今從說文及宋本改。【詰】說文：雒，鳥也。春秋傳有公子苦雒，華登帥其餘以敗宋師。公欲出，廚人濮曰：吾小人可藉死而不能送亡君。【詰】服虔以君字上屬，孫毓以君字下屬。本疏釋文云：而不能送亡君，絕句案釋文蓋從服氏，請侍之，乃徇曰：揚徽者，公徒

也【詰】說文：幟，幡也。春秋傳曰：揚徽者公徒。案今本作徽，非是。說文：徽，斜幅也。一曰：三糾繩也。然陸德

明云：說文作徽，則字誤。從徽已久。杜注：徽，識也。釋文云：本或作幟，則杜時字尚不誤。故訓從說文。服虔

通俗文：徽，號曰幟。私記曰：幟，衆從之。公自揚門見之。諸本誤楊，今從宋本改。下而巡之。曰：國亡君死，二三子之恥

也。豈專孤之罪也。齊烏枝鳴曰：用少莫如齊致死，齊致死莫如去備。彼多兵矣，請皆用劍。從之。華氏北

復，卽之。廚人濮以裳裹首而荷以走。曰：得華登矣。遂敗華氏于新里。翟僂新居于新里。既戰，說甲于公

而歸。華姓居于公里，亦如之。十一月癸未，公子城以晉師至。曹翰、胡會、晉荀吳、齊苑、何忌、衛公子朝、救

宋丙戌，與華氏戰於赭邱。【詰】：那國志：陳國長平，有諸邱城。鄭駟願爲鶴，其御願爲鵝。【詰】：說文：翟，小

爵也。廣雅：爾雅：舒，鴈鵝。李塋：太白陰經：黃帝設八陣之形，鴈行、鵝鵠、天也。案陸佃引舊說：江淮謂翠鵝旋飛爲鵝，井、鵝行亦皆

成列。故陳名徽之。子祿御公子城，莊董爲右。釋文：莊董本或作莊董父。干鑾御呂封人華豹，張匄爲右。【詰】：王肅：董

遇並云：呂封人華豹。案此則傳本無華字。相遇城還，華豹曰：城也。城怒而反之。將注：豹則關矣。【詰】：說

文：彎，持弓關矢也。此杜本。曰：平公之靈，尙輔相余。豹射出其間，將注：則又關矣。曰：不狎鄙。【詰】：服虔云：狎

更也。杜取：子城謂華豹曰：不更射爲鄙。一曰：城言我不狎習，故鄙。疏：抽矢，城射之。殪，張匄抽矢而下射

之折股，扶伏而擊之。釋文：本或作劓，同。折軫，又射之。死，干鑾請一矢。城曰：余言汝於君，對曰：不死伍乘。軍之大

刑也。干刑而從子君焉，用之子速諸，乃射之。殪，大敗華氏。圍諸南里。華亥搏膺而呼，見華疆曰：吾爲纒

氏矣。羆曰：子無我廷。【註】說文：廷，往也。春秋傳曰：子無我廷，不幸而後亡，使華登如楚，乞師，華羆以車十五乘，徒七十人，犯師而出，食於睢上，哭而送之，乃復入。楚蘧越帥師將逆華氏，大宰犯諫曰：諸侯惟宋事其君，今又爭國，釋君而臣是助，無乃不可乎？王曰：而告我也。後既許之矣。蔡侯朱出奔楚，費無極取貨於東國，而謂蔡人曰：朱不用命於楚，君王將立東國，若不先從，王欲楚必圍蔡，蔡人懼，出朱而立東國。朱愬於楚，楚子將討蔡，無極曰：平侯與楚有盟，故封其子有二心，故廢之。靈王殺隱太子，其子與君同惡，德君必甚，又使立之，不亦可乎？且廢置在君，蔡無他矣。公如晉及河，鼓叛晉，晉將伐鮮虞，故辭公。

二十二年春王二月甲子，齊北郭啓帥師伐莒，莒子將戰，苑羊牧之諫曰：齊帥賤，其求不多，不如下之，大國不可怒也，弗聽，敗齊師于壽餘。齊侯伐莒，莒子行成，司馬竈如莒涖盟，莒子如齊涖盟，盟于稷門之外。【註】劉向別錄云：齊有稷門，齊城門也。齊地記曰：齊城西門側系水出，故曰稷門。水經注：系水傍城北流，逕陽門西，有故封處，所謂齊之稷下也。司馬貞曰：稷，側音近。莒於是乎大惡其君。楚蘧越使告

于宋曰：寡君聞君有不令之臣，爲君憂，無寧以爲宗羞。【註】服虔云：無寧，寧也。本疏：杜取此。寡君請受而戮之，對曰：孤不佞，不能媚於父兄，以爲君憂，拜命之辱，抑君臣日戰，君曰：余必臣是助，亦惟命。人有言曰：惟亂門之無過，君若惠保敝邑，無亢不衷，以獎亂人，孤之望也。惟君圖之。楚人患之，諸侯之戍謀曰：若

華氏知困而致死。楚恥無功而疾戰。非吾利也。不如出之以爲楚功。其亦無能爲也已。救宋而除其害。

又何求。乃固請出之。宋人從之。己巳。宋華亥向寧。華定。華彌。華登。皇奄。傷省。臧士平出奔楚。顧炎武云。石經士誤。

作氏。宋公使公孫忌爲大司馬。邊卬爲大司徒。樂祁爲司城。仲幾爲左師。樂大心爲右師。樂輓爲大司寇。

以靖國人。王子朝古今人表作朝。五行志。同師古曰。薨古朝字。【詁】賈逵云。景王之長庶。史記集解。杜取此。賓起有寵於景王。王

與賓孟說之。【詁】古今人表有賓猛。師古曰。卽賓孟。賈逵云。賓孟。子朝之傅也。王愛子朝。因愛其傅。故

朝起。並有寵於景王也。與賓孟並諛。說之欲立朝爲大子。周語云。景王欲殺下門子。賈逵云。下門子。周

大夫。王猛之傅也。景王款立朝。故先殺猛。傅本疏。欲立之。劉獻公之庶子伯益。事單穆公。惡賓孟之爲人

也。願殺之。又惡王子朝之言。以爲亂。願去之。賓孟適郊。見雄雞自斷其尾。問之。侍者曰。自憚其犧也。文選

注引作自憚其爲犧也。多爲字。故衍之。【詁】說文。犧。宗廟之牲也。賈侍中說。此非古字。遽歸告王。且曰。雞其憚爲人用乎。

人異於是。犧者實用。人人犧實難。已犧何害。王弗應。【詁】賈逵以爲大子壽卒。景王不立適子。鄭衆以

爲壽卒。王命猛代之。後欲廢猛立朝耳。服虔以賈爲然。本疏。案服氏遵賈。杜注則從鄭衆說。然究以賈義

爲長。夏四月。王田北山。【詁】河南圖經。北邙山。在洛陽縣北。亦名北山。又榮錡澗。在鞏縣西。使公卿皆

從。將殺單子劉子。王有心疾。乙丑。崩于榮錡氏。戊辰。劉子摯卒。無子。單子立。劉盩。五月庚辰。見王。遂攻

賓起。殺之。盟羣王子于單氏。晉之取鼓也。既獻而反鼓子焉。又叛於鮮虞。六月。荀吳略東陽。使師僞

繹者【詰】說文繹市穀也。負甲以息於昔陽之門外。遂襲鼓滅之。以鼓子蔞韃歸。使涉佗守之。丁巳。

葬景王。王子朝因舊官百工之喪職秩者。與靈景之族以作亂。帥郊要餞之甲。以逐劉子。壬戌。劉子奔

揚。單子逆悼王于莊宮。以歸。王子還夜取王。以如莊宮。癸亥。單子出。王子還與召莊公謀。曰。不殺單旗。

不捷。與之重盟。必來背盟而克者多矣。從之。樊頃子曰。釋文。頃本或作須字。非言也。必不克。遂奉王以追單子。及

領。【詰】案杜注。領。周地。殊未明晰。觀此傳下云。單子欲告急于晉。則單子之奔。欲入晉可知。轅轅山。一

名。導嶺。實周入晉之道也。單子蓋奔至此。盟而始還耳。大盟而復殺摯荒。以說劉子如劉。【詰】漢地理

志。緱氏有劉聚。水經注。劉水出半石東山。西北流經劉聚。謂之劉澗。蓋卽劉子之邑。單子亡。乙丑。奔于

平。時。釋文。本作平時。一本或作奔平。壽謨。羣王子追之。單子殺還姑。發弱驪。延定稠。子朝奔京。丙寅。伐之。京人奔山。劉子

入于王城。辛未。鞏簡公敗績于京。乙亥。甘平公亦敗焉。叔鞅至自京師。言王室之亂也。閔馬父曰。子朝

必不克。其所與者。天所廢也。單子欲告急于晉。秋七月戊寅。以王如平時。遂如圃車。次于皇。【詰】京相

璠曰。嘗城北三里有皇亭。春秋所謂次于皇者也。案與前居于皇之皇。一地。劉子如劉。單子使王子處

守于王城。盟百工于平宮。辛卯。鄆肸伐皇。【詰】說文。鄆。周邑。京相璠曰。今鞏洛渡北有鄆谷。水東下洛。

謂之下鄆。故有上鄆下鄆之名。亦謂之北鄆。於是。有南鄆北鄆之稱矣。又有鄆城。蓋周大夫鄆肸之舊

邑。大敗獲鄆肸。壬辰。焚諸王城之市。八月辛酉。司徒醜以王師敗績于前城。【詰】服虔云。前。讀爲泉。周

地也。京相璠曰：今洛陽西南五十里。伊闕外前亭。水經注。百工叛。己巳，伐單氏之宮。敗焉。庚午，反伐之。辛

未，伐東園。【詁】郡國志：河南郡，雒陽有園鄉。杜同。冬十月丁巳，晉籍談荀躒帥九州之戎，及焦瑕、溫、原

之師，以納王子王城。庚申，單子劉盃以王師敗績于郊。前城人敗陸渾于社。十一月乙酉，王子猛卒。不

成喪也。己丑，敬王卽位。【詁】賈逵云：猛母弟。史記集解。館于子旅氏。十二月庚戌，晉籍談荀躒、賈辛、司

馬督帥師軍于陰于侯氏。【詁】案：蓋卽緱氏。地理志：河南郡，緱氏縣。括地志：緱氏，古滑國也。縣蓋以緱

氏山得名。緱侯，古字通。于谿泉。【詁】水經注引作師次於明谿。云：洛水又東，明樂泉水注之。世謂之五

道泉。卽古明谿泉也。次于社。王師軍于汜于解。【詁】郡國志：河南郡，洛陽有大解城。杜同。次於任人。閏

月，晉箕遺樂徵右行詭。水經注。濟師取前城。軍其東南。王師軍于京楚。【詁】案：郡國志：洛陽有前亭。劉

昭注引杜預：縣西南有泉亭，卽泉戎也。今攷傳上云：次于陰于侯氏于谿泉于社于汜于任人。由蒙縣

偃師而至洛陽，由遠而近，於地形亦合。辛丑，伐京，毀其西南。【詁】唐石經此下有子朝奔郊四字。顧炎

武九經誤字云：四字監本脫。當依石經。惠棟又云：碑四字非初刻。當是晁公武據蜀石經增入。非杜本

也。案下傳云：二師圍郊。郊，鄴潰。杜氏云：二邑皆子朝所得。是杜本無奔郊之文。今案劉炫云：前年王師

已克京，子朝從京入郊。郊潰，不知子朝所在。以此規杜。由此推之，子朝奔郊四字，或後人因劉氏之言

而增也。

二十三年春王正月壬寅朔二師圍郊癸卯郊鄆潰【註】案前一年傳云鄆臧伐臯杜注鄆臧子朝黨今

考臧是名臧爲鄆大夫故連邑稱也下鄆羅同丁未晉師在平陰王師在澤邑【註】地理志河南郡平

陰應劭曰在平城南故曰平陰杜本賈逵云澤邑周地史記王使告間庚戌還集解邾人城翼還將自離

姑公孫鉏曰魯將御我欲自武城還循山而南徐鉏邱弱芽地曰道下遇雨將不出是不歸也遂自離

姑武城人塞其前斷其後之木而弗殊【註】說文殊一曰斷也廣雅殊絕也邾師起之乃推而蹙之遂

取邾師獲鉏弱地邾人愬于晉晉人來討叔孫婞如晉晉人執之書曰晉人執我行人叔孫婞言使人

也晉人使與邾大夫坐叔孫曰列國之卿當小國之君固周制也邾又夷也寡君之命介子服回在請

使當之不敢廢周制故也乃不果坐韓宣子使邾人聚其衆將以叔孫與之叔孫聞之去衆與兵而朝

士彌牟謂韓宣子曰子弗良圖而以叔孫與其讎叔孫必死之魯亡叔孫必亡邾邾君亡國將焉歸子

雖悔之何及所謂盟主討違命也若皆相執焉用盟主乃弗與使各居一館【註】賈逵云使邾魯大夫

各居一館鄭衆云使叔孫子服回各居一館邾魯大夫本不同館無爲復言使各居一館也欲分別叔

孫與子服回不得相見各聽其辭耳服虔並載兩說仍云賈氏近之本案服氏以賈義爲近杜注從鄭

說今考上下文法則賈義爲長下云舍子服昭伯於他邑方與叔孫別處耳士伯聽其辭而愬諸宣子

乃皆執之士伯御叔孫從者四人過邾館以如吏先歸邾子士伯曰以芻蕘之難從者之病將館子於

都叔孫旦而立期焉。釋文：期本又作期。【詁】鄭玄禮記注：期時也。案杜注從旦至暮爲期，非義訓。乃館諸箕，舍

子服昭伯於他邑。范獻子求貨於叔孫，使請冠焉。取其冠法，而與之兩冠。曰：盡矣。爲叔孫故，申豐以貨

如晉。叔孫曰：見我，吾告女所行貨。見而不出，吏人之與叔孫居於箕者，請其吠狗，弗與。及將歸，殺而與

之食之。叔孫所館者，雖一日，必葺其牆屋，去之如始至。夏四月乙酉，單子取訾。【詁】郡國志：繫有東

營聚，今名營城。杜同此。劉子取牆人直人。六月壬午，王子朝入于尹。癸未，尹圉誘劉佗殺之。丙戌，單子從

阪道，劉子從尹道，伐尹。單子先至而敗。劉子還己丑，召伯奭南宮極，以成周人戍尹。庚寅，單子劉子樊

齊，以王如劉。甲午，王子朝入于王城。次于左巷。秋七月戊申，鄆羅納諸莊宮。【詁】案水經注：長羅川亦

曰羅中，蓋胙子鄆羅之宿居，故川得其名。是此水本不名羅，以胙子始得名耳。尹辛敗劉師于唐。【詁】

郡國志：洛陽有唐聚。杜本此。丙辰，又敗諸鄆。甲子，尹辛取西闌。丙寅，攻蒯，蒯潰。【詁】郡國志：河南郡河南

縣有蒯鄉。晉書地道記：河南縣西南有蒯亭。杜同此。莒子庚輿虐而好劍，苟鑄劍，必試諸人。國人患之，

又將叛齊，烏存帥國人以逐之。庚輿將出，聞烏存執戈而立於道左，懼將止死。苑羊牧之曰：君過之，烏

存以力聞可矣。何必以弑君成名。遂來奔。齊人納郊公。吳人伐州來。楚蘧越帥師及諸侯之師，奔命

救州來。吳人禦諸鍾離。子瑕卒。楚師燬吳公子光曰：諸侯從於楚者衆，而皆小國也。畏楚而不獲已，是

以來，吾聞之曰：作事威克其愛，雖小必濟。胡沈之君幼而狂，陳大夫鬻壯而頑，頓與許蔡疾楚政，楚令

尹死。其師燿帥賤多寵。政令不壹。七國同役而不同心。帥賤而不能整。無大威命。楚可敗也。若分師先以犯胡沈與陳。必先奔三國。敗諸侯之師。乃搖心矣。諸侯乖亂。楚必大奔。請先者去備薄威。後者敦陳。整旅。【詰】詩毛傳。敦。厚也。杜本吳子從之。戊辰晦。戰于雞父。【詰】賈氏曰。泓之戰。譏宋襄。故書晦。鄆陵

之戰。譏楚子。故書晦。雞父之戰。夷之。故不書。本說苑吳用延州來季子。并冀州。揚威于雞父。案據此則

是役季子在軍中也。吳子以罪人三千。先犯胡沈與陳。三國爭之。吳爲三軍以繫於後。中軍從王。光帥

右。掩餘帥左。吳之罪人。或奔或止。三國亂。吳師擊之。三國敗。獲胡沈之君。及陳大夫。舍胡沈之囚。使奔

許與蔡。頓曰。吾君死矣。師譟而從之。三國奔。楚師大奔。書曰。胡子髡。沈子逞。滅獲陳夏。鬻君臣之辭也。

不言戰。楚未陳也。八月丁酉。南宮極震。【詰】服虔云。南宮極。王子朝之卿士也。御覽衰宏謂劉文公曰。

君其勉之。先君之力可濟也。【詰】服虔云。先君謂劉獻公。文公父也。獻公亦欲立子猛。不欲子朝得國。

今南宮極震死。爲天所棄。先君之功事可成也。上周之亡也。其三川震。今西王之大臣亦震。【詰】服虔

云。西王謂子朝也。子朝居王城。故謂之西王。上天弃之矣。東王必大克。【詰】服虔云。東王。敬王居狄泉。

在王城之東。故曰東王也。上楚大子建之母在鄆。召吳人而啓之。冬十月甲申。吳大子諸樊入鄆。

【詰】案孔陸皆云。吳子諸樊是王僚伯父。何容僚子。而與同名。前人以爲恐傳寫誤。又云。襄二十五年。

經書吳子過伐楚。盟于巢。杜注。過。詣樊也。傳亦書諸樊卒。至是僅三十年。杜不辨此之誤。而依文解。

之謬矣。今考史記吳世家書此事，以爲公子光是也。取楚夫人與其寶器以歸。楚司馬薳越追之不及。將死，衆曰：「請遂伐吳以邀之。」薳越曰：「再敗君師，死且有罪。亡君夫人，不可以莫之死也。」乃縊於薳澨。

【詁】服虔或謂之邑。又謂之地。水經京相璠曰：水際及邊地名也。同上。水經注作蓬澨，惠棟曰：道漢水過

三澨，春秋傳有句澨，雍澨及此而三。今案宣公四年，楚令尹子越師于漳澨，道元水經注亦引之。是亦

一澨，惠氏獨拘雍澨爲三澨，似鑿。又案蓬澨或因蓬越死於此而得名。公爲叔孫故如晉，及河有疾

而復。楚囊瓦爲令尹，城郢。沈尹戌曰：「子常必亡郢，苟不能衛，城無益也。古者天子守在四夷，天子卑

守在諸侯，諸侯守在四鄰，諸侯卑守在四竟，慎其四竟，結其四援，民狎其野。」【詁】爾雅狎，習也。杜本

務成功，民無內憂，而又無外懼，國焉用城。今吳是懼，而城於郢，守已小矣。卑之不獲，能無亡乎。昔梁伯

溝其公宮而民潰，民奔其上，不亡何待。夫正其疆場，修其土田，險其走集，親其民人，明其伍候。【詁】賈

服王董皆作五候，賈遠云：五候，五方之候也。敬授民時，四方中央之候。王云：五候，山候、林候、澤候、川候

平地候也。董云：五候，候四方及中國之姦謀也。杜作伍候，故云：使民有部伍，相爲候望。本

程典曰：協其三族，固其四援，明其伍候，習其武誠，依其山川，通其舟車，利其守務。古伍字皆作五。傳本

文也。杜氏依周書爲說，故從人傍。信其鄰國，慎其官守，守其交禮，不僭不貪，不懦不耆。【詁】說文：懦，驚

弱也。廣雅：耆，疆也。杜本完其守備，以待不虞，又何畏矣。詩曰：無念爾祖，聿修厥德，無亦盥乎。若敖駘冒

釋文：蝥。至于武文。土不過同。〔詰〕司馬法：同方百里。周禮注引杜本此。慎其四竟。猶不城郢。今土數圻。而郢是城。不亦難乎。

春秋左傳詁

卷十八昭公四

傳

二十四年春王正月辛丑召簡公南宮嚚以甘桓公見王子朝劉子謂襄宏曰甘氏又往矣對曰何害同

德度義大誓曰紂有億兆夷人亦有離德尙書作離心離德余有亂十人石經刻作亂臣刊去臣字與襄廿八年傳同後人輒增臣于旁非也今

據削去同心同德此周所以興也君其務德無患無人戊午王子朝入于郕詁郡國志緱氏有郕聚杜

此晉士彌牟逆叔孫于箕叔孫使梁其蹇待于門內曰余左顧而效詁既文效逆氣也乃殺之右

顧而笑乃止叔孫見士伯士伯曰寡君以爲盟主之故是以久子不腆敝邑之禮將致諸從者使彌牟

逆吾子叔孫受禮而歸二月媾至自晉尊晉也三月庚戌晉侯使士景伯洩問周故釋文洩作蒞士伯立

于乾祭而問于介衆詁郡國志河南北城門名乾祭杜同詩毛傳介大也晉人乃辭王子朝不納其

使夏五月乙未朔日有食之梓慎曰將水五行志作將大水昭子曰旱也日過分而陽猶不克克必甚能無

旱乎陽不克釋文陽不克絕句莫將積聚也六月壬申王子朝之師攻瑕及杏皆潰鄭伯如晉子大叔相見

范獻子獻子曰若王室何對曰老夫其國家不能恤敢及王室抑人亦有言曰螻不恤其緯釋文螻本又作蠶

【詁】說文：繇，織橫絲也。而憂宗周之隕，爲將及焉。今王室日蠹，蠹焉。【詁】說文：蠹，亂也。廣雅：春秋王室

日懸，懸焉。一曰厚也。按今本作蠹，故杜注動擾貌。三體石經作蠹，尙書蠹字。說文引作蠹，古蠹字皆作

蠹，俗作蠹。按古字多假借，說文：蠹，蟲動也。从虫春聲。蠹字注云：古文蠹从茂。周書曰：我有觀于西。左傳

以蠹爲蠹，自是傳本不同。惠氏輒指爲俗，非也。日諸本作實，今從說文改正。吾小國懼矣，然大國之憂

也，吾儕何知焉。吾子其早圖之。詩曰：瓶之罄矣，又作緝。【詁】說文：窶，空也。詩曰：瓶之窶矣，惟罍之恥。

【詁】爾雅：罍，酒樽。方言：缶，其小者謂之瓶。按杜注：罍，大瓶小亦以意言之。王室之不寧，晉之恥也。獻子

懼而與宣子圖之，乃徵會於諸侯，期以明年。秋八月，大雩，旱也。冬十月癸酉，王子朝用成周之寶

珪于河。【詁】案石經此行少一字，今攷史記周本紀正義引左傳云：子朝用成周之寶珪沈于河。漢書

五行志作沈于河。釋文一本或作沈于河，則石經刊去者，乃沈字也。甲戌，津人得諸河上，陰不佞以温

人南侵，拘得玉者，取其玉將賣之，則爲石。王定而獻之。【釋文】本或與之東，【詁】王隱晉書地道記：晉

在鞏縣之東。楚子爲舟師以略吳疆。沈尹戌曰：此行也，楚必亡邑，不撫民而勞之，吳不動而速之，吳

踵楚。【詁】說文：踵，追也。案說文：踵，相迹也。廣雅亦云：踵，迹也。踵，踵古字通。杜注故云：攝楚踵跡，而疆

場無備，邑能無亡乎。越大夫胥犴勞王于豫章之汭，越公子倉歸王乘舟，倉及壽夢帥師從王。王及圍

陽而還。吳人踵楚而邊，人不備，遂滅巢及鍾離而還。【詁】服虔曰：鍾離，州來西邑。史記：沈尹戌曰：亡郢

集解：沈尹戌曰：亡郢

之始於此在矣。王壹動而亡二姓之帥。幾如是而不及郢。詩曰：誰生厲階，至今爲梗。【註】詩毛傳：梗，病也。杜本其王之謂乎。

二十五年春，叔孫婣聘于宋，桐門右師見之。【註】周禮大司馬之職，師以門名。正義引此傳文，并引注云：

右師，宋右師樂大心也。其家居桐門，官右師，與今杜注不合。當是服注。語卑宋大夫而賤司城氏，昭子告其人曰：右師其亡乎？君子貴其身而後能及人，是以有禮。今夫子卑其大夫而賤其宗，是賤其身也。

能有禮乎？無禮必亡。宋公享昭子，賦新宮。昭子賦車轄。詩作藥釋文。轄本又作藥。明日宴飲酒樂，宋公使昭子右坐。

語相泣也。樂祁佐退而告人曰：今茲君與叔孫，其皆死乎？吾聞之，哀樂而樂，哀皆喪心也。心之精爽，是

爲魂魄，魂魄去之，何以能久？季公若之姊爲小邾夫人，生宋元夫人，生子以妻季平子。昭子如宋聘，

且逆之。公若從，謂曹氏弗與。魯將逐之，曹氏告公，公告樂祁。樂祁曰：與之。如是，魯君必出。政在季氏三

世矣。魯君喪政四公矣，無民而能逞其志者，未之有也。國君是以鎮撫其民。詩曰：人之云亡，心之憂矣。

魯君失民矣，焉得逞其志？靖以待命，猶可動必憂。夏會于黃父，謀王室也。趙簡子令諸侯之大夫輸

王粟，具戍人曰：明年將納王子。大叔見趙簡子，簡子問揖讓周旋之禮焉。對曰：是儀也，非禮也。簡子曰：

敢問何謂禮？對曰：吉也。聞諸先大夫子產曰：夫禮，天之經也，地之義也，民之行也。天地之經，而民實則

之。【註】愚棟曰：古文學經實作是，是卽古寔字。見俞書秦誓及詛楚文。鄭康成詩箋云：趙魏之東，寔實

同聲。故此傳又作實。則天之明。因地之性。生其六氣。用其五行。氣爲五味。發爲五色。章爲五聲。淫則昏亂。民失其性。是故爲禮以奉之。爲六畜【詁】鄭玄周禮注。六牲。馬牛羊豕犬雞。正義。六畜。卽六牲也。始養之曰畜。將用之曰牲。杜本五牲【詁】服虔云。牲。麋鹿熊狼野豕。本三犧【詁】服虔云。犧。鴈鶩雉也。同上以奉五味。爲九文六采五章。以奉五色【詁】周禮九章。初一日龍。次二曰山。次三曰華蟲。次四曰火。次五曰宗彝。皆畫以爲績。次六曰藻。次七曰粉米。次八曰黼。次九曰黻。皆緝以爲繡。考工記畫績之事。雜五色。東方謂之青。南方謂之赤。西方謂之白。北方謂之黑。天謂之玄。地謂之黃。青與白相次也。赤與黑相次也。元與黃相次也。青與赤謂之文。赤與白謂之章。白與黑謂之黼。黑與青謂之黻。五色備謂之繡。杜並。爲九歌八風七音六律。以奉五聲。爲君臣上下。以則地義。爲夫婦外內。以經二物。爲父子兄弟。姑姊甥舅。昏媾姻亞。釋文。亞。本。又作姪。以象天明【詁】爾雅。釋親。婦之父爲媾。壻之父爲姻。兩壻相謂爲亞。說文。媾。重婚也。杜本爲政事庸力行務。以從四時。爲刑罰威獄。使民畏忌。以類其震懼殺戮。爲溫慈惠和。以效天之生殖長育。民有好惡喜怒哀樂。生于六氣【詁】賈逵云。好生于陽。惡生于陰。喜生于風。怒生于雨。哀生于晦。樂生于明。同案。蔡民正義。以此爲服注。蓋服用賈注也。是故審則宜類。以制六志。哀有哭泣。樂有歌舞。喜有施舍。怒有戰鬪。喜生于好。怒生于惡。是故審行信令。禍福賞罰。以制死生。生好物也。死惡物也。好物樂也。惡物哀也。哀樂不失。乃能協于天地之性。是以長久。簡子曰。甚哉禮之大也。對曰。

禮上下之紀。天地之經緯也。民之所以生也。是以先王尙之。故人之能自曲直以赴禮者。謂之成人。大不亦宜乎。簡子曰。鞅也。請終身守此言也。宋樂大心曰。我不輸粟。我於周爲客。若之何。使客晉士伯曰。自踐土以來。宋何役之。不會。而何盟之。不同。曰。同恤王室。子焉得避之。子奉君命以會大事。而宋背盟。無乃不可乎。右師不敢對。受牒而退。【詰】說文。簡牒也。牒。札也。士伯告簡子曰。宋右師必亡。奉君命以使。而欲背盟以干盟主。無不祥大焉。有鸛鶴來巢。書所無也。【詰】服虔云。鸛。鶴不踰濟。今踰宜穴。而又巢。故云。書所無也。【詰】師已曰。【詰】賈逵云。魯大夫。史記集解。杜本此。異哉。吾聞文成之世。【詰】賈逵云。文成。魯文公成公。上。案論衡集虛篇引此作文成。李善注幽通賦亦同。今諸本誤作文武。从石經及宋本改正。惠棟曰。若云周之文武數百年。豈能逆知童謠爲魯昭徵驗乎。今本皆作文武。俗誤行之久矣。童謠有之。曰。鸛之鶴之。公出辱之。鸛鶴之羽。公在外野。往饋之馬。【詰】廣雅。饋。遺也。杜本。鸛鶴跣跣。文選注。株。【詰】漢書集注。跣。跣。跳行貌。杜本。公在乾侯。徵褻與襦。【詰】說文。褻。袴也。春秋傳曰。徵褻與襦。襦。短衣也。廣雅。襦。謂之綺。杜本。方言云。綺。齊魯之間。謂之襦。郭璞云。徵褻與襦音兼。鸛鶴之巢。遠哉搖搖。行志引作搖搖。今諸刊本作遙遙。遙俗字。今據漢書改。【詰】廣雅。遙。遠也。稠父唐勞。釋文及諸本並誤作稠。今从唐石。鸛鶴往歌來哭。童謠有是。今鸛鶴來巢。其將及乎。秋書再雩。旱甚也。初季公鳥娶于齊鮑文子。生甲。【詰】案顧炎武云。石經申誤作甲。今攷宋本並作甲。與石經合。未可謂之誤。諸刻本作申。乃傳

寫之誤也。甲與申字畫相近而誤。如昭十年傳。那甲字。諸本並誤作申。設無石經及宋本。將何所適從耶。此處定从石經。宋本作甲。或云。猶言某甲。失其名耳。若著其名。何以不再見。公鳥死。季公亥與公思

展與公鳥之臣申夜姑相其室【詁】小爾雅。相。治也。

社本

及季嬖與甕人檀通而懼。乃使其妾挾己。以

示秦邇之妻。曰。公若欲使余。余不可而挾余。又訴於公甫。曰。展與夜姑將要余。秦姬以告公之。公之與

公甫告平子。平子拘展于下。而執夜姑。將殺之。公若泣而哀之。曰。殺是。是殺余也。將爲之請。平子使豎

勿內。日中不得請。有司逆命。公之使速殺之。故公若怨平子。季郕之雞鬪。季氏介其雞【詁】賈逵云。擣

芥子爲末。播其雞翼。可以至。郕氏雞目。鄭衆云。介。甲也。爲雞著甲。

本疏

服虔云。擣芥子播其雞羽。史記案

服虔皆取賈說。郕氏爲之金距。平子怒。益宮于郕氏【詁】服虔云。金距。以金踏距。儀禮高誘呂覽注云。

以利鐵作鉞距。沓其距上。沓。卽踏。又淮南王書注云。金距。施芒于距。且讓之【詁】方言。凡言相責讓曰

譏讓。

社本故郕昭伯亦怨平子。

古今人表作厚昭伯。師古曰。卽郕昭伯也。【詁】世本。昭伯名惡。魯孝公之後。稱厚氏也。呂覽

鄆成子爲魯聘于晉。高誘注。鄆成子。魯大夫也。鄆。敬子國之子。鄆。青後也。世本。季公生惠伯。其後爲

厚氏。臧昭伯之從弟會。爲讒於臧氏。而逃於季氏。

史記作

【詁】案定十二年傳文。子爲不知。釋文云。文

子爲不知。爲字。古每假借爲僞。陸氏此處未加音切。偶疏漏耳。臧氏執旂。平子怒。拘臧氏老【詁】服虔

云。老。臧氏家之大臣。上。將禘於襄公。萬者三人。其衆萬於季氏【詁】淮南王書。禘於襄廟。舞者二人。惡

棟曰：傅氏言四人爲列，尙不成樂，況二人乎？當作八傳文誤也。臧孫曰：此之謂不能庸先君之廟，大夫

遂怨平子。公若獻弓於公爲，且與之出射於外，而謀去季氏。公爲告公果，公賁使侍人僚粗

告公。釋文侍人本公寢，將以戈擊之，乃走。公曰：執之，亦無命也。懼而不出，數月不見。公不怒，又使言公

執戈以懼之，乃走。又使言公曰：非小人之所及也。公果自言，公以告臧孫，臧孫以難告，邵孫、邵孫以可

勸告子家懿，伯懿伯曰：讒人以君徼幸，事若不克，君受其名，不可爲也。舍民數世以求克，事不可必也。

且政在焉，其難圖也。公退之，辭曰：臣與聞命矣。言若泄，臣不獲死，乃館於公。叔孫昭子如闕，公居于長

府。九月戊戌，伐季氏，殺公之於門，遂入之。平子登臺而請曰：君不察臣之罪，使有司討臣以干戈，臣請

待於沂上。【詰】水經：沂水出泰山蓋縣艾山，至下邳縣西南入泗。杜本此。以察罪，弗許。請囚於費，弗許。史記

作【詰】服虔云：費，季氏邑。史記集解請以五乘亡，弗許。【詰】服虔云：言五乘自省約以出。同上。子家子曰：君其

許之，政自之出久矣。隱民多取食焉。【詰】荀子：宥坐籍，奚居之隱也。案與此義同。楊倞注：隱，窮約也。亦

與杜注略同。爲之徒者衆矣。日入，慝作。【詰】周禮：環人察軍慝。鄭玄注：慝，陰姦也。謂軍中有爲慝者，弗

可知也。衆怒不可蓄也。蓄而弗治，將蒞。釋文：蒞，本杜本。蒞，蓄也。仲孫何忌，同上。蒞，蓄也。仲孫何忌，同上。叔孫氏之司馬驥戾

合君，必悔之。弗聽。邵孫曰：必殺之。公使邵孫逆孟懿子。【詰】賈逵云：仲孫何忌，同上。叔孫氏之司馬驥戾

言於其衆曰：若之何？史記作叔孫氏之臣，戾無讓字。【詰】鄭玄云：大夫家臣爲司馬者，莫對。又曰：我家臣也，不敢知國。

凡有季氏與無於我孰利。皆曰：無季氏，是無叔孫氏也。慶戾曰：然則救諸帥，徒以往，陷西北隅以入。

以作而韓非子內儲作擅西北隅以入。公徒釋甲，執冰而踞。【詁】賈逵云：冰，橫丸蓋也。本疏：杜方言，弓藏謂之韃，或謂之

橫丸。遂逐之。孟氏使登西北隅，以望季氏。見叔孫氏之旗，以告孟氏。內儲篇作見叔孫之旗。執郈昭伯，殺之于南

門之西。遂伐公徒。子家子曰：諸臣僞劫君者，而負罪以出。君止意如之事，君也不敢不改。公曰：余不忍

也。與臧孫如墓謀，遂行。己亥，公孫于齊。次于陽州。齊侯將唁公于平陰。公先至于野井。齊侯曰：寡人之

罪也。使有司待于平陰，爲近故也。書曰：公孫于齊，次于陽州。齊侯唁公于野井。禮也。將求於人，則先下

之。禮之善物也。齊侯曰：自莒疆以西，請致千社。【詁】賈逵云：二十五家爲一社，千社二萬五千家也。史記

集解：杜取此。以待君命。寡人將帥敵賦，以從執事。唯命是聽。君之憂寡人之憂也。公喜。子家子曰：天祿不再

天若胙君，不過周公。以魯足矣。失魯而以千社爲臣，誰與之立。且齊君無信，不如早之。晉弗從。臧昭伯

率從者將盟。載書曰：戮力釋文作勤壹心，好惡同之。信罪之有無，繾綣從公。無通外內。【詁】廣雅：繾，繾也。繾，繾也。

繾與繾，繾與繾，並同。案搏，卽不離散之意。故杜注云：不離散也。以公命示子家子。子家子曰：如此，吾不

可以盟。羈也不佞，不能與二三子同心，而以爲皆有罪，或欲通外內，且欲去君。二三子好亡而惡定，焉

可同也。陷君於難，罪孰大焉。通外內而去君，君將速入，勿通何爲。而何守焉。乃不與盟。昭子自闕歸，見

平子。平子稽顙曰：子若我何。昭子曰：人誰不死。子以逐君成名，子孫不忘，不亦傷乎。將若子何。平子曰：

苟使意如得故事君。所謂生死而肉骨也。昭子從公于齊。與公言。子家子命適公館者執之。公與昭子言於幄內。曰。將安衆而納公。公徒將殺昭子。伏諸道。左師展告公。公使昭子自鑄歸。平子有異志。冬十月辛酉。昭子齊於其寢。使祝宗祈死。戊辰卒。左師展將以公乘馬而歸。公徒執之。壬申。尹文子水經注引

作尹涉于鞶。焚束營。弗克。十一月。宋元公將爲公故如晉。夢大子欒卽位於廟。【詰】古今人表作兜欒。黃伯思曰。祕閣古寶器。有宋公竊。棘鼎。汲冢師春書。緣乃宋景公名。與鼎銘合。惠棟云。董道云。竹書

有宋景公緣。而史爲頭曼。孫炎以緣爲頭曼合聲。以辯周秦之語。則緣爲古文欒也。已與平公服而相之。且召六卿。諸本且誤。且今从宋本。及六經正誤改正。公曰。寡人不佞。不能事父兄。以爲二三子憂。寡人之罪也。若以羣子

之靈。獲保首領。以沒。惟是楸柎。所以藉幹者。【詰】說文。楸。部。方木也。春秋傳曰。楸部。薦幹。案今本作楸。柎。以音同而誤。又說文。幹。脅也。案楚辭。招魂。章去君之恒幹。王逸章句。幹。體也。易曰。貞者事之幹。請無

及先君。仲幾對曰。君若以社稷之故。私降昵宴。【詰】說文。昵。日近也。从日。匿聲。春秋傳曰。私降昵宴。或

从尼作昵。羣臣弗敢知。若夫宋國之法。死生之度。先君有命矣。羣臣以死守之。弗敢失隊。臣之失職。常刑不赦。臣不忍其死。君命祇辱。宋公遂行。已亥。卒于曲棘。十二月庚辰。齊侯圍鄆。【詰】賈逵云。欲取

以唐公。不書圍。鄆人自服。不成圍。本疏。杜初。臧昭伯如晉。臧會竊其寶龜。偃句以下爲信與僭。僭吉。臧氏老將如晉。問會請往。昭伯問家故。盡對。及內子與母弟叔孫。則不對。再三問。不對。歸。及郊。會逆。問

又如初至。次于外而察之。皆無之。執而戮之。逸奔郕。【詁】說文。東平無鹽有郕。郕。杜本此。郕。魴假使爲賈

正焉。計于季氏。【詁】惠棟曰。上計也。臧氏使五人以戈盾伏諸桐汝之間。會出逐之。反奔。執諸季氏中

門之外。平子怒曰。何故以兵入吾門。拘臧氏老。季臧有惡。及昭伯從公。平子立臧會。會曰。僕句不余欺

也。楚子使蓬射城州屈。復茄人焉。城丘皇。遷訾人焉。使熊相祿郭巢。季然郭卷。【詁】郭國志。南陽郭

葉有卷亭。杜同。子大叔聞之曰。楚王將死矣。使民不安其土。民必憂。憂將及王。弗能久矣。

二十六年春王正月庚辰。齊侯取鄆。【詁】賈逵云。魯邑。史記服虔以爲往年齊侯取鄆。實圍鄆耳。經以圖

書取。傳實其事。故於是言取。疏。本。葬宋元公如先君禮也。三月公至自齊。處於鄆。言魯地也。夏。齊

侯將納公。命無受魯貨。申豐從女賈。【詁】賈逵云。申豐女。賈。魯大夫。史記以幣錦二兩。縛一如瑱。【詁】

說文。瑱以玉充耳。縛。束也。案今本作縛。釋文直轉反。今考縛說文。白鮮色也。非束縛之義。杜注訓卷則

亦以爲縛字。蓋自陸德明始誤耳。適齊師。謂子猶之人高齧。能貨子猶。爲高氏後。【詁】史記作許齊臣

高齧。子將粟五千庾。索隱曰。一本子將上有貨字。子將梁丘據也。齧。音紇。齊臣也。左傳子將作子猶。粟

五千庾。【詁】賈逵云。十六斗爲庾。五千庾八萬斗。史記案杜注作八千斛。高齧以錦示子猶。子猶欲之。

齧曰。魯人買之。百兩一布。【詁】鄭司農云。或曰。布泉也。疏。周禮以道之不通。先入幣財。子猶受之。言於齊

侯曰。羣臣不盡力于魯君者。從石經改正。非不能事君也。然據有異焉。【詁】服虔云。異猶怪也。史記

集解

杜取宋元公爲魯君如晉卒于曲棘叔孫昭子求納其君無疾而死不知天之弃魯邪諸本作耶今从石經宋本改正

抑魯君有罪於鬼神故及此也顏氏家訓引傳君若待于曲棘使羣臣從魯君以下焉【註】那國志齊

國西安有棘里亭案正義云即此棘云曲棘者以上文宋公卒于曲棘而誤若可師有濟也君而繼之

茲無敵矣若其無成君無辱焉齊侯從之使公子鉏帥師從公成大夫公孫朝謂平子曰有都以衛國

也請我受師許之請納質弗許曰信女足矣告於齊師曰孟氏魯之敵室也用成已甚弗能忍也請息

肩于齊齊師圍成成人伐齊師之飲馬于淄者【註】水經淄水出泰山萊蕪縣原山南北入海地理志

所出山同案杜注云出梁父縣疑誤曰將以厭衆魯成備而後告曰不勝衆師及齊師戰于炊鼻齊子

淵捷【註】潛夫論齊子淵氏姜姓案新序曰陳恆弑君使勇士六人劫子淵捷與悽字近而致岐從

泄聲子射之中膺瓦繇胸汰軻釋文胸本作軻同【註】說文軻輻下曲者襄十四年傳稱射兩胸而選此與彼

同軻胸字通服虔襄十四年注云軻車輻杜取詩毛傳軻車輻也杜本匕入者三寸聲子射其馬斬鞅

瘡改駕人以爲讓戾也而助之子車曰齊人也將擊子車子車射之瘡其御曰又之子車曰衆可懼也

而不可怒也子囊帶從野泄叱之泄曰軍無私怒報乃私也將亢子又叱之亦叱之冉豎射陳武子中

手失弓而罵以告平子曰有君子白皙鬢須眉諸本作鬢今从釋文【註】說文鬢鬢髮也甚口平子曰

必子疆也無乃亢諸對曰謂之君子何敢亢之林雍羞爲顏鳴右下苑何忌取其耳顏鳴去之苑子之

御曰視下顧苑子邾林雍【詁】說文制擊也。廣雅制斷也。斷其足鑿而乘於他車【詁】說文鑿金聲也。

讓若春秋傳曰。鑿而乘他車。案此則傳本作鑿。杜注。鑿一足行疑。賈義如此。後轉因說文讓若。乃誤作

鑿字也。王驚。鑿丘感切。一足行。案鑿字說文不載。顧氏或取諸字林也。以歸。顏鳴三入齊師。呼曰。林雍

乘。四月。單子如晉告急。五月。戊子。劉人敗王城之師于尸氏【詁】地理志。河南郡偃師尸鄉。殷湯所

都。案杜云。尸在鞏縣西南。偃師城。今改帝王世紀。尸鄉在偃師縣西南三十里。杜云。在偃師城。蓋晉初

偃師已并入洛陽也。戊辰。王城人劉人戰于施谷。劉師敗績。秋。盟于鄆陵。謀納公也。七月己巳。劉

子以王出【詁】服虔云。出成周也。疏。庚午。次于渠。王城人焚劉。丙子。王宿于褚氏【詁】郡國志。洛陽有

褚氏聚。杜同。此。丁丑。王次于萑谷。或釋文。萑本。庚辰。王入于胥靡。辛巳。王次于滑。晉知躒趙鞅帥師納王。使

女寬【詁】章昭國語注。女齊之子叔襄。守闕塞【詁】洛陽記。使女寬守闕塞。服虔云。謂南山伊闕是也。

御覽大元。京相璠曰。土地名。伊闕在洛陽西南五十里。通鑑。案釋文作闕塞。諸刊本並同。疑轉寫之譌。

一統志。水經注云。昔大禹疏伊闕以通水。兩山相對。望之若闕。伊水歷其間。北流。故謂之伊闕矣。春秋之闕塞

也。九月。楚平王卒。令尹子常欲立子西【詁】服虔云。子西。平王之長庶子宜申。御覽。曰。大子壬弱。其母

非適也【詁】服虔云。卽昭王也。其年幼弱。母秦嬴。同。案哀六年。楚子軫卒。則昭王名軫。疑壬非昭王。或

卽位後改名耶。史記楚世家。十二諸侯年表。又作軫。蓋轉寫異文。伍子胥傳。仍作軫。服虔左傳注。作任。

王子建實聘之。【詰】服虔云：謂夫人故大子建聘之。同上子西長而好善，立長則順，建善則治，王順國治，可不務乎？子西怒曰：是亂國而惡君王也。【詰】服虔云：廢而不立，是謂亂國，追惡君王也。同上國有外援，不可瀆也。【詰】服虔云：外援謂大子任秦之外舅，瀆，易也。秦爲任外援，不可易也。同上王有適嗣，不可亂也。敗親速讎，亂嗣不祥，我受其名，賂吾以天下，吾滋不從也。楚國何爲必殺令尹？令尹懼，乃立昭王。冬十月丙申，王起師于滑，辛丑，在郊，遂次于尸。十一月辛酉，晉師克鞏，召伯盈逐王子朝，王子朝及召氏之族毛伯得尹氏固南宮歸奉周之典籍以奔楚。【詰】惠棟曰：周之典籍，盡在楚矣。三墳五典八索九丘，左史倚相觀射父讀之，而楚檮杌之書，頗可觀國語采之，流及風采，而楚騷比于周雅，書之益人如是。陰忌奔莒以叛，召伯逆王子尸，及劉子單子盟，遂軍圍澤，次于隄上。癸酉，王入于成周，甲戌，盟于襄宮，晉師使成公般戍周而還。十二月癸未，王入于莊宮，王子朝使告于諸侯曰：昔武王克殷。【詰】服虔王肅並注云：文王受命，武王伐紂，故云文武克殷。本疏案下云：吾無專享文武之功，則合文武是也。杜無注。諸本悉作武王克殷，疑誤。成王靖四方，康王息民，並建母弟以蕃屏周，亦曰：吾無專享文武之功，且爲後人之迷敗，傾覆而溺入于難，則振救之。至于夷王，王愆于厥身，諸侯莫不並走其望，以祈王身。至于厲王，王心戾虐，萬民弗忍，居于蕤，諸侯釋位以間王政。【詰】服虔云：言諸侯釋其私政而佐王室。三國志及文選注。宣王有志而後效官，至于幽王，天不弔周，王昏不若，用愆厥位，攜王奸命。【詰】東晉案左

傳攔王奸命。舊說攔王爲伯服。伯服古文作伯盤。非攔王。疏案竹書紀年。幽王八年。王立褒姒之子曰

伯服。十一年。犬戎入宗周。弑王。下卽云。犬戎殺王子伯服。是攔王。非伯服。舊說誤也。紀年又云。是年申

侯魯侯許男鄭子立宜白于申。虢公輸立王子余臣于攔。沈約注。是爲攔王。二王並立。是攔王爲王子

余臣。至平王二十一年。紀年始云。晉文公殺王子余臣于攔。是矣。攔爲周地。杜春秋地名曰攔地。闕卽

其證。平王立二十餘年。而余臣始爲晉所殺。則其時亦當如東王四王之並時。故云奸命也。杜旣承舊

說而誤。而正義又云。余臣本非適。故稱攔王。是又不知攔爲地名。而誤以爲謚號矣。皆非也。諸侯替之

而建王嗣。用遷郟。鄆。【詁】地理志。河南郡河南。故郟。鄆也。則是兄弟之能用力於王室也。至于惠王。天

不靖。周生積禍心。諸本誤作頤。今从石經改。施于叔帶。惠襄辟難。越去王都。則有晉鄭咸黜不端。【詁】王肅云。咸皆

也。本疏。案疏又云。諸本咸又作滅。呂覽仲冬紀。水泉滅竭。今月令作成竭。是成爲古文滅。以綏定王家。則

是兄弟之能率先王之命也。在定王六年。秦人降妖。釋文。妖。本又作妖。【詁】說文。衣服歌謠草木之怪謂之妖。

曰。周其有顛王。亦克能修其職。【詁】案能字疑衍。諸侯服享二世其職。王室其有間王位。諸侯不圖。而

受其亂災。至于靈王。生而有顛王。甚神聖。無惡于諸侯。靈王景王。克終其世。今王室亂。單旗劉狄。剝亂

天下。壹行不若。謂先王何常之有。唯余心所命。其誰敢請之。帥羣不弔之人。【詁】爾雅。弔。至也。杜本以

行亂于王室。侵欲無厭。玩求無度。諸本。玩。誤。規。今改正。【詁】服王孫曾注云。玩。食也。本疏。案此則舊本規作玩。正義

亦云。俗本作規。謬也。貫瀆鬼神【詰】爾雅。貫。習也。說文。損。習也。春秋傳曰。擴瀆鬼神。案今本作貫。蓋隸

省。杜本慢棄刑法。倍奸齊盟。傲狠威儀。釋文。狠。作很。矯誣先王。晉爲不道。是攝是贊【詰】儀禮。鄭玄注。攝。持

也。杜本思肆其罔極。茲不穀震盪播越。釋文。盪。本竄在荆蠻。未有攸底。若我一二兄弟。甥舅。獎順天法。

無助狡獪。以從先王之命。釋文。獪。又作滑。毋速天罰。赦圖不穀。則所願也。敢盡布其腹心。及先王之經。而諸侯

實深圖之。昔先王之命曰。王后無適。則擇立長。年鈞以德。德鈞以下。後漢書。劉楨傳引。此鈞作均。古字通。【詰】膏育云。春

秋之義。三代異建。適。賤別貴。賤有姪。娣以廢親疏。立適以長。不以賢。立子以貴。不以長。王后無適。明尊

之敬之義。無所卜筮。不以賢者。人狀難別。嫌有所私。故絕其怨望。防其覲視。今如左氏言云。年鈞以德。

德鈞以下。君之所賢。人必從之。豈復有卜。隱桓之禍。皆由此興。乃曰古制。不亦謬哉。又大夫不世如並

爲公卿。通計嗣之禮。左氏爲短。箴膏育云。立適固以長矣。無適而立子。固以貴矣。今言無適。則擇立長。

謂貴均如立長。王不得立愛之法。年均則會羣臣。羣吏。羣萬民而詢之。有司以序進。而問大衆之中。非君

所能掩。是王不得立愛之法也。禮有詢立君。示義在此。距之言謬。失春秋與禮之義矣。周禮。疏。又云。若長

均貴均。何以別之。故須卜。禮有詢立君。是有卜也。禮記。疏。王不立愛。公卿無私。古之制也。穆后及大子壽。

早天。卽世。單劉贊私立少。以間先王。亦惟伯仲叔季。圖之。閔馬父聞子朝之辭曰。文辭以行禮也。子朝

干景之命。遠晉之大。以專其志。無禮甚矣。文辭何爲。齊有彗星。齊侯使禳之【詰】說文。禳。禳。禳祀。除

瘳殃也。晏子曰：無益也。祇取誣焉。天道不諂。【詁】案前人云：杜于諂怡二字，皆以疑爲訓，而不攷其意。諂怡雖通用，而各有本訓。此言天道不濫，惟德是與。觀下文可見。又案論衡變虛驚引作不闕，不貳其

命。若之何禳之。且天之有彗也，以除穢也。君無穢德，又何禳焉。若德之穢，禳之何損。論衡引作何，益新序同。詩曰：

惟此文王，小心翼翼，昭事上帝，聿懷多福。厥德不回，以受方國。君無違德。【詁】論衡引作回德，回，邪也。

今攷新序仍作違，方國將至，何患於彗。詩曰：我無所監。夏后及商，用亂之故。民卒流亡，若德回亂，民將

流亡，祝史之爲無能補也。公說乃止。齊侯與晏子坐于路寢。史記作柏寢。公嘆曰：美哉室，其誰有此乎。【詁】

服虔云：景公自恐德薄，不能久享齊國，故曰：誰有此也。史記集解杜取此。晏子曰：敢問何謂也。公曰：吾以爲在

德。對曰：如君之言，其陳氏乎。陳氏雖無大德，而有施于民。豆區釜鍾之數，其取之公也薄。其施之民也

厚。公厚歛焉。陳氏厚施焉。民歸之矣。詩曰：雖無德與女，式歌且舞。陳氏之施，民歌舞之矣。後世若少惰

釋文：惰本亦作惰。陳氏而不亡，則國其國也已。公曰：善哉，是可若何。對曰：唯禮可以已之。在禮，家施不及國，民

不遷，農不移，工賈不變。釋文：工賈古本亦作商賈。士不濫，官不滔。【詁】孔安國書傳洩漫也。杜本大夫不收公利，公

曰：善哉，我不能矣。吾今而後知禮之可以爲國也。對曰：禮之可以爲國也久矣。與天地並，君令臣共。父

慈子孝，兄愛弟敬，夫和妻柔，姑慈婦聽，禮也。君令而不違，臣共而不貳，父慈而敬，子孝而箴。【詁】孔安

國書傳箴諫也。杜本兄愛而友，弟敬而順，夫和而義，妻柔而正，姑慈而從，婦聽而婉。【詁】詩毛傳：婉，順

也。杜本此。禮之善物也。公曰：善哉！寡人今而後聞此禮之上也。對曰：先王所稟於天地，以爲其民也。是以先王上之。

二十七年春，公如齊，公至自齊，處于鄆，言在外也。處，吳子欲因楚喪而伐之，使公子掩餘史記掩餘作蓋餘下並同、公子燭庸帥師圍潛。

【詰】賈逵云：二子皆王僚母弟，潛，楚地，在廬江六縣西南。疏本又云：二公子皆吳王僚之弟。史記地理志：廬江郡霍縣，水經注亦作潛，使延州來季子聘于上國。

【詰】服虔云：上國，中國也。蓋以吳僻在東南，地勢卑下，中國在其上游，故謂中國爲上國也。疏本遂聘于晉，以觀諸侯。楚莠尹然、工尹麋石經釋文改正。

【詰】服虔云：王尹，主宮內之政。本案正義亦云：定本作工，而服注云云，疑漢時本已誤。近梁孝廉處素云：王尹，蓋玉尹之誤。古玉字皆作王也。帥師救潛，左司馬沈尹戌帥都君子與王馬之屬以濟師。

【詰】賈逵云：都君子，在都邑之士，有復除者。同與吳師遇于窮。【詰】說文：窮，夏后氏諸侯夷羿國也。京相璠曰：今安豐有窮水，北入淮。道元云：窮水出安豐縣窮谷，窮音戎。水經注唐石經：窮下

有谷字。道元所引同。正義以爲有谷字，非也。案石經窮下本無谷字，乃後人旁增耳。令尹子常以舟師及沙汭而還。

【詰】京相璠曰：沙汭，楚東地也。同左尹卻宛、工尹壽帥師至于潛，吳師不能退。吳公子光曰：此時也。

【詰】服虔云：時，言可殺王之時也。史記弗可失也。告鱄設諸曰：上國有言曰。【詰】賈逵云：上國，中國也。服虔云：上國，謂上古之國，賢士所言也。本不索何獲。

【詰】服虔云：不索，當何時得也。史記我

王嗣也。【詁】服虔云：夷昧生光而廢之，僚者夷昧之庶兄，夷昧卒，僚代立，故光曰：我王嗣也。疏：世本云：

夷昧及僚，夷昧生光。同：惠棟云：服氏之說是也。襄公卅一年傳：吳屈狐庸曰：若天所啓，其在今嗣君乎。

有吳國者，必此君之子孫實終之。注云：嗣君爲夷昧，則光夷昧之子審矣。世本左傳本出一人之手，正

義以世本多誤，不足依據，豈其然乎？案杜注：光，吳王諸樊子也。用史記說：吾欲求之事，若克季子，雖至

不吾廢也。王肅云：聘晉還至。史記集解：杜取此。罇設諸曰：王可弑也。母老子弱，是無若我何。【詁】服虔云：母老

子弱，專諸託其母子于光也。又云：我無若是何。同：彭仲博云：當言是無我若何。我母無我當如何。我字

當在若上。本：王肅云：專諸云：王母老子弱。史記集解：今案史記專諸曰：王僚可殺也。母老子弱，而公子將兵

攻楚，楚絕其路，方今吳外困于楚，而內空無骨鯁之臣，是無奈我何。光曰：我身子之身也。案隱云：依王

肅解，與史記同。于理無失。服虔杜預見左傳下文云：我爾身也，及其子爲癩，遂強解是無若我何。猶

言我無若是何。語不近情，過爲迂曲，非也。又攷下傳：光云：我爾身也。句終當以服杜注爲是。光曰：我爾

身也。夏四月。【詁】史記月下有丙子二字。光伏甲於堀室而享王。史記：堀，作王使甲坐於道，及其門，門

階戶席，皆王親也。夾之以鉞。【詁】說文曰：鉞，劍也。羞者，獻體，改服於門外，執羞者坐行而入，執鉞者夾

承之，及體以相授也。光爲足疾，入于堀室，罇設諸，實劍于魚中以進。【詁】服虔曰：全魚，炙也。史記集解：杜取此。

抽劍刺王，鉞交於匈。石經本：作匈。後人不知，妄改作胸。案史記：賈逵云：交專諸匈也。上：遂弑王闔

水經注

盧作闕闕以其子為卿。季子至曰：苟先君無廢祀，民人無廢主，社稷有奉，國家無傾，乃吾君也。吾誰敢怨，哀死事生，以待天命。【詰】服虔云：待其天命之終也。上同非我生亂，立者從之，先人之道也。復命哭墓。

【詰】服虔云：復命于僦，哭其墓也。上同復位而待。吳公子掩餘奔徐，公子燭庸奔鍾吾，楚師聞吳亂而還。

卻宛直而和，國人說之。鄆將師為右領，與費無極比而惡之。令尹子常賄而信讒，無極譖卻宛焉。謂子

常曰：子惡欲飲子酒，又謂子惡。令尹欲飲酒於子氏，子惡曰：我賤人也，不足以辱令尹，令尹將必來辱。

為惠已甚，吾無以酬之。若何無極曰：令尹好甲兵，子出之，吾擇焉。取五甲五兵。【詰】服虔云：兵戟也。本

曰：寘諸門，令尹至，必觀之，而從以酬之。及饗，日帷諸門左，無極謂令尹曰：吾幾禍子，子惡將為子不利。

甲在門矣，子必無往，且此役也。吳可以得志，子惡取賂焉而還。又誤羣帥，使退其師曰：乘亂不祥。吳乘

我喪，我乘其亂，不亦可乎？令尹使視卻氏，則有甲焉，不往。召鄆將師而告之，將師退，遂令攻卻氏。且燕

之。【詰】說文：燕，燒也。杜本子惡聞之，遂自殺也。國人弗燕，令曰：不燕卻氏，與之同罪。或取一編菅焉，或

取一乘秆焉。【詰】說文：菅，茅也。秆，禾莖也。秆，或从秆。春秋傳曰：或投一乘秆。毛傳：乘，把也。杜本國人投

之，遂弗燕也。令尹炮之。【詰】服虔云：民弗肯燕也。本鄆將師稱令尹使女燔炮之。上同盡滅卻氏之族黨。

殺陽令終與其弟完及佗，與晉陳及其子弟。晉陳之族呼於國曰：鄆氏費氏自以為王，專禍楚國，弱寡

王室，蒙王與令尹。【詰】漢書集注：蒙蔽也。以自利也。令尹盡信之矣。國將如何？令尹病之。秋，會于扈。

令戍周且謀納公也。宋衛皆利納公，固請之。范獻子取貨于季孫，謂司城子梁與北宮貞子曰：「季孫未知其罪，而君伐之，請囚請亡，於是乎不獲。」君又弗克而自出也。夫豈無備而能出君乎？季氏之復，天救之也。休公徒之怒，而啓叔孫氏之心，不然，豈其伐人而說甲執冰以游，叔孫氏懼禍之濫，而自同于季氏？天之道也。魯君守齊三年而無成，季氏甚得其民，淮夷與之，有十年之備，有齊楚之援，有天之贊，有民之助，有堅守之心，有列國之權，而弗敢宣也。【詁】韓詩宣顯也。詩釋案杜注言用也，恐誤。事君如在國，故鞅以爲難。二子皆圖國者也，而欲納魯君，鞅之願也。請從二子以圍魯，無成，死之。二子懼，皆辭，乃辭小國而以難復。孟懿子陽虎伐鄆，鄆人將戰，子家子曰：「天命不愆久矣，使君亡者，必此衆也。天既禍之，而自福也，不亦難乎？猶有鬼神，此必敗也。烏乎？」諸本作嗚呼，今从石經改。正且與傳文前後畫一。爲無望也。夫其死於此乎？公使子家子如晉，公徒敗于且知。楚卻宛之難，國言未已，進胙者莫不謗令尹。沈尹戌言于子常曰：「夫左尹與中廐尹莫知其罪，而子殺之，以興謗，譴至于今不已。戍也，聞之，仁者殺人以掩謗，猶不爲也。今吾子殺人以興謗，而弗圖，不亦異乎？夫無極楚之讒人也，民莫不知去朝吳，出蔡侯，喪大子，建殺連尹，奢屏王之耳目，使不聰明，不然，平王之溫惠恭儉，有過成莊，無不及焉，所以不獲諸侯，邇無極也。今又殺三不辜，以興大謗，幾及子矣。子而不圖，將焉用之？夫鄢將師，矯子之命，以滅三族，國之良也，而不愆位。吳新有君，疆場日駭，楚國若有大事，子其危哉！知者除讒以自安也，今子愛讒以自危也，甚

矣其惑也。子常曰：是瓦之罪，敢不良圖。九月己未，子常殺費無極與鄆將師，盡滅其族，以說于國。謗言乃止。冬，公如齊，齊侯請饗之。子家子曰：朝夕立於其朝，又何饗焉？其飲酒也，乃飲酒使宰獻而請安。

【詰】服虔云：主人請安，謂主人使司正請安于賓。

本惠棟案管子幼官篇云：三千里之外，諸侯世一至。

置大夫以爲廷安，齊君飲昭公酒，故使宰獻而仍用廷安之禮，非卑公也。杜氏以爲比公於大夫，失之。子仲之子曰重，爲齊侯夫人，曰：請使重見。子家子乃以君出。十二月，晉籍秦致諸侯之戍于周，魯人辭以難。

二十八年春，公如晉，將如乾侯。子家子曰：有求於人，而卽其安，人孰矜之？其造於竟，弗聽，使請逆于晉。

人曰：天禍魯國，君淹恤在外，君亦不使一个辱在寡人，而卽安於甥舅，其亦使逆君，使公復于竟而後

逆之。晉祁勝與郟臧通室。石經初刻作郟，後改刻作郟，下郟大夫亦同誤。祁盈將執之，訪于司馬叔游，叔游曰：鄭書有之，惡

直醜正，實蕃有徒。詩周頌引傳作郟，下郟大夫亦同誤。【詰】西京賦：寔藩有徒，辟綜注寔，實也，蕃多也，無道立矣，子懼不免。詩

曰：民之多辟，無自立辟。姑已若何？曰：祁氏私有討，國何有焉？遂執之。祁勝賂荀躒，荀躒爲之言於晉侯。

晉侯執祁盈，祁盈之臣曰：鈞將皆死，愆使吾君聞勝與臧之死也，以爲快。【詰】說文云：愆，願也。惠棟曰：

言鈞死耳，願使吾君先聞二人之死，以爲快。杜注云：發語辭，非。外傳曰：吾愆置之于耳，以愆御人。又曰：

愆，庇州掣，韋昭皆訓爲願。大夫稱主，今稱君者，蓋其臣三世仕于祁氏矣。又云：愆讀爲銀，與寧同音。又

讀爲寧。古寧甯同字。說文寧與怒皆訓爲願。乃殺之。夏六月。晉殺祁盈及楊食我。論衡作羊舌食我。食我祁盈

之黨也。而助亂。故殺之。遂滅祁氏羊舌氏。初。叔向欲取於申公巫臣氏。其母欲取其黨。**【詁】**論衡。叔向

之母姬姓。案上傳。昭公三年。叔向對晏子曰。晉之公族盡矣。正義引世族譜云。叔向。晉之公族。今論衡

云。向母姬姓。是向之父取于同姓也。劉向列女傳亦云。羊舌叔姬者。叔向之母也。潛夫論亦稱叔向母

爲叔姬。叔向曰。吾母多而庶鮮。吾懲舅氏矣。其母曰。子靈之妻。殺三夫一君一子。而亡一國兩卿矣。可

無懲乎。吾聞之。甚美必有甚惡。是鄭穆少妃姚子之子。子貉之妹也。子貉早死無後。而天鍾美於是。將

必以是大有敗也。昔有仍氏生女。黶黑。**【詁】**賈逵云。美髮曰黶。本疏。杜說文作念。又作鬢。云稠髮也。服

虔云。髮美爲鬢。詩曰。鬢髮如雲。其言美長而黑以髮美。故曰玄妻。毛詩疏。而甚美。光可以鑑。名曰玄妻。樂

正后。夔取之。生伯封。古今人表作伯封叔。實有豕心。貪惓無厭。釋文。厭本亦作鬢。**【詁】**賈逵云。貪。善食也。其人貪者。財利

飲食。無知厭足。忿怒狼戾。無有期度。時人謂之大豬。本疏。說文。河內之北。謂貪曰惓。忿類無期。又作類。

【詁】服虔云。忿怒其類。以鬢其私。無期度也。上同。案釋文一作類。亦與服同。當係漢時本如此。謂之封豕。

有窮后羿滅之。夔是以不祀。且三代之亡。共子之廢。皆是物也。女何以爲哉。夫有尤物。足以移人。苟非

德義。則必有禍。叔向懼。不敢取。平公強使取之。生伯石。伯石始生。子容之母走謁諸姑。曰。長叔姒生男。

【詁】禮記喪服章云。娣姒婦。傳曰。娣姒婦者。弟長也。傳言弟長者。雙訓娣姒云。晉娣是弟。姒是長也。

鄭玄曰：婦嬖者，兄弟之妻相名也。長婦謂媵，婦嬖謂長婦爲嬖婦。案杜注似不分明。姑視之及堂，聞其聲而還，曰：是豺狼之聲也。文選注引無也字。釋文豺本又作豺。狼子野心，非是莫喪羊舌氏矣。文選注引無矣字。【詰】

論衡引作野心無親，非是莫喪羊舌氏，遂弗視。秋，晉韓宣子卒，魏獻子爲政，分祁氏之田。水經引以

爲七縣，分羊舌氏之田，以爲三縣。司馬彌牟爲鄆大夫。【詰】水經注：晉大夫司馬彌牟之邑，謂之鄆水。

俗亦曰盧水。應卬聲相近，故因變焉。賈辛爲祁大夫，司馬烏爲平陵大夫，魏戊爲梗陽大夫。【詰】京相

璠曰：梗陽，晉邑，今大原晉陽縣南六十里，榆次界有梗陽城。水經地理志：榆次，梗陽鄉。魏戊邑。知徐吾

爲涂水大夫。古今人表：知徐吾。【詰】地理志：大原郡榆次涂水鄉。晉大夫知徐吾邑。師古曰：涂音塗。韓固爲馬

首大夫，孟丙爲盩大夫。【詰】顧炎武曰：今本作孟丙者，非。地理志：大原郡盩縣。晉大夫孟丙邑，以其爲

盩大夫，而謂之盩丙。猶魏大夫之爲魏壽餘，闔大夫之爲闔嘉，鄆大夫之爲鄆郟午也。又攷盩孟字

相近而譌。第石經及宋本並作孟丙。古今人表及水經注亦同。今據地理志等改正。樂霄爲銅鞮大夫。

【詰】地理志：上黨郡銅鞮。杜本：趙朝爲平陽大夫。【詰】地理志：河東郡平陽。應劭曰：堯都也。在平河之

陽。杜本此。今本平誤。巫僚安爲楊氏大夫。【詰】地理志：河東郡楊。應劭曰：故楊侯國。謂賈辛司馬烏爲有力於王

室，故舉之。謂知徐吾、趙朝、韓固、魏戊餘子之不失職，能守業者也。其四人者，皆受縣而後見於魏子。以

賢舉也。魏子謂成鱣、吾與戊也。縣人其以我爲黨乎？對曰：何也？戊之爲人也，遠不忘君，近不偪同，居利

思義在約思純有守心而無淫行雖與之縣不亦可乎昔武王克商光有天下其兄弟之國者十有五

人姬姓之國者四十人皆舉親也【詁】案荀子以爲天下立七十一國姬姓獨五十三人與此不同荀

子蓋合兄弟同姓爲一也夫舉無他風俗通引傳文下有也字惟善所在親疏一也詩曰惟此文王【詁】詩作惟此

王季正義經涉亂離師有異讓後人因而兩存不敢追改今王肅注毛詩及韓詩亦作惟此文王鄭注

毛詩作惟此文王故稱比于文王言王季之德可以比于文王也帝度其心莫其德音毛詩作頤下德正應和曰莫亦

同其德克明克明克類克長克君王此大國毛詩國作邦樂記比作俾史亦【詁】

鄭箋曰俾讀爲比聲之誤也其德靡悔既受帝祉施于孫子心能制義曰度【詁】服虔云心能制事使

得其宜言善揆度事也詩惠棟曰自此至經緯天地曰文皆見周書禮法惟闕曰莫曰君張守節所引

證法云賞慶刑威曰君孔晁注曰能行四者德正應和曰莫注云正其德應其和德正應和曰莫【詁】

毛傳莫莫言清靜而敬至也杜本此服虔云在己爲德施行爲正發號施令天下皆應和之音皆莫然無

譴諱也同上照臨四方曰明【詁】服虔云豫見安危也同上勤施無私曰類周書作勤政疑誤教誨不倦曰長【詁】

服虔云教誨人以善不懈倦言善長以道德也同上賞慶刑威曰君慈和徧服曰順【詁】服虔云上愛下

曰慈和中和也爲上而愛下行之以中和天下徧服從而順之擇善而從之曰比【詁】服虔云比方損

益古今之宜而從之同上案之字衍周書及毛傳皆無之字鄭氏樂記注引無而字有之字經緯天地曰

文【詰】服虔云。德能經緯順從天地之道。故曰文。上同九德不愆。作事無悔。故襲天祿。子孫賴之。主之舉

也。近文德矣。所及其遠哉。賈辛將適其縣。見於魏子。魏子曰。辛來。昔叔向適鄭。譏蔑惡。文選注引傳。蔑作獲。欲觀

叔向。從使之收器者。而往立於堂下。一言而善。叔向將飲酒。聞之曰。必釀明也。下執其手以上。曰。昔賈

大夫惡。【詰】案水經注謂賈大夫即賈辛。諱晉語。賈辛在悼公時與叔向同朝。不得言昔。取妻而美。三

年不言不笑。御以如臬。【詰】詩毛傳。舉澤也。杜本射雉獲之。其妻始笑而言。賈大夫曰。才之不可以已。

我不能射。女遂不言不笑。夫。石經初刻脫夫字。重增入今。子少不矚。子若無言。醫藥。子矣。言之不可以已也。如是。

遂如故。知今女有力於王室。諸本力諫。功今吾是以舉女。行乎。敬之哉。毋墮乃力。【詰】高誘呂覽注。墮

廢也。章昭國語注。墮毀也。案杜注云。損似非義訓。仲尼聞魏子之舉也。以爲義。曰。近不失親。遠不失舉。

可謂義矣。又聞其命賈辛也。以爲忠。詩曰。永言配命。自求多福。忠也。魏子之舉也。義其命也。忠其長有

後于晉國乎。冬。梗陽人有獄。魏戊不能斷。以獄上。其大宗賂以女樂。【詰】賈逵云。訟者之大宗。御覽。杜取此。

魏子將受之。魏戊謂閻沒女寬曰。【詰】晉語作閻沒叔寬。章昭注。閻沒閻明叔寬。女齊之子叔襄。賈逵

云。二子晉大夫魏子之族。上同主以不賄聞於諸侯。若受梗陽人賄。莫甚焉。吾子必諫。皆許諾。退朝待於

庭。饋入。召之。【詰】賈逵云。召二大夫食。上同比置三歎。既食。使坐。魏子曰。吾聞諸伯叔。諺曰。惟食忘憂。吾

子置食之間三歎。何也。同辭而對曰。或賜二小人酒。【詰】賈逵云。小人二子自謂。上同不夕食。【詰】服虔

云昨飲酒醉，故不夕食。上同。饋之始至，恐其不足，是以歎。中置，自咎曰：豈將軍食之而有不足，是以再歎，及饋之畢，願以小人之腹爲君子之心。初學記引此，願上有曰字，屬厭而已。【詁】服虔云：屬，足也。小人二字自謂。腹飢則恐食之不足，厭飽則知止。君子居尊官，食重祿而不知足，故願以其腹爲君子之心。同章昭國語注云：屬，適也。厭，飽也。已，止也。適，小飽足則自節也。獻子辭梗陽人。初學記引子字下有遂字。

二十九年春，公至自乾侯，處于鄆。齊侯使高張來唁公，稱主君。【詁】服虔云：大夫稱主君，比公于大夫，故稱主君。史史集解杜取此。子家子曰：齊卑君矣，君祇辱焉。公如乾侯。三月己卯，京師殺召伯盈、尹氏固及原

伯魯之子尹固之復也。有婦人遇之周郊，尤之曰：處則勸人爲禍，行則數日而反，是夫也。其過三歲乎？夏五月庚寅，王子趙車入于鄆。【詁】說文：鄆，周邑也。杜本此。以叛，陰不佞敗之。平子每歲賈馬，具從者

之衣履而歸之于乾侯，公執歸馬者賣之，乃不歸馬。衛侯來獻其乘馬，啓服，塹而死。公將爲之櫝。

【詁】說文：櫝，匣也。子家子曰：從者病矣，請以食之，乃以幃裏之。釋文：【詁】說文：幃，囊也。公賜公衍羔裘，使獻龍輔於齊侯。【詁】說文：龍，禱旱玉案。今本作龍，杜注龍輔玉名，蓋取此，遂入羔裘。齊侯喜，與之陽穀。公衍公爲之生也。其母偕出，公衍先生，公爲之母曰：相與偕出，請相與偕告。三日，公爲生，其母先以告，公爲爲兄，公私喜於陽穀而思於魯曰：務人爲此禍也。且後生而爲兄，其誣也久矣。乃黜之，而以公衍爲大子。秋，龍見于絳郊，魏獻子問于蔡墨曰：吾聞之，蟲莫知于龍，以其不生得也，謂之知信乎？對

使獻龍輔於齊侯。【詁】說文：龍，禱旱玉案。今本作龍，杜注龍輔玉名，蓋取此，遂入羔裘。齊侯喜，與之陽穀。公衍公爲之生也。其母偕出，公衍先生，公爲之母曰：相與偕出，請相與偕告。三日，公爲生，其母先以告，公爲爲兄，公私喜於陽穀而思於魯曰：務人爲此禍也。且後生而爲兄，其誣也久矣。乃黜之，而以公衍爲大子。秋，龍見于絳郊，魏獻子問于蔡墨曰：吾聞之，蟲莫知于龍，以其不生得也，謂之知信乎？對

曰。人實不知。非龍實知。古者畜龍。故國有象龍氏。有御龍氏。【詰】賈逵云。象養也。穀食曰象。史記集解。

服虔云。御亦養也。養馬曰圍。以養犬豕曰象。本疏。杜案。御圍字同。管子書皆以圍爲御。獻子曰。是二氏。

者。吾亦聞之。而不知其故。是何謂也。對曰。昔有颺叔安。古今人表作颺叔安。師古。【詰】案杜注。颺。古國。

也。今攷說文。鄧地名。鄧當卽夢國。颺。鄧。古字通。又叔安王充論衡。引作叔宋。疑誤。有裔子曰董父。潛。

論引有。實甚好龍。能求其耆欲。以飲食之。龍多歸之。潛夫論。乃擾畜龍。乃學擾龍。【詰】案集解。引應劭。

曰。擾音柔。擾馴也。能順養得其嗜欲。又案尙書。擾而殺。徐廣曰。擾一作柔。玉篇。擾字注云。牛柔謹也。從。

也。安也。又馴也。尙書。擾而殺。字如此音。而小。而照二切。是擾本作懼。一音柔也。以服事帝舜。帝賜之姓。

曰董氏。曰象龍。論衡。帝賜。封諸騶川。騶夷氏其後也。潛夫論。騶作腰。腰卽騶。故帝舜氏世有畜龍。及有。

夏孔甲。擾于有帝。衡無有字。帝賜之乘龍。【詰】服虔云。四頭爲乘。四乘十六頭也。本疏。河漢各二。【詰】

服虔云。河漢各二乘。釋文。各有雌雄。孔甲不能食。而未獲象龍氏。有陶唐氏既衰。其後有劉累。古今人表。

古文又作后。【詰】服虔云。后劉累之爲諸侯者。夏時賜之姓。史記案。此則服本後作后。學擾龍于象。

龍氏。以事孔甲。能飲食之。夏后嘉之。賜氏曰御龍。以更豕韋之後。【詰】賈逵云。劉累之後。至商不絕。以。

代豕韋之後。祝融之後。封于豕韋。殷武丁滅之。以劉累之後代之。同。惠棟曰。史記更作受。周禮巾車曰。

歲時受讀。杜子春曰。受當爲更。儀禮燕禮及大射禮注。皆云古文更爲受。是更與受。古今字耳。汲郡古。

春秋左傳詰 五傳

文云。孔甲元年廢豕韋氏使劉累象龍。龍一雌死。潛醢以食夏后。夏后饗之。【詁】案論衡饗作烹。此刻

本之訛。烹當作享。享為古享字。享與饗通。上云潛醢以食夏后。不得復言夏后烹之也。既而使求之。權

辟綜南都賦注引此。既而【詁】賈逵云。夏后既而又使求致龍。不能得而懼也。史記集解而遷于魯縣。論衡

作既又論衡引無之字。【詁】賈逵云。夏后既而又使求致龍。不能得而懼也。史記集解而遷于魯縣。論衡

有不得【詁】地理志。南陽郡魯陽有魯山。古魯縣。御龍氏所遷。杜本范氏其後也。獻子曰。今何故無之。

對曰。失物物有其官。官修其方。朝夕思之。一日失職。則死及之。失官不食。官宿其業。【詁】服虔云。宿。思

也。今日當預思明日之事。如家人宿火矣。本疏其物乃至。若泯棄之物。乃坻伏。論衡作【詁】廣雅。敗。隱也。

坻與敗同。鬱湮不育。釋文。湮。作埋。埋。古字通。【詁】賈逵云。鬱。滯也。湮。塞也。本疏。案廣雅亦云。湮。塞也。杜取

之官。是謂五官。實列受氏姓。封為上公。祀為貴神。鄭玄禮記注引社稷五祀。是尊是奉。木正曰勾芒。

【詁】賈逵云。總言萬物。勾芒。非專木生。如勾芒。本疏。火正曰祝融。【詁】賈逵云。夏陽氣。明朝。祝。甚也。融。明也。

上。金正曰蓐收。水正曰玄冥。土正曰后土。【詁】賈逵云。勾芒。祀于月。祝融。祀于雷。蓐收。祀于門。玄冥。祀

于井。后土。祀于中霤。上正義。在家則祀中霤。蓋取賈說。龍。水物也。水官棄矣。故龍不生得。【詁】先儒說

左氏者。皆以為五靈配五方。龍屬木。鳳屬火。麟屬土。白虎屬金。神龜屬水。其五行之次。木生火。火生土。土生金。金生水。水生木。王者修其母。則致其子。水官修則龍至。木官修則鳳至。火官修則麟至。土官修

則白虎至。金官修則神龜至。故為其說云。視明禮修而麟至。思睿信立而白虎擾。言從文成而神龜在

沼聽聰知正而名川出龍觀辨體仁而鳳凰來儀皆修其母而致其子也疏不然周易有之在乾

之垢三三曰潛龍勿用其同人三三【詰】服虔云天在上火炎上同于天天不可同故曰同人疏曰見

龍在田其大有三三曰飛龍在天其夬三三曰亢龍有悔其坤三三曰見羣龍無首吉坤之剝三三曰

龍戰于野釋文坤本三三【詰】案大戴禮記易之乾坤並作三三字王肅家語注三三古坤字象六斷之形陸氏

周易坤卦坤字注云本又作三三今字也今攷說文無三三字五經周易已皆作坤則此傳作坤爲得不

必從釋文改也惟陸氏斥以爲今字恐非干祿字書收三三坤二字云上通下正若不朝夕見誰能物之

獻子曰社稷五祀誰氏之五官也對曰少皞氏有四叔曰重曰該古今人表作三三曰修曰熙實能金木及水使

重爲勾芒該爲蓐收修及熙爲玄冥世不失職【詰】案潛夫論而大失職上有恪共厥業四字今攷杜

注云四子能治其宜使不失職濟成少皞之功死皆爲民所祀分句解之似當有也存俟學者論定遂

濟窮桑【詰】賈逵云處窮桑以登爲帝故天下號之曰窮桑帝賈以濟爲渡也本疏水經服虔云窮桑

顛頊所居路史後紀此其三祀也顛頊氏有子曰犂詩疏引傳作犂尙書及國爲祝融共工氏有子曰勾龍

爲后土【詰】說文社地主也春秋傳曰勾龍爲社神此其二祀也后土爲社稷田正也周禮疏引作

烈山氏之子曰柱釋文烈如字【詰】案孔穎達郊特牲正義作列山氏宋庠國語補音曰左傳作列山

今本並作烈山容古字通賈逵鄭玄皆云烈山炎帝之號本疏案劉炫規過亦從賈義爲稷自夏以上祀

之。周棄亦爲稷。自商以來祀之。冬。晉趙鞅荀寅帥師城汝濱。遂賦晉國一鼓鐵以鑄刑鼎。【詁】服虔云。鼓。量名也。曲禮曰。獻米者操量鼓。取晉國一鼓鐵以鑄之。上同。著范宣子所爲刑書焉。仲尼曰。晉其亡乎。失其度矣。失晉國將守唐叔之所受法度。以經緯其民。卿大夫以序守之。民是以能尊其貴。貴是以能守其業。貴賤不愆。所謂度也。文公是以作執秩之官。爲被廬之法。以爲盟主。今棄是度也。而爲刑鼎。民在鼎矣。何以尊貴。貴何業之守。貴賤無序。等以爲國。且夫宣子之刑。夷之蒐也。晉國之亂制也。若之何以爲法。蔡史墨曰。范氏中行氏其亡乎。中行寅爲下卿而干上令。擅作刑器。以爲國法。是法姦也。又加范氏焉。易之亡也。其及趙氏。趙孟與焉。然不得已。若德可以免。

三十年春王正月。公在乾侯。不先書鄆與乾侯。非公且徵過也。

釋文。徵本或作徵。

【詁】廣雅徵明也。杜本服虔云。

非公且徵過也。過昭公無道。久在外。季氏非公不肯釋。言公在某地。春秋之義亦以不書徵季氏之過。

此年書者。公不得入晉外內有困辱。季氏聞而釋之。所謂事君如在國。疏。夏六月。晉頃公卒。秋八月。葬。

鄭游吉弔。且送葬。魏獻子使士景伯詰之曰。悼公之喪。子西弔。子蟻送葬。今吾子無貳。何故。對曰。諸侯所以歸晉君禮也。禮也者。小事大字小之謂。事大在共其時命。字小在恤其所無。以敝邑居大國之間。共其職貢。與其備御。不虞之患。豈忘共命。先王之制。諸侯之喪。士弔。大夫送葬。惟嘉好聘享三軍之事。於是乎使卿。晉之喪事。敝邑之閒。先君有所助執紼矣。【詁】說文。紼。亂系也。若其不閒。雖士大夫有

所不獲數矣。大國之惠亦慶其加而不討其乏。明底其情。取備而已。以爲禮也。靈王之喪。【詰】鄭玄以爲簡公若在。君當自行。本疏我先君簡公在楚。我先大夫印段實往。敝邑之少卿也。王吏不討恤。所無也。

今大夫曰。女盍從舊。舊有豐有省。不知所從。從其豐。則寡君幼弱。是以不共。從其省。則吉在此矣。唯大夫圖之。晉人不能詰。吳子使徐人執掩餘。使鍾吾人執燭庸。二公子奔楚。楚子大封而定其徙。使監

馬尹大心逆吳公子。使居養。莠尹然左司馬。沈尹戌城之。取於城父與胡田以與之。將以害吳也。子西

諫曰。吳光新得國而親其民。視民如子。辛苦同之。將用之也。若好吾邊疆。諸本晉作吳。今從釋文。石經

晉使柔服焉。猶懼其至。吾又疆其疆。以重怒之。無乃不可乎。吳周之冑裔也。而弃在海濱。不與姬通。今

而始大。比于諸華。光又甚文。將自同於先王。不知天將以爲虐乎。使翦喪吳國。而封大異姓乎。其抑亦

將卒以祚吳乎。其終不遠矣。我盍姑億吾鬼神。【詰】章昭國語注。億安也。杜本此而寧吾族姓。以待其歸。

將焉用自播揚焉。王弗聽。吳子怒。冬十二月。吳子執鍾吾子。遂伐徐。防山以水之。已卯。滅徐。徐子章禹

斷其髮。攜其夫人以逆吳子。吳子唁而送之。【詰】說文。唁。甲生也。使其邇臣從之。遂奔楚。楚沈尹戌帥

師救徐。弗及。遂城夷。使徐子處之。吳子問於伍員曰。呂覽作五員初而言伐楚。余知其可也。而恐其使余往

也。又惡人之有余之功也。今余將自有之矣。伐楚何如。對曰。楚執政衆而乖。莫適任患。若爲三師以肄

焉。釋文。肆本又作肆【詰】案陸梁云。文十二年河曲之戰。使輕者肆焉。注曰。暫往而退也。與此傳所謂彼出則

歸。彼歸則出。意正相類。子義爲長。傅邴以陸說爲非。云肆習也。一師至。彼必皆出。彼出則歸。彼歸則出。楚必道敵。兩肆以罷之。多方以誤之。旣罷而後以三軍繼之。必大克之。闔廬從之。楚于是乎始病。

三十一年春王正月。公在乾侯。言不能外內也。晉侯將以師納公。范獻子曰。若召季孫而不來。則信不臣矣。然後伐之。若何。晉人召季孫。獻子使私焉。曰。子必來。我受其無咎。季孫意如會晉荀躒于適。歷荀躒曰。寡君使躒謂吾子何。故出君。有君不事。周有常刑。子其圖之。季孫練冠麻衣。跣行。【詁】王肅云。示憂感。史記集解。伏而對曰。事君。臣之所不得也。敢逃刑命。君若以臣爲有罪。請囚於費。以待君之察也。亦惟君。若以先君之故。不絕季氏。而賜之死。【詁】服虔云。言賜不使死。是爲以死賜之。本疏。若弗殺。弗亡。君之惠也。死且不朽。若得從君而歸。則固臣之願也。敢有異心。夏四月。季孫從知伯如乾侯。子家子曰。君與之歸。一慙之不忍。而終身慙乎。公曰。諾。衆曰。在一言矣。君必逐之。荀躒以晉侯之命。唁公。且曰。寡君使躒以君命討於意如。意如不敢逃死。君其入也。公曰。君惠顧先君之好。施及亡人。將使歸。糞除宗祧。以事君。則不能見夫人。己所能見夫人者。有如河。荀躒掩耳而走。曰。寡君其罪之恐。敢與知魯國之難。臣請復於寡君。退而謂季孫曰。君怒未息。子姑歸祭。子家子曰。君以一乘入于魯師。季孫必與君歸。公欲從之。衆從者脅公不得歸。辭伯穀卒。同盟故書。秋。吳人侵楚。伐夷。侵潛。六地理志。楚沈尹戌帥師救潛。吳師還。楚師遷潛於南岡而還。吳師圍弦。左司馬戍。右司馬稽帥師救弦。及豫章。吳師還。始用

子胥之謀也。冬，邾黑肱以濫來奔，賤而書名，重地故也。君子曰：名之不可不慎也。如是，夫所有名而不如其已，以地叛，雖賤，必書地，以名其人，終爲不義，弗可滅已。是故君子動則思禮，行則思義，不爲利回，不爲義疚。【詰】案義亦利也。古訓義利通。廣雅：俄，濞也。俄義同聲字。書立政：茲乃三宅無義民。呂刑：黜夷，茲究。義皆訓傾。杜注云：見義則爲之，失之矣。或求名而不得，或欲蓋而名章。懲不義也。齊豹爲衛司寇，守嗣大夫，作而不義，其書爲盜。邾庶其，莒牟夷，邾黑肱，以土地出，求食而已，不求其名，賤而必書。此二物者，所以懲肆而去貪也。若艱難其身，以險危大人，而有名章，徹攻難之士，將奔走之。若竊邑叛君，以徼大利而無名，貪冒之民，將寘力焉。是以春秋書齊豹曰盜，三叛人名，以懲不義，數惡無禮。其善志也。故曰：春秋之稱微而顯，婉而辯，上之人能使昭明，善人勸焉，淫人懼焉。是以君子貴之。十月辛亥朔，日有食之，是夜也。趙簡子夢童子羸而轉以歌。風俗通義引作裸，鄭康成引作保，賈公彥正義同。【詰】服虔云：晉諸侯之霸，與楚同盟，趙簡子爲執政之卿，遠夷將伐同盟，故夢發趙簡子。周禮疏。旦占諸史墨曰：【詰】服虔云：晉蔡墨。史記集解。吾夢如是，今而日食，何也？對曰：六年及此月也。吳其入郢乎？終亦弗克。入郢，必以庚辰，日月在辰尾，庚午之日，始有譎火勝金。故弗克。【詰】服虔云：是歲在析木，後六年在大梁，大梁水宗十一月，日在星紀，爲吳國分。楚之先顛頊之子老童，老童楚象，行歌象楚，走哭姬姓，日月在星紀，星紀之分，姬姓吳也。楚衰則吳得志，吳世世與楚怨，楚走去其國，故曰吳其入郢。吳屬水，水數十，十月水

位。故曰六年及此月也。有適而食。故知吳終亦不克。後六年定四年十一月晦庚辰吳入郢。在立冬後復此月也。十二月辛亥日會于龍尾而食。庚午日初有適。故曰庚辰。一曰日月在辰尾尾爲亡臣。是

歲吳始用子胥之謀以伐楚。故天垂象。午火庚金也。火當勝金。而反有適。故爲不克。周禮疏。

三十二年春王正月。公在乾侯。言不能外內。又不能用其人也。夏吳伐越。始用師於越也。史墨曰。不及

四十年。越其有吳乎。越得歲而吳伐之。必受其凶。【詁】鄭司農云。大歲所在。歲星所居。周禮賈逵云。吳

越同分。而得越。禍吳凶者。以吳先用兵。故反受其殃。本疏。服虔云。歲在星紀。吳越之分野。蔡復之。歲在

大梁。距此十九年。昭十五年。有事于武宮之歲。龍度天門。龍。歲星也。天門在戊。是歲越過。故今年越得

歲。龍東方宿。天德之貴神。其所在之國。兵必昌。向之以兵。則凶。吳越同次。吳先舉兵。故凶也。或歲星在

越分中。故云得歲。史墨知不及四十年。越有吳者。以其歲星十二年一周天。存亡之數。不過三紀。三者

天地人之數。故歲星三周星紀。至元枵。亥二十二年。越滅吳。至此三十八年。周禮服氏以爲有事于武

宮之歲。龍度天門。案正義謂十五年。歲星從申。越未而至午。曆家以周天十二次。次別爲百四十四分。

歲星每紀行一百四十五分。是歲星行一次外。剩行一分。積一百四十四年。乃剩行一次。故昭十五年

得超一辰。昭九年本疏。秋八月。王使富辛與石張如晉。請城成周。天子曰。天降禍于周。俾我兄弟。釋文。俾

卑。並有亂心。以爲伯父憂。我一二親昵。甥舅。不皇啓處。於今十年。勤戍五年。余一人無日忘之。閱閱焉。

如農夫之望歲【詰】王逸楚詞章句閔憂也。杜本懼以待時。伯父若肆大惠。復二文之業。弛周室之憂。

【詰】說文。弛弓解也。杜本徵文武之福。以固盟主。宣昭令名。則余一人有大願矣。昔成王合諸侯。城成

周。以爲東都。崇文德焉。今我欲徵福。假靈于成王。【詰】廣雅。靈。福也。蓋變文言之耳。哀二十四年。徵福

乞靈亦同。修成周之城。俾戍人無勤。諸侯用寧。登賊遠屏。晉之力也。其委諸伯父。使伯父實重圖之。俾

我一人無徵。怨于百姓。而伯父有榮施。先王庸之。范獻子謂魏獻子曰。與其戍周。不如城之。天子實云。

雖有後事。晉弗與知可也。從王命以紓諸侯。晉國無憂。是之不務。而又焉從事。魏獻子曰。善。使伯音對

曰。天子有命。敢不奉承。以奔告於諸侯。遲速衰序。【詰】廣雅。差。次也。差。衰同。鄭玄禮記注。序。猶次也。案

衰序。猶言次序耳。於是焉在。冬十一月。晉魏舒韓不信如京師。合諸侯之大夫于狄泉。尋盟。且令城

成周。魏子南面。衛彪僖曰。文選注引作奚。高麗宋板作僕。又毛魏子必有大咎。干位以令大事。非其任

也。詩曰。敬天之怒。不敢戲豫。敬天之渝。不敢馳驅。況敢干位以作大事乎。己丑。士彌牟營成周。計丈數。

揣高卑。【詰】說文。揣。量也。度高下曰揣。杜本度厚薄。仞。溝洫。釋文。仞。本【詰】說文。仞。申臂一尋八尺。案

杜注。度深曰仞。本高誘淮南王書注。物土方。【詰】鄭云。儀禮注。物猶相也。杜本議遠邇。量事期。計徒庸。

慮財用。書餼糧。初學記。引作糗。以令役於諸侯。屬役賦丈。周禮疏。引書以授帥。而效諸劉子。韓簡子臨之。以爲

成命。十二月。公疾。徧賜大夫。大夫不受。賜子家子雙琥。一環。一璧。輕服。【詰】說文。琥。發兵瑞玉。爲虎

文。春秋傳云。賜子家雙琥。受之。大夫皆受其賜。己未。公薨。子家子反。賜于府人。曰。吾不敢逆君命也。大夫皆反其賜。書曰。公薨于乾侯。言失其所也。趙簡子問於史墨曰。季氏出其君而民服焉。諸侯與之。君死於外。而莫之或罪也。對曰。物生有兩。有三有五。陪貳。故天有三辰。地有五行。體有左右。各有妃偶。王有公。諸侯有卿。皆有貳也。天生季氏以貳魯侯。爲日久矣。民之服焉。不亦宜乎。魯君世從其失。釋文。從本。又作縱。季氏世修其勸。民亡君矣。雖死於外。其誰矜之。社稷無常奉。君臣無常位。自古以然。故詩曰。高岸爲谷。深谷爲陵。三后之姓。於今爲庶。主所知也。在易卦。雷乘乾曰大壯。三三之道也。昔成季友。桓之季也。文姜之愛子也。始震而卜。卜人謁之曰。生有嘉聞。其名曰友。爲公室輔。及生。如卜人之言。有文在其手。曰友。遂以名之。旣而有大功於魯。受費以爲上卿。至于文子武子。世增其業。不廢舊績。魯文公薨。而東門遂。史記索隱云。遂世本。作述。鄭誕生本。作稜。【詁】世本遂產子家歸父及昭子子嬰也。史記索隱。殺適立庶。魯君於是乎失國。政在季氏。於此君也。四公矣。民不知君。何以得國。是以爲君。慎器與名。不可以假人。

卷十九

傳定公

定公元年春王正月辛巳。晉魏舒合諸侯之大夫于狄泉。五行志引作魏。泉水經注同。【詁】班固服虔臯甫譚。咸皆懼。

泉在洛陽東北周之墓地。又京相璠與襄司空李彦修晉輿地圖。作春秋地名亦言今大倉西南池水名覆泉。又曰。舊說覆泉本自在洛陽北。葦宏城成周乃繞之。水經注。將以城成周。魏子洩政。衛彪侯曰。將

建天子而易位以令。非義也。漢書義作誼。大事奸義。必有大咎。晉不失諸侯。魏子其不免乎。是行也。魏獻子

屬役于韓簡子及原壽過。而田于大陸。焚焉。還卒於事。范獻子去其柏椁。以其未復命而田也。孟懿

子會城成周。庚寅。裁。宋仲幾不受功。曰。滕辭。邕吾役也。辭宰曰。宋爲無道。絕我小國於周。以我適楚。故

我常從宋。晉文公爲踐土之盟。曰。凡我同盟。各復舊職。若從踐土。若從宋。亦唯命。仲幾曰。踐土固然。辭

宰曰。辭之。臯祖奚仲居辭。以爲夏車正。奚仲遷於邳。仲虺居辭。以爲湯左相。若復舊職。將承王官。何故

以役諸侯。仲幾曰。三代各異物。辭焉得有舊。爲宋役。亦其職也。士彌牟曰。晉之從政者。新子姑受功。歸

吾視諸故府。仲幾曰。縱子忘之。山川鬼神。鄭玄儀禮注引作山川神祇。其忘諸乎。士伯怒。謂韓簡子曰。辭徵於人。宋

徵於鬼。宋罪大矣。且己無辭。而抑我以神。輕我也。啓龍納侮。其此之謂矣。必以仲幾爲戮。乃執仲幾以

歸。三月。歸諸京師。城三旬而畢。乃歸諸侯之戍。齊高張後。不從諸侯。晉女叔寬曰。周葦宏齊高張。皆將

不免。葦叔違天。高子違人。天之所壞。不可支也。【註】梁履繩云。案周語云。周詩有之曰。天之所支。不可

壞也。其所壞。亦不可支也。昔武王克殷。而作此詩也。以爲賦歌。名之曰支。今案此殆引逸詩之意。而言

之。衆之所爲。二語。句法相似。疑亦卽支詩之言耳。衆之所爲。不可奸也。夏叔孫成子逆公之喪于乾

侯季孫曰。子家子亟言於我。未嘗不中吾志也。吾欲與之從政。子必止之。且聽命焉。子家子不見叔孫。易幾而哭。叔孫請見子家子。子家子辭曰。羈未得見。而從君以出。君不命而薨。羈不敢見。叔孫使告之。曰。公衍公爲。【註】案趙岐孟子章句。公輸般。一云魯昭公子也。今攷公輸與公衍。公爲名皆相類。岐說

或有所本。禮弓所引公輸般亦正與孔子同時。又案鄭玄禮記注。公輸若。匠師也。般若之族。今攷季公

亥字公若云。與般同族。亦般爲昭公子一證。實使羣臣不得事君。若公子宋主社稷。則羣臣之願也。凡

從君出。【諸本君作公。今從石經宋本改正】而可以入者。將唯子是聽。子家氏未有後。季孫願與子從政。此皆季孫之願

也。使不敢以告。對曰。若立君。則有卿士大夫與守龜在。羈弗敢知。若從君者。則貌而出者。入可也。寇而

出者。行可也。若羈也。則君知其出也。而未知其入也。羈將逃也。喪及壞墮。公子宋先入。從公者皆自壞

墮反。六月癸亥。公之喪。至自乾侯。戊辰。公卽位。季孫使役如闕。公氏將溝焉。【註】案宋本皆以闕字絕

句是也。今讀者皆然。殊不知古人多以闕公氏句三字連文。元卿始以闕字屬上也。元卿名字未詳。疏

中屢引之。榮駕鵝曰。【諸本或誤作駕非】生不能事。死又離之。以自旌也。縱子忍之。後必或恥之。乃止。季孫問于

榮駕鵝曰。吾欲爲君諡。使子孫知之。對曰。生弗能事。死又惡之。以自信也。將焉用之。乃止。秋七月癸巳。

葬昭公于墓道南。孔子之爲司寇也。溝而合諸墓。昭公出。故季平子禱於煬公。九月。立煬宮。【註】鄭

玄云。煬公。伯禽之子。季氏禱而立其宮也。【文苑英華】周鞏簡公弃其子弟。而好用遠人。

二年夏四月辛酉，鞏氏之羣子弟賊簡公。桐叛楚。【詰】那國志：廬江郡舒有桐鄉。杜同吳子使舒鳩氏

誘楚人曰：以師臨我，我伐桐，爲我使之無忌。秋，楚囊瓦伐吳，師於豫章。吳人見舟於豫章，而潛師於

巢。冬十月，吳軍楚師于豫章，敗之，遂圍巢，克之，獲楚公子繁。邾莊公與夷射姑飲酒，私出。【詰】韓非

子內儲篇：作齊中大夫御飲於王，醉甚而出，倚於耶門，闔乞肉焉。【詰】惠士奇曰：諸侯燕禮，鬯醉而出，

必取所薦脯，重君賜也，以所執脯，賜鐘人於門內，鬻廢君惠也。夷射姑私出無脯，奪杖殺闔，無禮甚矣。

奪之杖以殺之。【詰】案說文：支部有敲，云擊頭也。从攴，高聲。孫愜音口卓反。支部有敲，云攢搗。从攴，高

聲。孫愜音口交切。今釋文敲作敲，轉寫之誤也。

三年春二月辛卯，邾子在門臺臨廷，闔以餅水沃廷。釋文：餅本邾子望見之，怒，闔曰：夷射姑旋焉。【詰】韓

非子曰：捐水，郎門鬻下，類溺者之狀。命執之，弗得，滋怒，自投于牀，廢于鐘炭。【詰】高誘淮南注：廢，頓也。

案杜注：廢，隋非義訓，爛遂卒。【詰】鄭玄詩箋云：烈之言爛也。廣雅：烈，蒸也。先葬以車五乘，殉五人。莊公

卞急而好絜。諸本作潔，今以石經釋文改正。故及是。秋九月，鮮虞人敗晉師於平中，獲晉觀虎，恃其勇也。冬，盟於

郟，修邾好也。蔡昭侯爲兩佩與兩裘，以如楚，獻一佩，一裘於昭王。昭王服之，以享蔡侯。蔡侯亦服其

一，子常欲之，弗與。三年止之。唐成公如楚，有兩肅爽馬。【詰】賈逵云：色如霜紈，馬融說：肅爽，雁也。其羽

如練，高首而修頸，馬似之。天下希有，故子常欲之。案說文：鸛鷗，五方神鳥，西方鸛鷗，則鸛鷗是神鳥名。

馬云似雁亦略相似或馬毛色似此鳥故取以名楚調大招曼鸞鷖只王逸章句鸞鷖後鳥也高誘淮南注亦以爲鳥名云長頸綠身其形似雁一曰鳳凰之別名也杜注以爲駿馬名則以意言之耳劉達吳都賦注引左傳作鸞鷖水經注作鸞鷖子常欲之弗與亦三年止之唐人或相與謀請代先從者許之飲先從者酒醉之竊馬而獻之子常子常歸唐侯自拘于司敗曰君以弄馬之故隱君身棄國家羣臣請相夫人以償馬必如之唐侯曰寡人之過也二三子無辱皆賞之蔡人聞之固請而獻佩于子常子常朝見蔡侯之徒命有司曰蔡君之久也官不共也明日禮不畢將死蔡侯歸及漢執玉而沈曰余所有濟漢而南者有若大川蔡侯如晉以其子元與其大夫之子爲質焉而請伐楚

四年春三月劉文公合諸侯于召陵謀伐楚也史記世家作邵陵晉荀寅求貨于蔡侯弗得言于范獻子曰國家

方危諸侯方貳將以襲敵不亦難乎水潦方降疾癘方起中山不服弃盟取怨無損於楚而失中山不如辭蔡侯吾自方城以來楚未可以得志祇取勤焉乃辭蔡侯晉人假羽旄於鄭鄭人與之明日或旆以會晉于是乎失諸侯將會衛子行敬子言於靈公曰會同難嘖有煩言賈逵云嘖至也本疏杜案說文嘖高氣多言也春秋傳曰嘖言疑此卽嘖有煩言之古文又說文嘖大呼也翻與此文不相蒙當作嘖爲是多言正與下煩言相應莫之治也其使祝佗從古疏引作佗論語同公曰善乃使子魚子

魚辭曰臣展四體以率舊職猶懼不給而煩刑書若又共二微大罪也且夫祝社稷之常隸也社稷不

【詰】案劉炫以社稷動爲軍行最是。杜注云國通失之。祝不出竟。官之制也。君以軍行。祓社釁鼓。

【詰】說文。釁。血祭也。祝奉以從。於是乎出竟。若嘉好之事。君行師從。卿行旅從。【詰】服虔云。謂會同。疏。

臣無事焉。公曰。行也。及臯鼫。將長蔡於衛。【詰】服虔云。載書使蔡在衛上。史記。衛侯使祝佗私於莒宏。

曰。聞諸道路。不知信否。若聞蔡將先衛信乎。莒宏曰。信。蔡叔康叔之兄也。【詰】賈逵等皆云。蔡叔周公。

兄。本。案本傳二十四年左傳文。杜注取賈。先衛不亦可乎。子魚曰。以先王觀之。則尙德也。昔武王克商。

成王定之。選建明德。以蕃屏周。【詰】諸本作藩。從釋文。石經改正。故周公相王室。以尹天下。於周爲陸。【詰】爾雅詩毛傳。

並云。尹正也。此。杜本。分魯公以大路大旂。【詰】賈逵云。金路也。史記集解。夏后氏之璜。【詰】說文。璜。半璧。

也。白虎通及逸禮云。半璧曰璜。案鄭康成注周禮亦同。高誘又曰。半圭曰璜。夏后氏之珍玉也。杜注第。

以爲美玉。未知何據。封父之繁弱。【詰】鄭玄云。此繁弱封父之國爲之。本。荀卿子曰。繁弱鉅黍。古之良。

弓也。繁亦作蕃。古字通。上林賦曰。鬱蕃弱。文類曰。蕃弱。夏后氏良弓之名。殷民六族。【詰】案賈公彥周。

禮司約正義引傳文并引注云。殷民祿父之餘民三十族。六姓也。今無此注。賈所引當是服義。條氏徐。

氏。蕭氏。索氏。長勺氏。尾勺氏。使帥其宗氏。輯其分族。將其類醜。以法則周公。用卽命于周。是使之職事。

于魯。以昭周公之明德。分之土田陪敦。【詰】案陪當作培。釋文。一本又作倍。非。【詰】說文。培。敦。土田山川也。廣雅。陪。益也。詩。

毛傳。敦。厚也。祝宗卜史。備物典策。【詰】說文。策。本又作冊。【詰】說文。冊。符命也。諸侯進受於王也。象其札一。

長一短，中有二編之形。古文作籒，案今本作籒，非作籒。又籒書之變，服虔云：備物，國之職物之備也。疏

官司彝器，因商奄之民。【詁】說文：奄，國在魯，鄭玄尙書注：奄在淮夷之北。命以伯禽。【詁】竹書紀年：成

八年，命魯侯禽父，遷庶殷于魯。案所云命以伯禽者，指此。惠棟云：當用劉炫說。伯禽，唐誥百篇不載，封

伯禽事，別見洛誥。唐叔有歸禾，故皆不載也。孔子刪書，亦用春秋一書不再書之例。而封於少皞之虛。

史記世家【詁】說文：虛，大丘也。賈逵云：少皞居窮桑，登爲帝，蓋未爲帝，居魯北，旣爲帝，乃居魯也。疏分

康叔以大路少皞。【詁】賈逵云：雜帛也。史記【詁】賈逵云：大赤也。同上。杜：說文：精赤緇也。鄭衆云：

棨，旂名也。同。案鄭康成雜記注：引作棨，詩小雅白旆，旂也。毛傳云：白旆，繼旂者也。正義曰：棨與旂古今

字，故定四年傳云：舊棨旂，旂亦旂也。據鄭注孔疏，是精舊古通。經典異用之字，陸氏釋文失考者甚多。

旂旌。【詁】賈逵云：通帛爲旂，析羽爲旌。同。案說文：旂，旗曲柄也。所以旂表士衆。周禮曰：通帛爲旂，游

車戰旌，析羽注。旂，前所以精進士卒。大呂。【詁】賈逵云：鐘名。同上。杜：取此。殷民七族，陶氏、施氏。濳夫論引繁

氏、錡氏、樊氏、饑氏、終葵氏，封畛土略。【詁】說文：畛，井田開陌也。略，經土田也。自武父以南及圃田之北

竟。釋文圃田，亦作甫田。【詁】漢書地理志：河南郡中牟，圃田澤，在西豫州。取於有閭之士，以共王職。取於相土

之東都，以會王之東蒐。册季授土。【詁】史記管蔡世家：作冉季載，索隱曰：冉國也。載，名也。季氏也。冉，或

作邾。案國語曰：冉由鄭姬。賈逵云：文王子邾季之國也。莊十八年，楚武王克權，遷於那處。杜云：那處，楚

地。南郡編縣有那口城。那與郟皆音奴甘反。正義曰。冉作丹。音奴甘反。或作郟。音同。丹。國名也。季載。人名也。衛康叔世家作冉季。案昭之爲聘。那之爲郟。爲那。皆轉寫之譌。陶叔授民。命以康誥。而封於殷虛。皆啓以商政。疆以周索。【詰】考工記時文思索。鄭玄注文德之君。思求可以爲民立法者。【杜本】分唐叔以大路密須之鼓闕鞶。【詰】說文作磬。詳見昭十五年。沾洗懷姓九宗。職官五正。命以唐誥。而封於夏虛。【詰】案服虔注。大夏在汾澮之間。不得至晉陽。杜注誤。顧炎武日知錄已辨之。啓以夏政。疆以戎索。三者皆叔也。而有令德。故昭之以分物。不然。文武成康之伯猶多。而不獲是分也。唯不尙年也。管蔡啓商。基間王室。【詰】賈逵云。基。毒。間。亂。本說文。基。毒也。惡棟云。基當訓爲教。宣十二年注。言管蔡間商。叛周之心。而教之乘間以圖王室。張衡西京賦云。天啓其心。人基之謀。與傳合意。左傳基字凡四見。宣十二年傳。楚人基之。當依說文作泉。哀元年傳。少康。基。澆。當訓爲毒。廿七年傳。趙襄子。基。知伯。當訓爲忌。小爾雅云。此傳當訓爲教。小爾雅云。杜惟哀元年注得之。餘皆非也。王於是乎殺管叔而蔡蔡叔。【詰】基。忌也。此傳當訓爲教。基。教也。杜惟哀元年注得之。餘皆非也。王於是乎殺管叔而蔡蔡叔。【詰】案蔡當從說文作黎。已見前。以車七乘。【史記作輿。徒七十人。其子蔡仲改行帥德。周公舉之。以爲己卿士。見諸王而命之。以蔡。其命書云。王曰。胡無若爾考之違王命也。若之何其使蔡先衛也。武王之母弟八人。周公爲太宰。康叔爲司寇。聃季爲司空。五叔無官。豈尙年哉。曹文之昭也。【說文作偁。音武之穆也。曹爲伯。尙。非尙年也。今將尙之。是反先王也。晉文公爲踐土之盟。衛成公不在。夷叔其母弟也。猶先蔡。其載

書云王若曰。晉重魯申衛武蔡。甲午鄭捷齊潘宋王臣莒期。藏在周府。可覆視也。【詁】爾雅覆。察書也。廣雅覆。索也。索同。吾子欲復文武之略。【詁】高誘淮南注。略。道也。杜本。而不正其德。將如之何。蓺宏說。告劉子。與范獻子謀之。乃長衛侯於盟。反自召陵。鄭子太叔未至而卒。晉趙簡子爲之臨。甚哀。曰。黃父之會。【詁】賈逵云。黃父會在昭廿五年。御覽杜。取此。夫子語我九言。曰。無始亂。【詁】賈逵云。無爲亂始。上。無怙富。無恃寵。【詁】說文云。怙。恃也。恃。賴也。無違同。無敖禮。無驕能。無復怒。無謀非德。無犯非義。沈人不會于召陵。晉人使蔡伐之。夏。蔡滅沈。秋。楚爲沈故。圍蔡。伍員爲吳行人。以謀楚。楚之殺卻宛也。伯氏之族出。伯州犂之孫。髡爲吳太宰。【詁】史記作楚誅伯州犂。其孫伯髡亡奔吳。吳以爲大夫。案史記與左傳小異。當以左氏所言爲得其實。高誘呂覽注。作柏州犂。李善文選注。引吳越春秋曰。帛否來奔於吳。又云。本或作伯喜。或作帛否。或作太宰。語字雖不同。其人一也。以謀楚。楚自昭王卽位。無歲不有吳師。蔡侯因之。以其子乾。與其大夫之子爲質於吳。冬。蔡侯吳子唐侯伐楚。舍舟于淮汭。自豫章與楚夾漢。左司馬戍。謂子常曰。子恣漢而與之上下。【詁】說文。沿。緣水而下也。杜本。還塞大隧直轅冥阨。【詁】墨子非攻篇曰。吳闔廬次注林出於冥隘之徑。案冥隘卽冥阨。釋文。阨。本亦作隘。音同。史記無忌說魏安僖曰。秦不敢攻冥阨之塞。徐廣曰。卽江夏郡鄖縣。子濟漢而伐之。我自後擊之。必大敗之。旣謀而行。武城黑謂子常曰。吳用木也。我用革也。不可久也。不如速戰。史皇謂子常。楚

人惡子而好司馬。若司馬毀吳舟于淮，塞城口而入，是獨克吳也。子必速戰，不然不免。乃濟漢而陳，自小別至于大別。【註】京相璠春秋土地名曰大別，漢東山名也。在安豐縣南。水經案杜注非是，辨見集

中。三戰，子常知不可欲奔。史皇曰：安求其事，難而逃之，將何所入？子必死之。初，罪必盡說。十一月庚午

二師陳于柏舉。【註】京相璠曰：柏舉，漢東地。水經元和郡縣志：龜頭山在黃州麻城縣東南八十里，舉

水之所出也。春秋吳楚戰於柏舉，卽此地。闔廬之弟夫槩王晨請於闔廬曰：楚瓦不仁，其臣莫有死志

先伐之，其卒必奔，而後大師繼之，必克。弗許。夫槩王曰：所謂臣義而行不待命者，其此之謂也。今日我

死，楚可入也。以其屬五千先擊子常之卒。子常之卒奔，楚師亂，吳師大敗之。子常奔鄭。史皇以其乘廣

死，吳從楚師。及清發。【註】案水經注：澗水下。晉太安二年，鎮南將軍劉宏遣牙門皮初與張昌戰於清

水。卽春秋左傳定公四年吳敗楚於柏舉，從之及於清發。蓋澗水又兼清水之目矣。今考清發當在今

德安府安陸雲夢二縣界。皆漢時安陸縣境也。杜不言所在，故采道元注補之。將擊之，夫槩王曰：困獸

猶鬪，況人乎？若知不免而致死，必敗我。若使先濟者知免，後者慕之，蔑有鬪心矣。半濟而後可擊也。從

之，又敗之。楚人爲食，吳人及之，奔食而從之，敗諸雍澁。【註】諸文澁埤增水邊土人所止者。五戰及郢

己卯，楚子取其妹季芊，畀我以出。【註】服云：畀我季芊之字。釋服慶云：季芊，許嫁而字。畀我季芊字也。

禮婦人許嫁，笄而稱字。季芊稱字，是許嫁也。蓋遭亂夫死而改適鍾建耳。本按世族譜以季芊畀我爲

疏。

二人今當以服說爲是。顧炎武云：下文但稱芊，知非二人。涉睢。【詁】水經作沮。地理志：漢中郡臨沮。

原注：沮水出漢中房陵，東入江。鍼尹固與王同舟，王使執燧象。【詁】賈逵云：燧，火燧也。象，象獸也。以火

繫其尾，使奔吳師，驚卻其衆，使王得脫。【本疏】杜說：象，長牙鼻，南方之大獸也。以奔吳師。庚辰，吳入郢。

以班處宮。【詁】越絕書：子胥妻楚王母，孔子固貶之矣。惡其妻楚王母也。案：鞭平王尸及妻楚王母，傳

皆不言，或尙爲賢者諱。子山處令尹之宮，夫槩王欲攻之，懼而去之。夫槩王入之，左司馬戍及息而還。

【詁】地理志：汝南郡新息，孟康曰：故息國，其後徙東，故加新焉。敗吳師於雍澨，傷初。司馬臣闔廬，故恥

爲禽焉。謂其臣曰：誰能免吾首？吳句卑曰：臣賤可乎？司馬曰：我實失子，可哉。三戰皆傷，曰：吾不可用也。

已，句卑布裳，剄而裹之。【詁】說文：剄，刑也。藏其身，而以其首免。楚子涉睢，濟江，入於雲中，王寢盜攻之。

以戈擊王，王孫由于以背受之。中肩王奔，鄖鍾建負季芊以從。由于徐蘇而從。【詁】服虔云：鄖，楚邑。史

集：鄖，公辛之弟，懷將弑王，曰：平王殺吾父，我殺其子，不亦可乎？【詁】服虔云：父，蔓成然。同。辛曰：君討臣

誰敢讎之？君命天也。若死天命，將誰讎？【文選注引】詩曰：柔亦不茹，剛亦不吐，不侮矜寡，不畏彊禦。【漢書

傳：兩引詩，矜作鱣，彊禦作強圍。惟仁者能之，遠疆陵弱，非勇也。乘人之約，非仁也。滅宗廢祀，非孝也。動無令名，非知也。

必犯是，余將殺汝。鬬辛與其弟巢，以王奔隨。【詁】服虔云：隨，楚與國。同。吳人從之，謂隨人曰：周之子孫

在漢川者，楚實盡之。天誘其衷，致罰於楚。而君又竄之。周室何罪？君若顧報周室，施及寡人，以獎天衷。

【詰】章昭國語注。獎成也。杜本此君之惠也。漢陽之田。君實有之。楚子在公宮之北。吳人在其南。子期似

王。史記作子蕞。說苑同。家語作司馬子祺。逃王而已爲王。曰。以我與之。史記作予。下卜與同。王必免。隨人卜與之。不吉。乃辭。吳曰。以

隨之。辟小而密邇於楚。楚實存之。世有盟誓。至于今未改。若難而弃之。何以事君。執事之患。不惟一人。

若鳩楚竟。【詰】章昭國語注。鳩安也。杜略同。敢不聽命。吳人乃退。鏹金初宦。鏹字宦字。並從石經及釋文改。於子期氏。實

與隨人要言。王使見辭曰。不敢以約爲利。王割子期之心。以與隨人盟。初伍員與申包胥友。【詰】服虔

云。楚大夫王孫包胥。史記集解。案戰國策作勢。冒勃蘇。文選注。引戰國策又作樊。冒勃蘇。今考勢。冒勃蘇。卽

申包胥音之轉。勢與申。胥與蘇。皆同音。包字急讀卽爲冒。勃至勢又作樊。亦以音同而轉也。吾友莊進

士述祖云。申包胥楚之公族。勢冒。卽楚之先。躬冒。其後爲躬冒氏。猶若敖之後。爲若敖氏也。潛夫論。伍

氏亦楚之公族。故亦爲王孫氏。其亡也。謂申包胥曰。我必復楚國。史記伍子胥傳。復作覆。高誘淮南注。亦同。申包胥曰。勉之。

子能復之。我必能與之。及昭王在隨。申包胥如秦乞師。曰。吳爲封豕長蛇。【詰】淮南王書。引作吳爲封

豕。修蛇。蠶食上國。高誘注。封大也。豕蛇。喻貪也。新序引作吳爲無道。行封豕長蛇。蠶食天下。從上國始

於楚。案淮南志。長非修。蓋避厲王長諱。以荐食上國。【詰】爾雅。荐再也。案杜注。數也。義亦同。虐始於楚。

【詰】高誘注。虐害也。始先也。膏將以次至秦也。寡君失守社稷。越在草莽。使下臣告急。曰。夷德無厭。若

鄰於君。疆場之患也。逮吳之未定。君其取分焉。若楚之遂亡。君之土也。若以君靈撫之。世以事君。秦伯

使辭焉。曰：寡人聞命矣。子姑就館，將圖而告。對曰：寡君越在草莽，未獲所伏。新序引伏作依。下臣何敢即安，立依於庭牆而哭，日夜不絕聲，勺飲不入口。七日，秦哀公爲之賦，無衣九頓首而坐。秦師乃出。

五年春，王人殺子~~...~~楚。夏，歸粟于蔡，以周亟，矜無資。書武成疏引作歸粟于蔡，以調急，矜無資也。蓋一本有也字。石經實字下亦旁增一也字。

越入吳，吳在楚也。六月，季平子行東野，還未至，丙申卒於房。詁顧炎武云：房疑卽防字。古口字作

自脫其下而爲防字。漢仙人唐公所碑可證也。地理志：汝南郡吳房。孟康曰：本房子國，而史記項羽紀

封楊武爲吳防侯，字亦作防。漢書武帝紀：濟川王明廢，遷防陵。常山王勃廢，徙房陵。一卷之中，字體不

同。又防房二字相通之證。今案文選謝莊月賦：徘徊房露。李善注曰：防露，蓋古曲也。文賦曰：寐防露與

桑間，又雖雖而不雅。房與防古字通。據此則房之爲防明矣。陽虎將以與璠斂。釋文與本又作璠。【詁】說文：璠

與魯之寶玉，高誘曰：璠與君佩玉也。昭公在外，平子行君事，入宗廟佩璠與，故用之。仲梁懷弗與，曰：改

步改玉，陽虎欲逐之，告公山不狃。論語及家語並作弗擾。【詁】潘夫論公山氏魯公族姬姓，不狃曰：彼爲君也，子

何怨焉？既葬，桓子行東野，及費，子泄爲費宰，逆勞於郊。桓子敬之，勞仲梁懷，仲梁懷弗敬，子泄怒，謂陽

虎子行之乎。申包胥以秦師至，秦子蒲。戰國策作子蒲，新序同。子虎帥車五百乘以救楚。【詁】案淮南子修務

訓：秦王乃發車千乘，步卒七萬人，與此不合。子蒲曰：吾未知吳道，使楚人先與吳人戰，而自稷會之。

【詁】賈逵云：稷，楚地。史記集解杜取此。大敗夫槩王于沂。【詁】史記伍子胥傳曰：六月，敗吳兵於稷。案隱曰：左傳

作穰。杜注：穰，地名，在郊外。按左傳並不作穰，其引杜注字句亦不合。蓋誤以裴鬪集解爲杜注也。吳人獲蘧射於柏舉，其子帥奔徒，以從子西，敗吳師于軍祥。秋七月，子期子蒲滅唐。九月，夫槩王歸自立也。以與王戰而敗，奔楚，爲堂谿氏。【詰】潛夫論：堂谿，谿名，在四平郡國志。汝南吳房有堂谿亭。廣韻：吳王闔廬弟夫槩奔楚，爲堂谿氏。堂谿，古字通。吳師敗楚師于雍澁，秦師又敗吳師。吳師居麋，子期將焚之。子西曰：父兄親暴骨焉，不能收，又焚之，不可。子期曰：國亡矣，死者若有知也，可以歆舊祀，豈憚焚之。焚之而又戰，吳師敗，又戰於公堵之谿。吳師大敗，吳子乃歸。囚闔與罷，闔與罷請先，遂逃歸。葉公諸梁之弟后臧從其母於吳，不待而歸。葉公終不正視。乙亥，陽虎囚季桓子及公父文伯，而逐仲梁懷。冬十月丁亥，殺公何藐。己丑，盟桓子于稷門之內。庚寅，大詛，逐公父歐及秦遄，皆奔齊。楚子入于郢，初鬪，辛聞吳人之爭宮也，曰：吾聞之，不讓則不和，不和不可以遠征。吳爭於楚，必有亂，有亂則必歸焉，能定楚王之奔隨也。【石經：王字上旁增楚字，非唐刻。】將涉於成白。【詰】鄒道元云：沔水又東南與白水合，水出竟陵縣東北，聊風山。一曰：盧風山。西流注於沔。定公四年，昭王濟于成白。謂是水者也。藍尹齎涉其帑。【詰】世本：楚大夫涉其帑，案此則豐帑爲二人。惠棟曰：據外傳載其帑，則帑非人名。未知世本何據。不與王舟及寧王欲殺之。子西曰：子常惟思舊怨以敗，君何效焉。王曰：善，使復其所。吾以志前惡。王賞鬪辛。王孫由于王孫圉鍾建鬪巢申包胥。王孫賈宋木鬪懷。子西曰：請舍懷也。王曰：大德滅小怨，道也。申包胥

曰。吾爲君也。非爲身也。君既定矣。又何求。且吾尤子旗。其又爲諸。遂逃賞。王將嫁季芊。季芊辭曰。所以

爲女子。遠丈夫也。鍾建負我矣。以妻鍾建。以爲樂尹。王之在隨也。子西爲王輿服。以保路。國子脾泄。聞

王所在。而後從王。王使由于城麋。復命。子西問高厚焉。一本或有大小者。涉下文而誤耳。【詁】董遇曰。問城高厚丈尺

也。本疏。弗知。子西曰。不能如辭。城不知高厚。小大何知。【詁】王肅斷小大何知爲句。注云。如是小大何所

知也。張奐古今人論曰。子西問城之大小高厚。而弗知也。子西怒曰。不能則如辭。城之而不知。又何知

乎。張奐引傳爲文。小大上屬。本疏。案上問高厚弗知。故此言築城。而不知高厚。于小大之事。何所知乎。從

王肅句爲是。對曰。固辭不能。子使余也。人各有能有不能。王遇盜於雲中。余受其戈。其所猶在。袒而示

之背。曰。此余所能也。脾泄之事。余亦弗能也。晉士鞅圍鮮虞。報觀虎之敗也。諸本。敗誤。役。今从石經。及宋本改正。

六年春。鄭滅許。因楚敗也。二月。公侵鄭。取匡。爲晉討鄭之伐胥靡也。往不假道於衛。及還。陽虎使季孟

自南門入。出自東門。舍於豚澤。衛侯怒。使彌子瑕追之。公叔文子老矣。輦而如公。曰。尤人而效之。非禮

也。昭公之難。君將以文之舒鼎。成之昭兆。【詁】賈逵云。舒鼎。鼎名。昭兆。寶龜。本疏。定之鑿鑑。釋文。鑿。又可作鑿。苟可

以納之。淳化本無。以字疑衍。擇用一焉。公子與二三臣之子。諸侯苟憂之。將以爲之質。此羣臣之所聞也。今將以

小忿蒙舊德。無乃不可乎。太叔之子。唯周公康叔爲相睦也。而效小人以弃之。不亦誣乎。天將多陽虎

之罪。以斃之。君姑待之若何。乃止。夏季。桓子如晉。獻鄭俘也。陽虎強使孟懿子。往報夫人之幣。晉人

兼享之。孟孫立于房外，謂范獻子曰：陽虎若不能居魯，而息肩於晉，所不以為中軍司馬者，有如先君。獻子曰：寡君有官，將使其人，孰何知焉？獻子謂簡子曰：魯人患陽虎矣，孟孫知其覺，以為必適晉，故強為之請，以取入焉。四月己丑，吳大子終纍敗楚舟師，獲潘子臣、小帷子。【註】案呂覽引作小帷子，釋文本又作帷。史記曰：吳王使太子夫差伐楚，取番。案隱曰：定六年左傳，四月己丑，吳大子終纍敗楚舟師。杜注：鬪廬子，夫差兄，此以為夫差，當謂名異而實一人耳。左傳又曰：獲潘子臣、小帷子及大夫七人。楚子是乎遷郢於都，此音番，番音潘，楚邑名，子臣，即其邑大夫也。及大夫七人，楚國大惕，懼亡，子期又以陵師敗於繁揚。【註】案襄四年作繁揚，漢書地理志亦作繁陽。應劭曰：在繁水之陽，則作陽為正。揚陽，容古字通。令尹子西喜曰：乃今可為矣。於是乎遷郢於都，而改紀其政，以定楚國。【註】服虔云：都楚邑。史記地理志：南郡若原注：楚昭王畏吳，自郢徙此，後復遷郢。師古曰：春秋傳作都，其音同。周儋翩率王子朝之徒，因鄭人將以作亂于周，鄭於是乎伐馮滑，胥靡負黍。【註】京相璠曰：負黍，在潁川陽城縣西南二十七里，世謂之黃城也。水經注：杜同此。狐人闕外，六月，晉閻沒戍周，且城胥靡。秋八月，宋樂祁言於景公曰：諸侯唯我事晉，今使不往，晉其感矣。【註】感字照前改。樂祁告其宰陳寅，陳寅曰：必使子往，他日公謂樂祁曰：唯寡人說子之言，子必往。陳寅曰：子立後而行，吾室亦不亡。唯君亦以我為知難而行也。見瀾而行。趙簡子逆而飲之酒於縣上，獻楊楯六十於簡子。陳寅曰：昔吾主范氏，今子主趙氏，又有納焉，以

楊楯賈禍弗可爲也已。然子死晉國子孫必得志於宋。范獻子言於晉侯曰：以君命越疆而使，未致使而私飲酒，不敬二君，不可不討也。乃執樂祁。陽虎又盟公及三桓於周社，盟國人於亳社，詛於五父之衢。冬十二月，天王處於姑蓀，辟僭弒之亂也。

七年春二月，周僭弒入於儀栗以叛。齊人歸鄆陽關。【詁】服虔云：陽關，魯邑。史記集解：陽虎居之以爲政。

夏四月，單武公、劉桓公敗尹氏于窮谷。秋，齊侯、鄭伯盟于鹹，徵會于衛。衛侯欲叛晉，諸大夫不可使。

北宮結如齊，而私於齊侯，曰：執結以侵我，齊侯從之。乃盟于瑣。齊國夏伐我，陽虎御季桓子，公斂處。

父御孟懿子，將宵軍齊師，齊師聞之，墮伏而待之。處父曰：虎不圖禍，而必死。苦夷曰：釋文：夷作冀。虎陷。

二子於難，不待有司，余必殺汝。虎懼，乃還不敗。冬十一月戊午，單子劉子逆王于慶氏，晉籍秦送王。

己巳，王入于王城，館于公族，黨氏而後朝于莊宮。

八年春王正月，公侵齊，門于陽州，士皆坐列。【詁】蘇棟曰：坐爲坐作，列爲表正行列。司馬法曰：徒以坐固。

又云：行慎行列，曰：顏高之弓六鈞，皆取而傳觀之。陽州人出，顏高奪人弱弓，籍丘子鉏擊之，與一人俱。

斃。【詁】既文斃，顛仆也。斃或从死。杜本：偃且射。釋文一云：偃且。人姓名，且音子餘。子鉏，中頰，殪。【詁】莫。

越春秋：迎風則偃，背風則仆。仆是前翼，偃是卻倒。高已被擊而仆，轉而仰，且射子鉏死。言善射也。廣雅：

偃，偃也。顏息射人中眉，退曰：我無勇，吾志其目也。【詁】服虔云：志中其目，是非其誠，詐以自矜。禮疏：師。

退冉猛僞傷足而先其兄會乃呼曰猛也殿。二月己丑單子伐穀城。劉子伐饒粟。辛卯單子伐簡城。

劉子伐孟以定王室。趙鞅言於晉侯曰諸侯惟宋事晉好逆其使猶懼不至今又執之是絕諸侯也。

將歸樂祁士鞅曰三年止之無故而歸之宋必叛晉獻子私謂子梁曰寡君懼不得事宋君是以止子。

子姑使溷代子。石經代子梁以告陳寅陳寅曰宋將叛晉是棄溷也不如待之樂祁歸卒於大行【詰】

地理志河內郡山陽野王皆大行山在西北士鞅曰宋必叛不如止其尸以求成焉乃止諸州【詰】案

昭七年傳子產爲豐施歸州田於韓宣子宣子以易原縣於樂大心是州境與宋接壤或州地此時尙

屬樂大心未可知。公侵齊攻廩丘之郛【詰】風俗通郛亦謂之郛郛者亦大也。初學記主人焚衝

【詰】說文作糧云陷陳車也高誘淮南王書注衝車大鐵著其轆端馬被甲車被兵所以衝於敵城也。

或濡馬褐以救之【詰】高誘淮南王書注褐毛布如今之馬衣。杜本遂毀之主人出師奔【詰】賈逵以

爲主人出晉師奔走而卻退晉晉無戰備也。本疏案杜注屈曲當以賈義爲長陽虎僞不見冉猛者曰猛

在此必敗猛逐之顧而無繼僞顛虎曰盡客氣也苦越生子將待事而名之陽州之役獲焉名之曰陽

州夏齊國夏高張伐我西鄙晉士鞅趙鞅荀寅救我公會晉師于瓦范獻子執羔趙簡子中行文子

皆執雁魯於是始尙羔【詰】賈逵云周禮公之孤四命執皮帛卿三命執羔大夫再命執雁晉廢其禮

三命之卿皆執皮帛至是乃始復禮尙羔鄭衆云天子之卿執羔大夫執雁諸侯之卿當天子之大夫

故傳曰：惟卿爲大夫，當執雁而執羔，僭天子之卿也。魯人效之，而始尙羔，記禮所從壞本。

衛侯于郭澤。釋文：郭本又作甄，說苑亦同。趙簡子曰：羣臣誰敢盟衛君者？涉佗成何曰：我能盟之。衛人請執牛耳，成

何曰：衛吾溫原也。焉得視諸侯？將畎涉佗掄衛侯之手，及挽。【詁】說文：掄，推也。春秋傳曰：掄衛侯之手。

擊，手擊也。案說文：推，排也。排，擠也。是掄有排擠之義。故杜注：掄，擠也。掄當從說文作擊。馬融長笛賦云：

探擊掄臧。李善注引廣雅曰：掄，案之也。惠棟曰：掄，經傳皆作擊。郊祀志曰：海上燕齊之間，莫不搯擊。游

俠傳曰：搯擊而游談。師古曰：擊，古手腕字。今傳作挽者，儀禮士喪禮曰：設決麗於擊。鄭康成注云：古文

挽作擊。史記樊於期偏袒搯挽。索隱曰：挽，古腕字。史記多古文。今人知者鮮矣。衛侯怒，王孫賈趨進曰：

盟以信禮也。有如衛君，其敢不唯禮是事，而受此盟也。衛侯欲叛晉而患諸大夫，王孫賈使次于郊。大

夫問故，公以晉詬語之。【詁】廣雅：詬，恥也。杜本此。且曰：寡人辱社稷，其改卜嗣。寡人從焉。大夫曰：是衛之

禍，豈君之過也？公曰：又有患焉。謂寡人必以而子與大夫之子爲質。大夫曰：苟有益也，公子則往。羣臣

之子，敢不皆負羈繼以從？將行，王孫賈云：苟衛國有難，工商未嘗不爲患，使皆行而後可。公以告大夫，

乃皆將行之。行有日，公朝國人，使賈問焉曰：若衛叛晉，晉五伐我，病何如矣？皆曰：五伐我，猶可以能戰。

賈曰：然則如叛之病而後質焉，何遲之有？乃叛晉。晉人請改盟，弗許。秋，晉士鞅會成桓公侵鄭，圍蟲

牢，報伊闕也。遂侵衛。九月，師侵衛。晉故也。季寤公鉏極，公山不狃，皆不得志於季氏。叔孫輒無寵。

於叔孫氏。叔仲志不得志於魯。故五人因陽虎。陽虎欲去三桓。以季寤更季氏。以叔孫輒更叔孫氏。己更孟氏。冬十月。順祀先公而祈焉。辛卯。禘于僖公。壬辰。將享季氏于蒲圃。而殺之。戒都車。【詰】惠棟曰。戒讀爲驪。鄭康成曰。疾雷擊鼓曰驪。易歸藏曰。君子戒車。小人戒徒。曰。癸巳。至。成宰公斂處。父告孟孫曰。季氏戒都車。何故。孟孫曰。吾弗聞。處父曰。然則亂也。必及於子。先備諸。與孟孫以壬辰爲期。陽虎前驅。林楚。【公羊作臨南】御桓子。虞人以鉞盾夾之。陽越殿。將如蒲圃。桓子咋謂林楚。【石經初本】【詰】案考工記。鐘侈。則柝讀如咋。咋然之咋。聲大外也。說文無咋字。杜注。咋。暫也。蓋取廣雅。廣雅。暫。从乍。字得訓。玉篇。从鄭訓云。聲大也。今考譜聲大也。言或從口。讀若笨。則咋蓋譜字之誤。曰。而先皆季氏之良也。爾以是繼之。對曰。臣聞命後。陽虎爲政。魯國服焉。違之徵死。死無益於主。桓子曰。何後之有。而能以我適孟氏乎。對曰。不敢愛死。懼不免主。桓子曰。往也。孟氏選圉人之壯者三百人。以爲公期築室於門外。林楚怒馬。【公羊傳作臨南驟馬】【詰】高誘淮南王書注。怒讀如強弩之弩。方言曰。弩。猶怒也。匡謬正俗云。怒字古讀有二音。今山東河北人讀書。但知怒有去聲。不言本有二讀。曾不尋究。失其真矣。及衢而騁。【詰】說文四達謂之衢。陽越射之。不中。築者闔門。有自門間射陽越。殺之。陽虎劫公與武叔。以伐孟氏。公斂處。父帥成人。自上東門入。與陽氏戰於南門之內。弗勝。又戰于棘下。陽氏敗。陽虎說甲如公宮。取寶玉大弓。以出。舍于五父之衢。寢而爲食。其徒曰。追其將至。虎曰。魯人聞余出。喜於徵死。【詰】說文徵。召也。案說文从

釋言杜本陸彙附注後錄云案上文林楚曰陽虎爲政魯國服焉遠之微死此陽虎自言當云魯人聞

余出喜於脫死不當云微死微字誤也何暇追余從者曰嘻速駕公斂陽在公斂陽請追之孟孫弗許

陽欲殺桓子孟孫懼而歸之子言辨舍爵詁鄭玄禮記注辨篇也杜本於季氏之廟而出陽虎入于

謹陽關以叛詁地理志泰山郡鉅平應劭曰左氏傳陽虎入于鄆陽關以叛今陽關亭是也鄭駟

歆嗣子大叔爲政

九年春宋公使樂大心盟于晉且逆樂祁之尸辭僞有疾乃使向巢如晉盟且逆子梁之尸子明謂桐門

右師出曰吾猶衰絰而子擊鐘何也右師曰喪不在此故也既而告人曰已衰絰而生子余何故舍鐘

子明聞之怒言於公曰右師將不利戴氏不肯適晉將作亂也不然無疾乃逐桐門右師鄭駟歆殺

鄧析文選注引而用其竹刑君子謂子然於是不忠苟有可以加於國家者弃其邪可也靜女之三章

取彤管焉竿旄詩作何以告之取其忠也故用其道不弃其人詩云蔽芾甘棠勿剪勿伐漢書引召伯

所茇詁說文度舍也从广友聲詩曰召伯所廢思其人猶愛其樹況用其道而不恤其人乎子然無

以勸能矣夏陽虎歸寶玉大弓書曰得器用也凡獲器用曰得得用焉曰獲六月伐陽關陽虎使焚

萊門師驚犯之而出奔齊請師以伐魯曰三加必取之齊侯將許之鮑文子諫曰臣嘗爲隸於施氏矣

魯未可取也上下猶和衆庶猶睦能事大國而無天菑若之何取之陽虎欲勤齊師也齊師罷大臣必

多死亡。已於是乎奮其詐謀。夫陽虎有寵於季氏，而將殺季孫，以不利魯國而求容焉。親富不親仁，君焉用之。君富於季氏，而大於魯國，茲陽虎所欲傾覆也。【註】韓非子載其語曰：陽虎有寵於季氏，而欲伐季孫，貪其家也。今君富於季，而齊大於魯，陽虎所以盡詐也。魯免其疾，而君又收之，無乃害乎。齊侯執陽虎，將東之。陽虎願東，乃囚諸西部，盡借邑人之車，鑿其軸。【註】說文：鑿，鑿也。案爾雅釋詁：契滅殄絕也。郭璞注：今江東刻斷物爲契。邢昺疏引左傳及杜注並作契，則鑿似當作契爲正。說文：契，刻也。廣雅同。此。麻約而歸之。載蔥靈。【註】賈逵云：蔥靈，衣車也。有蔥有靈。疏：本尙書大傳曰：未命爲士，不得有飛輪。鄭玄注云：如今窗車也。輪與靈古字通。案說文：輪，車輪，間橫木。从車，令聲。輻字注云：輻，或从靈。司馬相如說：今左傳作靈，古字假借耳。寢於其中而逃，追而得之，囚於齊。又以蔥靈逃，奔宋，遂奔晉。適趙氏，仲尼曰：趙氏其世有亂乎。【註】韓非子曰：陽虎逐於魯，疑於齊，走而之趙。趙簡子迎而相之。左右曰：虎善竊人國，何故相也。簡主曰：陽貨務取之，我務守之。遂執術而御之。陽虎不敢爲非，以善事簡主與主之強幾至於霸也。秋，齊侯伐晉夷儀，敝無存之父將室之，辭以與其弟曰：此役也不死，反必娶於高國。先登，求自門出，死於露下。東郭書讓登，犂彌從之，曰：子讓而左，我讓而右，使登者絕，而後下。書左彌先下，書與王猛息，猛曰：我先登，書斂甲曰：曩者之難，今又難焉。猛笑曰：吾從子，如驂之靳。【註】說文：斬當臂也。案毛詩小戎云：游環脅驅。傳曰：游環，斬環也。晉車千乘在中牟。【註】案杜注：非管子曰：築五

鹿中牟鄆者。三城相接也。是中牟在鄆與五鹿之間。趙獻侯徙都中牟。即此。今考中牟城在湯陰西二十里。張守節正義云。鄆西牟山爲趙中牟者是矣。衛侯將如五氏。卜過之。龜焦。【詁】說文。龜灼龜不兆也。春秋傳曰。龜龜不兆。讀若焦。案今水經作焦。義通。衛侯曰。可也。衛車當其半。寡人當其半。敵矣。乃過中牟。中牟人欲伐之。衛褚師圃水經注引亡在中牟。曰。衛雖小。其君在焉。未可勝也。齊師克城而驕。其帥又賤。遇必敗之。不如從齊。乃伐齊師。敗之。齊侯致羶媚杏於衛。齊侯賞犂彌。犂彌辭曰。有先登者。臣從之。皙幘。【詁】詩。毛傳。皙。白也。說文。幘。齒相值也。一曰。鬻也。春秋傳曰。皙鬻。案杜注取此。云齒上下相值。則杜時本尙作鬻。可知。後乃誤作幘耳。惠棟曰。傳遜云。皙。白皙。幘以巾髮卑賤所服。此說非也。古者有冠無幘。秦漢以來。始有其制。此傳幘字。說文引作鬻。今案顧炎武引傅氏云。惠氏亦引之。檢傳書並無此條。蓋惠承顧之誤。又說文收幘字。明非後出之字。惠氏以幘爲鬻之省文。亦未的。而衣狸製。【詁】說文。製。裁也。服虔云。狸製。狸裘也。詩疏說苑吳赤市使於智氏。假道於衛。寧文子具紵緇三百製。將以送之。惠士奇云。左傳狸製注云。裘。此云紵緇。非裘也。乃衣耳。裘名爲製。不見經傳。杜注誤。惠棟云。傳云狸製。故注云裘。狸裘也。哀廿七年。陳成子救鄭。及濮。雨。成子衣製杖戈。注云。製。雨衣也。杜皆望文爲義。然以製爲裘。似有脫文。公使視東郭書。曰。乃夫子也。吾貺子。【詁】爾雅。貺。賜也。此。公賞東郭書。辭曰。彼賓旅也。乃賞犂彌。齊師之在夷儀也。齊侯謂夷儀人曰。得敵無存者。以五家免。【詁】服虔云。是時

齊克夷儀而有之。既爲齊者，故齊得優其爲役也。疏本乃得其尸，公三櫜之，與之犀軒與直蓋，而先歸之。

坐引者以師哭之。【詰】儀禮士喪禮疏引傳文並引注云：坐而飯食之。案當是服注親推之三。

十年春及齊平。夏公會齊侯于祝其，實夾谷。【詰】服虔云：地二名。水經注孔丘相，犂彌。史記孔子世家作犂

鉏。言於齊侯曰：孔丘知禮而無勇，若使萊人。【詰】服虔以爲東萊黃縣是。史記案隱以兵劫魯侯，必得志焉。

齊侯從之。孔丘以公退，曰：士兵之兩君合好，而裔夷之俘。【詰】廣雅裔遠也。杜本以兵亂之，非齊君所

以命諸侯也。裔不謀夏，夷不亂華，俘不干盟，兵不偪好，於神爲不祥，於德爲愆義，於人爲失禮。君必不

然。齊侯聞之，遽辟之，將盟。【詰】賈逵云：不書盟，諱以三百乘從齊師。本案不書盟，賈據宣七年黑壤例。

齊人加於載書曰：齊師出竟，而不以甲車三百乘從我者，有如此盟。孔丘使茲無還揖，對曰：而不反我

汶陽之田，吾以共命者，亦如之。齊侯將享公。孔丘謂梁丘據曰：齊魯之故，吾子何不聞焉？事既成矣，而

又享之，是勤執事也。且犧象不出門。【詰】鄭司農云：明堂位云：犧象，周尊也。周禮疏服虔云：犧象，饗禮犧

尊，象尊也。嘉樂鐘鼓之樂也。詩疏王肅以爲犧尊，象尊爲牛象之形，背上負尊。本疏嘉樂不野合，饗而既具

是弃禮也。若其不具，用秕稗也。【詰】說文：秕，不成粟也。稗，禾別也。杜本用秕稗君辱，弃禮名惡。子盍圖

之，夫享所以昭德也，不昭不如其已也。乃不果享。齊人來歸鄆，謹龜陰之田。【詰】服虔云：三田，汶陽田

也。龜，山名。山陰之田，得其田，不得其山也。史記集解晉趙鞅圍衛，報夷儀也。初，衛侯伐邯鄲，午於寒氏，城

其西北

釋文一本或作城其西北隅

而守之宵燭及晉圍衛午以徒七十人門於衛西門殺人於門中曰請報襄氏

之役涉佗曰夫子則勇矣然我往必不敢啓門亦以徒七十人且門焉步左右皆至而立如植日中不

啓門乃退反役晉人討衛之叛故曰由涉佗成何於是執涉佗以求成於衛衛人不許晉人遂殺涉佗

成何奔燕君子曰此之謂弃禮必不鈞詩曰人而無禮胡不遄死涉佗亦遄矣哉初叔孫成子欲立

武叔公若藐固諫曰不可成子立之而卒公南使賊射之不能殺公南爲馬正使公若爲郈宰武叔既

定使郈馬正侯犯殺公若弗能其圉人曰吾以劍過朝公若必曰誰之劍也吾稱子以告必觀之吾僞

固而授之末則可殺也使如之公若曰爾欲吳王我乎遂殺公若侯犯以郈叛武叔懿子圍郈弗克秋

二子及齊師復圍郈弗克叔孫謂郈工師駟赤曰郈非惟叔孫氏之憂社稷之患也將若之何對曰臣

之業在揚水卒章之四言矣釋文本或作揚之水卒章叔孫稽首駟赤謂侯犯曰居齊魯之際而無事必不可矣子

盍求事於齊以臨民不然將叛侯犯從之齊使至駟赤與郈人爲之宣言於郈中曰侯犯將以郈易於

齊於字从石經改正齊人將遷郈民衆兇懼駟赤謂侯犯曰衆言異矣子不如易於齊與其死也猶是郈也而

得紓焉何必此齊人欲以此逼魯必倍與子地且盍多舍甲於子之門以備不虞侯犯曰諾乃多舍甲

焉侯犯請易於齊齊有司觀郈將至駟赤使周走呼曰齊師至矣郈人大駭介侯犯之門甲以圍侯犯

駟赤將射之侯犯止之曰謀免我侯犯請行許之駟赤先如宿詁郈國志東平國無驪本宿國任姓

杜同侯犯殿。每出一門。郈人閉之。及郭門。止之。曰：子以叔孫氏之甲出。有司若誅之。羣臣懼死。駟赤曰：

叔孫氏之甲有物。【詰】案杜注云：物識也。周禮關人職曰：潛服賊器不入宮。注云：賊器盜賊之任器。兵

物皆有刻識。惠棟曰：刻識之語出於漢時。梁冀傳曰：刻其毛以爲識。是也。吾未敢以出。犯謂駟赤曰：子

止而與之數。駟赤止而納魯人。侯犯奔齊。齊人乃致郈。宋公子地嬖遽富獵。十一分其室。而以其五

與之。公子地有白馬四。地理志引作駟。師古曰：四馬曰駟。公嬖向魋。魋欲之。公取而朱其尾鬣以與之。漢書作子。地怒。使其

徒扶魋而奪之。魋懼將走。公閉門而泣之。目盡腫。母弟辰曰：子分室以與獵也。而獨卑魋。亦有頗焉。子

爲君禮。不過出竟。君必止子。公子地出奔陳。公弗止。辰爲之請。弗聽。辰曰：是我廷吾兄也。【詰】詩毛傳

運。誰也。吾以國人出。君誰與處。冬。母弟辰暨仲佗石彊出奔陳。武叔聘于齊。齊侯享之。曰：子叔孫。若

使郈在君之他竟。寡人何知焉。屬與敝邑際。故敢助君憂之。對曰：非寡君之望也。所以事君。封疆社稷

是以取。以家隸勤君之執事。夫不令之臣。天下之所惡也。君豈以爲寡君賜。

十一年春。宋公母弟辰暨仲佗石彊公子地入於蕭。以叛。秋。樂大心從之。大爲宋患。寵向魋故也。冬。及

鄭平。始叛晉也。

十二年夏。衛公孟彊伐曹。克郊。遠滑羅殿。未出。不退於列。其御曰：殿而在列。其爲無勇乎。羅曰：與其素厲。

寧爲無勇。仲由爲季氏宰。【詰】服虔云：仲由子路。史記集解將墮三都。【詰】服虔云：三都三家之邑。

春秋左傳 五傳

也。同上。於是叔孫氏墮。郕季氏將墮。費公山不狃、叔孫輒帥費人以襲魯。公與三子。【詁】服虔云：三子季

孫孟孫叔孫也。同上。入于季氏之宮，登武子之臺。【詁】鄆道元云：曲阜上有季氏宅，宅有武子臺，今雖奔

夷，猶高數丈。水經注。費人攻之，弗克，入及公側。【詁】服虔云：人有入及公之臺側。上仲尼命申句須、樂頤

取此。杜。下伐之，費人北，國人追之，敗諸姑蔑。二子奔齊，遂墮。費將墮，成公斂處父

謂孟孫墮，成齊人必至於北門。【詁】服虔云：公斂處父，成宰也。上且成孟氏之保障也，無成是無孟氏

也。子爲不知。釋文一本。【詁】陳樹華曰：昭十五年傳，昭伯之從弟會爲讒於臧氏，而逃於季氏，史記作

僞讒，是皆爲讀僞之證。定八年以爲公期築室於門外，杜注云：不欲使人知，故僞築室於門外。陸氏雖

音於僞反，依注似應讀爲僞也。此處傳文作爲，故杜注云：陽不知若本作僞，則無煩注矣。後人不識古

文多假借，往往改易，今據釋文定作爲，漢書郊祀志曰：問之果爲，史記封禪書作果是僞書，是又爲卽

僞之證。我將不墮。冬十二月，公圍成，弗克。

十三年春，齊侯衛侯次于垂葭，實郟氏，使師伐晉，將濟河。諸大夫皆曰：不可。郕意茲曰：史記作乘意茲可。銳師伐

河內，傳必數日而後及絳。絳不三月不能出河，則我旣濟水矣。乃伐河內，齊侯皆斂諸大夫之軒，惟郕

意茲乘軒。齊侯欲與衛侯乘，與之宴，而駕乘廣，載甲焉，使告曰：晉師至矣。齊侯曰：比君之駕也。寡人請

攝，乃介而與之乘，驅之，或告曰：無晉師，乃止。晉趙鞅謂郕午曰：歸我衛貢五百家，吾舍諸晉陽。史記

記

衛氏衛氏作【詰】服虔云往年趙鞅圍衛衛人恐懼故賈五百家鞅置之邯鄲又欲更徙之晉陽史記午許

諾歸告其父兄父兄皆曰不可衛是以爲邯鄲【詰】服虔云午之諸父兄及邯鄲中長同而實諸晉陽

絕衛之道也不如侵齊而謀之乃如之而歸之于晉陽趙孟怒召午而囚諸晉陽使其從者說劍而入

涉賓不可乃使告邯鄲人曰吾私有討於午也二三子唯所欲立遂殺午趙稷【詰】服虔云稷午子同

涉賓以邯鄲叛夏六月上軍司馬籍秦圍邯鄲邯鄲午荀寅之甥也荀寅范吉射之姻也而相與睦故

不與圍邯鄲將作亂董安于聞之戰國策作董闕安于韓非子作董闕于淮南王書作董闕於告趙孟曰先備諸趙孟曰晉國有命

始禍者死爲後可也安于曰與其害於民寧我獨死請以我說趙孟不可秋七月范氏中行氏伐趙氏

之宮趙鞅奔晉陽晉人圍之范皋夷無寵於范吉射而欲爲亂於范氏史記作范皋【詰】服虔云皋夷側室

子同梁嬰父嬖於知文子【詰】賈逵云梁嬰父晉大夫也同文子欲以爲卿韓簡子與中行文子相惡

魏襄子亦與范昭子相惡故五子謀將逐荀寅而以梁嬰父代之逐范吉射而以范皋夷代之荀躒言

於晉侯曰【詰】服虔云荀躒知文子君命大臣始禍者死載書在河今三臣始禍【詰】賈逵云范中行

趙也同而獨逐鞅刑已不鈞矣史記請皆逐之冬十一月荀躒韓不信魏曼多奉公以伐范氏中行氏

弗克史記躒作躒不信作不佞魏曼多作魏侈又作魏詰【詰】躒獻子生簡子取取生襄子多案左傳

云魏曼多是也則侈是襄子中間少簡子一代二子將伐公齊高彊曰三折肱知爲良醫惟伐君爲不

可民勿與也。我以伐君在此矣。三家未睦。可盡克也。克之。君將誰與。若先伐君。是使睦也。弗聽。遂伐公。國人助公。二子敗。從而伐之。丁未。荀寅士吉射奔朝。歌韓躄以趙氏爲請。【詁】服虔云。以其罪輕于荀范也。十二月辛未。趙鞅入于絳。盟于公宮。初。衛公叔文子朝而請享靈公。退見史鮪而告之。史鮪曰。子必禍矣。子富而君貪。罪及其子乎。文子曰。然。吾不先告子。是吾罪也。君既許我矣。其若之何。史鮪曰。無害。子臣可以免。富而能臣。必免於難。上下同之。戍也。驕其亡乎。【詁】世本衛獻公生成子當。當生文子拔。傳作發。拔生朱爲公叔氏。鄭康成云。朱春秋作戍。今考檀弓。公叔木有同母異父之昆弟。死。鄭氏注云。木當爲朱。春秋作戍。衛公叔文子之子。定公十四年奔魯。富而不驕者鮮。吾惟子之見驕而不亡者。未之有也。戍必與焉。及文子卒。衛侯始惡於公叔戍。以其富也。公叔戍又將去夫人之黨。夫人愬之曰。戍將爲亂。

十四年春。衛侯逐公叔戍。與其黨。故趙陽奔宋。戍來奔。梁嬰父惡董安于。謂知文子曰。不殺安于。使終爲政於趙氏。趙氏必得晉國。盍以其先發難也。討於趙氏。文子使告於趙孟曰。范中行氏雖信爲亂。安于則發之。是安于與謀亂也。晉國有命。始禍者死。二子既伏其罪矣。敢以告。趙孟患之。安子曰。我死而晉國寧。趙氏定。將焉用生人。誰不死。吾死莫矣。乃縊而死。趙孟尸諸市。而告於知氏曰。【石經知字下增范氏二字。非唐刻不。】主命戮罪人。安于既伏其罪矣。敢以告。知伯從趙孟盟。而後趙氏定。祀安于於廟。頓子牂欲事

晉背楚而絕陳好。二月，楚滅頓。夏，衛北宮結來奔。公叔戌之故也。吳伐越，越子句踐禦之，陳於橋

李，句踐患吳之整也，使死士【詰】賈逵云：死罪人。【史記】鄭衆云：死士欲以死報恩者也。上再禽焉，不動

使罪人三行，屬劍於頸而辭曰：「二君有治，臣奸旗鼓，不敏於君之行前，不敢逃刑，敢歸死，遂自剄也。」師

屬之目，越子因而伐之，大敗之。靈姑浮以戈擊闔廬，闔廬傷將指，取其一履，還卒於涇，去橋李七里。

【詰】案：橋李城左右水口皆名曰涇，如圖經所著風涇中涇等是也。疑古卽有是名，此傳隱或當作涇。

蓋去橋李城七里，均屬水鄉矣。夫差使人立於庭，苟出入，必謂已曰：夫差而忘越王之殺而父乎，則對

曰：唯不敢忘。三年乃報越。晉人圍朝歌，公會齊侯、衛侯於脾上梁之間，謀救范中行氏也。【諸本皆脫也字，今从

石經】增入【詰】案：地理志：東郡范縣，圖經：晉大夫士會邑。春秋莊公三十一年築臺於秦，司馬彪：郡國志曰：范縣有秦亭，地形志：東平郡與范縣俱治秦城，卽秦亭也。是范氏食邑。與魯最爲密邇，魯之助范氏亦

出於不得已。上年城莒，父及魯亦然，皆魯之西境。與范氏食邑附近之地。析城，鮒，小王，桃甲，率狄師以

襲晉，戰於絳中，不克而還。士鮒奔周，小王，桃甲入於朝歌。秋，齊侯宋公會於洮，范氏故也。衛侯爲夫

人南子召宋朝。【詰】賈逵云：南子，宋女。【史記集解】會於洮。【詰】服虔以會於洮，屬上爲義，言衛侯爲夫

人南子召宋朝，故與宋公會於洮。【本疏】天子崩，賸獻孟子齊。【史記】仲尼弟子傳作賸賸，按劇

歌之曰：既定爾婁豬，盍歸吾艾緦。【詰】說文：豬，豕而二毛叢居者，賸，牡豕也。小爾雅及鄭玄禮經注，艾

歌之曰：既定爾婁豬，盍歸吾艾緦。【詰】說文：豬，豕而二毛叢居者，賸，牡豕也。小爾雅及鄭玄禮經注，艾

老也杜本。大子羞之。謂戲陽速曰。史記速【詰】賈逵云：戲陽速，大子家臣。史記集解從我而朝少君。文

本作小君少君見我。我顧乃殺之。速曰：諾。乃朝夫人。夫人見大子，大子三顧，速不進。夫人見其色，啼而走曰：

崩。賈將殺余，公執其手以登臺。大子奔宋，盡逐其黨。故公孟彊出奔鄭，自鄭奔齊。大子告人曰：戲陽速

禍余，戲陽速告人曰：大子則禍余。大子無道，使余殺其母，余不許，將戕於余。【詰】趙岐孟子注：戕，猶殘

也。虞翻易注：戕，殺也。杜并用此。若殺夫人，將以余說，余是故許而弗為，以紓余死。諺曰：民保於信，吾以信義

也。冬十二月，晉人敗范中行氏之師於潞，獲籍秦高彊，又敗鄭師及范氏之師于百泉。【詰】案金史

地理志：衛州蘇門有百門陂，亦曰百門泉。定十四年，晉人敗鄭師及范氏之師於百泉，即百門泉矣。百

與北音相近，故或亦作北。

十五年春，邾隱公來朝，子貢觀焉。【詰】漢書五行志作子贛，師古曰：贛音貢。案說文：貢，獻功也。从貝，工聲。

贛字注云：賜也。从貝，贛省聲。子貢名賜，自應作贛。此處及哀七年十二年並作贛字。十五年已後並作

贛。蓋後人傳寫之譌耳。邾子執玉高，其容仰，公受玉卑，其容俯。子貢曰：以禮觀之，二君者皆有死亡焉。

夫禮死生存亡之體也。【詰】禮器：禮也者，猶體也。廣雅：禮體也。將左右周旋進退俯仰於是乎取之。朝

祀喪戎於是乎觀之。今正月相朝而皆不度，心已亡矣。嘉事不體，何以能久。高仰驕也，卑俯替也。驕近

亂，替近疾。君為主，其先亡乎。吳之入楚也，胡子盡俘楚邑之近胡者。楚既定，胡子豹又不事楚，曰：存

亡有命事楚何爲多取費焉。二月楚滅胡。夏五月壬申公薨。仲尼曰：賜不幸言而中，是使賜多言者也。鄭罕達敗宋師于老丘。齊侯衛侯次于蘧擊，謀救宋也。秋七月壬申，嬖氏卒，不稱夫人，不赴且不祔也。葬定公，雨不克襄事。【詰】案襄當訓舉薛綜西京賦注：襄舉也。若杜訓作成，恐非本義。禮也。葬定嬖，不稱小君，不成喪也。冬，城漆，書不時告也。

卷二十 哀公

傳

哀公元年春，楚子圍蔡，報柏舉也。里而栽。【詰】說文：栽，築墻長板也。春秋傳曰：楚圍蔡，里而栽。杜本廣丈。

高倍。夫屯晝夜九日，如子西之素。蔡人男女以辨。【詰】案士虞禮：明日以其班，祔鄭康成云：班，或作辨。

史記辨於羣神。徐廣曰：辨音班，是此辨字義當作班也。襄廿五年，男女以班，劉炫曰：哀元年，蔡人男女以辨，與此同。使疆于江汝之間而還。【詰】服虔云：蔡使楚疆於故江國與汝水之間，其意言蔡割地以

賂楚也。本疏：蔡於是乎請邊于吳。吳王夫差敗越于夫椒。【詰】賈逵云：夫椒，越地。史記案：說苑作夫湫。

湫與椒古字通。報構李也。遂入越。越子以甲楯五千保于會稽。外傳及史記：吳世家保，並作樓。越世家作保。樓於會稽國策作保於會稽之上。【詰】賈逵云：會稽山名。同地理志：會稽郡山陰，會稽山在南山。杜本：使大夫種因吳大宰嚭。【詰】高誘：淮

南王書注。大夫種。姓文氏。會稽鄞人。案誘注。呂覽又云。種。楚鄞人。今呂覽本訛鄞爲鄞。又爲鄞。並非也。錢少詹大昕亦定爲鄞人。說文。誣。大也。春秋傳吳有大宰誣。以行成。【詁】服虔云。行成。求成也。史記集解。吳

子將許之。伍員曰。不可。臣聞之。樹德莫如滋。去疾莫如盡。釋文。去疾。本又作去惡。【詁】案戰國策引作書云。樹德

莫如滋。除害莫如盡。蓋此二語。乃逸書也。與今僞泰誓不合。昔有過澆。【詁】賈逵云。過。國名也。同殺斟

灌。以伐斟鄩。【詁】賈逵云。斟灌。斟鄩。夏同姓也。夏后相依斟灌。故曰。滅夏后相也。同滅夏后相。【詁】汲

那古文云。帝相九年。居於斟灌。廿六年。寒浞使其子澆帥師滅斟灌。廿八年。寒浞使其子豷弑帝公羊

傳曰。君死於位。爲滅服虔云。夏后相啓之後。史記集解。案正義。襄四年傳云。澆用師滅斟灌。此云殺斟灌者

王肅云。滅殺也。古者滅殺。尊卑同名。后緡方娠。【詁】賈逵云。緡有仍之姓也。同說文。娠。女身動也。春秋

傳曰。后緡方娠。案漢書注。應劭曰。娠。動懷任之意。左傳曰。邑姜方娠。孟康曰。娠。音身。廣雅。娠。身也。漢書

身多作娠。古今字。詩。生民疏。引作后緡方震。郭璞爾雅注。娠。猶震也。是一本又作震。逃出自竇。歸于有

仍。古今人表。作有仍。師古曰。仍。音仍。潛夫論。引此作奔於有仍。生少康焉。【詁】服虔云。后緡遺腹子。上爲仍牧正。【詁】王肅云。牧正

牧官之長。同甚澆。【詁】小爾雅。甚。忌也。說文。甚。毒也。杜本能戒之。澆使椒求之。逃奔有虞。【詁】賈逵云。

有虞。帝舜之後。同爲之庖正。王符引以除其害。虞思於是妻之以二姚。而邑諸綸。【詁】賈逵云。綸。虞邑。

同郡國志。梁國虞縣。有綸城。少康邑。杜本有田一成。【詁】賈逵云。方十里爲成。同有衆一旅。【詁】賈逵

云五百人爲旅。同上。杜並本此。能布其德而兆其謀。【詰】趙岐孟子注兆始也。杜本此。以收夏衆。撫其官職。【詰】

服虔云。因此基業。稍收夏遺民餘衆。撫修夏之故官。靈典。同上。使女艾諜澆。王符引。【詰】說文。諜。軍中反

問也。韋昭國語注。諜。候也。杜本此。使季杼誘豷。【詰】廣雅。誘。致也。遂滅過戈。復禹之績。釋文。績一。本作迹。祀夏配

天。【詰】服虔云。以緜配天也。同上。不失舊物。【詰】賈逵云。物。職也。同上。今吳不如過。而越大於少康。或將豐

之不亦難乎。句踐能親而務施。施不失人。親不棄勞。與我同壤。而世爲仇讐。於是乎克而弗取。將又存

之。違天而長寇讐。後雖悔之。不可食已。姬之衰也。日可俟也。釋文。俟本又作埃。介在蠻夷。而長寇讐。以是求伯

必不行矣。弗聽。退而告人曰。越十年生聚。而十年教訓。【詰】服虔云。令少者無娶。老婦老者無娶。少婦

女十七不嫁。男二十不娶。父母有罪也。將生子以告。與之醫饋之餼也。死者釋其征。必哭泣葬埋。如其

子也。孺子遊之。必饋獸之也。非手所種。夫人所織。不用。十年不收於國。疏本二十年之外。吳其爲沼乎。三

月。越及吳平。吳入越。不書。吳不告慶。越不告敗也。夏四月。齊侯衛侯救邯鄲。圍五鹿。吳之入楚也。

使召陳懷公。懷公朝國人而問焉。曰。欲與楚者右。欲與吳者左。陳人從田。無田從黨。檀弓疏引。傳。陳人下多有田二字。

逢滑當公而進。曰。臣聞國之興也。以福。其亡也。以禍。今吳未有福。楚未有禍。楚未可弃。吳未可從而晉

盟主也。若以晉辭吳。若何。公曰。國勝君亡。非禍而何。對曰。國之有是多矣。何必不復。小國猶復。況大國

乎。臣聞國之興也。視民如傷。是其福也。其亡也。以民爲土芥。【詰】方言。芥。草也。廣雅同。杜本此。是其禍也。

吳志賀循傳引云國之興也視民如赤子其亡也以民爲草芥楚雖無德亦不艾殺其民吳日敵於兵暴骨如莽足利本後人記曰吳本莽上有草字而未見德焉天其或者正訓楚也禍之適吳其何日之有陳侯從之及夫差克越乃修先君之怨秋八月

吳侵陳修舊怨也齊侯衛侯會于乾侯救范氏也師及齊師衛孔圉鮮虞人伐晉取棘蒲吳師在陳楚大夫皆懼曰闔閭惟能用其民以敗我於柏舉今聞其嗣又甚焉將若之何子西曰二子恤不相睦無患吳矣昔闔廬食不二味居不重席室不崇壇器不彤鏤詁文形丹飾也鏤剛鐵可以刻鏤杜本案家語車不彫幾器不彫鏤彫一本亦作彤宮室不觀舟車不飾衣服財用擇不取費在國天

有菑癘親巡孤寡諸本巡下有其字今从石經本刪而其其乏困在軍熟食者分而後敢食詁服虔云以其半分軍士而後自食其餘若軍醪注流也本案河休公羊注分半也杜注云徧非本訓其所嘗者卒乘與焉勤恤其民而與之勞逸是以民不罷勞死知不曠吾先大夫子常易之所以敗我也今聞夫差次有臺榭

陂池焉宿有妃嬪嬪御焉一日之行所欲必成玩好必從珍異是聚觀樂是務視民如讐而用之日新夫先自敗也已說苑引作夫差先自敗已釋文云本或作夫差先自敗者非安能敗我冬十月諸本作十一月今从石經刪晉趙鞅伐朝歌

二年春伐邾將伐絞邾人愛其土故賂以漵沂之田而受盟初衛侯遊于郊子南僕詁賈逵云僕御也史記集解公曰余無子將立女不對他日又謂之對曰鄆不足以辱社稷詁服虔云鄆自謂已無德不

足以污辱社稷同上君其改圖君夫人在堂三揖在下詁服虔云三揖癩大夫士土揖庶姓時揖異姓

天揖同姓本疏鄭司農云卿大夫士皆君之所揖周禮注君命祗辱夏衛靈公卒夫人曰命公子郢爲大

子君命也對曰郢異於他子且君沒於吾手若有之郢必聞之且亡人之子輒在乃立輒六月乙酉晉

趙鞅納衛大子于戚宵迷陽虎曰右河而南必至焉【詰】水經注右河而南必至焉今頓丘衛國縣四

戚亭是也爲衛之河上邑使大子繞八人衰經僞自衛逆者【詰】服虔云衰經爲若從衛來迎大子也

史記集解告於門哭而入遂居之秋八月齊人輸范氏粟鄭子姚子般送之士吉射逆之趙鞅禦之遇于

戚陽虎曰吾車少以兵車之旆與罕駟兵車先陳罕駟自後隨而從之彼見吾貌必有懼心於是乎會

之必大敗之從之下戰龜焦樂丁曰詩曰爰始爰謀爰契我龜謀協以故兆詢可也【詰】惠士奇曰詢

宜屬上讀簡子誓曰范氏中行氏反易天明斬艾百姓欲擅晉國而滅其君寡君恃鄭而保焉今鄭爲

不道弃君助臣二三子順天明從君命經德義除詬恥在此行也克敵者上大夫受縣下大夫受郡

【詰】案今說文本引作上大夫受郡誤今考水經注引說文云故春秋傳曰上大夫縣下大夫郡可以

證今說文刻本及高誘注之失士田十萬庶人工商遂人臣隸圉免志父無罪【詰】服虔云趙鞅入晉

陽以叛後得歸改名志父春秋仍舊猶書趙鞅釋文章昭國語注志父簡子之後名也杜本君實圖之若

其有罪絞縊以戮桐棺三寸不設屬辟鄭玄禮記注作屬棹【詰】荀卿子曰罪人之葬棺槨三寸衣衾三領不得

飾棺屬辟素車樸馬【詰】荀卿子曰若取樸馬楊倞注未調習之馬無入於兆下卿之罰也甲戌將戰

郵無卹御簡子古今人表作郵亡【詁】服虔云王良也本疏衛大子爲右登鐵上水經注引傳作鐵丘文選注同【詁】京

相璠曰鐵丘名也水經注望見鄭師衆大子懼自投於車下子良授大子綬而乘之曰婦人也簡子巡

列曰畢萬匹夫也七戰皆獲有馬百乘死於牖下羣子勉之死不在寇繁羽御趙羅宋勇爲右羅無勇

麋之廣韻引【詁】說文稱素束也廣雅稱束也案福麋字同杜本吏詰之御對曰疔作而伏【詁】說文

疔有熱瘡也廣雅疔瘡也杜本衛大子禱曰曾孫蒯賾敢昭告皇祖文王烈祖康叔文祖襄公鄭勝亂

從晉午在難不能治亂使鞅討之蒯賾不敢自佚備持矛焉敢告無絕筋無折骨無面傷鄭衆周禮注引作無破骨

無面夷以集大事無作三祖羞大命不敢請【詁】晉語曰死不敢請章昭注言不敢請歸之神也佩玉不

敢愛鄭人擊簡子中肩斃于車中【詁】爾雅斃踣也鄭玄禮記注斃仆也杜本爾雅獲其蠹旗大子救之以

戈鄭師北獲溫大夫趙羅大子復伐之鄭師大敗獲齊粟千車趙孟喜曰可矣傅叟曰雖克鄭猶有知

在憂未艾也初周人與范氏田公孫龙稅焉趙氏得而獻之吏請殺之趙孟曰爲其主也何罪止而與

之田及鐵之戰以徒五百人宵攻鄭師取蠶旗於子姚之幕下獻曰請報主德追鄭師姚般公孫林殿

而射前列多死趙孟曰國無小旣戰簡子曰吾伏弣【詁】說文弣弓衣也杜本嘔血外傳作路血釋文嘔本又作嘔

【詁】廣雅嘔吐也杜本鼓音不衰今日我上也大子曰吾救主於車退敵於下我右之上也郵良曰我

兩鞞將絕吾能止之我御之上也駕而乘材兩鞞皆絕外傳作【詁】說文鞞引軸也吳泄庸如蔡納

聘而稍納師。師畢入衆知之。蔡侯告大夫殺公子駟以說。哭而遷墓。冬蔡遷于州來。

三年春齊衛圍戚。求援于中山。夏五月辛卯。司鐸火。火踰宮。桓僖災。救火者皆曰。顧府南宮敬叔至。

命周人出御書。俟於宮。曰。虬女【詰】鄭司農周禮注虬。具也。此杜本而不在。死。子服景伯至。命宰人出禮

書【詰】禮弓有子服伯子。鄭玄注云。蓋仲孫蔑之玄孫子服景伯。以待命。命不共有常刑。校人乘馬。巾

車脂轄釋文本又百官官備。府庫慎守。官人肅給。濟濡帷幕。鬱攸從之【詰】爾雅鬱。氣也。攸。所也。火氣

出之所也。惠士奇曰。襄九年奔火所意亦同。杜注不明晰。蒙葺公屋。自大廟始。外內以悛【詰】案杜訓

悛作次。無此義訓。疑當從方言。悛。改也。蓋謂內外皆改次耳。漢書公孫宏傳。有功者上。無功者下。則羣

臣逸。李奇注曰。言有次序也。悛。逸字同。助所不給。有不用命。則有常刑。無赦。公文文伯至。命校人駕乘

車。季桓子至。御公立于象魏之外。命救火者。傷人則止。財可為也。命藏象魏【詰】服虔云。象魏。闕也。法

令縣之朝。謂其書為象魏。御覽杜取此。曰。舊章不可亡也【詰】應劭風俗通引曰。舊章不可無也。案此則亡

當讀為無。陸氏無音。蓋讀如字。富父槐至曰。無備而官辦者。猶拾瀋也。高誘淮南王書注引此瀋作瀋【詰】說文瀋。汁

也。春秋傳曰。猶拾瀋也。釋名云。宋魯人皆謂汁為瀋。於是乎去表之稟。稟从石經道還公宮。孔子在陳。

聞火曰。其桓僖乎【詰】服虔云。桓僖當毀而魯祀非禮之廟。故孔子聞有火災。知其為桓僖也。史記集解。

劉氏范氏世為婚姻。莒宏事劉文公。故周與范氏。趙鞅以為討。六月癸卯。周人殺莒宏【詰】莊子外篇

祛篋裏宏施釋文崔云讀若拖或作施字施裂也韓非子難言篇亦云裏宏分施淮南王書裏宏裂裂而死一云車裂而死司馬云施剔也一云剝腸曰施案崔本或作施字裏二十七年國人施公孫有山氏義當同雜篇外物又云裏宏死於蜀藏其血三年而化爲碧

秋季孫有疾命正常曰無死南孺子之子男也則以告而立之女也則肥也可季孫卒康子卽位既葬康子在朝南氏生男正常載以如朝告曰夫子有遺言命其圉臣曰南氏生男則以告於君與大夫而立之今生矣男也敢告遂奔衛康子請退公使共劉視之則或殺之矣乃討之召正常【詁】服虔云召而問兒死意本正常不反冬十月晉趙鞅圍朝歌師于其南荀寅伐其郛【詁】說文郛郭也使其徒自北門入已犯師而出癸丑奔郟十一月趙鞅殺士臯夷惡范氏也

四年春蔡昭侯將如吳諸大夫恐其又遷也承【詁】詩毛傳承止也案易繫辭傳云小人不威不懲字亦

作承廣雅懲恐也蓋諸大夫懲前事欲止其行耳二義並通杜注云承音懲反覺迂曲公孫翩逐而射

之入於家人而卒以兩矢門之衆莫敢進文之錯後至曰如牆而進多而殺二人錯執弓而先翩射之

中肘錯遂殺之故逐公孫辰而殺公孫姓公孫盱盱从釋文石經改正夏楚人既克夷虎乃謀北方左司馬販

申公壽餘葉公諸梁致蔡於負函致方城之外於繪關曰吳將沂江入郢【詁】三倉逆流行水曰沂經

音義杜將奔命焉爲一昔之期【詁】廣雅昔夜也穀梁日入至於星出謂之昔襲梁及覆【詁】服虔云

梁霍周南鄙也。水經注京相璠曰：霍陽山在周平城東南。同上杜

地司馬起豐析。註京相璠曰：南鄉浙縣有故豐鄉。春秋所謂豐析也。水經注郡國志：南陽郡析有豐鄉

城。杜同與狄戎以臨上洛。註地理志：宏農郡上洛，禹貢洛水出冢嶺山。左師軍於苑和，右師軍於倉

野。註水經注：丹水自倉野又東，歷苑和山。即春秋所謂左司軍於苑和，右師軍於倉野者也。使謂陰

地之命大夫士蔑曰：晉楚有盟。水經注引作好惡同之。若將不廢寡君之願也。不然，將通於少習以聽

命。註京相璠曰：楚通上洛，阨道也。水經注案水經注：丹水出商縣東南，流注歷少習武關。案此則少習

非即武關，乃商洛中之阨道耳。京相璠說甚明。杜注誤。士蔑請諸趙孟。趙孟曰：晉國未寧，安能惡於楚。

必速與之。士蔑乃致九州之戎，將裂田以與蠻子而城之。且將爲之卜。蠻子聽卜，遂執之。與其五大夫

以畀楚師于三戶。註服虔云：三月，漳水津也。史記正義竹書紀年：壬寅，孫何侵楚，入三月，鄆道元云：春

秋之三月矣。司馬致邑，立宗焉，以誘其遺民而盡俘以歸。秋七月，齊陳乞弦施衛寧跪救范氏。庚午

圍五鹿。九月，趙鞅圍邯鄲。冬十一月，邯鄲降。荀寅奔鮮虞。趙稷奔臨。十二月，弦施逆之。遂墮臨。國夏伐

晉，取邢任欒鄆。註地理志：趙國襄國故邢國也。廣平國任。師古曰：本晉邑。常山郡關。案後漢改欒城

縣。鄆，世祖卽位，改名高邑。說文：鄆，常山縣。逆時，陰人孟壺口。註地理志：太原郡孟晉大夫孟丙邑。上

黨郡壺關。案逆時當卽漢曲逆縣。水經注引左傳亦作曲逆。云中山曲逆也。會鮮虞，納荀寅于柏人。

【詁】地理志趙國柏人師古曰本晉邑。

五年春晉圍柏人荀寅士吉射奔齊初范氏之臣王生惡張柳朔【詁】墨子所染髡范吉射染於長柳朔

王勝惠棟曰王勝卽王生也古張字省作長見楚相孫叔敖碑言諸昭子使爲柏人昭子曰夫非而讐

乎對曰私讐不及公好不廢過惡不去善義之經也臣敢違之及范氏出張柳朔謂其子爾從主勉之

我將止死王生授我矣吾不可以僭之遂死于柏人夏趙鞅伐衛范氏之故也遂圍中牟齊燕姬

生子不成而死【詁】服虔云燕姬齊景公嫡夫人昭七年燕人所歸不成未冠也御覽諸子鬻嬖之子茶

嬖【詁】服虔云諸子諸公子鬻嬖景公妾也淳于人所納女茶安孺子同晏子春秋淳于人納女于景

公生孺子茶史記景公寵妾芮姬生子茶田完世家作芮子案惠氏云淳于人未詳所出豈未見晏子

耶諸大夫恐其爲大子也言於公曰君之齒長矣未有天子若之何【詁】服虔本上無大字爲子爲大

子也茶少故恐立之言君長未有天子一旦不讎當若之何欲其早立長也上同公曰二子間於憂虞

則有疾疾亦姑謀樂何憂於無君【詁】服虔云言二子當國家閒暇無憂虞惟恐疾灰在其間今無

疾疾何不自謀自樂何憂無君乎公疾使國惠子高昭子立茶【詁】服虔云國惠子國景之子國夏也

高昭子高姬之子高張也上同案今本作高偃實羣公子於萊或作諸【詁】服虔云實置萊齊東鄙邑欲

使遠齊同上及史記集解杜取此秋齊景公卒冬十月公子嘉作壽公子駒公子黔奔衛公子鉏作駟公子陽生來

奔萊人歌之曰景公死乎不與埋

史記三不皆作弗

三軍之事乎不與謀之乎

史記無何師乎師乎何黨之乎史記何

【詰】服虔云萊人見五公子遠逐鄙邑不得與景公葬埋之事及國三軍之謀故慙而歌師衆也黨所

也言公子徒衆何所適也史記集解杜取此

鄭駟秦富而侈嬖大夫也而常陳卿之車服於其庭鄭人惡而

殺之子思曰詩云不解于位民之攸斃

諸本作斃非

不守其位而能久者鮮矣商頌曰不僭不濫不敢怠皇

詩作

命以多福【詰】案此約詩意言之故與詩本文不同

六年春晉伐鮮虞治范氏之亂也吳伐陳復修舊怨也楚子曰吾先君與陳有盟不可以不救乃救陳

師于城父

齊陳乞僞事高國者每期必驕乘焉

史記驕作參

所從必言諸大夫曰彼皆偃蹇【詰】廣雅偃

蹇天擡也王逸楚詞章句偃蹇高貌將弃子之命皆曰高國得君必偏我盍去諸固將謀子子早圖之

圖之莫如盡滅之需事之下也及朝則曰彼虎狼也見我在子之側殺我無日矣請就之位又謂諸大

夫曰二子者禍矣特得君而欲謀二三子曰國之多難貴寵之由盍去之而後君定既成謀矣盍及其

未作也先諸作而後悔亦無及也大夫從之夏六月戊辰陳乞鮑牧及諸大夫以甲入于公宮昭子聞

之與惠子乘如公戰于莊敗國人追之國夏奔莒遂及高張晏圉弦施來奔【詰】服虔云圍晏嬰之子

同

秋七月楚子在城父將救陳卜戰不吉卜退不吉王曰然則死也再敗楚師不如死奔盟逃讐亦

不如死死一也其死讐乎命公子申爲王不可則命公子結亦不可則命公子啓五辭而後許

釋文辭本又作

辨說文辨不受也受將戰王有疾庚寅昭王攻大冥卒于城父子闔退曰君王舍其子而讓羣臣敢忘

辛宜辨也辭繼文君乎從君之命順也立君之子亦順也二順不可失也與子期子西謀潛師閉塗史記作伏師閉塗徐廣曰塗一作壁陸榮

附注曰列女傳亦逆越女之子章詁服虔云閉塗不通外使也越女昭王之妾史記集解立之而後

作壁壁軍壘也遠是歲也有雲如衆赤鳥夾日以飛三日說苑引作有雲如飛鳥夾日而飛楚子使問諸周大史說苑引作楚子乘駟東而問諸太史州黎

【詁】鄭司農云太史主天道周禮服虔云諸侯皆有太史主周所賜典籍故曰周太史一曰是時往問

周太史本疏周大史曰其當王身乎若禱之可移於令尹司馬王曰除腹心之疾而實諸股肱何益不穀

不有大過天其夭諸有罪受罰又焉移之遂勿禱初昭王有疾卜曰河爲祟王弗祭大夫請祭諸郊王

曰三代命祀祭不越望詁服虔云謂所受王命祀其國中山川爲望史記集解江漢睢漳楚之望也詁

案家語作沮漳文選注云睢與沮通地理志南郡臨沮漳水所出東至江陵入陽水陽水入河應劭曰

沮水出漢中郡房陵東入江禍福之至不是過也不穀雖不德河非所獲罪也遂弗祭孔子曰楚昭王

知大道矣其不失國也宜哉夏書曰惟彼陶唐帥彼天常釋文或作天道非有此冀方今失其行亂其紀綱乃

滅而亡詁賈服孫杜皆不見古文以爲逸書解爲夏桀之時惟王肅云太康時也本逸書滅亡謂夏

桀也本疏五案杜注取此黃仲元云服虔釋左傳之文以亂其紀綱爲桀時今考孔氏正義據梅賾偽

書博學如陸德明亦未嘗察高誘淮南王書注云冀九州中謂今四海之內又曰允出茲在茲由已率

常可矣。八月，齊邴意茲來奔。陳僖子史記作田釐子使召公子陽生。【詰】賈逵以傳文相連，爲遺意。茲來召，

又怪其日月錯謬。云其說未聞。本疏陽生駕而見南郭且子曰：嘗獻馬於季孫，不入於上乘，故又獻此。請

與子乘之，出萊門而告之，故闕止知之。戰國策引作監止史記同【詰】史記田完世家云：子我者，監止之宗人也。惡

士奇曰：呂覽以闕止爲宰予，高誘云：宰予字子我。史記亦言宰我與田常作亂，皆秦漢人相傳之語。未

必然也。先待諸外，公子曰：事未可知。反與壬也。處戒之，遂行。速夜至於齊，國人知之。僖子使子士之母

養之，與饋者皆入。冬十月丁卯，立之，將盟。鮑子醉而往，其臣差車鮑點曰：此誰之命也？陳子曰：受命於

鮑子，遂誣鮑子曰：子之命也。鮑子曰：女忘君之爲孺子牛而折其齒乎？而背之也。悼公稽首曰：吾子奉

義而行者也。若我可不必亡一大夫？若我不可不必亡一公子？義則進，否則退，敢不惟子是從。廢興無

以亂，則所願也。鮑子曰：誰非君之子？乃受盟，使胡姬以安孺子如賴。史記漢書並作晏孺子【詰】郡國

志濟南郡管縣有賴亭，去鬻婁，殺王甲，拘江說，囚王豹于句竇，子丘公使朱毛告於陳子曰：微子則不

及此，然君異於器，不可以二器。二不置，君二多難，敢布諸大夫。僖子不對而泣曰：君舉不信羣臣乎？以

齊國之困，困又有憂，少君不可以訪，是以求長君，庶亦能容羣臣乎？不然，夫孺子何罪？毛復命，公悔之。

毛曰：君大訪於陳子，而圖其小可也。使毛遷孺子於駘。【詰】賈逵云：駘，齊邑。史記集解不至，殺諸野幕之下。

葬諸父冒淳。

七年春宋師侵鄭。鄭叛晉故也。晉師侵衛，衛不服也。夏公會吳于郟。吳來徵百宰，子服景伯對曰：「先王未之有也。」吳人曰：「宋百宰我，魯不可以後宋。且魯宰晉大夫過十，吳王百宰，不亦可乎？」景伯曰：「晉范鞅貪而棄禮，以大國懼敝邑，故敝邑十一宰之。君若以禮命於諸侯，則有數矣。若亦棄禮，則有淫者矣。」

【詁】孔安國書傳：淫，過也。社本周之王也。制禮上物，不過十二。【詁】賈逵云：周禮王令諸侯享禮十有

二宰。上公九宰，侯伯七宰，子男五宰。史記集解以爲天之數也。今弃周禮，而曰必百宰，亦惟執事。吳人勿

聽。景伯曰：「吳將亡矣，兼天而背本，不與必棄疾於我，乃與之。」大宰嚭召季康子，康子使子貢辭。太宰嚭

曰：「國君道長，而大夫不出門，此何禮也？」對曰：「豈以爲禮，畏大國也。大國不以禮命於諸侯，苟不以禮，豈

可量也？寡君既共命焉，其老豈敢弃其國。」大伯端委以治周禮。周禮後漢書注引傳治並作持。【詁】王肅云：委，貌之冠

元端之衣也。本疏仲雍嗣之，斷髮文身，羸以爲飾。【詁】說文：羸，租也。案說文羸，或从果，故今本轉作羸。濟

夫論又引作保，今考釋文，羸本又作保，蓋本此。豈禮也哉？有由然也。反自郟，以吳爲無能爲也。季康

子欲伐邾，乃饗大夫以謀之。子服景伯曰：「小所以事大，信也。大所以保小，仁也。背大國不信，伐小國不

仁。民保於城，城保於德，失二德者，危將焉保？」孟孫曰：「二三子以爲何如？」惡賢而逆之。對曰：「禹合諸侯於

塗山。水經注引合【詁】地理志：九江郡當塗，應劭曰：禹所娶塗山國也。有禹墟。杜本執玉帛者，萬國

【詁】案水經注，以塗山爲卽山陰之會稽山。譏杜爲誤，但引國語：吳伐越爲吳伐楚，則道元失之。今其

存者無數十焉。惟大不字小。小不事大也。知必危。何故不言【詰】服虔以二句亦爲孟孫之言。謂諸大

夫誠共知伐邾必危。何故不早言也。疏本魯德如邾。而以衆加之。可乎。不樂而出。秋伐邾。及范門。猶聞鐘

聲。大夫諫不聽。茅成子請告於吳。不許。曰。魯擊柝聞於邾。吳二千里。不三月不至。【詰】鄭司農云。柝。戒

者所擊也。周禮疏何及於我。且國內豈不足。成子以茅叛。【詰】郡國志。山陽郡高平侯國。有茅鄉城。杜同

師遂入邾。處其公宮。衆師晝掠。邾衆保于繹。【詰】地理志。魯國鸛嶺山在北。案釋澤古字同。杜同師宵

掠。以邾子益來。獻于臺社。囚諸負瑕。【詰】應劭曰。負瑕。在瑕丘縣西南。水經注杜本此。負瑕故有繹。邾茅夷鴻

以束帛乘韋。自請救于吳。曰。魯弱晉而遠吳。馮恃其衆。而背君之盟。辟君之執事。以陵我小國。邾非敢

自愛也。懼君威之不立。君威之不立。小國之憂也。若夏盟於鄆。衍秋而背之。成求而不達。四方諸侯。其

何以事君。且魯賦八百乘。君之貳也。邾賦六百乘。君之私也。以私奉貳。惟君圖之。吳子從之。宋人圍

曹。鄭桓子思曰。宋人有曹。鄭之患也。不可以不救。冬。鄭師救曹。侵宋。初。曹人或夢衆君子。【詰】服虔云。

衆君子。諸國君。杜本立于社宮。【詰】賈逵云。社宮。社也。史記集解鄭衆云。社宮中有室屋者。上而謀亡曹。

曹叔振鐸請待公孫彊許之。旦而求之。曹無之。戒其子曰。我死。爾聞公孫彊爲政。必去之。及曹伯陽卽

位。好田弋。曹鄙人公孫彊好弋。獲白雁。獻之。且言田弋之說。說之。因訪政事。大說之。有寵。使爲司城。以

聽政。夢者之子。乃行彊言。霸說於曹伯。曹伯從之。乃背晉而好宋。【詰】服虔云。以小加大。水經注宋人伐

之。晉人不救。築五邑於其郊。曰黍丘。揖丘。大城鍾邗。

八年春。宋公伐曹。將還。褚師子肥殿。曹人詬之。不行。師待之。公聞之。怒。命反之。遂滅曹。執曹伯陽。

諸本脫陽字。從石經增。及司城彊以歸。殺之。吳爲邾故。史記作驕。又作鄒。索隱云。驕與鄒通。將伐魯。問於叔孫輒。叔孫輒對曰。魯有名而

無情。伐之。必得志焉。退而告公。公不狃。公山不狃曰。非禮也。君子違。不適讎國。【詁】案後漢書袁紹傳

曰。且君子違難。不適讎國。注引左傳公山不狃曰。君子違難。不適讎國。注中難字。蓋涉漢書本文而誤

也。未臣而有伐之。奔命焉。死之可也。所託也。則隱且夫人之行也。不以所惡廢鄉。今子以小惡而欲覆

宗國。不亦難乎。若使子率。子必辭。王將使我。子張疾之。王問於子泄。對曰。魯雖無與立。必有與斃。諸侯

將救之。未可以得志焉。晉與齊楚輔之。是四讐也。夫魯齊晉之脣。脣亡齒寒。君所知也。不救何爲。三月

吳伐我。子泄率。故道險。從武城。初。武城人或有因於吳。竟田焉。拘鄆人之漚菅者。曰。【詁】說文。漚。久漚

也。惠棟曰。鄭康成注。考工記。引作漚菅。釋文。漚。烏豆反。與漚同。是漚爲古文漚也。何故使吾水滋。【詁】

說文。滋。黑也。从二元。春秋傳曰。何故使吾水滋。案石經及諸刻本。並作滋。陸氏不引說文。但言字林云

黑也。或字林作滋。及吳師至。拘者道之。以伐武城。克之。王犯嘗爲之宰。澹臺子羽之父好焉。國人懼。懿

子謂景伯。若之何。對曰。吳師來。斯與之戰。何患焉。且召之而至。又何求焉。吳師克東陽而進。舍于五梧。

明日。舍於蠶室。公賓庚公甲。叔子與戰于夷。獲叔子與。析朱鉏。獻于王。王曰。此同車。必使能。國未可望

也。未臣而有伐之。奔命焉。死之可也。所託也。則隱且夫人之行也。不以所惡廢鄉。今子以小惡而欲覆

也明日舍於庚宗。

諸本於作子。从石經訂正。

遂次於泗上。微虎欲宵攻王舍。私屬徒七百人。三踊於幕庭。卒三百人。

有若與焉。及稷門之內。或謂季孫曰。不足以害吳。而多殺國士。不如已也。乃止之。吳子聞之。一夕三遷。

吳人行成。將盟。景伯曰。楚人圍宋。易子而食。析骸而爨。猶無城下之盟。我未及虧。而有城下之盟。是弃

國也。吳輕而遠。不能久。將歸矣。請少待之。弗從。景伯負載造於萊門。【詰】鄭玄詩箋云。載猶載也。惠棟

曰。劉炫以負載爲負載器物。說較杜爲是。乃請釋子服。何於吳。吳人許之。以王子姑曹當之。而後止。吳

人盟而還。齊悼公之來也。季康子以其妹妻之。卽位而逆之。季魴侯通焉。女言其情。弗敢與也。齊侯

怒。夏五月。齊鮑牧帥師伐我。取譚及闌。或譖胡姬於齊侯。曰。安孺子之黨也。六月。齊侯殺胡姬。齊

侯使如吳。請師。將以伐我。乃歸邾子。邾子又無道。吳子使大宰子餘討之。囚諸樓臺。梏之以棘。【詰】

文。梏以柴木。壘也。从木存聲。本又作存。杜本廣雅。梏。梏也。梏。今作籬字。使諸大夫奉太子革以爲政。

秋。及齊平。九月。臧賓如。如齊。洩盟。齊閭丘明來洩盟。且逆季姬。以歸。嬖鮑牧。又謂羣公子曰。使女有馬

千乘乎。公子慤之。公謂鮑子。或譖子。子姑居於潞。以察之。若有之。則分室以行。若無之。則反子之所出

門。使以三分之一行。半道。使以二乘。及潞。糜之以入。遂殺之。冬十二月。齊人歸譚及闌。季姬嬖故也。

九年春。齊侯使公孟綽辭師于吳。釋文。綽本又作卓。同。吳子曰。昔歲寡人聞命。今又革之。不知所從。將進受命於君。

鄭武子賸之。嬖許瑕。求邑。無以與之。請外取許之。故圍宋雍丘。宋皇瑗圍師。每日遷舍。壘合。鄭師

哭子姚救之大敗。二月甲戌，宋取鄭師于雍丘，使有能者無死。以邾張與鄭羅歸。夏，楚人伐陳，陳卽吳故也。宋公伐鄭。秋，吳城邗，溝通江淮。【詁】地理志：廣陵國江都，渠水首受江北，至射陽湖，水經

注：昔吳將伐齊，北霸中國，自廣陵城東南築邗城，城下掘深溝，謂之韓江，亦曰邗溟溝，自江北通射陽湖，西北至末口入淮。晉趙鞅卜救鄭，遇水適火。【詁】服虔云：兆南行，適火，卜法，橫者爲土，立者爲水。

邪向徑者爲金，背徑者爲火，因兆而細曲者爲水。本疏：占諸史趙史墨史龜。史龜曰：是爲沈陽，可以興兵。

利以伐姜，不利子商。伐齊則可，敵宋不吉。史墨曰：盈水名也。子水位也。名位敵，不可干也。炎帝爲火師，姜姓其後也。水勝火，伐姜則可。史趙曰：是謂如川之滿，不可游也。鄭方有罪，不可救也。救鄭則不吉，不知其他。陽虎以周易筮之，遇泰_{三三}之需_{三三}。曰：宋方吉，不可與也。微子啓帝乙之元子也。宋鄭甥舅也。社祿也。若帝乙之元子歸妹而有吉祿，我安得吉焉。乃止。冬，吳子使來儆師伐齊。【詁】說文：儆，戒也。

十年春，邾隱公來奔，齊甥也。故遂奔齊。公會吳子邾子邾子伐齊南鄙，師於郟。齊人弑悼公，赴於師。吳

子三日哭于軍門之外。【詁】服虔云：諸侯相臨之禮。史記集解：徐承帥舟師將自海入齊，齊人敗之。吳師乃

還。夏，趙鞅帥師伐齊，大夫請卜之。趙孟曰：吾卜於此起兵，事不再令，卜不襲吉。【詁】廣雅云：襲，重也。

杜本行也。於是乎取犂及轄。【詁】京相璠曰：濟南梁鄒縣有袁水者也。水經：毀高唐之郭，侵及賴而還。

【詰】服虔云：穎，齊邑。史記集解

秋，吳子使來復傲師。

冬，楚子期伐陳，吳延州來季子救陳，謂子期曰：二

君不務德而力爭諸侯，民何罪焉？我請退，以爲子名，務德而安民，乃還。

十一年春，齊爲郟故，國書高無丕帥師伐我，及清。諸本丕皆作平，依此傳改。【詰】郡國志：齊北盧縣有清亭。杜同季孫

謂其宰冉求曰：齊師在清，必魯故也。若之何？求曰：一子守，二子從，公御諸竟。御字從釋文改。季孫曰：不能求曰：

居封疆之間，季孫告二子，二子不可求，曰：若不可，則君無出一子帥師，背城而戰，不屬者，非魯人也。魯

之羣室，衆於齊之兵車，一室敵車，優矣。子何患焉？二子之不欲戰也，宜。宜字下石經旁增哉字，係後人所加，不可從。政在季

氏，當子之身，齊人伐魯而不能戰，子之恥也。大不列於諸侯矣。季孫使從於朝，俟於黨氏之溝。武叔呼

而問戰焉，對曰：君子有遠慮，小人何知？懿子強問之，對曰：小人慮才而言，量力而共者也。武叔曰：是謂

我不成丈夫。釋文：丈夫，或作大夫，非是。也。退而蒐乘，孟孺子泄帥右師，顏羽御，邴泄爲右，冉求帥左師，管周父御，樊

遲爲右，季孫曰：須也弱，有子曰：【詰】劉攽《春秋權衡》曰：案有子，當作子有。子有者，冉求字也。仲尼門人

字多云子某者，不得云有子也。傳寫誤之矣。就用命焉。季氏之甲七千，冉有以武城人三百爲已徒卒。

老幼守宮，次于罈門之外。五日，右師從之。公叔務人。家語作公叔務人，遇人入保，負杖而息。禮記：檀弓

近聲轉。見保者而泣，曰：事充政重，上不能謀，士不能死，何以治民？吾既言之矣，敢不勉乎？師及齊師戰

于郊。禮記作戰於郎。齊師自稷曲，師不踰溝。樊遲曰：非不能也，不信子也。請三刻而踰之。如之。衆從之。師入齊。

軍右師奔齊師從之陳瓘陳莊涉泗孟之側後入以爲殿抽矢策其馬曰馬不進也【詁】案孟之側字

反與楚大夫子反名側同林不狃之伍曰走乎不狃曰誰不如曰然則止乎不狃曰惡賢徐步而死師

獲甲首八十齊人不能師宵謀曰齊人遁冉有請從之三季孫弗許孟孺子語人曰我不如顏羽而賢

於邠泄子羽銳敏【詁】高誘戰國策注銳精也毛詩傳敏疾也【杜本】我不欲戰而能默【釋文本】

之公爲與其嬖僮汪錡乘皆死皆殲【禮記作與其鄰童汪錡往皆死焉】孔子曰能執干戈以衛社稷可無殤也冉有用

矛於齊師故能入其軍孔子曰義也夏陳轅頗出奔鄭初轅頗爲司徒賦封田以嫁公女有餘以爲

已大器國人逐之故出道渴其族轅咺進稻醴梁糗股脯焉【釋文股亦作鍛案當作鍛】【詁】說文糗熬米麥也脯乾

肉也喜曰何其給也對曰器成而具曰何不吾諫對曰懼先行爲郊戰故公會吳子伐齊五月克博

壬申至於贏【詁】地理志博縣贏縣並屬泰山郡【杜本】中軍從王胥門巢將上軍王子姑曹將下軍展

如將右軍齊國書將中軍高無丕將上軍宗樓將下軍陳僖子謂其弟書爾死我必得志宗子陽與閻

上明相厲也桑掩胥御國子公孫夏曰二子必死將戰公孫夏命其徒歌虞殯【詁】賈逵云虞殯

歌詩本疏【杜】陳子行命其徒具含玉【釋文本又作哈】公孫揮命其徒曰人尋約【詁】詩毛傳八尺曰尋

【杜本】吳髮短東郭書曰三戰必死於此三矣使問弦多以琴曰吾不復見子矣陳書曰此行也吾聞鼓

而已不聞金矣甲戌戰于艾陵展如敗高子國子敗胥門巢王卒助之大敗齊師獲國書公孫夏閻上

明陳書東郭書革車八百乘甲首三千以獻于公。將戰，吳子呼叔孫曰：「而事何也？」對曰：「從司馬王賜之甲劍，鉞曰：『奉爾君事，敬無廢命。』叔孫未能對，衛賜進曰：『州仇奉甲從君而拜，公使大史固歸國子之元，寘之新篋，製之以元纁。』」釋文別本無之字。【詰】說文：製，衽衣也。案杜注：製，薦也。未知何據。加組帶焉。寘書於其

上曰：「天若不識不衷，何以使下國？」吳將伐齊，越子率其衆以朝焉。王及列士皆有饋賂。吳人皆喜，惟

子胥懼曰：「是象吳也夫。」【詰】服虔云：象，養也。穀食曰象。杜取此。諫曰：「越在我心腹之疾也。壤地同而有欲

於我。」【詰】呂覽載子胥語曰：「夫吳之與越，接土隣境，壤交通屬，習俗同，言語通，我得其地能處之，得其

民能使之，越於我亦然。夫其柔服，求濟其欲也，不如早從事焉。得志於齊，猶獲石田也。」【詰】王肅云：石

田不可耕。史記集解杜取此。無所用之，越不爲沼。吳其泯矣。使醫除疾，而曰：「必遺類焉者，未之有也。」盤庚之誥

曰：「其有顛越不共。」【詰】服虔云：顛，隕也。越，墜也。顛越無道，則割絕無遺也。同上。則劓殄無遺育，無俾易種

于茲邑。【詰】孔安國書傳：劓，割也。殄，絕也。育，長也。俾，使也。杜本此。是商所以與也。今君易之，將以求大，不

亦難乎弗聽。使於齊，屬其子於鮑氏。爲王孫氏。【詰】服虔云：鮑氏，齊大夫。同上。案史記說苑吳越春秋並

云：吳王使子胥於齊，子胥屬其子於齊鮑氏，而還報吳，是則子胥實身自使齊。杜注私使人至齊之說，

非也。反役，王聞之，使賜之屬鏹以死。【詰】服虔云：屬鏹，劍名。賜使自刎。同上。案荀子成相篇：劉而獨鹿棄

之江，宥坐篇又云：子胥磔姑蘇東門外，案屬鏹獨鹿音同。吳語盛以鷗夷而投之江。賈逵云：鷗夷，革囊

也。將死曰樹吾墓。檟史記檀作梓。檟家列傳並同。檟可材也。吳其亾乎。三年其始弱矣。盈必毀。天之道也。秋。季孫

命修守備。曰小勝大禍也。齊至無日矣。冬。衛大叔疾出奔宋。初疾娶於宋子朝。其嫡嬖。子朝出。孔文

子使疾出其妻而妻之。【詁】服虔云。孔文子衛卿也。上疾使侍人誘其初妻之嫡。寘於犁而爲之一宮。

如二妻。文子怒。欲攻之。仲尼止之。遂奪其妻。或淫于外州。外州人奪之。軒以獻。恥是二者。故出。衛人立

遺使室孔結。疾臣向魍。納美珠焉。與之城。鉏宋公求珠。魍不與。由是得罪。及桓氏出。城鉏人攻大叔疾。

衛莊公復之。使處巢。死焉。殯於鉏。葬於少禘。初。晉悼公子懋釋文。懋作整。亾在衛。使其女僕而田。大叔懿子

止而飲之酒。遂聘之。生悼子。悼子卽位。故夏戊爲大夫。悼子亡。衛人翦夏戊。孔文子之將攻大叔也。訪

於仲尼。仲尼曰。胡篋之事。則嘗學之矣。【詁】賈逵服虔等注並云。夏曰胡。本疏。杜禮記。明堂位。周之八

簋。甲兵之事。未之聞也。退命駕而行。曰。烏則擇木。木豈能擇鳥。【詁】服虔云。鳥喻己。木以喻所之之國。

史記集解。杜注上句取此。文子遽止之。曰。圉豈敢度其私。訪衛國之難也。家語。訪將止。魯人以幣召之。乃歸。季孫

欲以田賦。【詁】賈逵以爲欲令一井之間。出一丘之稅。井別出馬一匹。牛三頭。本疏。使冉有訪諸仲尼。仲

尼曰。丘不識也。三發卒。曰。子爲國老。待子而行。若之何。子之不言也。仲尼不對。而私於冉有。曰。君子之

行也。度於禮。施取其厚。事舉其中。斂從其薄。如是。則以丘亦足矣。若不度於禮。而貪冒無厭。則雖以田

賦。將又不足。且子季孫若欲行而法。則周公之典在。若欲苟而行。又何訪焉。弗聽。

十二年春王正月用田賦。夏五月昭夫人孟子卒。昭公娶于吳，故不書姓。死不赴，故不稱夫人。不反哭。

故不言葬小君。孔子與弔，適季氏。季氏不綏，放經而拜。公會吳于橐臯。吳子使大宰嚭請尋盟。【詰】

賈逵云：尋，溫也。論語案言尋盟者，以前盟已寒，更溫之使熱。杜取服說，言尋之言重也。義亦通然。賈義疏。

爲長矣。公不欲，使子貢對曰：盟所以周信也，故心以制之。玉帛以奉之，言以結之。明神以要之。寡君以

爲苟有盟焉，弗可改也。已若猶可改，日盟何益？今吾子曰：必尋盟，若可尋也，亦可寒也。【詰】服虔云：尋

之言重也。溫也。寒，歇也。亦可寒而歇之。儀禮疏禮記疏案儀禮有司徹篇，乃執爨尸。鄭注云：古文，燄或

作尋，記或作燄。春秋傳曰：若可燄也，亦可寒也。賈疏云：大記或作燄者，案郊特牲云：血腥爛祭用氣也。

注云：爛或作燄。又引服注云云。杜注本諸服氏，惟尋有溫義。杜所未取，鄭引傳直作燄字，則漢人訓如

此。與下文寒字對也。乃不尋盟。吳徵會于衛，初衛人殺吳行人且姚而懼，謀於行人子羽。子羽曰：吳

方無道，無乃辱吾君，不如止也。子木曰：吳方無道，國無道，必弃疾於人。吳雖無道，猶足以患衛。往也。長

木之斃，無不標也。【詰】說文：標，擊也。廣雅同。杜本此。國狗之瘕，無不噬也。【詰】說文：噬，啗也。廣雅：噬

，齧也。案杜注本廣雅，而況大國乎。秋，衛侯會吳于郟，公及衛侯，宋皇瑗盟，而卒辭吳盟。吳人藩衛侯之

舍。【詰】鄭玄周禮注：藩，盾也。可以藩衛者，如今之扶蘇與。案杜注雖本廣雅，然究不若鄭義爲得其實。

子服景伯謂子貢曰：夫諸侯之會，事既畢矣。侯伯致禮，地主歸餼。【詰】服虔云：致，實禮於地主。本疏以相

辭也。今吳不行禮於衛，而藩其君舍以難之。子盍見大宰嚭，諸本無嚭字。今从石經增。乃請束錦以行，語及衛故。大

宰嚭曰：「寡君願事衛君，衛君之來也緩，寡君懼，故將止之。子貢曰：『衛君之來，必謀於其衆。其衆或欲或

否，是以緩來。其欲來者，子之黨也。其不欲來者，子之讐也。若執衛君，是墮黨而崇讐也。』」韋昭國語

注：墮，毀也。此杜本。夫墮子者，得其志矣。且合諸侯而執衛君，誰敢不懼？墮黨崇讐，而懼諸侯，或者難以霸

乎？大宰嚭說，乃舍衛侯，衛侯歸，效夷言。子之尚幼，曰：「君必不免，其死於夷乎？執焉而又說其言，從之固

矣。」冬十二月，蠡季孫問諸仲尼，仲尼曰：「丘聞之，火伏而後蟄者畢，今火詁毛詩傳：火，大火也。此杜本

猶西流，司曆過也。」宋鄭之間，有隙地焉，曰：「彌作頃丘，玉暢岳戈錫。」詁案郭忠恕佩麟語，岳二字注

云：上五咸翻，山高貌。下尼輒反。地名，則當讀作姦，僖元年次於姦北。說文引作岳北，或岳姦古字通。集

韻，岳逆吸切音岌，地名。春秋取宋師於岳，據此則姦爲岳之誤審矣。今定作岳字，下皆同。子產與宋人

爲成，曰：「勿有是。」及宋平元之族自蕭奔鄭，鄭人爲之城，岳戈錫。九月，宋向巢伐鄭，取錫，殺元公之孫，遂

圍岳。十二月，鄭罕達救岳，丙申，圍宋師。

十三年春，宋向魍救其師。鄭子臆使徇曰：「得桓魋者有賞，魋也逃歸，遂取宋師于岳，獲成，謹郟延。」詁說

文：鄭，周文王子所封國。案春秋時，郟屬宋，延，蓋郟邑大夫也。以六邑爲虛。夏，公會單平公晉定公

吳夫差于黃池。六月，丙子，越子伐吳，爲二隧。詁顧炎武云：隧，卽古隧字。吳語，句踐命范蠡、古庸率

師沿海派淮以襲吳。蓋越兵入吳一襲淮。一派江。所謂二隧也。戰國策呂氏春秋淮南王書皆作千隧。千隧地無考。疑二隧之誤。疇無餘謳陽自南方先及郊。吳大子友王子地王孫彌庸壽於姚自泓上觀之。彌庸見姑蔑之旗。曰【詰】都國志會稽郡姑末劉昭注左傳爲姑蔑杜同吾父之旗也。不可以見讐而弗殺也。大子曰戰而不克。將以國請待之。彌庸不可。屬徒五千。王子地助之。乙酉戰。彌庸獲無餘。地獲謳陽。越子至。王子地守丙戌。復戰。大敗吳師。獲大子友王孫彌庸壽於姚。丁亥。入吳。吳人告敗于王。王惡其聞也。【詰】服虔云。惡其聞諸侯。史記集解。杜取此。自到七人於幕下。【詰】服虔云。以絕口。同上。杜取此。秋七月辛丑。盟吳晉爭先。吳人曰。於周室。我爲長。晉人曰。於姬姓。我爲伯。趙鞅呼司馬寅。外傳作董褐。【詰】賈逵等皆云。董褐。司馬寅也。本疏曰日旰矣。大事未成。二臣之罪也。建鼓整列。二臣死之。長幼必可知也。對曰。請姑視之。反曰。肉食者無墨。今吳王有墨。國勝乎。大子死乎。且夷德輕。不忍久。請少待之。乃先晉人使者曰。王合諸侯。則伯帥侯牧。以見於王。伯合諸侯。則侯帥子男。以見於伯。自王以下。朝聘玉帛不同。故敵邑之職。貢於吳。有豐於晉。無不及焉。以爲伯也。今諸侯會。而君將以寡君見晉君。則晉成爲伯矣。敵邑將改職。貢魯賦於吳。八百乘。若爲子男。則將半。邾以屬於吳。而如邾以事晉。且執事以伯召諸侯。而以侯終之。何利之有焉。吳人乃止。旣而悔之。將囚景伯。景伯曰。何也。立後於魯矣。將以二乘與六人。

從遲速惟命。遂囚以還。及戶牖。【詁】地理志。陳留郡東晉。劉昭注。郡國志引陳留志曰。故戶牖。此。杜本

謂大宰曰。魯將以十月上辛。有事於上帝先王。季辛而畢。何世有讖焉。自襄以來。未之改也。若不會。祝

宗將曰。吳實然。且謂魯不共。而執其賤者七人。何損焉。大宰嚭言於王曰。無損於魯。而祇爲名。不如歸

之。乃歸景伯。吳申叔儀乞糴於公孫有山氏。曰。佩玉纒兮。【詁】廣雅。纒。聚也。李善引倉頡篇亦同。余無

所繫之旨。酒一盛兮。余與褐之父。睨之。【詁】說文。睨。表視也。廣雅。睨。視也。此。杜本對曰。梁則無矣。麤則有

之。若登首山以呼曰。庚癸乎。則諾。【詁】案庚癸。吳越之市語也。越絕書計倪內經。庚貨之戶曰。穢。比。疏

食故無賈。又云。王癸無貨。蓋庚癸食之最麤者耳。與上句麤則有之。正相應。杜注非也。王欲伐宋。殺其

丈夫。而囚其婦人。大宰嚭曰。可勝也。而弗能居也。乃歸冬。吳及越平。

十四年春。西狩于大野。叔孫氏之車子鉏商獲麟。史記作獲獸。【詁】賈逵云。周在西。明夫子道繫周。疏。服虔云。

言西者。有意於西。明夫子有立言。立言之位在西方。故著於西也。車。車士徽者也。子姓。鉏商名。同上。又曰。

大野。藏名。魯田園之常處。蓋今鉅野是也。史記集解。王肅云。車士將車者也。子姓。鉏商名。疏。地理志。山

陽郡。鉅野。大野澤。在北兗州。藏。以爲不祥。以賜虞人。仲尼觀之。曰。麟也。然後取之。【詁】服虔云。麟非時

所常見。故怪之。以爲不祥也。仲尼名之曰麟。然後魯人乃取之也。明麟爲仲尼至也。本疏。史記。集解。同。小邾

射以句繹來奔。曰。使季路要我。吾無盟矣。使子路。子路辭。季康子使冉有謂之曰。千乘之國。不信其盟。

而信子之言。子何辱焉。對曰：魯有事于小邾，不敢問故，死其城下可也。彼不臣而濟其言，是義之也。由弗能。齊簡公之在魯也，闕止有寵焉。【詰】賈逵云：闕止，子我也。史記集解杜取此。及卽位，使爲政。陳成子憚之，驟顧諸朝，諸御執言於公。史記作御執。【詰】賈逵云：鞅，齊大夫也。同上杜取此。曰：陳闕不可並也。君其擇焉。弗聽。子我夕。【詰】賈逵云：卽闕止也。史記集解索隱。服虔云：夕，省事。取此。陳逆殺人逢之。【詰】服虔云：子我將往夕省事於君，而逢逆之殺人也。同上。遂執以入。陳氏方睦。【詰】服虔云：陳常方欲謀有齊國故和其宗族。同上。使疾而遺之潘沐。【詰】服虔云：使陳逆詐病而遺之。同上說文潘，浙米汁也。鄭玄禮記注潘，米瀾。杜本說文備酒肉焉。饗守囚者，醉而殺之而逃。子我盟諸陳於陳宗。【詰】服虔云：子我見陳逆得生出而恐爲陳氏所怨，故與盟而請和也。陳宗，宗長之家。同上。初，陳豹欲爲子我臣。【詰】賈逵云：豹，陳氏族也。同上杜取此。使公孫言已。【詰】賈逵云：公孫，齊大夫也。同上。已有喪而止。旣而言之曰：有陳豹者，長而上僂，望視事，君子必得志，欲爲子臣，吾憚其爲人也。故緩以告。子我曰：何害，是其在我也。使爲臣。他日與之言政，說遂有寵。謂之曰：我盡逐陳氏而立女若何。對曰：我遠於陳氏矣。【詰】服虔云：言我與陳疏遠也。同上。且其違者。【詰】服虔云：違者，不從子我者。同上。不過數人，何盡逐焉。遂告陳氏。子行曰：彼得君，弗先必禍子。【詰】服虔云：彼謂闕止也。子謂陳常也。同上。子行舍於公宮。【詰】服虔云：止於公宮，爲陳氏作內間也。同上。夏五月壬申，成子兄弟四乘如公。【詰】服虔云：成子兄弟八人，二人共一乘，故四乘。同上。子在幄，出逆之，遂入。

閉門【詁】服虔云。成子兄弟見子我出。遂突入反閉門。子我不得復入。上同侍人御之【詁】服虔云。闔

以兵御陳氏。上同子行殺侍人【詁】服虔云。舍于公宮。故得殺之。上同公與婦人飲酒於檀臺【詁】服虔云。

當陳氏入時。飲酒於此臺。上同成子遷諸寢【詁】服虔云。欲徙公令居寢也。上同公執戈將擊之。大史子餘

曰【詁】服虔云。齊大夫。上同非不利也。將除害也。成子出舍於庫。聞公猶怒。將出【詁】服虔云。出奔也。上同

曰何所無君子行抽劍曰需事之賊也。誰非陳宗。所不殺子者。有如陳宗【詁】服虔云。陳宗。先祖鬼神

也。本疏乃止子我歸帥屬徒。各本脫帥字。從石經增入【詁】服虔云。會徒衆。史記集解案服注。徒字上似脫屬字。攻闔與大

門【詁】服虔云。宮中之門曰闔。大門。公門也。上同案服用爾雅釋宮文。後漢書注引爾雅又云。宮中小門

謂之闔。此云闔與大門是闔爲小門也。皆不勝。乃出。陳氏追之。失道於彘中。適豐丘【詁】賈逵云。陳氏

邑也。同上。杜豐丘人執之以告。殺諸郭闔【詁】服虔云。齊闔名。上同成子將殺大陸子方【詁】服虔云。子

方。子我之黨。大夫東郭賈也。上同陳逆請而免之。以公命取車於道。及邠。衆知而束之。出雍門。陳豹與之

車。弗受。曰。逆爲余請。豹與余車。余有私焉。事子我而有私於其讐。何以見魯衛之士【詁】服虔云。子方

將欲奔魯衛也。上同東郭賈奔衛。庚辰。陳恆執公於舒州【詁】賈逵云。陳氏邑也。上同史記齊世家常執簡

公於徐州。案隱。徐字從人。說文作鄒。音舒。戰國策楚威王戰勝於徐州。高誘注。徐州或作舒州。是時屬

齊。案舒徐鄒古字通。公曰。吾早從鞅之言。不及此。宋桓魋之寵害於公。公使夫人驟請享焉。而將討

之未及。魋先謀公。請以蠻易薄。公曰不可。薄宗邑也。【註】地理志。山陽郡薄。臣瓚曰。湯所都。案此即南
亳也。亳。薄古字通。故公以爲宗邑。乃益蓋七邑。而請享公焉。以日中爲期。家備盡往。公知之。告皇野曰。
余長魋也。今將禍余。請卽救。司馬子仲曰。有臣不順。神之所惡也。而況人乎。敢不承命。不得左師不可。
請以君命召之。左師每食。擊鐘。聞鐘聲。公曰。夫子將食。既食。又奏。公曰。可矣。以乘車往。曰。迹人來告。曰。
逢澤有介麋焉。樂或作麋。从石經及宋本訂。正困學記聞引左傳亦作麋。【註】廣雅。介。獨也。方言。獸無偶曰介。玉篇。同。案說文。麋。麋
也。緇文作麋。玉篇。靈鹿屬。亦作獐。陸佃。坤雅。靈如小鹿而美。今考麋。既是靈。其物本小。何得云介。且麋
嘗於經。又屢見於傳。自當作麋。爲是。公曰。雖魋未來。得左師。吾與之田。若何。君憚告子野曰。嘗私焉。君
欲速。故以乘車逆子。與之乘。至。公告之。故拜不能起。司馬曰。君與之言。公曰。所難子者。上有天下有先
君。對曰。魋之不共。宋之禍也。敢不惟命是聽。司馬請瑞焉。以命其徒攻桓氏。其父兄故臣曰。不可。其新
臣曰。從吾君之命。遂攻之。子願。聘而告桓司馬。司馬欲入。子車止之。曰。不能事君。而又伐國。民不與也。
祇取死焉。向魋遂入於曹。以叛。六月。使左師巢伐之。欲質大夫以入焉。不能。亦入于曹。取質。魋曰。不可。
既不能事君。又得罪于民。將若之何。乃舍之。民遂叛之。向魋奔衛。向巢來奔。宋公使止之。曰。寡人與子
有言矣。不可以絕向氏之祀。辭曰。臣之罪大。盡滅桓氏可也。若以先臣之故。而使有後。君之惠也。若臣
則不可以入矣。司馬牛【註】說文。春秋傳曰。司馬牛。字牛。致其邑與珪焉。而適齊。向魋出於衛地。公文

氏攻之。【詁】王符濟夫論。衛之公族有公文氏。求夏后氏之璜焉。與之他玉。而奔齊。陳成子使爲次卿。司馬牛又致其邑焉。而適吳。吳人惡之。而反。趙簡子召之。陳成子亦召之。卒於魯郭門之外。阚氏葬諸丘輿。甲午。齊陳恒弑其君壬於舒州。孔丘三日齊而請伐齊。三。公曰。魯爲齊弱久矣。子之伐之。將若之何。對曰。陳恒弑其君。民之不與者半。以魯之衆。加齊之半。可克也。公曰。子告季孫。孔子辭。退而告人曰。吾以從大夫之後也。故不敢不言。初。孟孺子泄將圍馬於成。成宰公孫宿不受。曰。孟孫爲成之病。不圍馬焉。孺子怒。襲成。從者不得入。乃反。成有司使孺子鞭之。秋八月辛丑。孟懿子卒。成人奔喪。弗內。袒免哭于衢。聽共。弗許。懼不歸。

十五年春。成叛于齊。武伯伐成。不克。遂城輪。夏。楚子西子期伐吳。及桐汭。【詁】水經注。沔水下南江。又

東與桐水合。元和郡縣志。桐汭。在廣德州西五十里。案桐水本合南江。至山陰入海。杜注云。西北入丹

陽湖者。蓋西晉時南江已湮。故桐水就近入丹陽湖耳。說見集中。陳侯使公孫貞子弔焉。及良而卒。將

以尸入。【詁】服虔云。在牀曰尸。在棺曰柩。本疏。吳子使大宰嚭勞。且辭曰。以水潦之不時。無乃廩然隕大

夫之尸。以重寡君之憂。寡君敢辭。上介芋尹蓋對。【岳本以上介絕句。案本以辭字爲句。上介屬下。】【詁】案注云。蓋陳大夫貞子。

上介。蓋謂貞子上介耳。觀下注。備使云。備猶副也。意義自明。蓋本副介。宰嚭尊稱之曰上介耳。釋文云。

寡君敢辭。上介絕句是也。曰。寡君聞楚爲不道。荐伐吳國。滅厥民人。寡君使蓋備使弔君之下吏。無祿。

使人逢天之感。大命隕隊。諸本作墜。从石。經改正。絕世于良廢。日共積。一日遷次。今君命逆使人曰。無以尸造于

門。是我寡君之命。委于草莽也。且臣聞之曰。事死如生。禮也。於是乎有朝聘而終以尸。將事之禮。又有朝聘而遭喪之禮。若不以尸將命。是遭喪而還也。無乃不可乎。以禮防民。猶或踰之。今大夫曰。死而

奔之。是弃禮也。其何以爲諸侯主。先民有言曰。無穢虐士。備使奉尸將命。苟我寡君之命。達于君所。雖隕于深淵。則天命也。非君與涉人之過也。吳人內之。秋。齊陳瓘如楚。過衛。仲由見之曰。天或者以陳

氏爲斧斤。旣斲喪公室。而他人有之。不可知也。其使終饗之。亦不可知也。若善魯以待時。不亦可乎。何必惡焉。子玉曰。然。吾受命矣。子使告我弟。冬。及齊平。子服景伯如齊。子贛爲介。見公孫成曰。人皆臣

人。而子刊本並脫子字。據宋本增入。有背人之心。況齊人雖爲子役。其有不貳乎。子周公之孫也。多饗大利。猶思不義。利不可得。而喪宗國。將焉用之。成曰。善哉。吾不早聞命。陳成子館客曰。寡君使恒告曰。寡人願事君

如事衛君。景伯揖子贛而進之。對曰。寡君之願也。昔晉人伐衛。齊爲衛故。伐晉冠氏。喪車五百。因與衛地。自濟以西。禱媚杏。以南。書社五百。【註】服虔云。書籍也。史記集解。杜取此。吳人加敝邑。以亂齊。因其病。取讎

與闡。寡君是以寒心。若得視衛君之事。君也。則固所願也。成子病之。乃歸成。公孫宿以其兵甲入于羸。衛孔圉取大子蒯瞶之姊。生慳。【註】說文。慳。周也。春秋傳曰。孔慳。孔氏之豎。渾良夫長而美。孔文子

卒。通於內。大子在戚。孔姬使之焉。大子與之言曰。苟使我入獲國。服冕乘軒。三死無與。與之盟。爲請於

子盥。子路欲殺衛君而事不成。肩茲於東門之上。據此則子路所入之門。蓋東門也。季子曰。是公

孫也。求利焉而逃其難。由不然。利其祿必救其患。有使者出。乃入曰。天子焉用孔悝。雖殺之。必或繼之。

【詰】王肅云。必有繼續其後攻天子。且曰。天子無勇。若燔臺半。必舍孔叔。天子聞之懼。下石乞孟繫敵

子路。史記作壺鬻。又作狐鬻。案孟壺鬻並音同。【詰】服虔云。二子刺曠之臣敵當也。同上。杜以戈擊之。斷纓。史記作子路曰。

君子死冠不免。【詰】服虔云。不使冠在地。同上。杜結纓而死。孔子聞衛亂曰。柴也其來由也死矣。史記

也其死矣。檀弓引傳亦同。或一本多其字也。孔悝立莊公。莊公害故政。欲盡去之。先謂司徒棼成曰。寡人離病於外久矣。子

請亦嘗之。歸告褚師比。欲與之伐公。不果。

六年春。棼成褚師比出奔宋。衛侯使鄆武子告于周曰。崩曠得罪于君。父君母逋竄于晉。晉以王室之

故。不弃兄弟。寘諸河上。天誘其衷。獲嗣守封焉。使下臣肸敢告執事。王使單平公對曰。肸以嘉命來告

余一人。往謂叔父。余嘉乃成。世復爾祿。次敬之哉。方天之休。弗敬弗休。悔其可追。夏四月己丑。孔丘

卒。公諱之曰。【詰】鄭司農云。諱。爲積累其生平之德行。以錫之命。而爲其辭也。周禮說文。譌。諱也。累功

德以求福。論語曰。譌。曰。禱爾於上下神祇。从言鼎省聲。或不省作譌。諱字注云。諱也。从言耒聲。是諱譌

有別。今經典相承作諱。而人罕知當作譌矣。昊天不弔。家語文選注並引作昊天不用。說文引【詰】案

鄭司農周禮解。引此傳作閔天不淑。莊述祖曰。古文叔與弔字形相近。故經典從叔之字。多作弔。莊子。

弔說卽淑說也。杜注：昭二十六年與此傳皆訓弔爲至，似誤。不愆遺一老【詁】爾雅：愆，彊也。說文：愆

間也。謹敬也。一曰說也。一曰且也。詩鄭箋：愆者，心不欲而自彊之辭。應劭：王肅並云：愆，且也。一老，謂孔

子也。此。杜本。俾屏余一人以在位【詁】詩毛傳：屏，蔽也。此。杜本。煢煢余在疚。鄭司農：周禮注引此作煢煢子

字通【詁】說文：煢，才緊也。春秋傳曰：煢煢在疚。又安字注云：貧病也。詩曰：執執在安，烏乎哀哉。皆作嗚

呼。從前傳及宋本改正。尼父無自律【詁】爾雅：律法也。此。杜本。子贛曰：君其不沒於魯乎？夫子之言曰：禮失則昏，名

失則愆【詁】案大戴記孔子語云：禮失則壞，名失則愆。失志爲昏，失所爲愆。生不能用，死又誅之，非禮

也。家語史記漢書並作死而誅之。禮記引稱一人。史記漢書並作稱余。非名也【詁】服虔云：天子自謂

余一人，非諸侯所當名也。史記集解：君兩失之。六月，衛侯飲孔悝酒於平陽【詁】郡國志：東郡燕縣

有平陽亭。此。杜同。酈道元云：廩延南故城，卽衛之平陽亭也。重酬之，大夫皆有納焉。醉而送之，夜半而遣

之。載伯姬於平陽而行。水經注引作載伯姬。及西門，使貳車反柁於西園【詁】五經異義曰：或曰：卿大

夫有主，不答曰：卿大夫非有土之君，不得格享昭穆，故無主。古春秋左氏傳曰：衛孔悝反柁於西園，柁

石主也。言大夫以石爲主，禮無明文。大夫士無昭穆，不得有主。今山陽民俗有石主元之聞也。以下鄭

少牢饋食士大夫祭禮，束帛依神，特性饋食，士祭禮也。結茅爲神象也。季子既葬，心無所依，以虞而立

主以事之。惟天子諸侯有主，卿大夫無主，尊卑之差也。卿大夫無主者，依神以几筵，故少牢之祭，但有

尸無主。三王之代。小祥以前。主用桑者。始死尙質。故不相變。既練。易之。遂藏於廟。以爲祭主。孔懼。所主者。祭其所出之君。爲之主耳。又鄭志。張逸問許氏。異義。駁衛孔懼之反。祔有主者。何謂也。答曰。禮大夫無主。而孔獨有者。或時末代之君。賜之。使祀其所出之君主。諸侯不祀天。而魯郊。諸侯不祖天子。而鄭祖厲王。皆時君之賜也。案正義。譏鄭非是。子伯季子初爲孔氏臣。新登于公。請追之。遇載祔者。殺而乘其車。許公爲反祔。遇之曰。與不仁人爭。明無不勝。必使先射。射三發。皆遠。許爲許爲射之殪。或以其車從。得祔於囊中。孔懼。出奔宋。楚大子建之遇讒也。自城父奔宋。又辟華氏之亂於鄭。鄭人甚善之。又適晉。與晉人謀襲鄭。乃求復焉。鄭人復之如初。晉人使謀於子木。諸本作諱。請行而期焉。子木暴虐於其私邑。邑人訴之。鄭人省之。得晉諜焉。遂殺子木。其子曰勝。在吳。子西欲召之。葉公曰。吾聞勝也。詐而亂。無乃害乎。子西曰。吾聞勝也。信而勇。不爲不利。舍諸邊竟。使衛藩焉。葉公曰。周仁之謂信。率義之謂勇。吾聞勝也好復言。而求死士。殆有私乎。復言非信也。期死非勇也。【註】案漢書韓王信傳。李奇注引傳曰。期死非勇也。以生非任也。下五字未知所出。子必悔之。弗從。召之。使處吳。竟爲白公。【註】服虔云。白邑名。楚邑大夫皆稱公。史記集解。杜注。上句取此。請伐鄭。子西曰。楚未節也。不然。吾不忘也。他日又請許之。未起師。晉人伐鄭。楚救之。與之盟。勝怒曰。鄭人在此。讐不遠矣。勝自厲劍。子期之子平見之。曰。王孫何自厲也。曰。勝以直聞。不告女庸爲直乎。將以殺爾父。平以告子西。子西曰。勝如卵。余翼而長之。楚國第我死。

令尹司馬非勝而誰勝聞之曰令尹之狂也得死乃非我子西不悛勝謂石乞淮南王書作石乞曰王與二卿

士皆五百人當之則可矣乞曰不可得也曰市南有熊宜僚者釋文熊宜僚者或作熊相宜僚後漢書注亦同案石經熊字下後人亦旁增相

字不【詁】淮南王書作宜僚高誘注曰宜僚姓也名熊勇士居楚市南若得之可以當五百人矣乃從

白公而見之與之言說告之故辭承之以劍不動高誘淮南王書承作舉勝曰不爲利諂不爲威惕傳咸左傳註詔字作鳴義

亦同不泄人言以求媚者去之吳人伐慎【詁】地理志慎縣屬汝南郡杜本白公敗之請以戰備獻【詁】

服虔云欲陳士卒甲兵如與吳戰時所入獻捷本疏許之遂作亂秋七月殺子西子期史記期于朝而劫

惠王子西以袂掩面而死子期曰昔者吾以力事君不可以弗終扶豫章以殺人而後死石乞曰焚庫

弑王不然不濟白公曰不可殺王不祥焚庫無聚將何以守矣乞曰有楚國而治其民以敬事神可以

得祥且有聚矣何患弗從葉公在蔡方城之外皆曰可以入矣子高曰吾聞之以險徼幸者其求無厭

偏重必離聞其殺齊管修也而後入【詁】淮南王書九日葉公入風俗通管修自齊適楚爲陰大夫案

裴松之管寧傳注引傅子云昔田氏有齊而管氏去之今考修之適楚自在田氏未篡之先傅子所言

恐不足據白公欲以子閭爲王子閭不可遂劫以兵子閭曰王孫若安靖楚國匡正王室而後庇焉啓

之願也敢不聽從若將專利以傾王室不顧楚國有死不能遂殺之而以王如高府【詁】賈遠云高府

府名也史記集解

淮南王書閻閻伐楚五戰入鄢燒高府之粟案此則高府蓋宮中府名石乞尹門圍公陽

穴宮史記國公負王以如昭夫人之宮【詰】服虔云昭王夫人惠王母越女也上同葉公亦至及北門或

遇之曰君胡不胄國人望君如望慈父母焉盜賊之矢若傷君是絕民望也若之何不胄乃胄而進又

遇一人曰君胡胄國人望君如望歲焉日日以幾六經正誤云日日誤云日若見君面是得艾也【詰】應劭漢書

注艾安也杜本此艾古字同民知不死其亦夫有奮心風俗通民作猶將旌君以徇於國而又掩面以絕民望

不亦甚乎乃免胄而進遇箴尹固帥其屬將與白公子高曰微二子者楚不國矣棄德從賊其可保乎

乃從葉公使與國人也釋文一本作使與國人如字與謂與廢以攻白公白公奔山而縊【詰】淮南王書

十九日而擒白公其徒微之【詰】爾雅匿微也舍人云匿藏之微也說文微隱行也春秋傳曰白公其

徒微之淮南王書白公死於浴室高誘注楚殺白公於浴室之地案呂覽作法室高誘注法室司寇也

生拘石乞而問白公之死焉對曰余知其死所而長者使余勿言曰不言將亨亨字後人妄加四乞曰

此事也本增也字克則爲卿不克則亨固其所也何害乃亨石乞王孫燕奔賴黃氏【詰】案領當是

類字之誤今訂正說文類從頁彳聲渠追切音亦同沈諸梁兼二事今從石經增入國寧乃使寧爲令

尹使寬爲司馬而老子葉衛侯占夢嬖人求酒於大叔僖子不得與卜人比而告公曰君有大臣在

西南隅弗去懼害乃逐大叔遺奔晉衛侯謂渾良夫曰吾繼先君而不得其器若之何良夫代執

火者而言曰疾與亡君皆君之子也召之而擇材焉可也若不材器可得也暨告大子大子使五人與

殺從己劫公而強盟之。且請殺良夫。公曰：其盟免三死。曰：請三之後，有罪殺之。公曰：諾哉。

十七年春，衛侯為虎幄於藉圃，成求令名者而與之始食焉。大子請使良夫，良夫乘衷甸。【詁】說文：甸中

也。春秋傳曰：乘中甸。一轅車。玉篇引左傳同。杜本兩牡紫衣。【詁】賈逵云：紫衣，君服。本疏：杜取此。狐裘至，祖

裘不釋劍而食。大子使牽以退，數之以三罪而殺之。三月，越子伐吳，吳子御之笠澤，夾水而陳。石經

刊本作樂，今从越子為左右句卒，使夜或左或右，鼓譟而進。吳師分以御之。越子以三軍潛涉，當吳中

軍而鼓之。吳師大亂，遂敗之。晉趙鞅使告于衛曰：君之在晉也，志父為主，請君若大子來，以免志父

不然。寡君其曰：志父之為也。衛侯辭以難。大子又使楛之。【詁】說文：楛，擊也。廣雅：諛也。案楛，諛古字

通。楚辭：諛諛謂余以善淫。王逸：章句方言。楚以南謂惡為諛。又：譖也。呂覽曰：楛，崔杼之子令之爭。夏六

月，趙鞅圍衛，齊國觀陳，陳瓘救衛，得晉人之致師者。子玉使服而見之，曰：國子實執齊乘。索隱引傳文作

是服注本，作【詁】服虔云：乘，楛柄也。史記而命瓘曰：無辟晉師，豈敢廢命。子又何辱。簡子曰：我卜伐衛，

未卜與齊戰，乃還。楚白公之亂，陳人恃其聚而侵楚，楚既寧，將取陳麥。楚子問帥於太師，子穀與葉

公諸梁。子穀曰：右領差車與左史老皆相令尹司馬以伐陳，其可使也。子高曰：率賤民慢之，懼不用命

焉。子穀曰：觀丁父都俘也。武王以為軍率，是以克州蓼。釋文：蓼本服隨唐，大啓羣蠻，彰仲爽申俘也。文

王以為令尹實縣申息，朝陳蔡，封畛於汝，唯其任也。何賤之有。子高曰：天命不諂。西京賦：天命不諂。李

古語

令尹有感於陳。天若亡之。其必令尹之子是與。君盍舍焉。臣懼右領與左史有二俘之賤。而無其

令德也。王卜之。武城尹吉。使帥師取陳麥。陳人御之。敗。遂圍陳。秋七月己卯。楚公孫朝帥師滅陳。王與

葉公枚卜子良。以爲令尹。沈尹朱曰。吉。過於其志。葉公曰。王子兩相國。過將何爲。他日改卜子國。而使

爲令尹。衛侯夢于北宮。見人登昆吾之觀。被髮北面而譟曰。【詰】說文。譟也。登此昆吾之虛。縣。縣

生之瓜。余爲渾良夫。叫天無辜。公親筮之。晉彌赦占之。曰。不害與之邑。寘之而逃。奔宋。衛侯貞卜。其繇

曰。如魚窺尾。【詰】說文。窺。正視也。从穴。中。正見也。案杜注。窺。赤色。蓋取賈義。亦因音同。故改從經字爲

則。衡流而方羊。裔焉。【詰】鄭衆以爲魚勞。則尾赤。方羊。游戲。喻衛侯淫縱。本疏。賈遠云。窺。赤也。魚勞。則尾

赤。衡流。方羊。不能自安。裔。水邊。言衛侯將若此魚。勞。【春秋疏】服氏以爲魚勞。詩。廣雅。仿伴。徒倚也。案尋賈義。

裔焉二字亦少逗。下云大國滅之。將亡。無礙其羊亡爲韻也。莊述祖又云裔焉二字。宜向下讀。高誘呂

覽注。焉猶於也。顧炎武云。晉其邊於大國。將見滅而亡。大國滅之。將亡。闔門塞竇。乃自後踰。【詰】傳遜

云。竇古字作窬。說文亦引圭竇作圭窬。窬與踰自爲韻。惠棟云。未有縣詞而無韻者。從杜讀則失韻矣。

竇字讀度。又讀徒。踰亦有平去兩音。冬十月。晉復伐衛。入其郛。將入城。簡子曰。止。叔向有言曰。怙亂滅

國者無後。衛人出莊公。而與晉平。晉立襄公之孫般師。而還。【史記作班師。注。十一月。衛侯自鄆入。【詰】

地理志。鄆。城縣屬濟陰郡。般師出。初。公登城以望。見戎州。【詰】賈遠云。戎州。或人之邑。史記集解。案隱

杜取此。

七年戎伐凡伯於楚丘。是戎邑近衛。問之。以告。公曰。我姬姓也。何戎之有焉。翦之。呂覽作殘之。公使匠久。公

欲逐石圃。未及而難作。辛巳。石圃因匠氏攻公。公閉門而請。諸本開作闕。石經宋本訂正。弗許。踰於北方而隊。折股。

戎州人攻之。大子疾。公子青踰從公。戎州人殺之。公入於戎州。己氏初。公自城上見己氏之妻。髮美。使

髡之。以爲呂姜鬢。詁說文。髡。髮也。髡或從也。也。聲廣雅。髡爲之髮。此杜本。既入焉。而示之璧。曰。活我。吾

與女璧。己氏曰。殺女璧。其焉往。遂殺之。而取其璧。衛人復公孫般師而立之。十二月。齊人伐衛。衛人請

平。立公子起。執般師以歸。舍諸潞。詁服虔云。起靈公子。史記集解。杜取此。公會齊侯盟於蒙。詁地理志。

泰山郡蒙陰。禹貢蒙山在西南。杜本此。孟武伯相。齊侯稽首。公拜。齊人怒。武伯曰。非天子。寡君無所稽首。

武伯問於高柴曰。諸侯盟。誰執牛耳。季羔曰。鄆衍之役。吳公子姑曹發陽之役。衛石魋。武伯曰。然則虺

也。詁注云。虺。武伯名也。魯於齊爲小國。故曰虺也。周禮疏。宋皇瑗之子麋有友曰田丙。而奪其兄劓

般邑以與之。詁說文。鄆。宋地。讀若譏。案今本作劓。轉寫誤。蓋般爲鄆大夫。因以爲號。衛般愠而行。告

桓司馬之臣子儀克。子儀克適宋。告夫人曰。麋將納桓氏。公問諸子仲。初。子仲將以杞嬖之子。非我爲

子。麋曰。必立伯也。是良材。子仲怒。弗從。故對曰。右師則老矣。不識麋也。公執之。皇瑗奔晉。召之。

十八年春。宋殺皇瑗。詁汲郡古文云。宋殺其大夫皇瑗於丹水之上。丹水壅不流。案世族譜。瑗。皇父充石八世孫。緩。充石十世孫。則爲從孫。非從子。杜注云。緩。瑗從子。當有一誤。公聞其情。復皇氏之族。使皇

瓊爲右師。巴人伐楚，圍鄢。初，右司馬子國之卜也，觀瞻曰：如志，故命之。及巴師至，將卜。帥王曰：寧如志，何卜焉？使帥師而行，請承王曰：寢尹、工尹勤先君者也。三月，楚公孫寧吳由于薳，固敗巴師於鄢。故封子國於析。君子曰：惠王知志，夏書曰：官占，惟能蔽志，昆命于元龜。【詰】陳樹華案：孔疏云：夏書作先，與今本合。陸氏釋文云：能作克，二者必有一誤，但書作克。左傳作能，義本相通，疑因孔安國書傳先斷人志，後命於元龜之文，後人傳寫遂譌作先耳。其是之謂乎？志曰：聖人不煩卜筮，惠王其有焉。衛石圃逐其君起。史記作受專【詰】案：專當作寧，專音同。後刊本譌作專耳。起奔齊，衛侯輒自齊復歸，逐石圃而復石魋我大叔遺。

十九年春，越人侵楚，以誤吳也。夏，楚公子慶公孫寬追越師，至冥。【詰】案：此冥即冥陔，在今信陽州，非越地。杜注誤。不及乃還。秋，楚沈諸梁伐東夷，三夷男女及楚師盟於敖。冬，叔青如京師，敬王崩，故也。

二十年春，齊人來徵會，夏會於廩丘爲鄭故，謀伐晉，鄭人辭諸侯，秋師還。吳公子慶忌【詰】高誘戰國策注曰：慶忌，吳王僚之子，淮南王書注又云：吳王僚之弟子，驟諫吳子曰【詰】服虔云：驟，數也。詩不改必亡弗聽，出居於艾。【詰】地理志：艾縣屬豫章郡。杜本遂適楚，聞越將伐吳，冬請歸平越，遂歸，欲除不忠者以說于越，吳人殺之。十一月，越圍吳，趙孟降於喪食，楚隆曰：三年之喪，親暱之極也，主又降之。

無乃有故乎。趙孟曰：黃池之役，先主與吳王有質，曰：好惡同之。今越圍吳，嗣子不廢舊業，而敵之，非晉之所能及也。吾是以爲降。楚隆曰：若使吳王知之，若何？趙孟曰：可乎？隆曰：請嘗之，乃往。先造於越軍，曰：吳犯間，上國多矣。聞君親討焉。諸夏之人，莫不欣喜，唯恐君志之不從。諸本作之志，今從石經改正。請入視之。許之。

告於吳王曰：寡君之老無恤，使陪臣隆敢展謝，其不共。黃池之役，君之先臣志父得承齊盟，曰：好惡同之。今君在難，無恤不敢憚勞，非晉國之所能及也。使陪臣敢展布之。王拜稽首曰：寡人不佞，不能事越，以爲大夫憂，拜命之辱，與之一簞珠。【詁】說文：簞，筍也。此杜本。使問趙孟曰：句踐將生憂寡人，寡人死之不得矣。王曰：溺人必笑，吾將有問也。史黯何以得爲君子？【詁】高誘曰：史黯，史墨也。案黯蓋史墨字，小

徐說文繫傳以爲墨字子黯，黯音同。古字蓋通。對曰：黯也。進不見惡，退無謗言。王曰：宜哉。

二十一年夏五月，越人始來。秋八月，公及齊侯、邾子盟于顧。齊人責稽首，因歌之曰：魯人之臯。【詁】呂

覽曰：子胥高蹶，高誘注：蹶，蹈也。傳曰：魯人之高，使我高蹈。賦：怒貌。案據釋名：高與臯通。數年不覺，使我

高蹈。【詁】廣雅：高遠也。乘經音義引廣雅：蹈，行也。此杜本。唯其儒書，以爲二國憂，是行也。公先至于陽穀。齊閭丘息曰：君辱舉玉趾，以在寡君之軍，羣臣將傳遽以告寡君，比其復也。君無乃勤爲僕人之未次，請除館於舟道。辭曰：敢勤僕人。

二十二年夏四月，邾隱公自齊奔越。曰：吳爲無道，執父立子，越人歸之。大子革奔越。冬十一月丁卯，越

滅吳。請使吳王居甬東。【詰】賈逵云：甬東，越東鄞甬江東也。史記章昭吳語注曰：今句章東海外州也。

杜本辭曰：孤老矣，焉能事君？乃縊。【詰】史記吳世家：遂自剄死。越人以歸。

二十三年春，宋景曹卒。季康子使冉有弔，且送葬。曰：敝邑有社稷之事，使肥與有職競焉。【詰】案杜注：競，

遠也，非義訓。李賢後漢書崔駰傳注：競，謂趨時也。此競字亦當訓趨。賈川漢儒義訓最多，此亦當是。

是以不得助執紼，使求從輿。人曰：以肥之得備彌甥也。【詰】薛綜西京賦注：彌，遠也。此杜本有不腆先人

之產馬，使求薦諸夫人之宰，其可以稱旌繁乎。【詰】說文：繅，馬髦飾也。春秋傳曰：可以稱旌繅乎。又繅

字注曰：繅或从鼻，鼻繅文弁。夏六月，晉荀瑤伐齊，高無丕帥師御之。知伯視齊師，馬駭，遂驅之。曰：齊

人知余旗，其謂余畏而反也。及壘而還，將戰。長武子請卜。知伯曰：君告於天子而卜之，以守龜於宗祧，

吉矣。吾又何卜焉？且齊人取我英丘君命瑤，非敢耀武也。諸本誤作耀，今從石經宋本改。治英丘也。以辭伐罪，足矣。何

必卜？壬辰，戰於犁丘。齊師敗績。知伯親禽顏庚。秋八月，叔青如越，始使越也。越諸鞅來聘，報叔青也。

二十四年夏四月，晉侯將伐齊，使來乞師。曰：昔臧文仲以楚師伐齊，取穀。宣叔以晉師伐齊，取汶陽。寡君

欲徼福於周公，願乞靈於臧氏。臧石帥師會之，取廩丘。軍吏令繕將進，萊章曰：君卑政暴，往歲克敵，今

又勝都，天奉多矣。又焉能進？是德言也。【詰】服虔云：龜，僞不信言也。字林作龜，云：夢言意不慧也。釋陸

彘云：龜者，踉蹌之義。此當作龜。說文字林皆云：龜，夢言不慧也。三蒼曰：說言，廣雅云：寐言也。此謂晉人

妾語若夢中甦寐之言耳。今案說文嘯字注云：高氣多言也。从口聲省聲。春秋傳曰：嘯言疑卽此。嘯言或傳寫有異耳。存攷。役將班矣。晉師乃還餼臧石牛。【詁】服虔云：生牲。禮記大史謝之曰：以寡君之在行，牢禮不度，敢展謝之。邾子又無道，越人執之以歸，而立公子何，何亦無道。公子荆之母嬖，將以爲夫人，使宗人鬻夏獻其禮。對曰：無之。公怒曰：女爲宗司，立夫人，國之大禮也，何故無之？對曰：周公及武公娶於薛，孝惠娶於商，自桓以下娶於齊，此禮也。則有若以妾爲夫人，則固無其禮也。公卒立之，而以荆爲大子，國人始惡之。閏月，公如越，得大子適郢，將妻公，而多與之地。公孫有山使告於季孫，季孫懼，使因大宰嚭而納賂焉，乃止。

二十五年夏五月庚辰，衛侯出奔宋。【詁】服虔云：此下但有適城鉏以鉤越，無奔宋之事。其說未聞。本疏衛

侯爲靈臺於藉圃，與諸大夫飲酒焉。褚師聲子饒而登席。【詁】說文：饒，足衣也。惠棟曰：宣二年左傳云：

晉侯飲趙盾酒，其右提彌明趨登曰：臣侍君，宴過三爵，非禮也。遂扶而下。服虔本作遂跌以下。注云：趙

盾徒跌而下走。此本書燕飲解饒之明文也。左傳古文盡爲杜預所改。故學者有疑義。莫能詳焉。闔若

環云：杜氏謂見君解饒，見君字不確。須易爲古者燕飲解饒耳。公怒，辭曰：臣有疾異於人。若見之，君將

殺之。諸本：殺誤殺。從說文玉篇改正。【詁】說文：殺，獸貌。春秋傳曰：君將殺之。玉篇同。引左傳作君將殺焉。廣雅：殺，吐也。

緊釋文作擊。與說文玉篇合。但字體微異耳。是以不敢。公愈怒。大夫辭之不可。褚師出，公執其手曰：必

斷而足。聞之。褚師與司寇亥乘曰。今日幸而後亡。公之入也。奪南氏邑。而奪司寇亥政。公使寺人納公文懿子之車於池。初。衛人翦夏丁氏。以其幣賜彭封彌子。彌子飲公酒。納夏戊之女嬖。以爲夫人。其弟期。大叔疾之從孫甥也。少畜於公。以爲司徒。夫人寵衰。期得罪。公使三匠久。公使優狡盟拳彌。而甚近信之。故褚師比公孫彌牟。公文要司寇亥。司徒期。因三匠與拳彌以作亂。皆執利兵。無者執斤。使拳彌入於公宮。而自大子疾之宮。譟以攻公。鄆子士請御之。彌援其手曰。子則勇矣。將若君何。不見先君乎。君何所不逞欲。【詰】說文。逞。通也。楚謂疾行爲逞。春秋傳曰。何所不逞欲。且君嘗在外矣。豈必不反。當今不可。衆怒難犯。休而易間也。乃出將適蒲。彌曰。晉無信。不可。將適鄆。【詰】漢書地理志。河東郡蒲反。故曰蒲。濟陰郡鄆城。彌曰。齊晉爭我。不可。將適泲。彌曰。魯不足與。請適城鉏。以鉤越。【詰】晉灼漢書注。鉤。致也。越。有君。乃適城鉏。彌曰。衛盜不可知也。請速自我始。乃載寶以歸。公爲支離之卒。因祝史揮以侵衛。衛人病之。懿子知之。見子之。請逐揮。文子曰。無罪。懿子曰。彼好專利而妄。夫見君之入也。將先道焉。若逐之。必出於南門。而適君所。夫越新得諸侯。將必請師焉。揮在朝。使吏遣諸其室。揮出。信弗內。五日。乃館諸外里。遂有寵。使如越請師。六月。公至自越。季康子孟武伯逆于五梧。郭重僕見二子曰。惡言多矣。君請盡之。公宴于五梧。武伯爲祝。惡郭重曰。何肥也。季孫曰。請飲斃也。以魯國之密邇仇讎。臣是以不獲從君。克免於大行。又謂重也肥。公曰。是食言多矣。能無肥乎。飲酒不樂。公與大夫

始有惡

二十六年夏五月叔孫舒帥師會越臯如古庸。

石經作古庸廿七年越子使古庸來聘。宋元明本皆誤作后。今从石經改正。【詁】案廣韻古字

注云又姓左傳越大夫古庸是一確證。宋樂茂納衛侯。文子欲納之。懿子曰君愼而虐少待之必毒於

民乃睦於子矣。師侵外州大獲。

諸本師上衍衛字从石經刪。

出御之大敗。掘褚師定子之墓。焚之于平莊之上。【詁】

案玉篇擗胡沒切掘也。左氏傳曰掘褚師定子之墓焚之本又作掘。文子使王孫齊私於臯如曰子將

大滅衛乎。抑納君而已乎。臯如曰寡君之命無他。納衛君而已。文子致衆而問焉曰君以蠻夷伐國。國

幾亡矣。請納之。衆曰勿納。曰彌牟亡而有益。請自北門出。衆曰勿出。重賂越人。申開守陴而納公。公不

敢入師。還立悼公。南氏相之。以城鉏與越人。公曰期則爲此。令苟有怨於夫人者報之。司徒期聘于越。

公攻而奪之幣。期告王。王命取之。期以衆取之。公怒。殺期之甥之爲大子者。遂卒於越。宋景公無子。

取公孫周之子得與啓。畜諸公宮。

史記作公孫紳。

【詁】史記宋世家曰宋公子特攻殺大子而自立。是爲昭公。

索隱曰特一作得。案左傳景公無子。取元公庶曾孫公孫周之子得及啓。畜於公宮。及景公卒。先立啓

後立得。是爲昭公。與此全乖。未知大史公何據而爲是說。未有立焉。於是皇緩爲右師。皇非我爲大司

馬。皇懷爲司徒。靈不緩爲左師。樂茂爲司城。樂朱鉏爲大司寇。六卿三族降聽政。因大尹以達。大尹常

不告。而以其欲。稱君命以令國人。惡之。司城欲去大尹。左師曰縱之。使盈其罪。重而無基。能無敵乎。冬

十月公遊於空澤【詁】水經注獲水東南遙空桐澤北澤在虞城東南左傳遊於空澤卽此郡國志梁國虞有空桐地杜同此辛巳卒於連中大尹興空澤之士千甲奉公自空桐入如沃宮使召六子曰聞下有師君請六子畫六子至以甲劫之曰君有疾病請二三子盟乃盟於少寢之庭曰無爲公室不利大

尹立啓奉喪殯于大宮三日而後國人知之司城蔑使宣言於國曰大尹惑蠱其君而專其利今君無疾而死諸本今誤令从石經宋本改【詁】汲冢古文瑣語曰初邢史子臣謂宋景公曰從今以往五祀日臣死後五

年五月丁亥吳亡後五祀八月辛巳君薨邢史子臣至死日朝見景公夕而死後吳亡景公懼思邢史

子臣之言將死日乃逃於瓜圃遂死焉求得已蠱矣死又匿之是無他矣大尹之罪也得夢啓北首而

寢於盧門之外已爲烏而集於其上諸刊本烏誤鳥从宋本改正味加於南門尾加於桐門曰余夢美必立大尹謀

曰我不在盟無乃逐我復盟之乎使祝爲載書六子在唐孟將盟之祝襄以載書告皇非我皇非我因

子潞門尹得左師謀曰民與我逐之乎皆歸授甲使徇於國曰大尹惑蠱其君以陵虐公室與我者救

君者也衆曰與之大尹徇曰戴氏皇氏將不利公室與我者無憂不富衆曰無別戴氏皇氏欲伐公樂

得曰不可彼以陵公有罪我伐公則甚焉使國人施於大尹大尹奉啓以奔楚乃立得司城爲上卿盟

曰三族共政無相害也衛出公自城鉏使以弓問子贛且曰吾其入乎子贛稽首受弓對曰臣不識

也私於使者曰昔成公孫于陳寧武子孫莊子爲宛濮之盟而君入獻公孫于齊子鮮子展爲夷儀之

盟而君入。今君再在孫矣。內不聞獻之親。外不聞成之卿。則賜不識所由入也。詩曰：無競惟人。四方其順之。【詁】正義曰：詩周頌烈文之篇。若得其人。則四方諸侯皆順從之矣。案此則當作順。甚明。顧氏石經作訓。反云順。非。失於詳審。若得其人。四方以爲主。而國於何有。

二十七年春。越子使古庸來聘。且言邾田。封于駘上。【詁】案駘上卽襄四年之狐駘。正屬邾魯之界。二月。盟于平陽。三子皆從。康子病之。言及子贛。曰：若在此。吾不及此。夫武伯曰：然。何不召。曰：固將召之。文子曰：他日請念。夏四月己亥。季康子卒。公弔焉。降禮。晉荀瑤帥師伐鄭。次於桐丘。鄭駟宏請救於齊。齊師將興。陳成子屬孤子。三日朝。【詁】服虔云：屬。會也。孤子。死者之子也。御覽。設乘車兩馬。繫五邑焉。【詁】服虔云：乘車兩馬。大夫車服也。繫五邑。加之五邑也。一曰兩飾。同上。召顏涿聚之子晉曰：隰之役。而父死焉。以國之多難。未女恤也。【詁】案古今人表有顏濁鄒師古曰：卽顏涿聚子也。服虔云：隰之役。在襄二十三年。今君命女以是邑也。服車而朝。毋廢前勞。乃救鄭。及留舒。【詁】惠棟曰：鄭康成引作柳舒。孔氏曰：留柳不同。蓋所據書異。裴松之三國志注云：古劉留柳同。用卯字。以从聲故也。違穀七里。穀人不知。及濮。雨不涉。【詁】地理志：陳留郡。封丘濮渠。水首受涉。東北至都關。入羊里水。子思曰：大國在敵邑之字下。是以告急。今師不行。恐無及也。成子衣製。【詁】案杜注定九年。製。裘也。此又云：製。雨衣也。皆望文生義。非本訓。今考王逸楚辭章句云：製。裁也。蓋衣之未有裏者。今人所云衣片是也。杖戈。立于

阪上馬不出者。助之鞭之。知伯聞之。乃還曰。我卜伐鄭。不卜敵齊。使謂成子曰。大夫陳子。陳之自出。陳之不祀。鄭之罪也。故寡君使瑤察陳衷焉。【詰】廣雅。衷善也。杜本此。謂大夫其恤陳乎。若利本之顛。瑤何有焉。成子怒曰。多陵人者皆不在。【詰】爾雅。在終也。知伯其能久乎。中行文子告成子曰。有自晉師告寅者。將爲輕車千乘。以厭齊師之門。則可盡也。成子曰。寡君命恒曰。無及寡。無畏衆。雖過千乘。敢辟之乎。將以子之命告寡君。文子曰。吾乃今知所以亡。君子之謀也。始衷終皆舉之。而後入焉。今我三不知而入之。不亦難乎。公患三桓之侈也。欲以諸侯去之。三桓亦患公之妄也。故君臣多間。【詰】賈逵云。閒隙也。史記集解。杜取此。公遊于陵阪。【詰】服虔云。陵阪地名。同上。遇孟武伯于孟氏之衢。曰。請有問於子。余及死乎。對曰。臣無由知之。三問。卒辭不對。公欲以越伐魯。而去三桓。秋八月甲戌。公如公孫有陘氏。因孫於邾。乃遂如越。國人施公孫有山氏。悼之四年。晉荀瑤帥師圍鄭。未至。鄭駟宏曰。知伯悞而好勝。早下之。則可行也。乃先保南里以待之。知伯入南里。門於桔柣之門。鄭人俘鄴魁壘。古今人表作鄴魁壘。賂之以知政。閉其口而死。將門。知伯謂趙孟入之。對曰。主在此。知伯曰。惡而無勇。【詰】高誘。呂覽注。惡醜也。杜本此。何以爲子。對曰。以能忍恥。庶無害趙宗乎。知伯不悞。趙襄子由是甚知伯。【詰】小爾雅。甚。忘也。案駁杜訓爲長。遂喪之。知伯貪而悞。故韓魏反而喪之。